





机學編

北京大學《儒藏》編纂與研究中心

圖書在版編目(CIP)數據

儒藏. 精華編. 一一二/北京大學《儒藏》編纂與研究中心編. 一北京:北京大學出版社,2014.5

ISBN 978-7-301-11830-6

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館 CIP 數據核字(2014)第 063448 號

書 名: 儒藏(精華編一一二)

著作責任者:北京大學《儒藏》編纂與研究中心 編

責任編輯:沈瑩瑩

標準書號: ISBN 978-7-301-11830-6/B • 0516

出版發行:北京大學出版社

地 址:北京市海淀區成府路 205 號 100871

網 址: http://www.pup.cn 新浪官方微博:@北京大學出版社

電子信箱: dianjiwenhua@163.com

電 話: 郵購部 62752015 發行部 62750672 編輯部 62756694

出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 33.5 印張 470 千字

2014年5月第1版 2014年5月第1次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究

舉報電話: 010-62752024 電子信箱: fd@pup. pku. edu. cn

教育部哲學社會科學研究重大課題攻關項目

北京 大學「九八五工程」重點項目國家 社會 科學基金 重大項目 目「十一五」國家重點圖書出版規劃項目・重大工程出版規劃

《儒藏》精華編第一一二册

首席總編纂 季美林

項目首席專家 湯一介

總

編

纂

湯一介

龐

朴

孫

册主編 陳静 李存山

本

放善 安平秋 (按年齡排序)

儒藏》精華編凡例

爲儒 則的 典 家 經典和 籍的 、中國傳統文化以儒家思想爲中心。 叢 編。 反映儒家思想 收書時 限自先秦至清代結束 、體現儒家經世做人原 《儒藏

藏 》中的 一、《儒藏》精華編爲《儒藏 精要書籍 影的 一部分,選收《儒

寫者一 互見。 漢文寫作的 已收入入選的個人叢書或全集者,僅存目録,並 分類法分類,大類、小類基本參照《中國叢書綜録 土文獻。 中國古籍善本書目》,於個別處略作調整。 三、《儒藏》精華編所收書籍,包括傳世文獻和 律收其釋文文本。 出土文獻單列爲一 傳世文獻按《四庫全書總目》經史子集四 儒學著作,編爲海外文獻部類。 韓國、日本、越南儒學者用 個部類,原件以古文字書 凡單 注 》和 明 書 部 出

> 和 獨 立

四、所收書籍的篇目卷次,一仍底本原貌,不選

編,不改編,保持原書的完整性

五、對入選書籍進行簡要校勘。

以對校爲

主,

爲主,酌校異同。 勘價值的版本爲校本。 確定内容完足、精 校記力求規範、精煉 確率高的 出校堅持少而精 版本爲底本,精 以以 校正誤 選 有校

例,進行規範化標點 六、根據現 行 標點 專名號除書名號用 符號用法,結合古 籍 角 標 號(《》) 點通

外,其他一 律省

落。 正文原已分段者,不作改動。千字以内的 七、對較長的篇章,根據文字内容,適當劃分段 短文

般不分段。

及其他 及整理時所確定的底本、校本(舉全稱後括注簡稱 介紹作者生平、該書 八、各書卷端由整理者撰寫《校點説明》,簡 有關情況。 重複出現的作者,其生平事蹟按 成書背景、主要内容及影 響,以

要

九、本書用繁體漢字豎排,小注一律排爲單行。

出

現

順

序

前

詳 後

略

經部 四書類《儒藏》精華編第一一二册

四書總義之屬

四書纂疏〔南宋〕趙順孫

1

四書纂疏

〔南宋〕

陳 趙順孫

校 撰點

四〇二

四二九

四五三

四二九

五.

四九三

五二

四七二

四七二

三七八

[11]11[11]

三五六

三七八

二八一

二七六

二八一

| 梁惠王章句上 六九三 | 孟子卷第一 六九三 | 朱子集註序説 | 孟子 六八八 | | 堯曰第二十 六八二 | 子張第十九 六六七 | 論語卷第十 六六七 | 微子第十八 六五六 | 陽貨第十七 六三七 | 論語卷第九 六三七 | 季氏第十六 六二五 | 衛靈公第十五 六〇六 | 論語卷第八 六〇六 | 憲問第十四 五七八 | 子路第十三 五六三 | 論語卷第七 五六三 | 顏淵第十二 五三四 | |
|------------|------------------|-----------|--------------|-----------|------------------|-----------|------------------|------------|------------------|------------------|-----------|------------|------------------|-------------------|------------------|------------------|------------------|--|
| 萬章章句下 九二五 | 孟子卷第十 九二五 | 萬章章句上 九〇五 | 孟子卷第九 | 離婁章句下 八七八 | 孟子卷第八 八七八 | 離婁章句上 八四九 | 孟子卷第七 八四九 | 滕文公章句下 八二九 | 孟子卷第六 八二九 | 滕文公章句上 八〇二 | 孟子卷第五 八〇二 | 公孫丑章句下 七八三 | 孟子卷第四 七八三 | 公孫丑章句上 七四三 | 孟子卷第三 七四三 | 梁惠王章句下 七一八 | 孟子卷第二 七一八 | |

| 目録 | 盡心章句下 | 孟子卷第十四 | 盡心章句上 | 孟子卷第十三 | 告子章句下 | 孟子卷第十二 | 告子章句上 | 孟子卷第十一 |
|----|-------|--------|-------|--------|-------|--------|-------|--------|
| | | | 1 | tı | ħ | 九 | | |
| | 011 | 0111 | 九九五 | 九九五 | 九七六 | 九七六 | 九四五 | 九四五 |

==

校 點 説 明

四

公之殁也,兩官北上九浹旬矣」。 趙順孫「位二府、法宜有諡於太常、有傳於國史。 賈似道,出知平江府兼淮浙發運使。 淳改元(二二六五),爲秘書郎兼崇政殿説 祐十年(一二五〇)賜進士出身,除秘書省正字。 二二)賜童子出身。 江縉雲縣)人。八歲能頌説九經,嘉定十五年(一二 (一二一四—一二七六)字和仲,號格庵,縉 六)卒,年六十有三。元黄溍《格庵先生趙公阡表》稱 同 書纂疏》二十六卷,南宋趙順孫撰。 知樞密院事 真德秀見而奇之,多有稱譽。 兼參知政事。 趙順孫喪於宋元代 景炎元年(一二七 復召陞吏部 書。 雲(今 趙順 後忤 尚 咸 淳 浙 而

孫 璘 順孫得家學之傳,爲朱子三傳弟子。 趙 順 孫學宗朱子,其父 趙 雷,師事朱子門 終身用力於 人 意 滕

若干,並藏於家。

惟《四書纂疏》行於世。

中興名臣言行録》若干卷《文集》若干卷以

及

《纂疏》。」《纂疏》備引朱子之説以翼《章句》、《集注 人講解有可發明注意者,悉彙注下,以 精密,其語簡嚴,渾然猶經也。 規模、《四書纂疏》及順孫前輩真德秀之《四書集編》, 使讀之者如侍考亭師友之側。 淑與《集註》相發者,纂而疏之,間以所聞附於其後, 序稱"「格庵趙 凡十三家,皆爲朱子之學者,基本上不旁涉。 沈、葉味道、胡泳、陳植、潘柄、黄士毅、真德秀、蔡模 所旁引者,主要有黄幹、輔廣、 有功於四書,格庵又有功於朱子矣。」朱子學之漸成 ___ 四書,溯求考亭之原委,自謂:「朱子四 日,一開卷盡得之,博哉書乎!」應俊序稱:「朱子 公復取文公口授及門人高弟退 陳淳、陳孔碩、蔡淵、 因編取朱子諸書及門 所問 非一人,所答非 便觀省, 書注釋,其 洪天錫 名日 而 私

功不可没。

校 點 説 明

還

有《近

思録精義》若干卷、《孝宗繫年録》若干卷、

順

孫好學博

敏,著述

頗 豐。《

四

書纂疏》之外,

變之際,非惟於史無傳,且有變節之譏,亦大不幸矣。

者,家 本 傳,所著《四 ~~ 四 編刊《通志堂經解》,盡納其師徐乾學所藏宋元舊 有 四 書 書纂疏》影響甚大、《趙公阡表》稱「 其 纂 書纂疏》,天下咸所傳誦。」清初,納 疏 》屬 明初 焉。 鄭 乾隆 真亦謂: 帝 則 「趙 納 此 公上承朱子之 書爲「欽定御 四 一方學 蘭成

鑒」之書。

《孟子纂疏》之成書,又在《中庸纂疏》之後矣。 明《文淵閣 祐(四 刊《中 俊序又稱:「格庵趙公始作纂疏,搜輯一門師友之 之成書當在此前(牟子才《大學章句疏序》已佚)。 文志》載 何時匯刊而稱《四書纂疏》,已於史無考。《宋史·藝 句》。」此序作於寶祐四年(一二五六),則《大學纂疏 言,字字研覈」,「《論》、《孟》成,會縉雲令王君既 「予既爲 《纂疏》乃漸次成書。 明志》卷十三已著録《四書纂疏》二十 庸》、《大學》,遂併列於學官。」則《論 録,只 ,趙君序《大學章句疏》矣,趙君又疏《中庸章 書目》卷一天字號第一橱載。 有 「趙 順 孫《中庸纂 牟子才《中庸纂疏序》稱: 疏》三卷」, 語纂 ○四 一册矣。 而 書纂 究竟 濟已 元 疏》、 應 延

爲二十七卷、二十八卷,蓋分卷不同矣。疏》,一部二十册。後來書録,或載爲二十六卷,或載

二十八卷。 刊本。 疏》,書前提要稱「二十七卷」,實則二十八卷。 提要則稱「二十八卷」,實則《中庸纂疏》分爲三卷,總 本、《總目提要》稱「内府藏本」、二十六卷。 説,稱其所據版本爲「汲古宋本」。 七八五)補刊本、同治十二年(一八七三)粤東書局 初刻於康熙十九年(一六八〇),後有乾隆五十年(一 四書纂疏》現存最早版本,爲《通志堂經解》本, 此本二十六卷、《通志堂經解目録》引何焯之 摘藻堂《四 庫全書薈 要》所 另有《四 録《 館 庫全書》 四 臣 進 呈

子語類》等加以校訂。 文淵閣《四 訛 爲校本(簡稱「四庫本」)。 録《四書纂疏》經館臣精校,可資校正底本和校本之 底本,以上海古籍出版社 (簡 此次校點整理,以通志堂康熙十九年初刻 稱「四庫 庫全書》本 薈要本」)。 相關典籍, 凡於底本有所改變,均出校記 影 摘藻堂《四庫全書薈要》所 某些文義 印 文淵 如《二 閣 難 四四 程全書》、《朱 通 之 庫 處, 全書》本 本爲 則 以

録,列於書前,以便讀者檢閱。說明并注明根據。底本原無目録,現依正文編製目

校點者 陳

静

趙 氏 四書纂 流疏序

注焉 其下。 《中庸》,先之以《章句》,次以《或問》,閒以所 聞 采《或問》、《集義》、《詳説》、《語録》所載分 其書一以朱子爲歸,不雜異論。 有 清 附其後,又以《語録》暨諸儒發明大義者 源 格 於《論語 菴 洪 趙氏《四 天錫 序,而 》、《孟子》,則 書纂疏》共二十六卷。 陵陽 牟子才又分序之。 一本《集注》 於《大學》、 前 注 而 稱

復取石子重《集解 子,會衆説而折其 爲《集注》也,取二程、張、范、二吕、謝、游、 昔朱子之爲《章句》也,《大學》 (中,《中庸》則以己意分之, 》删其繁,名以《輯 略》。其 則 宗程

> 問》。 注》之精粹,則是書之有功於朱子多矣。 問》、《語 不得」。 句》之外,記其 然後約其精粹爲《集注》。 楊、侯、尹十一家之説,輯爲《要義》,更名之 諸家之言爲《訓蒙口義》,更名之曰《詳 曰《精義》,載更《集義》;又本注疏參説,又會 E 稱 今學宮所頒《四書大全》,蓋即倪仲 若是其嚴密也。 來無異,不高不低」,又言「添減 録》以觀其全,無 然學者非 所辨論 康熙丁巳納蘭成德容若序。 由《集 朱子自言「《集注》如 取舍之意,别爲 義》、《詳説》、《 由審《章句》、《 而於《集注》、《章 而刊行之, 弘之 説 《或 集 或 字

《輯釋》,而是編之流傳者少,乃較 俾相爲表裹云。

四書纂疏序

約。 皆 博 言各有當也 好 用 有 文,而詳説 然學者 源 徒博則雜 歸 或 問 ,顯微無間。」李延平聞之曰:「此 着 尹 須 方 和 乃 理 可 蓋 静讀《易傳》之法,和 所以 徑 會 學不 及 約 六十四 此。」二先生 反 則 可 約 孤 以 也 卦、三 徒博,亦 此約 豈 百 禮必先 静曰: 六十 異 不 旨 口 之以 以 哉 四 語 爻 徑 ? 固 體

所以 H 又 、作《詳説》; 集註 以 精 去取之意爲《或 文公朱子之於《論》、《孟》,既 》乃《集義》之精髓, 密 Mi 既約其精 或 問 問 遂 者爲《集 不 其後《 復 字秤輕等重 修。 註》,又 《集註 成《 文公 集 自 疏 删 義 不不 謂 改 其

> 可 增 減 _ 讀 \sim 論 \approx <u></u> 孟 **>** 者, 取 足 是 書 焉

可也。

以 以 聖賢之意哉? 書乎 問 分先後者。 文直 終夜思索而未安,學者以易 食 附 侕 章之旨,一字之義,或 前 於其 有 也 非 私 説 功於後 解,不以 1 淑 一人,所答非 格菴趙公復取文公口授及門 知 後 與《 爲 然非約之外有所謂 味 正者; ,使讀 集 者 設非 學 先 鮮。 註 也 後爲 之者. 如 有二説 相發 親 文公一 援 聞,未易 月, 高 先 如侍考亭 者纂 下者; 儒 相須,其 數 生 與 年 開卷盡得之,博 而 博 意 諸家 心讀 精 更 有二 疏 也。 師 逆,此 易 力 義 之, 友 説 之説,有 之,豈能 多 始 而 人莫不飲 人高 之側 間 在 後 備 俱 纂 以 此 不 定, 通 疏 弟 所 隨 所 可 終 得 或 哉 所 聞 退

教,且命之日 僕 晚 未 聞 序以 道 幸子。 加 以 衰 竊 聵 惟 廢 學, 論 公 念孟 不 腦 唇

蔇,何 錫 處 在吾胸中,正 解,只正經足矣。 去,不用或問,只註解足矣。久之,不用註 學》一書,有正經,有註 存 精粗,無敢偏廢」之説,又於《集義》,而得「操 深思、優游涵泳」之説,於《訓蒙》,而得「本末 書,文公凡幾序矣。僕於《要義》, 序。 也。 涵 養,體驗充廣」之説,終身受持,猶 敢復措一辭! 僕 於《集註 經亦不用矣。」此文公喫緊教人 又久之,自有一部《大學》 纂疏》亦云。 抑文公曾有言曰:「《大 解,有或問。看來 清源洪天 而得「熟讀 戄 看 不

13

四書纂疏序

子朱子《四書註釋》,其意精密,其語簡

嚴,渾然猶經也。

順

孫舊

[讀數

百

過

茫

若

望

發明註意者,悉彙于下,以便觀省。閒亦以洋。因徧取子朱子諸書及諸高第講解有可

鄙見一二附焉,因名曰《纂疏》。

顧

子朱

子之

達、公彦後,祗不韙爾。遇大方之家,則斯疏奥,順孫何足以知之,架屋下之屋,强陪於穎

也當在所削。

後學趙順

孫書。

匹

四書纂疏引用總目

晦 庵先生 《易本義》《啟蒙》《詩集解》 《太極解

通書解》《西銘解》《文集》 《語録

論語通釋》 《孟子講義》

三山黄氏幹,直卿。 諸經講義》 《文集》 《語録

慶源

輔氏廣,漢卿。

《論語答問》

《孟子答問

臨漳陳氏淳,安卿。 《大學口義》

《中庸

義

字義》 《文集》 《語録

三山陳氏孔碩,膚仲。《大學講義》 《易傳》 中庸 通 旨

《中庸講義》

建安蔡氏淵,伯静。 《中庸思問》 化原問辨》 《大學思問 《性情 幾要》

建安蔡氏沈,仲默。 《書傳》

栝蒼葉氏味道,知道。 《講義》《文集

> 南康 胡氏泳,伯 量。 (論語

行説》

永嘉 陳氏墳、器之。 《經説》 《木鍾集

三山潘氏柄,講之。 《講説

建安真氏德秀、景元。 莆田黄氏士毅,子洪。 《講義 《大學衍義》

《讀

書記

建安蔡氏模,仲覺。 《大學演説》

《論語集疏

《文集》

《孟子集疏》 《講義》

《纂疏》所載二黄氏、三陳氏

惟勉齋、北溪不書郡,餘以郡

更不别異。

書。

若三蔡氏,則一門之言,

讀大學章句綱領

後學趙順孫纂録

去看。《語録》○陳氏

日

《大學章句》已示學者

一定之

子

細

洽。 《章句》。 語 得,次將《章句》來解本文,又將《或問》來參 録 既逐段曉得,却將來統看温尋過。 看《大學》,且逐章理會。 須逐一令記得,反覆尋究,待 須先讀本文念 、 《 朱 子 他 浹

許多工夫,亦看某底不出,不用聖賢許多工 學》在我胸中, 之,又只看正經便了。又久之,自有一部《大 看 [來看去,不用《或問》,只看注解便了。 久 《大學》一書,有正經,有解,有《或問》。 而正經亦不用矣。然不用某

説,而今有注解。 夫,亦看聖賢底不出。《語録 伊川舊日教人先看《大學》,那時未解 覺大段分曉了,只在

下,皆有深意寓乎其間。」○陳氏曰: 曰:「朱子《大學》修改甚多,三四十年,日夜用工,不 曰:「某一生只看得這文字透,見得前賢所未到處。」〇黄氏 在此書,先須通此,方可 理出焉。」 準,只直案他見成底熟,就裏 一日教看《大學》。曰:「我平生精力盡 面 看意思滋味,便見 讀 他書。」《語録》〇 「朱子一生精力在是 得 無窮 肯 又 輕 義

未喻,則易枯,必於《或問》詳之。 則易泛,必於《章句》約之。」 真切,而詳其義於《或問》,又明實敷暢。 之。《語録》○陳氏曰:「《大學》約其旨於《章句》,已的 《大學》解本文未詳者,於《或問》中則詳 《或問》中太博而或未貫 《章句》中太 簡 而 或 確

至屬纊而後絕筆,爲義極精。」

《或問》未要看,俟有疑處,方可去看。

意較難理會,不得不明辨之耳。」學章句》次序得皆明白易曉,不必《或問》,但致知格物與誠曉。而今學者未有疑,却反被這箇生出疑。」○又曰:「《大曉。」○又曰:「《大時,所以設此,要他通

大學章句序

後學趙順孫纂疏

於天,性是這箇理,氣則已屬於形象。 惡,只緣氣質之稟各有清濁。」○又曰:「氣出於天,理亦出 節底道 和慈愛底道理,義則是箇斷制裁割底道理,禮則是箇恭敬撙 简道理。」蓋自天降生民,則既莫不與之以仁、 曰:「天地間 不能皆有以知其性之所有而全之也。《語錄》 心,乃是性之本體。」然其氣質之稟或不能齊,是以 義、禮、智之性矣。《朱子文集》曰:「天之生物,各付 也。《朱子語録》曰:「《大學》之教,所以教人先要理會得 性。性非有物,只是一箇道理之在我者耳。仁則是箇温 《大學》之書,古之大學所以教人之法 理,智則是箇分別是非底道理。凡此四者,具於人 只是一箇道 理,性便是理。人之所以 性之善只一般,氣便 有 善有

聖人都是如此,及至孔子方不然。 決不但已,必統御億兆之衆,人亦自是歸他。 定是爲億兆之君師 天命處?」曰:「此也如何知得? 問: 得,也做出許多事來,以教天下後世,是亦天命也。」〇又 則一箇説白,一箇説黑,如何遏伏得他。」○問: 要他作之君,作之師。書中多是説聰明,蓋不是聰明底人, 其性。《語録》曰:「主宰底驀忽生得箇人,恁地聰明,便是 一有聰明睿智能盡其性者出於其間,則天必 陳氏曰:「流行乎一身之間者,是氣,凝定成形者,是質。 偏全。謂如日月之光,若在露地,則盡見之。若在蔀屋之下 陽五行之氣衮在天地中,精英者爲人,查滓者爲物,精英之 之稟?」曰:「氣是那初稟底,質是成這模樣了底,只一箇陰 命之以爲億兆之君師,使之治而教之,以復 有所蔽塞,有見有不見。 中又精英者爲聖爲賢,精英之中查滓者爲愚爲不肖。」〇 曰:「秦漢以來,講學不明,世之人君間 有不齊處。」〇問:「既與之以仁、義、禮、智之性,又有 「氣質有昏濁不同,則天命之性有偏全否?」曰:「非有 ,便是天命之也。 昏濁者是氣昏濁了,故自蔽塞。」〇 只是纔生得 雖不爲帝王,然也閑他 他既有許多氣魄才德 有因其才質之美做 如三代己前 一箇恁底人。 「何處見得

也不得,慢也不得,久之都换了他情性。」 從事於此物,束得心長在這上面。 切,變教胄子只用樂,大司 教法:禮、樂、射、御、書、數,不可闕 司 繼天立極,《語録》曰:「天只生得許多人物,與你許多道 師道則絶無矣。」此伏羲、神農、黄帝、堯、舜 得功業,然無人能知明德、新民之事,君道間 ,然天却自做不得 徒之職、典樂之官所由設也。 蓋天做不得 底,却須聖人爲他做,此繼天立極也。」而 ,所以必得聖人爲脩道立教,以教化百 徒之職也是用樂、蓋是教人朝夕 蓋爲樂有節奏,學他 《語録》曰:「古者 就中樂之教尤親 有得其 二, 所 底急 以

學了,大來都不費力。」〇又曰: 節 已,未便説到 知智愚,皆當教之。」而教之以洒埽、 及間巷,莫不有學。 下至於庶人之子弟,皆人小學,陳氏曰:「初閒未 語録》曰: 三代之隆,其法寖備,然後 録》曰:「古人初學,只是教他洒 「古人如禮、樂、射、御、書、數,大綱都從小學中 天理 處。」 禮、樂、射、 人 生八 一今則 御、 、歲,則 無 王宫、 應對、進退之 所用乎 埽 書、數之文; 、應對 自 御 王公以 或 、進退 如禮、 都 以 而

當建國爲侯,公、卿、大夫、元士之適子,當有家之責,故 矣,故人大學。須有别:天子之元子,當有天下之責, 之俊秀,皆人大學,陳氏曰: 則天下之字皆可通矣。」〇愚考之《内則》「成童學射御」,注 字是諧其聲也,考老字是假其類也。 衆子,以至公、卿、大夫、元士之適子,與凡民 教其儀式爾。

及其十有五年,則自天子之元子、 謂「年十五以上」。 是字法否?」曰: 樂、射、書、數,也是合當理會底,皆是切用。」〇問 「此類有數法: 以理推之、射、御非幼年之所能、小學先 如日月字是象其 「到十五年,則智愚 如此 數 法,若理 形也 書 一、江河 莫只 叮

歷通達 小學教之以事,便自養得他心不覺自存了。 是教他依此規矩做去,大學是發明 學校之教、大小之節所以分也。 在所教。庶人則唯俊秀者乃得與,以其亦將任之以位也。」 委曲,其所以事親是如何,事長是如何。」〇又曰:「小學只 者,學其事。 而教之以窮理、正心、脩己、治人之道,此又 只是一箇事,小學是學事親、學事長。 事物 「將無所不能。」○又曰:「古者小學已自是聖賢 大學者,學其小學所學之事之所以。」〇 此事理。」〇又曰:「占人 大學 《語録》曰: 到 **丁便就** 得漸長 Ŀ 又日 面 「小學 衆子 講 究 見

大學工夫,方知箇天理當然之則。」
「如小學,前面許多恰似勉强使人爲之,又須是恁地勉强,到了,根基已深厚了,到大學只就上點化出些精彩。」〇又曰:「如小學,前面許多恰似勉强使人爲之,又須是恁地勉强,到大學工夫,方知箇天理當然之則。」

皆 次第 着頭只管做將去底意思。」此古昔盛時 當爲,而各俛焉 者 用 「本之人君躬行心得之餘,不待求之民 ,俗美於下, 彝倫之外,是以當世之人無 節目之詳又如此,而其所以爲教,則 夫以學校之設,其廣如此,教之之術,其 不有以 知 丽 以 其 非 盡 性 後 其力。《語 分之所固 世之所 能 不學。 録 [有,職 及也 》曰:「俛字是刺 所以治隆於 其學 分之所 生 焉 日 又

聖 脩,教化陵夷,風 一,而)王之法, 及周之衰,賢 不得 誦 君 師 而 之位 傳之以 俗 聖之君 頹 以 敗,時 詔 行 後世。 其政教,於是 不作,學校之政 則 有 若《曲 若 孔 子之 禮 獨 取 不

《少儀》、《内則》、《弟子職》諸篇,固小學之支 明明 了, 外有 先生之禮 流 鮮 善其身便了? 詳 子 獨得其宗,於是作爲傳義,以 新民」。三千之徒,蓋莫不聞其説, 便是規模之大。」〇又曰 此篇者 者也。 矣 没 餘裔,三山 而内做工夫以實之。 德、新民、止於至善及明明德於天下爲事,不成只要 以 圃 極 ,其條 ,則因小學之成 其 《語録》曰:「明德 其規模之大,而 傳 須是志於天下,所以 目品 陳氏曰: 泯 節甚 焉, 所謂 「觀其所記 悉 須 ,則知 則 規模之大,凡人爲學,便 先 功,以 新 其 識 民 内 其爲小學之書 得 書 便是 《大學》第二句 ,皆弟子事父兄、 有以盡其節目之 外 著大學之明法 雖 發 面 節 存, 其 而 目。 箘 意。 曾氏 規 明矣。」而 止於至善 而 模 便説 、童子事 如 知 及 之傳 此 在 者 孟 獨 大

學之有本,而 於小學而 自 是 以 無 所以求於書,不越乎記誦 用, 來,俗儒 《文集》曰 記 誦 「自聖學不傳,爲士 詞 訓訓詁 章之習,其 文詞 之間 者不 功 是 倍 以 知

没柰何。」 只恁 日 與 麗 天下之書 虚 夫 議 無 地空空寂寂 一吾 論 百 寂 儒 愈高 家衆 其 愈 更着 滅之教,其 多 他 而 而 讀 技 權 恁 其德業事功之實,愈無以 理 書 愈 之 謀 地 逐 昧,學者之事愈 便 流,所 術 高 道理 就 數 過 事物 都 於大學 以 1 上 惑 切 ,若將些子事 理 會 世 以 勤 丽 道 脯 就 逮乎古人。」 誣 理 無 心 民 功 他 愈 實。 名之説 放, 付之,便都 便 充塞仁 都 詞 異端 語 :埽了, 章 録 愈

隨世以 其君 及 欲熾,道學不傳 而 者 不 五季之衰,而 子不 得蒙至治之澤,晦 ,又紛然雜 就功名者,未必自 幸 愐 而 異 不 壞 端 出 得 起,人 亂 乎 其本而推之。 聞 其 極 大道之要,其小 間。 矣! 盲 否塞,反 私 《文集》曰 智以 是以天理 馳 鶩 覆 於 「秦漢以 沈 人不 不 世。 痼 明 而 來 以 幸 使 人

之次 孟 休 明。 氏 之傳。 其簡 天 運 於是 循 編 實 河 環 發 始 南 無 其 尊 程 往 歸 信 氏 趣, 不 此 兩 復。 篇 夫 然後古者大學教 子 而 宋 表章之, 出 德 而 隆 有 盛 既 以 治 又 接 爲 平 教

> 之法、 附 猶 二月甲子,新安朱熹序。 脩己治人之方,則 踰,無所 熹之不敏, 己 頗放失,是以忘其 意,補 聖 經 逃罪,然於國 亦 賢 其 幸 闕 傳 私 之指 略 未 淑 以 固 必 而 家化民成 俟 粲然: 無 哂 與 後之 , 采而輯之, 間 小 有 復 補 聞 君 明 云。 焉 俗之意、 子。 於 淳 世 顧 熙 極 其 己 學 亦 知 爲 雖 西 者 僭 竊 書 以

六

差矣。

朱子章句 後學趙順孫纂疏

已立矣。」學者必由 學所鄉,却讀 賢爲人切要處。 《孟》次之。《語録》曰:「《大學》、《語》、《孟》,最是聖 惟《大學》一書,是曾子述孔子説古人爲學之大方,而門 何處,明日行得到何處,方可漸到那田地。」而《論》、 獨賴此篇之存、《語錄》曰:《大學》一書,如一部行 子程子曰:「《大學》,孔氏之遺書,而初學 程曆相似,皆有節次。今人看了,須是行去,今日行得到 人德之門也。」於今可見古人爲學次第者, 人又傳述以明其旨,體統都具。 《語》、《孟》,便易入,後面工夫雖多,而 然《語》、《孟》却是隨事答問,難見要領 是而學焉,則庶乎其不 玩味此書,知得古人爲 大體

大學之道,在明明德,在親民,在止於至善。 性。 也。 也。 其具衆理者之所爲也。 爲性,而無具衆理以下之事。」〇黄氏曰:「虚靈不昧,明 聽之,則猶有形象也。若心之虚靈,何嘗有物?」〇又 視聽所以視聽者,即其心也,豈有形象? 理。」而虚靈不昧,以具衆理 之於天而方寸中光明底物。」〇陳氏曰:「是得乎天之 明德者,人之所得乎天、《語録》曰:「明德是我得 明之也。葉氏曰:「上一箇明字,謂用意去明此明德 學也。蔡氏曰:「大人之學者,兼齒德而言也。」明, 曰:「虚靈不昧,便是心。 故曰明之也。」○蔡氏曰: 程子曰:「親,當作新。」〇大學者,大人之 《語録》曰:「虚靈自是心之本體,非我所能虚也。 應萬事者,德之用,已發者也。 具衆理、應萬事,德也。 隨感而動,便是情。」〇又曰: 一禪家但以虛靈不昧者 以其所以爲德者皆虚 此理具足於中,無少欠闕,便是 「明之者,猶言澡雪揩磨 具衆理者,德之體,未發者 愐 而所以應萬事者,即 應 然有耳目以 萬 事 靈 而 者 耳目之 不昧 也。」 也 視

学

大

七

八

見得理 既 不無清濁、 之於味,鼻之於臭,四肢之於安佚,所以不明。]〇 或工於百工技藝而 或 録》 爲 者,德之體; 心 謂 的 具衆理、應萬事,包體用 曰:「上天以此而均 處皆礙。]〇又曰: 人,便是有所通、 言。一〇又曰: 之氣,理與氣合,所以 故 純祭昭 通於彼而塞於此。 生,感物 正而可 確渾圓,無可 謂之明 Ě 氣 稟所 到得 「氣稟所拘,多只通得 以 著 德 而 厚薄、强弱之殊,此所謂氣稟所拘也。 齊家、 也。 也。」〇陳氏日 應萬 不昧處 拘 動 「只虚靈不昧四字説明德,意已足矣。 破綻處。]〇蔡氏曰: 則耳 有 知覺者,物 事者,德之用。 人欲 治國、平天下 所蔽。 「物欲所亂,如目之於色,耳之於聲, '赋乎人,但人之始生,氣以成形,而 不解讀 ,便見得 有人能 自 虚 П 在其中,又却實而不爲虚。 靈。 所 鼻四 是他性中只 格知 書, 蔽 盡通 理。 然虚 人生得不 I 肢 不 或只知孝於親 至也; 路,或厚 也。 天下利 則 虚 用 靈 靈以 能無欲 固 天地之理,又得天 有 虚 德即 不離 通 純瑩昭著者,意誠 字,只見得氣, 於此 時 得 害 靈謂知覺,不 氣言,不昧以 理也,具 而 乎 而 此所謂 路 而薄於 不識 體 而薄 香 也。」 故 及人之 義 蔡 於 衆 其 更説 於 物 彼, 理, 但 未 欲 氣 氏 П 他 他 語 理 昧 言 理 地

醒。 黄氏曰: 於此明去。 之氣,好惡與 特言人雖昏慣,忽有 便明將去。」〇又曰: 而欲明之,只這知其 接續光明之,則其全體可 蔽之極,而其善端之發終不可絶,但當於其所發之端 如此推之極多。」〇又曰:「人之明德,未嘗不明。 惻隱,見尊賢而恭敬,見善事而歎慕 時時發見於日用之間。 遂明之,以復其 露,此所謂未嘗息也。」故學 昏蔽之極,而其本體之明終不可得而泯没,必 ○又曰"「本是至明物事,終是遮不得。」○ 嘗息者。 者,於是乎有時而昏矣。」然其本體之明,則有未 所蔽也。 學者貴復其初。 「明德者, 氣稟拘之,物欲蔽之,則人之所得於天之本 正如人醉 《語録》曰: 人 相 近 不明 醒時,初不分體用。二〇又曰 體 「明 初 醒,初間 固是 至於已到 如見非 「此是本領,不可不 也 (明德是明此德,只 而欲明之者,便是明德,就 以常明。 用,無時 發 處。 者當 少 《語録》曰: 地位,則不着箇復字。」〇 義 一醒,至於大醒,亦只是 丽 處 而 且如人知己德之不 羞思,見孺子入井 不明 事 因 ,皆明德之發見 接 有 也 物 見 明 其 蔡氏日 Щ 如 德未嘗 因其所發 此 行 所 有 點 雖 説 其 時 平 發 明, 所 破。 這 其 而 也 息 而 且 便 明 昏 而 雖 明 當 裹 丽 發

24

之污 也。 之功 其 吾誠 何? 之,則 然,讀 日 便住,不可 求其至,既至其地則不當遷動而之他。」○又曰:「未到 必至於是 舊,非是去外面討來,昨日之舊乃是今日之新。」〇又曰 德, 又當 也。」新者,革其舊之謂 氣稟物欲 ○蔡氏曰 既是明得 「是者,指至善而言。」至善,則 則 刻則 意正心脩身之實,如此 蔡氏曰:「凡事理皆有當然之則。 也。 若火然泉達 書 至善也。 玩 雖 玩 所累,而 調止, 釋思 此 理 推以及人,使之亦有以 有 「學者當 《語録》曰:「新是對舊染之污 而 理,須 而 萌蘗之生,牛 家以 喜其所可法,皆是發處 不至於當然,不足以爲善,不至於當 不遷之意。 到得此而 有 當 有以全其本體之明,此 因 盡 不可禦者。 推以及人,使各明其德。」上 其發端之明 吾格 不能守,亦不可言止。]〇蔡氏 物致 而後能明之,以 羊又從 也。 《語録 知之功 而遂明之,使超 發 言既 而牧之矣。 者 事 Ĕ : 自 其當然者 理當然 ,戒謹恐 發 因 去 「未至其 自 所 復其 其發 而 而 其 明 謂復其 言。 不 懼 明之如 善也 然不爲 加 而 初 之極 其 舊 新 者, 也。 地 以 明 遂 染 明 然 則 此 與 初 致 之 明

> 所謂 無一 略略 不遷。 領 之極者,即 釋至善,既曰『事理當然之極』,又曰『盡其天理之極』,則 命之性,而道之大原大本固已涵蓄該貫於其中。 指事物當然之理,而明德、 至於至極處。」蓋必其有以盡夫天 〇又曰: 理,在他雖不能,在我之所以望他者 己也要止於至善,人也要止於至善。 也。」言明明德、新民 之極,不足以爲至善。 也。 事理當然之極者,即物物各具 底明得便了,新民不是只略 豪人欲之私也。蔡氏曰:「經濟至善,雖 《語録》曰:「止於至善,是包在明明德 黄氏 「明德、新民二者,皆要至於極處。 萬物 日 統 體一太極也。」此三者,大學之綱 明明德、 至者,極也。 皆當 新 新民、止至善,此八字已括 民,推 略 止 其至 底 至善,猶言至極之理 ,則不可 於至 蓋天下只是 太極也;所謂 新得 極之理 理之極 便休, 善之地 明 不 德 如 是 在 《章句 須 不 是 新 天理 是要 箇 即 岩 是 也 民 而 而 天 近 只 道

一篇之意。」

何也?」曰:「此對小子之學言之也。」或問:「大學之道,吾子以爲大人之學,

0

學,則無以 國、平天下之道是也。」曰:「敢問其爲小子之 於手足動之不以禮,皆是放也。 思,意有妄念,耳聽邪言, 道,而又欲其考乎小學之書,何也?」 務其近者小者,今子方將語人以大學之 是。」曰: 小學書綱領甚好,最切於日用,雖至大學之成,亦不外 看小學之書,那箇是做人底樣子。」〇陳氏曰:「朱子 者不可以不之考也。」《語録》曰:「後生小子且 古法之宜於今者,亦既輯而爲書矣。學 學何也?」曰:「愚於序文已略陳之,而 御、書、數之文是也。 大人之學:窮理、脩身、齊家、治 曰:「學之大小,固有不同,然其爲道則 文集》曰:「古之爲教者,有小子之學,有大人之學。 而已。 「吾聞君子務其遠者大者,小人 洒掃 是以 收其放心,養其德性,而爲 《語録》曰:「問:「放心者,或心起 應對、進退之節,詩、書、禮 方其 目 一觀亂色,口談不道之言,至 幼也,不習之於 收者便於邪思妄念處 、樂、射 小 大 邪

也。 以察夫義理,措諸 而行之大者也。」非若古今之辨,義利之分, 大學之序,特因小學已成之功。是則學之大小 仁、義、禮、智、信是也。 性也。』曰:"【然。」」○真氏曰:「德性謂得之于天者」 此放心,德性自然養得。 掃、應對、進退之間,禮、樂、射、御、書、 判然如薰蕕、冰炭之相 高下、淺深、先後、緩急之殊。《文集》曰 所以不同,特以少長所習之異宜,而有 掃、應對、進退之間,持守堅定,涵養純熟,固已久矣。 功。《文集》曰: 有二事也。」及其長也,不進之於大學,則無 存,是致賊害其性,若能收其放心,即是養其德性 實一事。 截斷不續,至於耳目言動皆然,此乃謂之收。 「小學之事,知之淺而行之小者也。 大學之道,知之深 今使幼學之士,必先有以自 蓋德性在人,本皆全備,緣放縱其心,不知操 「古人由小學而進於大學,其於 收放心、養德性,雖云二事,其 事業,而收小學之成 不是收放心之外,又養箇 反 而 不 可 以 盡 既 相 能 非 收

次第 也。 成 蓋 學,則又恐其 格 則 酢 者,欲反從 而 次序,極爲明備。」曰:「幼學之士,以子之言 致知格物爲先,然其始也必養之於小學,則亦洒 何 民,以止於至善。 數之習,俟其 講量之事也。 爲 終者也。 |吾聞之,敬之一字,聖學所 不勝、勤 誠 得 ,進退之節,禮 則固 條 幸矣。 則 循 而 如之何 序 不 目 不 可 漸 口 則豈 苦難 《文集》曰: 事 哉!!《文集》曰:「古人之學,問 若其年之既 進 大抵聖 得 樂、 失序無 ?! | 日 於小學,則恐其 既 以以 圃 射、 成之患,欲 長, 遂 復追 賢開示後學,進學門庭,先 是乃 御、 免於躐等陵節之病 不 「敬字真是學問 而後 本 「是其 書、數之習而已,是 口 矣。 次 得 長 而 進乎明德、 第之當 若其 直 而 成歲 不 而 從 以 復 能 不 不 月之 始終 及 成 以 事 免 補 功 然, 夫之 於 自 於 乎 始 日 耶 已 掃 皆 大 扞 此 達 新 而 ? 浙 又 用 酬 應 以

能中? 是以 工夫。 自 明德,却不曾説主敬,莫是已具於小學否?」曰"「然 不 其 誠 而 然後能致 然。」〇又曰:「今人不曾做得小學工 舞、學絃誦,皆要專 新 無 與夫 養 親切之妙。」爲 徹上徹下工夫。] 〇又曰 小學不傳,伊川却是帶補一敬字。」」〇又曰:「小學 能 小 能 民 本 必 以 無下手處。 ,則其 六 原, 以自達 用 以 之功也。《語録》日 開 故方其洒掃時,加帚之禮。 學御時心若不在,何以使得他馬? 力於 是 知格物。」是 藝之教。 發 而 爲 聰 所以 謹 小學者不由乎此,固 矣。 説 此,以進乎大而 今且當自持敬始,使端的 明 夫 焉。 《語 進 進者,將 洒 爲 以 且 德脩 掃 録 不 程 大學者不 「古人自 如學射時,心若不在 應 ¥ 幸過 子 :「敬已是包得小學,是 業,而 發 不患於無 對 問 至於學詩、學樂、學 少小 時 明 夫,一 不 進 而 格 由 時 【大學 害兼 致 退 旦學大學 乎 後 物之道 純 便做了 夫 無以 書、 學者 此 之節 補 明 · 首 本 静專 何 m 平 德 涵 亦 敬 굸 以

箇主 以 惑 格 不足以致之。 之東,而養其 覺悟,便從三十歲立定脚跟做去,便年八九十歲覺 得之於此 有 大學,皆不可無。」其 往 心 亦當據現定劄住,硬寨做出。」○陳氏曰: 如二十歲覺悟,便從二十歲立定脚跟做去,如三十歲 住,立定 補之於後者又不能以 七年之病 偂 不 而立大本,大本既立,然後大學工夫循次序而進, 今都蹉過了,不能 終 所 及乎天下國家也 勤 通。 一敬工夫,可以補小學之闕。 苦日 兼, 無 脚跟做 大抵立敬之功貫始終、一 則 以 ,而求三年之艾,非百倍其 有 而 其 爲 去。 其 不患其失之於前 良 致 若徒歸咎於既 所 焉, 更轉去做得, 栽 知良能之本者,亦 或 知 以 種 哉 力 古 摧 而 後 行 來根 其 身 一」《語録》日 自 頹 之 心 肌 已 力,則吾 蓋主敬工夫可 株 只 動静、合内外,小 地 甚, 顛 膚之會、筋 が據 補 矣 倒 往 而 填 也。 而不 今地 · 可i 前日 「程子説 況 眩 見 「失時 以 頭 其 可 足 欲 瞀 顧 所 欠 收 便 功 闕 悟 扞 以 骸 以 有 迷 以 以 學 放 而 劄

習,須 此。 做得 之; 主一工 事當治 又要做 謂 主 能 上、不胡 則 字注解。 作。」〇又曰: 於此,嘗以主 後學,必着 以 一主一只 ° ⊟ 周 心 敬者,又若 大綱言之,有一人焉,方應此事未畢,復有 則 人十能之,己千之。若不如是,悠悠度日,一日 流 坐, 遇事 一日工夫,如何要補填前面?」曰 涿 無 不治,當爲不爲,便不是主一了。若上一 行 是 方理會 養本原,則自然別。」〇或 亂思想,便是主 夫兼動静否? 日: 窮。 「只是心不定。 時 事,心下千頭 要之,事無小無大,常令自家精 則 心 如 如此, 此趱補 心行,身 專 「了這一事,又做一事。 E 此 無事 事 何 所謂 不以 得許多欠闕處。 而心留 無 而 在這 時 萬緒。」〇又曰:「主 一。」〇間: 主 人亦須是定其 用 他 適言之矣。《語 也 寒,心 一者,何嘗滯於 「若動時 於彼。 如此。」〇又 念亂之。 力耶?」曰 疑主 亦 這 收斂 在 作 却是 人一 今人一事未了 無 這 (心。這 事 則 目 適只是 裏。」 神思 ·時多 心神 「然則 滯。」又問 :「程子 能 滯 一又是 録》日 之, 一事至 簡須 滯 不能 在 0 目. 慮盡 時 不走 則 間 如 坐 所 不 不 是 事 敬 不 百 在

跽曲 燭理 冠落魄 所謂 在 家 敬 言之矣。 昏昧之謂 慢而中不放者。。至其門人謝氏之説,則又有 事説。」○陳氏曰 何有兩樣? 亦 則 人。1〇間:「主一 於主一之外,又别有無適之功也。 不之北。 無適是心只在此,亦不之東,亦不之西,亦不之南,亦 ○陳氏曰: 此 來别 公當何 無雜然而應之理。 拳,塊 一不明 簡心常惺惺 ,尚無惰慢之氣 常惺惺法者焉。 做 如? ,便是不敬。」〇又曰 跳 然上一 只 然在 主 事 《語録》曰: 此 只 强把捉,豈 曰:「也 5, 此而 便是敬。 是箇敬。 底不昧,將來別 即是無適,只展轉相 無適 是心只在此,所主惟 以 整齊嚴肅 況 有 後爲敬。」○ 但 須是做這 與 厭倦,爲思慮引去。 甚 心常能惺惺者乎? 得爲敬?」○又曰:「今人將 「整齊嚴 整齊嚴肅固是敬,然心昏昧 、整齊嚴 若語言 不得已,則權其輕重可 《語録》曰: 「須是整齊嚴 ,敬之容。 一件了,又理會 肅不同否?」曰 又曰:「今人心 做 不同,自是 肅,是切至工夫說 。當以 解釋。 事,又豈 一,不二不三。 「惺惺乃心不 如 整 坐傾 肅 敬只 故心 犯時 一齊嚴 要分明 鳥 可 以側,衣 : ^聳然 常 指 是 有 就 也。 件, 肅 惺 擎 自 外 如 那 與

而然。 察 矣。」〇真氏曰: 惺惺,如何是其心收斂不容 只認行着都是敬。」〇黄氏曰:「且將自家身心 從一方人到這裏,則 曰 : 觀 所 在這 醒 惺 曰:「心主這 若這事思量未了,又走做那邊去,心便成兩路。]〇又 曰:「這心都不着一物,便收斂緊密,都無此子 這裏,則 在 管許多道 諸説有内外之分否?」曰:「不必分内外,都只一 ,見得如何是主一無適,如 此。」〇陳氏曰 此 ,自無客 謂 是數説 裏,便常惺惺,恁地活。 'n, 程子、謝、尹説敬處,譬如此屋,四方皆入得,若 其 朱子晚年言敬字之義,惟畏字近之,其 則 萬理便森然於其中。一尹氏 理。 心 同 慮。」〇 ,足以見其 一事,不爲他事攙亂,便是不容一物也。」 收斂,不容 而 佛氏則 其爲道 「持敬之道,合三先生之言而用力焉)問 「是就 那三方人處都在這裏了。」○問 一空唤 佛 則 心地 異。 醒 氏 用力之方矣。」《語 若不在,便死了。 何是整齊嚴肅 物。 亦有 在 上做工夫處。 吾儒 物者 此,無所作 是四者皆以 此語?」曰 唤 之説 醒 焉。 此 爲 如 如 心 則又 蓋 心常 其 心纔 有 何 欲 語録 ·空罅。 (意精 去 其 所 是 異 般 他 銢 有 畏 常 體 在 醒 處 唤 昭

齊家 日 安 所 道 致 貫之而 學 此 所 而 攝 身之主宰也。 本 何 學之始者 然後內外交相養之功始備。」曰 矣。 主宰之乎? 百 問 之不 ?! 而 謂 知 以 以 根 學一 完先立 也。 離 姓 治 爲 用力之方,則知小學之不 然所 乎 篤 國 無 能 始 盡 以 敬 陳氏曰:「心之爲物、虚靈知覺、所以 然矣, 以 疑 無 其 由 事 爲 身無此爲之主宰,則四肢百 恭 知 所 敬者, 也 及乎 矣。 賴 心者,又當由 大 是 物 謂敬者是又一心之主宰也。」知 小 圃 平 者 誠 之理 《語録》日 天下 其 學之賴 蓋 此 天下, 一心之主宰, 而 意 所以爲學之終 此 以 一,則 小 正 平。 爲 心 者不 心 我 則 此 所 既 終 有以 : 敬不是閉 所 以 以 「敬之所 謂 立 者 能 是 主宰之,我 謂 始 『尊德 脩 奪 能 皆 由 口 而 骸皆 其 「脩 未 則 眼默坐 是 以 無 萬 也 身 [無所 以 始 己 性 格 夫 賴 事 由 若何 爲 以 大 之 柰 是 則 物 以 於 其 爲 一便 面 管

理, 得 明 知者非 是能 至正 陽 氣 日 日 其 否?」日 發 字 致 爲 敬之一字,乃聖學始終之要。 知,至 形 敬。當格物 ,贵 所以 既 育 而 明 「天道 持敬。」〇又曰 心脩身 總 陰 有 圃 萬 聞 德 敬無以守。」〇 而 非 治 \mathcal{H} Ŀ 爲造化 其 有 物,《 是 陽之謂 行 下 言之只 聖學 國平天下, 在 以 理 説 是也。」〇又曰: 時便敬以格之,當誠意時 這 則 新 後節 ·除 之詳 理 語 始終 陰 道 民、 是 者, 録》 便 陽 陽 也。 節 陰 有 「敬字是 Ĕ: Ŧī. 在 常 乎 皆 在 日 陽,分 之要 陰 這 扩 分而言之,理 Ħ. 要惺覺 ?! 日 不 氣 止 是 陽 行之中 問 「未有 外 流 然則 一於至 氣。 徹 m 也 五 未知者非敬 此 : 行 執 頭 言之有 「發 哉 行 發 合而 矣。」 持 徹 五 此 育 然 善 「天道 而 ,令此 尾 行 自爲理,氣 育 便敬以 篇 言之, 一《語》 則 山 已 理 L Ŧī. 是 頁 者,亦 無以 夫,自格物 所 心常 無 理 敬 所 得 誠 形 録》日 氣 0 發 流 謂 唤 謂 知,已 在,方 之,以 語 做 育之 即 黄 三在 自 行 録 陰 口 是 Æ 爲

陽

Ŧi.

行

7者,又

必

有

是

理

而

後

有

是

氣

文

四

形。

黄氏曰:

「氣 又

虚 必

而

形

實。

虚

者

聚

而後

實

者

成

0

如

嘘

[In]

而

能

成

水也。」故

人物之生

必

得

是

其

生

物

則

因

是

氣

之

聚

而

後

有

是

凡

之,則 處,故 也,生 集》 情 謂 豈無先後? 水火,理則爲仁義禮智。」〇又曰: 乎是氣之中,無是 也。」〇《語 生 上爲道 氣 理氣無先後。 也。 有限 (是理亦可 從來, 同 物。 曰 情 時 有 無不通也。」〇 物之本 理 也。 一天地 蓋不分先後 如性之與 是 、形而下爲器之謂 是氣 則 録》 有 須 ,其實不可以 然情之本實具於性,非先有此 本而 (則具 《説先 此 理 也 之間 $\check{\boxminus}$ 性即 謂 無形、氣 情, (氣則 氣萬 有是理 有是 此 是 氣也者 有 則理 未發已發,自有先後 蔡氏曰: 理。 有 是 本無先後之可 理 理。 此 殊,故言理 便 先後言。 也。 方有是氣亦可 有 情 氣不明; 理 理 1, 形 氣。 粗,有查滓。」〇 亦 然理又非 也。 無 「先有理後有氣者 m 有 迹 無 掛 下之器也,生 理 須著 則俱有者,道即 愐 者常先乎氣。 但 「理未嘗離乎 不合理氣 搭處,氣 也 氣 捨氣則理無 言 有形, 者 如 别爲一物 形 此 調 ,固不可 然必 性,而 兩)黄氏 **川川馬** 有是 耐 理 説。一 則 欲 物 上 無 氣,然 即 之具 後別 器之 深思 氣則 金木 一之道 判 形 安 推 道 際 日 及 爲 頓 存 其 性 mi 面

則所以 陳氏 陰陽 也。 稟得 理。 者,魂也; 得那陽之氣,順是稟得那陰之氣,五常是稟得五行之 不定也。 分而言之,仁、禮屬陽,義、 (文集) 生也。 次次之。 、健爲仁、禮·順爲智、義。」○《語 氣之所 ,然後有以爲 ,然後有以 日: 那剛底; 人物皆稟得健 五 Ĭ: 至 貫乎耳 行 「人始於氣,感則得 一於四 貫 故自著者 而言。 魄主乎静 魂主乎動,所以 耳目精於視聽而不散者 「未分五性 常常 目 肢之靈於舉履, 軟底弱 發 視聽之間,使之常 健 爲 越 ,所以 陽 而言之,則口鼻靈 順五常之性,如草木直 而 健 魂 一時,只 底,是稟得 也; 有 魄、 實平 生 順、仁義、 行乎此身之中 、智屬 意者 順 謂之健順。 魂爲先 五藏、百骸之身 陰 Ŧī. 此身之中 陰。」〇又曰: 臟 那順 皆 録 也 魄 靈 六腑之靈於傳送 既既 × E 魂 也。 Щ 於 底。」必得是 四 禮智之性 也。 及分而言之 不匱 而 呼 者 隨 隨 底硬 「此承上文 體 統而言之。 吸 所以 所貫 五. 所 者, 凝 健 而 注 焉,則 (底,是 行 注乎 亦 是 不 而 丽 也 稟 魂 息 無

氣

則

理

不 魄

字同。 原 作 今據《北 溪 大全集》卷十二改。 T 生端 故是 寒者。 間也 精粗而言,則人得其氣之正且通者,物得其氣之偏 粗之不同。 偏。」〇又曰:「二氣五行交感萬變,故人物之生有 物 塞者爲 言之,則得 極之理便是性。 真,二五之精,妙合而凝』者,正謂是也 凝 肢之精 由 不一之名也。」○《語録》曰:「無極是理,二五是氣,無 \Box 《太極圖 語 造化得萬物 實 鼻呼 記録 》 日 直 理 ,凝只是此氣結聚自然生物,若不如此結聚,亦 而 原,固 惟人得 塞而 於舉 有定 以 吸之間 解 物,是 其受天地之正氣,所以識道理,有知識。 「以理言之則無不全,以氣言之則 自 履,五 無 理 所 其正,故是理 出 無 其 者,皆魄 「真以理言,無妄之謂 `使之常精而不爽者,亦魄也。 氣而言之,則人物皆受是氣而 性爲之主,而二氣五行經緯錯綜 知。 來。」然以 人物貴賤之殊。 以 正 臟六腑之精於傳送,凡體之所注 且如 或 H. 也。周子所謂 貴 通 人頭圓 通而 以其理 或 者爲人,得其 賤 無所 [象天,足方象地 而 圃 塞。 也。 言之, 不 以其 能 無 物得 精以氣言 齊 生 不 至於四 偏 氣 其 則 極 能 於其 也 偏 平, Ħ. 萬 之 而 物 自 何 Ħ. 精 無

謂

明德者也。

愚謂:

此人之所以獨謂

之明

德

而

其所 者,正 無此虚 育者 指氣。 战其方寸之間 於禽獸者,至下須是見己之所以參化育者。」是 争這些子,若更不能存得,則 又曰:「虚靈 曰:「此八字,只是再詳虚靈不昧 乃得其氣之正 馬,他這形氣如此,故只會得如此事。」唯 塞,而無 不能。」彼 上。 受天地之偏氣,所以禽獸横生,草木頭生向下,尾 惟 其所受之氣只 物之間 以可爲堯、舜, 靈 如心恙底人,只有其氣存,何故? 亦不 在 洞 賤 於此。 以 有 徹 洞徹,蓋理與氣合而 外馬。 圃 充 知者不過只通得一 底 意 爲 其本體之全矣。 有許多,故其 虚 且通者, 耶。 (語録 物 靈 《語 者, 洞徹 蓋 而 ĕ. 録 其 既 $\tilde{\exists}$ 能 與 萬 而其性 理 禽 所 梏 :「初言人之所以異 參天 人物之所以 有此妙用爾,非 而具 路,人則無不 獣 亦只有 以 理 於 無以異矣。 |萬理之義。| 〇 形 異 咸 地 《語録》曰 爲最 昏迷 人之生 許 備 於 以 氣之偏 多,如 異,只是 贊 禽 則 戸顔 知,無 一而 陳氏 貴, 叫 反 錯 化 潤 所 犬 在

六

又有 異,其 四 謂又有智愚賢不肖之殊是也 有爲人賢而 之清者矣,然却所謂 ○《語録》曰 是所稟之氣有清濁美惡之不同也,不歸於所稟而歸於 清 其 Œ 固 便分了,非以性言,是以氣言。 之物,便自有美惡也。」〇黄氏曰 所賦,何耶?』曰: 去,便有昏明厚薄之異。 不好了。1〇又曰:「人雖皆是天地之正氣,但衮來 曰 清 様 如 分,而玉之中又有美惡分焉。」〇或疑通如何有濁。 者 一天地之氣有清有濁 濁 何有惡? 不能同 智 聰 美惡,又就人中分别。 Ē 明 而 也, 曉 不甚聰 濁 問:『世 事者,❷智也; 愚謂通塞偏正,蓋判人物之大分而言 者。 或 者 崩 「賦 不 愚,美者賢 過 通 《文集》曰: 差,或 間 能 健,何 猶 ,若值得晦暗昏濁底氣,這 蓋 有 俗 無 人聰 氣是有形之物,纔是 語 流 也?」曰: 美惡之殊。 而 譬如玉之與石,則美惡 蓋其所賦之質,便 故 而爲小人之歸者。 云 或不賢,便是稟賦 明通曉,❶是稟其氣 :「美惡是有生之初 問問 分俵均敷之意。」」 其 而 : 「智愚賢不肖 悪 所賦之質 |《 或問 者 《語 不 学中 有 j j 有 中 所 又 此 形 衮 便 8

> 所以 接 豈 臭,四肢之欲安佚,所以害乎其德者,又 之欲色,耳之欲聲,口之欲味,鼻之欲 偏 於生知,必學而後知,必行而後至。 明 耳。三必其上智大賢之資,乃能 賢 欠了清 有蔽之心,接 曰:「上知,生知之資,是氣清明 丽 耳 丽 ,3又有所蔽 口 德者,已不能無 無 生知安行,不待學 不 目鼻口之私欲 勝言 少不明,其 智。 和 温恭之德。 也哉 爲 學便 , 須 乎 是 ! 是要克化, 事物 痛加 又有人極温 有不及乎此 勝 ,而能 真氏 蔽 ,則本心爲其所奪,遂流於不 工 如如 而失其全矣。 無 曰 夫。」況乎又以 堯、舜是 窮之變, 純 教 和而 既 粹 此 又其次者,資稟既 有 丽 等 不 也。 無 知識,與外物 則 全其 氣 - 甚曉 質 則 其 其 豪 事,便 令恰 次則 本 其 氣 所 昏 語 體 Ħ 濁 質 録 謂 亞 好 是

物

不得與者也。

然其

通也,或不能無清濁之

②「事」,原誤作「了」,據《朱子語類》卷十七改。
改。
□ 「聰」,原誤作「總」,據《朱子語類》卷十七并參據下文

偏一原誤作「備

一,據《朱子語類

》卷四改。

八

之間 堯、舜 過情 只是醒覺了自 去。」〇 去格物致 只是些子,纔引着 體 頃 而 然 之形,而 明,日益 善。二十者相 大學之道。其必先之以格物、致知之説 至了,大徹 已 加 昧者,是以 其 洞 有 本明之體,得之於天,終有 欲利害之私 又 八發也 而 覺焉, 知,如 然矣。 日 悟 参天 實 昏昧,而此心之靈,其 到 無 放過去,不曾存得耳。」是 何 之於小學之中, 因,反覆深 便 時 恁地時 何等得這 以遠 地 是 便可 《語録 無 則即 雖其昏蔽之極,而 物欲 數,只要人識認得,操持充 , 而 ,事都了。 而 以燎原。 於禽 般 此空隙之中, ¥ 亦不 昏蔽之極, 己。 時 節? 潤 「這些 固,是以此德之 能 若必欲等大覺了,方 若是介然之覺, 是 那 有以自充矣。 圃 則 雖 也 覺如擊石之火 簡覺是物 無時 後開 雖 以 所 日 聖 脯 介然之 不可 E 知 可 不 之以 其 以 有 者 人 醒 養將 格 覺。 得 施 本 爲 X 不 日 知

作爲 哉 明之之端,而 分固無以大相遠者。 物。」向也俱爲 意、正心、脩身,便是要行得分明。一夫既 者,皆明明德之事。 也。 發以啓其明之之端也。 無有氣質物欲之累, 吾之所得於天 明之端而 心、脩身之目者,則又所以使之因 者,所以使之即其所養之中, 又人人之所同得, 言之,此理聖愚賢否皆同。然其 語 1 録 《語録》曰: ř 於性分之外 是則 「此箇道理 反之於身,以 所謂 「如格物、致知、誠 物欲之所蔽,則 又有以致其 而 格物、致知,便是要知得分明; 未嘗 也。 人人有之,不是 明 而 明 而復得其本體 非 《語 不明者, 豈不超 今吾既幸有 德』者, 有 録》曰:「性分是以 繼之以誠意、正 致 (所謂 我 明之之實, 意、正心、脩身五 其 之得 自家 明 其 有以 丽 而 明 之之 賢 可 非 因 德 私 專 以自 之全 愚之 啓 其 有 其 獨之 也 然 則 實 已 所 所 其 玾 誠

問: 嘗不惻 救之 舊對 去其 其明德而 於 之。葉氏日 中 明 明 然之德爾。」 善、去其舊染之污、又成一箇新底、然亦不過復明其 而 是 刑 m 政之類?」 明 者 矣 當 亦 而 「齊家、治國、平天下中 明 (舊染 「, 方 且 非 德 哉 家, 不自知 新 然于中,又 則 者暗 有 者 而 人 視 自觀 然德之在 中 之污 所付畀增益之也 不 陳氏曰: ,則舊矣。 甘 彼 「己德既明,視他人之悖理 故 則 於 能 也,豈不爲 感爲 衆人之同 心 又皆 必 必 治 馬,是 自明者,亦皆有 迷 以 善耶? 推吾之所 「二者皆不可 或 今爲之開導誘 我 惑 非 己 之既明,開 ·,所以新之之道,是只 没 而 則 人力之所 丽 或 之惻 溺 得 終 所 當 亦 乎 於 及 謂 須有 明 自 偏廢。」使 此 然 卑 彼之未 掖 於 陳氏曰: 二新 明 與 施爲,如 以 而 污 而 ,使之改 平天 爲 傷道 者 其 民」者 自 思 荷 不 作明。] 始 以 彼 而 在 明 者 有 賤 能 自 下 渦 新 禮 吾 及 之 民 而 有 未 以 自 遷 與 本 樂 明

之所 不能 肵 即 當止之處。 曰:「自其大者言之,如仁、敬、 慈、與人交之信,乃其目之大者也。 傳 微 \bigcirc 至善目之。《語録》曰: 理 法,非人力所可 者,法則也。 己 其 而 爾, 當 手足所當止之處。 陳氏曰 ·莫不各有本然一定之則。 所 所謂君之仁、臣 精 爲 止之處。」衆 非謂 以 以 知 微 也 所謂姑 明 得之於天而 之極,有 精 學 自其小者言之,如足容重、手容恭,重 ○ 語 天下之理,皆天實爲之,莫不有 丽 微之不爲善,而 者雖 增 録 新之者, 損,故曰 人之心 ≥ ∃ : 以至善目之者,所以極形容其 視思 或 不 一苟 知 可 之敬、子之孝、父之 見於日用 則。」程子所謂 明 又非 「這是他見得 之,而 且 固 得 、聽思 借 ·慈、孝,即君臣、父子所 如 莫 而 此 何 可以 不 聰 以 名 得 亦 形容之也。」 會到 聰 者 有 之間 真 鮮 私 與明 十分極 是 氏 極 故 能 意荷 以 日 者 處。 :一定之 亦 必 姑 其 而 陳氏 至。 視 與 至 義 固 是 Ħ. 而 以 或 則 聽 精

然自 所以 之要,總 篇之指, 田地而不遷,此方是止於至善。一大抵《大學》 當然之則,過之不可,不及亦不可,須是要到當然之則 日: 容其 指 於是 子,各以 民者 且 務 是 明 而 理 明 明 孟 斷 少 雖 德 而言, 丽 德 將 *《語録》曰: 其 然以爲《大學》之綱 天理者,無豪髮之遺恨矣。 有 粗 子没而道學不得其傳,世 而 不 總 新 其意之所便者爲 而 無 明 過不及之差焉 復 去 新 民,初非是人力私意所爲,本自 言之,又不出 而言之,不 以 以 德 而 民 爲 盡夫脩己治人之道 此 有 而 者 爲 明 不 「如管仲之徒便是。」又有 徒 誠 德、 純 大學之教 以 能 出 政 己 新民 求 乎 乎 教 則 雖 學,於是 此 八事 必 領 法 粗克 其 之標的 至是, 者 \equiv 而 度 所以 一者,此 **元** 無 爲 所 而 一故必 《語 疑 有 足 乃 之 而 去人 八 有 以 也 也 君 愛 以 有 愚 録 事 不 不 慮 簡

欲

欲

盡

其

新

不

例,而 傳 必其 爲 物 者,亦已審矣。 文考之則有据。 者,以文義 改之,則 徹。」是皆 日 於斯世,只是規模淺狹,不曾就 於己分上亦甚脩飾,其論 民 身 不求止於至善之所在者、語 者之當務 者 新 某當作某,是 疑之義,奈 而 獨 也,何 然耶? 且以己意輕改經文, 善 不謬者鮮矣。」〇 %語録》曰: 亦何害 自 誠 不 所据? 推之則無理,新民云者, 謂 顧 若 考乎此篇之過 l於傳 足 何?」曰:「若無 乃安於小成,狃 吾 如如 乃漢 以 矧 子之譏 程子於此,其所以 佛 明 疑 未嘗去其本文, 子之從之,何所 爲治本末亦 老便 儒 其 耶 日 釋 明 是。」 ? 1: 「程 本原 矣。 德 經 若 其 又 不 Ŀ 録 有 而 必 今 . 得 着功,便 能 所 子 條 於 有 Ĕ 不 理 以 親 已 考 之 成 近 略 屑 甚 如 不 之 以 恐 處 民 考 而 而 改 利 己 知 平 做 有 E 改 戀 之 非 親 旧 傳 成 云 軱 而 而 新 不 志 通

其 故 爲 侮 是, 爲 耶? 聖言 穿 則 世 而 附 蓋 誤 會 有 後 以 承 學 誤 求 也 其 踵 益 説 訛 甚,亦何足取以 心 之必 知非 通 者 是而 矣。

知 m 后 止 能 丽 后有定,定 慮 慮 而 后 而 能 得 后 能 后,與 静 八後同 静 而 后能安, 後 放 此 安

爲

法

求之此 慮 得。」〇又曰 而 蓋深於静也。」〇 録 而 去處,既 之,則志有定 止 定以仁爲向。]〇葉氏曰: 静 ¥ 他 不妄動。 者,所當 則 謂 □物不足以摇之。」静,謂心不妄動。 外物自 ,即是未定。」○黄氏曰::「如知君 安 處 己識 事 安謂當 則 得,即 然無以動其心。」安,謂 所 精 止 潘 處 向。 謂 詳 之 事 氏 丽 遇 心 地 日 皆 物 物 中 《語 之來 當、看扛 來 便 語 「心之所之,只管望 定, 静調 能 即 録 録 不 ¥ ₩ E 隨其 至善之所 更不他 動 未有事之時 做 安謂隨 知止 所 那 慮是 所處 處 裹 求。 去,都 安閑 止於仁,則 見於 只 所 如 此 在 而 是 《語録 寓而 那 求之彼 移易 應 識 而 心常 安。 也 道 安。 事 不 得 理 》 曰: 他 亂 胸 處 虚 《語 邊 文 安 知 箇 不 中

> 者。」得 乃實得其所當止之地而止之。」 〇又曰:「慮者 謂 得 ,思之精 其 所 止 審。」〇 陳氏 又曰 日 一得以 是 思之重 實諸 己而 復詳

> > 察

日 : 然不先 或問: 物 新民 盡 至 箇是知得 以 知 止 新民,固皆欲 何 而 也? 格 得 者 夫至善之所 則 善之所 后 「物果格 於天下之事 7,所以 其 加 知 能 「知知 (所當· 有 到至善處 至, 止 安, 日 在 之。 而 以 無 丽 止 安 中者 止 是則吾所當 知 ·, 所謂 於至 於天下之事, 其 此 而 而 如 在 便 其 理之不到 止於至善,然非先 推 后 后有定,定而 會到能得地位。一知止云者 而 射 IE 至善 則不 善之由也。 本上文之意 能 中之也。 者 鵠 所當 慮 之所 固 能 知 心,慮 欲 止 止 果 有 者 在 其 至 之 皆 《語録》曰:「真 以 ௱ 皆 中夫 丽 ,則不能 后 地 有 得 后 無 ,言明德 灼然有以 蓋 能 也。 以 其 能 明 IE 静 見之不 有 知 所 陳 鵠 其 有 以 静 氏 知

慮矣。 得到 間 静 更無外慕,凡外物皆無以 理 則無以動其心,而能静矣。《語録》曰:「定是 定向、《或問》謂 皆有 安,在貧賤 了,看處在那 安。」〇又曰: 今人心才不得 只是東走西去。」○陳氏曰:「理既有定,則心之所 有定理矣,語 這箇本只是一意,但静是就心上說,安是就身上說 ,或接乎吾前,而吾從容以應之,自能精於慮 ,静在心,既定於理,心便會静,若不定於理 從 ·時,見事物上各有箇合當底道理。」理既有定, 則 定理 能 容閒 無 陳氏曰:「身既能安,則向者知所當止之事 知 也 所 矣。 似 裏,在這邊也安,在那邊也安,在富貴 安,在 所 「既見得事物有定理,而此心恁 暇,事至物來,有以 静 擇 能 不 止 時,雖 於 《語録》曰: 同。1日:「只一般。」」〇又曰: 知所止,則方寸之間,事事物物 列則 患難也 地 有意在 動之, 方寸之間,事 而 安。」 能 「問:「注謂知之則志有 安矣。 安頓那 而能静矣。」心既能 能 安 物 則 揆 事, 事 語 之而 日 一,則此 録 物 自 而 地寧静 用 是 物, $\check{\exists}$ 不 「知 皆 能 之 錯 也 不 È

亂 彼,如君當仁,此是知止。 知在外,得便在我。」〇又曰: 得所止。」然既真 得研幾字。J〇又曰: 各得 立 許多便是大階 許多只是小階級,無那 以 非 蓋 道理,將這箇去應他,此是得其所止。」其 固 深研幾,是更審一審,當時下得四字未子細,要之只着 歷之次序也。」《語 曰:「定、静、安、慮 矣。」能 相似 至 如孔子之志學以至從心,孟子之善信 亦推言其 已不甚相遠。 一聖神 其 ,立至不惑相 所止之地 慮 實 則 級 所 隨 , 步 有等級之相 四節,只是就此一 以 知所 似 却 事 「到得臨事,又須研幾審處, 《語録》曰:「只是分箇知與得 然之故,有 圃 大階級。 録 闊 觀 能静安大抵皆相類 止之矣。 事至物來,對着胸中 》曰:「也不是無等級 止, 理 知 「某事當如此,某 一,極 止 則 如 至 懸,爲 能 志學至從 其必得 深 此 事 《語録》曰 得 研 四 只 中間細破。」 間 幾, 如 終 者, 心 所 只 四 恰 志 事 身經 中 無 · 中 學至 是 陳氏 節 當 止 好 不 間 間 底 如

中間細分恁地。」

物有本末,事 所後。 終。三山 明 有得矣。 於知止 未有能新民 始而言,蓋本與始所當先者也,未與終所當後者也。」此 爲 M 三山 此知 後致 本, 陳氏 者 陳氏曰:「曰 有終始, 止 也 ,此明明 新 曰:「新民者,自明 一,荷 所以爲能得之始。」本始所先,末終 民 始 爲 焉不 德所以爲新民之本。 末。 知 知所先後云者,又以承本末終 知 所先後,則近 止於至善,亦未見其卒於 知 一德而 止 爲 推 也 始 能得 道矣。 己德 能 得 者,原 不明 爲

之 得 或問 明 後 日 相 兩節之意也。明德、新民,兩物 德是理會己之物,新民是理會天下之萬物。 對,故曰本末。 (`,則近道矣。]何也?」曰:「此 物 知止 對天下萬物,便有箇 事 『物有 、能得是事,有 而 首尾 本末,事有終始, 相 《語録》 箇首尾。 因,故曰終始。 内外本 Ĕ: 如 明 耕便 末。」知 德、 種 新民 而 結 知 止、能 《語 種 所 内 È 是 便 以己 耘 録 物 外 文 先

> 不遠。」 道 進 本 到秋成後 黄氏曰: 處下窺高,而其人道爲不遠矣,所謂至道之近也。]〇 曰:「言知功夫先後次第,則進 也。 爲 前 後 有序,而 然既知其進爲之序,則有至之階矣,故 「知所先後,方是曉得爲學之序,未能 其 便斂,這 末, 先 是 至 事有 其 於 始 道 箇 首 也 而 尾 爲有序,不忽近 後 不 如 此。」誠 其 遠矣。」《語 終 也 知 굸 遂 先 則 務 一去道 得夫 遠 其 其

意 國者,先齊其家; 治,平聲。 修其身者,先正其心;欲正其 古之欲明明德於天下者,先治其 欲誠其意者,先致 後放此 欲齊其家者,先修其身 人其知 ÷ 致知在格物。 心者,先誠 國 欲治 其 欲 其

結

上文兩

節之意。

也。 明 明 天下者,蓋人皆有是德,欲使天下之人皆 ?德也。 明 「天下之人皆得其本心,皆復其本性,故 乃直指全提,蓋總大學之要,又在乎此 德於天下者,使天下之人皆有以 陳氏曰:「明德本在我之物,而 有 日 也。」〇 以 日 「明明 明 明 明 其 明 德於 真氏 明 德 其 德 於

全體言,意只是就全體上發起一念慮處。」實其 是實。 是就其中發出。」〇陳氏曰: 意者 者也。」○又曰:「其 所主 人極。」誠 天下」,見得須是天下 「是天理之實然,更無纖豪作爲。」○黄氏曰: 也。 ,心之所 如一 實 箇 《文集》曰: 物 也。 發也。 透 主伊何? 頭透尾 之人皆明 語 「心則人之所以主於身而具是理 録 《語録》曰: 「意比心、則心大意小。 \mathbb{H} 裏 神變不測 面 其明 充足。 「誠是自然底實。」〇 德。」心者,身之 「心言其統體,意 無一 ,發揮萬變,立 豪空闕 心之 「誠 心以 處。 即 此

識 所 極 「爲善之意稍有不實,照管稍有不到 :「只是 也 也 發 (,)欲 《語録》日 推 一箇心,便是誠。 其 極 吾 於 "「致,如以手推送去之謂。」知, 之知識 善 而 纔有 無 "、欲其 自 兩心,便自欺。」致 欺 「處,便爲自欺。」○又 所 也。《語録》曰 知 無 不 作推 盡 猶

字文義觀之,則恐當爲盡。

物之中,

固

不可

使有

不 以

知 致 其

所知無不

切

也」,今改切作

盡。

切

與

盡

意思

Á

别

然半上落下,終不濟事。」○黄氏曰:

「《章句》本云「欲

也。

《語

 $\stackrel{>}{\vdash}$

「人各有箇知

識

須

是推致

丽

極

其

(至,不

然。」此八者,大學之條 陳氏曰:「窮至事物之理,表裏灼無遁 須是見得第一着方是。不可到第三第四着。 简道理。」〇又曰: 遇孝,居處便恭 得到後,觸事觸物皆撞着這 之理。 未破,便是未極其至也。1○又曰: 至 語 事 録 「謂於事物之理各極其 物之理、欲 萬物之中, 「所謂 ,執事便敬,以至在輿 實到 亦不 「窮理上須見得十分徹 其極 得 可 那 使有不窮之物。」格 至,窮 道 地 目也 處 理。 頭。 到 無 「有一物便有 事 杰 物,猶 不 頭。 倚 君 情 到 衡 便遇忠 如 如 若是裏 也。 便休 無往 事 親 窮到 到 也 事 《語 不見這 至 理。 而 了。一〇 面 極處 親便 核 也 録 窮 窮 子

其國; 之條目也。 者,先致其知 曰:「此言大學之序, 心;欲正 家者,先修其身; 或問:「古之欲 欲治其 |其心者,先誠其意;欲 格物、致 國者,先齊其家; 致 明 欲 知 明 修其 知、誠 其 在 德於天下者, 格 詳 身者,先 物。 如 意、正 此 何 蓋綱 誠 欲 也? 其 Œ 齊 先治 意 領 其 其

明明德於天下者,亦須由格物致知功夫,次第曲折 所以明之親親、長長,即齊家之大者。」]○問 所 得透徹 以親親、長長,而不及齊家、治國、平天下。」曰 各長其長,而天下無不平矣。《文集》日 其意,各正其心,各脩其身,各親其親 所止。」所謂 其明德也。 齊家、治國、平天下,是求得其所止。 下 身者 求知至善之所在。自誠意以至於平天 下者,新民之事也。 問:『此處只言誠 始能 止。 而 「格物、致知,是求知其所 所以求 明 自明其明德也。 意誠、心正、身修、家齊、國治、天下平,是得其 ,明德、新民都在這裏。」格物、致知,所以 推以 明德之事也。 明明德於天下者,自明其 新民,使天下之人,皆有以 人皆有以明其明德,則各誠 得夫至善 意、正 今使天下之人皆有以明其 一心、脩身,而不及致知 《語録》曰:「就此八者理會 mi 止。 齊家、治國、平天 止之也。《語 誠意、正心、修身 物格、知至,是 自自 「致知 ,又益 明 明 昔 知

間、蓋已不自覺其身之所在。二而心之發則 軀殼之外,則 頃刻之不存者也。 靈,神妙不測,常爲一身之主,以提萬事之綱而不可有 先有以正其 之,亦不可得 本然之正,則身無所主,雖欲勉强以 身。至於身之主,則心也。 之本在身,故欲齊家者,必先有以 平天下者,必先有以治其國。國之本在 ^{豈是删了上四事耶?} 然天下之本在國,故欲 成言語 是格物致知。 不擇其本,而直圖其末之弊。」曰:「若欲正心誠意,須 德,便能各誠其意,各正其心,各脩其身,各親其親,各 家,故欲治國者,必先有以 長其長 有私欲雜乎其中,而爲善去惡或有未 ,只得如此説過。 ,而格物致知之功略不煩於用力馬。豈不墮於 一身無主,萬事無綱,雖其俯仰顧盻之 然若説道各格其物,各致其知,則似不 心。《文集》曰:「心之爲物,至 而 不自覺,而馳騖飛揚以 脩矣。 如云「壹是皆以脩身爲本」。 故欲脩身者,必 一有不 齊 其家。 徇物 意也 ·得其 脩 欲於 虚 脩 其 家 至

四書纂疏

問: 問 其意。 許 穏。」〇黄氏曰: 之宰,宰制之宰?」曰: 物。 出 以 物 明是恁地光明。」〇又曰:「大凡道理 草,如何下種?!若夫知,則心之神明,妙衆 實 理 有賊,先去了賊,方得家中寧。 是從心之所發處下手,先須去了許多惡根。 妙 미 多理出來?」人莫不有,而 能運用 我之知,去知彼道理也。 來,若無 非從外 八,則 衆理宰萬物』如何? | 曰: 愐 「《孟子集注 知知 要宰制他,也須是知覺。」〇問: 宰 而 如 心 《語録》曰:「心無形影,教人如何撑拄? 萬 衆 IE 何宰物? 得。 知 爲所 理 物者也。 道理 也。 所謂 「理是不動底物,不着妙字,如 》中言「心者,具 累, 何 故 運用字有病,故只下得妙字。] 〇 知 日 從 者,便只是知 欲 雖 《語録 而 「主便是宰, 「無所 正 欲 見? 道理 「妙字稍精 心 勉) E 知覺 如人種田,不先去了 者 强 所以謂之妙衆 一固本有,用知方發 (衆理 或不 小必 得 以正之,亦 「神是恁地 「宰萬物,是 則不足以 宰 我 皆 愐 、底道 先有以 能 應 便 是我自 但 是 使 萬 如人家 理 物一, 制 何 宰 具 其 理 精 非 字 有 發 主 制 彩 誠 不 表 比 得 之 裏 須 猶 是 萬

티: 所以孝,蓋父子本同一氣,只是一人之身,分成 得 用仁愛。 也 所 欲作天理而不自覺者。! ○三山陳氏 非 然,以心之内外而言。」〇又曰:「知不致 故 雜 裹 之所以仁,蓋君是箇主腦,人民、土地 盡,有所用力之辭。」至於天下之物,則必各 推之而至於盡也。三山陳氏曰:「推之而至於 致者,推致之謂 而 來,無一豪之不盡,是裏。」○陳氏曰: 已用仁愛,自是理合如 善惡之真,將從何而趨? 不始於致 欲 雖 洞 以 四四 《語 然之故,與 然, 誠 欲 方八面都見得周匝無遺,是表,又要逼 試不仁愛看 録》曰: 意者,必先 勉 無 知 强 ,則有 所 「所以然之故,只是上 以 不 善否 誠 盡 其所當然之則 便 如『喪 之, 此。 行 未 有 則 明 不 從何 以 亦 隱 得。 又如父之所以慈,子之 致 · 而 微 不 致 而舍? 乎哀』之致,言 誤 非 之間 日: 叮 於所 其 皆屬 是 致 得 心説 面 知 「欲意之誠 則 向者多矣。 必 知言表裏 真妄 爲 他 而 無以 所 有錯認 層, 管 君 《語録 誠 就 謂 兩 了,不 自 如 身 矣。 識 理 有 E 是 君 人 是 洞

天理 以 以 得 若 與理會將過,卒之天下事物之理,不惟知得 以 得 至此處之辭。」此大學之條目,聖賢 而 極 餘,方周匝物之曲折。]〇葉氏曰: 窮 能 却 類 其 一分兩分,若精若粗 隱若顯 須 , 恩愛相屬, 自有不期 來,諸 ~, 知 教 格 使其 至 至 而 便是當然之則。 一要弟 使之如此。」〇 ·, 乃 夫物。 致矣。 之 其 人爲學之次第,至 必有 謂 、蓋將無所不知矣。 ,此即所以然之故。」人莫 極 精 能 儒之論,未聞 也。 粗 援 如 蔽 故致 陳氏 隱 「格 以 三山陳氏曰: 又曰 雖 顯 然事親 日 爲説 知之道 欲 究 然 于文祖 蓋 如如 「格物, 而 勉 將 如 然者。 極 强 事親 而 有 無 何却須要孝,從兄如 爲 無 在 以 所 事一物之間,不惟知 吉 見 』之格,言 及 「窮之而至其極,身 纖 不知 當孝,事 其他大倫皆然, 乎即 餘 但 精 致 不 **〈**之者。 於《原道》之 悉。 能 粗 之,亦 則 知,而 矣。」格者, 隨 本 和傳, 事觀 事觀 末 然漢 理 兄當弟 件 究 窮之 至 不 所 理、盡 或 兩 極 理 件 唐 魏 所 口 未 不 何 皆 無

物

格

而

后

知

至,

知

至

耐

后

意

誠,

意

誠

圃

后

心

心 學問。」 篇 知 揚 不 説『不明乎善, 精,語焉不詳 格物 哉 、誠 探其端,驟 則 意 庶 句。 」《語録》曰:「《原道》中舉《大學》,却 幾 而 蘇氏《古史》舉《中 不誠乎身』二 其 無 之病矣,何乃以 語 有 \Box 其次, 聞 致 矣。 知、格 句 亦未 這 庸》『不獲乎上』,却 然 物 樣 其 免於擇 底 云者, 是而 言 都 極 是 議 箇 不説 馬 則 於 荀 不 是 īF. 頭 不 致

正,心 或 治,國 長,而自家裏面 之於天下,則是不能 徹無不盡。| 〇又曰: 吾心之所知 物 ○《語録 事言, 格者,物理之極處 正 治而 知至 而) E 后 則 「物格是要得外面 后天下平。 身脩,身脩 有 無 指 :所不 吾 不 盡 「如親其所親,長其所長 心 盡 之於外。 到 所 也。 則是不 可 無 治,去聲。 而 知 《文集》曰 無不盡 處,不 不 后 欲親其 能盡之於内。 到 家 容 也。 齊,家 ,知至是裏 後放 所 更 親 有 物格 此 知 , 欲長 未 而 齊 至 須 不 面 盡 猶 而 是外 其 能 矣。」 可 亦 后 所 推 清 以

既實, 知既 無不周 理 二,知大而 盡 則 盡 則 内 此箇 , 則 不知細 無不具,方是知 意便實,若 意 得 知 可 面 得 高遠而不知幽深,皆非知之至 有 m 至。二〇又日 知未透 矣。《語録》曰 實矣、語 處, 這 録 一若 裹 面 E 知 「意 黑了。」 誠 知 丽 後 也。 得 不 意 推 此 知

以

之謂 意誠 矣。 平。』何也?」 物格者,事物之理各有以詣 或問:「『物格而 后 家 則知之在 陳氏曰: 齊 也。 而 家家 后心正 理之在物者,既 「天下事物,無一之不格, 齊 曰 : 我 而 者, 心 后 后知至,知至而后意誠 此 或 IE 亦 治 覆説上文之意 而 隨 后身脩 所 國 詣 詣 治 其 其 幽 極 而 丽 明巨 身脩 極 后 無 m 不 前 無 天 細 也 下 盡 無 餘 而 有

則

之所由 耳。二曰: 齊家而 末哉 舉 自 之或偏矣。」身無不脩,則推之天下國 或欺,心極其正而無一息之不存,身極其 能動而無不正矣。心得其正 知 所真是 處,不至陷於所偏 物果格,知果至, 洞 欺 無 古 而措之耳, 豈外此而求之智謀功利之 灼 ···]陳氏曰:「大要自脩身而上,工夫最 矣。 專 不盡 來而 下, 工夫却易, 至於治國平天下, 而不可 其 表裏,其 以 無 篇首之言明明 自 意不自欺,則心之本體,物 ,則心之所發,能 移,非極其所真非而不容易。 不徹,惡 明爲言矣。 由是而往,則意極其誠 知之至也,瑩萬理 極其 而 無不脩 幾之所從 德 後段 以 於胸 矣。 ,則身之所 起 新 於 於平天下 特舉 脩 丽 而 中。 民 理 脯 無一 陳 無 善極其 爲 家, 耐 少 是 無 氏 **於難**,自 而 念之 措之 遁。」 極 日 亦 無 動 本 其

之序也

至,則知

所

止矣。

意誠

以

下,則皆

得

所

11:

之事

也。

齊家以

下,新民之事也

物

格

知

盪得查滓靈利,心盡是義理●。」脩身以

É

明

明

德

1

可

Œ

0 靈利」,二字原脱, 均據《朱子語類》卷十五補正 「心盡」,原作「盡心」, 「是」上,原衍

氏曰 是 也。 中,此聖賢之言所以或離或合,而 言 後合之,有以盡 爲妙。」蓋必析之,有以 事無所不貫 備 段 明 無 又通爲一篇之統體。」以見夫天下雖大,而 也 邪?」曰: 心之體無不該; 在 者,復以 前 道體之全,渾然 明 其 不 ,然後極其體用之全而一言以舉之,陳 若不知此,則卒爲無星之秤, 意 : "此書首三言固當無所不盡,而所謂 貫。 德 中。 而 此又言之序也。」 以其賓主對待先後次第言之, 物能出乎是理之外; 者,又三言之綱 明明德言之,則似新 陳氏日 而 「篇首三言者,《大學》之綱 何其言之不一, 無 一 致 理 其大而 「體具於方寸之間 事 不行乎其事之中。 · 而 物雖多 精 極 無餘。 粗 其精 用發於方寸之間,萬 領 本末之分粲然於其 無寸之尺而已」,正 乃所以爲道體之全 一,而 也。 而辨之不 愚案: 而不亂 ,萬理無所 民之事 吾心之用 此心之所以 明明德者 至此 朱子賞 然 吾 亦 後 則 明 領 不

自天子以至於庶人,壹是皆以脩身爲本。 居中。 而 下,則舉此 整齊。」正 壹是,一切也。《語録》曰:「一切,如以刀切物,取 齊家、治國、平天下,則又因 凡格物、致知、正心、誠意、許多工夫皆所以脩身、 心以 圃 上,皆 錯 之耳。 所 [此身之既脩而 以 葉氏曰: 脩 身 「八者條目 也。 推之耳。」 齊 「, 脩 家 以 身 其

薄者厚,未之有也。 其本亂而未治者否矣,其所厚者薄,而其

所

者。」此 謂 亦猶前章知所先後之云,而旨益深矣。」 《大學》條目凡八事,而章未獨以脩身、齊家二事結之。 本,謂身也。所厚,謂家也。《文集》曰:「所厚 父子兄弟骨肉之恩,理之所 兩 節,結 E 文 兩 節 當 之意。 然, 丽 人心之不 《文集》曰 己

或問: 也 厚者薄,而 脩身爲本。 ?」曰:「此結上文兩節之意也。 『自天子以 其所薄者厚,未之有也。」何 其本 亂 至 而 於庶 末 治者否矣,其 人, 壹是皆以 以身 所

薄矣。 哉? 其親,不長其長,則所厚者薄 脩,則其本亂矣。本之既亂,如天下國家何?一不 知、誠意、正心而積也。 而 致知,以誠意 下,本非所薄,自家言之,則爲薄耳。」故不能 無等差矣。三 理 是本,此是末。」以家對 對 下者,天子諸侯之事也,卿大夫以下,蓋 其言蓋亦 人之親長 事父母而不能孝,事兄長而不能弟,則是於其所厚 爲 末 雖 天 孟 下 不可治。 未 所厚者猶薄,奚望其親天下之親,長天下之長 子 嘗 國 《語 所謂 ,此皆必 本於此云。」〇 家 不一, 録 而 正 山陳氏 『於 Ĕ 首, 山陳氏 心而脩其身,則本必 然其 所 然之理 不如是,則身不可脩。 「脩身是對天下國家説 則身爲 日 : 國 厚 日 厚薄之分,亦 [與天下而 者 所厚者家也,國與 目 「脩身者 薄 也。 本 無 治 而 丽 所 1,自格 山 言 國 天 不 無 陳 身之不 平 ·薄』, 氏 以 格物 不 下 物、 則 云 日 . 親 夫 及 容 其 或 天 者 致 此

賤,而 辭者 選 嘗 也。 之明 子、公、侯、卿大夫、士之適子,與國 事。 又況大學之教,乃爲天子之元子、衆 而非吾職之所當爲,雖 下,無一物而 無 之事皆我之所當爲者,只恁地强信不得,須是學 以 不以天下國家爲己事之當然,而 道我合當做,便如此做。|〇又曰: 「那箇事不是 分,而何以得爲爲己之學哉?」曰:「天 於天下爲言,豈不爲思出 與馬。 IE 而設,是皆將有天下國家之責 不在其分内也。 其 是以君子之心,豁 ,則其所 命,有生之所 所以堯舜 本、 今《大學》之教,乃例 清其 以 非吾心之所當愛,無 原 其君,堯 素教而 哉 《語録》曰:「小事大事,只是 同 1 得,非有我 然 預養之者,安得 (語録 舜 域勢 大公, 工其位 其 $\stackrel{>}{\vdash}$ 民 在 以 2者,亦 「所謂 兀 其 之 預 而 犯 明 一夫之 一之俊 求 視 得 非 明 不 問 分 天下 事 有 口 天 私 其 德 到 内

家理會 之病, 明 是有所爲。」〇又曰: 羸 知於世 亦爲己也。」〇又曰:「如甲兵、錢穀、籩豆、有司 亦爲己也; 只在《大學》明明德上。 聖法爲 世,亦可悲矣! 多,而敗國之君,亡家之主,常接 那 爲己也。 之,則雖甲兵、錢穀、籩豆、有司之事,皆 視天下之事,以 於目前,是以天下之治日常少, 田 馬,亦爲 地,經 一則是不忍其親之死,這都是爲己。 便理會,不是爲別 人君 圃 疑,亦獨 歷磨 讀書窮理,亦爲己也, 《語録》曰:「學者須是爲己。 爲之,則 父者 人耳。《語 煉多後,方信得 如如 論者不此之監,而 慮 爲 何哉? 以此立心,則如今端己斂容 割股、廬墓、一 雖 己事 不 人了理會。」以其 録》 足 割 Ĕ. 過。」後 股、 以 之所當 大抵以 做 及 「纔説 廬 得 此 則是不忍其 世 墓、 聖人教人。 件 要人知, 學者 然 若因要人 教學不 可 迹 亂 丽 弊 事 反以 於當 以 是 而 苟 日 當自 車 實 求 爲 而 常 徇 便 親

> 是而 與孟子性善養氣之論同功。」 得自家合當做,不是要人道好。二〇又曰: 而無豪釐之差矣。」《語録》曰:「無所爲只是見 意之深切,蓋有前 曰 知了去恁地,便是爲人。」善乎張子敬夫之言 『爲己者, 日自 省焉,則有 無 所 爲 賢 以 圃 所 然者也。』此 察乎善 未發者,學者以 「張子此 利之間, 其

十六字。 定,更考經文,别爲序次如 記之也。 二百五字。 右經一章,蓋孔子之言,而曾子述之。 其傳十章,則曾子之意 舊本 - 頗有 錯簡,今因程 左。 凡千五百 而門人 子 所 A. 四

接續, 也。 密。 凡傳文,雜引經傳,若無 經 傳贊揚處,其意只是提起一事,使人讀 《語録 熟讀 血 脉 》曰:「《大學》諸傳,有解 詳 貫 味,久當見之,今不 通, 深淺 始 統 終,至 紀, 經處,有只引 着常 然文 盡 爲 惺 釋 精 理

明其旨,中間義理却自貫通。」(一葉氏曰:「古人只將經傳中句語排列,以發

意、正 善,即 身脩也。」孟子之所謂 言近而 或問: 心者,知至也,存心、養性、脩身者 所以明善,固執 以授孟子 合,則知其成於曾子門人之手,而子思 曾子之言,而又多與《中庸》、《孟子》者 也,故疑之而 無他 以知其然也?」曰:「正 之,其傳則曾子之意,而門人記之。 左駝 心、脩身之效也。 格物致知之 「子謂 至也 指 月. 無 遠,非聖人不 所以誠身。 執之之固 疑 意其 Ī 不 也。 經蓋夫子之言,而曾子 敢 或出 功; 質。 知 ,則《大學》所謂 蓋《中庸》之所 擇之之明,則《大學 性者,物 命中 於古昔先民之言 能及 其 至於傳文,或引 經辭約而理備 庸或問 日 誠 也,然以其 格 意誠 ě 身, 也 順 シ所 即 謂 「, 誠 心 杰 誠 明 何 述 Œ

尋,節 者之日用。 之規 言,或因 見矣。」曰: 之先務,而《論》、《孟》猶 合焉者。 故程子以爲孔氏之遺書,學 慊之説,義利之分,常言之序,亦無不脗 處,便打不過,便不足。」其 孝,不是備禮如 盡 吾心之所知 字對心字。」〇又曰: 而言者也。 「是書垂世立 意、正心、脩身也。 孟》,又且 我這心去做。 橅 目分 雖 無不盡,盡 大, 時 不及乎《中 明 陳氏曰: 此 $\stackrel{\wedge}{\sim}$ 如 程子之先 而 教之大典,通 ,既知得到這裏,若於心有此子 論》、《孟 然 事 事君必要極於忠,爲子必要極 \mathbb{I} 其 「物理之極處 心 而 「《大學》規模廣大而本未不 《語録》曰: 夫 也。」〇又曰 首 發者 有 他 尾 庸》, 》應 序, 是 如謹 該 處 也 書 漢 機 無 備 無 爲 何也?」 「物字對 不到 而 獨 、次焉,亦可 「知得 接 天 而 非 是 後《 之云,不 物 下 以以 綱 切 知 到 之微 是 後 於 領 論 E 一時,必 性 字,知 未盡 學 書 世 也 可

之所 者 論 之歸趣。 《論》、《孟》,無 挈綱領,而盡《論》、《孟》之精微,不參之 《論》、《孟》。 遺,節 以建立大本,經綸大經,而讀天下之書, 以及此乎? 蓋不先乎《大學》,無以 之,豈不又以爲《論》、《孟》既通,然後 之所易得 庸》,則又聖門傳授極致之言,尤非後學 非以聖人之言爲有優劣也。 抑揚進退之不齊,其間蓋有非初學日 人,記者非一手,或先後淺深之無序,或 論》、《孟》之爲人雖切,然 固 天下之事 不可不急於四書, 目 及者,此程 明 然不會其極於《中 而聞者,故程子之教,未 而始終不紊,學者 哉! 蓋以其 以 融 一子所 以是觀之,則 貫會通,而 (難易 以 而讀四書者又不 所當最 緩急言之,而 先 而問 庸》,則又何 是 至於《中 極《中庸 先 書 務 者非 講明者。」 講學 加 遽 提 及 口 後 用

> 空、流 實。 理,實群經之綱領也。 學》,以爲人德之門,以其中 此不務,而反以 通,然後會其極於《中庸》。」今之教者,乃或棄 決矣。一〇陳氏 書中所說聖賢工夫來。若果看此數書,他書可一 雖多讀古人書,無益。 泳切已,看得透徹,一生受用不盡。 又無所疑,然後可讀《中庸》。」〇又曰:「先看《大學》, 次《語》、《孟》,次《中庸》。 可不先於《大學》,亦已明矣。《文集》曰 看《大學》首尾貫通,都無所疑,然後可讀《語》、《孟》, 又其次則《孟子》,以 於 功 曰:「讀 利 而 他説先焉,其不溺於虚 次則《論 書只是明得道理,却要人做 書次序,自 得 爲體驗充廣之端。 果然下工夫,句句字字,涵 罪 説 明明德、 語》,以爲操存涵養之 於 . 有其 只怕人不下工夫 聖 新 要。 門 民,具 者 先 三者 須《大 有 見 幾 既 mi

希矣。」

《康誥》曰:「克明德。」

字雖訓能字,然克字比能字有力。」〇真氏曰:「要切處在《康誥》,《周書》。 克,能也。《語録》曰:「此克

三四四

克之一字。」

《大甲》曰:「顧諟天之明命。」大,讀作泰。諟,古

《大甲》,《商書》。 爲德者也。 天之明命,即天之所以與我,而我之所以 日 見。」提,猶此也、《語録》曰: 其發見處。」曰:「只是見得長長地在面前樣,豈是有物可 然在目前。一〇問:「天命至微,恐不可目在之,想只是顧 之間,存之而不忘。」〇又曰:「常要看,教他光明燦爛 要常常提撕在這裏,莫使他昏昧了。1〇又曰: 録》曰:「目在,如目存之,常知得有此理,不是親眼看 審也。《語録》曰:「誤是詳審,顧誤乃見得子細。」 愚謂: 自 顧,謂常目在之也。 天所與而言 「顧 ,則曰命。 提,是看此也。」或 「常在視瞻 自我之所 《語 只 昭

《帝典》,《堯典》,《虞書》。峻,大也。《帝典》曰:「克明峻德。」峻,《書》作俊。

結所引書,皆言自明己德之意。

欲蔽塞之故。

雖是蔽塞之餘,若

旦悔悟

欲自

明

其

皆自明

也。

右傳之首章,釋「明明德」。

「没世不忘」之下。此通下三章,至「止於信」,舊本誤在

也。 常人所以不能明者,一則以氣稟昏弱之故,二 然,而遂以爲傳之首章也?」曰:「以 或問:「一章而下,以至三章之半,鄭本 有,其所以爲聖愚之分者,但以克明與不能明之異爾 欲明之,而有不克也。 氣稟拘之於前,物欲蔽之於後,是以 之不然,審矣。」三山陳氏曰:「以文勢與經傳之 統傳,以傳附經,則其次第可知,而二説 『此謂知之至也』之文、子獨何以 德』者,何也?」曰:「此言文王能」 次序相統而知之。○曰:「然則其曰 元在『没世不忘』之下,而程子乃以 蓋人莫不知德之當明而欲明之,然 真氏曰:「明德人所同 明其 知 克克 則 次於 其不 以 雖 經 德 明 物

散 又曰:「天理本體 日: 無 m 用。」〇陳氏曰: 是體,萬物資始處便是用; 用、蓋無時 所以命我而至善之所存也,是其全體大 之中以生,故人之明德非他也,即天之 下,未能如文王,則不可無克之之功矣。 心渾然天理,表裹澄瑩,不待克之而自明。 其克之之功也。」愚謂: 人不能,又以見夫未能明者之不 矣。然猶云爾者,亦 之心,渾然天理,亦 德,亦無不可者,患在 顧諟天之明命,何也?」曰:「人受天 渾然之全體常昭融於方寸間,及感而遂通之際,則 「體用元不相 息不流行乎日用之間。」○真氏曰:「全體言性之 本爲萬殊,而 而不發見於日用之間。 「於寂然不動之時,則合萬殊爲一本。 離。 常生生而無一息之已,而其大用 ·縱横曲直,莫非大用之所流行。」○ 白暴自 此身是體,動作處便是用, 無 見其 地是體,萬物資生 棄而不肯爲耳。文王 文王自誠而明者,故 待 於克之 獨 能 明之 若大賢 可 面 《語録 處便 不 而 自 日 地 致 天 他 明 亦 是 而 其

邪! 此性發出底都是道 氏曰:「言天之與我者,自有混成之性,如今俗言見 也。 則,不可失也,一行事,則 與是德相忘,亦不自知其有是也。 發用出來者,惻隱、羞惡、辭遜、是非之端是也。一人 本體,渾然全備,仁、義、禮、智、信是也。 長弟之類皆是。|〇又曰:「人只要存得這 天下之道義無不從此 渾淪之物是也。 是心裏常常存着此理在。 衡,此豈有物可見? 惟不察於此,是以 自明,常目在之,而真若見其『參 成性如名,明德如表德相 成性,不曾作壞底。 ·倚於衡』也、《語録》曰:「若見其參於前 合道 不過 」則成性 理!□曰: 如如 此 耳, 存 我但當存之又存,不令頃刻失之,則 存 理。 初豈實 『克明 但是凡人不知省察,常行日 存謂常在這裏,存之又存。」〇直 出。 圃 若不存得這些,待做 汩 道義出矣。」《語録》曰 似,天命都一 道義如事君忠,事親孝,事 有 事又有當然之則,不 於人欲 H 俊德」, 言 物 之可 今所謂顧諟者, 則言必 而 般。」〇又日 以 不 大用 何 些,便見 見 於前」、 有當 知 也? (出,那 其 言性 丽 所以 形 可 然 用 倚 象 之 失 只 於 之 每

會

之極,乃所謂止於至善者也。」 則言明德之故,次之曰峻德,加 克明德者,泛言之,曰顧諟,則言明之之功, 文『明明德』之意。其言之序,則自淺而深,最爲有 也。」〇黄氏曰:「本文三引《書》,乃斷章取義,以明 天人本只一理, 若理會得此意, 則天何嘗大, 人何嘗小 之則,則所謂天理也。 作、視聽,皆天也。只今説話,天便在這裏。」〇又曰 生,得於天也,既生此人,則天又在人矣。凡語言、動 略有序矣。」《語録》曰:「天即人,人即天。 人之始 德 成德之事而極其大焉。其言之淺深,亦 而人之未始不爲天也。 其言之亦有序乎?」曰:「《康誥》通言 内。1〇曰:「是三者,固皆自明之事也 至於大,如光被四表,使天下之人皆在吾盛德輝 ·只是言人之性本無不善,而其日用之間,莫不有當然 而已。《大甲》則明天之未始不爲 「言堯能明其大德也。 人若每事做得是,則便合天理 《帝典》則專言 峻字,則又見明德 陳氏曰: 明 曰明命, 一,然 光之 人, 德 味 崩 經 而

湯之盤銘曰: 之,又日新之,不可 染之污而自新,則當因 性爲輕也,豈不謬哉!」言誠能 欲所昏,而不肯一用其力以去之。 苟,誠也。《語録》曰"「要緊在此一字。」湯以人之 也。 新之,工夫無有間斷 塵垢存則其體污穢。至於心者,神明之府,乃甘心爲利 盥濯,纔到晚下,垢污又生,所以常要日新。□○真氏 銘其盤。 洗濯其心以去惡, 盤 誠能 身之有垢 ,沐浴之盤也。 陳氏曰: 日洗滌而新之,則當因其已新者日 ,特形骸之礙耳 《語録》曰: 「銘者,刻其辭於器,因外以警其中也。 「苟日新,日日新,又日新。」 必到 銘,名其器以 如沐浴其身以去垢 盤 那光 略 ,然人猶知 銘取 有 其 明 盛大處。 沐浴之義者,蓋謂 (已新 間 一日有以滌 是以形體爲重,以 斷 沐浴以 者 也。」 自警之辭 H 而 新之,又日 去之,惟恐 陳 H 氏 其 日 早間 日 新 舊 Ď

《康誥》曰:「作新民。」

跳舞踴躍。」言振起其自新之民也。陳氏曰:「自鼓之舞之之謂作,《語録》曰:「如擊鼓然,自然使人

能自己,是作其自新之民也。此正新民用工夫處。」新之民,已能改過遷善,又從而鼓舞振作之,使之亹亹不

《詩》曰:「周雖舊邦,其命惟新。」

也。 於文王,能 詩 《語 大雅 録 $\stackrel{\vee}{\exists}$ 新 文王》之篇。 其 新民之極,和 德以及於民, 天命也新。」 言周 圃 國 始受天 雖 蓝色,至 命

是故君子無所不用其極。

命 明德,便要如湯之日新新民,便要如文王 自 維新 新 ,各求止於至善之地 新 民,皆 欲 止 於至善也。 ൬ 後 止 也。 一之周 《語 録》 雖舊邦 E 其 明

賢 欲 常 猶 常 或 右 問: 其 用 恐 兢 用 傳之二章,釋 常接 其 之 之器,銘者,自警之辭也。 兢 有 「盤之有銘,何也?」曰 業 各因 所怠. 《業,固 乎目,每警乎心,而 忽 其 新 無 而 事 時 民 或忘之也,是以 圃 圃 刻銘, 不 戒 謹 以致戒焉 不至於忽 : 恐懼, 古之聖 盤 於其 者 然

間 少間 既新 之也。 辭如此 也 無 昏,亦如 新之,又日新之,使其 如 所以潔之之功不繼 之交將復有 前日 澡雪,而 德之明 忘也。」曰:「然則沐浴之盤,而 有 是身 日 前 斷 愚謂 而不 斷, 日之污也。 矣,而 利欲之昏 則 <u>一</u> 旦 而 也 人之一 有以 何也?」曰:「人之有是德,猶其 身常潔 則明德 沐浴,使其 塵垢之污,其害淺; 利欲昏之,猶身之潔而 一,德之本明,猶其身之本潔也 所 一存養省察之功,真 如 去其 以 丽 前日之昏,猶既 清 日 常 新之之功 日 故 前 沐 明, 則 新 必 圃 疏 日 浴 焉 存 因 不 圃 瀹 塵 塵 丽 復 不 養 其 利 澡 垢 則 垢之污 不 日 欲之昏,其害深 爲 復爲利欲 省 已 之集 雪 亦 繼, H 舊染之污 之功 察之 新 猶 有 其所刻之 潔 沐 將 則 苡 面 其 塵 也 矣, 浴, 無 功 利 去其 日 復 疏 之 少 又 無 有 然 偂 欲 H 瀹

六

潔而 污。 潔也。 去之。 以 邇聲色,不殖貨利」等語 處,亦説得大段地 於所謂「聖 若不及』。 省察之功,其可一日而 看得來大段是一 意愈切矣。 咈,改過不吝』,又曰『與人不求備,檢 其德者,有曰 反之而 污矣,然其潔之之功不繼,則塵垢復集,將又如 塵垢之污,人知求以去之, 特地詳載者 以以 不污。 故必 惟聖人則以爲德之不可不新,甚於身之不可 且人之潔身也,既知疏瀹澡雪以去前 義制事 日 至於聖者,正 況欲去利欲之昏,而復本然之明,則 加 此皆足以見其日新之實。 敬 疏 《語録》曰: 非説道人不知,亦欲學者經心耳。 箇脩 瀹澡雪之功,無少間 ,以禮制 『不邇聲 着,如云「以義制 Ħ 躋』云者,則其言 飭 有間斷哉? ,可見日新之功。」《或問 底人。 「成湯功夫全是在敬字上, 而 心。 惟 色,不殖貨利」, 利欲之昏, 故當時 有得於此, 事 有曰『從諫 以以 昔成湯所 ,斷,而 人説他做 禮 則 制心」,「不 愈約 後其 不知 日 前 塵 故 功夫 前 存 日 身 所 垢 身 至 又 以 然 弗 稱 而 所 常 之 之 不 以

区。 變,則 告之,欲其 焉。 吉,怠勝敬 以 告太甲焉。 真氏曰:「湯之於伊尹、學焉而後臣之。 初 不 由學人,而其 謂苟日新者。 繼其烈祖之成 自怨自艾於桐,處仁遷義 新』爲丁寧之戒。 復政太甲之初,復以『終始惟 本湯之所以得此, 日 Ħ ,受師尚父丹書之戒,曰『敬 新。 新爲盛德。 德 故伊 退而於其几席、 日 不日 以 所以 尹 新 者,純 者 日進 新 自 矣。」其後周之武 人之學,不日進則 滅 者,不一 有 謂 故復推 德也。 而不 義勝 乎 德者,伊 與 此 又其學於伊 蓋於是 雜,常而不息之謂 害之也,終始之間 湯 觴 欲者從、欲 『咸 無 其嘗以告于 其 尹 豆、刀劒 輔 意 所 有 時,太 沿日退 而 間 佐之力也,又舉以 亦 王,踐 歸,是 斷, 故故 成湯之聖、蓋 深 德 尹 甲 勝 勝 户 德不 也。 切 面 時 而 怠 阼 義 湯 方 矣 有 亦 乃 有 而 《易 牖 可 者 者 之 者 以 所 且 日 於 發 不 以

之,蓋 矣。 誥》之言作新民,何也?」曰:「武 民,其 則 敬與義之一言。 書 猶 理從事便是欲。 康 如 也。」陳氏曰:「三句本新民事,今引以證自新者,蓋 斯 録》曰:「敬便豎起, 怠便放倒。 其遺語 莫不銘焉。 自 君,志學之士,皆不 此,下 新乃新民之本也。]〇葉氏曰:「上 須不存 理爲之主,欲則 於太公,可謂急於聞道者矣。 坤卦説敬義。」○真氏曰:「武王之始踐阼也,訪丹 叔 武王聞之,惕若戒懼,而銘之器物以自警馬,蓋 也,以商之餘民,染紂污俗而 引此 面 以 '', 面 ,尚幸頗見於《禮》、《書》,願治之 始言所 是 怠與 何也?」日 爲 蓋聞湯之風而興起者。今 從,順 蓋敬則萬善俱立,怠則萬善俱廢,義 、欲得 物爲之主。 以作新斯民者。」〇 自 也。 新之至,而 乘其隙也。」曰:「此言 可 這 . 以莫之考也。」《語 處敬 上占聖人已致謹 「此自其 以理從事是義,不以 而太公望所告,不 與義是 面 既言能 新 日 適體 民 王之封 本 自新 之端 失其 而 用, 於 康 言 新 亦 此 出

言周 新也。 之。」然非此 躍 欲其 當別爲讀 之德,而無一字及武王者,計乃是武王之書,而序者失 書。今考其詞,謂康叔爲弟,而自稱寡兄,又多述文下 見。《文集》曰:「《康誥》,《小序》以爲成王封 武王之自言,乃得事 之,何也?」曰:「此五 誥》爲成王、周公之書,而子以 自 亦多。《小序》之言,不足深信,於此 蓋嘗因而考之,其 本心也,故作《康誥》之書而告之以此, 「言周之有邦,自后稷以來,千有餘年。 新 而已矣。」曰:「孔氏《小序》以《康 有以鼓舞 雖舊邦,其命惟新」,何也?」曰: 去其惡 然此豈聲色號令之所及哉? 書者言之耳。二〇 書大義所關 而 而作興之,使之 遷於善,舍其 日 朕 理之實,而 故 峰 弟 胡氏之説 寡兄者,皆 不暇 曰:「《詩》之 舊 於致詳, 振 武王言 其 而 康叔之 奮 他 進 也 爲 亦 踴 可 平

新也。 其極」可 事,故通結之。」〇又曰:「觀上文三引《詩》、《書》,而 若 此以「無 極 民之極 往之,便是天命之也。」〇曰:「所謂『君 曾有耳目以視聽? 是而已矣。」《文集》曰: 所不用其極』者, 則天命之新亦 民,君德既新,則 命之,以有天下。 至于文王 康誥》言新民也、《文王》之詩,自新 (詩》、《書》之意也。 一件事,民人皆以爲是,便是天以爲是,若民人皆歸 即 至 所二二字總 也。 蓋民之視效在君,而天之視聽 善之云 ,聖德日 故曰『君子無所不用 而結之,則於自新、新民,皆欲「用 不旋 也 只是自民之視聽,便是天之視聽。 何也?」曰: 一,用其 民 .新,而 是其邦 日矣。」《語録》曰: 德必 蓋盤銘言自 「二章兼明自新、新民之 極 民亦 新 者 雖 民 舊,而 「此結上文 丕變,故天 求 德既 其 其 新 止於 子 「天豊 極 命 新 也, 新 無 在 則 作綿。

詩》云: 《詩 也。 止,居也。 商頌 「邦畿千里,惟民所 玄鳥》之篇。 言物各有所當止之處也 止。 邦畿,王者之都

《詩》云: 止,知其所止,可以人而不如鳥乎!」緡,《詩 緡蠻黄鳥,止于丘隅。」子曰: 「於

愚謂:

此意重在止字上。

《詩 當止之處也。 子曰以下,孔子説《詩》之辭。 角危峻處,木植森蔚,人迹罕到,鳥止於此,其 隅,岑蔚之處。陳氏曰:「土高曰丘。 • 小雅 綿 陳氏曰:「此意重在知字上。」 蠻》之篇。 緡 **蠻**,鳥 言人當 隅,是丘 心甚安。」 知所 之 丘

《詩》云:「穆穆文王,於緝熙敬止!」爲人君, 爲人父,止於慈; 止於仁;爲人臣,止於敬;爲人子,止於孝; 與國· 人交,止於信

《詩 歎美辭。 文王》之篇。 緝,繼續也。 穆穆,深遠之意。 《語録》曰:「緝如緝 於, 麻之

知矣。

事

Ė

當

如

何

,所以待下又如何,尊卑小大之間,處之各要

 \wedge

其 日 緝 敬,包得仁、敬 人臣止於敬,專 也。」〇真氏曰:「此敬字舉全體而旨,無不敬之敬也。 止却是緝熙之效,能接續光明,則自無不敬,而且安所 字看,註之意却未必謂 ,連緝不已之意。 1〇陳氏日 無 焆 光 不 之與 明 敬 也。 熙 面 、孝、慈、 指敬君而言,乃敬中之一事也。文王之 安所 非二事 陳氏曰 信。引引 止 敬其所止,工夫全在緝熙字上。 ,也,能 也 「光明 緝 黄 此 而無 「連 則 代氏日 而言聖人之止, 能 續 一物之蔽。」〇真 熙矣。」敬止,言 而 「敬止 無 一豪之間。」 只 得 做 兩 爲 敬 ıŀ.

其一。 此 通 以 敬、子孝、父慈 而 緝 其餘,是外 章雖人倫大目 爲止至 又 .熙敬止者,所以爲止至善之本。仁、敬、孝、慈、信,所 推類 究其精微之藴,是就三者裏面窮究其藴。 |善之目。]學者於此,究其精微之藴 以 面 與國人信上推究精微,各 推 盡 ,亦只舉得三件,必須就此 廣,如夫婦、兄弟之類,須 其餘、《語録》曰:「大倫有 無不盡 泛是就 上推 廣, 所 君仁、臣 五,此言 推類以 之理。 以

無

非

至善。

Ŧi.

者

乃其日之大者也。 蔡氏曰:

疑矣。 之淺近者易見,而精 止處。」則於天下之事,皆有以 以五者大倫言之,此説君臣、父子、朋友而已,若夫婦 下爲高,以淺爲深,此學者所以貴於致知也。 往往便以 如此。J〇真氏曰 止於有別,長幼則止於有序,又推之萬事萬物,莫不有 處,方知三分之善只是三分,七分之善只是七分,不至以 未善爲已善,小善爲 「此二語 微者難 乃是發聖人言外之意。 知。 大善。 若於義理只見得皮 知其所止 惟 是 窮 推類 究到 而 云者 蓋理 精 無 則 微

咺; 也; 也; 如切 《詩》云:「瞻 反。 誼兮者,道盛德至善,民之不能 有斐君子,終不可諠兮!」如切 **諠**、《詩 菉,《詩 赫兮喧兮者,威儀 如琢如磨者,自脩也;瑟兮僴兮者,恂慄 如 磋,如 》作暖; 》作緑。 彼 琢 並 猗,叶韻音阿。 淇澳, 如 況晚反。 磨。 菉竹猗 也 瑟兮僴兮,赫兮喧兮。 恂,鄭氏讀作峻 僴,下版反。 有斐君 猗。 忘也。 如 磋者 子,終不 有斐君 喧,《詩 澳,於六 1,道學 子, 》作 口门

《詩・衛風・淇澳》之篇。淇,水名。澳,

澤 ? 是 티: 티 : 也。 隈 不困。一赫喧 治之有緒 琢成形質了, 緒,而益致其 治玉石者,既 石,使之平 刀或鋸裁截骨 沙石,皆治 竹始生之美盛 能剛强卓立,不如此,怠惰關處。]○陳氏曰: 詩 嚴 一。皆裁 也。 傳》曰: 一瑟 琢者以椎 此是就 此所謂益 然後 是 猗猗 也。 存 物使 治 「文章著見之貌。」切以 心言,只是不麤疎,須 有 方可磋磨,若 心 ,宣著盛大之貌。 也。 撃 角 物使其滑澤 既切琢了,若不 威儀,烜赫著見。一這 細 致其精也。一瑟,嚴密 興 ,美盛貌 鑿 , 使成 琢 精 密。」 八其學 成 治骨 鐫刻玉石,使成形質。 也。 而 形 形質。 僴 間 復 質也。 角者, 自 未切 磨之。 真氏曰: 武 脩 興也。 磋則 也。 之進 琢,如 毅 磋 磨, 既 之 磋 或鑢或盪,使之平治 恁 《文集》曰: 益 《語録》日 凡製物爲器 皆言其治之有 ,忘也。 貌。 切 如 何 以 刀 《詩傳》日 地鎮密。」〇 也。」 斐, 之貌 磋 何 而 鑢 鋸,琢以 磨? 磨則 得 復磋 錫, 語 他 們是 道,言 「占人 文貌 : 録 礱 精 此 切者以 磨 語 須切 之。 武 陳 細 所謂 以 以 日 録 以 椎 沙 潤 首 毅 氏 緑

慄,戰 事? 已!」威, 日. 物是 卒乃指其實而嘆美之也。 之之由 是之謂儀。」引《詩 之謂威。 其合克去,此即所謂克己也。| ○又曰: 也 善,功夫如此其縝密也。」道學自脩,吉其 止於至善。 徒事嚴猛 意否?」曰"「人而懷戰懼之心,則必齋莊嚴 毅之貌, 相表裏,不學問 意、正心、脩身是也。」〇真氏曰:「若只説過便了, 0 『《莊子》云: 也。」自脩者 須是省察吾之言行有無未善,吾之過失有無 學, 懼 而恂慄則 儀,非徒事容飾 而已,正衣冠,尊瞻視,儼然人望 可畏也。 也。 謂 恂 講習 蔡氏曰:「此引《詩 慄、威 固 木處則恂 示 戰懼之貌,不 語 能自脩 討 録 省 順 儀, 察克治之功 儀,言其 論之事 日 而已。 釋之,以 ,學問了,又不可不自脩。」**怕** 可 慄危懼。」」〇 問 象 知人當戰 動容周旋,莫不中禮,夫 0 也。 》以釋明明德之止於至 「何以 德容表裏之盛 明 陳 學 氏 真氏 明 知其 懼 曰 : 而畏之,夫是 時 問 與自脩,一 明 陳 E. 点点, (爲戰 果 氏 所以 德 僴 致 日 「威, 又 何 者之 有 懼? 當 知 鳥 者 益 武 得 改 事 非 誠 武 格 ПĴ

也。 其親 於戲,音烏呼。樂,音洛 小小 「於戲 人樂其 前王不忘 樂 而利 其 !」君子賢其 利 此 以 没 世 賢 不 而 忘 親

葉氏曰 《詩 覆 録 兩 小人乃後之小人,没世而 陳氏曰: 以既没世而人思慕之,愈久而不忘也。三山 至善,能使天下後世 王,謂文 》曰:「一章主意,只是説所以止於至善工夫大槩,是 節 、謂後 咏,其味深長。」 周 咏歎 一此非 「此又贊其新民之功,其效如此之長且久也。」〇 民 武 頌·烈文》之篇。 淫 也。 也 洪,其 時 此言前王 君子,謂其 世事也。 、味深 猶慕之,愈久而愈不忘也。」此 無 長,當熟玩 所謂君子,乃後之君子, 所以 物 於戲,嘆辭。 後 不得其所 賢 新 後 民者止 之。 王 所 《語 於 小 前 反

誠意章下。 此章内自引《淇澳》詩以下,舊本誤在右傳之三章,釋止於至善。

所。 或問: 爲人臣, 則,是以 善之所 之詩,而繼以君臣、父子、與國人交之所 知止之義,亦深切矣。」〇曰:「引《文王》 能知所止 處,豈可人爲 蓋曰鳥於其欲止之時,猶知其當止 是言也?」曰:「此夫子説《詩》之辭也。 不各有所當止,借邦畿以爲喻也。」 〇 曰 止,何也?」曰:「此因聖人之止,以 蠻》之詩,而 止也。」葉氏曰:「《傳》引此詩、蓋言凡天下之物、莫 此以 故爲 但所居之位 民之止於邦畿, 「此引《玄鳥》之詩, 在 則其所當 人君 而 萬 也。 系以 止之乎? 物 萬物之靈,而), 則 庶 蓋 孔子之言,孔子何以 不同, 止者在於敬,爲人子, 事 其 『天生 , 莫不各有當止 所 其 圃 當 則所止之善不 明 烝民, 所 止者 物 何 以 反 之各 也?」曰 不 發 在 有 如 一於仁; 「引念 明 物 明 人當 鳥 有 之 綿 有 有 所

則 者 者 不 日 所 洞 不 是 而 當 天下,可傳於後世者,亦不 者 則 詩》所謂『上天之載 續之功 於此 其 而 止 後 敬 然 能 焉 心之不容已者, 在 止 其 常人之德業所以 一於信。 得 常敬 敬 之實,使 緝 者 所 無 面 也 熙之, 但衆 所 止 當 在 誠 所 有 之功, 止 而 於 止 惟 有 止者,莫非至善 也 失 人 是皆 者 慈 聖 天 使 以 豪之蔽 (其 0 類 在 人之心 3 其 見 下 是 不 故《傳》引 所 爲 天 與 於孝 後 能 連 其 而文王之所 亦 或 氣 理 止 無聲無 與 光 發 故 ## 續 文 唯事 八天同 7明者 稟 ; 人 人 光 於 得 爲 E 交,則其 連 物欲之所 倫之極 本 聖人之心 明 以 運 以 人父, m 此 續 能 ,有緝 不待 心之不容已 取 其 光明, 已矣。 詩, 臭、儀刑文 無 乍作乍 加 以 法 少間 致 熙之功。」 豪 焉 知 爲 所 則 而 香, 自 末 發 當 歷 所 表 法 其 真 斷 無無 學 故 陳 止 裹 於 無 於 於 止 所 EE

皆取 名 之 以 德之要而 下後 者,何其言之衍 復有所謂 而聖人嘉之,此 語之辭 以 以 可 王 五. 詩 1,則仁 求 所 爲 一,萬 爲 敬 者之目 商 × 世得以取 荷 能 是 斷 本文之義 所 止 與 引而釋知止之義,蓋古人之言詩 邦作孚」,正 儀刑文王 賜之可 章 之止 盡 ıĿ. 或流於姑 總名之, 究其 或或 言者, 哉 之 法之意。 非可 詞 與言 爲語 義 姑 則 也。 精 約 與 則 圃 借 得 天德全矣。 詩 後 何 微 面 助 息、敬 此意 則 曰 : 其 不 陳氏 其 世之學《詩 其 》者,於 義 之 也 之辭, 切 始 一言足 辭 名 該 ? 藴 日 也。」愚 「子之説《詩》, 邪 終 以 或 矣。 mi 《詩 萬邦所以 而 ?? 三 曰 「敬止 本 日 明 墮於阿諛,孝 丽 不 》之訓 》者言 矣。 推 古古 末, 己 於 子之説 得 謂 類 也,如 之止 意,未 此 也。」曰 其 詁 信悦, 豈 論 以 天 無當 書,又 當爲 人 無 所 是 其 舉 通 而 Œ 聲 言 其 之 以 所 乃 也 必 引 既 已 助 臭 天

之,則 詩 善閉邪 固同 而 下之事,無大無小,雖千條萬緒,皆有以知其所當 人交止於信,皆當如此。 止,安得謂止於孝之至善。 違亦孝也,若執着其孝之一 之所止 其仁之所止,安得謂 也,刑之威之亦仁也,若執着其仁之一端,不能隨 於仁,固同一仁也 之目,猶 陳,姑以見物各有止之凡例,其於 或陷父,而慈或敗子。 所謂得其名而不得其所以名,若細推之,如爲人君 孝也 無不止於至善矣。」〇曰:「復引《淇澳》之 不爲 ,何也?」曰:「上言止於至善之理 亦敬 敬也,然敬亦何止一端? ,然孝亦何 一,安得謂止 亦何 尾生、白公之爲 H 也,若執着其敬之一端,不能 以 闕 止 於敬之至善。 ,然仁亦何止一端? 盡天下之理哉 其二焉。苟不 止於仁之至善。 端? 而又推類以及其 端,不能隨處止其孝之所 以至爲人父止於慈,與 先意承志固孝也,幾諫不 也。 且其爲信,亦 爲人子止於孝,固 鞠躬盡力固敬 又況 爲人臣 生之育之固仁 ! 」蔡氏 推 隨 餘 類 覤 傳 止於 ,則凡 正 以 大 > 也,陳 處止 其 E 敬 備 倫 所 未 通 天 敬 同 止

外也。 嚴敬之存乎中也。 知 至那十分純 切 티 : 治,此 其所 驗, 矣。 析,有倫有敘。 到 成就處,中間功夫,既講求,又復講求,既 所 精,而益求其精也。 而 至善之由 夫 『如切如磋』,言其所以 止於至善所在,自脩 而又磋。 (至善處。」○陳氏曰: 以 爲止於至善之驗也。 「只切 則未之及,故又引此詩 謂已精而求其益精,已密而求其益密也。」〇又 然其所以求之之方,與其得之之 以 脩 此其 於身者已密, 擇善固執,日就 而不磋,亦未到 琢是克去物欲之私 粹處 也。 磋是講 所 所 《語録》曰 以 以 究到 睟 是此於至善所在。」恂慄者 如 「切是窮究事物之理,逐件 威儀者,輝光之著平 琢 至 」 如 面 純 而 而又磨。一〇又曰: 善 :「學是起頭 盎背 熟處,道 處; 益 《語録 ,使無瑕類。 月將 琢 求 只琢 以 講 如 其 理瑩徹 Ě 施 發明之也 丽 於學者 磨』,言 愐 克治,又復 密 於四體 處,脩身是 「有主於中 不磨,亦 得 磨是磨 也 所 「學是 IF 以 於 其 已 此 如

則日 也,至 磋 求 聖人不能。 不能 忘 盛 人心 便是學與自脩之驗。 而 此言聖人事,蓋渾然 不是插手掉臂做到 《或問 問 骨 ,便只是知得這箇。」 盛 不是至善。」〇又曰 不 也。 ·其止於是而已矣。」《文集》曰: 官 琢 角脉 忘? 能 《大學》引 之所 磨 著 》指聖人言之,何也?』曰: 發於外,亦不是 以 善以理之所

<b 又 理 只 理 何 此是連上文文王「於緝熙敬 録》 加 言 同 是 可 以 則 Ĕ 然, 此 《淇 尋, 爲 日 時 那處,也須學始得。 盛 學問 澳》詩,是學者事 善,又不爲無辨耳。」 是以 聖 不 若非十分至善, 至善。 而 體,不可得而分者。 「到這 極 忘, 德 人 切磋之功易,所謂始 自 一而言 德以身之所 、既先 至 亦不是至 民皆仰之,而 裹睟面盎背,發見於外 脩 務飾 善、民 之别 「後面 也,切磋琢 得之, 於外 何以 善。一〇 所謂 止」説 不 忧 説 而 丽 「盛德 盛德 能 ?! 日 日 得來大,非 無主於中, 但以 得 使 而 生 ,聖人也 志 民 而 又 不 其 至善 而 至 人言 磨 知 久 日 善善 言 能 充 蓋 切 之 愐

是親其 티 : 要密 始條 得 樂 業之盛也; 角却易開解,玉石儘着得磨揩工夫。」〇 功 條 武之德,是賢其賢; 而 此皆先王盛德至善之餘 也?」曰:「賢其 王之身,或指前王之澤。]〇《語 育之恩也 「烈文》之詩,而 所 也 人猶思之,愈久而 難 理 I,講貫 「親賢樂利,上 理 之事 所 止言之,而發 親親。 琢磨是終 利 而益講貫 謂 上文之引《 其 也。 9 終 利者 樂其 親 條理之事 條 四字皆自後人而言,下四字 其親者,子孫保之,思 玉 成 理,較 八賢者 言前 脩 耕 樂者,含哺 康以 石 飭 渾 新 H 而益 淇 密 後思其 聞 不能 王之没世不忘, 全堅 民 鑿 否?」日 澳 也。」《 脩飭。] 録》曰: 澤,故 之端 井 而知之,仰其 **>** 恩 確 志 而享其利也 鼓 以 而 語 保其 如如 問: 也。《文 腹 「始終條 也 明 雖 而 録 日 已没 孔子 明 而 琢 一切 基 日 或 此 安 其 磨 德 緒 仰 指 理 磋 集 骨 便 # 其 覆 德 何 引 之 引 之 文 是 前

能 明德之效也。」《文集》曰 《烈文》,以新民之得所止言之,而著明 知 所 繫,文意不屬,故有不得而從者。 以 意 以新民,以見明德之極功。 曰 忘,而 其當屬乎此 謂道盛德至善、没世不忘者推之,則 知其不然而屬之此也?」曰:「二家 章後,而程子置之卒章之中,子獨 「《淇澳》、《烈文》二節,鄭本 後世之民亦不能 也。」 忘,以見新民之極功。](《烈文》因言非獨一 :「《淇澳》言明 元 明 且 時 德 在 民 耐 以 所 何 誠 不 可

此

事爲足以盡本末也

情者不得盡其辭。 子曰:「聽訟 聽 既明,自然有以畏服民之心志,故訟 實之人不敢盡其虚誕之辭。 情,實也。 猶人,不異於 而 自 無 也。 ,吾猶人也,必也使無訟乎?」 引夫子之言,而言聖 《語録 人 也。 大畏民志,此謂知本。 ₩ E 葉氏 :「大有以畏服 日 「言吾 蓋 人 我 斯 亦若人耳。」 之 能 民 自欺シ 明 使 不待 德 無 無

使。黄氏曰:「聽訟無訟,亦大槩引此一端以見本末,其其處之辭。」觀於此言,可以知本末之先後其處之辭。」觀於此言,可以知本末之先後

右傳之四章,釋本末。

或問: 從,而寘之於此,何也?」曰:「以傳之結 自 何 經之本文乘之,則 語考之,則其爲釋本末之義可知矣。 文之下,『此謂知之至也』之上。 後,正心脩身之前,程子又進 曰:「然則聽訟無訟,於明德、新民之義, 二家之説 明者,皆極天下之至善,故 所當也?」曰:「聖人德盛仁熟,所以 此章舊本誤在「止於信」下。 「聽訟一章,鄭本元在『止於信』之 有未安者,故 其 八當屬 不得 於此 能大有 而從也。」 而真之經 可見 子不之 矣。 以 以

以智 氏曰: 之辭。 也 有 略、未必如 終始者,何也?」曰:「古人釋經,取其大 效,其亦末矣。 欲 新 自 畏 耶? 闕 區 無訟之可 服其民之心志,而使之不敢盡 ,則得其本之明效 能 文焉, 區於分争辯訟之間,以求 「聽訟,末也, 決訟者,抑末矣。」曰:「然則其不 是以雖其 是之屑屑 又安知 聽,蓋 此傳者釋經之意 明德,本也。 、聽訟 其 己 也。 也。 德 非 無以異於衆人, 本 既 不能明己之德而 且此章之下, 或不能 有 明 而 而并失之 新民 民德 其無實 也。」陳 然, · 論夫 之 自 而 而 車

此謂知之至也。 程子曰:「衍文也。」 此謂知本,

右傳之五章,蓋釋格物、致知之義,而今此句之上,別有闕文,此特其結語耳。

亡矣。

覺處。」〇又曰:「如孩 就那上見得道理破便實。」〇又曰: 耳。」〇陳氏曰: 也。 敬其兄,以至於飢則知求食,渴則知求飲,是莫不有 幾學者有着實用功之地,不至馳心於虚 事事物物 理 知在 録》曰:「聖人不令人懸空窮理,須 無形而難知,物有迹而易睹,故因是物以求之。□○《語 間嘗竊取程子之意以補之曰:「所謂致 人心之靈莫不 窮其理也。 《大學》不曰窮理而謂之格物,只是使人就實處窮竟 ,事物可見而其理難知,即 此章舊本通下章,誤在經文之下。 「《大學》教人以格物致知,蓋即 但 格 所知 E 物 者止於大略,而 有許 者,言欲致 《文集》曰:「格物者,窮理之謂 「此句就致知上生。」而天下之物 多道 有 理,窮之不可不盡 提之童知愛其親, 知 《語 不 吾之知,在 事即物 能 録 推 要格物者,是要人 \Box 致 物 「事事物物皆有其 ,便要見得 其 而理 無之境。」 知 及其 靈 也。一〇真 以 在焉。 底 即 至於 長 是 也。 物 此 也 1 蓋 理 極 氏 m 知 知 知 庶 理

也。」惟 未知。 知至者,只是足於已知,而 端 理 云因其已知,則又在格物前。1曰:「知元自 録 教,必使學者即凡天下之物,莫不因 義理 見,一邊便不該 不皆然。 下者。日 下者,其 以 中。大而天地,亦 莫不有理, 語 ,形體言,乾坤以性情言。 一...「凡天下之物 未曾通。二〇又曰: 會,便是這些知 》曰:「問:「經文物格而後知至,却是知至在後,今 知之理而 録 則極至處 人之良知,本所固 於 八理即 性曰心之理,乃形而上者。 如 「所謂窮理者、窮之須要周盡、若得一 理 燈 形 燭器也,其 陳 通。」〇真氏曰:「若不就事物上 有 而上 亦無緣知得盡。是以《大學》始 益窮之,以求至乎其極。 氏 形而 荫露。 有 未 日 者。 形 「窮 窮,故 下者,乾坤乃 有 有, 理者 以身言之,身之形體皆 若懵然全不向着,便是知 象者,皆器 此 於其 所 日月星辰風 句 以 然不能 八所未 因 其 就 能 格 其 照 知 至於一物 八所已知 物 窮理 形而 知 也 物,形而 有 者 上生。」〇 不同霜 其 不 以 L 不 有, 能 至 理 者。 而 露 盡 --- 器 纔要 窮 於 究 上 便 亦 一之理 且 其 物 推 邊不 天 也 形 形 在 真 《語 其 格 所 > 夫 求 莫 杰 地 丽 imi 其 氏

也。 知之功到,而 吾心之全體 欲格物致 夫,這唤做知得裏,知得精。 只理會得下許多,都不見得上面 處。」〇問:「既有箇定理」如何又有表裏精粗 孝,雖九夷八蠻 至親至切 衆物之表 都知得 通。」〇又曰: 焉。《語録》日 理 人物之所共由, 得 都識得他 精 皆無所 固自有表裹精粗,人見識亦自有高低深淺。 ·粗。又有人合下便看得大體,都 三至於 故 見得 一 ,然理會得已極多,萬 知,到 處。]〇又曰: 隔 破。 裹 絶間 吾本然之體 「知至只是 用 截,却 :「亦須銖積寸累工 精粗 大 物 出 裹者,吾心之所獨得。 只是貫通 力之久, 斷 用 格知至, 這道 又不曾見得 體 無 無 常 理不得, 「粗是大綱、 到 皆皆 不 不 涵用, ,便不 則 脱 二者俱是偏,故《大學》必 ·明矣。 一有 加 有 到 然質 表 以 知 裹精 《語 用 插 裹者乃是至隱 截,這唤做知得表 周 底 不 通 截,此其 夫,到 旦 不就中間 離 徧 件差異 處,雖 粗 陳氏 精 録 亦 表者如 昭 體 無不盡。」而 豁 ₩ El 是 通 晰,本 日 裏 將 後自 未 其 然 所以 成事 去。」則 面 「表者 能 實 細下工 父慈子 貫 小必 然 有人 曲 至 然 非 日 事 於 來 通 致 折 貫 理

也

不

知

Л 九 用

0

然矣。 本、知 然, 自當 者之不 以 必 句於 此謂 丽 意之前。 繫也 後、「此謂 衍文,何也?」曰:「以其複 語 或 事 皆 其 他求爲也。 問 加 則 也 有説 中 聽 爲 既聞 至之云者,則知屬之經 有 知本」,繫於經文之後,而 「此 然矣。 間 訟 觀 此 傳文之首,又安得 所取舍於其 程子則去其 . 又無 謂 於聽訟 知之至也』之前。 矣。 知本之章, 命矣,其 『此謂知之至也』,鄭 謂 物 格 知本』,其一 且 知 考之經文,初無 子 其 此 至之説 獨 之章,既 下 何 鄭 謂知之至也。」 门間 以 文 上句之複,而 據 耶?」曰:「此 屬 則 所 以 本元在 爲聽訟章之結 以 屬 明德之上, 以 知 出 知 面 知 明德之章 此 後 其 再結聽訟 程 而 本 者 (皆不 再 而先之 下 子 本 他 經文之 · 結之, 之不 論 附 以 屬 元 無 無 盡 是 隨 爲 知 此 誠 所

也; 乎? 莫先於致 子之意 復上文語緒之可尋也。 矣。 傳之例推之,而知其有闕 曰 : 『學何爲 必合於經 而 之結語, 異也。」曰:「然則子何以知其爲釋知 以經傳之次求之而 於程子,何邪?」曰 程子上句 此 傳 經之序,自誠 復闕 以句法推之,而知其 「以文義與下文推之,而 獨其所謂 故愚於此皆 以以 而 而 知,能 之 意 補 焉 미 又知其上之當有闕文也?」 ? 所 之,則程子之言, ,且爲最 以 格 删 致其 有 而子之言,又 意 物 鄭 覺 有所不能無 以下 :「或問 有合焉,是以不 致 也?」 知,則思日益 初 氏 知 用 下文之所 子乃自謂 者 八爲結 其 文也。」〇 力之地, 一程子 「, 字 義 於程子 知其 似 何 明 語 疑者 義 曰:『學 不 以 釋知 而 也 明 不 盡 見 丽 得 取 傳 . Ы 日 明 出 其 程 悉 至 至 至 無 而 則 獨

者。 於久 以 博 睿 其 性 乃 周 之,亦未有能 敬 勉 然,覺是悟其理之所以然。 智益明 有箇覺悟 亦 之序,先致 一本無 固 作 知之不至, 旋 踐 何 能 而 苟無聖 聖 其 智益 以 而 無 不 不 則 而 行 時 學 後 待 不 可 不善 其效著矣。」〇愚謂: 致 節 爲 明」, 事之迹, 有 中 董 勉 以 知 知 也 覺 人之聰明 禮 子 勉强學問 强 不 一,循 勉以 爲 而 而但欲以 哉?』《語録 正 所 爾。 也 mi 難 勉,然天下之理 後 理 謂 哉? 謂 自 柰 則 行之者也 誠 而 \sim 此 「勉强 樂 亦 所以致其知 書 何? 意, 或 行,宜 睿 也 循 安能 惟 **>** 問:『忠信 力爲之,是以 智, 其等 **∀** 所謂 知 理 其 學 學 是 程 爾。 如 0 而 無難 燭 識 槓 間 也。 而 子 故《大學 彼之 徒 有 其 思 理之明 無 累之多, 不 日 理 夫人之 不 聞 則 者 欲 E 之所 先 見 動 可 聞 勉 則 博 睿 書 容 焉 知 見 惟 躐 誠 可 自 則 當 丽

爲

知

真

孰

爲

其

不可 得又説 都見得透。」〇又曰:「真知是知得真箇如此,不是 深於衆人也。 是。」〇又曰: 底,須逐旋思量箇被傷底 以,乃嘗傷於 莫不 害吾 知之,則自有不容已者矣。」〇又曰: 且虎能傷人,人所共知,而 語 ,及臨事又爲之,只是知之未至。 樂,不 虎 有 難 而 録》日 不 食 聞 猶或爲之,則亦未嘗真 不真也。 樂 ,然後爲至耳。 知,然聞 而 「便唤做知。」○又曰:「今人有知不善之不當 断然終於不食,是真知之也。 不知 邪? 「曾被虎傷者,便知得是可畏,未曾被虎 循 丽 學者之於道,能如 程子論知之淺深,從前未有人説 其 理 其樂耳。 之有 虎 間 昔 學者 爲 嘗 者也。 不樂,何 懼有 人 見 道理,見得與被傷 之知 若曰 懼之有見於色者,以 神 有 知之而至, 夫虎 談 不 色 道 此人之於虎,真 苦而 知 懼 獨 虎 必必 人知烏喙之殺,人 不 「真知是要 知 知 者,知之有 能 變,問其 傷 不 不善不可爲 而已矣。』 善之不 如 傷 人者 者 循 此 則 其 人之 理 循 到 徹 有 知之 般 此 口 所 衆 以 理 方 骨 以 傷

爲

五

則 則 道 也。 於道 義 接 物 在 意,然欲誠意,必先致 之術何先者,程子曰:『莫先於正 手 此 口 愐 是 是 ·處,若理會得 · 則 格物。 ",必有一 猶 事 義,或論 後之意 兩 「物理無窮、故説得 理 理存於古今人物; 然而格物 理 或 是理 物 存於應接 條者,皆言格 上只就 爲 之,是 而 存於書 也。 致,盡 處 外面 古今人物 理,窮 特 透徹,後 事 其 物。 未 亦非 理 語 如 當否,皆 能 也。 會 論 録 來亦自多端 所 真 m 事画 物 面便容易。」又 古今人物 如 日 知 存 一端,如 格,至 致 應 至之,所 既 也。 而 知 接 却 非 「致知是《大學 知 别 未理會得十分瑩淨。」 事 窮 前 所 所 物 物 圃 ,如讀 其 以 理 也 或 以 m 别 能 未 是 欲 也 謂 當先 其 有問 審 讀 能 專 書以 非 致 處其 是 真 凡 則 格 書 非 . 》最 知 知. 所 講 (當否 講 物 有 心 進 語 或 圃 邪 者 格 明 初 録 正 應 明 者 誠 脩 又 不 亦 道 下 緣

期 也。 格 實有 便 件 格 日 照 其 然後脱 將何所往而非吾窮格之益也。 可 後次而及於論古今人物,以 而 之中 解 貫 者,格物工夫次第也。 彼之情,而 裁處剖決 有 窮 萬 萬 通 不 定 得 理 物馬 『格物者, 物, 理 論。 虚心 理 · 則 循 則 T 皆 其 然 夫,先 通 八爲自 是非邪正大分已明 冷序 而 一而詳 通 方中節而 明明 最其後也,乃及於應接事物以相證訂, 有貫 歷練感觸又有以長吾之見,内外交相 也 而 萬 雖 畫。」○《語 且 選責其 玩 日 理 就 顔 必 隨 0 通 聖 又 皆 子 不至於差。 物 章逐 須積累將 賢 處 全 格一物焉,積習既多 亦 通 脱然質 物 言 耳。』《文集》曰 録 則爲 相參 耶 句 未 語 丽 Ħ 程子之言,亦有序矣。」 實 ? 三 至此,唯 耐 自 格之耶 去。 質 通者,知 處 罔 至是則 天 胸 實下講 ,則其褒貶去取 爲 中 如 準 下豊 但 權 (顔子 則 至 吾之見 度 求 明 今日 有 效 (稍定。 粗 於 高 I 驗 曉 物 妣 將 明 夫, 理 日 有以 脯 極 閒 格 止 而 不 通 致 則 然 果 不 方 静

0 便」,原脱, 據《朱子語 類》卷十八補

賢書

中

-又見

成理

義所萃,

而

皆事物之則

也。

在

初學

者 聖

非

端

而

盡。」〇

)陳氏

日

事事物

物

固

皆

有

理

m

者所 之可 當理 又曰 隱 覺 他皆 以 至 後脱然有箇貫通 通 理 又 醒 明 將 用 過 急迫之理。 如 不 會 日 Ħ 悟 謂 窮 閳 處 萬 羞 何 會。 格 究 通。 當 以 是天理,不知都是人欲。」〇又曰:「今日格一件: 悪 説盡格得天下物理後方始通,只云積習既多,然 ○』《語録 使? 物 深 行 事 其 以知 如讀 程子此語,是真實做功夫來,不說格一件 箇,其 明日 某正 水 至 、始固須用力,及得之也,又却不假用力。」〇 件,乃是零零碎碎湊合,將來不知不覺,自 究 之 皆當 若萬物之榮悴,與 逐、是非,與夫耳目手足,視聽言動 有人嘗説 十,亦是大段聰明了。 那底 書,今日看一 理 到 不敢如此説,須是逐旋做將去。 理會 他更不用管,便都理會得。 得 Ē: 處。」又曰:『自一身之中, 理 是 豁 理 可 會。」〇又曰 然處,非人力勉强 會 以 學. 事。 身之中,是仁、義、禮、智、 如 得 段 問 何用? 積 一只用 多, ,明日看一 (夫動 習多後,自然貫通。」 窮 自 植 學問 此 車之可以行陸 究 當 小 段。 大,這 而 段 豁然有 箇大處 却 至者。」又 尤要切 爲此説 有 又如 漸, ● 不成 底 是 皆 便 今 則 1,舟 粤 者 簡 可 所 惻 會 日 其 0

原,此 或 其 不在 當脱 餘 各 且 盡 物 這 盡 非 曰 所 窮天下之理,務 矣。 一, 但 其 隨 别 所 非 : 謂 謂 四 我。 不 欲盡 人淺 以 窮 然有悟 7 止 窮 必 所 他 得一道 蓋萬 此皆 爲 件 窮 盡 理 以 可 雖未 深。 事 孝 窮天下之物者 窮天下之物,但於 得 者 不是。 可 以 物 者 ,或先其易者, 處。』《語録》日 理 約者又 推 而入,則 譬 各具 類 非 如 會 理 如 而 推 謂 何。 如 便 大槩可 無 謂 百 必 千蹊 到 如如 反 不 件事 若 至 理 盡 口 身 一十事 一於言 曉 通 但 窮 而 . 以 萬 理 了。又 丽 也 誠,則 「今人務博者 一會得 事 積 天 已窮得 或 推 徑 萬 \mathbb{I}_{\circ} 孝,則 先 累 下 上 皆 類 理 Ŧi. 天下之物 多 之 其 窮 八九, 語 一六十件了, 事 口 而 同 録 難 後, 理 不 當 上 以 出 通 文又 則 得 却 日 其 滴 求 窮 格 自 要

「問」,原脱,據《朱子語類》卷十八并參下文文義述

之用不 裹推去始 是 學者有恁地底,不得 行 物皆有此理 君 時 到 可 不得,便掉了别 事,或又可 既 討 是從已 物 慈,物物各具此理,而物物各異其用,然莫非 二雖未窮得,將來湊會,都自見得。| 〇又曰 也。 長,亦是 , 則 是如何 以 理會不得,若專 事, ,則不切於己。」〇又曰: ,莫不窮極其理 適國 理,然其間 原處否?」曰: 「未解便如此,只要以類推 知得於君 這 理 是言隨 人所 得。 會得 不得於親 ,恐是譬理之一原處,不知從一事上 如此。 以 如爲 ,理皆同 因 且 以 處 曲 窮 [彼而 時是如何,不得於君又當如何? 人之量,非日 君須仁,爲 如事親固當盡其事之之道,若得於親 推將去,如 窮 自此 [折甚多,須是把這箇做樣子,却 ,所以處置得物物各得其所 一守在這裏,却轉昏了,須着別 理 事,又輕忽了,也不得。 出 時 !已説此話。」○問:「千蹊萬 明此也。」〇又曰: 盡 推 又當 性 原,但所居之位不同 去,莫不皆然。」〇又 若 偂 臣須敬,爲子須孝,爲 如何? 此便不隔 [遷延 至 一事上窮未得,且 於 逃避避 命 以 也也。 凡 越。 此 「若 世 而 間調第 若遠 間 推 蓋 程子爲 日 無 則 理之流 之於 理。 所 便 於 父 徑 此 從 窮 去 類 其 口 别 有 推 「萬 事 事 見 以 事 這 固 皆 推 窮 覷 窮

高? 者。 當 神。 管 矣, 理 悽 幽 格物。1〇又曰: 知 顯 氣之只管恁地來者謂之神。 上,便只見如此 窮,若天 語 轉來旋去,天大了,故旋得許多查滓在中間,世 物不得其宜。」又曰 會,便是那氣之屈底。」又曰: 愴,此百物之精也,神之著也」,這便是那 ,神爲顯。 箇 是也。 知 其深而已矣,鬼神 録》曰: 物事 今人謂 神者是生底,以至長大,故見其 則是已然之詞,又何理之可 地如 所以 恁地大。 何 地之所以高 「此處甚緊切,學 人之死爲鬼 若曰天吾知 而 鬼者陰也,神者陽也。 爲孝之道,如 能厚? 高。 「天只是氣,非獨是高,只 地只是氣之查滓。 要之,他連那 鬼神 ,是死後收 物 吾知 深、鬼 如 洋洋然如在其上,「煮 其 者 何 必有理、皆 高 何 須當知 如如 而 其 地下亦是天。 斂 氣之屈者謂之鬼 能 圃 而 故厚 神之所 無形 (顯, 妣 咝 已矣, 欲 爲 顯 天 便是 且 而 窮 爲 無迹,不 八今人 奉養之 如 發生之精 深。 顯 哉哉?! 氣之伸 何 這 地 以 所 而 間 天 鬼 在 方 间 吾 當 則 己 幽 П 蒿 爲 只 地 是 能

又曰 如此 氏曰: 道 能 並自知。」〇又曰: 怵惕,知得人有 道理,人又是 之理,人又都 也。」曰:『然則先求之四端 小,至一物之所以 物 見 後可以 以爲孝之理 宜 有理,不可不察。』《語録》曰:「這理是天下公共 『求之情性,固切於身,然一草一木亦 之,非 也。 物 一, 如 我 則 「天地之所以高厚,一 「如事親當孝,非是空守 而 質能 何 因 語其大,天地之所以 理 反 [其理之自 獨 而 虚孝。」或問 當如何,凡古人事 求諸己乎?』曰: ,纔明彼,即 一般,初無物我之分。 爲 守夫孝之一字而 般道理,將來相比。 這 温凊之節,莫不窮究,然後 箇,便知自 「内外未嘗不合。 1然而 然,皆學 (應之,便見合内外之理。)() 物之所以然,只是舉其 家亦 曉此,此合内外之 觀物 親條目皆無 一箇孝字,必須窮格 有 如赤子入井 這箇 不 ,者所 察己者,豈 自家知得物之理 『不必然也 可乎?』曰 高 可得也。」陳 -可道 厚, 7,更不 一不講 宜 我是 語 致 消 ", 皆 比 皆 思 其 因 然 有 般 所 0

> 務此, 謂 恐其 之理。又曰:『致知之要,當知至善之所 物 是此等語 卻歸不得。」●○問:「程子謂 分外而與敵人合,此便是合內外之道。 程子曰:「兵陣須先立定家計,然後以 在 知得萬物均氣同體,非其時不伐一木,此便是合內外 死,仲夏斬陽木,仲冬斬陰木,皆自順陰陽道理 〇又日 窮天下萬物之理,不務切己,即所謂 也。』《語録》曰:「且窮實理,令有切己工夫,若只汎 大與其至細者言。 恐如大軍遊 莫若 如如 如大軍之遊騎,出太 父止 而 如 疏得好,平 察之於身,其得之尤切。」《語 徒欲 一草 入騎,出 於慈,子止於孝之類。 汎然以觀 學者之窮理,無一 木皆有理,草木春生 太遠而無所歸,何 Ē 不 向 一草一木皆所當窮,又 邊 萬物之理, 去。」又曰: 遠 遊 物 遊騎 一騎 也?」曰: 呵 若遊騎太遠 ௱ 秋殺 無所歸 在所遺 旋旋,量力 無 , 好 若 所 則 『格 矣。 自家 也。」 生惡 「便 吾 不 歸

·面」,「卻」作「都」。均據《二程遺書》卷七補正。程子日」至「歸不得」,原缺「程子日」三字,「而」作

知者 問: 學者立身進步之要,而二者之功未嘗不交相發也。 敬 確其 程子教 未 之,何也?」 備。又曰:『格物 走作不定, 心存,心存則理具,於此而得失可驗。]〇又曰:「心若 其 程 日 言格物 日 問 之於身爲尤切 . 有 遲 也 「這 (志,樸實去做工夫。)又曰: 「前既説當察物理,不可專在情性,至此又言莫若 ,又不過讀書史、應事物之間求其理之所在而已, 進 立 知 能 速 人持敬 學 簡誠 至 誠 陳 致 致 則 何 厛 則 日 意以 氏曰 後 知 知 意,只是要着實用力,所以下立字。」〇 7緣見 在 在 ,不過以整衣冠 意 所 而 「此誠字説較淺,未説到深處,只 格 乎人之明 皆是 致知。』《文集》曰 誠 得 格 當 不 Ż, 道 (窮理,但立誠意 偂 在 物 用 互 理。」 誠 此 諸 敬者。』《語録》日 力之地 相發處。」 意 云格物 條,其用功 又 如 、齊容貌爲先 暗 何 日 入 窮理,立誠意以格 却 耳。』《語 此 ,與其次第 在致知之先?』 道 十條者 次第,極爲明 此二言者,實 涵 莫 而 以 養 (格之, 如 録》曰: 所 須 (是堅 敬 謂 皆 敬 用 功 然 致 則

滴

道之始,

思欲

格物,

則

固

已近道矣。

之前 又曰 知者 相爲養,失其 則又差了。 患 益固 理 裹 般 字,便是皆要齊頭 非 \Box 人,儘行得,而 (語録 是既知後,便如此 知 如近 ,用義理做將 ,提掇警覺,不要放肆。 人、儘聰 者自是 與行 而 ,必先有以養其知。 ,若不養之, 知益明 **∀** 欲養其知者,惟寡欲而已矣。 致 世荒誕怪譎,不近人情之説也。」〇《語 涵 須 知在乎 笛 養於未發見之初 不可道 「致知者 明 是齊頭做,方能 道 兩 矣 知 知不得。」〇又曰: 去。 則 頭 得 此 説 交相 無變遷之患 着力,不可道知得 養 未知之前 知 所養,養知莫 而 ,推致 無事 話 如 否?」曰: 行不及,是資質弱。 爲害。」 本若. 何 有以養之,則所見益明 時便着存養,收拾此 人其知 ?發得? 到 Ę. 那講習應接 窮格於已發見之後。」又 便不 無 相發。 又 相 識 而 「此不分先 「無事時 必 日 干 得 而至於盡 既 益間 如此。|〇又曰 欲寡則無紛擾之 了方始 過 但 知之後,若 程子下須字、 「格 |得其 於寡欲。 ,便當思量 矣。」〇問 且存養在 後。 也。 又有 行。 道 物 録》日 心。一〇 ,所得 ,則交 不養 未 將 有 知 致 義 這 般 在

説不可 好。 有説向· 做功夫。」至 此。」〇又曰 傳詳矣。 之爲 見節次格處 字義亦皆有據 本原之功,所 此朱子所以謂此段甚好。 非邪思妄念處 是何也? 行之先,而 孟子所謂『知 人,甚明白,且於道理亦分曉,却只恁地者,只是向 語録 學聚問 **》**日: 半已難。 内處。 説者,不 不格 辨』、《中 須 物致知 ,自立誠意以 今也 以 「程子皆是因人資質説,故有説向外 要知學者用功,六分内面,四分外 截斷不 可以驗夫《大學》始教之功 以 先涵 他 若六分外面,則尤不可。 性 收其心而 過 以 尋其 中 《語録》曰:「程子説許多項,初 養清 書 知天』,又皆在 爲格物致知之本者也 續 如 ·庸》所 間 論 如如 此,其 明, 却 格之以下, 義 此五條者,又言涵 之,則《文言》 是指 何 然後能格物。」凡程子 理既 胸 不放也。」愚謂 謂 出箇格物箇 次得 於格物 無可 却是做功夫合如 明 明 善擇 乎固 可 疑,考其 今有 致 以 地頭 格 善 守 所 知 面 物 爲 力 處 謂 便 文 > 養 外 竿 間 若

考之, 己。 爲 者,只就 爲 有住不得處。」〇又曰:「今人未嘗看見當然而 之童,無不知愛其親,及其長也,無不知敬其兄,自 爲則。1○又曰:「理之所當爲者,自不容已。 是物者,莫不各有當 間者,皆物 造化發育,凡有 之間乎?」曰:「然則吾子之意亦可得 之罪,爲無證之言,以自託 以補傳文之闕。 盡心知性,此皆是 有在乎此也。 悉聞之乎?」曰:「吾聞之也,天道流 ("則自 也 是皆得於天之所賦 圃 有所不可已者矣。一今且以其至切 上較量 《語 有 録》曰:「物乃形 以信 也。 箇好惡耳,如 《語 知 聲 皆 其 既 録》曰 不然,則又安敢 (必然 有是 色貌象 始學之功 然之則,而 「學聚問 氣 是 物, 真見得這 則 ,而非人 而 乃理 也。 以 於聖 則 盈 竊 辨 也 其 愚 於天地 底是我合當 ,明善 取 物之理 之所 犯不韙 嘗 自 所 經 其 不 如 賢 不 以 反 M 擇 ·容已 侅 行 意 近 能 容 爲 之 傳 覆 而 是 方

鼻四 智? 間,實是有君,有臣,有朋友。都不是待後人旋安排, 來爲惻隱、羞惡、恭敬、是非,人人都有此。 推之於家,實是有父子,有夫婦,有兄弟。 之用。又次而及於身之所接,則 次 看天下,豈有假做得仁,假做得義,假做得禮 用,則實是有惻隱、羞惡、恭敬、是非,更假僞不得。 臣、父子、夫婦、長幼、朋友之常。 中,隨感 有 理。」其體則有仁、義、禮、智之性,其用 不測,此心之理,不可以物言。 必有當然之則,而自不容已,所謂 者言之,則心之爲物,實主於身,真氏日 語 「屬外竅中者,心之形體 | 惻隱、 而及於身之所具,則有口 録》曰:「論 肢,這是人人都如此。 又如一身之中,裹面有五臟六腑 羞惡、恭敬、是非之情,渾然 而 應,各有 其體,則實是有仁、義、禮、 ,可以物言。 存之爲仁、義、禮、智 攸 然有此形體,方包得 主 ൬ 鼻耳目 備具衆理 外面 不 推之天地之 口 智 更自 有耳 假做 亂 理 是皆 有 四 一發出 論其 神 一身 目 也 也 肢 在 則 君 試 得 此 明

彝,真 愚謂:理無物不在,無時不然。大而天地之一 同 是那降字,至物所受則謂之性, 而言,則謂之性。 却在降字上。 衷,折衷者,以中爲準則 或呼或吸,皆此理之所寓也。 闔,古今之一否一泰; 小,則一塵之微、一息之頃,不 是合下元有此。」〇問:「口鼻耳目四 衷、《語録》曰: 則天地之運、古今之變,不能外 於物,則物之理不異於人也。 至於人,則人之理不異於己也。遠 婦、長幼、朋友之常。」曰:「事君忠、事親孝。」外 貌曰恭,言曰從,視明 ,緣各據他來 氏 E: 吾 故自天而言,則謂之降衷,自人受此 處 「衷只是箇無過不及之中。今人言折 如云天所賦爲命,物所受爲性 衆民皆秉執 與 、所受 小而一塵之或飛或伏,一息之 聽聰。」又問: 而取正也。1〇又曰:「緊要字 人處而 言 此 是乃上帝所降之 而不謂之衷。 也。」烝民 常 理。」 君 肢之用。」曰 〇又日 也; 能遺也 臣、父子、夫 極其大, 所秉之 所以 盡於 命 而 開 至 而 不 便

而言秉何也?

渾然

理具於吾心,不可移奪,若秉執

所謂 加 而 物之所同得,非惟己有是,而人亦有是,非 物皆有箇恰好底道理,不可過,不可不及也。」張子 氏曰:「是以人言,所謂性也。」○真氏曰:「言凡百 智故也。 則自然有仁義之心。 物者,受於天而 物事,徹底如此 底,天道便是上面腦子。 子所謂 發之中。○黄氏曰:「是指天地而言,所謂 然。」劉子所 命之性」,陳氏曰:「天命即天道之流行而付予於 流行者是天道,人得之者爲性。●」子思所謂「天 仁義之心」,真氏曰: 天然自有之中」《語録》曰"「此是時中。」〇黄 百 物亦有是。」〇真氏曰:「凡人物之性,皆自此 川之同一 ·萬物之一原」、《語録》曰: 禮是仁之著,智是義之藏。」程 性性 與天 謂天地之中、《語録》曰:「此是未 源 爲我所 "二〇又曰: 也。」邵子所謂「道之形 道」、《語録》曰 只舉仁義二字者,仁包禮、義 有 E 「人既得陰陽之理以 「譬如 故謂之性。」孟 面 有腦子,下 一條長連底物事,其 「所謂性者,人 性 面便有許 惟人有是 子 一便是 命 子 也。一夫 所 所 流出 爲 體 自 性 謂 謂 事 包 0

濁

之所共由者也。 總會也。 性分之内。○陳氏日 實有,不須談空説遠。 只是虚空,更無形影。 者。《語録》曰:「天之付與其理,本不可見,其 在此。 象,不於性上體認,如何知得。」〇又曰:「纔説 偏 正之殊,物欲 蓋人得之於天理,元無欠闕,只是其 所謂形 性即在我之理,具於吾心,而道之所 體者,正 欲知此道之實有者,當求之吾 惟是説性者道之形體,却見 道者,事物中所當然之理,人 有 如 此。」但 淺 深厚薄之異,是 其氣質有 (理却 總 清 出 得 無 要

形 却

則 賢智、愚不肖相對而分言之,即須如此。 厚薄淺深 能 以 欲之私,若謂 物 八人清 ,似覺可 同 人之與物,賢之與 「清濁偏正等説,乃本《正蒙》中語 耳。《文集》曰:「問 而物濁,人正而物偏。 一句,復將何指? 疑。 説 若以清濁分聖愚,偏正分人物 人物,則 物又不 、愚,相 若謂指聖愚,則聖人無物 :「氣質物欲分聖愚、人 又細別之,則智乃清之 可 以 與懸 淺 ,然亦是將人物 若大槩而論 深厚薄論 絶 ,則物 而 不 欲

「人」,原誤作「天」,今據四庫本改。

六〇

便即 得 心 其始教,爲之小學,而 便夾帶這不當做底意在。」此其所以意有不 之私。《語 之所發,必不能 氣稟物欲遮了,然這箇理未嘗亡,纔求便得。1理 曰:「氣稟之偏者,自不求所以知。若或有這心要求 異,故於其理,或 其外也。こ以其理之同,故以一人之心,而 改聖字作賢字,亦省得分解,而聖人自不妨超然出 少,難入群隊,故只得且如此。下語若以爲疑,則不若 深厚薄,乃通爲衆人而言,若作有無,則此 所謂物有近人之性者,又濁之清,偏之正也。 清 未窮,故其知 於天下萬物之理,無不能 m 有 ,賢乃正之正,愚乃清之濁,不肖乃正之偏 在這裏。 治 不正,身有不 也。 録》曰:「若知之有豪末未 緣本來箇仁、義、禮、智,人人同有,只被 昔者聖人 有不 純 有 於義 - 脩,而 盡,知有不盡,則 所不能窮 使之習於誠敬,則 蓋 理 有憂之,是以 天下 Mi 知 無 國家不 盡 也。 以其稟之 雜 ,則當做 平 《語録 等 物欲 而張 其 物 人甚 誠 心 口 於 有 欲 處 於 淺 子

、之文字之中,或索之講論之際。 性如仁合當愛,義合當斷之類; 足容合當重之類; 説 往往是事爲,此分爲二,如何?』曰:"固是 相 自 録》曰:「天地鬼神之變,如春生秋殺,陽開陰閉,趲 以至天地鬼神之變,鳥獸草木之宜、語 别 也 曰:「問:「關於事爲者,不外乎念慮,而入於念慮 考之事爲之著,或察之念慮之微, 精 以各到乎其極,則吾之知識亦得以 夫事物之中,因其所知之理 用 所 趲, 住不得。 。」:使於身心性情之德,人倫日用之常, 那箇是 有做在外底,也有念慮方動底。 其 以 切而 ,如何 至 收 矣。 正,那箇是不正,這只就始末上 無 其 住 陽極了 不 放 得?」〇陳氏 及其進 盡 心, 在心如 陰便生、陰極了陽便生、後面只管 也。 養 其 若其用力之方,則 乎 體合當寂 日 德性 大學,則 一在 情如見赤子入井合當 一身如 念慮方動 者, ,用合當感之類 推 手容合當恭 己 又使之即 而 都 大 無 究之, 便 相 《語録 約 或 周 關 所 如 須 者 求 遍 或 不 去 此 辨 伙

何故? 類,此 當仁,爲 因 徹心徹髓處。二○陳氏曰:「當然,是就目今直 者,然又當求其所以 其 此,是理之見定形狀也。 隱之心,此其事所當然而不容已者也。 伸,陰合當屈; 曰:「下句只是指事而言、凡事固有所當然而不容已 容已,與其所以然 春合當生,秋合當殺等類: 合當止敬之類; [甚如此,是理之來歷根原 邊,只 如 隱,見大賓合當恭敬之類; 一物之中,莫不有以見其所當然而 「問:「上句 天地如天合當高,地合當厚, 此,故不可易。 乃道 據眼前 必有箇道理之不可易者。 臣 理 合當如此,不 敬、爲子當孝、爲父當慈、與人交當信 鳥 理 是 日 會 獣如 指理 用 ,得箇皮膚便休,爲不曾都 又如人見赤子入井,皆有怵惕惻 然者,何 如 牛合當耕,馬合當 m 居 所以然,是就 而不可易者。《語録 言,下句 如此則不可,故曰 處 皆有理存乎其間 也。」〇真氏曰:「如 合當恭,執 故? 人倫如君合當止仁, 鬼神二氣如陽合當 今之學者但止見其 是指人心而 其 所 F 然其所以 以 事 乘; 面 合當 委曲 然,理 也。 1所當然 草木 會得那 言? 爲君 其如 人者是 敬 看 也 其 不 自 如 之 臣

之淺近而支離也。」曰:「人之所以爲學, 矣。讀者其亦深考而實識 之所以補乎本傳闕 不曾識,來到面 者,心之事,可盡者,心之理。 知其 此理,是乃天之所與也,故曰所以 也。 心與理而已矣。 求之内而求之外,吾恐聖賢之學不如是 程子之言,然其指趣要歸,則不合 心之本體而 所極,而吾之聰 則於天下之物、皆有 其類以通之,至於一日 也。」必其表裏精粗 然則子之爲學,不求諸 (理當 然仁敬孝慈之屬,非是人力强爲,有生之初即 如此也。 前 無 ,便識得此物,盡 所 不盡矣。 心雖主乎一身,而其 明睿智,亦皆有 以 然是 無 文之意, 以 所 知 理既盡後,謂如 究 脱 《語録》曰: 不 天,謂知 心而求諸 然。 其 吾心之理 盡 然 之哉!」日 雖 義 所當然是知 · 而 丽 不 理 其 貫 能 又益 以 理 精微之 「不可 迹,不 通焉 所 者 此 極 盡 物 自 鮮 愚 其 推 用 初 杰 來

知窮理而不知存心 得心。」○真氏曰:「存心窮理二者,當表裹用 此其 知此 與在 體具乎是理,理則 曰:「不能存得心,不能窮得理; 窮之,則偏狹固滯 無 不外乎人心,蓋 否?」曰:「 此心矣。 地萬物之間,而 曰:「心包萬理,萬 心, 萬 之虚 此是以身爲主,以物爲客,故如此説。 以 物,而 吾身,只一 初不 理勢之相 窮衆理之妙,不知衆理之妙 心之靈 靈, 然則理 「理必 可 其 足 用 以 以 理 心則管之,心既管之,則其用實不外乎 而 有 般。」○問:「用之微妙,是心之用 之體在物,而其用在心也。」〇又曰 雖 之微 無所不 須,蓋 管乎天 無以 用 「理具於一心。」〇又曰 内 ,則思慮紛擾,物欲交攻,此心既 在 ,何必 外 物 m 該而 妙,實不 存之,則 精 丽 一亦有 又説是心之用? 無以 下之理 粗 用 無 實 不能窮得理,不能 而 必然者。 在心也。」然 物不在,然其用 盡此心之全。 論 昏昧 外 也。 要之,理 乎 理 而 雜 理 雖 《語 《語 功。 夫心之 遍在 或 無 擾 人 散 在 録 以 不 録 ITTE 之 昏 蓋 在 存 實 物 天

之功。 妙,而 有以知其渾然一 擇,及其真 相 然若要盡得,須先知得,所以學者要先窮理。」三 氏曰:「盡 窮之量,無 乎此心無窮之量也。 曰:「端莊主容貌而言,静 義,合而言之,則敬而已矣。」使 無私意邪念之紛擾,然後 以 則 持静定, 曰:「窮理以此心爲主、必須以敬自 之於端莊静一之中,以爲 且. 心無 亂 涵 聖 如 人 不 動 窮之於學問 亦不過如禪家之空叛而 何 陳氏曰:「古人每言學,必欲其博,所以 設 Œ 心者,言其心之所 一窮得 静交養, ľij 理一物之或遺,方是真 教,使人 積力 理 義理? 無不通。 久, 所謂盡心者,須是盡得 致,而果無内外精粗 初未 但 默識此 思辨之際,以 而豁然貫 有以爲窮理之基本。」〇又 學之大端 知 主心而言,蓋表裏交正之 存心 存 當有内 更無 人知 窮理之本; 而不務 心之靈 能 持,使心有主宰 惟 故必二者交進 通 盡其 外精 泉之不 有 窮理 此 焉 衆理 丽 致 簡極 心。」〇 己。」是 粗 盡 則 盡 而 真氏 大 極 能 之 也 之 之 亦 細 心 存 無 盡 執

其 第,非 之尤 然後 身,以 也。 性 也 扞 世 F. 深 淺 其 實學,其 ൬ 口 本; 豁 達 心 本 大 恍 近 也、禦也 然融會, 矣。 須從格物致知 如釋氏,妄以一 者 踐 儒 可 於 支 所 惚 無 窮 又 其 以 此 謂 文字 有 艱 , 離 不 (亦誤 有 實 加 理 而 得之,則是近 然後 格 爲 難 善 推 欲 於 則 氏 本 而 物 能 言 格 阻 學 矣。」 巨 其 移 \Box 可 而 欲 然 以 絶 扞 物 語 細 問 - 1 以 之以 説 然後 超直 存 有 藏 之善 之論 致 相 思 禦 致 」陳氏曰 造乎一之妙。」今必以 之外,而 者 辨 涵 爲 形 其 此 外 知 融會貫 人 之際, 亂 1 匿 動 日 知者 不善者, 相 物 自 務使學者 之説者, 静 於 世佛學詖 誑 古 景, 「吾道 端端 交養 明 以 眩。 人 通。」〇日 人 而 E 莊 達 耳。 别爲 亦 後 明 須從下 道 及 其 工夫 生 外 能 德 H 用。 其 必 之中 丽 是 物 淫邪 扞 莽 知 有節目 新 真 『格 -學,便 如 静 積 反之於 其 是 去 誘 至 民 然 種 此 力 以 爲 外 其 道 猶 近 之 措 之 遁 坳 爲 可 次 V.

之欲, 也,則 説,不 者 正 則 徒 天 克 者 是 欲 敬 有 有 而 日 外孰 一,不 禦外 之辨 則一, 是 悪 理之本然耳 復之功, 物, 圃 也, 後 絶 物 可 必 不 爲天 善之 亦善乎?」 滅 然 圃 夫 是 以 物 之 能 則 閉 外物之誘 種 而 安 不 推 知 物 誘 無 而 口 (理,孰 類 不可以 而 能 其 誘 有 者 孝 乎己, 後 之與 枵 本, 物 察於吾之所以 耳 此 也, 慈 o 然 可 腹 之 , 理 今不 爲 以 道 後 日 則 豪氂 非 離 但 誘 乃 人, 莫甚於 哉 然 . 知 口 人 固 於 1 指 君 古 一、天 欲 於 欲,是以 即 至 以 後 亦 其 差 君 臣然後 未 道 外 全 物 可 若 莫 耳。 間 始 臣 生 者 切 夫 以 以 非 曰 自 則 相 烝 婦 扞 窮 得 行 父 得 飲 所 無 惟 人 可 是 有 離 民, 之别 其 而 子 飲 乎 之 食 謂 以 以 其 以 絶 天 也 去之, 原, 食之 所 其 男 圃 知 父 奪 致 徒 理 外 有 也 子 當 女 言 其 間 有 物 物 愐 平 X

六四

恐其 其 亦 口 徑 用 以 者, 其小,究其 事之實而不廢文字之功,極其大 而 亂之哉 是 而 而去之。 未嘗相離,若離物以 程子之説 門 及 約 一發其 力 其學者傳之,見於文字多矣。 山 其 雖 況 裔 皆未足 也 所 焉, 謂 而 乎 謂 流 師 」此評 戎 反 雖 則 聖人大中 是 豁 於狂 説 無 復 曰:「自程子以 切切 精而不忽其 H 既 於 然貫 君 以 丽 詳 衵 不 於己而 可馬温公之説。 及此 妄。 無父之教,有不 説 有 水理 備 甘. 務 通者,又非見聞 經 助 而 師 博 至正之道 ,則空虚而 既 之意,人德之方,其 於後學者耶 也。 無 説 而 不 不遺於物,本 俟 粗。 陷 舍其 然以愚考之, 蓋 於 格物 於支 無據 ○愚謂 有 發 學者循是而 積累之漸 以 明 而 能 豊 離 爲 ? 是亦有 必 矣。 而 思慮之 得 充 得 亦不 窮 物與 窮 不略 於行 以 其 曰 理 切 若 則 萬 此 説 扞 理

理,而 明矣。 我爲 不欲 木爲 物之 爲 又 緣散了,千岐 而 性 爲 哉?'」此評 而 了 有 未 本,而又先其大者,則 不 情之異,則於理之精微者,有不察矣。 • 理 ,理自無可 9 以 ·
睹貫 其 達哀樂好惡之情,則 極 爲 理 原指外物,則於理之在己者,有 求屈 爲 但求衆物 者, 異 同 乎 知 窮 藍 通之妙矣,其於程子之説 一原 而 至 出 (萬徑,今日窮 通 似矣。 得 田 理只 伸 於 不免乎四説之異,必欲其同 晝夜之道,則死 吕 窮,又格箇甚麽? 消 心之同 如 氏之説 是 長 比類之同,而不究一物 合内外 爲 之變, 尋 格物, 然 則 運,所 箇 其 ○《語 徒 之道 是 欲 以 則 人 知 有牽合之勞, 處 處 要收拾 録》 必 與 固 天 萬 理 是 窮 生 然 日 地 鳥 則 物 通 出 歸 萬 幽 必 潤 天 同 Ш 説 於 於 何如 以 而 物 \prod 魚 明 人 出 一,只 許 ۵ 恕 之 觸 爲 物 不 草 鼈 乎 名

80

恕? 事 矣 以 初説 自是 若 者之 之務 誠 了。」〇又曰: 其 F 顔 處 IMI 日 一蔡謝氏之説。 爲 類 子 皆 非 以 我不曉 恕字, 然 則 窮理蓋是合下工夫,恕則 1通者。 天下 從 推 之 切 也。 恕 分是處 其 反 天 所 也 外 積 爲 大 窮 身 下 這 又曰 之物 累 得 不 本, 概 道理 直 理之至 而 「恕乃 之 之可 其 只 又 能 也 ○《語録》曰:「尋箇是處者,須 窮 誠,乃 物 則 是 ,所以要窮,如 到十分是處 先 E 日 及, 不 求仁之方。 説 所 是求仁之方 其大者 無 尋箇是處 以 可 要推 程子 無 謂 處 循 不 勝 爲 所 格 通 我之心 序 在 窮, 物 不盡 方可。」〇又曰 在窮 之所 物 而 試 而 我 何説得恕字? 格 則不若 然皆 者 看 必至 者。 理之後。」又有 知 亦 以 一, 故 窮 不 則得 切 窮 至 日 理 而 備 敢 理, 通 也。 凡 是 以 反 如 先 非 於我 言, 矣, 便 何 天 亦 後 身 其 「窮 窮 則 着 礙 此 他 是 下 非 之 似 而 近 理 而 又 得 理 當 理 於 評

明乎 所 庸 此 非 了。」又有以今日 少 如 氏之説。 説 之事 不誠 之不 之理 地 不 耳 事。 (孝如弟,須見得孝弟我元有 咈 類 謂 ,又安得遽以 位 聽 程子之言者。 ·, 其 實耳。 也。 非 固 但 反 於理者,不 學、問、思、辨,弗 善,則有 、手持、 他又却說萬物皆備於我,不須外面 ○《語録 水諸 務 一,不容皆誤。 有 (言誠 ^ 反 序 中 求 固 足 身,皆 而 H 庸》之言 反諸 身即 諸 非 行 是 不 格 知 則諸 之畢 以 身 可誣 「須是反身,乃見得 丽 意誠 有 身 何 是 物, 爲言哉 而 丽 以 家 方 具於此 所 得 在這裏,若 明 矣。 且 天 見。 不 心 所 明 爲 病 善 弗 下之 其 誠 IE 記 日 格物之事 今爲 而 措」之事, 即 爲 (者,其 之功,故 其 程子之言, 格 疑之也 物 能 理 説,正《中 圃 此 如 求,此 道 反身,争 格 格 自 評 無 物, 理 目 龜 物 功 豪 知 然 分 却 視、 Ш 明 亦 無 爲 夫 至 髪 不 無 名 楊

察,則 哉! 德 意 子 之物』也。 地 致 爲然,故於此説有所不領會耳。」又有以 能 以 聞 耶 豈 深信程子者,想是此等説話不曾聞得,或是其心不以 人之所 已言之,若以己偶未 所謂 勢以 察 也。 也 ? 其 無待於子游 有子之似聖 則 而 習 此評 是 抑 是但 未聞 又 厚 夫持敬 宛 於 不 直 物 和 F 德 轉 持 察程 以 静 又曰 欲 我 者 察 歸 尹氏之説。 己 敬 因其已定之名,擬 而 人, 觀 天 亦 加 己, 所 之 理 宛 子 盡 行 後定,今又安得 理,不 未 似 而 轉歸 所 約 如 廢 以 纔 速貧 聞 矣。 謂 聞 察 而 ◎語 自 衆人之所共 明 而 可 示不 己,則是不察 天行以 而 强 厭 彼 然 速朽之論 不 録》曰: 遂不之信, 偏 夫 必 察 其 信 廢,程 即 觀 盡 他 地 日 曉 自 和 爲 理 其 勢 窮 物 遽 人 此之 强 静且 聞 之所 已 天 物 物 以 子 之 以 猶 著 厚 程 下 致 物 者 固 察 則 煩 不 是

棄,而 指 耳。 則不能爲事。 格。二〇又曰:「人之爲事,必先立志以爲本,志不立 體 己 之迹 久 定其本,居敬 是隔陌多少!」 與 有 表,敬行乎事物之内,而知乃可精者,又 向 天行以自强,察地勢以厚德,祗因其物之如 ○《語録 貫 以合 規 裹之意。 `則是理本非己有,乃强委曲牽合,使他 其 「身親格之,説得親字急迫,格 初不知天如 通之功耳。 模之大, 但 所以爲」者之妙 身親 ¥ 而 其 乎所 未嘗 語 「所謂物物致察,只求之於外,如 格之,以 雖能立志,苟不能居敬以持之,此心亦 獨有所謂 意 而其曰 謂 何而 又無 如 以持其志,志立 頗 未 健 此評 程 傷 有 地 子 以 急 精 致 格之之道 也。 五峯胡氏之説。 如 所 見其 迫 即 其 何 知 謂 既 事 丽 知 此評 而 順也。 自是格,不成 從容潛 者 即 求 不 不 胡文定公之説 物, 爲 平事 能 在 必 其 入來 所謂 敬 ◎《語 立 不 是 盡 得 所 玩 所謂 爾。 宛 īfij 者 物 志 其 厭 致 以 倩 求之 轉 録 積 全 之 之 字 以 不 然 這 歸 察

事。 得。」〇又曰 些子,言 乎 義 有 此 明 鳴 精 不 乃 本 碎 迫 段 後學哉 向 碎。 録 久自然貫通。]〇 知 可 是廣大,須 裏來,不曾 事物之表 己 所 ,雖或僅有 也 呼 ,此是 致 精 中 而 出 乖 未 如 間 知 敬 無 (説格 便 排 也 矣, 之道 主,悠悠終 彼 Œ 行 盡 在 程 有 須 好 乎 ,看是甚 物 用 説 那 也 局 敬, 用工 尚 不 而 子 事 此 説得 語 裹, 以 蹙 得 如此 物之内 何 其門人之所以 之言 段 動 録 氣 外 前 一二之合焉, 曲 句 V 本説 是亦不待七 麼都 ₩ E 表裏内 也 日 象, 底事。 望 面 急迫 旬 折 日 亦亦 須 所 一一他 處 其 1,其答 將 他 得 敬 這 不 須 只 來 ,都不曾説,便是 便要就 以 諸 能 外 極 後 箇 能奪得他 是 比 精 坐 是寬其 周 語 公説 説 有 面 便 虚言。」〇又曰 意頗 對 也 徧 知 然 是 問 説 逐 所 這 未到 兼 須 初 又是 却 細 裏便 傷急迫。 反 程 敬, + 而 爲 該 字 發 都 密 又不恁 有 方得 限,大其 見 精 復 稱停過,方 子 處 不 説 丽 格 病 頃 精 者 好 處,方是 物以 之 局 刻 免 喪 事 有 者 其 後 蓋致 知。 去 蹙了。」 其 只 地 事 詳 於 「志 而 乃 助 度 後 説 他 來 E 要 細 量 於 大 猶 且. 如 段 底 殊 這 口 知 知 得 細 立 不

款。 爲 平 得 自 爛 非 子,然其功夫之漸次,意味之深切,則 雖 處 如 融 就 此 程子 人家事一 時 是見得快活。 熟離析,不待擘開 能 其 非 此 他 此 釋 心 先 諸 「李先生説,是教人若遇 恁 於此既差, 有 説 規模之大,條 事 一,勿爲 脱 生之教 既 地 説 公致 文字言語之 落, 反 約模得,都不與自家相干,久後皆忘却,如 以 所 攧 久, 般,少 撲 識 能 復 知格物之説 他 然後循序少進, 不 積 則 及者。 推 之,未易以 破, 天下事 、間被人取將去,又濟自家甚 事 累 以 他 ,尋,以 可 諸 ,自然分解,久之自當 之多 所勝,凡 爲 知 公説 無 所 爲 矣。」閒 理之密,若不逮 惟 皆失了程子意 他 究其 及 學 挨 ,只是 嘗 胸 事 着 之 也。 遇 實 舌 中 , 即 理。 獨 便 箇熟與 初 用力於 而 争 成 自 惟 且 詳 事 粉 别窮一事 也 就 當 待此 H 念 此 碎了。一〇 味 不]。|《語 有 上 有 當 昔 即 正是人門 -熟,若 此者 此言 事?」〇 灑 理 於 灑 當 常 聞 然 會、教 處 録 有 程 然 事 且 延 存 只 又

日 得

日

之實。 明 ; 意。 也。 不同。 識 永嘉陳氏曰: 彼以徇外誇多爲務,而不覈其 極 以 之所謂 去,則 愚謂 且 就 ,口耳外體 摯。 反 曰 : 若延平則專爲不能主一者之成,讀者不可 不覈 身 易爲力,非謂一 程子言 事 蓋 《語 然必 窮理 推尋 博 程 「然則 子以 其實, :録》曰:「反身是着實向自家體 物 ,喪心之學。 「格物致知,研 若 待 究其極 爲 洽 人心各 其 事窮未 所謂格物致知之學,與 主,而必究其本 聞 是以 (融釋脱落,然後別 事未窮得,而可貳以二,參以 者,奚以異?」曰:「此 有明處 了是以 _ 得 事 識 窮義理,心學也。 且 正相反。」此 愈 有暗處 别 知 多 窮 愈 而 窮 末是 事 博 表裹真妄 若 心 延 就明 事。 Œ 而 分上求。」 愈 記 以 平 爲己 非之 心 窒。 處推 其言 誦 辭 則 愈 世 害 博 言

所 色,此之謂自謙 謂 誠 其意者 ,毋自欺 ,故君子必 也 如如 慎其獨也。 《惡惡 臭, 恶、好 如 好 Ŀ 好

爲

人之所以分,不可不察也

動

字皆去聲。

謙

,讀爲慊,苦劫反

慊,快 用其 爲也 處。」言欲 時,如與衆人對坐,自心中發一念或正 曰:「慊者,無不足也。」 善,只那一豪不要爲底,便是自欺,便是意不實矣。!○永 裹又有些便不消 且 知之地也。 嘉陳氏曰: 心裹也知得 之始。」毋者,禁止之辭。 誠 以去惡,而 《處,此最緊要着功夫。」〇 其 如爲善,自家也知得是合當爲,也勉强去做,只是心 不妨底意思 力, (意者) 也,足也 自脩 而 「才萌欺 不當爲而不 禁止 《語録》曰 自脩之首也 心之所發有 如此 ,此便是自欺。 者 其 心,便 知 做 《語 獨者,人所不 自欺。 爲,雖是不爲,然心中又有些便 也不妨底 爲 録》日 如 ~落 又曰 善 小 以 未 自 人旋 便 「這 片 使其惡惡則 意思 語 做 去 「嫌訓 實 一止水中 欺 録 渦 九 其 或不正 也 獨 云 分九 中, 知 日 悪 0 快 者, 也 ·間,忽 如 意多。一〇 可 不 而 氂 不爲 語 誠 此 則 只 畏之甚。 己 九豪要爲 知 意 是 録 亦是 有 如惡 當 所 爲 不善 **宣** 者,行 恁 實 獨 善 點 又 獨 獨

0 「妨」, 原誤作「好」,今據四庫薈要本改。 獨則 得 ? 便有善惡,便須 實 録》日 然其 飢 惡 知之者,故必謹之於此 如 好色、惡惡臭,只爲求以 得之,以 베 獨是幾之將然處,不 ,便爲自 此 而 臭, 爲 於善惡之幾察之,愈 ,即其好惡皆是爲人而然,非 思食以自 所 實 人也。《文集》曰 「正當於幾微豪氂處做工 好 以 與不實 聖 、欺。」〇又日 自 善 督 快足 則 飽,非有 説 就 如 謹 這 蓋 獨,是 好 可不精察而謹守之。」〇又曰: 處 於 ~牽强 理 有 自 好 「幾者動之微 己,不可 精 :「縱不自欺,即其好惡真 會。 要就幾 快自足, 色,皆 他 愈 荷 密。一〇黄氏日 人所 且,姑以 若 以 夫,只幾微之間少有 有自 微 到 如寒而 務 審 徒 發 不 處 ,是欲動未動 決 理 求快足之意也。」 爲人之意。 其 荷 出處,更怎柰何 及 去, 會。一〇 思衣以 幾 且 知 焉 以 而 而 獨 又 己 徇 求 之間 也 自 纔不 如 日 《語 「謹 者 獨 温 外 必 不 好

然, 揜其不 小 人閒居 爲不 善善 而 善 著 其 無 善。 所 不 人之視己, 至,見君子 如 丽 見 后 其 厭

謹之。」

誠與不誠之本根,此又指

本根以

示人,使人即其

(本根

而

君子 肝 必慎 然, 則 其 何 獨 益 也。 矣。 閒,音閑。 此 謂 誠 厭 於 ,鄭氏讀 中,形 爲黡 於外,

故

肺

耳。 重 肝,則又不足以欺 其爲惡而 爲 那 言小人陰爲不善,而陽欲揜之,沈僴録日 閒 卒不可詐,則亦何益之有哉! 虚假之善來蓋覆真實之惡。」則 居,獨 以爲戒,而必謹 與惡之當去也,但不能 然欲揜其惡 揜之,則 處也。 既 人,亦何益之有哉 不 厭 而卒不可揜 其獨 足以自欺, 然,銷 也。 沮 實 是 人之視己,如 一此君子 閉藏之貌。 用 非 欲 《文集 其 不 詐 力 知 爲 善之當 以 $\stackrel{>}{\boxminus}$ 見其 所 至 將 以 此 此 而 肺 知

曾子曰:「十目所視,十手所指,其嚴乎 人不 티: 善惡 引 此 「此是承上文「人之視己如見其肺肝」底意,不可道 知,人曉 之不 以 明上文之意。 然共見 可 · 揜 如 如 此。 此, 言 可 畏 雖 之 幽 獨 甚 之中, 也 語 侕 其 是

富潤 屋, 德 潤身, 心 廣 體 胖,故 君 子 必 誠 其

意。 胖,步丹反。

經

曰

「欲誠其意,先致其知。」

又

日

結之。 子 吾四體將不得其所安矣,皆自然之應也。」德之潤 舒泰。 身矣,三山陳氏 陳氏曰: 者然也。 理之無慊,故能廣大。 所以體不能得舒泰。1〇三山陳氏曰: 事,只是因愧怍了,便卑狹,便被他隔礙了,只見得 則廣大寬平,而體常舒泰、語錄》 中,則身亦潤於外矣。 胖,安舒 是無物欲之蔽,所以能廣大。]○又曰: ·實有 人之一心少有所慊 是 「上説小人實有是惡,故其惡形見於外。 善 也。 蓋善之實於中而形於外者如此 故 其 E 言富 善善 亦 潤,猶華澤也。」故 體,在外者也,以心之既 財 則 形 積 則視聽怵 見於外。」故又言 於中, 能 潤 則 屋 屋潤於外; 迫 「心,在内者 矣, 「心本是濶大底物 而 心無 白"「無愧怍 舉 德 動 則 廣 跼 愧 此 此 德 能 也,以 蹐 邊 故 積於 説 作 以 身 潤 雖 能 君

然在天理上行,意未誠以前 右傳之六章, 「過得此一關,方是人,不是賊。」 釋 誠 意。 尚 語 汩 録 在 » ⊟ 人欲 裏。」〇 意 誠 便 又 全

日

曰: -氏曰 實。 精體之。」 其序不可 通考之,然後有以見其用力之始終, 用其戒謹之功。一故此章之指,必承上章 所明,又非己有,而 所能制矣。」然或已明而 物致知之地,然後理明心 雖使人戒夫自欺,而推其本,則必其 然誠意工夫却自致知 苟焉以自欺者。《文集》曰:「意雖心之所發 盡 曰:「此章改定,實朱子之絶筆也,學者其深 知 語 則 録》曰: 至 如其不然,則正念方萌,私欲隨起,亦非 「於知已至後,亦非聽之自誠,蓋 念纔放下,便是失其正,所當深謹。」□○ 其 Mi 所發,必有 問: 后 亂 意 而 知知 誠。」蓋 功不 至以 上做來。」〇又曰:「《大學 不能 後 無 可 一,而所發 心體之明有 何 闕 以 不謹乎此,則 由 實用 爲 如 意有 有以 此 進德之基 自然莫非真 其 二 乙 。 未誠 無 用力於格 力, 所 處?」 蔡氏 刻 力之 玩 其 而 未 陳 丽 不

之累 不好 所 其於事物之理, 得 得 更無别物,只是箇善而已。 以 賦 可 善惡分明,然後有真好真惡之功。」夫不知善之真 可 然揆厥所元 耶?」曰:「天下之道二,善與惡 或 不 此 以 間 在 人之常性莫不有善而 之本然,惡者物欲所生之邪 好 好 雖 好 理 者以 善而 分明有好善之心,終是不能徹表裏。 可惡之極 者,亦有僅 以爲 則 耐 「六章之指,其詳 其 又爲 善,亦 悪悪。 拒之於内 好 而 圃 善 本 天 氣 者。 循其次第,則善者天命所 固 善 也 識 命之本 稟之拘 陳氏曰:「造化流行,生育賦予 而 有瞢然不 其 陳 ; 雖 無惡。」然既 所謂善者,以實理言,人受 氏 粗 不知惡之真 曰 日 猶 然者不得 好 無惡,其 是 而 _ 有 之,而 以 不能 知 可 等未 物 有 穢 其善惡之 得而言者 而 本心 未 實見 真 欲 是 須是真 也。 可 圃 已矣。 能 知 之 形 悪 著。 道 莫 其 私 體 是 無 理

教,而 哉 ? 隱 必 其 其 唯 欺。」夫好善而 欺 者 分爲善矣,而幽獨之中有 日 則 而 惡惡,又似有 自家欲好善,後面又有箇心在這裏拗你莫去好善, 則 可 微之奥,以 誠 心 不足以去惡,而 前 以 其 其 反有以賊乎其善; 惡惡 「須是幽 其 好可惡之必然矣,至 術,使既 挽 惡 爲 必首之以 聖人於此,蓋 意之所發,有 意之説焉 之 惡 害也, 獨之中常致其 箇 於 也 心 禁止 中。 有 不 在 雖 徒 誠 這 格物 以 日 有 是 其 裏 則 適 悪之, 識夫善惡之所 有 拗 不誠者。 則 以 荷 甚 分不善,此一分不善處 謹 又 所以長乎其惡。 致 你 憂之,故 非 常常 且自欺之萌。 焉 不 欲 莫要惡 知 唯 爲善 免 而 此 其 之目, 愐 圃 不 謹 於 未 《語録 丽 思。 而 不誠 户 何 荷 之於 爲 能 復進之以 不爲 以 益 大學 以 此 焉 無 》 曰 : 在, 列則 爲 悪。 之 便 幺 開 以 不 黄 是 善 與 便 之 有 是 惡 獨 明 非 自 九 如 氏 自 欲

七二

四 書 纂 疏

之也 是不真 承, 氏日: 惡 是一 如 是自家真 則 初 必 分不實 融 好此惡非 人一見好 己之鼻, >≪文 列則 由中 是 非 此 分自 又 矣, 其惡之也, 爲人而 實。」夫好 必 如 如 無 集 皮 色,即 欺。 知 是 而 外好善而 由中及外,無一豪之不 \mathbb{F} 初 好好色之真 敢 圃 其可好可思,不容自己。」所發之實 他人强之如此,亦非爲他人好之惡之,乃 外,無 凡 有 非 須 有 真切 好之也 其 臾 爲 善 内 少 分自 心 内不好善,外 好之,一聞惡臭,即 之頃、 如惡 人而 謂 間 而 之 理 豪之不 .欺 斷 中 ; 之隱 所 則 惡臭之真 惡之也。 欲以 惡惡 焉 無 纖 發, 在我爲善之意,便 微 不 芥之微,念念 ·惡惡而内不惡惡 好也 則 處, 快 如 好 耐 庶 外 乎己之目 中 日 真切惡之。此 平 葉氏曰: 欲 則 謂 ·惡也 好善 無 是 理 内 以 如 一之周 不 其 外 足 惡 有 今 既 TV. 惡 昭 好 相 便 則 陳 徧

處。」表

裹

澄

徹

丽

心

無不

Ē,

身

無

不

脩

《語 之所 矣。 能謹 善以 能 此 做不知不識,却 着手下工夫,不是 此 大學功夫,次第相承,首尾爲 而 自 誠。」然猶 意者,先致其 先務矣。 爲 有 章之説 而 毋 録 幽 黄 ¥ E 也,故 自蓋 自 以致其好惡之實 不自知 之於獨 在 隱 氏 一,但 欺焉。」《語 日 之間 然非 是箇半知 則 不敢恃 又曰 其 以 耳。 不唤做自欺。」是以 以禁止 此 亦 知至 知。」又曰:『知 詳 不 有 實 指 不 知 黄氏曰:「 如 表 以 半不 爲 『必誠: 其知之已至, 録》曰: 後 可謂 裹 其 此 開 不 如 F 知 其 真 故 其 善 是 底 面 其 其意 一荷 「此指 可 知 知 人。 者 許 必日 固 全 面 既至 且 多 好 丽 識 **北表裹異** 宜 淪 然 不 猶 言。」 之真, 自 悪 |: 『欲 必 至 知 齊 爲 陷 愐 不 欲 到 欺之萌 謹 不 掃 若 這裏方 聽 加 自 者 至 M 知 外 加 識 了。 其 而言。 彼 后 又不 不 其 誠 脩 於 善 託 則 只 獨 惡 假 意 之 於 則 所 其 不 如 小 唤 可

書 呵 之意 餒 不 則既 以 義 愈 足之意而言 心」,樂毅 所銜之異 之義,而 也?」曰 漢書》所謂 也。 足也。 明 又 爲 ,或以爲 一用者。 而言者 而 以 並 口 如 「行有 銜 音又異,尤不患於無别也。」 其 銜字,或爲 行 復重 :「慊之爲字,有作嗛者 其爲快、爲足、爲恨、爲少 『吾何慊乎哉』,彼心中不以彼之富貴 物 所謂『慊 丽 訓 而 少,又以爲 不嫌於心」,謂 [者也。 不悖 也。 也 『嗛栗姫』,則以 快 别之耳。 出 ,然則慊 與足 銜恨,或爲銜恩,亦同 也。」〇 矣。 讀者各隨所 於志」,則 盂 者,讀 《語録》曰 子 義須 孟子 恨,與此不 日 亦但 所謂『吾 : 與 充足於中,不然則 「然則 ,所謂 銜 以 爲 、愜同, 指而觀之, 「字有 其恨與 ì 銜 一,而字 此 何 其 有 慊之爲 「嫌 義。」字 一,則 同 同 則 慊 快 所 而 義 小 銜 書 義 與 於 以 何 懷

> 所謂 其 不 反。 ·得其 正 懥,敕值反。 脩身在正其心者,身有所 有所 Œ ; 恐懼,則 有 好、樂並去聲 所 憂 患, 不得其 則不得 īE , 其 忿 有 (懥,則 Œ 所 好 忿,弗 不 則 得 粉

他

術

以

雜

乎

其

間

亦

可見

矣。

後

此

皆

隨物 其正 也。 怒起吾私意,便有偏勝處 當應,纔察則此心便存在,理便 理也。」〇又曰:「當其接物之初,纔發便察其理當應與 非從外撰來,蓋因下文心不在焉 則欲動情勝, 去了,何復能 是情,情亦人之所不能無者。」然一 程子曰:「身有之身,當作心。」〇忿懥,怒 心之用,而 《語録》 各正其分,而此心無不得其 矣。 陳氏曰: E 人所 之有?」 「忿懥,是怒之甚者。」蓋 加 不 其用之所行,或不 令章句 能 如此 無 》緊要説 者 則欲 分明。 一句 正。 動 有之而 陳 發 不 當 情 氏曰:「心之用 勝 · 當 應 出。 察字,此 是 應 丽 此 四者, 不能 而 應 察者,察 能 心 應 便逐 ,則喜 察字 不 則 失 不 乎 喜 怒 亦 便

七四

規 録》 之直也。」然後此 曲。」〇陳氏曰:「主敬則私意不萌,更有甚嶢曲,所 録》曰: 此身。」是以君子必察乎此 心,便知有此身,人昏昧 心 短。」 有不存,則無 Ĭ 「敬是常要此心在這裏,直是直上直下,無纖 人 小 常 烱 心 烱 以檢其身、《語録》曰:「人有 常存 在 不知 此, 有心,此 則 而 四 身無 而敬 體 便如 不 不脩 待 以 人困 羈 直之、《語 束 也。 睡 而 不 自 以 豪 知 《語 謂 此 λ 有

此謂脩身在正其心。

右 無惡 無以 思。」所以能存是心以 此 傳之七章,釋正 誠 \Box 於誠善誠惡之辨,必透過此關 意,而 亦承上章以起下章。 「意誠然後 直内 而實有善矣,陳氏曰: 不 而 能密 心得其 脩 身 心脩身。 察此 Œ 也。 ,自有先後。」然或 問 心之存 檢其 ,而後實有善而 「心意未嘗離 蓋意 「誠 身。《文集 意章中 否 誠 則 則 旧 真 注 也 真 又 知

> ,或問:「人之有心,本以應物,而此章之 賦形者,亦其用之所不能 平,以爲一身之主者,固其真體之本然。 之一心, 湛然虚 灰之不復然,乃爲得其 然則其爲心也,必 傳,以爲有所喜怒憂懼,便爲不得其正 未 圃 喜怒憂懼,隨感而 又問: 感之時,至虚 自此以下,並以舊文爲正 日 段向人看,理 之存否」,毋乃心自心,意自意耶?」永 本是長疋無縫 「密察處便是心,更復何處 「密察此心,不知又將 一會得 底物 時, 至 明, 事,聖賢欲 静 仍是長疋無縫,不曾剪 如槁木之不復生,死 應,妍 ",所謂 如 鑑 正 無者 外 之空,如 耶?」曰 箇 人警悟 蚩俯 討 鑑 ·L 空 密 也 箇 嘉陳 仰 處 察 衡 郭? 剪 二、人 衡之 平之 故 因 氏 F, 斷。 日 其 物 逐

意特心之所發耳,今言[但知誠意而不能密察此心

物,只是 此二句切須玩 衡之平, 先有人形滯其中,則人之繼至者,不復可 臨 然亦須吾胸中鑑空衡平之體素定,然後能 i 之可 怒哀樂之未發謂之中」,蓋喜怒哀樂未曾發動 爲精切。」〇真 者,不復可得 天則之自然爾。 彼物之至吾前而言,應由中 何 正 皆中節,則其鑑空衡平之用,流行不滯 體 7,不可 時區 ,無豪髮差,是謂物各付物,各止其所, 굮 大 彼物之來,有千變萬狀之不齊,而吾心之應,各 雖 (光明,是乃所以 得其正之有哉? 議。 處之謂 '先有 方能 鬼 一箇平,此乃心之本體。 神 及 而 稱物,若先 味。 氏曰: 也。一〇蔡氏曰:「鑑之空,方能 有不 物,如 稱矣。 其 當好、當惡、當喜、當怒,輕重、深淺 蓋未曾應物之時,此 感 「鑑空衡平之體 得 鑑未 以鑑空衡平 物之際, 有物重 窺 照物 其際 爲天下之達道,亦 出 陳氏曰: 只只 一滯於 ,以此 此即 圃 喻心體之虚 者 是 鑑 Ŀ, 《中庸 心之接彼 「感自外人,以 所 心只要清明 箇空, 空衡平之用 而 固 則 應 得 如 我無與 物之 無 》所 而照 此, 照人,若 者,又 渾 衡 温明,最 得 謂 物 然 而 未 焉 失 虚 至 非 隨 分 而

心之靈 不察, 物,此乃釋老之學。 也。 中其節,則 之, 元不關自家心事。 不在是,則耳 正 者之意, 會得其正? 1○陳氏曰"「此章只是四者感物,而應不 曰:「心不可 而 與俱往,則其喜怒憂懼,必有動乎中者, 此所謂 怒,因其當憂 理,不偏不倚,故謂之中, 心,但隨 至 事物之來, 一,而 此心之用 真氏曰: 鑑空衡平之用 必 物所 應之既 既 此心便爲四者 如 固 有 感而 隨 而憂,因 日 「若如点 枯 非 感而 ,始有不得其正者耳。 İ 物,外間酬 或不 應之耳。 以 木 若吾道 身之主,苟 鼻口、四 [其當 應 稿木死 ご唯 死 心 纔繫於物,心便爲其所動,如 因 能 此 灰 之 所動, 懼而懼 其 則 所 故其喜怒憂懼無不 其 無 灰 然 應 酢萬變,只隨其 可 謂 有體 事 |肢百 則 失,且又不能 鑑空 喜 後 物 而 在 「而喜 不得 此心 物之來,有 得 乃 便 有 我本未當先 用。」 骸,莫不有 其 平之體 爲 爲 其正 遂 因 Œ 爲無 唯 得 不 其 矣。」 語 介限 可 是 其 得 也 丽 中 用 有 怒 節 傳 不 無 此 其 所 IE. 何 及

唇唇,莫克主宰,體用動静,無復準則,目 大體」者,蓋皆謂此,學者可不深念而 存,舍則亡」,孟子所謂『求其放心,從其 物聽,行信足步,言信口說矣。」孔子所謂 軀 不 所 頭錯應人』者,幾希矣。 陳氏曰: 范浚《心箴 起 無無 然,則身在於此,而心 居,唯吾所使,而 聽 命,以供其事,而其 所 管攝 》所謂 「天君泰然,百體順令」者 ,其不爲『仰面 無不合於理。 馳 、動静語默,出 於彼 [貪看 隨 若世俗心慮 **一** 也。 物視 愚謂: 「操 鳥 肉之 ,耳隨 如 則 其 人 口 此

病。」五

者

在人,本有當然

之則,

然

常人之

只是或過或不及。」〇真氏曰:「此一字爲脩身齊家之深

如於其,即其所向處。」辟,猶偏也。

黄氏日

「偏字。

情,唯

其

(所向

而不

加審

馬

則必

陷

於

偏

而

身不脩矣。

《語録》曰

「如愛其人之善,若愛之

好 焉 所謂 之其所哀矜而辟焉,之其所敖惰而 前 ,之其所賤惡而辟焉,之其所畏敬 省之哉 知其惡,惡 齊其家在脩其身者,人之其所親愛而 前 知 其美者,天下 鮮 辟 矣 而 焉。 辟 辟, 故 辟

讀

惡而之惡、敖、好,並去聲。

鮮,上聲

人,謂衆人。之,猶於也。《語録》曰:「之其,亦

或問:「八章之辟,舊讀爲譬,而今讀爲僻

右傳之八章,釋脩身齊家。

屢 此謂身不脩不可 弗知。 調 諺,俗 之爲害,而家之所以不齊也。 許多偏辟不除,必至於此 溺愛之深者,子有惡而弗知, 此兩語,狀出偏之所由生,尤爲親切。 語 也。 溺 以齊其 愛者不明, 家。 貪得之甚者 貪 《語録》曰 得 者 無 是 則

,苗已碩 厭,愚 E 偏 面 丽

碩。」諺,音彦。

碩 叶

韻,時若反

故諺有之曰:「人莫知其子之惡,莫知其苗之

亦然。」

過,則不知其惡,

便是因

其所

重

而

陷

於

所

偏

惡

惡

者, 矣 不相 也。 非以其 於 則 其 日 身之所接, 齊其家耳。 惡之平,而 以 合 何 一吾何以親 八人雖 八之常 、情愛暱比之私,而 也,以 類 也 貫。 「爲鄭氏之説云,譬,喻也,言適彼 而況於閨 似 則 偏於惡 ? 例文意求之, 有美, 志 亦 分子不 偏 情 由 叮 行 愛此 下 日 通矣。 於好 此論之,朱子之説 溥 亦不 於於 可 好 陷 歟?」反以 文逆之 人,非 則 蓋 門之内,恩常 於 , 則 惡 此 得 身 舊音 然而 阳 偏 不脩 mj 懵 取 Ti. 焉 以 於愛則溺 知。 然 偏,是以 求之不可齊其家之義 舍 者 其 面 丽 舊 不 諭 德美數? 則 能 而 得 此 之間 一有 己, 不 知 説 家 ,最爲切 只是行 不 有 其 其 通 則 不 知 人之有 以 以齊之哉?」 説 п] 掩義、 其身 焉 所 也 身 將 其 **.** 得 如 吾 而 向 愐 有 而齊 無 、善矣。 脩 己之私 是 而 以 章 何 悪; 有 此 不 功。」 以 心度之。 與 亦 不知 則 以 例 ,身者,家之 . 脩 否 敖 則 三 山 當 何 失 間 之 蓋 , 好 偏 惰 可 語 是 其 其 者 於惡 以 於 不 丽 此 陳 日 悪 意 自 日 陳 理 悪 勝 其 能 好 竊 不 出 氏 氏 知

身脩 似。 此章 也。 欺,此 其心 治國 爲 乃 都 當 面 是 比之私,尤所難克。 主 一 正 也 猶 五 無 身不脩,則是必 然之則矣。 ,不可得 而已耳。」〇愚謂: 治 常情之所易 亦 則 與 蓋以 親 者 之義,實承上章,其立文命 有 且 大槩閨門之内 或 事 若 心 疎 ,皆身與物 則可 身不 日 爲 既 之等、貴 接 是 矣。 心 身與 用 之偏, Œ 耐 得 待 忽 刑威 今日 蓋 矣, 必 使 而 其 至近 檢 恩常 事 治 有 閨門之内 其接物之際,此 接, 君子之所 正 而 賤 則 有 何 接 至 家 所 偏馬 之别 掩 自 宜 而後 哉 密之地, 則 乃 所 偏 有 義 脩 ? 其 刑 能 不 則長 所 ,義常不 常 以 威 争之 也 ,然後得 脩 或 能 甚 所 不 易 日 向 **3**°」《語 謹 幼親踈 可 至於偏 身 有 無 謂 豪之僞, 勝乎 也 得 無 所偏, 意 便 9 非 心 而 而 録 大抵 不 不 爲 心漠 恩 欲 曰 免於偏 謂 IF. 亦 治 · 脩, 今 然 $\check{\exists}$ 偏 無 只 其 情 非 家 此 既 面 心之 是公 也 然 所 倚 愛 非 正 凡 心 后 以 相 有 容 如

是常 之爲 矜, 做 德 焉 者,必自正心 地 其 也 人節節省察 心 非 孟 圃 而 而 丽 短則上 身無事乎 出 是就 未至 , 其 吾 1 己 行 其 無 曾 來。 固 (惡未 情 故 之 爾 無 所 凶德也,正 心上 理 (親且 謂 人 隱 所 會。」〇又曰:「《大學》所以有許多節次 有 但 足 不 一於可 本 心 用 Œ 説,脩身是應事 宜 敖之之意,亦安得而 至 敖 而 几 又 是 也。一 心是 一舊,未至於可 心 功 之 來。 有 爾。 其 於 非 而 畏 而 所 前 經 미 卧, 下者 也。 非 而 而事 以其先有是心,不 有 芽 若因 但言心正者,必 宜 日 賤 謂 敬 上理 如是之則 蓋 有 意既誠 也; 則 也; 理之當然也。 接物 則 亦 岩, 人之可 會 親愛、 視之泛然 夫子之取 親而愛也;其位 因 其言 其 ,若脩身以 而心 上説。 夫 其 (窮未 (哉?] 賤惡、 敖 無事乎 自 敖 有 無 那 遽謂之凶 誠 惰 以 足 至 面 海,不 後 如 意 瑟 敖之, 畏敬 自 去取 一於可 度所 Ĕ, 日 而 則 却 今有 塗之人 來, 取 而 ェ 正 4 是 是 X 哀, ·, 而 施 既 各 歌 脩 欲 心 人 敖 德 與 則 德 哀 而 ıË 身 教 就 Ŀ

> 惰是輕, 『此處 敖惰 哉 ? 醜,隨所來而應之,不成 棄,不起人敬畏心。 哉?」《語録》 其意則正 不當有。二〇又曰 人猶戒其僻 而 陷 亦當看文勢大意。 於 而 賤 又 惡是 況 猶 欲人之於此 偏 `則又須點檢,不 此章之 不 Ē 重 者發,其言 敢 問 既 若把敖惰做不當 此 肆 得 如 醜者至前,須要唤作妍 賤 指, 其 『如敖惰之心,則豈 敖惰只 明鑑之懸 恶, 敖 更 口【 乃 ·有過當處。 如 加 惰 雖 是 爲 何 詳 之 日 却 慮 , 妍 有 般 審 不 心 有 其 人所 · 得 者 則親 巾 所 自 因 敖 雖 可 敖 爲 妍 有 愛敬 亦 有 日 ?! 得 醜 何 所 所 又 者 畏 人 當 病 而 重 敖 聖 自 也 厭

者,所 人者, 所 所 以使衆也。 謂 治國 無之。 以 事 必 君 先齊 故 也 弟,去聲。 君 其家者,其家 弟 子不 者,所 長,上 出 家 以 而 事 不 成 長 可 教 也 教 於 侕 或 能 教

使衆 身脩 教 於 則家 之道,不 家 者 也 可 教矣; 外乎此。 然 而 或 孝、弟、慈 之所 此 所 以 以 事 所 家 以 齊 脩 於 事

而教成於下也。《語録》曰:「孝以事親,而使一家

所以事長者,在我愛子之慈,即國之所以使衆者。能脩我事親之孝,即國之所以事君者,在我事兄之弟,即國之使一家之人皆慈:是乃成教於國者也。○陳氏曰:「在之人皆孝,弟以事長,而使一家之人皆弟,慈以使衆,而

遠矣。未有學養子而后嫁者也!中,去聲。《康誥》曰:「如保赤子。」心誠求之,雖不中不

之於家,則教自行於國矣。」

待勉强而後知之也。」在識其端而推廣之耳。陳爲,黄氏曰:「言但以誠心求之,則自然得赤子之意,不此引《書》而釋之,又明立教之本不假强

貪戾,一國作亂:其機如此。此謂一言僨事,一家仁,一國興仁,一家讓,一國興讓,一人

氏曰:

「在識其仁愛之端而推廣之耳。」

一人定國。僨,音奮。

牙也,是發動之所由。價,覆敗也。三山陳氏曰:一人,謂君也。機,發動所由也。愚謂.機,弩

「價、仆也。價事,猶言敗事也。」此言教成於國

之效。

諸人。所藏乎身不恕,而能喻諸人者,未之是故君子有諸己而后求諸人,無諸己而后非暴,而民從之。其所令反其所好,而民不從。堯舜帥天下以仁,而民從之,桀紂帥天下以

不 有也。好,去聲。

及物。所謂恕也,陳氏曰:「恕只是己心底流 此善, 己無此惡, 而後可以非人有此惡。 物而已。」不 亦要恁地,而今不可不教也。 皆推己以及人、《語録》曰: 人之惡。三山陳氏曰:「己有此善,而後可以求人有 後可以責人之善; 此又承上文一人定國而言。有善於己,然 如是,則所令反其所好,而民不 無惡於己,然後可以 恁地三反五折,便是推己 「知得我是要恁地,想人 皆己先之也。」 去到 Œ 那

故治國在齊其家。

通結上文。

七九

平聲。蓁,音臻。 宜其家人。」宜其家人,而后可以教國人。夭, 《詩》云:「桃之夭夭,其葉蓁蓁。之子于歸,

詩》云:「宜兄宜弟。」宜兄宜弟,而后可以教宜,猶善也。《詩傳》曰:「宜者,和順之意。」指女子之嫁者而言也。婦人謂嫁曰歸。指女子之嫁者而言也。婦人謂嫁曰歸。秦蓁,美盛貌。興也。之子,猶言是子,此《詩‧周南‧桃夭》之篇。夭夭,少好貌。《詩‧周南‧桃夭》之篇。夭夭,少好貌。

國人。《詩》云:「宜兄宜弟。」宜兄宜弟,而后可以教

《詩·小雅·蓼蕭》篇。

《诗•曹虱•鳴鳴》篇。忒,差也。弟足法,而后民法之也。《詩》云:「其儀不忒,正是四國。」其爲父子兄

右傳之九章,釋齊家治國。 之如此。其味深長,最宜潛玩。 此三引《詩》,皆以咏歎上文之事,而又結此謂治國在齊其家。

> 遠。 氏曰:「長民者往往不能得下之情,蓋亦視之不切於 矣,而使之者反不能 學而後能也。」若民則 能以自言,然慈母 學而后能哉? 三山陳氏曰:「赤子雖有所欲,不 者,雖或不中,而不至於大相遠矣,豈待 慈愛之心,出於至誠,則凡所以求其意 不能自達者。 衆之道,不過自其慈幼者而 己,不若慈母之心耳。」傳之言此,蓋以明夫使 本無慈愛之實,而於此有不察耳。 三山 有言,赤子未能自言其意,而爲之母者 或問:「『如保赤子。」何也?」曰 曰:「心誠求之者,求赤子之所欲也,於民亦當求其有 此無他,愛出於誠,彼己不隔,❶以心求之,不待 此是推其慈幼之心以使衆也。一而慈 獨得其所欲,縱有不中,亦不甚 非如赤子之不能自言 無失於其心, 推 之、語 :「程子 則 以 相

^{●「}彼」,原誤作「徒」,今據復性書院本改。

期 正合。二〇日 幾反乎?』曰: 悠久之積,爲惡者不可 於一人之身,而一 必積而形於一家,而後可以化一國,若夫貪戾,則 言,貪戾以人言者,言爲惡之效,捷於爲善也。 曰:「問:「所引《書》,下一句正合本文,而 不德罔大,墜 懼,古人之深戒也。三山陳氏曰:「仁 也?」曰:「善必 矣。」〇日: 與慈,初無二心,苟自切己而推之,則舉慈可以見孝弟 之孝,事 幼之心又非 曰:「慈愛出於天性之所固 書》所謂 ·其細,則大者可知矣。」三山陳氏曰:「孝弟 然而然者,今日『有諸己而 長之弟,亦何以 爾爾 「此章本言 『爾惟德罔小,正言其不可小也,與 「仁讓 外樂,而有待於强 惟德罔 一厥宗」。 國已作亂矣。 積 言家,貪戾言 有斯須之暫,示深戒也。」 而 小,萬邦惟慶; 有 亦是意爾。」《語 后成,惡雖小而 非 以此見爲善者不可 上行下效,有不 異 由 外鑠我 於此哉 后求諸人, 爲 也。」事 也。 上一句 人, 遜 仁 爾 以 陳氏 纔 與 録 惟 何 既 君 可 此 示 孫 無 出 家

《語録 也。 諸人」, 無 勉程 曰:「大凡治國,禁人爲惡,而勸人爲善,便是求諸 而 俟其自化; 非 言之,欲其先成於己,而有以 以所令反其所好,則民不從,故 罰惡之政, 所有,與民共由,其條教法令之施,賞善 無 曰:『有諸己,不必求諸人。』以爲求諸 短,而脅之以 人之皆有,己方僅 謂 諸 無諸己,則 也。」曰:「此爲治其國者言之,則推 正 》曰:「是有天下國家者,勢不可以不責他。」日 其 督 己 此 專務 以 而 而 意 后 后 爲 固 亦非 化。 脩己,都不治人,而 非諸人」,則是猶 也。」此章齋朱公之説。 非 不 有 必 諸 可 從也。 理 謂 且 也。 人 免,而 所 其矜己之長,愧人之 内 丽 當 適 『無諸己,不 有 然 故先君子之言 自 遂欲 諸己 而 脩 不 責 責 有 丽 可 ○《語 則 又推 待於 拱 人。 人 澽 ,已者。 必 不 手 以 欲 録 可 非 以 固 勸 本 吾 必 望

指 非諸 其所 之謂 亦恕 諸人也。」曰 及於 可言 以 間也。」然人之爲心,必嘗 之善、未能 即 去。」〇輔氏曰:「謂如我之心而推之於外,無彼此 人,如愛己之心以 圃 自治,至於 者,又不過以强於自治爲本。 以以 此 即 可以非人之惡,然後推以及人,使之 人。 章而 者。 此 是推之,以及於人,而恕之爲道,有 也。 以治己愛己者,皆出 而終身可行乎哉?」曰:「恕字之 如心爲義,蓋 然須是 則其 《語録》曰:「如,比 論之,則欲如治己之心以治 故《大學》之傳, 去惡 有 然則 在己有善無惡,然後可以求諸人、 善 用 而 而 力之序,亦可見 未能 愛人,而 遂不非人之惡,斯 可 日如治己之心 以 有善 求 窮理以 也。 最後 人 於正,然後 非 而遂不 八之善, 比 蓋 荷 自 正之, 兩章,始 家心推 然 能 矣。 以 姑 求 無 强 惡 於 使 息 治 不 人 至 口 將 非 之

如己之不肖而 亦 恕乎? 及人,則是以其不肖之身,而爲他人之準的 此 過望於人; 譬如自己怠惰,遂恕他人之怠惰,以爲我既如此 曰:「苟此心未得其正,雖欲推以及人,斷未能 之道,而豈所 不相訓誥,不 準,視吾治教所當及者,一以姑息待之, 今乃不然,而直欲以其 矣,所以終身力此,而 E 愚,責人則明 之終身可行!」近世名卿之言,有曰『人雖 能以責人之心責己,恕己之心恕人,則 「其恕乎」。若將不肖之心推以及人,以此爲恕,豈 ,何須苛責於人,,自暴自棄,貪財好色,亦推 一,源潔 如我之所以自治 子貢問『有一言可以終身行之者』,夫子告以 自 流 己疎放 清, 相 雖 謂終身可行之恕哉! 丽 淪胥以陷焉。 禁戒,將使天下之人,皆 有 治 遂恕他人之疎放,以 聰 己 而自治焉, 治 明 無 ?,恕己 不 人, 不肖之身爲標 可行之時也 無 是乃大亂 則 不 則 贵 盡 表 爲 唇。 我 得 此 其 端 何 恰 葉氏 謂 既 心 苟 道 景 至 須 謂 之 以 如

己。 ○《語 者 蓋 聖 將 得 多 不 故 自 庸》以 愛人之事,而於此章治人之意 欲 不知自治 矣,而又 恕己便 l所當 治 其 反 如我之昬 ,故可以施之於人, ·患不至於聖賢矣」。 稱之者。 一曾如 今日 録 此 爲 之域,豈 爲 》曰: 「以恕己 成 心 深察而 Ì 恕 人 是 日 忽略了。 以 『恕己則昬』, 倒説了。 ,則二者之間 治 雖 其 二以 施 丽 唇,而遂推 但恕字之義,本以 同, 人』之説, 不誤 於人 明辯 後已也。 恕己之心恕人」, 而 不若張子説『以責人之心責己 蓋恕是簡推 之心恕人,此 二以 哉 也。 則 1 而 豪氂 則 亦 此 則皆有 及 以及人,使 此 乃欲 藉 是 不 止 11 評 人 言近厚, **\$** 旬末 口 來底,今收入來 范 口 已 之異 爲主,一 其 忠宣公之説 由 以 ,與夫《中 以 知 未合 ·善、聖 如 意 言 此 則 其 施 正 其 以 之於 世 但 是 心 下 如 賢 以 學 人 章 爲 既 亦 亦 此 而 説

也, 恕也。 於其所論 事 義 爲 爲 放 力 善、我有是善、亦要他 以愛己之心愛人」,則 感發人之善 可 解之,是乃 詩》,蓋取其嗟嘆 詩》者三,何也?」曰:「古 ,文具而意足矣。 不 人 善 飯 陳 m 字之義 1恕己 大義, 已也。 謹 臣者 流 於己不當下恕字。一若漢之光武,亦 且 哉 歠 以 之外, 三〇日 不肯責難 量主 有 而 所 以 無 夫以 心 所 监 謂 救 罪 不 ,則其失又甚遠,而 決是憚者。 别有 其 非 黜 人有 不 是見他 此 明 詠 2 能 失, 徒 其妻,其 陳 章所 歌、優 是善、推 所發明 復 「既結 取 三年 而 善 人不善,我亦當無 耐 三引《 彼 其 낈 論 姑 之文,證 禍 而 此 游 上 賊 光 齊 爲 臣 也 計度之心 文, 厭 乃 其 緦 郅 詩 家 武 緩 飫,有 至 功 君之罪。 然嘗 治 丽 乃 辭 惲 於 是 必 復引 或 大 謂 不 此 此 是 啓 之 之 以 引 惲 能 慰 不 意也。」 然其味 不難釋也,上文言之備矣,至是復三援詩,幾於贅辭。 者,多援詩以 得矣。」三山陳氏曰:「古之人,凡辭有 之,則引者 不 蹈 通 讀之, 日 刑于寡妻,至于兄弟,以 獨此 者,是 暢 首言家人,次言兄弟,終言 實深且長。」曰:「三詩 使 則 則 他 反 人 吟 之意可見,而《詩》之 復 凡 引《詩》之助,與爲 心 詠其餘 引《詩》云者,皆 吟咏之間 融 神 意。 會,有 此章言治國 意 不 亦 御于家 味深 知 有序 在齊其家,義 以 多 手 盡 長, 四 爲 是 焉 舞 而 邦』之 乎? 國 意 用 而 義 mi 亦亦 無 亦 求 蓋 足 理 窮

絜,胡 子有 所 上 長 謂 結反 絜矩之道 長 平天下在 ifii 民 興 也。 弟 治 其 上 長,上聲。 (國者, 恤 孤 Ŀ 而 弟,去聲。 老 民 老 不 倍 而 倍,與 民 是 興 以 背 孝, 同。 君

老老,所謂老吾老也。興,謂有所感發而

其平也。 又曰: 間 ○愚謂: 心與己之心同,故 下平矣。 事。二〇又曰:「人心之同 興弟、不倍,此方是就民之感發興起處 恤孤,方是就自家身上切近處説, 效,又見得上下雖殊,而 君子必當因 夫之不獲矣。 也。亦可以見人心之所同, 謂曲尺是也。 義。」矩,所以爲 而 興 各得分 無父之稱。 起 上行下效,捷於影響,所 一不使 也。 不言天下治而言天下平者,蓋欲 《語 《語 願 一夫之不獲者,無一夫不得 天下之爲方器者,必以 録 其所 録》 必以己之心度人之心,使皆得 《語 則上下 ¥ 方也。 絜,度 Ĕ 録》曰: 同, 「人心之所同 心則 然,我要恁地,彼 興,謂興 也。 四 推 真 一。」〇又曰:「老老、長長 旁均 氏曰 「此三節,見 以 ,所謂 葉氏 起其善心。」 度 如 丽 此 謂 物, 「矩 齊 家齊 説 日 此。 爲則。」言 此 不 家 無一 方正 治國 亦要 ,製方之器,俗 理 「絜蓋忖 使 也。 得 口 齊 君子 也。」是以 孤 彼 上 物之不 恁地。」〇 偂 使 而 民興 前 其平。 見人之 者 彷 國治之 我 有 或 此 度之 丽 天 之 治 幼 下

右"此之謂絜矩之道。惡、先,並去聲。 所惡於右,毋以交於左,所惡於左,毋以交於所惡於後,毋以從前,所惡於上,毋以使下,所惡於下,毋以事上,

彼此 下人。 如 則身之所處,上下、四旁、長短、廣狹,彼此 之,若將去事上,便又下面長,上面短。左右前後皆然。」 待下,上面長,下面短,不方了。下之事我如此,而我惡 占許多地步,便均平正方。若將所責上底人之心,更來 來比這頭。在我上者使我如此,而我惡之,更不將來待 以此 前後、左右,都只一樣心,無彼己之異,只是將那頭 至於前後左右,無不皆然。《語録》曰:「上下、 以此度上之心,而亦不敢以此不忠事之。 無禮於我,則必以此度下之心,而 此覆解上文絜矩二字之義。 一,而無不方矣。《語録》曰:「問:「在矩則可以 ·如一而無不方,在人則有天子、諸侯、大夫、士、庶人 如此,則自家在中央,上面也占許多地步,下面也 一無禮使之。 不欲下之不忠於我,則必 如不欲上之 亦不敢 折轉

> 明絜矩二字。」 平,蓋事親、事長,當使之均平,上下皆得行。上之人得 之分,何以使之均平?』曰:"非是言上下之分,欲其均 自此而推之。蔡氏曰"《大學》末章,始終以 事其親,下之人也得以事其親,上之人得長其長,下之人 言,蓋平天下之道,莫切於絜矩。 廣,此平天下之要道 有一夫之不獲哉? 也得以事其長。」彼同有是心而興起焉者,又豈 所操者約,而所及者 也。 此章節目雖多,無非 故章内之意,皆 絜 發 矩

只,音紙。好、悪,並去聲,下並同。 之,民之所惡惡之,此之謂民之父母。樂,音洛。《詩》云:「樂只君子,民之父母。」民之所好好

矩之美也。」
如子,而民愛之如父母矣。葉氏曰:「此言能絜如子,而民愛之如父母矣。葉氏曰:「此言能絜辭。言能絜矩而以民心爲己心,則是愛民《詩·小雅·南山有臺》之篇。只,語助

民具爾瞻。」有國者不可以不慎,辟則爲天下《詩》云:「節彼南山,維石巖巖。赫赫師尹,

僇矣。節,讀爲截。辟,讀爲僻。僇,與戮同。

《 詩 不 偏 貌, 國亡,爲天下之大戮矣。 能 也。 師 • 絜矩, 小 # 言 雅 周 在上者 而 太 節 好 師 惡 南 人所 尹 Щ 徇 氏 一》之篇 於 瞻 也。 一己之偏, 仰, 葉氏曰: 具,俱 不可 節,截 此言 不謹 也。 則 然 不能 身弑 高 若 大 絜

喪,去聲。 殷 詩》云:「殷之未 ,峻命不易。」道得衆 儀、言詩 》作宜。 喪師 峻、詩 則 克 》作駿。 得 配 或 上帝; ,失衆則 易、去聲 儀 失國 監 于

矩之禍也。」

之詩 葉氏 視 上帝 也 詩 也。 日 總結之。 引《 ,言其爲天 文王》篇。 一 上 峻,大也。 詩》 面 言殷 既 而 説 未喪 言 兩 下君 此, 項 師, 不易,言 衆時,猶 好 惡之驗 以 衆 而 結 對 也 能 平 克配 上 如 難 此 配,對 文 保 E 上帝,今日 · 下 兩 也。 帝 面 節 也。 又舉 也。 道,言 之 只以 文王 意。 監 配

能存此心而不失,則所以絜矩而與民同欲

者,自不能已矣。

土,有土此有財,有財此有用。 是故君子先慎乎德。有德此有人,有人此有

先謹 所 謂 明 乎 德。 德,承上文不 有人 謂 可 得 衆。 不 謹 有 丽 士 言。 謂 德, 得 或 即

有國則不患無財用矣。

德者本也,財者末也。

外本内末,争民施奪。

本

Ė

文

而言。

矣。《語》 得 欲,不能 人 而急於貨財 而 他 君 施 如 之 以德 此 録》日 以 絜 暴 爲 劫 矩 征 外, 奪 横 民 而 之教 斂 欲 以 本不是要如 民 財 專之,則 也。 便 爲 效 内, 尤 此 蓋 相 則 惟 民 財 攘 是 上之人以 者 亦 相 争鬭 奪 起 人之 則 丽 徳爲 其 是 所 争 E 民 奪 同 教

是故財聚則民散,財散則民聚

殷

爲

`監視,便

見

得

天命

無常,甚

不易保。

有天下者,

大学

則有德而有人矣。葉氏曰:「爲國者,豈可惟知聚外本内末故財聚,争民施奪故民散,反是,

財,而不思所以散財,此有天下者之大患也。」

悖而出。悖,布内反。 是故言悖而出者,亦悖而入;貨悖而入者,亦

歸諸理,其爲不可悖一也。」自「先謹乎德」以下至人之財,人亦以非道奪之。言與貨,其出入雖不同,而皆三山陳氏曰:「以惡聲加人,人必以惡聲加己,以非道取三,逆也。此以言之出入,明貨之出入也。

之言。」

也。《語録》曰:「絜矩之大者,又在於財用,所以後面只此,又因財貨以明能絜矩與不能者之得失

善則失之矣。《康誥》曰:「惟命不于常!」道善則得之,不

管説

財。」

之,其丁寧反覆之意,益深切矣。 道,言也。因上文引《文王》詩之意而申言

《楚書》曰:「楚國無以爲寶,惟善以爲寶。」

書也。」言不寶金玉,而寶善人也。

《楚書》,《楚語》。三山

陳氏曰:「楚史官所記之策

舅犯曰:「亡人無以爲寶,仁親以爲寶。」

意。三山陳氏曰:「舉此二事,以實上文財德本末《檀弓》。此兩節,又明不外本而内末之時爲公子,出亡在外也。仁,愛也。事見舅犯,晉文公舅狐偃,字子犯。亡人,文公舅犯,晉文公舅狐偃,字子犯。亡人,文公

哉! 之,人之彦聖,其心好之,不啻若自其口出, 心休休焉,其如有容焉。人之有技,若己有 《秦誓》曰:「若有一个臣,斷斷兮無他技,其 民,亦曰殆哉!」个,占賀反、《書》作介。 違之俾不通, 寔不能容, 以不能保我子孫 娼,音冒 寔能容之,以能 人之有技, 媢疾 保 我子 以惡之,人之彦聖,而 孫黎民,尚 亦 有 利

秦誓》、《周書》。斷斷,誠一之貌。彦,美

八八

尚,庶 士也。 事而言,則爲衆善之極; 幾 聖,通明 也。 娼,忌 也。三山陳氏曰:「聖之爲義, 也。 對 衆善而 違,拂 言 戾 則 也。 止 於 事。」 Ш 陳 舉

氏曰:「言逆沮之意。」殆,危也。

用。 謂唯仁人爲能愛人,能惡人。 唯仁人放流之,迸諸四夷,不 迸,讀 與同中國。 爲屏,古字通 此 必逮夫身。菑,古灾字。夫,音扶。

如 迸 此決裂。」 痛絶之,以其至公無私,故能 媢疾之人,妨賢而 此),猶逐也。三山陳氏曰:「进,屏遠也。」言有 也。 葉氏 曰 「此蓋 病 (國,則 仁人深得好惡之正 仁. 人必必 得 好惡之正 深 , 始 悪 能 而 此 如

不能退,退而不能遠,過也。遠,去聲。見賢而不能舉,舉而不能先,命也,見不善而

命,鄭 而 怠。」未 未能盡愛惡之道、蓋君子而未仁者也。 氏 詳 云 孰是。 當作 〇若此 慢。_ 者,知 程 子 云 所 愛惡 . 「當 作

好人之所惡,惡人之所好,是謂拂人之性,菑怠慢之機,而未能如仁者盡好惡之極也。」 章 不善不能退,縱能退之,又不能遠絶之。是猶未免過失藥氏曰:「若見賢不能舉,縱能舉之,又不能推先之,見

山》之意。 仁之甚。」自《秦誓》至此,又皆以 之,於人之所當惡、所同惡者,反從而 常心。今有人焉,於人之所當好、所同好者,反從 雖 拂,逆也。 私之極,以明上文所引《南山 拂人之性,則不仁之甚者也。 未盡好惡之極,猶能知所好惡,尚不至於拂 好善而惡惡,人之性也。 好 有臺》、《節 葉氏曰 之,如 申言好惡公 此等 人好 Ē 至 人,不 悪 而 於 節 惡 之

失之。是故君子有大道、必忠信以得之、驕泰

以

人之術。發己自盡爲忠,《文集》曰:「謂凡出於君子,以位言之。道,謂居其位而脩己治

違 티 : 己者,必 盡 一謂信。 之理,如十 「發己 自竭 ,是從這己上發生出 《文集 分話,對人只說七分,便是不盡。」循物 盡,而不使其 ¥ E 「謂言 《有苟簡不盡之意。』〇《語録》 來。 語之發,循其物之真 盡 ,是盡己之誠 ,不是 實 無 而

終之以忠信驕泰,分明是就心上推 耳。」驕者矜高,泰者侈肆。 語 王》、《康誥》之意 語 益 録》曰: 加 切,蓋至 「此章初言得衆失衆,再言善不善,意已切矣。 此 而 而 言。 天 理 章 存亡之幾 内三言得失,而 此 出得失之由 因 E 所 引《文 以決之。 決 矣。

疾,用之者舒,則財恒足矣。恒,胡登反。生財有大道,生之者衆,食之者寡,爲之者

忠信乃天理之所以存,驕泰乃天理之所以亡。

財 生財之政也,蓋 量 位 吕氏曰:「國 ,則食者寡矣; 而 人爲出 以 則 明足國之道 與 無遊 《後世異矣。」愚案: 用之舒矣。」三山 民,則生者衆矣,朝無幸 不奪農時,則 在乎務本而節 陳氏曰:「此古人 此 爲之疾 因 有 土有 矣; 用

終篇,皆一意也。非必外本内末,而後財可聚也。自此以

至

仁者以財發身,不仁者以身發財

發,猶起也。仁者散財以得民,不仁者亡

身以殖貨。

無所背戾,如大則言大,小則言小,言循

於物

而

無

所

違

不終者也,未有府庫財 未有上好仁而下不好義者也,未有 皆能成遂其上之事,則府庫之財亦無悖出之患 忠其上矣。 上 事必有終,而府庫 |好仁以愛其下,則下 「惟上之人不妄取民財,而所好在仁,則下皆好 下既好義,則爲事無有不成遂者矣。 之財 非 好義 其財 無 悖 者也 以 出 忠其 之患 好 上 天下之人 而 也 義 爲我 其 所 (義,以 陳 以 事 Æ

孟 義爲利也。 斂之臣 畜牛羊,百 獻 子曰: 寧 ,有盜 「畜馬 畜,許六反。 乘 之家不畜聚 臣。 乘不察於雞 此 乘、斂 謂 並 斂之 或 去聲 不 豚 更,與 以 ",伐 利 冰 爲利, 其 之家 有 聚 不

矣。非若不好仁之人財悖而入,亦悖

而

出

也

子之言也 寧亡己之財,而不忍傷民之力,故寧 用 孟 臣,而不畜聚斂之臣。 夫有車馬者也。

一伐冰之家,卿大夫以上,喪 士 初試 冰者也。百乘之家,有采地者也。 獻 子,魯之賢大夫仲孫 爲大夫者也。 「此謂」以下, Ш 陳氏曰: 蔑也。 一十之始 畜馬 有 君 爲大 乘 盗 獻 子 祭

利也。長,上聲。 亦無如之何矣。此謂國不以利爲利,以義爲之,小人之使爲國家,菑害並至。雖有善者,長國家而務財用者,必自小人矣。彼爲善

結之,其丁寧之意切矣。 ○自,由也。言由小人導之也。陳氏曰:「小人導君於利,若長國家而專務財用者,皆自小人導而爲人導君於利,若長國家而專務財用者,皆自小人導而爲人導君於利,若長國家而專務財用者,皆自小人導而爲人。 「彼爲善之」,此句上下,疑有闕文誤字。

右傳之十章,釋治國平天下。

來。」〇 矩。 矣。 己知彼,以彼反己,而好惡、義利之理明 要其歸 氏曰:「此章反覆援引,出入經傳者幾千二,意若 此則天下均平,而無一夫不遂其所矣。1〇三山 所惡者利,其所好者義,須是能公好惡、别義利 不 之所同好也,而 則親賢樂利,各得其所,而 其利,皆推 此 《語録》曰:「此章大槩是專從絜矩上來,蓋財者人 一,然求其緒,卒不過好惡、義利之兩端,又從 章 大抵有國 其所以説絜矩之道,在於分義利,別好惡。 之義,務 陳 ,則亦不出於絜矩之道而已。 氏 曰:「此章之義 有家,所以 廣 :我欲專其利,則民有不得 絜 在 矩 與民同 之意 生起禍亂,皆是 甚 博,大意 好惡,而 也 天下平矣。 絜矩之道,以 能 矣。 則 其 如 從這 所 在 不 於 好 專 而 陳 如 其 絜 裏

章細 凡傳十章: 務之急,讀者不可以其近而忽之也。 要,第六章乃誠身之本。 論條目功夫。 前 四章 其 第 統 論 綱 在初學尤爲當 五章乃明 領指 趣,後 善之 蔡氏

行也。 則真是真非莫辨,而將何所從適? 行不力,則雖精義 終而力行,所以復萬善於己,而使之無不備。 之誠身所以爲學者用功之至切至要。」 人神,亦徒爲空言。此《大學》第五章之明善、第六章 要者,不過 言之何耶? 曰 明 善之要、誠身之本、朱子於篇末尤懇切 而致 明 蓋道之浩浩,何處下手,學者用工夫之至 善誠身 知,所以明萬 而 己。 理於心,而使之無所疑 明善即 致 知 也,誠 知不致 身即 爲學者 力

以 所同 人化 道不過如 弟、慈爲言矣,此論治國平天下之道,而 國,自國以及天下,雖有大小之殊,然其 大端, 衆心之所同得者也。 自家以 復以是爲言,何也?」曰:「三者人道之 或問:「上章論齊家治國之道,既以孝、 化之,而又有以處之也。 慈,專以己推 爲言,此章又申言之,以 而不能已者如此,是以 此 而已。 ;而人化爲言,是家齊而國治之事。 但前章專 愚謂:上章孝、 君 子 以己推 見 亦 人 心 唯 及 有 之 IIII 此

足以 心 ? 然。 其善心,而不有以使之得遂其心,則雖能興起,終亦 愚異 遂其人之興起者,聖人之政事也。」又曰:「若但興 遂之遂。」○又曰:「能使人興起者,聖人之心也。 而 所同,而得夫絜矩之道,然後有以處此 而反有不均之歎。是以君子察其心之 處之之道,則彼其所興起者,或不得遂, 之人,乃或不能察彼之心,而失其所以 興起矣。 以倡之,則下之有是心者,亦無所 爲心者,雖曰 下,即處之之道,二章之所指不同。 處之,使各得其所願 章就民之感發興 .遂其興起之善端也。」《語録》曰:「遂,謂 畜妻子,方得。」曰:「何以言絜之爲 如政煩賦重,不得以養其父母,又安得以遂其善 須是推己之心以及於彼,使之仰足以事父母,俯 稟,苟非 幸其 起 未嘗不同,然貴賤 在上之君子,真知實蹈,有 有 處説,謂 ,乃國治而天下平之事。 以 倡 人已感化之後,又當 焉 而 興 蓋人之所以 起矣,然 殊勢,賢 絜矩 感 度 H 而 能 徒 起 成 而 以

乃獨 也。 也? 曰:「問:「各得其分不相侵越,廣狹長短平均如一。」 餘不足之處,是則所謂絜矩者也。《文集 長短,又皆平均如 而各就其中,校其所占之地,則 四方,物我之際,各得其分,不相侵 施之於人,使吾之身一處乎此,則上下 所惡者不異乎己,則不敢以己之所惡者 爲方也。以己之心,度人之心,知人之 分明,先儒訓説皆未及。」蓋絜,度也。 而 大,如今人之圍木也。」前此諸儒 真氏曰: 以爲之則也。」賈子所謂『度長絜大』者也 録》曰: 强 《文集》曰:「此范公如圭之説 推 訓 「《莊子注》云:「絜,圍東也。」是將 日 「度,謂以尺之長短。 此以言之,而後其理可得 以絜,殊無意謂,先友太史范公 「此莊」 子所 一,截然正方,而 謂 絜,謂以帶量物之小 絜之百 義理 ,蓋莫之省 切當 矩,所以 其 一物 圍」、《語 、廣狹 無 m, 援 越, 童 通 有 据 束

之道。 ·之欲爲孝弟不倍者,皆得以 意誠心正者,能克己,則以一心爲衆人之心,而盡絜矩 則視衆人之心猶一 謂:天下之志萬殊,理則一也。 而 家 均平,而界分方整,無偏狹之病矣。二夫爲天下國 邊界分分明。 惡之,故我亦不以此待右邊人,而不侵他右邊之左,如 日 心,爲千萬人之心,愚謂:公則 正,故有 之志,而知千萬人之心,即一人之心。 之哉? 亦曰物格知至,故有以通天 然君子之所以有此,亦豈自外至而强 地之閒,將無 此方得左邊界分分明。 無 脯 「所惡乎左,便是左邊人侵了自家左邊界分, 不均之嘆矣,天下其有 所以處心制事者,一出於此,則 其如此而已矣。 以勝 上下前後,亦莫不然,則四至所向 一己之私 一物不得其所,而凡天下 Ļ, 又以所惡乎右者度之,方得 而 明 一有私意存乎其 絜 物格知至者,能燭 矩之義。 加 能 不平者乎? 一致,私則萬 自盡 以 意誠 一人之 其心, ,皆得 而 理 心 下 爲 天 右 我

爲,亦 於此, 窮 象, 人, 欲己之富 天 去 子 前 之云,是 於 爲 亦 間 不 這樣 生無窮底意思,便有 「則天 章 事 全然閉 通 地 所 守 將 理 則 耳 閉 謂 正 所 上 則 有 道 將 丽 理。 終 易 心 謂 塞 所 膜 賢 地 則 何 充 而 者 隔絶了 尉 ,欲人之貧,欲己之壽,欲人之夭,似 隔 語 如 若推 變化而草木蕃, 充拓不去 人隱」,皆以 身可 其 之外 所 所 好 録 丽 愛己之心以愛 礙 謂 而 ř 不 類 人 不 推 而 便 去 爲 ٠, 行』,程 恕者已 至 0 佞 天地 之, 則 一推 似天地閉 便 不 物 哉 尉 己。 雖 得 能 爲 我 變化 三日 則 則吾之愛惡 去, 桀、紂 隔 其 胡 通 乎? 陵 子所謂『充拓 推 絶 草木 則物我貫 矣。 越, 賢人隱。」然必自 可 守 欲 : 其 入者 以 蕃 ; 利 「然則 所 雖 曰 氣象, 盜 於己,不 若 Ŧ 推之而 由 欲 (通,自 . 跖 趙 也 肅 取 絜 天 此 絜 之 蓋 之 由 舍 這 利 地 矩, 有 所 之 無 則 得 夫 矩 出 方 古 氣 於 只 簡

本, 哉 不 皆 蓋 枝 意 之心,始 欲 且 彼 意 此 吾 有 得 存諸 文葉,乃 也。 去其 截 ? 參 此 雖 之所惡者,未 未 其 得 「大槩忠恕只 丽 加 商矛盾 交 公 正 然 正 其 中 程 是以 是 《語 遽 - 者既 各得其 病 · 是 而 正 本 子 欲以 得 則吾之所欲者,未 뻬 録 而 根 事 亦言: 忠 聖賢,凡言恕者, 其 以 ř 而 中 不 面 則 則 是 上下 雖 發 正 是 其 分。 미 不 發 私 出 庭 忠是 可 爲 所 出 必 物, 得。」蓋 枝 『忠恕 是 除 四 外 是 若於 葉, 施 推 行矣,尚 其 就 亦 本 來便 之内 方, 於 將 以 中 體 枝 所 此 兩言, 截 葉即 是 見 人之準 及 恕 唯 理 以 篇 當 作 紀恕。 跬 是枝 人者, 其 忠, 必 有 此 . 兩片, 悪。 是 先 何終身之望 又必以忠爲 物 應事 其 本 步之間 未 度 如 葉 後 而 根。」〇 則, 我 之, 則 形 所 明 乃 接物 本 亦 非 後 爲二 與影 當 相 是 末 不 則 所 丽 而 無 陳氏 欲 處 别 侵 之 如 亦 其 察 12 莫 不 不 有

之事, 學,可 恕底 恕,則 同者 以 闡。」〇愚謂 密 知 惡 自家 而 標準,胥教誨,而 其家;其家 耳,實非有異 説,若有不能 圃 興 不 周 圃 平 勢之遠 事; 精詳; 是 偏、然後 也。 天 徧。 起,然後可以 而 ·不謹其序哉!」〇曰:「自身而家 丽 在 做 下。 或 我者必不十分真實。 傳 《語録》曰:「裏面事要細密,外面 成恕底事,便見忠底心。」然則君子之 然 自 邇,事之先後,而所施 嚴 之 自 已齊,事皆可 自 此 密周詳 相 有 所 事 或 國以下,則治於外者 或 以 通焉者,何也?」曰:「此 以 也。 以 而 治其國,其國已治,民 其遠 以 ,乃所以爲廣博周 推己度物、舉此加彼 正倫理,篤恩義 釋之者, 天下,均爲推己及人 上, 蓋 近先後 則 必審於接 法,然後有以 故發出忠底心,便是 治於 事 丽 内者 編之地 有 自 施 (物,好 廣 前 事要 不 爲 有 嚴 若 博 同 不 立 齊 推

好,而與之聚之,惡其所惡,而 引《節 得 僇,如桀、紂、幽、厲也。」○曰: [『得衆得 己徇私, 位者,人 而 無他、制 不知者,體氣同也。 哉 彼民之親其上,豈不亦猶子之愛其父母 焉,則上之愛下,真猶父母之愛其子矣 以民之好惡,爲己之好惡也。 道,故能以己之好惡,知民之好惡, 之父母』者,何也?」曰:「君子有絜矩之 身矣,何名爲異説哉!」〇曰:「所謂『民 治内者 哉 口 ··」三山陳氏曰:「父母之於子,其所好惡,無有 以父母斯民,民亦父母之矣。一() 疎略而苟 南 於形體之異耳。 亦 八所觀 山》之詩,何也?」曰 不與天 可見其 簡 仰,不可不謹。 則 至於民之好惡其君,常有 下 本 治 能絜矩,則能以民之心 ·末實 同 外 者雖 其 好 欲 物, 惡 廣 博 , 則 若 :「言在 日 首尾 夫好 而 不以 周 人君 爲 所 徧 其 天 爲心 實 此 不 又 其 知 恣 施 能 下 尊 所 所 可

末,而 故財 則 天 在 者 謂 則 民,何也?」曰:「有德 丽 亦 則 或 而 王人者, 何 (),貨悖 分地,不患 於德 民 施之以 日 不 已矣。二〇 民父母之,而 ,失衆失國」, 『先慎乎德』, 爲天下僇,而 以聚 歸 聚於 格 可 無絜矩之心,則 物、 於 也 不謹,此言 而入者,亦悖而 人? 上,則 劫奪之教者也。 上矣。 將 致 Ĕ 以 德 知 乎 即 導 日 民 失衆失國 得衆得 何也?」曰 何 一此 『言悖 無 財。」《春秋外傳》曰 誠 利 所 散於下矣; 也 其 財 謂 意 而 其深 ? 曰: 所 未 用 而 國 布 明 Œ 謹 出。 ௱ 有 之上 矣。 有人有土,則 矣; 德, 矣。」〇 言 《易大傳 . 出 心, 而 不 務 「言能 者,亦 鄭氏 争鬭 所 當先者,尤 財散於下, 「上言有 不 下者 然 以 財 以 能 不 日 脩 用 謹 其民 絜 絜 以 悖 知 其 也。」 而 日 「所 矩, 矩 爲 mi 本 因 失 身 國

哉!」〇日 不謹 但媢疾一事而已。 曰 深,至於如 流於後世, 在 耳。」然則命之不常,乃人之所自 之謂也。 文而言之也。 君 「言好善之利,及其子 人之謂也;不 「以天命之重,而 人侵畔 不易矣,此 媢疾之人,誠 人而已。 "「小人爲惡,千條萬端,其可惡者,不 有 一哉! 」三山陳氏曰:「命不于常,命非 逆 得 命, 天命 三山 此,得 又言命之不常, 其旨矣。」〇日 亦 則 其引《 視 陳 由 民 善則失之者,悖入而 蓋 氏 人心以 可 有逆辭,上貪於利 絜 日 無 善則 致其丁寧之意 仁人不深惡乎彼,而 惡 矩 疾之已甚之辭 秦誓 「善與不善,務德務 爲 矣,然 與否之異 得之者,有 去就 孫,不 ×, 此 「前既言命之 何 仁. 何也 理 好 也 人 昭 也。」曰: 善之害, ? 爲 悪 ? 然 德 亦 可可 天命 耶? 耳 財 之之 悖 承 則 而 目 之異 不畏 也 出 上 有 下 叮

書 纂 疏

九六

五美, 迸 之有?」日 間 殊,然所以仁之之意,亦未嘗 不得稔其惡,雖因彼之善惡 彼 放 之勢雖殊,而 至死 不 獨 善人,使 人之境,以禦 己之所惡,施 加 古字之通用 列則 也 所 而 未 得 深 放 故 已也 惡 被 不 其證也。」曰:「仁人之能愛人,能 屏 此其 ·遠,則 之 乎此 其 不蒙 四 亦 地, 澤 放 惡』者,而 爲 然非 者 者多矣,漢石 「迸之爲 其 魑 苦樂之情則一,今此惡人, 流之而已。 之於 其 其 而 `禦亂之術至矣,而 魅 害,亦所以 民 爲 以其 其 殺 加 人,而 復 害 流 人于貨之盜,則 後已。 以 雖 何 禍 有害於善人, 屏, 尊爲 罪 得 之長,及於 必 然又念夫彼 焉 禁伏 不 刻 何 遠 蓋 丽 遵,以屏 故 故 施於此 詞 也 不行 不惟 而置 有 有 M 好 不 何 引 悪 乎其 使 致 保 之 敢 後 罪 日 爲 乏 此 民 尊 亂 使 安 無 以 而 不 世

證 於常 矣。」 失,則 正 媢 使其 況 字,欲以 而 不可以不究,猶當視其緩急以爲先 乎義理、文勢、事證三者而已。今此二 孰得?」曰:「大凡疑義,所 得 而 惡人,何也?」曰 人之性者,何哉 相 於 宜 疾 無 決之,則 天下之公在 反。 有 、於義 性 曰:「好善惡惡,人之性然也,有 所 此 也。」曰:「命之爲 亦 益乎 等 如 以 義 何必苦 使其能勝私而絜矩,則不至於 此,與民之父母能 字 理 陷 理文勢決之,則皆通 無 既 事實之大者,有所鄉背 溺 考, 我,是以 ?」曰:「不仁之人 兩 其 以 心 :「仁人者,私 蓋 心,是 通 是 極 不 而 力 而 可 慢, 是 推,他 以 以 於 以深 非 求之, 其 與 事 以決之,不過 不 好惡 所 其 義 亦 謬 求 一、欲以 好 欲 爲 皆 徒 無 矣。 而 深思,戾 人者, 怠 不 미 可 費 大 舉措 · 萌 也 鲎 拂 見 H 得 若 事

崇本 民者 出 利 以足食爲首。蓋生民之道,不可 政,食貨爲先,子貢問政,而夫子告之亦 私 無者,聖人豈 失民矣,此復言生財之道,何也?」曰 泰與忠信正相反。〇曰:「上文深陳財 泰之人,任己自恣,好惡不與 曰:「得失之道,惟在於忠信、 違於物,絜矩之本也。 者,何也?」曰:「忠信者,盡己之心 心 是矣。」〇曰:「忠信、驕泰之所以 此所謂 爲 而不違乎物,故好惡與人同,能絜矩者也。 之禍,故 ,以人從欲,不得與 則 (利,則 節 用,有國之常政,所以厚下 有 固 必 土 未 深 而 嘗 言 至 輕之哉? 特以 有 一於剥 其害, 廢 財 也。 者也。 民 人同,不能絜矩者 人同 、驕泰二者之間。 以 驕 以自 吕氏之説,得 爲 泰,則恣 好惡矣。」陳氏 戒耳。 夫《洪 奉, 爲 國 一日 爲 而 〈範》八 盡己之 驕矜侈 前 至於 也 者 用之 有 己 得 mj 其 足 悖 徇 以 而 失 不 驕

效自 故捐 旨矣。 財 故 財 有身,雖能 共,所以得 身發財」,何也?」曰:「仁者不私其有 以籠愚民,苟邀倍稱之人,不知朝四莫三之亡益也 病,而科斂日興,不知皮將 後 民賊也。二曰: 孟 曰:「近世所謂 齊、梁之君,使之制民之産者是已,豈若 正 足?』孟子 子曰: 財散 發身之意 貨 世 此意也。 至。 而 身賈禍以崇貨也。 頭會箕斂,厲民自養之云哉!」真氏 『我能爲君充府庫,今之所謂良臣,古之所謂 以 民 有子 曰 : 聚斂 民而身自尊矣。不仁之人,惟知有財,不 其效言之爾 聚 日 然孟 「『未 其財,而身反蹈於危亡矣。」然 也。」 善理財者,何其懵乎此 而 『仁者以 Ė 身尊,不仁者惟 愚謂: 有府 子 無 所 政 百 盡 非 而 謂 財發身,不仁者以 事 庫財 姓 仁人本 陳氏曰:「仁人財 毛亡所傅 政 足, 謂 則 事 非 無計效之意,而 仁者真 財 ,則所 君 也! 其 用 也; 利 孰 財者」, 不 是 元 出 與不 以 足。』 有 亦 與民 . 元 圖 新 即 告 知 E 巧

乎? 此,吁 皆以 暇, 利者 好義 尊榮,而 葵、去織 也?」曰 瓊林、大盈金帛盈溢,相與取之。其事之不終,直至於 鹿臺之財,而終於自焚,德宗橫斂於民,涇原軍 義,專利自私,而爲一己之藏乎? 之物。下之供上,在九貢九職,自有常數,豈容取之無 財,德宗以出走,而 身之效也。 義 何 則不當復與之争 則 也?」曰: 加 可 也。 身發財之效也。」愚謂: 則其 事 若商紂以自焚,而起鉅橋、鹿臺之 況府 戒哉! 有終矣。 婦,而董 府庫之財可長保矣,此以 既已食君之禄而享民之奉矣, 事不 上不好仁則下不好義,下不 雞 庫之財,又豈 E 曰:「其 豚牛羊,民之所畜養以 終。 好 事 此。 子因有『與之齒者,去 仁 有終,則 豐瓊 是將 則 引孟獻子之言, 公儀子所以拔 爲 下好義矣,下 林、大盈之積 若紂有鉅橋之粟 財在天下,本流通 得爲吾之財 天下僇之不 爲君者 財 安 東 爲 何 富 好 發

之義 其罪。 ,己之財,而不忍傷民之力,所以『與其 上,而 其 耐 聚斂之臣,寧有盜臣」,亦絜矩之義 則禍及於民矣。二仁者之心,至誠 之財、盗臣是盗己府庫之私 日 於下,則聖人疾而欲攻之,況刺 儉矣,而君子疾之,以其主於利也。 如 昔孔子以臧文仲之妾織 私,而禍不及下。 有後世掊克之事,但聚斂藏於季氏之家,而 角, 此,其意亦可見矣。」三山 所以責二子者,疾痛深切,不少假借 也。 民 傅 冉求聚斂於季氏, 國不 以聖人之宏大兼容,温良博愛。 被其殃,盗臣竊君之府 之翼者, 聚斂之臣,剥民 以 利爲 陳氏曰: 兩 其足」之喻, 利, 財。 民 蒲,而 以 「聚斂之臣是横 盜臣禍未及民, 侕 力以 陳氏 義 冉求之聚斂 之膏 欲 惻 自 心鳴鼓 爲利」, 直 日 富 怛 不能 庫 血 皆 斥 織 以聲 其不 以 以 絜 寧 布之 絍 也 取 未 何 自 奉 矩 亦 民

君。 以 出 日 子曰 也 以 解 其 利不必專指 墮名城 子分别義利, 字即《易》所謂『利者義之和』,利便是義之和處。一二 其爲臣,父得其爲父,子得其爲子,何利如之! 則自無不利矣。」〇問:「只是當然而 之所在。』正謂 不 曰:「怨已結於民心 :「是只萬物皆得其分,便是利。 審 矣。 (言『菑害並 於此 厭 此 ?」曰:「以 :『聖人以 蓋惟義之安,而自 爲 於未然, 、殺豪傑、 聖賢深探其實 以 一口。」《語録 防 財利 義 人 爲 , 所以 銷鋒 至」,『無 利爲 加 拔本塞原之意,其傳蓋 猶 利, 此 義 不 $\stackrel{>}{\exists}$ 有 ·鏑、北築長城,皆是自要他 孟子從頭截斷。 也。 爲 則 爲 利 用 〕,則非 利,義之所安, 「如秦發閭左之戍也是利 則 《語録》曰 不 無 如之 加 桑羊、孔僅、宇文 無所不利矣。 遺其親,不後 及於事 極言之,欲人有 上下交征,不 一朝一夕之可 君得其爲君 何』,何也?」 然,便安否?」 「惟義之安 之悔 ĕ 即 ,臣得 也 這 此 利 程 亦 利 其 奪 利

嗚呼! 如雨 者。 馬公闢善理財者不 下國家,至於極也。 之可解 寵之,不知其失民心而蠧國脉,菑害並 媚於上,而不顧結怨於下。 興利之臣,不過以聚斂爲長策,以掊克爲匪 之指者矣,有國家者,可不監哉!」愚謂 也、嘉其任 終爲害也。 欲,人主不悟,以爲有利於國,而 獻公之言曰:『小人聚 傷,則枝榦 「天地所生,財 財者,民之心。其心傷,則其本傷,其本 融、楊矜、 澤,夏澇則秋旱。』此占今之至言也。 故陸宣公之言曰: 『民者,邦之本 有必然之理者。 若二公之言, 陳 怨,而 凋瘁, 貨百物,止有此數,不在民 賞其納忠,而 京、裴 加賦之説,則亦所當知,其言 陸、吕二公之言,可 不知 M 延龄 此桑羊之徒 根 人主以其奉己之欲,悦 則 其 柢蹷拔矣。』吕 **、斂**,以 之徒, 可 怨 不 謂 歸 知其 ,所以誤人之天 至,匪 謂 佐 以 深 於 則在 當矣。 後世之臣 一躬,惟 得 大不 人主 敗 E 不 朝 此 知 其 也 官 求 如 E 章 忠 之 其 E 或 譬 而 取

其界 中 又自别見於言外,不可易也。 脉絡貫通,而丁寧反復,爲人深切之意, 錯陳耳。 以二義相循,間見層出,有似於易置 詳,故所言已足,而復更端以廣其意,是 過好惡、義利之兩端而已。 定,而子獨以舊文爲正者,何也?」曰 以言利媒人主者,其尚以《大學》此章之指與三君子之 言察之。 「此章之義博,故傳言之詳,然其實則 判 辨 以 〇曰:「此章之文,程子多所更 雖 類 若 然徐而考之,則其端緒接續, 相從,自始至 有餘,而 意 冰味或 一終畫 但以欲致其 爲 反不足,此 必欲二説 兩 節 不 則 而

後 學 成 德 校訂 大學

不可不察也。」

00

中庸纂疏序

解 理 是 則 句》之書,因有以見孔門傳授之正,本朝諸 疏《中庸章句》以 益 密察,又何其不 説之詳矣。 一,荷 嘆 子 既 趙君之用 有 爲趙君序《大學章句疏》矣,趙君 志 焉 胥教誨。 荷也 則 工 何其 何書之不 1 專, 嗚呼 然當伏 而 可 工 1 讀 讀《中庸 夫 士惟 也 至到 子 無 文 子 章 至 志 又 詔

靈 則 舜之命禹 出 是道。 日 之言天地中,世之相去有久近,而聖賢 一民 蓋自皇王以 以 至 有 今觀 成 常 則 王之言生厚,尹吉甫之言秉 性 曰「人心」、「道心」; 湯之誥民, 堯之告舜, ; 來,繼 武之誓師 天 則 立 曰「允執 極,丁寧告戒,不 則 曰「人 其 八中」; 為物 彝

之言先後一揆,未嘗少殊也。

意,而 也。 子又懼此道之失其傳也,乃推 圃 朝 爲 復得孔 夕講 來 往聖繼 自是而後,又再傳而爲孟 世、若有 吾 質以平日所聞父師之言,作爲是書, 夫 貫 子生於春秋之世,雖 子之孫子思,則 絶 則 學,幾若過 又 不能 有顔 自己 子、曾子 者焉,此作書之本 於有 又 聞 位 見 氏。 本古先聖人之 者 偂 不得其位,而 mi 知之,子 知 之, 越 是 再 以 思 傳

此 書,然或過於高,或隣於淺,或 之,今所傳者,特其門 道不及爲書,伊 河 濂 而横渠張子,若謝氏、 者 南 谿 耳。 周 孟 二程夫子, 氏殁,此道寥寥千五百年,至我 子 惟吕氏、游氏、楊 者 出 , 始 ĬII 又得 雖 得 尹 爲書,又心不嗛意 其遺旨 所傳 人 氏,亦皆記 所記平居問答之辭 氏、侯 之要, 圃 語 發 多 氏 以 揮之,然 其語之及 著 差失,或 ,則有成 于 朝 而 火 明 而

意 石 君子! 轉 支 重 離 所 或 編 背 其 師 説, 或 、於釋 氏, 具 見於

《輯略 近, 句》 辯之當,俟 見文公取舍折 於深造,則群言萃於一編,易以參訂, 註之,是亦文公之意也。 見,至於《或問》,則取 可謂至 以附其後,然後《 異,會其同,条考究 (中庸》焉,則 雖 録 新 篇, 高 》及諸高弟言及《章句》者,而益之 》,記嘗 矣 安朱文公有憂之,乃沈潛反復, 可 既 盡矣。 升 其 又 所 首尾 得 而 衷之詳,又有以 删 論 尺吾尺,得寸吾 所 今趙 中庸》之旨始大白 辯 石 該 自 極,以審訂之,著爲《章 去 氏 貫,義 得 其評 君又纂文公《文集》、 取之意,名 編 者多矣。 學者觀 次 論諸 理 繁亂之語 見門人 充 平此 子之説 一寸,雖 足, 不 日 1《或問 於天下 寧 而 講 既 而 惟 心以己 名 考其 遠 後 有 有 而 明 口 學 論 以 意 附 日 訓 發

厥既知之,又將以

其

所

知者而見之素履實

踐

故 明《中庸》大義, 1 則 云乎哉 然 知 則《 與 纂 行 疏 互 寶 》之作, 相 將 祐 發 以 四 見, 迪 年十一月吉日 雖 民 贵 出 彝、 於 不 厚 編 能 世 輯 爲 之 教 聖 也 屬 陵 爲 贵 陽 而 賢

乎

牟子才序。

焉

118

庸

》衮

讀

以《章句》子

細一

玩

味,然後

首

尾

貫

通。」〇三山

陳

氏

日

「《中庸》二十三章,其

血脉

貫

通之處,朱子

既

爲

思 之

讀 中 庸 章 句 綱 領

後 學 趙 順 孫纂 録

發

朔

之説,具有次序。

章句,又撮其宏綱,如言某章是援引先聖之言,某章是子

書豈 不得於辭而 口 中庸 以 章 \Rightarrow 能 句 通其意者。《朱子文集 求 篇,某妄 哉 然 以 學者之於 己意分其 深經,未 章 ·句,是 有

衮讀 整齊。 語 得其旨趣,定得今章 夫子之説, 有箇「子曰 》是 方知首尾 朱子語録》〇黄氏 中庸》自 章 某舊 説 二字; 著爲 事、大學 ,然後逐段解 讀 首章以下, 此 中 讀 書。 庸 · 》 亦 日 得 · 句, \sim 熟後 釋 然。 ~ 以 自是沈潛反覆 則 中 擺布得 命中 理 爲 多對説 庸 ,方見得是子 通 子思 庸 製與 矣。 》則 他 來直恁 成大片段 書 今莫若且以 做 將 不同 又 來,直是 麽 遂 思 時 如 , 須 令中 細 漸 參 復 論 是

中 庸》看得 甚精 ,章句大槩已改定多

辨 問》,亦有未滿意處 諸 家 中 説, 庸 全 恐未 如評 在 必是。 章句 論諸 説處,尚多觕 $\stackrel{\bullet}{\leqslant}$ 《語 其《或問》中 録》〇又曰: -,皆是 中 庸 或

119

亂 《大學》,都 權衡尺度, 處,又不欲 難 却 庸》自是難看,石氏所集諸家説 取 ,却不若子 説。 而 問 觀之可 緣前 方始 \sim 細將 也。 未 盡 中 輩 看 曾有 災章 得 剥 諸 庸 分明。 句 難 公説 **>** 編 》研究,令十分通曉,俟首尾 人 他 集 今驟 説。」《語 底,所以 得 1, 尤亂 得 多了 取 如 而 雜 何 讀 未易 録》○黄 難 ? 其 之,精 下 間 曉 日 手。 神 儘 須 氏 已 日 是 有 該貫後 先 胸 不比 便 差 爲 ~中 中 姑 是 所 有

讀 中 庸 章句 綱領

中庸章句序

後學趙順孫纂疏

道 失其 中」者,堯之所以授舜 更相反覆,作爲此書。」蓋自上古聖神繼天立極,而 之久遠而或失其真也、於是推本所傳之意、質以所聞之言、 其傳,子思又學於曾子而得其所傳於孔子者。 統之傳 (傳而作 中 庸》何爲 有自 也。《朱子文集》曰:「曾子學於孔子而得 來 矣。 而作也? 也;《朱子語録 其見於經 子思子憂道學之 則允 » ∃ 既 而懼 中 執 ·只是 大傳 厥

覺,一 有人心、道心之異者 焰。」曰:「心之發處是氣否?」曰 合,便 私、《文集》曰: 是心之德。」〇又曰:「所以覺者, 必 靈也。」○問: 處,便是怕那禹尚 又較子細。 可庶幾也。 來。」堯之一言,至矣,盡矣! 也 不專是氣,是先有知覺 三言者,則 精 語,至舜演爲三言,舜之意,以爲必言其所以微,所 ,❶只在日用 必 能 而已矣。《語録》日 知 覺。 而後可以執也。」蓋嘗論之,心之虚 這三句 「知覺是心之靈 **《語** 所以明夫堯之一言,必 動 「如飢 譬 静 未曉得,故恁地説。」〇葉氏曰: 如 録 是『允執厥中』以 之間求之,不是去虚空中 這燭火,是因 飽寒燠之類,皆生於吾之血 Ĭ: 之理 「舜告禹又添得 虚靈自是心之本體 則 西 理 未知 以 如此,抑氣之爲耶?」曰 心之理 「也只是知覺。」而 得 其 前事,是舜教禹做工 覺, 這 或 而 脂 氣聚 也。 生 膏, 舜 二句, 成形 能覺 一於形 便 如 復 討 有 是舜説 是 益 氣形 「堯只説 知 知 理 許 箇 之 靈 氣 以 丽 以 氣之 多 與 覺 物 之 危 以 爲 後 知 光 氣 夫 事

● 「危微」,四庫本作「心上」。

這一

句,

是

舜已

曉

得那

箇

5

所以不復更説。」「人

心

惟

箇恰好底道理。

允,信也,是真箇執得。

堯當時告舜,只說

所

以授禹

也。

《語録》曰:

舜

禹相傳,只就這危微理

會

危

道心

惟微

惟

精

惟

,允執

厥

中」者,舜

之

一〇四

是不

好

,只是

危

險

在

一欲墮

|未墮之間耳。] | 陳氏

曰:「人心

安《語録

) E

「危者

「、欲陷

而未陷之辭。]〇又曰:

「危未便

之上智不能 于公,言私其豵」,如 箇私底根本。」」〇 屬自家體段上,便有私有 耳。」〇《語 命之正、《文集》曰 人言私親 固 有 他人無與 是。』問: 謂私非惡 私 録》曰: 焉 恩之類 [無,可乎?]真氏曰:「私者猶言我之所獨耳,今 如如 所 者否?!曰: 此)或以 謂 則 「問:「形氣是口耳鼻目四 是 此 私 未可 也,其 形氣之私爲未安,曰:「私即 也 一天 類,以惡言之,可乎?」或原於 ,亦未便 底物,不比道便公共,故上面便有 便謂之私欲。』曰: 三雨 生 (可謂 此 我公田、遂及我私」、『獻豜 民 之惡乎?」又問: 是不 時, 好, 便已 但 是 一但此 肢之屬?」日 示 命 可 他 一六經 是 數 以 向 惡,謂 件 此 徇之 事, 性 性 中 可 心 易 而 也, 難

而

者,有 靈知覺 是人心; 理底。」〇又曰: 是知覺口之於味,目之於色,耳之於聲底, 了。」而所以爲 地之理爲性,得天地之氣爲體,理與氣合,方成箇心, 從 ,便是身之所以爲主宰 氣 知覺從義理上去,便是道心。」〇陳氏 而 發者,又各 「只是這一箇心,知覺從耳目之欲上去,便 知覺者 不 不同 同 處。 也。」是以 《語 然虛靈知覺 録 或 Ĕ 道心,是 危 , 有 曰:「人得天 「人心惟 殆 從 理 有 知覺義 而 而 箇 危, 不 虚 發

方是 之。」然人莫不有是形 爾嗟來等食,皆不肯食, 説,但此心本無形狀, 家見得,有 亦莫不有是性,故雖 流於不 去,其謝 足就此 因 見 而 好 耳。 軀殼上平説,未 飲食, 時又 也 ,故謂之危。 可食 《 語 不見 未害也,若窮口 則 録 J. 至 $\stackrel{>}{\exists}$ 於 此 幽 理甚 如 是 0 隱 ,故雖 由 下 飢 不 微 陳 理 而 隱 思 好 愚不能無道 者難 氏 義 難 食 腹之欲,便 底 至 日 而 見 渴 明 物 上智不 爲 發,道 思 故謂 難 有 但 飲 道 知 時 此 之微 1 心 陷 此 發 心 非 專 能 也。 矣。」 由 見此 1 最 賢 是 形 無 臲 哲 岩 如 就 或 體 三子, 人心 卼 莫 其 理 嘑 而發 微 語 不 能 使 嗟 爾 義 録 安 妙 識 也 蹴 上 自

着 티 : 間 於 惻隱之心是。」○問: 非 聖人不能無人心,如飢食、 血 痛、抓着痒,此 辭 「道心是義理上發出來底,人心是人身上發出來底,1 陳氏 氣, 遜 日 此 箇生 道 1 心 於理。 非人心 者 也。 在 「既云上智,何以更有人心?」曰 方寸間 雖 飢 而 E 、渴飲之類,雖小人不能 寒 何? 知 痛 亦 ,本自不相紊亂 痒,此人心; 同。二一者 人自有人心、 雜 惻隱、 。」〇又曰:二 道心,一 於方寸之 無 羞惡、 道 心, 箇 「掐 是 如 生 雖

0 「上」「人」字,原誤作「又」,今據四 庫

之奥也。 者無日 文集》曰: 別之。 ,而天理之公卒無以勝夫人欲之私矣。 無 心則一也,以正不正而異其名耳。」精則察夫二 時 「人心之危者、人欲之萌也。 不發見呈 丽 不 知所以治之,則 露,非是判然爲二物,不相 危者愈危 道心之微者,天理 交涉,只 微者 在

道心,則人心爲人節 録》日 티 : 然必有義理存焉,有 飲食言之,凡飢渴 義理之心,可以爲人心之主室,而人心據以爲準者也。 常爲一身之主,而人心每聽 無以人心二之。」從事於斯 明,不相混雜。」一則守其本心之正而不離 者之間而不雜也、《語録》曰:「精是精察分明」。 ,此 「是識別得人心道心。」〇陳氏曰: :「一是要守得不離。」〇陳氏曰:「專守道心之正 而欲得 可 制,人心皆道心也。〇又曰:「道心是 以食,有不可以食,如子路食於孔悝 飲食,以充其飽且足者,皆人心 ,無少間 命焉、《語録》曰 要分别二者界分分 斷,必使道 也。 〇又 且以 《語 有 也。 心 一面

此人心之所以危也。 能之,此道心之正也

不可

食者。

又如父之慈其子,子之孝其父,常人亦

, 荷父一虐其子, 則子必很然以悖其父. 惟舜則不然,雖其父欲殺之,而舜之孝

> 間,而自然無不中矣。」〇陳氏曰: 自 〇問: 則未嘗替,此道 心每聽命焉耳。」則危者 出者,莫非道心之流行。」 而非中,凡聲之所發便合律,身之所行便合度。 無過不及之差矣。《文集》曰: 「人心可無否?」曰: 心也。 故當使人心每聽道 安、微 「如何無得 者著, 「如此則 ,但以道心爲主, 「不待擇於過不及之 心之區 加 日 用 動 凡 之間 静 由 處 人心 方 一、無往 云爲 而 可

道統 此。 以 泉 之大事,而其授受之際,丁寧告戒,不 傳,天下之大事也。 堯舜之道非得孔子,則後世亦何 自是以來,聖聖相承: 若成湯、文、武之爲君 孟子 此是大綱目處,堯、舜、禹之所以傳受天下,皆是此道理。」 繼往聖、 陶 集註》 之傳。 、伊、傅、周、召之爲臣,既皆以此而接 則天下之理,豈有以 夫堯、舜、禹,天下之大聖也。 開來學,其功反有賢於堯、舜者。 若吾夫子, 「堯舜治天下、 以天下之大聖,行 夫子又推其 則 所據哉! 加於此哉? 雖 不得 道以 其 然當是時 以 位 陳氏 天 教 過 天 下 而所 日 世 下 夫 如 相

命之謂

性

也

再

傳

以

得

統

愚

謂

示

緼

合符節

然。」世之相

中

之謂

忧

奥,未有 擇善固 道心 遠, 令中 之言 歷 蓋 者 起 傳 孟 所 固 後 本 之謂 庸 故 選 其 謂 氏 矣。 語 執 若 堯 執 惟 存 而 深 更更互 (憂之 録 即 前 千 其 是 心 爲 惟 處 舜 顔 復 聖 也 説 子 日 有 多 其 收 以 能 氏、曾氏之傳 則 得 一之書 : 。」其 也 , 思 餘 之 放 演 明 見 「時中 推 精 來 夫子之孫子 \sim 深, Ť, 年, 懼 於 也 語 繹,作爲此 且 相 明 《孟 録》日 乃 夫 是 詳。 盡 之謂 故其言之也 所 是 而 傳之意 致中 無過 愈 子>, 君子 者 以 書 其 久 其 也 性 也 言 不 如 , 提 也 以 丽 得 及 時 渞 曰 之不 挈 9 是 書, 思 充 底 性 承 中 質 愈 其 自 ○ 語 廣其仁 心之道 善, 綱 中 天 宗。 先 以 以 失 則 是 切 録 維 異 執 原 命 聖 則 詔 平. 其 去 而 ; 於天 中 理。 義 \Box 之 又 開 如 執 率 其 後 Н 直 聖 及 乏 亦 已成 那道 以不滿其意而火之矣。」二夫子既皆 之所 理而 之間 心, 陳忠肅公所序者,乃吕 雖 也。 大, 而絶 失其 義 以 得 然 徒 悉本 明 有 出 斥 而 書 不 大 理 而 惜 輯 夫二 所 傳 尚 亂 同 於 也 微 則 丽 而 考,以 平 録 幸 也。 真 焉 中 有 彌 微言未 程 異 處 一家 極相 1 此 庸》, 始 然非 近 僅 似 書 得。 則 續 理 其 似 尤 出 之不

其

日

擇

善

郎

惟

精

性

則

慮

之

忇

之

(學者。

所

聞

父師

遠

Mi

異

端

也

於

是

推

曾

氏

之

再

見

而

知

之

則 致 和 也 , 至 於 足 誠 以 者 見 天之道 淵 源 之所 思 自 誠 者 人之道 及 其 没 章, 丽 遂 其

端之説 吾道 日 之所 新 月 寄 盛 不 以 越 乎言 至 於 老 語 佛 文 之 字

物 ō 處,只 而 格知 陳氏 大 是説 至 亂 日 真 理 得 明 矣。 來别 爛 義 近 精 理 須 者, 而 是 大 不足 看 亂 得 真 以 他 其 那 破。」 相 彌 近 似

語

録

日

便

是

他

是 夫 之 T 非。 載 不 蓋 傳 之緒 子 思 之 得 功 有 於 所 是爲 據

泯

故

程

夫子

兄

弟

者

夫子 所 於 則 以 其 亦 爲 闁 莫 説 人 能 之 者 因 所 不 其 傳 記 語 是 而 而 凡 得 以 石 其 大 義 氏

,然亦不傳於學者,或以 析 氏 所 《文集 著 别 問 本 和 Ĭ 也。 [無書 靖 明 尹 公公 伊 故今所傳 道 ĴΠ 則 不 雖 -及爲 曰 嘗 言 先 書 中 特 生 世 出 庸 傳 於

頗詳 自爲 爲有成書,若謝氏、尹氏,則 門人記其平居問答之辭。」至其門人所自爲説, 者,亦有之矣。 編,或頗雜出他記。」 盡 而多所發明,然倍其師説 《文集 亦或記 唯日 其語之及此者耳,又皆别 氏 游氏 而淫於老 楊 氏、 則 侯 佛 雖 氏

熹自

蚤

歲

即當受讀

而

竊疑

次之,沈

潛

反

之 書,删其繁亂,名以《 然後乃敢會衆説而折其中,既爲定著《章句》 通,而各極 畢舉,而 之旨,支分節 復,蓋亦有年, 舍之意,别爲《或問》, 篇,以竢後之君子。 初學之士, 助云 凡諸 爾。 其 趣。 解、 或有 説 淳 之同異 :熙己 旦 脉絡貫通、 雖 取 恍然似有以得其要領者 輯略》, 於道統之傳 焉,則亦庶 |西春三月戊申,新安朱 以附 而一 得失, 其後。 且記 詳略 亦得 同 乎行遠 不敢妄議 所 志復取 相因、 然後 嘗 以 曲 論 升高 巨 此 暢 辯 石 書 取 旁 細 氏

熹序。

朱子章句 後學趙順孫纂疏

子差異,便不是極精極密,便不是中庸。」○陳氏曰: 長幼之序、朋友之信、皆日用事,便是平常道理。 只是日用平常之道,如君臣之義、父子之親、夫婦之别 其所以黏着、蓋緣處得極精極密,只是如此平常、若有此 以人而言,乃見其不倚於物耳。]〇《語録》曰:「急些子便 是精密切至之語,而以平常説庸,似不相黏着。1日:「此 爲,却不是庸了。」〇問:「以不偏不倚、無過不及説中,乃 是依本分,不爲怪異之事。 是過,慢些子便不及。」庸,平常也。《語録》曰:「庸 「不偏者,明道體之自然,即無所倚著之意也。不倚, 中者,不偏 .人所常行而不可廢者,便是平常。」 不倚、無過不及之名。《文集 堯、舜、孔子只是庸,夷、齊所 凡日用 \mathbb{F} 「庸 則

倚之名,於已發而時中,則取無過不及 内外而言。」故於未發之大本,則取不偏不 旁,心之體、地之中也;無過不及,猶行 過不及者也。」蓋不偏不倚,猶立而不近 之名也。陳氏曰"中之在事物,即其恰好處,而無 偏於怒,不得謂之在中矣。」〇又曰:「在中之義,是言 「有在心之中,有在事物之中,所以朱子解中字,必合 而不先不後,理之當、事之中也。陳氏日 程子所謂中之道也,見諸行事各得其中 在裏面底道理,非以在中釋中字。」無過不及者, 曰:「在中者,未動時,恰好處。 義,未發之前,無所偏倚之名也;《語錄》 推之,不偏不倚云者,程子所 名而有二義,程子固言之矣。今以其説 吕氏專以無過不及爲説。二者固不同 或問:「名篇之義,程子專以不偏爲言, 矣,子乃合而言之,何也?」曰:「中,一 纔發時,不偏於喜,則 謂在中之 四

中

庸

本是説 矣。」 中。 中, 發出 之義 其 喜、怒、哀、樂在其中。』 子又曰: 者 主 體 不 則,無太過不及處。然方其 未發之中 未 1,是乃 不能不 及之可 ,實在於是; 亦未 來,此事合當如此 是則二 以 發,此 倚 無過 語 此 .樂未發之中, 嘗有 無 ,只可言不偏不倚,却 古 偏於 言言 事,處之得 不及之中,旨 13 名, 偏 各 心 義 而 有 所 和 倚者之所 至 而 應 雖 事 及其 偏 則 所 虚 萬 殊 ,彼事合當如彼,方有箇恰 恰 ,而爲 也 倚 中 了,然其 在時 物 以 好 發 也 無 丽 在 則 之變 時中之中。」〇 爲 未 丽 而吕 實 中 語 所 爲, 其 無 、發,雖 下不得過不及字, 得 無 上,若 所 相 語 偏 過 中 中 氏 调 ¥ 而 不 録 以 爲 無 倚 也 亦云 及矣。」故 言 不 推 於 未 體 往 H 無 其 r 故 中 及 雖 有 用 過 陳 IIII 「只要就 本 庸. 事 謂 T 則 之 非 不 其 無 之中 則 好 ○ 語 當 含 之 及 中 之 程 所 本 過 及 白

珍羞異 之云, 但 夫雖 其 謂 常 録》日 以平常言 庸 易 相 IIII 名 以爲平常,何 日 語 固 反,其 篇 、常久而 謂 「庸字 之 而 面 不 録 是 **以味** 細微 ¥ 平 得 定理 爲 之 不 之義,所 卡 E 言者, ·常,則· 不 미 爲 不常得之物 則不易之定理,自在其中 日 與 發 礕 ,若以爲定理 易,若 而 不 易 常 之義、程 之中 庸 高 如 可 不 則 矣。 也?」曰 以 飲 德 直 又孰 明 易者 敢忽,則 是 食 之行、庸言之謹 不 驚 爲 驗 必 體 則 如 得 對, 若平常之爲 要 世 於今之 子 可可 己 則 暫 説 Ŧi.]:「唯 取 下 於 發 却不見那平常 穀 以 丽 兼 雖 之中 食之可 其名篇之義 是常 此 久 俗 不 殊 下 舉 之事 而 無 丽 易言之, 其 是 Á 與 矣。」〇 也。 遺 也 川。 所 後 其 (平常, 無 不 彼 致 詭 見,不若 可易,若是 切 底意思,今 則 忌 況 此 陳 又 也 乎 氏日 中 以 以 憚 故 加 愚 口 也 不 者 見 庸 暫 子 於 而 口

是合當 子、日 苟 其 矣。」《語録》曰:「問:「堯舜禪授,湯武放伐,皆聖 常,亦曰 所罕見,但 事物之理,惟平常然後可以 先明中 非常之變,而謂之平常, 武之放伐,其 **汙之謂** 是固非有甚 意看。]曰:「然則所謂 理,所以萬世常然而不可 高遠玄妙,不知自堯舜三代以來,只是一箇平常底 義未盡,不若平常字最 程子以 且之云乎?」曰: |名篇,乃不曰中 如此,便只是常事。」 用之常,推 不易解庸字,亦是謂萬古常然而不可易,但 哉 和 事 <u>'</u> 暫 之義,次章乃及 理之當然, 高 而 〈變無 不 既 難 可 曰 行之事 而 親 以 何邪?」曰: 窮,亦 當 易。 常耳 和 切 至於堯舜之禪授,湯 示不 常而不易,若怪異之事,人 平常,將不爲 可 然,則自君臣 丽 平常不易二字,本作 而 包得不易字。 一, Ħ 佛老説道理,便入於 無 然 無適 中 日 所詭 : 事 也。 亦豈同 庸 中庸者,何 「此篇首 雖異常,然皆 圃 之説,至 異 所 非 云 蓋天下 平 謂 淺 流 爾 父 童 常 近 合 平. 道 其

> 無所 何 至處。」 書須是逐句逐字要見去着, 使互相發明 要法,不但 旬 句 如 事,和是發於 也。」《語録》曰 所該者尤廣,而 庸者,又有平常之意 未發而 之中,實兼 哉?」曰:「中和之中,其義雖精 句理會過,其言互 ? | 案: 何?」案: 理會,使其言 不盡,此其所以 言 E] : 中 吕 心, -庸之中 可 體用。《文集》曰: 氏曰:「爲己者,心存乎德行 張子 庸 日吕 施 中 該 曰:「學者如《中 互 相發明。」曰 於 於 則 得 庸 氏 相發明」者,真讀書之 和。 此 該得 兼 篇 爲 不 焉 篇 體 中 Ė 用 己爲 大指 ,則比 也 日 和之義, 而 中]°_|《語 :「其曰 言。」且 : 「中和之中 庸》文字輩,直 精粗 和 之中 人之説 事事 張子 而 録 "; 而 庸 其 而無意平 $\stackrel{>}{\exists}$ 「須 本末, 和,其 窮 是見 之言 中庸 所 中庸 專 到 「讀 如 旬 謂 須 於 指

「和」,原誤作「庸」,今據四庫本改。

0

_

人知以 以 己而 之利者,果何 固有序矣,學者盍亦用心於此乎! 後之罪,原其設心,猶愛而公,視彼 爲人者,正指此 私者,又下此一等也。 之,而謂今之學者未及乎 欲見知於人者是也, 吕氏以志於功 必明,德行必脩,與夫自輕其身,涉獵無本,徼幸一 哀樂未發之中,以爲之本,使學者擇善而固執之,其學 何望哉 先以私欲害之,則語之而不入,導之而不行,教之者亦 者,有未及乎爲人而濟其私欲者。 功 人爲及物之事,而涉獵徼幸,以求 名, 爲之本,使學者擇善而固執之者,亦 遽欲成物,此 爲人者,心存乎功名而未及乎德行。 濟一己之私而 至 聖人之學,不使人過,不使人不及,立喜怒 其所謂 如哉?」曰:「爲人者,程子以 下等人 立 特 喜怒哀樂未 可 後學者,不 坐以 爾。 殊不知 此 今學聖人之道,而 用心於此,則義 若 不 則 夫子 能 日 、發之 可 是 若後 未 知 同 欲 所 所 能 濟 以 名言 世 謂 中 爲 H 求 先 其 成 爲 日 理 飓

> 矣。」《語録》曰: 耳。 己爲人之際。」 者誠能三復 以爲大本,使人以是爲 章大指 豈容學者有所擇取 中者豈聖人之所强 曰 欲 丽 使學者 語 則有以切中今時學者之病,覽 之未瑩, 而致 務 「今學者且要分別箇路頭,要緊是 先 思焉,亦可感悟 存 乃 於其 立 養, 似 準 聖 膩 間 以 未 人 . 哉 而 爲 發之際, 取 强 1 窮 中 立 但其 理 圃 焉 此 興起 之 全 則 地 亦

티 : 上。 日: 法。」子思恐其久而差也,故筆之於書 底,故更着箇庸字。二此篇乃孔門傳授心法 仁義禮智、君臣父子之條理。」曰: 許多條目,如天道有日月星辰、陰陽寒暑之條理,人道 者,天下之正道 子程子曰:「不偏之謂中,不易之謂庸。 「問:「正道、定理,恐道是總括之名,理是道 「卑不失之污賤 中只是箇恰好 道 了,庸者,天下之定理。《 高 旦理,爲 不溺於空虚,蓋真孔 見不得,是亘古 「緊要在正字與 今不 門傳授 裏面 口 語 定字 陳氏 變易 中 心 有 有

日 又曰: 玩 也 合爲 天下國家有 須要逐 有 性」,末復合爲 之則彌六合, 孟子。」「其書始言一理,中散爲萬事,末復 索 「其大無際,其細無朕。」「其 語 末開而合,其合也 理。 而 「中散爲萬事,如知、仁、勇,許多爲學底道理,與爲 録》日 理會過方得 有 九 得 經 《語 一句 理,指 焉 與與 卷之則 録》 祭祀鬼神,中間 句 ,所謂 則 是 「無 Ē 亦有 實,無些子空闕 終身用之,有 :「始合爲 聲 中 退 無臭」。 漸。」〇又曰: 散爲萬事,便是中庸。| 藏 味 於 無此 無 始 密。」」三山 合而 理,指『天命 處。一善 窮,皆 子 罅隙。』『放 「天下萬事。 不 開,其 能 讀 實 陳氏 開 杰 者 學 謂 也

天命之謂性,率性之謂道,脩道之謂教。 道理。二〇 性便是理之所會之地。」○《語 理也。《文集》曰:「有是 「性即 命,猶令也。 理也 又曰 ,何以不謂之理 「性是 陳氏曰: 許 名 「似分付命令他一般。」性 而 性,便有許多道 理 謂之性? 録 散 **ĕ** 在 處 爲 「性是天生成許多 蓋 性。」〇陳氏 理 理總 是汎言天地 在裏 即即 日 許

者矣。」

智,雖 真氏曰: 只稟得來少,不似人稟得來全耳。」〇又曰: 仁禮健而義智順 之性。二〇又曰: 也。合而言之,則曰 常之德,所 物之生,因 有氣,有天即 未嘗止息,命即流行而賦予於物者。」〇葉氏曰: 者, 曰理是也。 分合運行去,萬古生生,不息不止,是箇氣必有主宰之 蓋藉陰陽五行之氣,流行變化,以生萬物。 固是上天之天,要之即理是也。 以 我所有,故謂之性。」天以陰陽 間人物公共之理,性是在我之理,只這道理受於天而 氣以成形,而理亦賦焉,便是上天命令之也。]〇又曰 本只是一氣,分來有陰陽,又分來有五行,二與五,只管 成 尋常昆蟲之類皆有之,只 形 「自昔言性者,曰 ·•, 而 有 各得 謂 理 萬物 理在 「如牛之性 也。一〇《語 亦 性 健 其中,爲之樞紐 賦 也。 其 故氣以 順, 焉 所 五常而已,朱子乃益之以健 《文集》曰: 順,馬之性健 分而言之,則曰仁、義、禮 ,猶命令也。 録》曰: 賦 成 之理, 偏 形 五行化生萬 而不全,濁 理 然天如 「此健順只是那陰陽 亦寓焉。」於是 ,故大化流行,生 **」**健 以 即即 何 順之體 爲 健 理不外乎氣 陳氏 而 氣間隔。」〇 順之性,但 健 命於人? 「有理即 物 順 即 智 一天 Ŧi. 氣 性 4 爲

四

屬焉,①在 蓋 |陽之性健,木火屬焉,在 人則爲義智; 而 人則 土則二 爲仁禮; 氣之沖和,信亦兼乎健 陰之性順, 金水

率 順。」「陰陽不 一,循也 在 《語録》曰: $\overline{\pi}$ 行之外 「這循字是就道上説,不是就行 健 順 亦 豈 在 $\overline{\pi}$ 常之外乎?」

道上説。」○陳氏曰 百千萬人當行之路爾。」人物各 集 Ĭ. 「道之得名,正以人生日用常然之理 循 猶 隨 也。」道,猶路也。 循其 性 ,猶四 之自然, 海 九州 令文

是則 則 其 所 日 謂 用 道 事 也。 物之間,莫不各有當 語録》曰 「人與物之性皆同 行之路 故

不循其性,令馬耕牛馳,則 循人之性 ,則爲人之道,循馬牛之性,則爲馬牛之道。 失其 (性,而 非馬牛之道矣。」〇 若

理 然有箇當行之路,不待安排著,只是日用 陳氏曰:「是就人物已受得來處説 「,所以名之曰道。」○永嘉陳氏曰: 隨其所受之性,便自 「人率循其人之性、 人事 所當然之

則人物所稟之不同 性,以氣言者也,天命之謂性,以 章,深言人物 夫道若大路然。]〇真氏曰: 率循 其 物之性,此即 之異 而 ,以理言之,則天之所命,一 於 人物各各當 此章,乃 「朱子於《告子》『生之謂 理言者也。 兼 人物 行 道理 丽 一,故謂 言。 以 而已矣。 氣言之 生之謂 之道 性

物

然則 也。 謂 厚薄輕重而爲之制 而 皆循天命之性也,而爲不善,則發乎氣稟之性矣。 所爲,而非天命之本然矣。 觀 率性云者 虎狼之搏 則 潘氏曰 此章兼人物 ,循其天命之性也,若夫搏噬踶 噬,馬 品品 節之者,如 ,以矯其 ^八牛之踶 而言, 尚 豈獨物爲 风觸,亦 、過不及之偏者也,雖若出 親親之殺 何疑哉 道 耶 然,凡人之爲善者 ! | 脩, 品 ? 尊賢之等,隨 日 觸 則 子 思之所 節之 以 是 其 於

人爲,而實原於性命之正。」性 道 雖 同 丽 氣 或

性,人物受而循行之曰道 異,故不能無 過不及之差,葉氏 ,皆理之自然而然 日 [: 「命 本無過 於天 不 及 日

之差也。 然陰陽五行,迭運交禪,不免相勝,是以或 厚 或

所受,人之所率,雖未嘗不善,而 薄,或清或濁 ,賢智或失之過,愚不肖 亦不能不差。」聖人因 或失之不及,天之

人物之所當 行者而 品節 之,以 爲 法 於天

録 下,則謂之教,若禮 ě 問 「品節及於物否?」曰 樂 刑 政之屬 也也 是 是 如 此 也 所以 謂

0 「金水」,原誤作「金火」,據真德秀《大學行義》卷五 之地。 之綱 三山 者宜 箇品 之盡物之性。 者過於和,剛者過於嚴 草木零落 備 是事父之道,然孝之中有多少曲折。 少。二〇又曰: 方見聖賢 乃天地萬物之大本大根,萬化皆從此 前 之所以爲教,原 也 有 一字,須就道 」。 蓋 不中節者。 於我。 自 節。 領 陳氏 示 深 此 也 人之所 、掌山澤、各 能 體 使萬物各得其所 日 所 ,然後人山林; 句 聖 説 已矣。 學者知之,則其於學,知 而 上 「此章蓋 此 但 蓋與孟 賢 道理,皆 「所以 及 默 教 **禮樂刑** 於人較詳,於物較略, 以 人氣 識 人,必先 有 爲 子言 咸若草木鳥 其 故子思於此 一中 也 官 ,則於孝道雖大綱是孝,其曲 稟上 從 人,道 所 政 昆 自己 庸 性 ,所謂教也。」○黄氏曰 所以 蟲未蟄,不以 如 使 《語 自 兼 善同意 》之綱領 周 之知 看。 胸 録 公驅 之所 著爲品節,使之盡 歌,使 無 襟 ¥ 流 道是大綱之名 所 其 虎豹 出。 人之氣稟不同,柔 自 出 而 首發明之,讀 以 人上較多,物上 不本於 示人切矣。」 庶 「子思説箇 火田 來 此三句,又一章 不 爲 犀 類 人若能 而 假他求。」〇 蕃 象龍 道 之類 所 後 殖 有 蛇 用 天 聖 三句 如如 「脩道 如 體 各 其 折 用 察 力 人 丽 周 道 如 必 有 較 力

> 典 之所以 曰 : 以 性。 非 自 乎 外 集 已,斯之謂命。 官之有此職。」蓋天之所以 之謂教」,何也 或問:「『天命之謂性,率性之謂道 四 ¥ 於我 萬萬 性言之,則 全體者,性也。 已者,命 人者, 時 「天之生此人,如 故以命言之,則 一一元、亨、利、貞,天道之常 五 物萬 也。 名,以 行, 是 也。 事 則 庶 人於稟受處,❶該 天 曰仁、 見其 之 |?'」曰:「此先明性、道、教 類 人 命 吾之得 理 朝廷之命此 之 之謂 萬 愚 無 本皆出乎天, 調 義 所 化 日 性 以 天於賦 不 禮 元、亨、利、 乎 賦 莫 ,言天之所 爲 統 智 與 是 官,人之有 全而 不 仁、義、禮、智,人 性 於 萬 命 子 由 也。 不 處 其 以 物 而 是 偏 而實 間 四 周 生 而 此 修 貞, **文** 丽 斯 流 端 愐 不 性,如 以 之謂 出 而 集 不 道 五 面 莫 能 命 不

「人」,原誤作「天」,今據四庫本改。

0

Fî.

性 真實一致,非引 天命之利,在 命之元,在我謂之仁; 曰:「人性之大目,只是仁、義、禮 者生理之通,利者生理之遂,貞者生理之固。]〇 藏者而言,故謂之固。 而固也。 利 時爲春; 得,就理上論也得。 天命之大,自只是元、亨、利、貞,此四者,就氣上論 充四端、制百事哉!」○陳氏曰:「若就造化上論,則 不能以行四時、生萬物。 故健順不必易也。」○又曰:「天地而非元、亨、利、貞 性之綱。」〇黄氏曰:「在天爲元、亨、利、貞, 人性之有仁、義、禮、智,只是天地元、亨、利、貞之理, 性與命本非二物,在天謂之命,在人謂之性。」〇又 ,於時爲秋; 命之分, 物之發達處爲亨,於時爲夏,物之成遂處 自其生意之已定者而言,故謂之正,自其 智 我謂之義; ,特殊其名,以别天人之分耳。 丽 物之斂藏處爲貞,於時爲冬。 而 其 臂之也。」蓋在天在人, 就氣上論,則物之初生處爲元,於 理 得天命之亨,在我謂之禮; 就理上論,則元者生理之始 則 人而非仁、義、禮、智,又何以 得天命之貞,在我 未 嘗 、智四者而 不 ; 陳氏 己。 謂 貞者,正 理則同 在 雖有 之智。 得 人爲 日 亨 得 天 又 斂 爲 也

> 循其仁之性,則自父子之親,以 道也。蓋天命之性,仁、義、禮、智而已。 物,莫不自然,各有當行之路,是則 道」,言循其 本,便只説得 以爲性有三品,都只是説得氣。 而無惡。 於人以是理,本只善而無惡,故人所受以爲性 若荀、楊、韓子之所云也。 同而氣異。此吾之性所以純 則未嘗不同。《文集》曰:「論萬物之一 相亂。」在人在 又離了不相干涉,須是就渾然一理中,看得有界分,不 曰:「性命只是一 荀子以性爲惡,楊子以性爲善惡混,韓子又 粗底,而 所 物,雖 箇道理,不分看,則不分曉,不合看 得乎天以 道理全然不明。『率性 有 氣 生者 稟之異,而 若只論氣而 陳氏曰:「天所命 粹至善, 則 至 事 ·,亦* 原,則 不及大 一於仁 之 所 事 其 而 本善 謂 謂 物 非 理 理

之性,則恭敬辭讓之節文,皆道也,循其 之分,以至於敬長尊賢,亦道 也 循 其 民愛物,皆道也;

循其義之性,則

自

君

臣

禮

之有 夜,其 爲,而 有。」蓋 之父子,蜂 植之,即是違 各 凡 則 言之,如牛之可 性 體 僅 道便是在 者 道 氏 智之性, 物皆有 「桑麻之可衣、穀粟之可食、春宜耕 曰:「仁、義 無無 得 M ,然其知覺運 其 所發皆 形 别 各有自然之 性 不待 無 ___ 所 裏面 而 箇自 氣 所 物之不得,故 謂 則 則是非邪正之分別 不可 其 之偏, 有 做 蟻 "、禮 其 然之理。二〇永嘉陳氏曰: 不 性 性 外 :箇自 耕,馬之可乘,雞之可司 移换,便是率處。 出底道 · 周。 之君 求,而 者 形 ,非物之所謂率性矣。三至於虎 、智四 然之理。 動,榮悴 氣之所偏,又反有以 理 圃 《語 無 理。」 臣 者,大處則大 焉 不 録 無 豺 理之不具 雖 所謂 能 ĕ ⊟ 又循 所 陳氏曰 獺 開 鳥 有 不備。 若飛者潛之,動 其草 道者 落 之報本, 雎 ,夏宜耘,秋宜 灩 性 以 ",亦道也。 草木之生 是體,道 有 通 ·木之理 晨,大之可 隨 亦皆循 飛 「不假 小 了; 故 貫乎全 所 物之性 潛 處 謂 所 動 丽 是 則 穫 存 植 其 用 人 鳩 狼 言 性 謂 者 小 mi 陳 0

> 爲,而、 也。 下, 聖 道 却 其 其 或失之過,愚、不肖者或不 之稟,亦有 之道,皆理之 可 天 類 此是懸空説,未着人事在。」『脩道之謂 命之全體,乃 雖 專,人却事 人因是道而 以 義 者,亦未嘗 處 是則 得 人雖得其 見天命之本 理之所得、語 而 亦豈 其一 全盡 所 事 偏 一,何 人之所得 不 謂 爲物 然徹 理會得 能不異者。 自 不 也?」曰: 教 形 品節之,以立法 欲氣稟所 然,而 在 也。 頭 氣 此,便 然, 徹 録 是 之正,然其 尾 » ⊟: 爲 蓋 『物只 也 初 却泛泛,所以易昏。二尤 得義理之正,人合下 人物 昏 哉 是是 天 無 問: ,反不能 介命 是以 有 閒 能及,而 之 豊 這 之性 水 隔 「虎狼、螻蟻之 所 清 垂 有 賢、 如 嘉 處 訓 濁 同 教』,言 陳氏 待 物之能 丽 (通, ● 知 於天 於人 厚 得 率 所 具 日 於 者 薄 者 性 謂 便 通 此

「物」,原脱,據《朱子語類》卷四補。

焉。 心,清 逆, 之類。」有以别其貴賤之等, 教立 親 法,使萬世皆得以通行,是謂之教。」蓋 者,爲之品 本然也。 故於性有昏蔽而 立 能 香 欲 分,則義之爲教行矣。 此者,亦 全 蔽 疏 教於天下,使夫過、不及者 因其道之所在,而爲之品 或 丽 陳氏日 錯雜 矣。 之殺,而 生其 明 則 無 聖人清 節 或不 陳氏 純 於 以 前 間, 而歸之中,使無過、不及,以爲天下後 粹,天 適 所 「因人生氣質之異 明純粹,見理分明,故因 不能全,而所謂道 能 無以全其所受之正。 使之各盡 而 謂 乎 「如爲之立五 於 無失於彼,是以 道 所 理 所 者 行 渾 謂 之 因 陳氏 然, 其 性 (),而 亦 宜 而 者, 曰:「如爲之立君 服 情 者,亦乖 無 有 有過、不及之差 使之各 自 節 所 有以取 所 惟 有以 不 則仁 斬衰至總 其 防 虧 聖 乖 戾而 免 性之自 私 範, 闕, 辨 人 . 之爲 戾 性 盡 有 意 失其 其 其 中 以 故 之 姑 有 所 人 然 麻 世

其彌縫 類。」此則聖人所以 節 因 於天下之物,則 以去其人欲之私 無知愚,事無大小,皆得 爲 開 守 臣上下長幼之序。」爲之制度文爲,使之有 曰:「天理者、上達之正途、人欲者、下達之邪徑。 之行,及糾民以不孝不弟之刑。一夫 三千、三百之儀,輕重疏密,各有等級之不同。」爲 如教人春耕、夏耘、秋斂、冬藏,穿牛鼻、絡馬 把守不牢,則便是天理人欲勝負未分。一推 其 以 教明矣。 ௱ 導禁止,使之有 材質之宜 不失,則禮之爲教得矣。 遂其生,皆有政事 城輔費 陳氏曰: 之功,然亦 以以 亦順 ,而復乎天理之正 如如 財 致 以 其 其 别 成天地之道 司徒教民以任 未 所欲,違其所惡, 用 之施焉 而 有 始 不 所持循據守 如 制 外乎人之所 差, 是,是 其 陳氏 則 取 卹 陳氏曰 用之 知之 圃 以 ൬ 睦 首 陳氏 致 至 人 之 以 萬 婣 如

受乎天者

而

强

爲之也。《文集》曰:

「脩道之

134

學者能因 於篇 之空與老子之無 訓 其 者 以 率 備 説 嗧 曲,皆非 之清淨、寂滅,與夫百家衆技之支離 物之不該,而老氏 身是着實向 知 教,當屬何處? 一,豈獨 詁 所至難, ,莫非因其 得乎脩道之説,則 性之説,則 然和 則知天之所以 而釋氏所謂空者,非性矣; 詞 有 所以 章 名義之間 都 ?自家體分上 雖 其 無了 一,管、商 而 八所指 曰 亦出乎天耳。子思以是三言 爲教矣。《語録》曰:「 所固 從 知我之所得 姑以 般否?』日 所 其 調終日 而 所謂 而 有 之權 與 求。」蓋有 所 釋夫三者之名義, 反身以驗之,則其 已哉 而 知聖人之所以教 我者,無 甚 喫飯,不曾咬破 無者,非道矣; 「不同。 謀、 易, 去其所本無 乎天 」《語録》曰: 功 得 面 佛 利 乎天命 凡 一理 有以得 者 氏只是空 問:「佛 老、 世儒 之不 粒米, 無 偏 反 背 之 著 佛 之 我 有 平 所 氏 0

> 之外。 是清 不得 而 矣。」由是以往 謀智術之私,而非 義不通。 看,把人事做下面 釋氏屏棄人事 涉,不知道只是人事之理耳。」又曰: 像未有天地之初 初,有箇空虚道理,且自家身今見在天地之後,只管 無爲宗,説 幻,人事都爲粗迹,盡欲屏除了,一 空爲宗,以 終日着衣,不曾掛着 世儒或專於訓 問 益 來做外 ,便是他 淨無爲, 致其學問 如云道在太極之先,都是說未有天地 又如管、商功利之徒,雖做得事業,亦 未有 道都與人物不相干,以道 面添 有無 他 詁 天地之先爲吾真體,以 向 底事 解 恁地深藏固 都是 做 粗 胸中理義去做得底,皆 思 因 箇 析 底 兩 條絲。 看了,聖賢千言萬語 辨之功 空虚底 其 而 ,便都要擺脱 把 截看了。」○陳氏曰: (所固· 理不明,或專於詞 道理 守,自 道 若老氏猶還是 做 %語録 理,與 有之不 事 歸於真空。 爲玄妙,教 物 爲超乎天地 「老氏清虚 去了。」〇 頂 自家身 天地 × E 頭 可昧 ,只是使人 非 章綴 玄妙 萬 釋 「今人把 ~有,❶ 所 有 萬 老氏 物 又 只 厭事, 調教 是 緝 底 何 物 形 皆 氏 漢 日 權 而 物 F 想 之 器 以 爲 以 索 只

[還」,原作「骨」,今據四庫本改。

. . 0

説性 形,各 物事。」 性之本體矣,所 生時,只可 也,順 也。」〇《文集 底 此 脩 條 私 孰 後立矣。」〇曰:「率性、脩道之説不同 然 H 反 性, 亦通 上不 崩 其 意 爲 爲 理 日 時 常行合做 固 IIII 正性命者, 而 而言 用 者 人 是耶?」曰:「程子之論率性,正 人物 容説 則 有 ,便是人生以後,此理已墮在形氣之中,不全是 益 循之則道也。」〇又曰: 則 一欲未萌之處,指其自然發見 之間 而 丽 ·謂之理,未可名爲性 夫 爲 致 而 ,纔説性 也。 復 ¥ 言 天 4 底 言。 其 其 謂 前 是所 底性,又不爲馬 道理,是不可已者,非空守 性 命之性 持 在人日 案:程子曰:「生之謂性,人生 以見道之所以 循 耳。 程子説 時,便已不 守 性 謂 脩道之教,又將 推 者 性也; 因 性 馬 率 人生 行 其 也。」〇《語録》曰:「 之力、語録 則 ,所謂在 所甚易之不 循其性,是所謂 「天降是於下,萬物 是性也。」「此 性之道,豈 而 爲馬之性,又不做 底 静 性。 以 得名, 天日 Ė 此 是 所 由 着這 命 × H 謂 理 人物 也 非 各 能 我 不 道 程子 天 率 前 「是 也 指 有 就 而 昭 已 纔 未 性 流 命

必 同然,乃吾性之所固 之殊,在性之分,則合乎内外 之形 道, 夫婦、昆弟 惻 則 發遂至乎出 由 節 小 天 能 天道,本無有異,但人雖受天地之中以生 未萌、自然發見之意矣。 去,皆是道。」吕 之自然。二〇又曰: 説物物各有 隱 有差等,敬必有節文。 何 教以得之、非復子思、程子所 知 地之中以生, 致是一 體 患 羞 則所 所撓,故與 茒 ,常有私意小知撓乎其間 有 惡、辭遜、 中 朋 -節平 以 人不齊而不中 箇 謂道者,又 節, 友之交,亦道 道 不 氏「良 理 是 失 「道是 亦甚 有。 非 故良心 即 其 天 而 ,皆道也 此 隨喜 所感重者,其應也亦重 地 所 梏 性中分派 節。 心之發」 精 便 所 也。 在 於形 是 受 不 密。 發 怒、哀、樂之所發 道 如 體 脩 乎 相 ,莫非 在 案 在 ,故與天地 使所得於天者不 而已。 [物之分,則 被者 條理 爲 天 似 體 循 但 以 吕氏曰: 道 之後, 前 性 又 者, 謂『人雖 1,君臣 也。 是皆 者 ,而梏於蕞 下,至『 隨 不 指 然 發 爲 分派 是 在我者 相 人心 、父子 有 循 人欲 判則 性 而 後 不 私 , 似 彼我 條 其 所 受 安 反 爲 中 意 感 所 伙 理

딛 我』。 争。 焉 無所 養之生,却是脩道之謂教也。|至下文始自云: 天命之謂性也; 思本文之意,案:程子曰:「民受天地之中以生 之以福」、「脩而求復之」云、却似未合子 俟乎脩焉,率之而已。」至於脩道,則程 謂性有不善者,誣天也。 道 子所以不取。一游 天地大化,故其説性、説道、説教,皆不周普流通 說未是。」○永嘉陳氏曰: 行之前,便不是道乎?」〇又曰:「不是人去循之,日 輕者,其應也亦輕。 有吕氏之病也。 只是隨性去,皆是道。 ,則道在我矣。 也,而性者,具道以 「性,天命也。 楊氏 出於性之所有,安能致是乎?」○《語録》曰 自王公至皂隸,儀章異制,而上下之分莫敢 所謂『率之而已』者,似亦皆 人之生也直,意亦如此。 氏 若出於人爲,則非道矣。」〇楊氏 命,天理也。 自斬至總,喪服異等,而九族之情 生也。 所 案:游氏曰:「天之命萬物者、 謂 吕氏説以人行道,若然,則 性無不善,則不可加損也 「吕説只就 『無容私 因其性之固然,而無容私 道則性命之理 人性起,蓋不見 馬 若以生爲 則道 子『養 「能者 而 此 無 틴 在 4 朱 未

> 謂「循 禮,達之天下,傳之後世』者得之。 氏曰:●「此段辨析極精。」 吕氏 之者,莫非天命之本然,非人私智所 時意各有指,不可彊率合爲一説。」 學,若元不失,則何脩之有?」〇《語録》曰: 文之意,大率以爲一循其本然,非私智所能與耳。」 黄 人,有不能盡,故程子以舜事明之。]○陵陽李氏 者也。」〇《文集》曰: 自天命以至於教,我無加 耳。案"程子曰"「循此而脩之、各得其分、則教也。 之,但所引舜事,或非《論 通結之者,爲得其旨。 此則專在人事,以失其本性,故脩 養之以福,不能者敗以取禍。」〇又曰:「脩道之謂教, 此又自其性之本然者而推言之,所引《論 此脩之,各得其 「脩道雖以人事言,然其所以 損馬,此舜有天下而 分」,而 故其門人 所謂 語》本文之意 濁其 而求復之,則 能爲 引 先 也。 語 一脩,所 亦多祖 舜 「程子 》雖非 然非 不與 E 事 謂 制 本 聖 焉

● 「黄」,原誤作「貴」,今據復性書院本改。

言 티 : 之琴而彈之、侃侃而言曰:『先王制禮,不敢不及也。』 所以 然不 言曰:『先王制 之謂禮。 明 所 推 有 不 世,慮其所終,稽其所敝,則其小過小不及者,不可 故 物撓之,雖無不中節者,然人稟於天者,不能無厚薄 而 本 曰 時 脩 心誠求之,雖不中,不遠矣。 ,則應於物者,亦不能無小過小不及,故 稟 失本 .説 本 似 與位之不同。 此 王 之,以 率性 中不遠,但 又當脩 不 楊 亦 氏云『天使我有是之謂命 先王所以制禮。」改本 閔子除喪而見孔子,予之琴而彈之,切 文之意耳。 能 氏 不 之道 無 所 親 禮 爲 道 過 論 不 切 『率 必欲爲法於後世,不可不脩。」() 處, 而 王 不及,若能 敢過 也。」案: 一欲達之天下,傳之後世 氏 性 立教焉」,則爲太繁複 案: E 之失 也。」子夏除喪 而 失 吕氏曰:「循性而 行, 然將達之天下,傳之後 文以 改本云:「道之在 其 如 ,命之在我之謂性」, 指, 雖 心 何 時 誠 己 ?」案: 而見孔子,予 位 而 求之,自 中 品品 於 不同 節 節 此 行, 斯 切 楊 人 爲 而 又 以 斯 昏 無 丽

中 道., 似。 天 『天使我 是未知性命之理。 也 則 日 率性之道 於意有不平,而 王氏之失,不惟 氏又自言之,蓋 爾,豈真以爲有或使之者哉 也。一曰:「王氏之言,固爲多病,然此所 此 如 非性 説説。 一, 可 "惟皇上帝降衷于下民,則天命]。」案: 云『在天爲命,在人爲性』,此語似無病, 爲命,在 庸》言『天命之謂性』,性即天命 如《易》所謂『聖人之作《易》,將以順性命之理』是 以 若游 矣。」則 性命初無二理,第所由之者異耳。 [率性之謂 爲命乎? 楊氏 有是』者,猶曰『上帝 氏 爲 人 又不 以 日 順 爲 其 以 遁 性 岩楊 無悖於理者。 一天 反 似 性」,則程子 曰『使我』,正所謂 命 天 命 爲王公之累矣。 在 同 倍情 命之謂 我爲 之理,文意 浴 氏 「人欲 而 性 爲 性,人欲 則 也。 譏裸裎,亦 也,又豈二物哉 非 亦 性,案: 命 非 若遁 今乃 使 ,然亦不須 降 自 然 云, 其 性』之云 非 亦 也。 天倍 八日『在 衷』云 性也。一 物。 且 指 不 耐 使 情 相 以 近 爲 楊 若 云 氏 如 然

之,則 〇又 涵 後 高 復 悟 悟 則 0 此 養 《語 學所敢 其 温 下 得到 日 非 謂 言 淺 柔 録 於吕 游、 後 游 侯生之言, 如此 Ě 深, ; 究 學 楊、 言也。」《語録》日 謂 楊 楊諸公皆才高, 稱 所 覈其意 ,其説得 亦 楊 其 侯, 敢 氏 口 此 不 深 言 見 好處, 四子 語,却 但 及 潛 也 矣。 而 可 游 縝 如千兵萬馬 是 以 之説 ,雖其 隔 但 密 直 過 此 而 吕 辟 以 截。」〇日 説 此 語 孰 亦 聽 於 程 有 本是剛底 以 證 優?! 每 疎略,然皆 游 子 飽滿 往, 之, 今 之言 稱 稱 伉 且 則 其 其 氣質 則 E 壯。 非 然 其 熟 穎 穎 論 通

則

君

謂

君子 道 也 戒慎 者 「,不 子其 可 須 所 臾 不 離 睹 也 恐懼 可 離 乎 其 非 道 所 也。 不 聞 是故 離

得

明。」〇又曰

「侯氏説前後相反,没理

會

於心, 道 者, 陳氏 日 用 日 事 道 物 是 當行之理 日 用 事 物所 ,皆性之德 當 行之路 即 率 而 性 具 之

> 今,流 物。」是以 矣。 然底, 之本然,陳 不敢忽、"語録》曰: 以 有 未發之前 陳氏 知,只於此時, 可 朋友所當信。 臣 不 而 頃 無 則 陳氏曰 行乎天地之間, 得 미 刻而 日 時 君 時 於天之所命 須 走 臣 君子之心常 不 「使其 固未 離也。一若 臾 離不得。」〇 所 氏 然 當敬; 日 離 便 纔 微 有人欲之私 미 八戒謹 陳氏 可 面 離而 也 「未 者, 離, 起 無 其 在 0 「不聞不 了, 居 日 感 去 而 夫婦 蔡氏 便 可 永 飲食, 存 息之間 其 物 更不 則 是 「在父子 嘉 離 理 時, 外 可言,所以 日 敬 陳 亦身外物耳。1〇 則 見,全 總 蓋 敢 物 氏 夫婦 渾 畏, 則 「須 會 無 忽。」所 蓋 日 是 ·, 則 耐 於吾 爲 物 然 史,頃 天 雖 無 所 非本 而 外物 無 父子所 當 時 理 朱子特謂 道 心。 不 不 形 以 别 然 ௱ 只 刻 有 見聞 不 暗 矣。」〇二 是 存 無 潘 丽 也 ·然。」所 在 昧 眼 自 不 氏 親 天 非 物 朋 之外 不 古 前 使 道 友 理 亦 不 П 道 及 在 當

不

Ш

離於須臾之頃 也

莫見乎 隱 莫 顈 乎微 故 君 子 慎 其 獨 也 見,

音現。

更用 是以 不聞 了,況人亦未有不知者乎! 莫顯,不特指 見、莫顯 有 人 暗之中, 此最緊要着功夫。」〇又曰 後説者,一衮説了,更不見切 隱,暗處 衆人對 地 「莫見乎隱,莫顯乎微,這是大綱説。」」○黄氏曰: 有 $\stackrel{>}{\exists}$ 著見明 雖 也 處 點檢 謹 君子既常 不 坐, 這 皆 「戒謹 ,則已是先形了,如何却說 《語 知 箇却 自 戒謹了,又就其中 也。 微細之事 録 顯 而 心 他人之聞見,只 恐懼 獨 ¥ 是唤起説。」〇又日 中 而 己 微, 7者,人 - 發 是普説 戒 過 獨 如 細 懼, 於此者。 知 念或 事 之,則 跡 片 所 到得隱微之間 這 八是吾 而 不 體 也 於獨 須 雖 止水中 不 於 Œ 處。 是認得《章句 獨也不只是恁獨時, 未 知 所 處更 《語 迹未形幾已動?」 語 此 此 是天下之事 形 今如此 獨 「是從見聞 間, 而 亦是 尤 録 知,已是 録 而 加 己 忽 》載 加 $\stackrel{>}{\exists}$ 謹 幾 ,人所易忽 獨 有 所 分别 陸氏 也 謹 刻則 處。 滅兩 獨 處 + 問: 焉 點 却 已 日 是 至 轉 分顯 「莫見 言 知 動 > ◎語 無 意。」 動 不 日 如 是 「莫 無 處 之 幽 所 睹 又 與 使 前

> 欲處。 這 獨,似多了一截。」曰: 也。」○《語 須見不可分處,如兵家攻守相似,各是 遏人欲,天理之存,有不待言者。]曰: 豪私意之雜 其 謹 懼,至此又當 不 便是 流之有差,是以生出 謹 , 則 所發便流於惡去。」所以 而 他 已發之初,天理人欲由是而分, 「人欲云者,正天理之反耳。 謹 密 録》曰: 處 處。」 ,此處無走作,只是存天理 更 分 加 加 一問: 謹 而 謹。 也。」〇 不 「雖是存得天理 人欲來。」〇問: Ē ·使其 纔 加 陳 謹 節 氏 滋 遏 能 則 日 長 人 存 所 天理中本無人欲 臨 天 發便都是善; 欲 此 於隱微之中 此 而已,未説 雖 一事,而實相爲 未發之前 理 一發時 説分得 處 於 是 不放 T 平 將 也 則 時 好 萌 須點檢 過 下 到 已 姚 然 即 《文文 遏 常 圃 不 惟 用 又 是 X 加 戒

以至離道之遠也。

也 隱 恐 離 或 ? 日 懼 問 非 莫 平其 道 顯 也,是故 既 此此 乎 所不聞』矣,而 日 微 三道 因論 故 君子 也 者,不 君 率性之道 戒 子 慎 慎 可 又曰『莫 乎 其 須 其 以以 臾 獨 所 離 也 明 不 也 _, 見乎 由 睹 教 何 可

道 蓋 悉無 微,而 息 言道 我已知之,則 人未知之故,隱 其幾。1〇三山陳氏曰: 間,人所不見 不睹 善惡之幾 者尤當隨其念之方 之於未然,以全其體。又言莫見乎隱,莫 時不然,學者當 防之,以全其本然之體也。 而 無 ,不假人力之爲,而莫不各有當然 所 人 不 謂 不 者, 不 不 君子 在 道 顯著,又有甚於 可 聞 其 者,率 也。 者,所 離 固已甚見 必 始 大而 而 《語録 未 謹 而 而 當 見 無須臾豪忽之不 君 性 其 己 以言道之無所 如 父子君 而甚 微微 子必 獨知之,則 獨者, 所 而 此 萌 而 隱曰微,則 一顯矣,此正善惡之幾 르 未願 而 蓋 戒 ,是察之於將然, 臣,小 他人之知者, 致 耳。 謹 兩 性 《語録》曰: 察焉,以 以言 恐懼 事 此念已萌 無 然人雖未 其事之 面 也 不 不 謹 乎 隱 動 有 在 謹 微之 顯 其 静 矣,特 其 而 也。」 以 是 知 不 纖 故 學 食 其 平 周 無 所 先 面 審 15/1

日: 夫 也? 無也。是以 保全之者,正爲其不可 持守之也。 以 暫合暫離 近,則 君子之所 私 無須臾之頃 乎萬古而無不徹。循之則治,失之則 至,大極於無際而無不通 有性外之物而不統於吾心是理之中 共 易之理,所 爲 智之所爲 由 無 有不至,則所謂 可須臾 教 然時而非 常不外乎吾之一心。 充 者, 塞 由 離, 日 因 三山 謂 道,亦無適而非 圃 天 者 可 以 用 則 其 於 道 爲 前 地 非 之間 陳氏日 得 不 也。 率 事 學者 離而去之,如 性之謂矣。」聖人之所脩 非 而 貫 可 細細 無 率性 不 暫 離 徹 是 須 所 人於無倫 因 「君子必欲存 可 離 道,若之何而可 者 古 乃 臾之 損 之謂 離 其 而 也。 今, 天下人 益 陳氏曰 飢 者 不 也哉? 밆 頃 mj 食 若其 無不 雖 矣。 則 而 可 渴 節 未 持 飲之不 養持守 是 取 物 離 之也 「天下冑 亂 貫 須臾 理之所 可 守 人 之所 者 語 諸 前 示 力 録 以 而 蓋 至 可 後

可遠 矣。 ௱ 哉 是 欲 順 間之, 雖 陳氏曰: 日 有 則 日日 人之形, 亦 用不可須臾失,纔 判 然 而 其 物 違 而 禽 不 失 聞 而 細 微 之

相管

在

我

潤

也

不及 慎乎 怨 私 離 之,便身心顛冥 日 而 而 聞 其 日不 陷 耐 (目之所 不敢 瞭 於禽獸之域。 然 見 加 有須臾之間 心目 人於夷狄禽獸矣。」 是圖』、《禮》之言事親 不及見 之間 恐懼 常常 若《書》之言 以 若 流 是 乎 於 見 其 以 人欲 其 耳 君 Ż 不 子 而 所 防 之 可 戒

於色、 無可 録》曰: 聽 睹 聞 發於聲,然 於 既是不見,安得有圖? 時 無 , 先戒懼取。」○又曰: 聲,視 後 於 有 無 形」, 以 只是要於未有 用 ・聴 蓋 其 於無聲 力 不 待其 也 視於無 兆 《語 朕 徴

所不到、念慮所不及處,正如 夫 既 已 如 此 矣 則 防 又 賊 以 相 似 謂 精神 視,十手所指,雖甚

須要塞 形,只

其

來路。] ①

是照管

所

不

見而

己所

獨

見

道

固

無

時

不然,而

;

道

固

無

所

不

在

丽

妣

隱

之

間

他

人

之

不必謹者,而 既已知之, 是皆常情 事, 乃 他 所 則 忽,以 不知吾心之靈 人之所 其豪髮之間 爲 不 可 聞 以 而 欺 皎 無 己 天 所 如 图 所 潛 日 人 獨

遁 又有甚於他 人之知矣。 又況 既 有

月

心 藏 伏之久,則其見於聲音容貌之間

者,又不止於念慮之差而 發於行事施爲之實,必有暴著 已也。 而 不可 語 揜

曰 : 隱微顯著,未嘗 有異,豈怠於顯 愐 偏 於 獨 哉

蓋獨者致用之源 ,而人所易忽,於此 此而必謹 馬 則 亦 無

善惡,皆不能逃乎此心之靈,所以當此之時,尤爲 所不謹矣。」○潘氏曰 「幽暗之中,微 細之事 其 昭灼 是 非

顯著也。 若其發之既遠,爲之既 力,則 在他 Ė 所

昭灼,而

在我者心意方注於事爲

以 獨 方運 於隱微之際,尤爲 於酬酢 ,其是非得失反 顯著。 於此 有 之時 不 自覺者 而 能 矣 加 省 察之 此所

0 「其」, 原 誤作「莫」,今據四庫本改。

間。 事。 之間 離 乃 即 有 之發,則下學之功盡善全美, 蔽 乎 得聖賢體 須,皆反躬爲己,遏人欲、存天理之實 藏隱伏於 功,則凡不善之萌,其見之也明,其回之也易,不至 言,以見君子之學,必由此 幾微之際無一豪人欲之萌,而 諸家之説,皆以戒慎不睹, 爲 切 耳 ,則是無適而不在矣,而又言莫見 破碎支離之甚 聖賢說謹獨,便都是要就幾微處理會。」一者相 而於此尤不敢不致其謹焉 矣。 於 蓋 謹 目之所 以其中 此 體道之功,莫有先於此者,亦 獨之意,子乃分之以 道之功甚密。」故子思於此,首 《語録》曰: 者 前 輔 不 不自知 ·及,則 氏 邪?」曰:「既言道 日 「幾者動之微,是欲 矣。是以 ::「此兩節,是做工夫處,見 此 心 常明 ៣ 君子既 恐懼 人也。」曰 爲 丽 純 了; 不 兩 動 無 必 乎 事 不 未動 以 使 爲 戒 須 義 不 聞 平 莫 其 口 爲 臾 懼 無 理 物 潛 之

微 隱,莫顯乎微,則是要切之處,尤在 首章戒懼不睹不聞 章謹獨意。 陳氏曰: 煩絮底聖賢。」且 此,則上段文意已足,不知何故又煩再說,曷嘗有如 又何必若是之重複邪? 容於不異矣,若其同爲 又就中有一念萌 謹 莫見乎隱,莫顯乎微,言道之至精至密者。」既言戒 象』之言,其於二者之間,特加與字,是 程子嘗有『不愧屋 『不愧屋漏 又言謹 語録》曰: 也。 不 睹 《語録》曰:「道不可離,言道之至廣至大者 「「潛雖伏矣」一節,言人之所不見處,申 恐 獨 「不愧屋漏」一節,言己之所不見 「戒謹不睹,恐懼不聞,此乃統同説, **一**,亦 懼 則 動 不 是其 此 處說,最緊要着功夫處。」是固 意。」但諸家皆不 聞 兩 書卒章、『潛 則 所謹 言之,正 漏 是 與 者 無 謹 《文集》曰: 1, 尤在 事 處 與 獨 ', 則 而 此 是 雖 不謹 之察, 其 於獨 相首尾。 持養 伏 「若果如 處 爲言 一於隱 -明首 謹 也 申 獨 明 此 獨

143

事。」日 知 睹 極言 子自 睹 乎?」 曰 信者 性 獨 意,無分别 自家亦未有所知。 不聞處。」〇又曰: 地 丽 是箇持養 古 如此; 是 ~,極是 已分 不 不 也。《語録》曰"「其之一字,便見得是説己不 下言君子之所謹者,尤在於此 程子曰: 兩 , 言難爲形狀 乏,以 聞 聞 其平常之處, 項 要 謹 也,故 爲 地 也,故上言道 底氣象也。一〇《語 二、「其 子 `便不是。」○永嘉陳氏曰: 戒 獨是 頭 兩 懼 「要脩持 至於此 文安 事, 衆人不睹不聞之時,存誠 戒謹 上言莫見乎隱,莫顯乎微 自 「方不聞 ,養之則須直 所 若所謂 來 恐懼 而 他 不 知 人 當 也。 無所 這 説 睹 是 不 獨,即 不睹之時,不 天 時 不 不可 録》曰: 不 . 睹 理 自家不睹 睹 聽 不 獨 一,不愧 聞者,己之所 人所 不 不 則 者 離,而 者 用 聞 在德 聞 「此分 「戒謹 有 屋 不 ,人之所 其 與 之 ·惟 漏 不 謹 未 須有 知 (戒懼) 聞 如此。」是 人所 明是 與 不 而 下言 恐懼 獨 幽隱之 察 慎 己 不言 只 爲 耳 不 獨 與 所 兩 是 知 不 而 君 不 獨 睹 謹 獨 節 這 IΠ

若 理 際,若與吕氏改本及游、楊氏不同, 當 條 其莫見乎隱,莫顯乎微 離 成護 家之密 雖 施 作文,只是逐節次説出許多道理,若是作一段説,亦 其 道 是何文字?二〇 語 之,何耶?」日 語 ,然後有 程子之盡,以 ,亦甚矣。」〇曰:「程 免於破碎之譏 於 者皆爲謹獨之意,則是持守之功 不可 録》曰 離非 其所 平 勢 須臾離,可 是固 自 常之處 道 不 前 睹 ,所以 相 是 段有)陳氏 恐 唱 若 心,有 成謹 懼其 離非 和 是故字,後段有故字,聖賢不是 日 有不同者 心言之,則程 "「以理言之,則三家 而 前 各 ,所以必謹其獨。」如 其 所 道』句。 專 「莫見 (所不睹 是 不 其繁複 有 在 闡 心,而 血 句。 幺 『君子必謹其獨』, 平隱 子 恐懼 矣。 脉 隱 所 惟 偏 ,莫顯乎 後 之間 其 理 其 子不 謂 然 滯 有 分 道 甚 隱 必 \Box 不可 丽 不 是理, 也 分 微一, 若 聞 有是 微 無 而 無 是 明 須 之 不 子 且. 所 所 兩 惟 對 對 成

琴殺心處,是就人知處言。 此君子必慎其獨也。」〇《語録》曰:「 也 自 違 不亦顯乎!」〇楊氏曰:「獨非交物之時有動下中,其 見之,不亦見乎! 爲己而已。」○游氏曰: 善,莫不知之,他人雖明 誠以爲己,故不欺其心,人心至靈,一萌之思,善與不 非顯乎! 之有哉?」案: 則亦 著,不可欺也。」〇 im 顯微,然不知理却甚顯也。 未遠 聞 ,己固先自知,亦不能 知處言。《章句》是 其爲 者以 道之在我,猶 初 也,雖 ·顯見孰加焉? 爲有殺聲。 無異指也,合而言之,亦何不 人有 非視聽所 一迹雖 不善 飲食居處之不可去,可去皆外物 未形, 吕 程子曰 人所不聞 而 氏曰: 殺在心,而人聞其琴而知之,豈 合二者而言 及, 自謂人不知之,然天地之理 「人所不睹,可謂隱矣,而 ,幾則 ,有所不與也,故慎其獨者,知 掩人之知 雖欲自蔽 ,而其幾 且 吕、游、 此 「人只以耳 可 己 如昔人彈琴,見螳 動, 謂微矣,而 章明道之要,不可 固 否?」曰:「有動 ,所謂誠 楊氏所説,是就 吾 Ė 已 問:「程子舉 兩 誰欺,欺天乎! 瞭然心目之間 目所見聞 句是程子意 心 之不可 獨 聞 捕蟬 Ė 之 可 彈 其 揜 於

謂 其心 之私 人雖 見之,是又别以一心而求此一心,見此 昭 其指,而所引用『不得於言』、『必 間者,乃欲使人戒懼乎此, 焉」、『參前』、『倚衡』之語,亦非《 遂執之以爲應事之準則 意深處。 本,所論道 知之。」〇日: 兩事只是 『不及』爲『離 『天地之中』、『性與 孟》本文之意。 矣, 而不可欺,感之而能應者」,則固 不知,己獨知之,下 ,反觀 得以萌 而又曰『正惟虚 理。 然經文所指 於此,以求 不可離 動 「他説 幾既動 道」, 於其 至謂『隱微之間 兩句是游氏意否?」 者 如 ,則己必知之,己既知 間 則 天 耳,非 得之,但專 何?」曰:「吕 見夫所謂中者, 不睹 (道)一 似 心以求」,則 未 也。 不聞 盡 圃 欲 節,最 吕氏 不 耳 使 使 隱 人虚 以「過」 曰:「然 則 庶 既 有 其 論 微 氏 心 有 人 其 人必 乎 之 昭 事 欲 之 失 而 空 用 論

物,則 絶類 謂 隱微之間,不可求之於耳目,不可道之於言語 果何物乎? 者也。古之君子,立則見其參於前,在興則見其 之理,受乎天地之中,所以立人之道,不可須與離 物之理得,今復有物以反觀乎心,則是此心之外 庶乎見之,故曰莫見乎隱,莫顯乎微。○《文集》曰: 衡,是何所見乎? 也。 者,視之不見,聽之不聞,無聲形 惑也!」〇又曰: 非 過不及有差,而皆不可以行於世,故曰 恩害義,不知 性之謂道,則四端之在我者,人倫之在彼者,皆吾性 不爲客者也,命物而不命於物者也。 心者,人之所以 昭 道 心 昭 必有事焉者,莫見乎隱,莫顯乎微 者,非天地之中 離 不得 也 而 ·倫,無意乎君臣父子者,過而 贵 不可欺 於言, 學者見乎此,則庶乎能 有君臣父子者,不及而 主乎身者 ,感之而能 調 誤之甚哉 「所謂中者,性與天道 洋洋乎如在其上,如在其 之無物 前 己 也 》,則 應者,正 非天地之中 心必有 而不二者也 接乎耳 惟虚心以求之,則 案 事 離乎 離乎此者 擇中 故以 體 焉。 可離 前 吕 自 也。 物 此 心觀 庸 自 氏 不 闸 而 而 非 左右,是 爲 謂 日. 謂 ,然有所 可 · 得 也。 不 也。 執之。 有道 道 復有 : 於言 之有 主 倚 可 以 率 則 也。 也 於 雖 賊 丽 遺 道

所未盡。 既 誤 知 間 若曰所謂 物也,其所以如此之義理準 也。 墮於釋氏『作用 是《中庸》之旨也。 義 前,身在與而心倚於衡,是果何理也耶?」若楊 云爾,亦非有以見夫心之謂也。 物者耶? 無 耶? 心,而 謂 耳,則是不唯 人不能頃 (理之準則,不可頃刻去之而不由 不能違物 知 適非 蓋曰忠信篤敬不忘乎心,則無所適 之, 道 爲主耶? 能管乎 無 若參前、 道』之云則善矣,然其 蓋衣食、作息、 則 道者不外乎物,而 不 此心也。 刻 雖 在 而 爲 倚 猖 而 雖 獨 客 是性』之失。且使學 昧於形而上下之别 衡之云者 離 狂 耶? 欲 若便指物以爲道 然則 立,是以 此 · 妄 一百姓 離之而 所謂心者,爲 行, 爲 ,則爲忠信 命物 視聽、 且身在 亦 特日 無 則 人 者耶? 不可得, 而 無 適 在天地之 言似亦 ,乃道也 此 不見 舉 適 用而 而 而心 篤 履, 耶 敬 爲 其 而 不 ? 多於 在 命 而 不 吾 者 丽 則 有 皆 有 氏 不 而 爲 是 發 於

之 陳 子 理 用 是 又 道 食 非 也。 間 論 這 聽 面 有 文義之失 爲 百 之所 箇會説 和 則 定位焉,適 道 食 ,孰非道 序 者 忠 道 方是道。」〇 重 如 動 也 非,只認得 若夫無適 日 日 不問 何 作即 者 不 肅 猶 此, 則 釋氏所謂「作用是 便 可。」〇又曰:「桀、紂亦會手持足履 出 謂 話 公 或 唤做 乎! 丽 百 其 道 是 底、 子 而 所 舊 作 東則 以 姓 理 物,物之理,乃 爲害將 m 會作 道? 晦 那衣食、 所 於 本 如 己 謂 \Box 非道 道 爲 離 何。 以 石 順 丽 也。」案: 程 非 崩 則 日 乎西,適 若便以爲道,是認欲爲理 息,耳目之視聽,手足之舉履 日吕 П ,則烏 氏 用 程 氏 儒 底 作 無 離 有 家 丽 息 性」便是如此,他 HH. 明 則 夫子 得 集 氏之書,今有二 疑 不 道 不 則 視聽 南 着 ൬ 道 楊 道夫子之言 知。」〇《語 矣,所謂改本 也。 解》雖嘗辨之, 須 미 則離 便應底, 離 氏 有 是 不能及也,奈 、舉履 耶 在 日 勝言者 楊氏將 就 乎 矣。 這 北 「夫盈天地 便是 故寒 便 上 録 譬 是神 物便 都 斯 幸 乏四 道 前 目 也。」 則 討 不 不 耐 衣 理 唤 視 可 本 箇 通 説 方 而 爲 則 但 會 0 耳 做 衣 無 Ž 道 妙 我 飢

内弟, 氏,實 書已 於略 位 相表 叟具 矣。 何 急之病。 兩 之,則二 聖,又皆親見而親聞之,是豈胸臆私見、 侯 序、蓋爲 改本者,其 口 ??! 日 神采, 舌浮辨所 人 師 ·, 故 哉? 行而 裏,如人之形貌,昔腴今瘠 以 舊本者, 聖 與 丽 語 所聞告之,然後自覺其 書 傳者 至於 其 吕 初 劉 不及改矣。 又 詳 詞 不 、李之於幾叟,仁仲 氏 是 後 亦 得 況 所 吕 異 略 同 雖 列則 與 所 詞 而 改 也,豈 雖 出 誤 氏 約 愚 此 脩 義之間失其本指, 奪 本厭 或 程 圃 太學講堂之初本也。 嘗 之别 合。 哉 而 不 門 聞 失之,及其 ! 近 可 未 前 同,然其 之 本 蓋 免反 不察而 見 師 若更以 之詳 劉、李二先生 幾 也。 聖 胡仁仲 叟 則 有 非, 之於 陳 之 刻 兄 而 澽 語 其言考 程 而 謂 師 公之 露 有 子 孫 則 其 意 所 則 實 之 之 楊 未 峭 意 部 其

則 翃 能 日之言,平易從容而 其 碔 改於其舊者,尚多有之。 於道之淺深,固 、砆之與美玉也。 不問 於此而猶不辨焉 自然精 而 可知矣。」 校之明道 切者,又不 平

達道也。樂,音洛。中節之中,去聲。和。中也者,天下之大本也,和也者,天下之

致中和,天地位焉,萬物育

陳氏 不 節 性發來,其不中節,是感物欲而動。」○潘氏曰:「節者,限 發皆中節,情之正 曰:「未發之中,只可言不偏不倚,却下不得過不及字。」 處室中,東 底、是性。」無 路陌。」其未發,則 喜、怒、哀、樂,情也。《語録》曰: 相咈戾,故名之曰和。一大本者,天命之性,天下 日 其 人情之準的 「只是得其當然之理,無此 南西北,不倚於一方,只是在中間。」〇 所 偏 倚故 乎! 性 也 也 無 ·陳氏曰:「情之中節,是從本 一,陳氏日 謂 所 之中。 乖 E 過,無此 戾,故謂 在 《語 「情只是所發之 心裏面 一不及 録 ¥ ∃ 之 ,與是理 未 和 陳 發 如如 Æ 動

育矣。

《語録

 $\stackrel{>}{\exists}$

「致中和,須兼表裏而言。

致

中,則

情之德。」以明道不可 用。」此言性情之德、《語録》曰: 氏曰:「是通衢達道一般,古今天下之所通 性之謂,天下古今之所共由,道之用 大本底,乃天下萬理 之理皆由 此 出 ,道之體 所從出,是道之體。」達 離之意 也。 陳氏 「中,性之德。 E : 道 行,是 「是 也。陳 一者,循 渾 道 淪

也。 謂。 致,推 無 位 實效驗。一自 無少偏 字是只管挨排去之義,工夫極精 皆是未致, 矣。 少差 如射相似,有中帖者,有中垛者,有中紅心 育者,遂其生也。《語録》曰: 而 倚,而 謬 自 須是到那紅心中央,方始是致。」○又曰: 極 一戒懼 謹 而 之也。 獨 其守不失,則 無 圃 而約之,以至於至静之中, 適 精之, 《語録 不然, ₩ E 以至於 則 密。一位 極其 極 致 其 者,推 「此天地萬物真 應 者,安其 中而 和 物之處 而 至 邊 其 天地 萬 暈 極 一致 物 所 者

此。 是直 掘井 淨潔 欲其 隨其所致 順 體,吾之心正,則天地之心亦正矣,吾之氣 二字,尤朱子喫緊示人處。 處。」〇愚謂: 使 横 始至終,自大至小,横 加 處。 致一 箇 ,則天地之氣亦順矣。 能 時 物 無 黄 ,後日亦如此,以至無頃 推 掘 ※少偏 致,其守不失,無適不然 無適 無少偏 打进了四 氏曰: 至萬事莫不皆 得深,是直 而見其效。」○陳氏曰: 不然。」〇黄氏曰: 倚 無 約是 纖 倚,無少乖戾,是就 而 「既是中和皆當致 圍 悉不 又能守之不失; 收斂近裏之意 恁地 掘得閥 到 鋪 到,是 潔淨 處。 點 **減檢**,無 横。 ,是横。 相似, 刻 蓋 其守不失,無適不然,是 不如 「無少偏 「心既正 天 是 ,精是别得 致 ,則天地萬物之位育,皆 故其效驗至於 地 直 直 直 和 時 時 就 此。二〇又曰: 致一 致,則是今日如 則欲 萬 倚,無少差謬 事 横 事上研 事 ,則天地自各安 致。 物 不雜之意 上直下功夫 有纖悉不 無不 其無少差 本 窮到 横致,如 窮 吾 「譬 究 底 是 此 加 到 白 到 如 此 謬

焉。 則其 有 非一事,然體 用之行,所以爲體之立之驗。」○愚謂 離者也。」〇三山陳氏曰 者 用,各有攸主。 不 渾然,道 静之間者也。 知覺運 有 萬 非 曰:「致中,即天命之性, 也。 物育 所從來而 動者也。 動 有待於外,而脩道之教亦在其中矣。 是則心之所以 實亦非 静之殊,然必其體 然性之静 用 則脩道之教亦在其中矣。」是其 義全具。 ,莫非心之所爲 及其 不可 立 然方其 其所謂 而後用 :有兩 紊耳。 也, 動 其所 寂 也, 而 静 然感 行 不 和,是乃心之所以 謂 事也。《文集》曰:「人之一身, 事 也 故 能 中, 致 「體之立,所以 則 則據其效 物交至,思 通 ,事物未至,思慮未萌,而 和 於 不 心者, 是乃 動 周 ,即率性之道。 立 此 流 心之所以 固 ൬ 合而言之, 貫 情之動 而 慮 所以主 推 中 徹 後 本其 爲用之行之地 萌 爲用 和本一理 而 用 焉。 也 體 體 爲 一於身 有以 (所以 及天 用 感 則 體 偂 未 必 七 而 愐 而 以 用 位. 地 陳氏 情 寂 有 遂 無 結 位 雖 相 節 通 迭 妖 性 動

上文之意。

是到

此

地位,方真知之。」此學問

之極

功,

聖人之

其所

氣既順

,則萬物自各遂其

生。

其

、功效自然感格

須

能

事

,陳氏

日

一此乃有位者之功,非泛就君子説。」初

右第一章。子思述所傳之意以立言: 葉

四

之私 功化 此 之體要是也。 原,工夫次第,與夫效驗之大,無不該 不 本 氏 義。」其下十章,蓋子思引夫子之言,以終 者於此反求諸 日 可 章之義。 原 之極。 離,次言存養省察之要,終言聖 ,而充其本然之善,楊氏所謂 出於天而 蓋 孔子之意 黄氏曰 陳氏日 身而自得之,以 不 ,而子思述以爲經。」首 可易,其 「此一章字數不多,而 「此章乃子思 實體備 備。」 去夫外 總括 蓋 於己 明道 義理 一篇 欲 篇 誘 學 神 之 而 之

天地 本也 也。 之所 推 侕 或問:「『喜怒哀樂之未發,謂之中 皆 本 天命 位 發 中 蓋 和也者,天下之達道也。 節, 天命之性,萬理 焉,萬物育焉。」何也?」曰 端 之性,以 ,終之所 謂之和。 至 明 中 由 極 当皆不 具焉,喜怒 也者,天下之大 教 丽 人者 外於 致中和, 一、「此 哀 吾 其 ; 樂 發 始 心

立矣;

動

丽

不知所以節之,則人欲

肆

īfīi

不知

所

以

存之,則

天

理

昧

而

大

本

有

所

不

皆如

此

不

以

聖

愚

mi

有

加

損

也

然静

īffi

粹至

善善

而

具於人心者,其體用之全,本

般應接 本。 都從這裏出 是性,性不是别箇物,只是心中所具之理耳,萬般道 之達道。 也,以其古今人物之所 天地萬物之理無所不該,故曰天下之大 之中者,所以狀性之德、道之體也,以 來皆當然而然,與 在心裏,不偏不倚,便是中,此即 倚 乖戾,故謂之和。 各有攸當, ,故謂之中; 謂之和者,所 而無所不通,是爲達道。」蓋 陳氏曰: ,便爲大本。 方其 本然道 及其發而皆得其當 未發,渾 「中和是就性情説。 陳氏曰: 只這箇動出外 以著 理不相乖 共 情之正、道之用 天命之性 「未發則是道 然 由 天 在 戾,便是 故 命之性 中, 來,便是情 大抵心之體 也 日 無 和。 又 理 天下 無 所 一,純 渾 發 萬 其 謂 所 偏 理 出 伙

密,以 若曰 以 違 恐 惟 字 除 此 之際,而 大 則 用 用 焉,或失其體 達 而 有 C箇體 最 謹 即 馬, 雖天理 若 則 道 本之立 懼者愈嚴 益 守之常 君子自其不 致 未發時 獨 是用 達 動 有所不行矣。 廣 中,除 在 則爲 至於 道 而 矣。 裏子,若静而 條。 流 I. 便 不 所 L 行未嘗問 處。」 不 失 日 乖了。」〇又曰: ,則大本便昏了。 又 戒 夫, 謹 有 無 懼 永嘉 以 其 何 愈敬 失 以 愚謂 用, 以 以 謹 一豪之差謬,而 睹 焉 陳氏 益 條,何 獨於隱微之時 爲 其 致 斷 便是天下之達道 ,以至於無一豪之偏 不聞之前, 不失其 致? 古 愈嚴 其 則 H (善惡 丽 (語録 矣。 以 爲 其 和 見 血 愈敬,是 一戒謹 「大本不立,達道不行 體 在我者,或 已發時 当 其 有以 脉 之幾 便 尤 而 致 相 於不 此 於隱 (處? 是天下之大 未 達 承 而 ,是那 即 自 致其中, 者 行 加 既 睹 道 發時 行 所 其未發之體 幾乎息矣。」 焉 此 若 發時 不聞 之行 之 愈 微 以 動 日 是 或或 致之 有 每 戒 精 蚣 之 致 T. 許多 失 本 那 夫。 和 時 謹 日 不 愈 獨 倚 而 其 V. 静

的,行 功,固 原,一 也。 其 塞 殊,各有定所,此未與物相感也。」」動而 致 丽 之言,亦必 不 止其 心正,而 極 〇曰:「然則 問 語 存養 者 其 無 和 録 「言陰 故 所 體一用之名, 間 至, 用 之, \Box 心之妙用, 者之 則 有 此 吾氣 驩 非 陽 天 至 力 而 愈 章 和 動 推 至 欣 精 歸 天 地 於 始 則交感 雖 静 中和 愈密, 致 交 順 此 之 地 静 學 爲 亦 何 通 而 而 於 心 而 所 聖 丽 而 也?」曰:「天高地 學 是 果二物乎?」曰 極 後 萬物 此 亦 無 則安得 篇 當 神之能事 偂 天 者 自 其 ĪĒ 已焉,其指深 乎 其 開 萬 地之氣 議 立 育矣。」此萬化之本 ,故陰 至之謂 位矣。 已 息之不 卷之首,然 物 者 志之初 發之用 不二? 於 r, 學問 此乎 亦 然射 陽 無 中, 下, 順 而 語 動 所 致 事 省 育矣。 故充 録 萬物 者之 之極 静各 察其 矣。 當 子思 則 焉 察 觀 日 之。 吾 知 丽 散

如 耳 體 目 一用之實, 之 能 視 聽 則 此 視 爲 聽 彼體 之 由 彼 耳 目 爲 此 初 用, 非

處,如 耳 聽目 視 自然如 此, 是理 也。 開 眼 看 物,着耳

有

物

也。」《語

録》曰:

「體是這

箇道理

用用

是

他

用

方有是用,有是用,方見是體。I () 曰:「天地 位

聽聲,

便是

用。」〇陳氏

日

「體用未嘗

相

離,有

是

體

萬物育,諸家皆以其理言,子獨以 其 事

論。

然則自古衰亂之世,所以

病

乎

中

和

臼有

以

病之,則

夫災異之變,

又

豈

窮

而

者多矣,天地之位,萬物之育,豈以 是 而

則不必天 失其常耶?」曰:「三辰失行,山 翻地覆,然後爲不位矣,兵亂 崩 川 竭

爲不育矣。 [X] 荒 ,胎殰卵殈 凡若此者,豈非不中不和 ,則不必人消物盡 然 之 後

所致,而又安可 , 誣哉! 今以 事言者,固

言之不備,有以啟後學之疑,不若直以 以 亦 非 爲 有是 以 爲 無 理 是 而 事 後有是 面 徒 事,彼以 有 是 理 也 理言者 但 其

> 世,而 當其 [力是力分之力?]曰:「然。」」彼達而 亦及其力之所至 救其一二,何耶?」曰:「善惡 事 言? 不位 而理 其所以致 不育之 在 其 中之爲盡 夫中 而止耳。《語録》 時 ·和者 豈 無 耳。」曰 乃 聖 感通之理, 賢 不 在 : Ĭ. 能 生 + 然則 一者既 於 有 間 以 其

身,則天下雖亂,而吾身之天地 在 下者所能救 也哉? 但能致中 萬物,不 和 於

害爲安泰,其不能者,天下雖治,而吾身

之天地萬物,不害爲乖錯。 其間 家

日 國,莫不皆然,此又不可不 問"『以孔子言之,如何是天地萬物安泰處?』 知 耳。 《語

曰"「在聖人之身,則天地萬物自然安泰。」曰" 家 此 是

以理言之否?』曰

「然。

威

, 莫不如

是。」

又曰 折之萬端,即吾身之萬物也。」〇黄氏曰:「如 「尊卑上下之大分,即 吾身之天地 也 達 應 變 耐 曲

以 下 乃 所從 也。 上,固 但二者常 大本立處; 育者,亦 不 能 將不又爲破碎之甚耶?」曰 而 中者,和 子 二者之爲實 、舉中 鄉萬物育 言 未 之大本 本於中 致中 思之言 來, 發 特據其效 是 也 定堯舜 而 而 相 前 圃 未有 萬物育,便是達道行 須 者 愚 言 也 合之於和 不 也 事 在 中 不 業 也 足 於篇 也。 |耶?」曰:「子思之所謂 無 可 和 事可也,而 中 家不擾,便是 有 天 於和 而 紊 窮 如 能 節 未有天地 地 推 而 周子之所謂 首已辨之矣。 此 耳。 此 在 也,天下之達 本 不 ,然則又將 者,亦未 而 。」陳氏 下,只 其 不 位 丽 能 介所以 周子之言, 處。 分中 加 如 彼 已位 日 家 在 世世 者耳。 ○ 萬 此事 有 萬物育。」 中 然,則各 和 「天地位 物 何 鄉 Щ 能 灼然分明 以 學者 不 以 以 道 自 固 萬 致 擾 屬 爲天 也。 時 則 育 未 物 Ħ 和 日 ,便是 便 中 焉 涵 中 有 者 不 有 日 Im 是

過不及 也。」《語 可 其 此 氏問 然程 當喜 中。 得。」〇 謂 學者尤當 中 中 泳 此言之未當,學者何 言』,而後書乃自以爲『未當』。 日 乎 郎 凡言心者,皆指已發而言,然則 丽 又知聖賢之言,固 而 所 愐 未發是就性上論,已發是就事上 言 言 「考之《文集》,則 之之審,而不完之中,又 子初 别識之,見其 謂和 者得 喜 陳 也 竊謂未發之前 丽 氏 録 當 也,所以周子曰「中者,和也」,是指已發之 티 名,若不 遽 虚 怒而怒 謂『凡言心者,皆 以爲定 心悉意, 中 曰 中 那恰 有二義,有已發之中,有 識 庸 。 心 得 並 之中,是 也 程 好處 體 此 行 昭 以 有 自 是 理,則 無過 吕 昭 案 而 審 發 其 丽 兼以 具 未發之前 不 端端 問 (在,已發乃心之用 其 書 知 周子之言更 吕 不及,便是中。 相悖 論。 其 歸,未 氏 答 之 失 蓋 加 指 問 發 乎? 此書, 未竟者 如 不完矣 已發之中 日 向 而 已 ,謂之無心 馬 中 何? 未發之 可 發 非 「先 者 節 解 執 以 則 而 口 此 生

中,而 乎? 字, 中之爲義,自過不及而立名,若只以中爲性,則中與性 此 之可言也。 過不及,則 在 此一句,程子後來又救前説,語甚圓 也。」〇《語録》曰: 盡疑論説之誤,又不可 合,故以爲未當而復正之。 流行而言,非謂事物思慮之交也。 感而遂通天下之故是也 也。」程子曰 中即性也。」程子曰:「中也者,所以狀性之體段。 也 中之義,謂 因 ,有指體而言者,寂然不動是也; 者,亦或未得爲定論 又其 「程子所謂凡言心者,皆指已發,此却指心體 與 過 在 不 「凡言心者,指已發而言: 下 中 及 方此之時,未有中節 無過不及之名,亦何 文皆以 之 之 而 「程子初謂心爲已發,吕氏只是辨 無 義 立 遂以 名,又 ,惟觀其所見何 所 少 為當 不偏 固不可執其已改之言,而 異。 偏 倚 ,而不究其所指 似 也。 然與《中 不倚 蓋 則 [無病。] 其説 並 可,謂 有 未發之時 ,此固 案: 吕氏曰 如耳。 指 指用而言 爲言, 庸》本文不 不 未當。 自 時 一〇《文 而 中 之 中 之殊 者 節 無 之 則 中 文 蓋 心

也。 之動,出入無時,何從而守之乎? 氏曰:「聖人之學以中爲大本,中者,無過不及之謂 之,未可見其不辨而 矣。凡此皆其決不以吕説爲然者, ○《語録》曰: 氏曰:「大人不失其赤子之心,乃所謂允執厥 乃指時中之中,而非未發之中 『允執厥中』,所以 明未發之旨,則程子之說《書》也,固 之?」曰:『然。』」吕 名,與平日異,只 發之際而已。」〇又案: 明之問,又已有『既思 怒哀樂未發之時』,則 不合。」〇 知其於此何故 「他把做已發言,故如此說。」」吕氏 何所準 《語録》曰 ·則而 「問:『吕氏引允執厥中,如何?』曰 知過不及乎? 爲吕氏形容中太過,故就 略 問 氏 無 蘇氏問 行之,蓋其所謂 又 所 「程子説中,自過 遽以 引允 辨? 程子 即 求之此心 爲是也。」案: 於喜怒哀樂之前求 求之於喜怒哀樂未 是已發」之 又謂『求之喜 學 執 所以答蘇 者亦 也。 厥 而已。 中 其 不 中者, 既 及 當 獨 此心 也。」 發 而 説 季 謂 以 不

不 子之心爲然矣。 則 愚 中 已發之一言,而以赤子之心爲已發,則 之時,亦莫不有已發之時,不以老稚腎 發,何也?」曰:「衆人之心,莫不有未發 矣。」曰:「然則程子卒以赤子之心爲已 意已極精微,説到未發界至十分盡頭,不可以 意,蓋言不待喜怒哀樂之發,但有所思,即爲已發。 若言求中於喜怒哀樂未發之前,則不可。」○《文集 可?」程子曰:「言存養於喜怒哀樂未發之時,則 當求於喜怒未發之前,信斯言也,恐無著落,如之何而 前求之,又却是思也,既思,即是已發。 般,纔發,便謂之和,不可謂之中也。」問:「日氏 ,可否?」程子曰:「不可。既思於喜怒哀樂未發之 純 ·可得而改也。」案:吕氏曰:「喜怒哀樂之未 而 無僞者,乃因其發而後可見,若未發 「程子「纔思即是已發」一句,能發明子思言外之 有别 無僞又不足以名之,而亦非獨赤 也。 但孟子所指赤子之心純 是以程子雖改夫心皆 思與喜怒哀樂 有 此 加 0

水、未涉擬議。」曰:「程子『明 既發,凡人一日之間,無時無之。未發之時,湛如 皆不可見,不特赤子如此,大人亦如此,只是大人有主 中,本體自然,不須窮索。」〇又曰:「未發時,僞不僞 爲未發者,非也,蓋自爲赤子,四者之心已動矣。 宰,赤子則未有主宰。]〇三山陳氏曰:「指赤子之心 謂之中,然無營欲知巧之思,故爲未遠乎中。 之。蓋赤子之心、動静無常、非寂然不動之謂 便是已發。」〇又曰:「'吕氏以赤子即是未發,則大失 子道赤子之心是已發而未遠,如赤子飢則食,渴則 何?」程子曰:「取其純一近道也。」〇《語録》曰:「程 發而去道未遠也。」●曰:「大人不失赤子之心,如 案:蘇氏問:「赤子之心爲已發,是否?」程子曰:「已 發而未遠乎中,若便謂之中,是不識大本也。」〇又 謂之中。」程子曰:「喜怒哀樂未發謂之中,赤子之心 發,則赤子之心,當求其未發,此心至虚,無所偏倚,故 云,固以聖人之心爲異乎赤子之心矣, 鏡』『止水』之 ,故不可 未發之

「遠」,原誤作「達」,今據四庫本改。

心,未 爲 爲 雖 日 豈若心不在焉 見,耳之有聞,則 但 聞』之説參之,其誤必矣。 無見』之答,以下文『若無 失本真,答問不相對值 子備矣。 如明鏡,如止水。」 曰 之用,亦 然 ·赤子之心與聖人之心如何?」程 雖耳無聞,目 己發 未發, 氏問:「當中之時,耳 則 爲未有喜怒哀樂之偏耳 「心之有知,與耳之有聞, 等 此 則 發 而未嘗 時 其 可 節 非 順 但 爲 無見,然見聞之理 獨 無。 爲 而記 有此 其 未 指 水 答蘇 而 者以 發者 心之有思,與耳之有聽,目之有 : 未 則 鏡 當 遂 諸 發 無聞 不得爲 之體 無見無聞 廢 愈 季 而言也。」 耶?」曰 説 耳 明 益 目之有見爲 目 未發。 目之用 如『耳 之後章 如 |在,始得。|〇《文集 精 無見否?」 既 子曰 何 爲 事 明 蓋 ,若其目之有 發 ? 未發,則不可 時 故 圃 未 案: 則 程子 「聖人之心 哉! 須見 無 ·, 記 不可 發之時 日 一程子 聖人之 爲 等,時 蘇 聞、 以 氏問 水 録 亂 有 Ė 案: 須 目 名 程 鏡 思 視 節

静? 之。 矣。 者 才思即 時 已 知覺 其言 有 程 時 面 則 純 當 復 至於動 子 知 不中。」目 而 一所謂 動 以 静 語 陰 至 賢 覺 不中。 日 時 人説復, 也。 雖 而 静 動 静 處。 爲 且 Á 「善觀 是已 説 上 之時 見 要 不 蘇氏問: 時 比 有 善觀者却 一程子 以事言之,則有 静 求 爲 故 切 天 固 既 其見天地之心,皆以謂 時 者不 般 則 静 一發爲 以 無 地之 如 有 是所爲皆中 氣象,及至接 而 但 何? 未 爲 「中是有時 之云,則 陽 知 如 其 有 此, 静 口 心爲 則 比 既 覺, 文意 於已 日 能 中有 却 有 也 可 時 則 知 於喜怒哀樂已發之際觀 知 豈 説 謂之無 而中; 愐 覺, 問 然而 未 事時 而 發之際 亦不能 覺 可言 物 亦 所 中否?」程子曰:「何 者 便 可 却 者 則 又 觀 謂 至 又 以 是 不 以道言之,何 9 物 於 Á 可, 静 静 動 則 無 丽 轉 復 以 可 别 四者未發之 能 觀之者 無 也 不 時 見天 , 何 mj 之 爲 未 曉 m 怎 пΓ 斷 不 之它 坤 有 也? 便 侕 地之 然自 生 續 中 陽 卦 以 所 引 時

日 如 前 思 心。」或 患 \Box 子 或 若 則 所 難。」○《文集》曰 何 云二 心 須以 非 祭祀前 慮 思 者 處 日 E 慮 知 古儒者皆 無 以 「不可,此不誠之本。 與 慮不定,或 所覺,此易卦 ,還見不見?」程子曰: 敬 陽 方 也 事 用 (應事,皆 E : 有 何以用 謂 喜怒哀樂未 者莫若且 始 初 旒 時 所知覺者當之,不得合爲 之静 功 動 復之卦 見 蔽 言静 莫是於動 須 之 得 處 明 功? 要求一。」或 思 則 ,萬物未生時」,此 見須聞 問 見 可, 先理 黈 其 爲 下 至静之時 一程子 天地 事 純 發之前 面 纊 然静 答 答 未了 **池坤不爲** 一會得 Ł 充 之心 水静 之説 畫 思 動 耳,凡物之過者,不見不 須是習能 Ħ 中 日 「莫若主 看 敬 便 慮 字 下 他 須 但 否? 無陽 惟 有 是 「當: 事 能 動 静 事 不 則 至微至妙處 有 某 物始 字? 動 如 敬 一説 如 定之問 專 字 之象。 静 能 日 言 也 皆 麻 則 何。 坐 一,安得 知 又生 得。 之 一。」曰:「某 自 動 矣。 下 精 固 時 時便好 能覺者 知 而 問 若是大事 若 物之過 静字? 此 這裏便 故邵 見 是。 謂之静? 如 論 矣。 須 天 答 以 何?」 不 復 地 虚 子 而 然 至 敬 卦 聞 拘 嘗 哎 是 程 亦 之 最 1 無

是説 見,即 之過 祭服 之人,亦不聞其告語之聲矣。 禮 初 聰 也。 意,交於鬼 祭之時,真 約 但 是 著於事物,但 動 而 有 瞌 物者,只是知覺 以以 容樂節, 未嘗以是 明 致 其 一爲問 欲其專 睡。1〇又日 若 其升降饋奠,皆不 也。 其精 而 無 使之一 日: 爲行戒 當 事 設 ,一於此。 《文集》曰 時, 祭 旒 一,然非 有知覺在,何妨其爲静? 若 神 爲 皆 目 纊 祀 圃 一一有 哉 旒 云知 不 須 不 無 前 時 樽 遂 味。」 見 ? 纊 雖 能 寒 不雜他事之意 見 無 之 耳 聞見之理 能知 不 以 「便是祭祀、若耳 所 日 覺 知 或引程 程 所 聞 須聞。」○《語 有 行 是 塞 欲 暖 其 子之言, 見 也。 禁, 故 亦 子,遂如 便 (時節 不 爲 其 聞 在 子語 前 是 將 飲 真 不 以 旒 之所 知 若 即 何 非謂 也。 足 得 則 覺 黈 爲 纔 聾 不成 是 日 録 纊之説,亦 宜 以 以 已 決 廣 古 静 有 ¥ 瞽, 無 酒 動 奉祭祀時 若 屨 雖 致 不 全 静坐 知 視 中 聞 7,今未 戒 有 有 覺 之 使 其 蔽 之 如 則 雜 目 贊 物。 便 便 静 是 誠 是 當 然 有 制 其 쾚 引 中

74

説,尤 之情 之説 幸其 記 此 視 所 蓋 若未敢便以爲非,亦且 獨 雖 有 都 文集 由 心 見聞 無見 、微言之湮没者,遂不復傳,爲 若 謂 條 其 爲 聽,勿者 空 非 ¥ 是 間 最 不 也 中 病 闡 高 ,莫過焉而不留 甚 多 唯 多謬誤 紕 相 也 者 根 後見 以 未 其 口 0 一者 此 禁止 直 漏 丽 致 不 Ī 至 IE. 條 疑 而 其 顯 執之, 記録 此 之解 夫中」,是又前 其 陷 答者之意 在 蓋 然,尚 口 如 於 亂 答 欲 而 前後差舛 否?」程子 一合存 疑 纔說弗字,便不得也。一大抵 引 聽他 彼 道 過 於 À 是 者。 『屢 此 而不論。二日 而 未 於 口 而 以 蓋 誤 人之問 發 浮 尋 案 不 都無理 屢言 空』、『貨 曰:不 而 兩 人 屠 之前 繹 留 或 亦未 章虚 失之。 耳 者 以 之 日 之而 會 氏 丽 説 幾 别 間 口 求 「當 悉問 此章之 後 然 從 道 心 希矣。 殖 借 其 來讀 非 病 見 其 旁 則 以 敬 而 僞, 禮 耳 者 時 愈 夫 求 及 猶 竊 又 E 者 勿

有差忒 則其 心 甚。 未 物 機 已 有 至 則 其 條 有 無 且 發之前 一於 ·發之· 不假 一發,固 未 攸 但 理 差 所事於執。 夫 目之間 隨感而應, (爲偏 發,此 紊亂 則 當 未 當 事 殊 不 中 發 而 物 敬 已不 人力。 無 則 則 矣。 知 援 已,未有如是之説 倚 之 以 耶 已 心 所 宜 又當敬 經 來,此 發, ? 亦甚矣,又何中之可 存 得而見之,況欲從 至 引 不 其 文 及其當發,則 之, 亦安得 方其 虚 乖 差 此 不待 H 有 所 矣。 刺 爲 如鏡之明, 用 以 丽 心 謂 求之之心 未 著 察 義 之 發 不 塊 致 而 發,本 此 意推 間 之, 使 理 然 見 中 不勝 吕 喜 之 其 和 不 古 IIII 又當 也 氏之説 根 求 自 小 其 動 如 者 有 則 怒 不 本 寂 有 水之止 可 圃 使 哀 自 得乎 即 是 丽 且 亦 丽 執之, 疑 然, 偏 樂 於 便 其 然 瞭 日 所 執 事 \Box 倚 也 之 爲 未 各 當 以 此 即 固 然 小 此

前 氏 私 寸之差也。 或不及,猶權度之法不精 得中而執之,有私意小知撓乎其間,故理義不當 豪髮之差,然人應物不中節者常多,其故何也? 然,心爲甚。」則心之度物,甚於權度之審 果何爲乎? 中,不及乎所以中 程 而未皆中也。 蓄有素,所應有 不見也。 私意小知撓乎其間,乃所謂空,由空然後見乎中,實 見其中, 欲執喜怒哀樂未發之中,不知如 知所能爲 所 只 \cong 子譏之,以 吕氏曰:「人莫不知 得 謂 「孟子乃是論心自度,非是心度物。」〇又曰 應他 圃 一人 若子貢聚聞見之多,其心已實,如貨殖 空非中 、也,故曰喜怒哀樂之未發謂之中。·○《語 此所謂性命之理,出於天道之自然,非人 口 ,當喜便喜,當怒便怒,如 一權 發之時,以 限,雖日 也其 也。 也 然後 爲 ,必有事馬。 庶乎! 不 喜怒哀樂未發之前 知輕重,度然後知長 富有,亦有時而 理義之當、 識 ,則稱量百物不能 大本 心驗之, 屢空。』惟空,然後可 喜怒哀樂之未發 何執得? · 号 無過 何執 窮 不 則中之義 其 無不及之謂 ,反求吾 故 信 無銖 那事 得? 應物 短, 億 哉 焉 二楊 由不 或 物 則 來 兩 當 心 無 所 面 分 皆 厭 則 無 以

日 當喜怒哀樂之時,其心漠然,同於木石 若楊氏之云中固 者相 若」,疑 謂 中節 否,不當 於老佛,故其失類 出於中心之誠矣。 而 怒不怒』之言以明之,則是以爲聖人方 差,乃時中之中,而 在 怒哀樂已發之處,見得未發之理,發 氏之失 自 中一。 姑 此 見, 但於喜怒哀樂未發之際,以 矣」。 外 似 執 事一物之中,各無 與程 示 ,然細推之,則程子之意 也。 其 論 而 如 又曰『須 其 勿 曰驗之、體之、執之, 此 子所云『言和 其 失, 有 之形,凡 日 無 無 自若, 『其慟、 如 大抵 非 於未發之際,能 人 則 此。 欲之 渾 至 丽 所云 楊氏之言,多 然 心驗之, 其 論 其 偏 又引莊周 則 在 私 也 倚過不及 喜, 爲,皆一 中 中 焉 「當論 則 正 正 之中 在 中 則 案 中之義 則 其 不復 固 謂 亦 其 體 發 二出 楊 中 也 雜 之 見 吕 中 喜 所 必 自 Æ

此念熟了,不覺時發出 和 發之際,能體所謂中,於喜怒哀樂已發之後,能 節,不當論其有無也。」〇又曰:「須是於喜怒哀樂未 聖人而無喜怒哀樂,則天下之達道廢矣,一横行於天 出 哉! 見。 下,武王亦不必恥 而異形,而鑑之明,未嘗異也。 孔子之慟,孟子之喜,因其可慟可喜而已,於孔孟何 欲之私焉,發必 楊氏少時,先去看莊列等文字,後來雖見程子 ,致中和,則天地 於不怒 非精 其慟也,其喜也,中 一,烏能執之?」〇又曰:「執而勿失,無人 出 「爲無爲,則爲出於不爲」,亦此意也 中節矣。 也。 可位,萬物可育。」〇《語 來。」 故於是四者,當論其中節 固 發 自若也。 丽 中節,中 所謂「出怒不怒,則 鑑之照物,因 固未嘗亡 録 得所謂 \mathbb{F} 然而 不中 也。 若 怒 物 有 小人而無忌憚也。」

仲尼曰: 中 有是道,然陰陽五行之氣雜揉不齊,君子小人之分趨向 體之,小人反是。 理,乃天命所當然,精微之 「中庸止 庸者,不偏不倚、無過不 「君子中庸,小人反中 箇底道理,所以不析開說。」唯君子 黄氏曰: 「人莫不具是性,亦莫不 極 及,而 庸。 致也。 平常之 陳氏曰: 爲 能

君子之中庸也,君子而時中,小人之中庸也,亦異,故中庸之道,惟君子能之,而小人則反是。」

隨 中,既是小人,又無忌憚。」〇又曰:「二又字不用 恐讀者不覺,故特下此字,要得分明。」蓋中 中 不得中者有之,小人而不至於無忌憚者,亦有 曰:「爲善者,君子之德,爲惡者,小人之心。 愚,所爲固是不肖,猶知忌憚,則 之心,而又無所忌憚也。《語録》曰:「小人固是 恰好處。」小人之所以反中庸者,以其有小人 免爲賢知之過;有君子之德,而又能隨時 底事。」〇又曰:「有君子之德,而不能隨時以處中,則 録》曰:「君子,只是説箇好人,時中,只是説箇做得恰 其有君子之德,而又能隨時以處中 然。今從之。○君子之所以爲中庸者,以 王肅本作「小人之反中庸也」,程子亦以 庸,則方見其無忌憚也。」〇又曰:「既是君子,又要時 時而在,是乃平常之理也。 爲惡猶 《語録》日 較得些。」〇 以處中,方是 無定 之,惟 君子 也。 亦可,但 「堯授 而 其 爲 反 處 又 到 不 好

相反。」 是以 無 子 亦 中 暑時重 舜,舜授禹, 面 然。 也 知 無 時 無 隆冬時 所 其 不 又如 裘 中 時 忌憚矣。 ·即平常 中。 在 ·盛寒時衣葛,便是差異,便是失其中矣。」 君 而 當盛 須用 都 我 不 是 中 小 飲湯 當 夏 也 故 一時 人不 其 小人放 番氏 能 重 不 須要飲冷衣葛,此便是中,便 時 如此 戒 合 裘,此便是中,便是平常。 日 知 當 謹 肆 便 如 有 0 不 非 耐 此 此, 「君子致存養省察之功 睹、 Ť, 無 做、做 忌 便不是平常 則 恐 憚, 得 肆 懼 是 來 欲 不 恰 以 好 妄 聞 與 中 若極 所 行 是 庸 謂

右第二章。

同 生底,德行,人做底。 以德行言之,則曰 者,游氏曰: 文雖不屬 此下十章, 之中,實兼中 中 庸之中,本是 丽 皆論 「以 和 意實 和 之義。 性情言之,則 性 中 然和 中庸是也。」然中庸 情人人一般,德行人人不 相 庸 承 以 自 黄氏日 也。 中 釋 出 首章之義。 變和言庸 故兼中和 日 性 中 和

> 不應諡 辭 諡 則 某」,父乃直以字而面 故《儀禮》饋 名,則固 周 以字其祖乎?」曰:「古者生無爵,死 下,又引夫子之言以證之也。」曰 或問:「此其稱『仲尼曰』,何也?」曰 「首章夫子之意,而子思言之,故 前 將 對説 人冠則字而尊其名,死 ,則子孫之於祖考,亦名之而已矣。 義。」〇 謂 又孔姓之通 ,而子孫又不 之何哉?)陳氏 中庸以德行言 己彌 日 食之祝 文矣,然未有諱 一中 稱, 和 若 ,是兼行事相合説 以性情 詞 若日 日 得 命之。 日 孔 稱 計 「適 子,則 其字以别之, 夫子,則 則 是 況孔 分體 其字者 諡 爾 皇祖 愐 用 子爵 動 又當 諱 此 孫 也。 静 伯 其 無 以 可

说》。「番」,疑當作「潘」,《四書纂疏引書總目》有引潘

0

四

云

敢自 也。」 所忌 其 理,蓋 本朝 哉? 煩 庸 謂 悉 能 廣 也?」曰:「中庸 時 一昔人未嘗諱其字, 君子所以 (増字 小 加『反』字,蓋疊上文之語 隋 在 衆 先輩 唐 以 人實 憚 時 」《語録》曰: 人 我 之吕 天 乃 相 而 Ē 爲 面 尚 命 所 故其心每反乎此, 而 如 理 反 呼之通 中 得 中庸,小人之所以反之者, 以 戒謹 人心之正 此,伊 「小 温 亦 中。 中 庸 爲 通矣。」曰:「小人之情狀 程子云「予年十 問 庸, 柳 而 恐懼 ĬΙ 無 人之中庸」, 號 者,無過不 小人則 宗 居 亦 而 忌 『子思稱夫子爲仲尼?』曰 也; 嘗 元 之不疑, 也。 憚 不自 以 呼明道字。」 者 不 無 也 不 唯君 Ė 失其 知 四 則 知 而 及而平常之 仲 五,從周茂 其 如 E 其 如 然諸 不 有 子爲 尼 當然 爲非 此 肅 漢 中 所 此 而 之 朩 謂 則 説 程 而 能 何 日 叔 胡 皆 常 故 以 不 中 乃 子 無 知 何

以警 備 發 諸 中,亦是反中 無忌憚, 義 中 也。 子小 所言 然。 之,亦不爲 古 本爲得其正,而 句,又遽别生它説也。 小人更有甚中庸? 7,以盡: 觀 明 説 庸 有 考 若論 皆 人之 乎 而 蓋 若 小 之首章,且當略舉大端,以 無忌憚 (,他 從 論 小人反之,其下且 鄉 人 此 其意,不應偏 ~ 趨 鄭 庸,語惡有 原 之 者矣,但 沄 無 章之語 篇之通 所 亂 情 本 向 能 所 ·, 雖 以 德 狀 盡 据 未 脱 反 未 之姦 録 淺深則可,謂之中 中 而 必 一反字。 以 非 則 脉,則 當 體 庸 也。」案: 臆 肅 亦 文勢考之, 本文之意 則 也。 解上句, 遽 故疑 矣。 決 之 曲 及 小人不主於義 當平 也 上 亦有其心畏 所 此 盡 此 今 增 王 文 章 吕氏 其 案: 意 存 方 肅 乃 解 而 妙, 然 庸 日 吕 之 言 分 則 引 則 程子曰 程 所 不 兩 謹 不 一君子 氏 所 傳 隱 别 子 解 夫 恐 丽 句 君 理,則 可。 而 從 以 足 以 之 之 微 君 子 未 下 子 不

乎中庸 仕,可 之謂 非之,則曰『是惡知禮意』,然實未嘗知乎禮意。 所 其 小人見君子之時 舜不告而娶,周公殺管、蔡,孔子以微罪行, 曾子、子思易 子之心,又達乎時中。 蹈乎中庸,小人反乎中庸者也。 王之所以必誅而不以聽者也。 妄行,不謹先王之法,以欺惑流俗, (姦心,濟其私欲,或言不必信,行不必果,則 在 而 也 以 르 `無所忌憚,而自謂之時中也。 止 時 則 然實未嘗知義之所在。 止則 止 地則皆然,禹 , 口 中,唯變所適,而 止, 時 以速則速,可 小人之中庸也,有小人之心,反 行 則行,當 稷、 顔 以久則久,當其 君子之中庸也,有 不知當 П 其 此小人之亂 有 同 可 臨 時中者,當其 道 也。 喪 其 當其 而歌 當其 ΠŢ пſ ,而 以 日 德,先 人 可 可 可 猖 唯 仕 欲 也 也 也 或 則 μŢ 狂 義 君

聲,●下同。 子曰:「中庸其至矣乎,民鮮能久矣。」鮮,上

故 所 至。 過 鮮 同 一則失中,不及則未至,故惟 能 陳氏曰: 得 之,今已久矣。 初 無 「至者,天下之理 難 事 但 # \wedge 無以 論 教 語 衰 加之謂。」然亦 中 無 民 庸 不興 「能」字。 之德 行 人 爲

> 愚謂: 與不能 中,故下句 《論 知 能 語 無能字。 行 》有「之爲 與 不能 此章無「之爲德也」四字, 行, 德 也 故下 四字,不必 句 有能 字。 言 能 意者。 則 ൬ 有 能 能 在 知 其

右第三章。

是夫子本文,此章是子思櫽括

其 程子 不 不能久也。 之,何如?」曰:「不然。 中庸之德,而以下文『不能朞月守』者 或問:「『民鮮能久』,或以爲民鮮能 可責其不能久耳。 『小人反中庸』之意 能一字,而 當 與『不能朞月守』者不同 釋之,以 澽 以 彼 所 下章自能 謂 而 爲 『矣』者,又 民 證 鮮 此 兩 而 有 也。 章各 擇 泛論之,未遽及夫 此 中 此 中 一、文意益明白 且《 庸 是 已然之 章 庸 發明一義, 者言之,乃 方承 論 之德 語 辭 久於 上 故 譜 則 無

「聲」,原脱,今據四庫本補。

0

條 差謬。 之説 民鮮有 斷 雜 次序,皆是相接續發明去。」然程子亦有『久行 夫全篇之旨矣。陳氏曰:「子思此書,分章亦有 之序,則有以各 本章之説,徐次其 著於此,則其次第行列,決 乎?」曰:「言之固 不行,鮮能知味,正與程子意合也。」曰:「此 相蒙,亦只合依 者皆以爲久於其道之久。 矣。」《語録》曰: ,乃《論 置 而 時 意屬。 而錯陳之也。 之言也, 久行 則 案: 疑 其道者也。」而 語 程子 出 《論語 解》, 讀者先因其文之所斷 「緣下文有「不能朞月守」之説,故 i E 於 章之先後,又安得有 門人之所記, 盡 説。 中中 而夫子之手筆也。案: 故凡此書之例,皆文 其 意之所屬 無 細考 庸之爲德、民 蓋其下文正説道之不明 序 自 章之意,而 兩章,相去甚遠,自 世世 矣,子思 有意謂 教 门,以 不可 蓋 衰』之一 考 不 取 須 不 能 不 相 以 之 次 書 臾 離 失 序 無 承 求 應 而 非 説

庶幾耳。」案:侯氏曰:「民不能識中,故鮮 手 則 久 其孰能之?」侯氏 也。 懈 氣弱 而飲,不可須臾離也。 焉 説, 程子曰 行不可不勉,在思勉之分, 天下之所共知,天下之所共行,猶寒 新 自世 丽 固守之病,讀者合諸朞月之章 誠 質薄 其疎闊 ',若識 動 故有日月至焉者,有三月不違 ,則亦足以有警矣。 若至乎誠,則不思不勉,至于常久而不息,非 固皆 教 ,雖知不可離,而亦不能久也。 ,明而未至乎誠,雖心悦而不去。 足 衰,民不興於行 中 履 得 不察乎此 氣弱』者,則有以 又益 皆 庸, 中 天下之至理,德合中 有自然之中 其 則 所謂『民不識 衆人之情. 矣。 手 鮮 ,然吕氏 動 而氣不能 有 如 案 中 足 -庸之德 E 履 厭 切中學 吕氏曰 者 丽 無 常而 若 惟君子之學,自明 所謂 脯 無衰,志不 然知不可 中,故鮮 皆德之可 不 衣, 也。」 庸 識 喜 非 可 一脈 得 可 新 飢 而自 中 者 中 諸 能 謂 離 中 質 而 者 不 常 久,若 不 家之 至矣。 食 庸 久者 薄 能 思 則 則 能 者 省 能 喜 渴 而

識得中,則手動足履,無非中者,故能久。

之,不肖者不及也。知者之知,去聲。者不及也,道之不明也,我知之矣,賢者過子曰:「道之不行也,我知之矣,知者過之,愚

티 : 實行不得。 差。 之過,既以道爲不足知,不肖者不及行,又 道之所以常不行也。 賢不肖之别爾。 中而已,此乃天命之本然,率性之當然底。知愚賢不 不求所以知,此道之所以常不 高,而以道爲不足行。」〇陳氏 爲不足行,愚者不及知,又不知所以行,此 肖之過不及,則生稟之異而失其中也。 道者,天理之當然,中而已矣。 曰:「凡具於人者,道理都一般,但氣質之不同,故有知愚 過與不及,皆非中也。」知者知之過,既以道 「賢者恃其 愚者則又懵然無知,不知所以行。」賢者 行之過, 既有知愚賢不肖之别 而 以 《語録》曰:「知者恃其見 道 日 爲 不足知。」〇 「知者説道理太高 , 所以有過不及之 明 陳氏曰: 也。 陳氏 《語 道 陳氏 日 其 即

> 畏哉! 聖賢衛道之嚴,所以力勉夫人以大中之道者,蓋若此。」 失之過,則如楊、墨, 道之在天下,中而已,過非中 品之最高者也,一有過焉,則無異於愚不肖。 不及,此道所以不明不行也。 所以知。□○黄氏曰: 賢者所行過當,其實是見理 明有所未通,誠有所未立,雖 而其 「道曷嘗有過與不及之偏哉? 流, ①至於無父無君 未到; 也,不及非中也。 然嘗竊有疑焉 不肖者不能 謂之愚不肖可也 ,賢與智,人 何 ,豈不深 賢 行,不 且 過 智 蓋 可 而 與 求

人莫不飲食也,鮮能知味也。」

道不可離,人自不察,三山

哉!特百姓日用而不知耳。」是以有過不及之弊。

右第四章。

隨其氣質之偏而失焉。」曰:「知愚之過不及,陳氏曰:「惟民之鮮於中庸也既久,故知賢愚不肖各曰:「此亦承上章民鮮能久之意也。」三山或問:「此其言道之不行不明,何也?」

「流」,原誤作「充」,今據《勉齋集》卷一改正。

0

陳氏曰:「道曷嘗離人

道。」刻 中也 於一 不 屑於中庸之行。 絕人者,其持論常高,其視薄物 所以不行也。三山陳氏曰"「世之高明洞達識 不足行,愚者又不 不能知君子之所當知者,愚者之不及乎 之,何也?」《語録》曰 及,宜若道之所以不行 宜若道之所以不明 不及乎中也。 賤,不能行君 面 必知者,知者之過乎中也。 測度深微,揣摩 反滅人之類 必 曲 行者, 意 而暗於大理,是又不及矣。 知之過 尚 非 賢 行 如老、佛之徒、本知者也、求以達 過乎! 驚 子之所當行者,不肖者之 者 者之過 賢之過者,既 既 事 世 知所 唯 變,能知君子之所不 駭 至於昏迷淺陋之人,則 也; 此 知 平 俗 細故若將浼焉。 正分明 以 能 是務,而 也。 賢不肖之過不 中 行 也。 行 二者皆不能 昏昧蹇淺 交互説。一日 也,此 唯行是務, 今其 君 卑 子 以 則 互言 道 污 之所 道 又被 必不 理, 荷 之 爲 見 行

子曰:「道其不行矣夫!」夫,音扶 ,乃天命人心之正,當然不易之理,固 也,此 味。 曳 「人奠不飲食,是人間日用不可 外乎人生日用之間, 矣。二者皆不能明道。」然道之所 闖 年 卑污之人,則又安於故常,而 徒,本賢者也,果於潔身, 將浼焉,則必不復求知於中庸之理。 刻意厲行,勇於有爲者,其操行常高,其視流俗 而 之中,則必守之而 察。」知味之正 『人莫不 不察,是以 離 以道 譬如道乃天之命於我,性之所固有底,不 ,惟是人不自求知之,所以行矣而不著,習矣而 道之所以 爲不足知,不肖者又不求所 飲食 不 ,則必嗜之而不厭矣; 知 也 不 其 鮮 明 不失矣。」 至 而反亂大倫,非過乎 也。 能 m 特 知 失之 行 闕 溺於物欲,是又不及 味 處 Щ M 也。」陳氏 如 耳。 謂 陳氏 但人鮮 不 長門 著, 中者,是 回 故 可 荷 污世 能 以 知道 世 日 至於 以 知 日 不 知 而 其 之

由 不明,故不行。 陳氏曰:「人之所以不能 行 道

右 五

猶日用飲食也,由 氏曰:「此一句、自爲一章。 上章之義也。 知,是以不行,故以道其不行之言繼之,蓋所以 而從之,蓋承上章以起下章之義。 道之不行也。」〇又曰:「是引起舜事。」〇三山 章之意。 此章承上章而 矣,蓋又所以起下章之義。」 黄氏 必如下章舜之事,則知而 日 而不知,故鮮能知味耳。 舉其不行之端,以起下 「因知之過、愚之不及,以 子思取夫子之言,比 若曰道不遠人 行,行 惟其不 而 明 承 陳

言,隱 子曰 斯以爲舜乎!」知、去聲。 也。 愐 舜之所以爲大知者,以其不自用 樂取諸人,所 : 悪 愚謂: 舜 而 其 揚 舜之知 大 善 以常好 知 可 執 也 '謂大矣,其所以爲大者,是不 其 問 與! 而好 兩端, 與,平聲。好,去聲。 察邇言。 舜好問 用 其 若只據 中 ൬ 而 於民,其 好察 取 2 諸 Á 人 濔 所 用

有

便

有窮盡,不得謂之大矣。

邇言者,淺近之言

中

庸

與此。 量度以 之。 謂 匿,其廣大光明又如 言,猶 「不然。此乃子莫執中矣,安得謂之中? 薄者,取極厚極薄之二説 之至矣。然非在我之權度精切不差,何 小 不盡以其言來告,而吾亦安有不盡聞之言乎!二兩端 耻,不復以言來告矣。 若其言不善,我又揚之於人,說他說得不是,則 善哉。《語録》曰:「其言之善者播揚之,不善者隱而 之未善者 宣,則善者愈樂告以善,而不善者亦無所愧而 猶必察焉,其無遺善可知。《文集》曰:「淺近 雖淺近閑言語中 大厚 衆論 非洞見道體,無精粗差別,不能然也。」〇《語録》曰 所謂尋常言語 《語録》曰 取 薄 不同之極致。 之 中,然後用之,則其擇之審 則隱 類,於善之中 ,莫不有理 問 也。 而 此其求善之心廣大如此,人安得 不宣, 尋常言語,人之所忽,而 而 「如衆論 此 中摺之,則 ,都要見得破。」然於 蓋 則 其善 凡 物皆 又 有十分厚者,有 人孰 執 者 此爲中矣。」 白 其 有 則 極 兩 W 不惜 樂告 播 厚以 端 端 其 舜 其 丽 而 言 十分 人愧 至 好 日 以 也 以 行 如 而 不 不

167

fî.

何見得 者用之,不是棄其 中者之説。 之説是,則用極薄之説,厚薄之中者説得是,則 以 輕 薄,自極大以至極小,自極重 極厚極薄 重之中, 便是? 擇其 至於輕 爲 兩 蓋或極厚者說得 説之是 端, (兩頭 重 而中 大小,莫不皆然。 者 不用,而但取兩 摺 愐 其中 用 以至 之,是 是 間 |極輕,於 以 則 乃 爲 用 所謂 中, 頭之中者用 極 蓋 此厚薄、 厚之説 惟 則其 中 其 也。 用 説 厚薄之 中 大小、 之是 若 間 極 之 但 蓮 如

面 已皆當爲之事。 已自隱而不宣了。」〇葉氏曰 也。二〇問: 執其中 善惡兩端之謂 ·, 則 「所 半是半非 調衆 自 ,乃是事已 .斯道之不明,往往以 論不同 半 善半惡之論 是 都 兩端非 而 是善 不 非 邊 興。 如世 是非善惡爲兩端 事 底。」曰 已 君 一俗説 善 子不 耐 是 非 必 悪底 非 悪 兩 爲

也。

賊 十分君子,小人不必爲十分小人,苟且酌中之習,乃鄉原 而 德之尤也 道之所以 ,可不辨哉! 行也。 此 黄氏曰 知 之所以 「因道之不行起於知 無 過 不 及, 者

> 以 以

右第六章。

之行。」

之過、愚者之不及,故

必

知

如

大

舜

順

後

可,

以

冀

斯

道

不

或問:「此其 稱舜之大知,何也?」曰:

> 程子 所以爲大,而非 輕重皆得其平。 説,吕、楊爲優。 道行矣。」蓋不自恃其聰明, 知味,此道之所以不行也。 之不行,此章遂以道之行者明之。 則道之所以行也。三山 此亦承上章之意,言如 能執 權輕 得 其 此 執其兩端,乃所以用 一,則 行二, 以爲『執 兩端 重 則 一而取 非知 而 則恐非文意矣。 中 非 不失中 也。 故舜之所以爲舜,取諸 愚者之不及 者之過矣; 持過不及」之兩端,『使民 他人之所及 由是而用於民,雖愚者可及矣。」 案 也。」〇 其時 吕氏曰 若舜之大知,知而不過)楊 中,猶 陳氏 氏 舜之知 又能 矣。 而樂 日 知者過之,又 日 持 「兩端,過 蓋 也。 -: E 權 当常 人,用諸民。皆 執 此 執 取 衡 其 而 而 舜 諸 章 兩 兩 兩 稱 不 既 與不及 論 端之 端 之 端 人者 物, 鮮 嘆 過 則 知 所 而 能 道

用

如

0 改 稱」, 原 誤作「無」,今據文淵閣 四 庫全書《中 庸

輯

略

註以爲 及,而 持,使不得 中,使民行之也。」 未 夫 極 爲 同之際,未知 既過不及,又何執乎?」程子曰 八無過 然,則又安能先識 中也,故 處 過不及之兩端,是乎?」程 不可行哉?」案: 而 不及之在 行也。 求 其 必 舜猶持過不及,使民不得行,而用 其孰爲過、孰爲不及、而 兼 義 總 理 此 之至 衆 彼 而 説 蘇氏問:「舜執其 兩端者之爲 在 當 以以 所 然 執猶今之所 子 執其 當 日 後 行。 有 不 是。」日 過不 若其 以 同 (兩端 謂 之 知 孰 其 執

中,而 子 而 不 ·曰:「人皆曰 能期月守也。」予知之知,去聲。 莫之知辟 子 也。 知, 人皆 驅 面 日 納諸罟 子 知 罟,音古。 擇乎 擭 陷 阱 擭 中 胡胡 庸 之

罟, 擇 所 以揜 乎 網 中 也。 庸 取 辨 禽 擭,機 潤 别衆理 者 也。 檻 也 一,以 愚謂: 求 陷 所謂 阱 此形容禍機之所 坑坑 中 坎 庸 也。 即 ん伏。 Ŀ 皆

化反。

阱,才性反。

辟,避同。

期

,居之反。

章好問 知禍 丽 得 設 爲 前 知 而 不能避之。 用中之事 也 不 知 葉氏 辟, 此 日 以 也。 殆 況 借此 罟、擭 能 期月 以 擇 興 陷阱 起 而 能 匝一月也。 不能 人皆 擇 中 i 知 其 守,皆一 庸 而 (爲掩 不 能 不 言

右第七章。

變於旬月之後。」

不及,以嘆道之不明也。」〇又曰:「是引起顔起下章也。 黄氏曰:「因賢者之過、不肖者之承 上章大知而言,又舉不明之端,以

子事。」

之,則失之也。」如《詩》之興耳。或以二句各爲一事言或問七章之説。曰"「此以上句起下句,

則

服,猶著也。膺,胸也。奉持而著之心胸回,孔子弟子顏淵名。拳拳,奉持之貌。

之間 顔子 言能 蓋 真知之,故能 守 也。 陳氏 擇能 日 「謂守之而牢 守 如 此 陳 占 氏 不 失。」 曰

無過 之不明起於賢者之過、不肖者之不及,故 惟 其 《能擇而又能守之,乃爲真能知之。」 此行之所以 不及,而 道之所 以 明 也。 黄氏 必 賢如 日 顔 占 子 消 而

右第八章

後可以望斯道之明。」

非 則 過 所 知 者之不及矣。 上章不能朞月守者 或問:「此其 ,則道之所以 也 引『屢空』,張子 無賢者之過矣, 論 歟 語》之本意。 [] 日 稱 : 然則 諸 回之賢,何 明也。 説 服 所引『未見其 案 兹賢 而言,如 膺 如 程子日 何?__ 弗 蓋能 也 也 失, 乃其 回之賢 「顔子 ? □ 擇乎中庸 日 : 則 止, 非不肖 所 ,所以 程 以 丽 「承 子 爲 不 大

日

顔子未至聖人而不已,故仲尼賢其進未

得

中

而

理之實也,亦甚矣哉!」案:侯氏曰:「中庸豈

人者,只是得

善則拳

拳服

膺與能

屢空耳。

ō

張

守也。 止,欲 吾才 擇 行 不居,故惜夫未見其止也。一唯吕氏之論 而不敢緩。 守之,則拳拳服膺而 見聖人之卓,不足謂之中。 之彌高,鑽之彌堅,瞻之在前,忽焉在後,察其志 未 見其深潛缜密之意,學者所宜諷 也。』此數言 口 拳拳服 日 則 也。 安 爲 能而 「隨 耳。 丽 二矣。』其 像 高明不可窮,博厚不可 但『求見聖人之止』一句, 膺 不 不能 其 此所以 案: 求 圃 敢 所 也。 見 緩。 不敢失; 者,乃爲親 至,盡 吕氏曰: 恍惚前後而不可爲像 聖人 務 侯氏 不敢 爲 此 失; 其 過 「如顔子者 之 所 日 隨 勉而 所 高 其 極,則中 以 勉 垆 切 得 、所至,盡 而進 恍惚 中 而 確 進之,則 欲 據 之,則既 不 庸 , 可 道 實, 罷 前 顧 其所得 不 而 ,求見聖人之 豈 謂 叫 文義 丽 而 後 守 經 能 誦 顔 口 識 竭 擇 文義 擇? 足 不 而 既 之 子 也,非 丽 據 故仰 吾 而 能 則 亦 服 以 不 竭 有 7 ifii 能

Ħ. 四 精

熟

~,真

有以

自勝其人欲之私,方能

盡得

,此則若

辨之,勉 可 擇? 擇則二矣。 而 中,思 而得 此云擇者 者 也 故 日 ,如博學之,審問 擇乎 中 庸 之, 明

子曰 可 蹈 也,中庸 天下 國 不 家 미 能 可 也。 均 也 爵 禄 可 辭 也 」, 白 刃

庸。」〇 私 者之難, 最 間 均 然,不可以 刃,人之所畏難 能 去,而不擇乎中 力爲之。《文集》曰 然不必其合於中庸 미 者,不 難,而 ,非是別有 均似 平. 爵禄,人之所欲 陳氏曰: 皆可以力爲。上若中 知可 治 資質勉强 能 然 也。 笛 及 非 辭 犯 道 庸耳。」○《語 「天下國 似仁,可 也 義 也, 理,只於三者做 丽 者 精 而 爲之,須是學問工夫篤 難卻 :「三者只 陳氏曰 仁熟, 資 家,至大難治 蹈似 亦 稟 則 也,而 知 庸 勇 録》曰: 質之近似者皆能以 勇。一天下之至 仁 敢 中 而 知就其 則 者能 資稟高潔者能 到那恰好 勇 無 庸乃天命 雖 中 也 之事 之。 不 庸 所長處 而 豪 必 則 便是三者 資 處 至 人心 人欲 (稟明 皆 陳 是三者 **必着力做** 難 便是 到 之, 氏 如 之常 那 敏 也 曰 之 白 中 義 者 之

> 而 所 愐 中 實 以 ・庸則 難 鮮 也。二十者 鮮 能 能 也 也 難 黄 氏 膩 目 易, 「天下至難之事,人或能之, 中 庸易 丽 難 ,此民之

右第九章。

亦承上章以起下章。黄氏曰: 「是引起

£

路事。」

之,而 必從容 屬,而 或問: 實 偏 知 尤 於義,且 亦承上章之意,以三者之難,明中庸 豪 難 難 不 而 之私 不自 可 行 也。 擬議 人之所難,然皆取 「『中庸不可能』,何也?」曰 能 之事,然天 而 或出 知矣。 中節 也。 蓋三者之事,亦 意 之間 有 於氣質之偏 也。 故 所 此其 程 忽已墮 (理渾 未 若日 子以『克己最難』言 盡 所以 然,無 中 必 則 於 事 雖若 庸,則 於行,而 知、仁、 雖 渦 勢之迫,未 過 欲 與 甚 不及,苟 擇 不 雖 易,而 勇 及之 而 無 無 山此 擇 守 難

庸不可 如 佛之緒餘。 氏 游氏曰:「其曰其斯以爲舜 爲道遠人之意」,亦非儒者之言 夫何能之有!』案:此皆楊氏全文。 矣,循天下固 之,其旨深矣。 公學於程氏之門,號 亦 此 殊 謂 能也。」游氏以舜爲『絶學無爲」,案 *** 不可 有 而楊氏下章所論『不知不能 ,曉也已!! 然之理,而 能 案 斯 有爲之者,其違 程子曰 稱高 ,則絶學無爲矣。二而 。「克己最難,故 行 弟, 其 所 而 無 則皆老 其言乃 也。 事 道 焉 日 遠 楊

子路問强

子 路 孔 子 弟子仲 由 也。 子 路 好 勇, 故

間 强

子曰 强 與? 一南方之强 與,平聲 與? 北方之强與? 抑 丽

抑 語 辭 而 汝也

寬柔 以 教, 不 報 無 道,南方之强也,君 子

中 居之。

南方風 寬柔 不報 性,既曰寬柔矣,何强之云?」三山 而 (語録 不變,是亦强也。君子之道也。 $\overset{>}{\exists}$ 無道、謂横逆之來、直受之 以教,謂含容巽順 氣柔弱,故以含忍之力勝人 「忍耐得,便是南方之强。」〇或曰 以誨人之不 陳氏曰: 陳氏 而 日 守守 不 南 及 爲 報 此君子 其氣質 方之 也。 强 也

只平説,如君子長者之謂。」

衽 金革,死 丽 不厭,北方之强 也,而 强 者

居之。

屬。 果敢之力勝人爲强,强者之事 衽,席也。 革,甲胄之屬。 三山陳氏 日 北 卧 方 席 風 日 衽。」金,戈兵之 氣 也 剛 勁, 故

哉 故君子和而不流,强哉矯! 道 至 矯 死不變,强哉矯 或 有道, 不變塞焉 中立 强 哉 矯 耐 不 倚, 或 强 無

此四者,汝之所當强 也。 陳氏曰: 「四者之强、乃

也。 虎 中 庸之道 臣 二是 語録 所當强 也 $\stackrel{>}{\exists}$ 《詩 如 倚 傳 矯, 於勇,倚於智,皆是偏倚處。」塞 ₩ E 强 貌。 「矯矯,武貌。」倚 詩》 日 矯 著 矯

道 未 ,不變平生之所守也。 達 也 或 有 道,不 變未達 《語録》 之所 ¥ ∃ 「未達 守 3 時 或 無

〇又日 行其所學,既達了,却變其 威 有 道 ,則有 達 (所學,當不變未達之所守也。) 之理,故 不變其未達之所守。

不變其 若國無道 未達之所守易,不變其平生之所守難。」此 則 有 不幸而死之理,故不變其平生之所守。 則 所

人欲之私 私 不能 中庸之不 能 擇 中 而守也。 庸 可能 之不可 者 能 陳氏曰 非 者。 有 是 以 汅 「凡此皆有以 能 勝 擇 ൬ 其 能 人欲之 守 白勝 所 謂 其

謂

自

是。 告子路者,所 理義之勇 陳氏曰 īfīj 非 「此君子,是指成德之人。」夫子 血氣之勇矣。」君子之强 以 抑 其 血 氣之剛,而 進之以 孰 以 大 是 於

右 第十 德

義之勇

也。

所當强 陳氏 淫。」 義之强 耳。 中 者 티 : 方之强 也 所謂 或問 而 而 之,非强 日 無所依 也。 無依 : 其孰 或 或 至於汝之所當强 和 凡 强 : ,得强之中矣。

一子路好勇,故聖人之言 不 亦 無 則易至於和光同塵,失之太軟而流蕩。」中 三山 「是貧賤能移。」非持守之力有以 也 人 一此 也。 則 不能。 能 能 過 道 則 承 必至 和 陳氏 乎强 反之? 必 不改其平素。 上 而 其 南 圃 蓋 至 貧 章之意,以 於 日:「 記 方之强,不及强者也 而所謂 (倚,不 一於倚。 無 强 賤,或不能久處乎窮約 者也。 子 節 者, 南 則 故 路 北 東 必當 此四者,汝子 則 力 强 之强雖 丽 之 (語録 四 西。 必 者 陳 有 如下文之説 間 明 者之强,强 氏 至 又非 以 ₩ E 或 擇 强 不同,要之皆偏 日 於 勝 中 有 凡 流。 何 是 人 庸 道 世 此 也? 富貴 人中 路之 勝 之名 俗之 而 而 則 陳 北 立 富 守 理 能 氏 立

成材 欹倒 所以 氏 倚,自然中立。」曰:「諸説 不倚,不然則傾 底人,氣弱不 **壯有力者**,乃能中立,不待所依,而 便自不倚,何必又説不倚? 矣, 而 物之情 爲 中 所以 和 日 四四 强 立 則皆得之。 無所依, 此 與物 而爲器,故曲者直者,皆在所矯。 ,若能中立 邊 爲强也。」《語 哉 本 長其善 「矯之爲言 中立 虚 ?! 日 唯 無 同 剛 能自 所 立不 之 强 則 倒 而不倚,方見硬健處。」〇又日 依 故 而 ,猶揉木 而 所 其 者 持,他若中立 惟以矯爲矯揉之矯,案: 住 救 疑 偃仆矣。」〇永嘉陳氏曰:「中立 以 爲 又 不 中 録 ,易得求倚 於 其失者 $\stackrel{>}{\exists}$ 疑 能 何 傾 立 也 流 後思之,柔弱底中立則必 於 無 疑 固 ,木之性 側 如 一,必有 必 如和便有 於 而 所 無 而 類如此。」曰 何?」曰:「大 自無所倚。 倚, 倚 以 依 所 惟强 偃 能 人之才,有過有 不 依 而 曲 仆 物憑依 加 而 有力者 流 流、若是中。 獨 也 能直 者幾 不 以 7 爲 如 倚 然 不 乃 將使 不假 惟 强 有 之 弱 凡 希 倚 吕 能 强 病 子

日 此 知; 也。 足 是也。」○愚謂 異之行,荀子所謂 德之事,後漢讖緯之書 否?』曰 行怪,言深求隱 素,案《漢書》當 知之過 以 : 爲强,故曰 之强,子路之强似之,故曰 强者爲子路之强 不及,將使合乎中庸 曰:「南方之强,顏子之强似之,故曰君子居之。 方之强爲矯哉之强 過 「素隱 《語録》曰 欺 爲詭異之行,是求行乎人之所不能行。」然以 世 「漢儒災異・ 而 丽 行怪,後世 强哉矯。」爲未然耳。」 盜 不 深 「問:「深求隱僻之理,如漢儒災異之類 荷難者,於陵仲子、申 名,故 求隱僻之理,是求 擇乎善,行之過 僻 作 ,猶自有說得是處。 ,便是隱僻。 」〇三山 則過 之理,而 索,蓋字之誤 與 後世或 有述焉,吾弗爲 北 與 與不及、皆在所 而强者居 顔 方之强者,案: 子之强 過 有稱述之者。 知 之。 如 爲 屠 乎人之所 戰 而 狄、 詭 也 陳氏 君子以 國鄉 為橋。」以 以以 不用其 尾 異 之矣。 生 衍 之行 索隱 抑 之徒 北 侯 不 自 推 其 ௱ 南 詭 氏 方 H.

之。」不當强而强者也,聖人豈爲之哉!中《語録》曰:「索隱,是知者過之,行怪,是賢者過

君子遵道而行,半 行。」當 遵道 不能止也 此,非勉焉 之不足也。 建,陳氏曰:「遵道而行,似乎能知,半塗而廢,實未能 而行 强 丽 ,則能擇乎善矣; 丽 此其 不 不敢廢,蓋 强 ·塗而 者 知雖足以及之,而行有 也。 廢,吾弗能已矣。 己,止 至誠無息,自 半塗而廢,則力 也。 聖人於 有 所 不

遯世 成德、知之盡、仁之至、不賴 曰:「此兩句結上文兩意。 不爲索隱行怪,則依乎中庸 正吾夫子之事,而猶不自居也。 而廢,是以遯 不見知而不悔,便是吾弗能已之意。一此中 世不見知 依乎中庸,便是吾弗爲之意。 而 不悔 丽 勇 已。 丽 故曰 也。 裕 不能半 如者, 《語 -庸之 . 唯聖 録

者能之而已。

右第十一章。

舜、顔 非一 德爲 率性而行者也,非 大抵知仁勇三者,皆 正,非仁者不足以體之。 庸之道,至 顏淵,仁也;子路,勇也。 如 子思所引夫子之言,以 此 ,則無以造道 蹴可到,故惟 入道之門。 淵、子路之事明之。 蓋此篇大旨,以 一精 至微,非知 有是德 勇者然後有以 此性 而成德矣。 故 者 其爲道也,非 之德 則 於篇 不足以知 無以 也 明首章之義者 知、仁、 • 自 體 首, 舜,知 是道。一餘 中 强 潘氏 三者廢其 之, 庸 而 領與可 即 勇三達 之道 不 日 至公至 以 息 也 中 馬。 , 即 大 見

第二十章。

或問:十一章「素隱」之説。曰:「吕氏

「此」,原誤作「比」,今據四庫本改。

0

可拔 索二字 E] 游 耳。《語録》曰:「漢志引《中庸》云『索隱行怪』。 當 行怪二字,語 書 素 有 通。 説 曰: 從鄭 暗之事』。 以素爲『索』,顏氏又釋之,以爲『求索隱 氏 時 據。 念』之云,皆 ,不應頓異,則又若有可 有謂『無 「遁世不見知而不悔者,疑慮不萌於心 「素讀 也,非離人而立於獨者,不足以與此。 所謂 所傳 藝文志》 又以『遯世不見知』之説反之,似亦 注 相 近, 但 如傃 以 三離 索隱 則二字之義 素字之義,與 本猶 素 德 鄉 勢 劉歆 之樣 .從來解不分曉,作索隱讀亦 人 爲 而 非儒者之語 亦 未誤,至 而 傃, 隱」爲素隱者,於 ,猶素其位之素也。一唯 相 論 立於獨」,與 固 類。 神 有 1仙家 既 後 鄭 其説 未安。 明,而 疑 氏 章 也。」案: 流引此 者。 上素 時 近 八夫『未 其 乃失 確乎 是。 案: 若不遠復 與下文 獨《 有 位之 義 其 游 其不 理。 吕 素、 免 之 蓋 漢 舊 丽 略 氏 氏

君子之道費而隱。費,符味反。者,未免於有念也。」

然着人衣服身體,即是那滿室陰濕之氣耳。」 潤,着人腠理,則覺得酸楚,此顯 皆陰氣,然不可見,此體之隱也。 非視聽所及,故曰隱。一○黄氏曰:「如今風雨之時 間,而無物不具,無處不有,故曰費。 上者爲隱。 者,兼體用 費,用之廣也。 E : 、該隱費而言也。」〇或説形 「形而下者甚廣,其 隱,體之微 其着人衣服,則覺得 而 也。 八形而 可見者,用之廣也。 就 而 其中 《語録》 下者爲 上者 形 實 而 日 行 E 滿 乎其 形 者 室 道 濕 有 而

表婦之愚,可以與知焉,及其至也,雖聖人亦 有所不知焉,夫婦之不肖,可以能行焉,及其 至也,雖聖人亦有所不能焉。天地之大也, 至也,雖聖人亦有所不能焉。天地之大也,

人天地之所不能盡、《語録》曰:「道無所不在,無女居室,人事之至近,而道行乎其間。」遠而至於聖君子之道,近自夫婦居室之間,《文集》曰:「男

盡

知

緊要

底

,則聖人能知之、能行之。

若至妙處聖人不

人不能知而不能行,天地間固有不緊要底事,聖人不能

費矣。 見 也。」〇《語 天地之所不 也。《文集》曰:「大抵自夫婦之所能知能行,直至聖人 着得一 下莫能破,是 其 是 窮無盡 處。」蓋 小 就日用 無 物 ,聖人亦做 在 内 然 間 録 口 能 ,若云無 %語録》曰: 無内。 × E 其 知 盡 理之所以 。皆是 可 事 「費是道之用,隱是道之所以然而 不 能者, 次内, 謂 盡 論 如物有至小 说费 ,天地 則 如 「如云天下莫能載、是無外, 是至小,更不容破 事 (處,而 道中之一 親 亦做不 然, 事長之類。及其 所 而可 則 盡。」其 謂隱 隱 破作兩者,是中 事 者,不 而 ',陳 500 大 莫之 無 離 氏 可 至, 於 外, 不可 日 見 謂 天 此

便也 底事。 爲聖人? 處,若是道之精 有 而 所 聖人不 須學。」〇又曰:「聖人不能知不能行者,非至妙處聖 不能 他大本大根元無欠闕,只是古今事變,禮樂制度 這至只是道之盡處 盡 知不能。 妙,有所不知不 也。 《語録》曰: 則舉 ,所不知所不能,是没緊要 能 全體 「人多以至爲道之精 ,便與庸 而言,聖人固 人無異,何 足 妙

便是 能無憾 能,如 失其宜,品類之枯敗夭折 能生覆。 能 日 티 : 偏,及寒暑災祥之不得其 是不能?」愚謂 庸 是萬分中欠得一分。』〇問: 之意,此是聖人看得徹底, 集》曰:「侯氏之説,是非全體中之不能者。」〇《語録 能 問:「所憾恐非謂 道 聖人所不知,如孔子問禮問官之類 知、不能行,粗處却能之,非聖人,乃凡人也。1○又曰 ,禄位名壽,此在天者,聖人如 》明説大德必得其位,孔子有大德 無不包,若盡論之聖人,豈能纖悉盡知。」侯氏 『夫婦之與知能行,是萬分中有 有未足處。」」 問 ,人固不能無憾此也。]曰: 孔 恐只在於陰陽寒暑之或乖其 「侯氏止尋 子不得 人所憾於天地 天能生覆 得 位 一二事,元不曾説着「及其至 而不得 堯舜 故於此理亦有未肯自居處。 而不能形 「以孔子不得位爲聖人所不 遂其 何 病 「既是不可,必望其全 正 一分,聖人不知不能 而不得其位,如何 能必得?」曰:《中 博 如覆 理。 載,地 者。 常,吉凶災祥之或 施 此雖 之類。」《文 載生成之 《文集》曰 能 形載 天地,不 所不 日 而 也 不 不

《詩》云:「鳶飛戾天,魚躍于淵。」言其上下察

也。鳶、余專反。

又曰: 處 之顯也。」故程 是必有所謂 則天而不能 使得他如此,此便是隱。」〇三山 箇物來看。」○又曰:「鳶飛魚躍,費也,必有一箇什 見,聽之不聞,分將出來不得,❶須是於此自有所見。」○ 然其所以然者,則非見聞 行,上下昭著,莫非此理之用,所謂費 之察,如天地明察之察。」子思引此詩以明化育流 道體之流行發見,昭著如此也。」○《語録》曰:「察非 至也。察,著也。《文集》曰: 、語録》曰:「鳶飛魚躍,上下昭著,莫非至理,但又視之不 、 詩・ 大雅 物 活 心有一理,有所謂已然者,必有所謂所以然者。 「如鳶飛亦是費,魚躍亦是費,而所以爲費者,試討 潑潑 淵 所以然者以 地。」《語 旱麓》之篇。 魚則淵 子 Ė 而不能天,此其用也,已然者也。 爲之體,然體之隱,初不離於用 録》曰: 此 節,子 陳氏曰: 「活只是不滯 所及,所謂 「察者,昭著之義,言 鳶,鴟類。 思 「天地之間 喫緊 於 隱 爲 隅。 也 戾, 麽 也 審 , 有 鳶 物 察

君子之道,造端乎夫婦,及其至也,察乎平平,會得時,多少分明快活。」讀者其致思焉。

結上文。

天地。

其體 之言以明之。 言之,則雖夫婦之愚不肖,皆可得 則天 愚 即其 道不可離之意也。其下八章,雜引孔子 盡 或問:十二章之説。 右第十二章。子思之言,蓋以申明首章 不肖亦能知而行之; 知盡能者也。 則 下之大,事物之多,聖人亦容有不 近而言之,男女居室,人道之常,雖 微密而不可見,所謂 永嘉陳氏曰:「自其明白坦蕩者 曰:「道之用 極其遠而言之, 而知,可 費 得 III 而行; 廣,而 隱 也。 自

❶ 「分」,原誤作「搒」,四庫本同誤。今據文淵閣四庫全書

朱子語類》改

○永嘉陳氏曰:「大要不要人去昬嘿窈冥中求道理,處處

行。」然: 天地 能 天下莫能 道亦無所不在。」故君子之語道也,其大至於 處,而道亦無所不在,至於天地之大,猶有所憾處 知 盡 不肖所能知行,至於聖人天地之所不 此以明聖人之所不知不能者也。」夫自夫婦之 人將怨咨,又不能使物物皆得其所欲 大也,尚 聖人矣,尚何不知不能之有?」三山陳氏曰: 「天地之 天地之大,而人猶有憾也。或曰:「夫既謂之 祥,不能 覆,至於氣化 生覆而 其 (纖悉 、能行處,道固無所不在,及聖人之所不能知不能行 一,道蓋 知 能 聖人之所不能盡,而道無不包, ·有所憾焉,況聖人乎! 不能 至者言之, 行 無所不 盡 獨聖人有所不知不能 載 得 而道 矣; 形載, 流 其 在 行 其小至於愚夫愚婦之 (正者尤多,此所 雖聖人 無 也。 則 不 地 體,則天下莫能 能 有 陰 陳氏曰: 水旱螟蝗,祁寒暑雨 所 陽 形 不 寒暑,吉 載 能 ,是有憾已。 而 「自夫婦 盡 也 知,不 不能 以 一,天 雖 X 之與 能 前 能 破 所 則 愚 % 能 舉 以 生 盡

有隱叮 也。 足爲道矣。」子思之言,至此極矣,然猶以爲 其中矣,故不言隱。非於費之外別有所謂隱也。 小而天下莫能破,凡此是説道之費 者也。」○永嘉陳氏曰:「語其大而天下莫能載,語 黄氏曰:「道之見於用者,費也。 〇三山陳氏日 造端乎夫婦之微密,而語其極,則察乎天地之高深。 地 造端乎夫婦,極 體用,上下昭著 不足以盡其意也,故又引《詩》以明之, 非視聽之所及者,此 費矣,而其所用之體 日 「道之體用,甚昭朗流動,充滿上下之間,無所不在。」 『鳶飛戾天,魚躍于淵』,所以言道之 ,極其遠大 費猶木之有枝葉可見者,隱猶木之有根本不可見 道之在天下,其 見,有隱可言,則非體用 而 造端乎夫婦 言也。 其 ,而無所不在也。 近 則 小 所 用 《文集》曰:「君子之道 ,其道甚 呵 之廣 以 一源,顯微無間,已不 其所以爲是用者, 不 言 處;其體之隱則在 爲 離 也 近而小也, 費 如 平 此, 而 此 察乎天 陳氏口 隱 而 可 使 也 謂 有 其 隱 别

六四

皆以 智 雎》 《易》首乾、坤, 之所不知不能 能 與」、案:此皆張子全語。 又曰『君子之道達諸天,故聖人有 之徒,亦未知君子之道,若知君子之道,亦不入於偏。」 之徒」,既已失之。 日 之中,衽席之上,人或褻而慢之,則天命有所不行矣。」 戒謹 之不 之不可辨。」蓋夫婦之際,隱微之間,尤見道 其 知,夫婦之智淆諸 (極以至於遠且大,則凡昭然天地之間者,莫非 而 而 皆 夫 恐懼之實 兩之, 口 程子至矣。 戒 婦 此 離 淫 之 意 處 佚 能 皆 也。 3 知 無不 而 知 不 而 \wedge 其造端 (書》記 天 能 口 張子以聖人爲『夷、 重 案: 張子曰: 地有憾者爲道之隱, 行 曉 一咸、恒 物,故聖人有 至矣。 티: 則 者 也 釐 又析其所不 乎 爲 己。」目 降 諸 ; 此, 《文集》曰: 道之費 3 《詩》首《 説 「聖人若夷 ^ 則 禮 如 其 (,聖人 何? 所 諸 知 所 所 幽 其 惠 不 家 不 調 不 大 以 闇 理

> 緊 費 所謂 默 言 憾,鳶 大語小者明其 耶 則 隱,則恐未然。 内 小 日 其於文義協矣。 E : 而 m 語指 爲 己 具 :「謂不知不 ? 二二山 專 隱者。 莫能 隱 平其 人處, 不 言 然則 者, 飛 破 得 陳之可 費 費 而聖人不知 者爲 魚 陳氏曰 爲 中,若於費外別 程 中 而 爲隱矣、繹其義、反諸 與 躍 隱矣。 有 隱 不 子 必 隱 能爲隱 及耳,故 及隱, 所 則 察 且隱 「先儒 若從 有 非費之外 小之爲義, 不能,則聖人 謂『鳶 乎 事 天 程子之云,又 之爲 有以聖人所不知 焉 恐其有 程子之説, ,似矣。 地 獨 飛 而 非 别 言 有 舉 魚 勿 要妙 理而 而 亦不足貴 有 隱 費 躍 正 隱 欲 若天 未 E 之謂 不安 子 而 者 丽 心之意 亦 安 以 則 也 隱, 可 矣。 也。 也 何 其 謂 地 也。 思 使 能 言 喫 疑 之 有 章 非 謂 Ы 夫 語

0 「又」,原誤作「人」,今據四庫本改。

要人就 之間 爲 指 間 則 又 有 意 以 之所不知不能 躍 行 見於上下之間者 鳶之飛而 司 亘 以 事 1,人倫之際,夫婦之所知 古 爲莫切於此 有 而 發見 初 爲『子思喫緊爲 丽 活 焉 斷 明 以 不 亘 出于淵者,此也,其在 言之, 此 潑 外乎 然 瞥 道 今, 而 洞 於 潑 地 之體 勿 戾于天者,此也;在 見 天 惟 地」者 其 ,便見得箇 雖 此 IE 道 地 欲 在 未 心 也、《文集》曰: 者 心 體 用 之間,無 嘗 學者於 人 一,故 之意 「, 亦 ,可謂著矣。子思 之妙 流 人處』者,正 m 何 有 天 行 必 此 也 見 理全 同,活 一豪之空闕, 發見,充塞天 而 此 也。 ? 諸 此 所 體。 無疑。 心之存 默 不在 Ħ 所能 人,則 Ы 「喫緊爲 此 潑 其 用 加 : 潑 下 以示人之 其 之間 識 前 曰 地 而 圃 則 在 道 流 日 人處 之, 於 後 與 程 之 聖 魚 行 用 上 者, 一息 地 是 有 則 子 必 則 此 發 之 則 流 人 之

爲道 耳。 然後 然在 見道 非 無所 爲 躍 而 而 間 以 人却作實語看了。」蓋此 至於程 黄氏曰 指 文集》曰 断,是 此 精 然 全 自 必 勿 矣。 若見得破 方見 人而 滯 心之存主 仰 體 體 密 Œ 覺 礙之妙。 後 非 字借以 看 見諸 之妙,非 充塞天地間 其 也 呈 心,活 而 然 拘 「程子借 미 全體 一露,妙 0 中 視 牽 處。 則 日 但 以 《文集》 文義 旧用者 庸 蓋 무 乎鳶之飛, 即 爲 得 潑 爲言, 活潑 露 以 到 孟子之語 此 者 之也。 用 但 學 初 潑 ,無非是理 道 妙 此 須臾之頃 Ě 之所 之體 潑地 顯 者 地一, 用 不外乎此 如 章 言, 則 行 顯 必 集 孟 能 用 者,方是 行 ,若無所見 發明己意説 又以 有 識 抑 亦 子之意 義 流 無 俯 無 此 活 事 也。」「必 心 行 雖 養 孟 曰 潑潑 焉 所 體 而 發 發明 ,故必此心之存 豪空闕 形 而 若 氣 子 此 便已洞 見 滯 觀 地 容 勿 則 二事 此 心 而 而 礙 不到 雖 天 正 乎魚 有 略 學者洞 亦 之存 言 理 已 發 云 無 無 心 不足以 然。」〇 無滯 事 處,後 間 流 者 也 爾 耳 之 乃 焉 行 固 息 息

之也。 容,實 言 當 意。 子,各止其所而 魚 道之體 當言之, 意 則其所謂 不做工夫人,心裹自在,又却都没一事。] 曰: 曰:「今世做工夫人,心却不曾放去,又多失於迫 而 所 道體之妙已 其 累 實 而 耶 别設此 耶 不爲所累耳。 ? 三 必 故 善用 則心 與 況吾之所言, 躍 用 (彼異。 聖賢特恐學者用 而吾亦言之耳 更以下 「活潑 念,以 于 固 力者, 苟能 躍如矣, 有事焉』半詞 淵 無 此 不 若出 潑 爲正心之防也。」永嘉 不可亂 是 但 非謂 句解之,欲 在 俚 地」者,毋 君 何 君、臣 然鳶 雖 於此 於吾之 俗之常 必有事焉之外, 也。 待 與彼 彼 力之 下 之間 超 而 固不 若 臣、父父、子 其 乃釋 句 談 公同,而 所 然 必 雖 如釋氏之 调 而 己 默 戾 謂 得 氏 有 釋 後 而 于 會 盡 則 所 而 氏 之遺 所 足 反 天 陳 切。 然 又 夫 形 車 蓋 事 爲 於 則 其 氏

見,却 是安可 非 詩 又 案 又謂 曰 : 焉,釋氏 至道。」謝 之終始,費則常道,隱則至道, 丽 婦 定分也。 臣父子爲言,此吾 云, 「鳶飛 言之, 姑 以是爲窮其上下之極,而形其 曰 語 吕氏曰 則 「吕氏分『此以 魚躍,只是言其發見耳。 『費則 哉?」〇 非 借 切 鳶 同 鳶必戾于天,魚必躍于 氏 混 指 則 所 пĴ 亂。 日 「此以上 既 常道 鳶 物 舉 以 以 而 日 魚 至吾儒,須辨其定分,君臣、父子 以 此 曰 儒 明 躍 三非 語 隱 而 之所以 明 :「吕氏 論中,此以下 而 哉 人 淵 言』,蓋 是 道 上 絶之矣, 事 ? 則 極 體 而 論 異 《語 之 至道』,恐皆未 惟能 其 釋亦言發見,但渠言 於 魚 中, 無 淵。」且 至 以 録》 佛 日 F 可 所 盡常 論庸,此章言 下, 近 又 者 子 以下論庸」 日 下 以 不 安可 道,乃所 而 子 思之引此 而 如 在 問問 戾 如 何?」日 天 無所不 思 言。矣, 一之實 天 何 『引君 同 理 以 以 常道 安。 ? 矣 年 在 夫 發

六六

之,則 此。 又曰: 氏 上下自然,各得其所也。 飛戾天,魚躍于淵」,猶韓愈所謂「魚川 E 明 思喫緊道與人處。 未免小失之耳。 理 所 其發明程子之意,蓋 不在之體,而 所謂「必有事 包之量也,又 良 道 ·淵,非是極其上下而言,蓋真箇見得如此,此正是子 之説 面 能 者,恐非 得 知此 更有天,下 體無所不在,非指鳶魚而 之所自出」爲道之『費」,則良 聞 「鳶飛戾天,魚躍 其爲説益 其 者, ,則知夫子與點之意。」〇又曰:「《詩》云**『**鳶 馬 本文之訓 不 而 丽 面更 欲學者之必 非以是二 勿正」,察見天理,不用私意也。」 可 又别 若從此解悟,便可入堯舜氣象。」〇 以精 有 案: 曉 地 于淵 者尤 子思之意,言上下察,猶孟子 以 在 謝 矣。 有 ,而於程子之意 夫 氏曰:「鳶飛戾天,魚 無些私意。 言也。若指鳶魚言,則 非 物專爲 知 多。 子 觀 勿忘、勿助 但 與 所 時 乎 如 泳 點 形其 謂察見 同 此 而鳥雲飛」 以 上下察,以 門之 之 也 Æ 意 知 良 無 則 亦亦 游 天 + 此 所 良 知 明 躍 知

天地 也。 則莊 分三楊氏以『大而化之非 説 中 事父母之心,雖夫婦之愚不肖,亦與有焉,及其至也 經 方也不可知,無體 者所可知,非有爲者所可 夫婦之愚不肖可以 於道矣。 謂道者,乃無用 『不可知』『不可能』者爲道之『隱』, 能者不得 蓋聖人者,德之成 兩皆失之。 『聖人不知不能』; $\stackrel{>}{\mathbb{H}}$ 設 庸 所以爲至也。」○《語録》曰: 明 案:游氏日 如把「至」作「精妙」説 生邪遁荒唐之語 察,神明 『事父孝,故事天明; 所 爲道,而 至於 彰矣,則雖 引 也不可 而業之大也 與 唯 天 知 之長 所 地 而 費 能 能 以『祁寒暑 謂 明 能 也 在 聖人之德,又何以 此 ,故聖人有 ,則下文語大語 物,而 ",尤非 行焉。 『七聖皆 察, 道之外矣。 則 事 · 過 七聖皆迷之地也。 良 母孝、故 此以 「游氏有七聖皆迷之 智 似 知 惟 人 力 所 於 良 往 所不知不能 溫 能 亦 雨 所 也 以 迷之地 彼 事地察。」蓋 則 小, 所 則 神矣。 無 雖 及」,爲 論 此 加 自 便如何 非 則 又 天 所 此,此 中 文 出 有 焉 意 以 地 庸 賴 所 孝 故 無 思

可能 變,其 意 飛 曰:「鳶飛魚躍,非夫體物而不遺者,其孰能察之?」 至也,聖人有 光之大,致知力行之積也。 愈遠 以 正 能察之』,其 不 而 意 其 試 隱 抵 揚 能 又 有 也 非 (機自爾,雖 也。 循其説 此 矣。 口『人雖 憾 易 如 則 不 眩 知力所及也,德盛仁熟,而自至焉耳,故及其 章若從諸 其節」,爲『道之不可 是, 於天 其爲説之弊,必至於此 出 瞀 其 所不 丽 此 迷 用 日 而體驗之,若有以使人神 地,則 天地之大,不能易其節也。 楊氏曰: 人 有 ·知不 也 惑 雖 體字 憾 非 猶 前 必 家以 能焉。」〇又曰: 矣。 有憾焉,道 而 於 體 察字,又皆非經 「自可欲之善,至於充實 無 大而化之,至於不可 道固自若』,則其 物 文義既有 聖 所 唯 而 人 底 侯 不遺 固 所 能 止 自若 氏 不 「祁寒暑 写 不 子子 者, 所不 而後已。 知 也。一〇又 夫道之不 而 思 不 知 文之 其 知 雨 通 之 識 能 不 孰 失 所 之 之 輝 子 爲

> 之神。」 深論也。」案:侯氏曰:「所不能者,如聖而 之意也。 知』者,孟 其 子 他 本 .謂 又有 人 大不 所 不 可 能 ·曉者 測 耳 亦 非 不可 不 此 足 文

曰:「道不遠人。人之爲道而遠人,不可以

道

爲道?」 爲道之人已身而言,己之身便具此道,又豈 難 者,厭其卑近以 觀之,己便具此道 嘗遠人? 此人字兼人己而言,乃一 道者,率性而已,固衆人之所能 也,故常不遠於人。 行之事 則 非 所 自人觀之,人亦具此道。」若 爲不足爲,而 以 黄氏日 爲 道 矣。 平率 章之綱 反 黄氏 性 之謂 務 知能 可 領 遠此 爲 也 道 行 此 高 爲 道 身 自 遠 道 者

柯,睨 改而 詩》云: 止 而 視 『伐 睨,研計反 之, 柯 猶 伐 以 柯, 爲 遠。 其 則 故君子以人治人。 不 遠。」 執 柯 伐

能」之説,最爲明白,但

所

引

聖

而

不

可

法也。 以前 其 〇又曰:「人人不自有許多道理,只是不曾依得這道理 能行,非欲其遠人以爲道也。《語録》曰:「未改 治人也,即 不止於以 用別處討?一〇三山陳氏曰:「以身爲道,道即在身,其近 做底便是,初無彼此之别,放去收回,只在這些子間,何 彼此之别。 所執之柯未爲一 遠 則。」然猶有彼此之别,故伐者視之,猶以爲 柯以伐柯,不用更别去討法則,只你那手中所執者 者,彼柯長短之法,在此柯耳。 人,則所以爲人之道,各在當人之身,初 〈詩 (人能改,即止不治。蓋責之以其所能知 一也。 葉氏曰:「睨視所伐之柯,猶見其未施工治,與 ,是失却人道 翢 睨 此柯視彼柯也,特人自不察耳。」故君子之 風 ,邪視也。 《語録》曰:「若此箇道理人人具有,纔 以其人之道,還治其人之身。 . 體,則是猶有忖量之意。」若以 ,既改便是復得人道了,更何用治他。」 伐柯》之篇。 言人執柯伐木以 柯,斧柄。 《語録》曰:「執 人治 爲 則, 便 無 柯 要 是

忠恕違道不遠,施諸己而不願,亦勿施於人。 耳。 妄。」〇又曰:「只是盡自家之心,不要有 説,即天生烝民、凡厥庶民之謂。 謂 「君子之治人、只就本人身上當然道理還治本人之身、初 盡己之心爲忠、《語録》曰:「忠者、盡己之心無少僞 他,乃天理人倫之類,若以蠢蠢昏唇爲衆人,非聖人意。」 者,衆人之道,衆人所能知能行者。 難行底去責他人,只把他能知能行底去治他。」 張子所 即道也,以彼之道,治彼之身,能改其不善,則本人之身 乃指他人而言。 却做從不是道理處去。今欲治之,不是將他人底道理去 無彼此之別也。 還得本人之道矣,又安得不止而尚他求哉!」○陳氏曰: 還以導之,能改則止,亦不可外人以求道。]〇又曰:「人 自有者,還以治之而已。」〇黄氏曰:「此指己所治之人」 治他,又不是分我底道理 「以衆人望人則易從」是 「須是十分盡得,方始是盡。 此衆人不是説不好底人。」〇永嘉陳氏曰:「衆人之 及其人能改了,便止。 人之身亦具此道,故 與 (他,他 若七分盡得,三分未盡 本有此道 亦是將他共 也。 今人自做,未得衆人 但以人所具之道 如此則不以高 一豪不盡。」〇又 《語録》曰: 理 ,我但因其 有道 理治 道

185

實者。 施諸 而 七里」之違。 欲,便是恕。」違,去也,如《春 以 陳氏曰 地,而今不可不教他恁地,三反五折,便是推己及物。」〇 物,各得所欲。」〇又曰 也是不忠。」○陳氏曰:「忠是就心説,是盡己之心無不真 ·及人物而已。]○又曰:「推己心以及人,要知己心之所 去之之謂 己而不願,亦勿施於人,忠恕之事 推己及人爲恕。 「恕是就待人接物處說,只是推己心之所真實者 也。 言自此至彼,相去 道,即 「知得 《語 我是要恁地,想人亦 其不遠 録 秋傳》「齊 Ĭ. 人者是 「恕者, 不遠,非 師 推 違 也。 要恁 己及 也。 背 穀

慥慥 也。 未能 勉,有餘不敢盡 弟,以事兄未能也,所求乎朋友,先施 君子之道四,丘未能 是也。 氏曰: 違道不遠,轉一 愛人,恕者之事也; 急,愛人則 庸德之行,庸言之謹,有所不足,不敢 爾一一一子、臣 也,所求乎臣,以 「此因恕 《語録》曰: 緩。 而言仁耳。 若拽 過,即仁矣,故張子以仁言。」 弟、 以愛己之心愛人,仁者之事也 轉 言顧 「凡人責人處急,責 友 頭 ,四字絶句 來, 焉 恕是求仁之事,推愛己之心 行,行顧言 事 便自道 君 所求乎子,以 未 理流 能 口處緩, 也 行。一〇 君子 之未 所 愛 胡 求 事 己 不 不 能 平 父 則

求,猶 者, 之行,亦必踐其實,平常之言,亦必致其謹。」德不足而 道 脩 者,皆道之所 ,初不難見,觀其貴於人者而 焉。 踐 其 責 黄氏 也。 實 H 當然 道 謹 一此即 者 不 遠 也,故反之以 人之身而 擇 人,凡己之所 其 三。」庸 可 得治 陳 平 己之道,治 氏 自 日 常 責 以 也 責 而 己之 平 行 自 人

之身而得待人之道,待人之道不必遠求,

觀

其

施

於

己者

而已。」張子所謂「以愛己之心愛人則盡仁」

於人,亦不遠人以爲道之事。

黄氏

曰:「此即己

於人者可見。故己之所不欲

則

勿

以

施

之

己之心度人之心,未嘗

不

司,

則

道之

不

遠

其間。

施諸己

间

不願,亦

勿施諸

人,非

忠者

不能

地。」以

語

録》日

問

:「此只

是恕

何故將

作

忠恕説?」口

. 忠恕兩箇離不得,方忠時,未見得恕,及至恕時,忠行乎

事焉 我、蓋以得於天之所同然者,而自治其身爾 所望於人者,即我所當自盡之則,不是將他 乎 厚 有序,其 語若雜出, 事。三山陳氏曰:「此一章起於道不遠人,至此 不足者將自勉矣。」慥慥 言而顧其行,則言之有餘者將自損;行而顧其言,則行之 山 之至則言顧行矣; 勉 「以責人之心責己則盡道」是 陳氏曰: 而真實也 ,則行益力, 言有餘 則 **贊美之也** 歸 其於處 不 而 「人之言常有餘於行,而其行常不足於言。 過致謹於言行,以盡其實耳。 意脉貫 言君子之言行如 人己之道 通,反復於人己之間者,詳 凡 此皆不遠 行之力則行顧言矣。 兩 ,篤實貌。 盡 而 而無間 訒 ,則謹益 此,豈 也。 愚謂: 矣。」張子 人以爲 苟 愚謂 人 篤實者 道 縪 不 杰 至。 思 理 明 道之 慥 所 而 我 來 而 切 畢。 謂 謹 慥 之 荷 從 而

而隱自存。一下章放此

右第十三章。 前 聖人所 道不遠人者,夫婦 所 援 堯、 不 舜 能, 病博施之類 或疑: 所能,丘 四四 ,則聖人有不能處,若 者乃聖人切身事。 未能一 者, 此 如

> 者,纔 存焉。 遺 能 四 得。」皆費 者,豈真有所 一,或千中 即 謂 處 此類 得 輔氏曰: 不恰好,皆未 也 如博 遺 不能耶?」永嘉 即 而 施濟衆,豈 亦聖 其 人之所行言之,故但及其 所 能 人所病也,豈 盡道 以 真不能 然 陳氏 者 前 日 耶 章 是 則 説 足都做 聖 只此 或 至 人不 百 隱 四 不 中

之,則 離者也 能知 責其 爲以 者,亦道也。 也, 聖人之所不知不 固言之矣。夫婦之所能 道者,不得爲道之全也 或問:「十三章之説,子以爲以人治人, 能行者,人之所切於身而 彼人之道,還治彼人,善矣。 所 無 ,至於天地聖人所不能及,則其 能 乃 知 流 能 然自人而 於姑 行, 息之論, 而 能 引 言,則 耶?」曰: 張 而 知能 子之説 天 而 地 夫 所謂 不 行 可 婦 猶 _ Е 者 又謂 之 有 以 須 臾 所 憾 道 章 之 實

所 者 於有 息,而 反 能 子之事己者如 也?」曰:「夫子之意,蓋 爾 後之序,違 自 其 求 父,則未 之全,亦將 責乎朋友之施 求 之當 如 如 日之所能 卑之序,使其 有 則 乎 所 此 此 漸 責 遽 Ż 也 不堪,而 人 日 有 而 能 欲 膩 之 ; 而 漸 不 緩 所 如 盡 口 反 所 先其 子、 次, 急 盡 急之宜,人之受責者,將 求 此 道 責 以 此,而反求乎己之所 以 者 也,是 乎 道之無 以 也 由 丽 馴 己者如此, 乎弟之事 事 切 臣、弟、 責於 己 ; 是 兄 是 或 致。 於 之所 非 乃 ,則未 而 身 亦 所責乎 日用 窮,則終非 人,吾見 今必 不已焉 行 之 兩失之而已 日 友之 ė 以 遠 不 我之所責 能 而反求乎己 者 之所 事 自 口 以 臣 絶 如 君,則 如 邇 離 一之事 是 其 則 此 句 急矣。 此 者 以 失 爲 升 人 也 後 未 己 事 平 焉 至 先 姑 何 道 高 丽

僕隸之於主,便有臣義。」今或不 間 是以 之所 全是起句意義,一 之心責己。 〇葉氏 所不通,而 父、君、兄、友 諸侯大夫有土者皆稱 責臣之心而反之於我,則其 臣,必欲其忠於我,然不知我之事君者盡 子之心而反推己之所以事父,此 其孝於我,然不知我之所以事父者曾孝否? 之則,具於此矣。 此處主意立文,與《大學》絜矩一章相似, 或以所求于臣 蓋 其 以先 E 不 所 若如 舊 待 施於 以 其義 讀 求 責 舊説 句 四 是 讀之間 之於他, 彼者 彼 以恕己之心恕人,今讀 '而有疑非也,古人君臣字多通 字字 亦 君 當云「所求乎子以事父」。 者 《語録 何 爲 ,其下皆稱 自 直 所 則 絶 則 繫利害如此。」 ₩ E 當 圃 一句,則 責 未 在此矣。I〇 哉 便是則 吾 於 能 臣。 得其讀 「常人貴子,必 之 庸 如 。」《文集》 於文意有 凡卑之於尊 所 言 忠否? 也。 此 人多誤讀。 黄 是 以 庸 也 以 常 以 氏 自 行 而 $\stackrel{>}{\boxminus}$ 以 責 以我 人 我 日 以 用 脩 於 字 責 欲 責

諸説

七

害其 於言 妙 得 若 此 至 所 此 其 雖 動 蓋 引 子 意 ? 而借其 其 以 誠 動 以 矛一盾 此 丽 知 同 深病之。 又引《 Ė 所 名,而 以 爲 者 意之表,則亦足 以 章 無 德 天者,然後 而 「以己及物,忠也,推己及物,恕也,違 觀 之深, 同 矣。 自 天 以 疑 所 之, 一,終不 也。 無 耐 哉! 論 明二 可名之粗以 E 以 曾子之言,蓋指其 及深考乎程子之言,有 息; 語 則 爲此章『違道不遠』之事 爲 知言之至,其 餘 以貫之,則不待盡 其 以 然盡 相 不待推 忠 以 知二者之爲忠恕,其 説 爲 謀 恕者,其心 釋 貫之』之義; 説 雖 得 以 己推己, 『違道不遠』之意 多 而 失 互 明之,學者 己, 牽合不置,學者 自 大 相 미 孰 概 加 發 '見矣。 實 乃 不 萬 能 放 明 忠恕 異。 此 可 物 判 己, 道 默 名 已 然 而 所 此 不遠 推 不 識 之 各 而 之 謂 如 非 洂 章

其所 物仁 忠只是 箇天; 移上 曾子 忠上已全盡 人之忠恕也。 恕是天之人;學者之忠是人之天,學者之恕 也。 妄,恕者所以 論着忠恕名義,自合依子思,『忠恕違 有許 氏 一,學者便 同 把違道不遠之忠恕 也。 也,此 以 日 此與 畢竟忠唤做 所 ,曾子忠恕是天,子思尚是人在。」○黄氏 以聖人去比學者: 恕唤做用 盡 階 説 忠 異者,只是動 多等級分明。二〇又曰: 違 自家心 違 恕 , 説天地之忠恕。 却是 則夫子之一貫, 是 了,不待 道 道 人人道 行乎忠也 曾子 以貫之: 不遠 不遠異 移 便較 體 便是推出 É 也。 推 ,便是近那 者,學者之忠恕也 以 貫 來看 (者, 易 階 愐 天爾。 忠者天道,恕者人道 如 之忠恕,雖 聖人之忠是天之天,聖 自 ,恕是逐 忠者 動以 说聖人之忠 何又説 ,便分曉聖人之忠恕,天 其實只一箇忠恕,須自看 外去了,雖聖人亦有箇 所 然 及 所 謂 未發處 「曾子忠恕與子思忠恕 體 天 物 謂 動 爾。一〇《語 忠是天道、恕是 借學者之事 恕 去做 也 動 以 如如 议 者用,大 天 故 一,動以 恕。 道不遠」是也 天爾 也。」〇 ,便着力。」 〇 難學 所 謂 到程 者,蓋 天者,聖 録》 曰:「今 者 是 本 以 忠者 而 陳 己 人之 人之 子又 達道 亦 日 Ė 氏 及 於 無

道 也 且 不 教 是

輔

七四

則其 往 愈遠 也。 獸 纔 其當然之實,而施 已,根於人心而 今始違之也,亦曰自此而去,以 今始去之也,蓋曰 違穀七里而穀人不知,則非昔已在 不察文義而强爲之説之過也。 固已言之矣。 恕是天道,學者忠恕是人道。」違道不遠, 曾子説「夫子之道忠恕」,乃是説聖人之忠恕。 님: 違穀七里』之違,非背而 不遠 七里 ,以至於道,獨爲不遠; 違 然唯盡己之心而推以及人,可 愐 禽獸 耳。 愈 耳。 》說「忠恕違道不遠」,正是說學者之忠恕 不 近 不遠矣」,非謂昔本禽獸 孟子所云『夜 蓋 諸説 矣。 所 見諸 無不 謂 自 此 於此,多所 道者,當 此 行事,不 所 ·當,不然,則 圃 以 去,以至於穀, 其曰 氣不足以存, 去之之謂 自 然之 待 是 未合, 違者,非 入於 夫齊 忠 觔 如齊 聖人忠 恕 求之 理 以 穀 而 禽 則 面 得 能 圃 圃 而 師 愚 師

一个除不得」。 皆出 氏 : 少。」○陳氏曰: 事,不可作兩箇 非 記 謂 恕之忠,無忠之恕,而 所 案:此乃程子全語。 背 簡除不得。」而謝氏以爲『猶形影』者,案: 則忠之與恕,初 違,乃相去之義,猶言某取某 『事上之道莫若忠,待下之道莫若 哉 重言之,則似亦不爲 IE. 録 而去之之謂 爲 今析爲二事 之或誤,不然 於强爲,而不 「忠恕猶形影也,無忠做恕不出來。」意 忠恕 是於程子他說,殊不相似,意其 "大概忠恕只是一物"就中 看。」〇又曰: 發 也。 也。 案 此則不可曉者。 不 而 川川 相 高語 由乎 程子曰 兩 離 Ш 用 銢 所 無理; 云爾。」程 一陳氏 「忠與恕,不 ,程子 中矣, 豈忠恕之 V F:1 一思恕兩字,要除 時有爲言之,而 以 之,則是果 事 日 ,所謂 忠恕只是 上接 若究其極 子 違 截 ii] 若姑以 非背 又 作 下 相 要除 恕。 有 미 兩片 謂 者 違之 無 見 謝

也

若絶乎人倫,外乎世務,窮其所不可知,議其所不

是誠 以責人之心責己一條,已分入章句。 得 事接物處不 則 之原、忠恕與仁俱生」之語、若未瑩耳 是亦堯舜實病之,欲得人人如此,然安得如此!」〇又 欲至于無窮方爲博施,然安得若是! 底心,便是恕底事; 盡? **沁爲二** ,是實未能。 説,皆深得之,案:張子曰: 不能 一物。 盡能 博 恕,則是在我者必不十分真實。 蓋 ·施濟衆,堯舜實病諸,堯舜之心,其 也。 存諸 道何嘗有盡? 聖人之心,則直欲盡道 做成恕底事,便見忠底心。」張子 中 者既忠,則發出外 聖人人也,人則有限 「所求乎君子之道 脩己以安百姓 但『虚者仁 來便是恕, 一事則 故發出 安 施 能 應 盲 忠

酬酢、應對之末,皆人心之所同然,未有不出於天者養,常存乎君臣、父子、夫婦、朋友之間,不離乎交際、養、完子曰:「處者,仁之原,忠恕者,與仁俱生,禮義案、張子曰:「處者,仁之原,忠恕者,與仁俱生,禮義案、張子曰:「處者,仁之原,忠恕者,與仁俱生,禮義之原,忠恕與仁俱生」之語、若未瑩耳。之原,忠恕與仁俱生』之語、若未瑩耳。

其尺度之則,固 是言也,不敢不行而自棄,故行顧言。」若易之曰 而不行。 不足而不勉,則德有 問、有答、有倡、有和,不越乎此者,庸言也,無易 孝,事君忠,事兄弟,交朋友信,庸德也,必行而已。 事親之道,必至瞽瞍底豫者也。 能盡,人倫之至。 反於吾身,事父、事君、事兄、先施之朋友,皆衆人之所 行,此所以言「違道不遠」者。 己之心以及人者也。 以忠恕而已。 所能行,責其所行,改而後止,不厚望也。 人之道而已。 其則。若夫治己治人之道,於己取之,不必睨視之勞 以貫之,安在其爲道也歟! 可 而自得於此矣。 `及,則有天人之分,內外之别。非 無是行也,不敢苟言以自欺,故言顧行, 忠者,誠有是心而不自欺; 以衆人之所及知,責其所知,以衆人之 不遠 故君子推是心也,其治衆人也,以 則雖聖人亦自謂未能,此舜所 止 忠恕不可謂之道,而道非忠恕不 矣,然柯猶在外,睨而視之,始得 一而不進 執斧之柄, 有餘 其治己也,以求乎人者 庸者、常道也。 所謂. 而盡之,則道難 而求柯於木 大而 其愛人也 恕者,推待 無外,一 而已。 事父 以 有

「用」,原闋,據文淵閣四庫全書《張子全書》補

0

七六

之心 者,誠 聖人之心 者 其所以愛人之道,不遠於我而得之矣。 改即 知者 衆人 爲遠 天下莫能載,其 固皆衆人之所能,而 乎人者,責乎已之所未 至於事 所以治之之則,不遠於彼 之柯 己之道,亦不遠於心 「所謂 1,亦曰 止 八之道 也。 以及人也。 責 則 有是心而 故 不不 其 父、事君、事兄、交友,皆 未 者,猶 執 若夫以 知,以 下, 止 能 · 厚望 純 柯 如 亦 者 在 在 其 小天下莫能破。 不 不自欺也; 焉,則不必 推其誠 其 衆人之身,若以其 必 所 人治人, ie, 而 所 所能 有 執 以 而得之矣。 睨 聖人乃自 之柯 責 能 行 視之勞 道 心 人者 而得之矣。 者責其行 則異於是, ';而不 之體 以及於人,則 恕者,推待 睨視之勞,而 則 其 耳 , 而 用 舜之 謂 所 以 夫 在 其 此 未 四 以 所 所 猶 所 所 忠 大 見 能 者 治 求 蓋 己 人 及 以 伐

隱

則

有

似

於

不

恕耳。

其

日

不

恕,非

若

人之閉於私欲而實有忮害之心也。

謝

則

有

似

於

恕

;

當

其

塞

也

一,天

地

閉

而

賢

之意。 引恥 待推。」但 矣; 日 云,則 有 地 不息,恕譬 爲 〇侯氏日 氏、侯氏 盡之,則 以 塞。 之化,生生不 此 盡 「有所不足,不敢不勉,將以踐言 有餘不敢盡 也。 事 庶 案 躬 故當其 親 程子所 則萬物散 「忠恕 道 所 乎 不 之道, 謝氏 如 其 難 論《 逮 , 恥躬之不逮也, 則其 此 繼 日 無 通 謂 論 也 殊 爲 窮,特以 而 病 然 必 也,天地變化 『天地之不恕』,亦曰 語 性 知此,則可 以天地之理觀之,忠譬 得 不 矣。 至 後 分不 》之忠恕 其 行 乎 屬 文 」,又不若游 同, 夫子 且其 瞽 氣 乎 意 以 機 叟 庸 知 也,則 也。 八言顧 獨獨 闔 日『有 底 聖 者 草 貫之理 闢 人也 豫 常 行矣。」 得 其 案: 木蕃 有 者 則 行 道 一,故 程 餘 氏 矣。 游 流 顧 天 通 子 謝 所 而 之 蓋 不 Щ 言 氏

未遠 將 矣,豈中庸之旨哉! 病 是 因 意、必、固 因人者也,若不因 天地之不恕。」或言: 穆之命也,豈不誤哉 矣,爲天地者,反效其 和 氏 日 天地變化草木蕃,是天地之恕, 人」而然,則 リ則萬 尤 以 彼爲人者,既以忮 不致中, 天地因人之不 人之不恕, 推 多,至 至 明 也」,是則 其 於忘己、忘 我 物 説 一謂 則 有 則 乃謂 其 與天地 道 加 時 天 人,何故 説 老莊之遺 天地何故亦 而 地 恕 有 無 有 天地之有不恕,乃『因 物 不 不 似 有 而 物 未 人能 相 心失 育,是 則 案: 於 時 實 所爲,以 似。一 我 究者。 不恕, 案: 而 游氏 與 有 爲 之 天地閉、 恕 意,而 一游 八天地 有不恕?」曰: 謂 不 不恕之心,則 謝氏舉程子曰: 已 間 丽 曰:「夫道一 氏 位,人不 天 爲 違 則 自 蓋若以 自絶於天 之説 賢 ? 地之氣 遠 道 而 Ē 口。 人隱 人 其於 而 忠 故 天 甚 其 若 猶 恕 是 致 爲 以 有

爲,自 端之説,不但豪 之,然終亦矛 已自 文義 有 以 戒 謂 也。 貫之,無物我之間 用之物,人無 矣。今經文 則遠人,故君子不 背理,又有甚 柯二、故睨 以 盡己 当以 此 爲道者,反爲誤 人不可以 則善爲道者莫近焉,故 知其 理哉! 有 求仁言之, 人爲道 則將以 所 不 有所不 丽 通 如 至 爲 既又曰 盾 馬。 視之,猶 也。 忘己 入道之門,而 ; 此, 則 道 釐之差而已也。 而 而 與道 也。 既曰 則 通, 推 可 無 人 面 使 如 忠恕 『自道言之,則 雖違 而 忠恕 其 恕 所 其 以 經 執 圃 以 三而 以 意 合,是皆 有 説 爲 而 柯 爲 而不遠矣。」楊 復 盡 者莫近 則 又 害於道,是 乃 道 以 日 物 遠 爲 已違 聖人之教 遠 將 一則其 如 伐 則 是 於道」, 則 使 道矣。 彼 將 柯 説 焉 案: 流 而 道 其 以 至忘 以 於 不 既 説 爲 爲 則 違 氏 楊 然 安 異 救 口 則 於 道 經 與 故 又 無 忠

七八

譬也。 不爲已甚也。 君子以人治人,改而 以爲遠,況不能以近取譬乎! 矣,爲道之譬也。 而爲道,與道二矣,道之所以遠。 「仁者人也,合而言之道也。 執柯以伐柯 蓋道一 睨而視之,猶以爲遠,爲道而遠人之 ,其取譬可謂近矣,睨而視之,猶且 咋 而已,仁是也,視天下無 以人治人,仁之也,改 則其違 執柯以伐柯,與柯 道豈嘗離人哉? 道可知矣。 而 物之 止 故 人 君子素其位

説 忠恕莫近焉。 非仁,則道 道言之,則執柯伐柯,猶以爲遠也,自求仁言之,則唯 人德矣。」侯氏固多疎闊,其引顔子樂道之 愚於《論 其 在是矣。 故又言之以示進爲之方,庶乎學者可與 語》已辨之矣。案:侯氏曰:「爲 然則道終不可爲乎? 티 : 自

及。 以 道如言顏子樂道同。至於四者未能之説 天下皆無父子君臣矣,此則諸家皆所不 爲若止謂恕己以及人,則是聖人將使 侯氏曰: 「父子之仁,天性也 ,君臣之義 何 獨 也? 也

> 嗚呼 有不 臣者乎? 己之 ·得其 難 此非 讀 克 侯氏 侕 愐 所 輒 知 調將 之言,於是乎驗矣。」 爲之説 天下皆可 使天下皆無父子君 日 恕 之人 此 君 也。」 子 以

丽

行,不

願乎其外。

氏曰: 素 願 、而 也。 ,猶見在也。 爲其所當爲,無慕乎其外之心也。 因 其 見 在 所 言君子但因 居 之位 丽 行之,其 見在 在 所居之位 外 者, 三山 非 所 陳

狄,行乎夷狄; 素富貴,行乎富貴; 而 不自得焉。 難,去聲 素患難 素貧賤,行 行乎 患難 乎貧 君子 賤; 無 素夷 X

居 貴,如舜之被袗鼓琴是也。❶ 飯糗茹草若將終身是也。 此言素 九夷 曰「君子居之,何陋之有」是 其 位 丽 行 也。 素 陳氏 夷狄,行乎 素貧賤, 日 也。 行乎貧 「素富貴 夷 素患難 狄 賤 如 ,行乎 行 孔 如 舜 乎 子 之 欲 富

乎?

蓋以

責人之心責己,則盡道

也。」蓋近世

果

兄弟

,朋友亦義也,孔子自謂皆未能,

恕己以 亦仁也

及人,則

聖人將使天下

皆

無父子、無君

臣

⁰ 被」,原誤作「彼」,今據四 庫本改

難,如 孔子曰 「天之未喪斯文也,匡 人其如予何」是也。 此説素

蓋 君子無所往而 不自 得 惟爲吾之所當爲而 己。

其位 而行之意。」

於 在 (人則 E 位不陵下,在下位不援上,正己而 無怨。 上不 怨天,下不尤人。 援,平聲。 不求

有? 聖 望 取於人之心,自然無怨。 忽乎下,吾居下位則不攀援於上,惟反自責於己,初 此言不願乎 一,則 人無責望於天之心,無求取於人之意,又何怨尤之 私累,此説不願乎其外之意。 此處見聖人胸中多少灑落明瑩,真如光風霽月 《必怨天,有小取於人,而人不我應,則必歸罪於人。 其外 也。 蓋有大責望於天,而天不副所 陳氏曰:「吾居上位則不陵 無求

去聲。 故君子居易以 俟命,小人行 險 以 徼 幸。 易,

徼 願 易,平地也 而 乎外 行 也。 「行險徽幸,本是連上文『不願乎其外』説,言强生意 求 也 富 貴 幸, 貧 愚謂: 賤, 居易,素位 謂 惟 君子胸中 所 聽 不當 於天之所 甚平易,所居者安,素位 丽 得 行也。 而 命,不願 得 者。 俟命,不 乎 **《**語 外 録 也

智取所不當得。」

身。」正,音征。 子曰:「射有似乎君子, 鵠,工毒反 失諸正鵠,反求諸 其

氏曰:「如射法之有不中,只是自責,恐我步法之或不正 正。一子思引此孔子之言,以結上文之意。 畫 己,不願乎其外之意。」 手法之或不端所致,曾不責之他人。 也。《詩傳》曰:「侯,張布而射之者也。 mi 射之者也。 布 日 正,棲 大射則張皮侯而設鵠,實射則張布侯 皮曰 鵠,皆侯之中, 此以證君子以求諸 正,設的於侯 射 之的 mj 陳

右第十四章。

子思之言也。 凡章首無「子曰 字

疑者 者,當知無天下國家皆非之理 至也。」吕氏説雖不免時有小失,然其大體 問 之理』者,尤爲切至。 十四章之説。 ,而張子所謂 『當 曰:「此 知 ,故學至於不尤人,學之 案: 無 天下 章 張子 文 曰:「責己 或 義 家 無 口

非

或

者放此。

八〇

氏 援上 哉! 彼以 子内 行有不得,亦反求諸身,則德之不進,豈吾憂哉!」游 己而不求於人,如射而已,射之不中,由吾巧之不至 受,俟命者也。 也,故失諸正鵠者,未有不反求諸身。 己力,不得則不能反躬,是所謂怨天者也。 變,心逸日休,行其所無事,如子從父命,無所往 行乎夷狄者也。 言之謹,居易者也。 反其仁,治人不治反其智,此 以道之也。 則脩身見於世,素貧賤行乎貧賤者也,不諂不懾不足 也,不驕不淫不足以道之也。 則 説亦條 皆 則兼善天下,得志則澤加 一不得 其 此在下位所以 平 (富,我以 而 能正其 則非其 正 言忠信,行篤敬,雖蠻貊之邦行矣,素夷狄 暢 慤 若夫行險以徼一 其仁,彼以其爵 志,素患難行乎患難者也。 實 上,是所謂 文王内文明而外柔順,以蒙大難,箕 丽 而 國 不援上也。 存亡、得喪、窮通、好 [有道 有餘 不變塞馬,國無道至死不 尤人者也 在 於民,素富貴行乎 味 窮則獨善其身,不得 ,我以 上位 旦之幸,得之則貪爲 陵下不從則罪其下, 也。 所以不陵下也 一台義 如君子之治己。 案 庸德之行,庸 ,吾何慊平 故君子正 愛人不親 吕 氏 而 富 日 醜 不 志 胄

也。 也。 焉,何願乎外之有? 之思,素其位 學者要當篤信而已。」但楊氏以『反身而 是,故行險以徼幸; 易以俟命,居易未必不得也,故窮通皆好。 之,故能上不怨天,下不尤人。 援上,知貧賤之非約 無古今, 貴,不能然也。 子,被袗衣鼓琴,若固有之,此非素富貴而 身,此非素貧賤 之説 丽 而 示 不自得矣。 道行乎其中,若其素然也。 願乎 至於在上位不陵下,知富貴之非泰 至於夷狄、患難,亦若此而已。 詭 案:楊氏曰: 尤善。 遇 則君子之行道,不以易地 外一, 得 也。 蓋道之在天下,不以易 禽」, 飯糗袗衣,其位雖 案 而 萬 道 則本文之意, 「君子居 游 物皆 行險未必常得也, 也。 行乎貧賤 故能素其位而 亦非 氏日 此惟 I備於 其位,若 『行險 ,不能 舜之飯糗茹草,若將 我,反身而 蓋 ıE 素其位 君子爲能循理,故 不同 己而不求於人者 而 行 道無不行,則無 然也。 固 無無 徼 有 世 初 前 而 也 故 有之,無 加 而 行 入 幸』之謂 未 此道之行 窮 誠 損 有存亡, 者 (而不 在 道行乎富 及其爲 ,樂莫大 及 誠」爲 通皆醜 小人反 故 即 下 自得 出 此 位 無 其 居 能 得 天 不 故 人 位

愐

矣。」侯氏所辨常總『默識』『自得』之説甚 行險以徼幸者, 而 射而失正鵠者、未能審固也、知射者、豈他求哉? 反 直,然後持弓矢審固 似乎君子者、射以容節、比於禮樂爲善、内志正 也。 命者也。 求諸身,以正吾志而已,此君子居易之道也。 居易以俟命,行其所無事也; 詭 遇 而 得禽者,蓋有焉,君子不爲也。 有失焉,益思所以詭遇也,則異於是 持弓矢審固,然後 行險以徼幸,不受 可以言 外體 世之 射有 中。

指意 所 識之是默識 今人見筆墨,須謂之筆墨,見人須謂之人,不須問 人不自得,更理會甚識甚得之事? 吾儒語爲釋氏用,在吾儒爲不成説話。 甚?」或者無以對。侯氏曰:「是不識吾儒之道,猶 是識箇甚? 案:常總賞問二士人曰:「《論語》云『默而識之」,識 ,是自得也 以自爲説者,却有未善。 乖 刺 也。 子思言『君子無人不自得』,得是得箇 , 豈 如 пĵ 聖賢於道猶是也,庸言之信,庸行之 此 ·名爲所得所識之事乎?」但侯氏 類者多矣。 若日 是不成説 甚 既曰默識與 可笑 | 識者 話 默 也 知 也。 而 無 以

> 其理之如 丽 E 則 豈 此 不 而 明 已,得者 白 真 實,而 無 所不足於吾 足 以服 其 心

心乎!

卑。辟、譬同。君子之道,辟如行遠必自邇,辟如登高必自

《詩》作湛,亦音耽。樂,音洛。樂且耽;宜爾室家,樂爾妻帑。」好,去聲。耽,詩曰:「妻子好合,如鼓瑟琴;兄弟既翕,和詩曰:「妻子好合,如鼓瑟琴;兄弟既翕,和

當。

近世

佛者,妄以吾言傳著其説,而

翕,亦合也。耽,亦樂也。帑,子孫也。《詩·小雅·常棣》之篇。鼓瑟琴,和也

子曰:「父母其順矣乎!」

之意。《詩》及此語,以明行遠自邇,登高自卑《詩》及此語,以明行遠自邇,登高自卑於兄弟如此,則父母其安樂之矣。子思引夫子誦此詩而贊之曰:人能和於妻子,宜

右第

十五章。

. 或問十五章之説。曰:「章首二句,承上

矣。」案: 以 諸 事 序 親,不可以爲子。 章 章 説 以明之,非以二句之義爲止於此也 也。 而 首 言 唯 吕 其下引《詩》與夫子之言,乃指 一言發 吕氏曰:「不得乎親,不可以爲人,不順乎 道 氏 雖 爲詳實,然亦不 故君子之道,莫大乎孝,孝之本,莫 無 明 所 引《 不在,而 詩》之意, 其 察此, 進之 則 失之 而 則 有 反

弟,則治家之道必自妻子始。]〇三山 也。 莫大乎順其親者也。 自 通,登 (身不行道,不行於妻子,文王刑于寡妻,至於兄 高自 鬼,凡 君 自 子之道,其推 :邇自卑者,謂本乎妻子兄弟者 行之序皆然。 陳氏日 「行遠 命

失其好,兄弟不失其和。室家宜之,妻帑樂之,致家道

,然後可以養父母之志而

無違。

行

遠登高者

,謂孝

大乎順父母。

故仁人孝子,欲順乎親,必先乎妻子不

子曰 鬼神之爲德 其 盛矣乎

庸

睾

詩以明之,特

指一

事而言耳。

或者以

行遠

一登高

順

父母

以

自邇自卑辟

和妻子,則泥矣。

程 子曰:「鬼神,天地之功用,《語録》曰 「功用

者爲鬼、語

録

₩ El

_

氣即

陰

陽運行之氣,

至則

皆

活爾。」

以

氣言

則

至

而

伸

者

爲

神,

反

面

歸

神。 祈之而獲,此 或有或無、或去或來、或聚或散者。 露雷,日月晝夜,此鬼神之迹也,此是白日公平正直 鬼屬陰,往者屈 日 : 秋收冬藏,皆鬼神之功用。」而: 兼精粗而言,天地是體,鬼神是用。]○又曰 論發見者。」〇又曰:「如寒來暑往 L 精粗· 「鬼神是天地間造化,只箇 若所謂「有嘯于梁」、「觸吾躬」,此則所謂不正 小大之不同耳。」〇陳氏曰: 亦所謂鬼神,同 ·來者伸,便有箇迹恁地。」〇又曰 造化之迹也。」《語録 理 也。 「鬼神者 日 屈伸 造化之迹 又有所謂儔之而 往月來,春 世 :往來。 一間萬事皆 ,以陰陽流 「功用 1,二氣 生 一夏長 1此理 邪 屬 雨 只 暗 風 是

有 神者陽之靈 其靈處。」愚謂 但 然,非有安排措置。1〇又日 之良能也。」《語録》曰"「是説往來屈伸,乃理之自 行著見於天地者言之。」張子曰 所屬。」○陳氏曰: 也。 以 《語録》曰: 靈云者,只 氣言, 二氣 則 是自 「一氣 鬼 凯 然 者陰之靈 陰陽也 ,謂陰陽對峙,各 屈 伸, 往 良 來 (能,是 恁 地

視之而

弗見

聽之而

弗聞

體

物

圃

不

可遺。

《 語 之正 陳氏 不聞 神。 便有功效,有 自 認 神視之而 良 服 者。」其實 伸 爲神,秋冬是氣之已退,屬陰爲鬼。]○又曰: 屈 亦 至 氣之已屈 取 能 以 也 之氣,亦有 有日月之性情功效,風雷自有風雷之性情 有伸有 ,去則皆去之謂也。 1〇又曰: 録 日 其 否? 面屬陽,覆手則屬陰。」爲德,猶言性情功 天地人物皆然,不離此氣之往來屈伸合散而已。| 〇 ,是情性。 ,伸是氣之方長者; 承祭祀,便是功效。1〇又曰: $\stackrel{>}{\boxminus}$ 德。]〇黄氏 「自一氣言之,則氣之方伸而來者屬陽,爲神, 不見,聽之而不聞,人須是於那良能 丽 所謂 性 往 温有 其 功 物 者屬陰, 體物 情 ·功效者,莫便是天地之功用否?」曰 效便有性情 方伸者, 乃 丽 伸,其既屈者,鬼之鬼,其來格者,鬼之 日 而 鬼神之情 른 不可 爲 ,神之神,其 性情功效 鬼之爲言歸 鬼。 陳氏曰: `遺、是功效。」○問:「有 ,所謂性情者,莫便是二氣之 狀,能使天下之人齊明盛 如春夏是氣之方長,屬陽 以以 「視之而不見,聽之而 ,只是造化之迹 既 「其實則一 氣言,則方伸之氣, 也,歸 屈者,神之鬼。 动效。」 是氣之已退 神之爲言 與功 物,如 日 甮 性情 效。 鬼 既 手 月 E

> 是物,鬼神之德,所以爲物之體而 體,而無物能遺之也。]〇《語録》曰 之聚散始終,無非二氣之往來伸屈 來,須有 徧體乎萬物之中,物莫能遺。」○又曰: 息變化,無 也。《文集》曰:「天地之升降,日 散之所 鬼 體物是與物爲體 物,猶《易》所謂 神 無 此氣, 爲,是其 形 非鬼 與聲, 方有此物,是爲物之體 ,幹事是與事爲幹。」 神之所爲者。 幹 爲 然物 事。 物之體 之終 語 是 録 不可遺 始, ,是鬼神之德,爲物 以 月之盈 丽 「有是實理,而 E 鬼 也。」〇又曰: 莫 物 神 鬼神者 也。」其言體 縮 體 雖 所 非 無形 幹是主 萬物之消 不 陰 ,氣之往 能 陽 後 物物 遺 之 而 有

使天下之人齊明盛服,以承祭祀。洋洋乎!

如在其上,如在其左右。

齊,側皆反

其心。」洋洋,流 承,而發 之不齊,以 齊之爲言齊也,所 易本義》曰: 至於齊。明 見 「湛然純 昭 著 動 充 如 ´; 猶 之謂齊。」〇陳氏曰: 此 滿之意。 以 齊不 潔 乃其 也 齊 體 能 陳 而 物 使 氏 致 日 而 人 其 「齊其思 畏敬 不 一是 齊 可 明 也 遺 奉 潔 慮

敬,則 之驗 陽之發 此 也。 見 理 昭 昭 陳氏 處 日 流 蓋 動充 體 言 物 滿於上下左 鬼神之德無所 뻬 不遺之驗也。」 右間,此 不 在, 是 能 子 鬼神 奉 承 : 陰 畏

著

孔

日

是衮然底 使人精 焄 日 其 蒿 氣 如鬼神之露光處,是昭明; 氣之感觸人者; 神竦然,是悽愴。|○又曰: 發 也,神 ,悽愴是凛然底。」○又曰: 揚 于 上,爲 之著也。」 悽愴如《漢書》 昭 明 正 八煮蒿 其 昭 氣 謂 昭)所謂 明是光耀底, 蒸上 此 明乃光景之屬 悽 神 爾。 處, 愴。 君至,其 是 焄 語 此 焄 蒿 録 百 風 蒿

度,待洛反。射,音亦。 詩 曰 『神之格思,不可度思 詩作斁 矧 可 射思

颯

然」之意。」〇又曰:

「煮蒿是鬼神精

氣交感

神明之來,視不見 也 而 不敬乎?」思 射 大雅 厭 也,言厭怠而 語語 聽 抑》之篇。 辭 不 聞 皆 不 不 可得 格, 敬 而 也 來 測 也。 度, 陳 氏日 矧 矧 п] 厭 一言 況 射

夫微之顯 誠 者,真實無妄之謂。 誠 之不 可 揜 如 陳氏日 此 夫。」夫,音扶 「誠字後世都説 差

> 非實 兩字, 所 理雖隱微 有 合散,無非實者。」〇又曰 也。」〇又曰:「鬼神是實有者,屈是實屈 曰:「鬼神只 了,到程子方云『無妄之謂』,誠字義 以發見之不可揜 此氣,便有此理,既有此理,必有此氣。」○陳氏曰 者。 日『真實無妄之謂』, 而甚顯 是氣之屈伸,其德則天命 故 其 以 如 發見之不 陰陽之往 此。 尤見分曉。 鬼神皆是實 來屈 可 伸 揜 始 皆 陰 明。 之實 如 1是真 理 ,伸是實 陽合散 此 處 至朱子 理, 發見 實 伸 而 所 無 文 又增 故 屈 謂 此 無 未 伸 誠

右第十六章

矣。 而 而 也。」〇愚謂: 見不聞, 章,兼費隱、包大小而言。 此 不見不聞 道 行, 後三章,以其費之大者 無 此前 不 百行 此 在,此費之小者也。 正 遠 三章 指 此前三 隱 自 隱 邇 處 也 章, 者,言 以 如 其 體 日 前 日 後 費 「道不遠 物 此 用 章, 之小 如 後三 之間 而言。 《語録》曰:「不 只 在 章,曰 舉 者 事 費 則 雖 而 以 此 亦 至近 舜大 素位 明 費 隱

也。 孝」, 體 雖 **险物如** 此 近 日 ||文王 在 章曰「不見」「不聞」者 而 , 所 推 謂 上之則放 無憂」, 隱 者 亦未嘗 日 乎 「武王、 至 遠 不 即 而 昭 周公達 無窮, 其 著 體之隱 此 此 孝」者 則 費之大 兼 · 而 費 言 又 隱 道

包

小大而言

也

其 意 字發用之迹顯 散。」程子、張子 日 則 也 録 精 明 神 或 義》之篇,其 眼 聽 中 矣。 問問 又 Ĭ: 之義, 明者爲 聰 體 耳 矣 。) 廣, 能 之精 精 也 其以 聽 П 眼 鬼神之説 者 血 而 鼻之嘘吸,以 陳 明 孔子所以告宰予 魄 之光 便 耗 然可見者言之,張子亦言二氣自 氏 天 何 是。 蓋 則 口 説 日 故以 爲 耳 地 更以陰 鼻之嘘 已詳 魄。 指 瞶 如 「鬼神之義甚博 萬 Щ 矣。 老 血 言? 其 物 耳 氣言也。 人耳 ·, 體 氣之類 氣 詳 之 陽 而 吸 爲 醫家以耳屬腎 重 奈 也 《者爲 屈 造化爲 鄭氏釋之, 魂 目 目 何? 何以 伸 者 唇 Ĺ [之精 以 程 往 魂,耳 爲 爲耳 明之。 便 見於 子 來, 説 魄。二〇 明 是 E 就 之魄?」 以 魄 1然能 陰 皆 自 亦 則 陽 漸 血 血 問 在 其 之 E 鬼 如 更 盛 語 Ħ

乎

合便成 則 者 此。 地,而 此, 升上,落是魄之降下。」若又以 鬼 0 物,何物 爲變,則 魂 出 爲神 合 魄 曰 神情 陽。)陳氏 一所謂 「,亦以 來 爲 爲 大綱只是 魂 則 者方伸 人死矣。《易大傳 魄 鬼。 變, 語録 狀,大槩不過 魂 日 人, 魄 魂升,下體漸冷,所謂魄降 如 而 氣 遊 火,魄 其 散 無 降 魄 氣 凝 故 $\stackrel{>}{\exists}$ 陰 往 鬼 m 便是 八升降 降, 語 爲 魂 精 神。 死 知 來屈伸之謂 而 録 如 陽 「精氣爲物、精與氣合而生 鬼。 散 聚 Ţ, 魂 鬼 水。二 爲神 氣 如 遊 順 爲言 曰 (魄降 而 神 精 此。 魂爲 爲變,乃鬼之歸 聚 語 有 之情 便 是 問 而 矣。」〇又曰 耳。 耳。」蓋 是 録 往者 而 生, 變,魂遊 所 生物 以 魄 $\stackrel{>}{\mathbb{H}}$ 謂 其 其 書 陰 魂 狀』者, 陳 『精氣 乃神 魂歸 魄 既 到 氏 往 》所 陽 在 陽 則魄 天 得 如 曰 屈 來 也 地陰陽之氣交 魂 判 人 之伸 精 將 何 于天 謂 而 之降 而 者言之, 死 也 徂 爲 是 正 氣聚 者。 則 爲鬼。 屬 也 徂 物 神 魄 熱 是魂之 可 平陰 以 魂 陰 陽? 知。 游 降于 而 丽 游 明 陽 陰 升 爲 魂

言, 不動 備。 題目 陳氏曰: 之動,又必見於聲色舉動之間,人乘間以知之,則感之 微,無不通於一氣,故人有是心,雖自謂隱微,心 案:謝氏日 題 覺,熟體而 之始,及少長壯老之變,喜怒哀樂,起居動 寒暑,若榮謝 之,葉氏曰:「學者先看天地二氣之屈伸,若朝暮,若 屬陰爲鬼。 著者也。」但 何 氣之運,故 ? 目 亦各 ",動則 入思 曰 : 「氣之伸與來處 吕氏曰:「鬼神者、 問已感於氣矣。 思 精察之,無餘蘊矣。」如 議 得 蓋本上下氣耳 改本 這 ,大綱已明,却 始 議 其 陽 吕 得 箇便是天地間 氏推 主 義 有『所屈 者 講 伸, 焉。 説 ·; 則 不 ,屬陽爲神,氣之屈與 本 。」蓋二氣之分, 陰主 庶 鬼神安有不見乎? 濟 反驗之一身,自父母 張 學 事。 者不亡 一氣之往來爾。 乎有以 者熟 妙 子之説 屈, ~用,須 謝 日 : 氏 玩 而 識 是將來做箇 一句,案: 尤 所 点息, 畫 諸 蜡 之矣。 而 謂 物感雖 爲 説 精 綜 實 往 未嘗 一夜夢 其 成 詳 處 察 以 如 做 心 育

其游 牛。 涸 元。 須假 斷 生生之理、自然不息、如 屈伸往來只是理,不必將既屈之氣,復爲方伸之氣 以爲造化。 化,自然生生不窮,更何復資於既斃之形、既返之氣 伸之氣,必資於此,則殊與天地之化不相似。 死,有始便有終。」〇又曰:「若謂既返之氣 身,百理皆具。 之氣』者,其 録 是説,案:張子曰:「形聚爲物,形潰反 無息。」乃形潰反原之意。 續,陽已復生。 学中 及陰盛而生,亦不是將已涸之氣去生水 吸復 天之氣,亦自然生生不 往來屈伸,只 魂爲變歟?」而 所 入以 謂 近取諸身,其開闔往來,見之鼻息,然不必 為呼 一不 屈伸往來之義,只於鼻息之間見之。 類可考也。 是理也,盛則便有衰 物極必返,其理須如此,有生便有 必 ,氣則自 程 以 《復》言『七日來復』,其間元 子 既 !然生。 窮。 數 反 案 辨 至如 之 張子他 人氣之生,生 程子曰:「近取諸 其 氣 海 非 復 原。 水因 0 復將 爲 書 反原 陽 天地之 自然能 方 東 亦 有 一於真 盛 爲 者 伸 見 有 方 而

吕氏

日

往者屈

也,來者伸也,所屈者不亡,所伸者

其

歸

E, 者。 伸往 年又復來生這枝上。」游、楊之説,皆有不 盆水裏,除了這盆水,這影便無了,豈是這月飛上 不是自彼來 畢竟無歸,這 聖人所爲,神明之也。」○《語録》曰: 之說,而非理之本然也。」謝氏説則善矣,但 不神矣。 之,故其鬼不神。 不息,神也,摧仆歸根,鬼也。 方伸之氣,則是天地間只有許多氣來來去去,是 氣方生; 那 崱 月。 便有 顧不盛 來者,理 動而不已,其神乎! 將來舍 知死而致生之,不智, 生生之理 又如這花落,便無這花了,豈是歸去那 來。」〇 游 似 敷 m 也。 氏 箇何曾動? 入此,亦不是自往而復歸。 亦 則 日)愚謂: 是神之格思也,若正心以度之,則 夫欲 何也? 微 往 ,自然不窮。 道 而 有 知鬼神之德者,反求諸 屈者,其氣已散 屈 無不 反原之累 伸 此性只是天地之性,當初亦 人以爲神則神,以爲不神則 滯而有迹,其鬼乎! 往 在,鬼神具道之妙 致生之,故其鬼神,致 來者, 知死而致死之,不仁。 若謂以 「歸根本老氏語 氣 耳。 既屈之氣復 也。 來而伸 如月影在這 案 其 其 所 角 可 裹 者 一輪迴 天去 謝 心 往 以 曉 歸 明 其 而 死 氏 爲 來 屈

日

往

别爲 盛者 不可 楊氏 揜。 如此 聞 之乎 其 之德之盛 矣,所 不可揜 鬼神之德,則 也。」侯氏 知其於是理之實, 無 何顯之有? 德 不在!一語近是,而 不可 「鬼神體物 揜如此。 曰:「鬼神之德 微之顯者,其理 ,以其誠之不可揜 謂 爲二物,而以 鬼神之德也。 ,蓋以其 所謂 射 不 如 可 曰:『鬼神,形 ,故如 如 如 此」,則是以 不 度 夫不誠 知此 思 미 m (誠耳, 下文所云,而結之曰『誠 誠也。」案: 在 射 也。 不 也,誠之不可 其 可遺 其知鬼神矣。」 唯 思 則 也 上,如在其 也。 正心度之猶不可 誠 無物,所 形而上下言之,乍讀 果 非 今侯氏乃析 而已, 蓋其 誠則 不 如 以 以 爲 而 Щ 誠 其 誠 妙 何 謂 物物皆彰矣,故 揜 度, 鬼 經文本贊鬼 左 下者, 體 無幽明之間 唯 萬 也? 他語考之,不 自爲一物, 右 以 神之德所 故視不見 物 物 一妙 也。 其德言也。」〇 而 ,又況得 ൬ 非 鬼神 不 案: 夫微 無 萬 п∫ 誠 不 物 遺 楊氏 心之願 聽 也 在 故其 不 耐 者 與 以 神 丽 而 故 П 不 忘

尚

之體 氣先 如可 做賓,方看得出是鬼神去體那箇物,鬼神却是主也。」 此物了,又不能違乎鬼神也。 時,便有此鬼神,凡是有這鬼神了,方有此物,及至 之體,而物 成説中庸形 而下者,鬼神之德爲形而上者。 也。○《語録 謂之器。」鬼神亦器也,形而下者也,學者心得之可 神之德,誠也。 謂此類也夫!」案:侯氏曰:「只是鬼神, 之物,莫非 之遠矣。 子之以幹事明 ,猶木之有幹,必先有此,而後枝葉有 經不曰鬼神,而曰「鬼神之爲德,其盛矣乎」」鬼 ,則物先乎氣,必曰體物,然後 '喜者,而細以經文事理求之,則失 乎物而 而 程子 **B** 無不待是而有者。 下 鬼神之所爲也,故鬼神爲物 《易》曰: 言順 -者,中 「侯氏解鬼神之爲德,謂鬼神爲形 ,所謂『只好隔壁聽』者,其 體物,何也?」曰:「天下 耳。 庸 「形而上者謂之道,形而 之德 《語 體物 為形 録》曰: 且如中庸之爲德,不 將鬼神做 而 上者?一曰: 然日 「不是有此 È 見其 爲 非 下者 將 物 物 有 物 誠

子,富有四海之内,宗廟饗之,子孫保之。與,子曰:「舜其大孝也與! 德爲聖人,尊爲天所附而生焉,貞之幹事,亦猶是也。」

故大德必得其位,必得其禄,必得其名,必得子孫,謂虞思、陳胡公之屬。

平聲。

舜年百有十歲。

之,傾者覆之。 故天之生物,必因其材而篤焉。故栽者培

接? 德而受福,而以氣爲言者何?」曰:「道理是如此,亦非定 長,若已危殆,則生氣流散,而不復相湊矣。]○問: 氣湊泊他,他若已傾倒,則 些子。」栽,植 遊散則覆。 材,質也。篤,厚也。 如 人疾病,此 也。 《語録》曰 自有 氣至 生 氣 生氣無所附着,從何 「物若扶植種在土 圃 《語録》曰 則 滋 藥力之氣依 息爲 培 是因 之而 中,自然生 材 氣 處 丽 生 一上言 反 來 意 加 圃 相 厚

有箇物常扶助他,若是敗時,自節節恁地消磨將去,恰似定有箇物使之然。若是成時,自節節恁地長將去,恰似

有箇物來推倒他。道理都如此。」

人,受禄于天,保佑命之,自天申之!』《詩》曰:『嘉樂君子,憲憲令德! 宜民宜

《詩·大雅·假樂》之篇。假,當依此作

嘉。憲,當依《詩》作顯。申,重也。

安命者, 爱天命爲故大德者必受命。」

受命者,受天命爲天子也。

右第十七章。

矣。後二章亦此意。 之用廣也。而其所以然者,則爲體微此由庸行之常,推之以極其至,見道

之命。天之報應,皆如影響,得其報者,是常理也,不也。必受命,是得其應也。命者,是天之付與,如命令氏之説備矣。案:程子曰:「知天命,是達天理或問十七章之説。曰:「程子、張子、吕或問十七章之説。曰:「程子、張子、吕

以移之,此大德所以必受命。」楊氏所辨孔子不 培之之義與。| ○又曰: 保佑之,申之以受天命,此大德所以必受命,是亦栽者 令德,而又有宜民宜人之大功,此宜受天禄矣。 焉, 裁者培之, 傾者覆之者也。 古之君子, 既有憲憲之 人事,則得道者多助,失道者寡助,是皆因其 必盛茂, 植之不固者, 震風凌雨, 則其本先撥。 莫非因其所自取也。 故論死生,則曰有命,以言其氣也, 性天命,命天德。 勝氣,性命於氣,德勝其氣,性命於德。 可易者,唯有德者能之。 人事至矣,天命申矣。天之萬物,其所以爲吉凶之報 天,以言其理也。 永命,常人之至於聖賢,皆此道也。」〇張子曰:「德不 以淺狹之見求之,便爲差至。❶ 得其報者,非常理 「天命之所屬,莫踰於大德,至于禄位名壽之皆極,則 也。 此大德所以必受命。]〇吕氏曰: 氣之不可變者,獨死生脩夭而 植之固者,加雨露之養,則其末 然而細推之,則須有報應,但人 「命雖不易,惟至誠不息,亦足 如修養之引年,世祚之祈天 天命不可易也 語富貴,則曰 窮理盡性,則 材 故天 至于 而 篤 在

「至」,文淵閣四庫全書《中庸輯略》作「誤」。

0

常也。 之間 所能 性 常 之。 所謂不亡者,果 反 聃之言,以爲顏子雖夭,而不亡者存,則 楊氏乃忘其所以論孔子之意,而更援 顔、跖壽夭之不齊,則亦不得其常而 者,後天而奉天時也。 而天弗違也。 侯氏曰:「舜,匹夫也 然也,豈 也,雖其 受命之意, 」, 則 「, 則 《爲衍説,而非吾儒之所宜言矣。 而 專 得其常者,舜也,不得其常者,孔子也。」至於 是 孔子 尤 是古今聖愚 足 雨露之滋, 7,若日 楊氏 怪哉!」而 物 非 孔子亦匹夫也,亦德爲聖人也,而 ·不得其常者,尤 而 所 則 曰:「孔子當衰周 氣散 亦程 不化之意,猶 以 而牛羊斧斤相尋於其上 · 而 何 語 必得者,理之常也,不得者,非 侯氏所 而其精 有天下,此所謂必得者, 物 公共之物, 顔子 子所謂 哉? 也。 之時 推 神魂 若 明 非 以 有滯 案: 猶之生 常理 白 日天 丽 謂 魄 ,則其濯 也 楊氏 於 非 舜 猶 且其 介命之 作 者 冥 得 有 顔 E 不得 先天 日 案 其 漠 存 子 老 其 盡 地

> 以適丁 矣。 固已培之矣,孟子所謂天爵者也,何歉於人爵 非謂如孔子者也,孔子德爲聖人,其名與禄壽孰禦焉 者,培之耶? 生物,必 所不能 孔子之所以爲栽者也。 能識之?侯氏所謂孔子不得其常者, 假復爲 也、壽也,則天之所當以 不免有自相矛盾處。 壽。』顏雖夭而 顔 無憂者其 跖 然又以 之夭壽不 因其 異説以汩之哉 及爾,是亦所謂 氣數之衰,是以 材 覆之耶? 不亡者猶在也,非夫知性知天者,其 而篤馬,栽者培之,傾者覆之,如孔子 爲天於孔 ·齊, 惟 文王乎! 何 也? 何其窮也? 蓋德爲聖人者,固 子,固 老子曰:「死 雖欲培之,而 不得其常者,何 培乎孔 案 至於禄 以 E : 侯氏曰:「天之 E E 培 季爲父 子者 培之覆之 丽 也、 之, 不 Ė 位 有 則 而 E

子 以 武王 E : 一爲子,父作之,子述之。

蓋其所作,亦積功累仁之事也。 此言文王之事。《書》言「王季其 《語 勤王家」, 録》日

「自公劉、大王積功累仁,至文王適當天運恰好處。」

四海之内。宗廟饗之、子孫保之。大、音泰、天下、身不失天下之顯名。尊爲天子、富有武王纘大王、王季、文王之緒。壹戎衣而有

下同。

業也。我衣,甲胃之屬。壹戌衣,《武成》 有爲王之基矣。」《詩》云:「大王肇基王迹。」三山陳氏 日:「周家之業,自大王遷岐,從如歸市,是時人心天意已 日:「周家之業,自大王遷岐,從如歸市,是時人心天意已 日:「周家之業,自大王遷岐,從如歸市,是時人心天意已 時,「是正之基矣。」《詩》云:「至于大王,實始翦 商。」《詩傳》曰:「翦,斷也。」○蔡氏曰:「大王雖未始有 方爲王之基矣。」《詩》云:「至于大王,實始翦 京商之志,然大王始得民心,王業之成,實基於此。」緒,

武王末受命,周公成文武之德,追王大王、王辭者。」 一環戎衣,以有天下。此蓋天命人心之極,不得而一環戎衣,以有天下。此蓋天命人心之極,不得而

文,言一著戎

衣以

伐紂

也。

山陳氏曰

武王

季,上祀先公以天子之禮。斯禮也,達乎諸

天子,父母之喪無貴賤一也。」追E之王,去聲。 祭以大夫。期之喪達乎大夫,三年之喪達乎大夫,祭以士。父爲士,子爲大夫,葬以士,侯大夫,及士庶人。父爲大夫,子爲士,葬以

上,雖 此言周公之事。 之禮祀之。 服,雖上祀先公以天子之禮,然不敢以天子之服 家載:祀先王,服衮冕,祀先公,服鷩冕。 大王之父也。 也。」先公,組紺以上,至后稷也。 方行其事,如今奉上册寶之類。 追王。1曰:"武王之時,恐只是唤呼作王,至周 文武之意,以及乎王迹之所起也。《語 公,但鷩冕七旒十二玉,與諸侯不同。]○愚謂 王、王季之意,以及於無 曰:"「問:"「牧野之奠,追王太王、王季、文王,疑武 追王 所不及,然又欲推大正、王季之意 制爲禮法,以及天下,使葬用死者 上祀先公以天子之禮,又推 末,猶老也。追王,蓋 窮也。 然無 П 《語 證, 姑闕之可 鷩冕,諸 愚按: 銢 故以 公制禮樂 組 脇 E 組絀 天子 組以 其先 侯之 一時已 一禮 大 推

之爵、祭用生者之禄。喪服自期以下,諸

時食。

右第十八章。

故曰大。武王、周公之孝,天下稱之無異辭,故曰達。」猶一人私謂之孝也。」○真氏曰:「舜之孝,如天之不可名,天下之人通謂之孝,陳氏曰:「通天下皆稱之,非子曰:「武王、周公,其達孝矣乎!

天下,而周公成文武之德以追崇其先祖,上章言武王纘大王、王季、文王之緒以有夫孝者,善繼人之志,善述人之事者也。

訓,三皇五帝之書

,訓誥亦在焉。

文武之訓,亦曰

1大訓

天球、河圖之屬

也。

蔡氏曰:「赤刀、赤

削

孟子之言「達尊」也。

春秋脩其祖廟,陳其宗器,設其裳衣,薦其祭祀之禮,通于上下者言之。

器,先世所藏之重器,若周之赤刀、大訓 二廟、官師一 堂寢室,勝如所居之宮,非如今人,但以二室爲之。」字 廟,亦不可謂之僭。 及祖矣。 又曰:「官師,諸有司之長也,只是一廟,祭得父母,更不 夫三廟,一昭 祖之廟而七。諸侯大夫士,降殺以兩,而祭法又有適 人家,亦祭三代,如此却是違禮?」曰:"『雖祭三代,却無 ○《語録》曰:「適士二廟,即祭祖祭禰,皆不及高曾。大 師一。《文集》曰:「王制:天子七廟,三昭三穆,與大 祖廟:天子七,諸侯五,大夫三,適士二,官 位卑則流澤淺,其理自然如此。 廟之文,大抵士無大祖,而皆及其祖考也。」 穆,與大祖廟而三,大夫亦有始封者。」〇 占之所謂 廟者,其體 面甚大,皆是門 問:「今雖士庶 +

肥,故 諸神, 也。 服 球 有 也,祭以授尸,所以依神也。 者、易大傳 一六位北,二七位 其 ,祭則設之以 愚謂 球也 用之於春。 蓋 物, 以 、玉磬名。 生 沙所謂 如 四 事 時之食,各有其 春行羔、豚、膳、膏、香之類 之也。 香,謂牛 河 泛授尸 出 南,二八位 河 圖是 羔,稚羊 一圖,伏 育也 也。 也。 時 (物,以 。」裳衣 羲 東,四 調調 也, 愚謂: 食, 時 膳之時,各以 龍 豚, 其 元 馬 四 所以奉諸 如守 稚 先 負圖 位 時之食, 豕 西,五十 祖 祧 也 出 之遺 所藏者是 於河 人者 物之所 物 嫩 位 是 各 衣 薦 中 所 面

賤 也; 宗 也; 則子 序。《文集》曰: 宗廟之次: 廟之禮,所以 禮 序事 》所 姓、兄弟、群 謂 燕毛,所以序齒也。 ,所 與 以 昭 左爲昭,右爲穆, 辨賢 協 序 昭穆之次既 穆 昭 昭 與 也; 穆 入穆齒者是也。」**有** 也; 群 旅 穆咸 定, 酬 序爵 昭 則 下爲上 如字。 在 而 其 所 子 而 子 事 孫 以辨 不失其倫 孫 爲 亦以 所 於 亦 去聲 太 以爲 以 貴 爲 廟 序。 逮 賤

> 酬。 焉。 至 搋 以 奠於席前 逮及 長 旅酬 祝 賓,賓飲畢,即 酢賓,便是受胙 未竟。 又問: 祭事已畢否? 曰:「其大節目則亦了,亦尚 序生者之昭 生者之昭穆 主人酌 一賤者 |遞相 其家臣 而 有 其主人又自飲者,是導賓使飲 愚謂 衆相 賤 之禮,賓弟子、兄弟之子各舉 司 也。」燕毛,祭畢 承, 以獻賓、賓酢 之 或鄉 者 至 獻及於沃盥者 穆。 也。 酬。 左 一旅時 「,使 職 以觶授于執事者,執事 「想在飲福受胙之後?」曰 吏之屬,大夫則 昭右 , 胙與酢字, 古通用。」〇又曰: 事 宗 爵、公、侯、卿、大夫 亦不舉,又自别舉爵。 亦 蓋宗廟之中以有事爲 也。 廟之禮,非 穆者,死 得 主人 以 而 旅,衆 m 日 止 申 者之昭穆 燕 焉。 酢,主又 特序 有 其 鄉 也。 則 沃 敬 也。 死者之昭 吏。 以 盥 者 也。 也。 自 問: 則以 酬 謂 賓受之却不 毛髮之色别 飲 也 執 群 語 導 人 固 而 有零碎 「行旅 獻 穆 盥 昭 、
> 先
> 舉 解於: 「旅酬 復 是。 於其 ′′, 洗 録》日 (榮,故 群 飲 事 飲 之事 酬 穆 古人 宗 觶 所以 禮 賓 巾 者 其 數 獻

便

而

和

長幼

,爲坐次也。

齒,年數

也。

語

録

₩ E

踐其位,行其禮,奏其樂,敬其所尊,愛其所時,擇一人爲上賓,不與衆賓齒,餘者皆序齒。]

親,事死如事生,事亡如事存,孝之至也。

庶也。 踐,猶 之意也 皆指先王也。 文王而言。」所尊所 履 始死謂之死,既葬則 也。 其,指先王也。 此結上文兩節 親,先王之祖考、子 日反而 葉氏曰:「其字指 ,皆繼志述事 孫、臣 È 馬,

其如示諸掌乎。」

乎其先也。明乎郊社之禮、禘嘗之義,治國郊社之禮,所以事上帝也,宗廟之禮,所以祀

宗廟之大祭,追祭 也。 牲于郊,牛二」,及『社 郊 面 土,先儒説祭社便是。 以太祖 祭天。 《語録》曰: 配之也。 社,祭 | 周 于 如 禮》只 地。 《語 太 新邑」,此 《郊特牲》『社稷太牢』,又如 祖 録 説 不言 $\stackrel{>}{\mathbb{H}}$ 之 祀昊天上帝,不 所 乃明 后 禘,只祭始祖 自 驗。」禘,天 土 出 者, 於 太 説 省 及 祀 廟 子 用 文 所 后

> 禮必 視諸 而已。」嘗,秋祭也。 配,後世必以文王配。 出」,始封姓者也。 自出之帝二者而已。」〇又曰:「程子曰: 掌,言易見 有義,對舉之,互文也。 其祖配之,以始祖配 也。 所出之祖 四時皆祭,舉 此 與《論語》文意大同 無廟,於太祖 也。 示, 「禘 文武 其 其祖 與 一之廟 視 耳。 之所 必以 祀之 同 稷 自

右第十九章。

小異,記有詳略

耳。

降 其親之服也。 昆弟之子是也。 楊氏 如旁親之期,亦爲大夫,則大夫亦不降 期,天子諸侯絶服 母者也,有旁親之期,爲世父母、叔父母、衆子昆 之喪,達乎大夫者,期之喪有二: 有不 或問十八章、十九章之説。 也。 之說 同者,讀者詳之可 大夫雖降,猶服大功,不如天子諸 ,於禮之節文度 諸侯雖絕服旁親,尊同亦不降, 正統之期,雖天子諸侯莫降,旁親之 前 大夫降。 也。 所謂尊 有正統之期,爲祖 ②數詳 案 曰:「吕氏 所 不 同 侯之絶 吕氏曰: 謂 矣, 故 尊 所 同 或 其 服 不 則 弟 也 期 間 臣 服 父

者猶 庶人一 祭者之貴賤也 昭 爲七大夫者,亡則中一以上而祔 不可以爲父尸,此昭穆之别於尸者也。 也,尊者遠 親之義也。 也。」〇又曰: 叔 加 但 之喪,爲父爲母,適孫爲祖爲長子爲妻而已,天子達乎 臣 二也; 喪服小記》:『上大夫不得祔于諸侯, 祔于諸祖父之 (向日: 杖,一 · 齒,此昭穆之別於宗者也。 別之,群昭群穆,不失其倫 别 爲父爲夫屈者也。 穆之别于祔者也。 諸父而 男 也。 服之,如始封之君,不 袝 夫必三年而後娶,三也。 也。父在爲母及妻、雖服期、然本爲三年之喪 也; 王 于皇祖 祖爲昭 臣昆弟是也。 ,則不嫌於無別 父爲昭,子爲穆,父,親也,親者邇 + 「宗廟之禮,所以序昭穆,别人倫也,親 ,貴貴之義也。 歲而有三年之喪二』,則包后亦爲三年 考,女祔 ,孫亦爲昭,祖爲穆,孫亦爲穆,祖,尊 月 而練,十三月而祥,十五月 故與齊期之餘喪異者,有三服而 有事于太廟,子姓兄弟,亦以 三年之喪,達乎天子者,三年 于皇 也。 臣諸父昆弟,封君之子,不 ,凡賜爵 《詩 序爵者,序諸侯諸 祖 故孫可以爲王父尸,子 周穆后崩,太子晉卒。 妣 ,袝必以 $\stackrel{>}{\exists}$ 婦 ,昭與昭齒 『相維辟公,天 祔 喪禮卒哭 其昭穆。」此 上 是 祖 "則不可 穆 而 臣 姑 橝, 與 與 昭 而

獻大夫,尸飲九,以散爵獻士及群有可,此序爵而 以 穆 以 尊賢而已。 親則尚齒,其義一也。 少 行旅酬於宗廟之中,以有事爲榮也。 若特性饋食之禮,賓弟子、兄弟弟子各舉觶於其長,以 别賢與能而授之事也,尊賢之義也。 濟濟多士,秉文之德。」此諸臣之助祭者也。 子穆穆。』此諸侯之助祭者也。 大宗伯莅之,裸時又卑於鬯也,故小宰贊之。 也,故天地不裸,則玉幣尊於鬯也,故太宰贊之,鬯則 有等,所以辨貴賤也。 廟 燕,則尚齒也,長長之義也。 旅 豆,至于執爵沃 相 而 序昭穆也 ,所以別 正,至恩以宣,天下之事盡矣。」〇楊氏曰:「祭有 酬下爲上者,使賤者亦得申 孰 則 爲之序也。 群昭 可以爲祝 群穆 父子遠近長幼親踈之序也。 人君之至恩,下下而已。 P 威 脯 盥,莫不辨其賢能之大小而序之也 飲 祭則貴貴,貴貴則尚 在, 祝 五,君洗玉爵獻卿 嘏, 而不失其倫焉,此宗廟之禮,所 天下之大經,親親、長長、貴貴 玉幣交神明也,裸鬯求神於 孰可以 毛,髮色也,以髮色别 『於穆清廟 其敬也,下下之義 贊 裸 孰可以 尸 爵 獻,孰 燕毛者,既 祭之閒,大經 飲 ﹐ 熊則親親,親 故有 肅 七,以 可 爲宗 若此 序事 雍 事于 以執 顯 而韶 尊 瑶 類 也 者 相 幽 爵 太 昭 籩 卑 而

名教。 乎! 之書乎? 德也 此旅 大王亶父、王季歷、文王昌,亦據《武成》之書,以明 命,而其序有未暇也。 既追王矣,武王既追王而不及大王、王季,以其未受 德,武王之志也,故曰成文武之德。不言文王者,武王 所謂 王之文,遂以謂文王自稱王,豈未嘗考《泰誓》、《武成 王之意,出於武王也。 爲大王、王季。然則周公追王大王、王季者,乃文王之 文考,至《武成》而柴望,然後稱文考爲文王,仍稱其祖 齊必見其所祭者是也。游氏引《泰誓》、《武 於人,況其所尊乎! 以序齒 辨賢也。 成》以爲文王未嘗稱王之證 酬下爲上 序事也。 事 旅酬逮賤,燕毛序齒 ,死如事生,若餘閣之奠是也, 案:游氏曰: 饋食之終,酳尸之獻,下逮群 君臣之分,猶天尊地卑,紂未叮去,而文王 序昭穆,親 一,所以 先王量德授位 逮賤也。 愛親者,不敢惡於人,況其所 《禮記大傳》載牧野之奠,追 「武王於《泰誓》三篇,稱文王爲 世之説者,因《中庸》無追王 親也; ,尚恩也。 一、因能 序爵,貴貴也; 既祭而以 授職,此序事 事亡如事存,若 敬親者,不敢 深有補 有可更爲獻酬 燕毛爲序,所 序事 所以 尚 於 文 追 親 £

之。 不稱臣而稱王,安能服事於商乎? 之則 伯以受命之年爲元年者,妄説也。」〇案:眉山 天下,其事大於聽訟遠矣,又不改元。 冒先君之元年,并其居喪,稱十一年。 元而又改元,至武王即位,宜改 君即位 之,謂西伯受命稱王十年者,妄説也。 者,不食其粟,而非其子,此豈近於人情耶? 天子在上,諸侯不稱臣而稱王,是僭叛之國 去,顧天下皆莫可歸,往歸西伯。 曰:「孔子曰:「三分天下有其二,以服事商。」使西 陽、蘇氏之書,亦已有是説矣。 將安所歸乎? 與天下共尊之,必無牧野之事。 須假之五年,非僞爲也。 稱王,是二天子也。 年,說者謂自文王受命九年,及武王居喪二年并數 是以聽虞芮之訟,謂之受命,以爲元年。 ,而反盜虚名而拂天理乎? ,必稱元年,西伯即位,已改元矣,中間不宜 此天下之大成,故不得不辨。」然歐 曾謂至德如文王,一 使紂 元而反不改元,乃 然則文王已稱之名 日 且武王觀政于 當是時,約 伯夷、叔 有悛心 由是言之,謂 《泰哲》稱 及其滅商 言 案 也,彼二子 ,則武王當 齊讓國 雖無道 古者 動 歐 二蘇氏 由是言 商 陽 而 + 順 西 伯 而 帝

是,則 之,則 之説 説,與 用 其 昭 與 其 其 治國家哉 矣。 雖 經,仁義之所 大本,道之所 郊 禮 昭之爲言,明 盡 説 隱 親 讀 耳 非 × 人道 世 同 微之閒 蓋以爲 於 於 歐 也 爲 <u>~</u> J. 讀 爲 陽 / 郊社 體 韶, 也。 而 書 愚 天下 氏 道 爲 」〇游氏曰: 不如 、恐懼 與 案: 案 由 殊 游 不 由 之禮、禘嘗之義,始 帝 仁孝之至,通乎 亦 先 韶 足以 不 國 始 出 是 不 同 吕 同 家也 戒 也。 也。 晉 有 儒 德 則 也 氏 今從 慎 同 朱子 致 避 作 以 日 洋洋乎如 其 祀乎 不 而 孝子 |何有?| 司 「祭祀之義,非 以 不敢 然 爲 足以 佋 義。 ,所引, 馬 本字, 其 事上帝 爲 晉 其 合 字 昭 欺 神明 立身, 蓋惟聖 先者,所 能 者 南 之 澼 在其 未 而 饗親 則 п] 諱 知 者 觀 諱 面 所以 何 日 以 而 E 則 何 身且 八爲其 人爲能 之, 言 所以立天下之 -精義 以 故 面 而 神 也 蘇 如 養其 假 明矣。 E :祗祖考安 改 ? 氏 改 向 不 在其 借 不足 昭 盡 亦 也 天下之大 昭 Ź, 立 誠 饗帝,爲 明 子道 常考。 穆之 、
夫
如 表 爲 而 曰 : 心,至 左右 烏烏 以 也 韶 然 诵 裹 樂 究 能 Щ

門 後 祖 牆 之 案: 當 空言 袝 君 南 君 有門垣。 是 爲 蓋 日 每 之廟 居之。 宇 廟,四 于其班 有 居 廟,始封之君 也。 都 在公宫之東 周 孫毓 堂 之, 禮 曉 四 宫,太祖 其 《語 Z 周 太祖在北,左昭右穆,差次而 有 也,今且 爲 易 穆 建 百 世之君居之,穆之南 室、有 之南 録》 焉 廟 「宗 向 之北 國 世 世 皆 Ĕ 明 一不遷, 廟之制 1房、有 而 《文集》曰: 在 之 「南向, 南 廟, 廟 孫 居之,昭 神 假 北 何 矣 三世 夾室、 遷 設 南 毓 ′;其 位 也?」曰 自 外爲 説 廟 各 諸 左 餘 昭 出 制 都 有 有 其 之主遷 宗 侯 之北 兀 之 紅江 宫 寢 則 遷 世 門 廟 之 廟 君 : 穆 各爲 都 孫 内 四 堂 南。」蓋 之也,新 廟 居 廟 廟 各 集 以 則 面 毓 則 此 於北 室寢, 二世 以 之, 禮 有 有 $\vec{\pi}$ 六 次 以 五 不 廟,廟 寢 明之。 牆。 世之 世 昭 太 爲 廟 可 丽 廟 廟 0 太 7 之 之 祖 皆 以 ൬ 南 外 有 别 愚

仍東 祭之時 深遠 袷時 昭 前代禮 乎 此 東 東 主人入户,西 牖下』者 主皆藏之於夾室。」凡廟主在本 北 南隅爲奧,尊者居之,故神主在焉、詩 之 「, 取 向, 而 此 者 向 廟 「古人廟堂南 向 則 右爲 故 者, 皆 桃。 自 親 官所 自 群 其 也。 及其給于太廟之室 群 如 如 盡 昭 白 廟 謂 皆 列 謂 群 穆, 群穆 則 向致敬。 主 語 之主 太祖 明 之 而 於 列 昭 既 遷 録》日 (,故 爲最 穆。 向,室在其 南向,群穆北向 在 北 袷祭之位 ,皆升合食于太祖之時 於 在 Œ 其 西壁下,即須東向 其 東向之位者、爲祫祭時言 牖 南 謂 凡廟皆 主 「古者始祖之廟 廟 尊之位。 蓋 下 之昭 牖 于太 中, 群 而 北,東户 南向 下 無 一, 則 廟 南 廟 ; 而 不 ,列於太祖之前 中, 向, 之 北 之 而主皆東向 東向 北 北 廟 群 西 列 向 故 西 之室 牖皆 向。 爲 有 群 則 昭 ,則太祖之主 矣。」 》所謂 者 夾 行事 夾室, 則 穆之人 昭 之 唯 南 《文集 室 也 南 丽 左 取 人 太 中 之際 向, 惟給 皆 南 爲 其 向 此 平 袓 而 非 祧 室

之北 常爲 移; 矣。 昭穆不可亂也。二 立尸 謂 班 袝於穆者, 集 則 世祔 祧 爲 祖之主于高祖之故廟, 死者當剂 昭,而六世爲 一袝于 ĕ ≡ : 穆 《文集》曰 穆 ′, 必 袝穆則 則 蓋二 者 昭之南 也 廟, 昭,穆常爲 「遷毀之序,則 祖父』是也。」尸 隔 = 。 日 昭 不遷,穆者 其 群穆皆 七世 廟 世 世 位 序 則 爲 「《儀 孫 廟 祧 : 亦 而子 毁 穆乎?」 袝 移 昭 可以 如 矣 則 高 ,而昭 禮 六 穆 此。 穆, 昭常 祖 孫之列 而 ; 必以 爲祖尸,子 而 世 》所謂 1袝,則 之南 四 祔新 之廟 ___ 袝 不 爲昭, 禮家 之 四 世 世 動。」 티 : 昭 以 死 而 孫、語 世 遷 後 則 (,亦以) 桃 洲其 廟 者于祖 穆 昭 其班祔 之説 此 群 爲 不可 不不 昭 矣。 常爲 者 昭 則 所 主 之 穆 録 皆 一之故 於 不動。 世 爲序。 以爲父尸 以 然 穆。 五 有 」、《檀弓 昭者 北 動, 左 \exists 五 世 也 祔 廟 祧 廟, :「古者 假 而 明 世 主 遷 必 令 穆 即 遷 **文** 袝 ,, 以 シ所 若 以 穆 文 昭 爲 既 新 其 不 當

見 有 同 是 乃三 世 始立 蔡、郕 右 乎?」曰:「不 子爲穆,形、晉、應、韓者,武王之子也。 武,十有六世,文王於廟次爲穆,故謂 交錯彼此若是之紛 武 管、蔡、郕、霍 考,則自 武 過穆,則 之穆 爲 穆, 以不 爲 王謂 則 一世穆 都 昭 也,二世昭 霍者,文王之子也。 右 穆不 穆,而 失其序。 文王 宫 其 反 固 則 則 而 爲 當以 始 . 見 雖 爲穆 四 爲 昭 不 祔 昭, 其 ·然也。宗廟之制 尊 世 文之昭, 邘、 常 以 左 呵 侕 既 丽 昭 考,成 圃 已然, 爲 在 昭 遠 世 紛哉 左 了, 五 内有以各全其尊。 武 穆 尊 左,穆常 世 而 自 反 下於廟 爲尊卑。 丽 世 穆,四世 爲 猶 !」愚案: 爲 王 而 右 穆 不易 稱 **奉** 卑 晉、應、韓 爲 次爲 其子 廟 而 在 日: 武 卑矣。 也, ";但 也, 六 秋 右 昭 爲 王 故 則 昭 后 世 傳》 故謂 昭,管 稷至文 而 廟 豈 爲 Ŧi. 以 而 昭 而 昭 不 外 廟 左 可 今 Ŧî. 之 其 爲 以 昭 其

《文集》 祖。」此 其尊 右爲尊 毁 子爲世子,太室爲世室之類。1○問: 下 時 於祖。」則祝 미 其合食于祖 而 丽 陳 高之上 **烝**,諸侯嘗給 毁廟之上,陳丁大祖,未毁 * E 以 不相 其 ·無穆, 朝 而 而 自 遽 之主 無 在 卑之次, 卑 大給毀廟未毀廟之主而 進 厭 相爲偶,亦 曰:「諸 高 所易。 一穆,其 而 也。一必 無 則 加 祖 居王 迎四廟之主。 ,則王季雖遷 愚謂: 昭, 武 烝祫。」此 特 , 四 |廟別 王進 季之處 設 世 不可易。 《文集》曰 大 丽 禮 則 居王季之位 有門垣,足以各全其尊,初不以左 祖 位 **給祭有二**: 祫 特 未 凡 也。 時 也。 於曾 設 有 ,而武王自當與成王爲偶 己 而 祭之袷 《王制》云: 但其散居本廟,各自爲主 世 位 考 毁 會 廟之主,皆升合食于大 唯 與太字古多互 之東 祭之也。 、焉, 意 於一 未毁之主, 於 四 ,而不嫌尊於文王 《曾子問 也。 昭 祖 時 高高 也 室,然後序 《公羊 穆,固 之 之袷 「天子袷 或 爲穆之義?」 則 ¥ 與?」《語 西 如 高 一用,如 傳 不 有定次 禰 此 祖 又畢 \exists 嘗 袷 未 · 及 之 則 有 陳 祫 祭 太

之所以 猶有 《文集》曰 將納 之道 皆爲大祖 廟 商之七世 其制若何?」曰: 灰飾,易 之也。」《語録》 云者 之,當是如此。 昭 日 穆這 廟 是大祖 不 四 新 ·毁,與 一,易檐 謂 可言 新 丽 七廟者,以 何 死之主 其 七。二謂 便居中,二昭二穆 主,示 排 后 ,以下五世而迭毀,毀廟之主,藏於太祖 屋 也 「韋玄成等謂王者始受命、諸侯始封之君 稷 「然而 ,對空坐,禰 三宗,其詳 檐 ?! 日 但《禮經》難考。」曰 親 可 》曰:「改塗易檐,言不是盡除,只改其 始 mi 后稷始封,文武受命,三廟不毁 廟 有所 也, 洲便 已。 三昭三 封 四 漢儒之記,又已有 : 「唐之文祖 改 在 日: 而七者,諸儒 文武受 加 「《春秋傳》 在昭 昭 塗 相對 耳, 一穆與 今不可考,獨 這 口 然則 排, 一、令新 非盡 排。 也。」説 命 :「然則 太祖之廟 亦 ,虞之神宗 死者祔 且 丽 天子之 對坐。 日 撤 如 王,故 之説 諸 脯 者 侯 以意 則 不 周 悉 以 毁 壞 Ŧī. 也 廟 高 同 制 爲 廟 而 圕 去 廟 廟 與 推 過

宗,故 祖,而 之説, 穆 皆且 季 祧 也。 於是成王遷, 王 猶爲五 廟,王季居昭 七 宜亦與諸 無數也。」雖 數,故於殷有 不在此數中,宗 桃,武 文王 E 季遷,而 文 《文集 時, 爲五 别 則 武 組 廟而已。至成王時, 一遷,而 王 立 武 則 紺 ě E 爲 廟,而 侯之廟 其 三宗 遷, 文王 武 王 居 宗, 變也。 數之不同,然其 「歆謂七者其 廟 昭王 之南廟,文王居穆之南 昭之北 E 初 周 而 成 不 於 桃者藏于太祖之廟。 親 袝。 有天下之時,后 公舉之以勸成王,由是言之,宗 康 王 荷 無甚 在 一袝 西 杰 祔 有功德則宗之,不可 E 北 數 當 至 廟、太王 袝。 異者。 丽 E 中 康 祧 至 m 爲六廟矣。 法數 者 王 自 昭 謂之文世 间 位 時 則 此 王 但 П 居 劉 以 組 置遷次 以 時 常數者、宗 有 如 則 穆之北 稷 歆 上, 紺 則 預 諸 功 爲 太 之 桃 廟 爲 至 當 至 亦 E Ŧ 太 儒 説 設

其 遷 廟,親 於主祭者爲祖也,主祭者没 穆之兩 高祖于昭之世室,蓋於主祭者爲 放 新人廟者祔于昭之二; 如 如 祧 是 共 昭之上,此爲少不同耳。」《文集》曰:「昭之二 於是康王遷,穆 く主放 此。 其 前 者 穆之上,至孝王時,始立武 廟 劉 以 王 祖 盡則毁,而遷其主于昭之宗,曾祖遷于昭之二, 於二昭二穆之上,以祀高 歆 藏 時 搋 後 此。」〇《 廟如故不動 於昭之次廟, 新死者如當爲昭,則祔 之説 於武 遷,至于懿 别 則 則穆之桃 立 武 語 世室 ,則周 録》曰: E ,其次廟於主祭者爲 而於主祭者爲曾祖 廟 Ŧ 親 而高祖及祖在穆,如穆廟 王,而 神, 於東北 而 盡 自武王克 者 「天子七廟,如周文武之廟 藏 ,則祔于穆之近廟 當桃,而 不 於昭 而爲七廟矣。 復 五世 於文世室,昭 始 ,謂之武 之近 藏 一而親 立 商 於 高祖 潮, 世室 亦以 文世室 圉、亞圉 自 门即增 盡 太 故 次 而 廟矣。 世 其 自 廟 而 也 於三 有 親 遞 近 遷 近 自 於 之 立 功 遷 廟 其 其 盡 廟

矣,而 立親 爲昭 不祧。 典 乎?」曰:「商之三宗,周之世室,見於經 得 朱子以歆説爲是。 祀之,則其廟不毀可 父昭子穆,而 了那七廟數也。」○愚謂: 説得較是,他謂宗不在七廟中者,恐有功德者多,則占 是劉歆、愚亦意 劉歆之説,孰爲是?」曰: **胙於秦孝公**,方是時,文武固已遠矣,襄王、 秋傳》稱襄王致文武胙於齊侯、《史記 者,義也。 商書》已云七世之廟,可以觀德 ,皆有明文。而功德有無之實,天下 擇 廟四,與 ,則凡後之爲昭 其 文爲穆,則凡後之屬乎穆者,皆歸於文之廟,武 程 先 周於二 子 太祖 有常數者 祖 獨 以 昭三穆之外 爲 丽 者 知矣。 Ŧī. 其 曰:「祖 爲 祭 1,禮也。 ,皆歸乎武之廟 ,其與諸 或然也。」《語録》曰:「飲 如 之 若從諸儒之説,則王者不過 此則 也, 日 圃 功宗 : 祖功宗德, 侯 ,則自昔有七廟矣,故 有文武之廟 「前代説者, 子 是 五 然則 廟,又何别 》稱顯 爲子孫 亦 德之説 也。」〇 嘗 諸 顯王 而 王 考之 無 致 愚 觀 儒 乎? 文武 猶 定 尚 多 與 春 Ħ. 法

程子曰 殺 位 則 則 推 得三且程子晚年,嘗論本朝廟 甲、太戊、高宗爲之? 政之惡 後 者,文武以下廟。 祖太宗皆當爲 慈孫,百世不能改。 廟,只是親廟,時 自有公論,不以揀擇爲 不爲過矣。 則 其 時之言, 世 視諸侯而殺 大夫、士之制 東、閩 諸 知前説若非記者之誤,則或 自 ; 「祖有 夫子 官師一 有公論 侯 、浙皆太宗取之,無可祧之理。」曰 也。 而未必其終身之定論也。 《語録》曰:「商之三宗,若不是 功、宗有德、文武之廟、永不祧也 議父、 何不胡 如本朝太祖、太宗,皆萬世不祧之 那箇好底,自是合當祭祀,如 其二,然其 奈何?」曰:「大夫三 百世不遷之 適士二廟,則 廟,則視大夫而殺其二。 嫌。 那箇祖有功,宗有德,天下 亂將三箇來立,如何恰 臣 若 所謂名之曰幽、厲、雖 議 必 以 君 此 而 太 廟, 除 爲 祖 制 視 亦亦 嫌 諡 大 昭 以 法 穆之 夫 此 日 出 謂 則· 所桃 案 何毁 孝子 後世 别 者 廟 取 脯 然 於 而 秦 太 祖 Ϋ́.

異官 榱也。 削也 案 之黝、 侯固 耳。 合, E 也。 得爲矣。 謂就外檐下壁, 爲山形,即今之斗拱。 降殺以兩,而其 有門堂寢各三閒,是十八閒。」曰:「廟之爲 然 短柱也。 其門 黝, 「古者各有始祖之廟,以 然後可名於宫, 蓋由 天子之山 有所不得爲者矣; 曷爲 碧, 磨也。 黑也。 堊、斲、礱,大夫有 而 堂 愚案: 死不得異 複廟者,上 命 一室寢 而 堊, 白 復安板檐,以辟風 士以 不 大夫之倉 倉楹者,蒼其柱 節、藻棁 之備, 制不降,何也?」曰 降哉! 也。 藻棁者,謂侏儒柱畫 上,父子皆異宫 下重屋 廟, 地謂之黝,牆謂之堊。 則其制 藏祧主,如適士二 猶 也。 則有不得盡 愚案: 楹 大 獨 複 斯 不 雨 重 也。 夫 門 有 之灑 廟、 檐 得 Ш 桷 也。」《 斲桷 堂 不 重 節 爲 壁 重 ,士又不 · 得 室寢 承 爲藻文,梁 謂 矣; 壁 檐 欂 其 生 諸 而 廟,各 材 語 降 櫨 斲 事 殺 録 侯 也 也 愚 刻

E 案 降 遂 光 衣 務 專 也。 加,而公私之廟,皆爲同堂異室之制。」魏晉循 淵 帝 制 之廟皆自營之、各爲一處、雖 以 生事存之心者,是以 然則後世公私之廟,皆爲 武 顧成之廟,猶各在 廟號陽 不 爲 别 ,昭穆之位,不復如古,然猶 西爲上者,何也?」曰: 昭 「明帝又欲遵儉自抑,遺詔無起寢廟,但藏其 廟中 漢不特高、文有廟, 抑損 廟之尊也。 近 能 帝 室 夫漢之爲禮 廟 111 革 吏 池 號 衣別室 而 之私,遺詔 徘 諸 而 其 至於明帝,不知禮義之正,而 徊 先王 侯 宣 臣子不 ,其後章帝又復如之。 無 《語録》曰: 一帝廟 處,但 略矣,然其 ,景帝 國、大夫無 宗廟之禮,始盡 號樂 藏主 不 無法度,不同一處。1〇 敢 廟號 得 游,元帝廟號長壽 有 西漢時,高帝廟 一於光烈皇后 徳陽 一由 而降也。」曰 同 加 分始 邑, 堂異室 焉。 其 後世 武 不失 漢 也,諸 則 帝 都宫之 明 《文集》 廢 遂 廟 其 雖 帝 大主於 矣。 不敢 號 同 更 獨 帝 始 丽 成 文 龍 愚

帝

僻處於 不能 殿 上 不 矣。」宗廟 居九重 心,有終不能 無地以容鼎俎 及隋唐 之禮,亦爲虚文矣。《文集》曰:「更歷 皆無以盡 不嚴,所以 室、則深廣之度、或不足以 以 堂 合爲一廟, 而 厭祖考 得不盛。 前門 不 無 異 有 室之制 得 所 所裁 隅 ,其間非 窮 而不得自爲一廟之主。 以 不 之 極 後 Œ ,既無以見其爲七廟之尊 其事 1 壯麗 致 致 ,而陰損其數,子孫之心,宜亦有所不安 事 其弊。 禮 則 寢,始 然亦至于我 無奉先思孝之君 猶 其備 顧 其 以自己者,於是原廟之儀 既 所 ,而没祭一室,不過尋丈之閒,甚 生事 親 爲 至使太祖之位,下 不能備,獨 乃 以尊其太 物之孝。 略如古者宗 廟者, 梏 虚文,而 存之心,而當世宗 於 漢 ,据經守禮 朝,而後都宫别 又 以人情而論之,則 祖 厭 明 陳 天子之尊, 蓋 事 群 者 非 鼎 丽 其别 生事 同 廟之神 廟之制 禮之禮 不尊 俎 孫 之臣 既 子 魏晉,下 存之 , 而 褻 爲 丽 · 而 則 是 廟 其 可 而 或 生 又 皆 重

四

垣。」是 得 耶 忠,則 也。 之爲 與其臣子之苟從,則 非 竊 而 創 失,然使章帝有魏顆之孝,其群 不得伸於宗廟 今之世 文集》曰: 制 ·!!○又曰:「如李氏所謂 、歎之。 一、老師 ,責叔孫通之舞禮,而於孝明之亂命, 或有 聞 無 **其** 於此 《文集》曰 陋 其 復 而 事 體 本 別有處矣。 自 沿 宿 M 則 舊 然於前 之輕重 又 儒 南渡之後 章, 襲之變, 朝原廟之制,外爲都宫,而各爲寢 不 知 「不起 知本 徒 者,是以不能不自致於此 經學古之人,乃 亦莫有 則 知 又非 世,則 況以一 寢 雖 其 論 不唯 廟 ()故都 朝 未有正其罪者。 略于 如三子 事 其 之詔 能 徒知 時之亂 廷之上,禮官 臣有宋仲幾 生 惑 Ł 窮 知 事存之心, 異 明 淪没,權 者之所 廟之室, 鄉 譏 其 命 帝 端 賤 能 孝惠之飾 原 imi 固 Œ. 徇流 不 士 ,而爲 私 者 楚子冀之 壞 得 F 有 宜 議 麻 祠於 古之 爲 而 於 博 草 幸 不 有 俗 而 門 無 Ē.

者,即 佛老之側,不爲木主,而 II, 也! 遺旨 未及營表, 然而 陸 此 m 特書其事,以 鳴 三王制作之盛,故尼其 而徒欲廢 同、《文集》曰 論舊典, 詞以及之,豈天未欲 ,則由於宗廟不立,而人心有所不安也。 繆妄之叔 行 呼 佃 然 情哉! 不幸未及營表 之議 考於史籍 ,特書總叙 酌奠之禮; 前 陸 蓋將以遠迹三代之隆, 彼, Æ 日 孫通者 韶萬世。 亦 故不 承 而 所 安得 《文集》曰 一個謂昭穆者,父子之號,昭以明下爲 詔 定 知 楊氏所謂舍二帝三王之正禮 其言皆是也。 以 爲 得 則未見其有紀焉。若 世莫得聞, 神 昭 討 今獨其見於陸氏之文者爲可 至當之論 爲之象,不爲 書,則 袓 穆之次, 論 昭 使斯人者復見 之臣 之嘗 神神 示來 事 秉筆之士,又 祖 後日之秉 正下古之繆、 哉 而 有意於此 世 也, 慨 然不 又 嗇 禘 然 抑 與 袷 所 ·知其 脯 深 其 不 烝當 嘗 宜 前 詔 傳 略 議 所 復 儒 觀 史筆 深 説 耶 二帝 無 復此 之祀 ,而從 以 一盛舉 不 臣 於 探 不 ? 致 能 計

殊不知昭穆本以 安可復爲昭哉? 名,初不爲父子之號也。 也;方其爲子則 義,穆以恭上爲義。 稱穆、取 廟之居東居西、主之向南向北 且必如佃説,新死者必入穆廟,而自 方其爲父則稱昭,取其昭以明下 必日父子之號,則穆之子又 其穆以恭上 也 一,豈可 膠哉 而 得 音扶。

于其所未應人之廟乎?」而張號之議,庶幾近動,則其袝也,又何不直袝於父,而必隔越一世,以袝其父以上,穆遷於昭,昭遷於穆,祔一神而六廟皆爲之

之,《語録》曰:「佃以爲桃廟袝廟,皆移一匝,琥以爲

桃廟祔廟,只移一位。」讀者更詳考之,則當知

所擇矣。」

哀公問政。

哀公,魯君,名蔣。

政舉,其人亡,則其政息。子曰:「文武之政,布在方策。其人存,則其

衆聯,方一而已。先方而後策者,小大之序。《聘禮》: 方,版也。策,簡也。愚謂:木曰方,竹曰策,策以

東帛加書,百名以上書於策,不及百名,書於方。《既夕

人道敏政,地道敏樹,夫政也者,蒲盧也。夫,滅也。有是君,有是臣,則有是政矣。禮》:「書贈於方,若九若七若五。書遣於策。」息,猶

敏,速也。蒲盧,沈括以爲蒲葦是也。以

人立政,猶以地種樹,其成速矣,三山陳氏曰: 人立政,猶以地種樹,其成速矣,三山陳氏曰:「人之易化,於政可地之道也,敏於種樹,植之必生。」而蒲葦又易生之地之道也,敏於種樹,植之必生。」而蒲葦又易生之人

如此。

以仁。故爲政在人,取人以身,脩身以道,脩道故爲政在人,取人以身,脩身以道,脩道

道。《文集》曰:「道是統言義理公共之名。」仁者,天人,謂賢臣。身,指君身。道者,天下之達《家語》作「爲政在於得人」,語意尤備。此承上文人道敏政而言也。爲政在人,

之長

也。《文集》曰

:「天地以生物爲心

者

也

而

物

地生物之心,

而

人

得

以

生

者,

所謂

元

者

善

之生,又各得夫天地之心以爲心者也。1○又曰:

之可 此生 當來天地生我底意,我如今須要自體認得。上宜者,分 見。 理 自然 《語録 **∀** ∃ : 便 有 「以生字説仁,生自是上 惻 怛 慈愛之意, 深 體 節 事 味

然之理。」〇又曰: 别事理,各有所宜也。《語録 「道理宜-如此。」禮 》曰:「宜是指事物 則 節 文斯二

者而已。 《語録》曰 節者,等級也。 文,不直回互之

貌。」〇又曰:「文是裝裹得好,如升降揖遜。」〇陳 氏日

節則無太過,文則無不及。」〇三山陳氏曰 [: 「親 親之中

有隆殺,觀五服之義可見矣,尊賢之中有等降,觀

文斯二者是也」。」

在下位不獲乎上,民不可得而治矣!

雖在得賢,然使吾身有所未脩,則取舍不明,無以

為取人

友之類可推矣。

惟其有等殺而後禮生焉,

孟子所

謂

「節

無不

人,而取人之則又在脩身。

三山陳氏曰:

爲

政

之則。」能仁其身,則有君有臣,而政

首、義禮智皆從這裏出爾。二言人君爲政在

於得

貞皆是那裏來。

仁義禮智亦皆善也,而仁則爲萬

善之

是。」〇又曰: 「元亨利貞皆是善,而元則爲善之長,亨利

曰:「須先識得

元與

1

是箇甚物

事,

只

是初

底

意

思

便

曰:「元者,天地生物之端

倪

也, 仁便是

這

意思。一〇又

天地生物之心

而在人者,故特爲衆善之長。」〇

《語録

「仁乃

仁者人也,親 親 之 殺,尊賢之等, 親 爲大; 義者 禮所 宜 也, 生 尊賢 也。 殺, 爲

親

舉矣。

人,指人 分子而 言。 真氏曰:「人之所以爲人者」 ,以其

不

知

天。」

有是仁也。

有是仁,而後命之曰人,不然則非人矣。」具

故君子不可 親 鄭氏曰:「此句在下,誤重在此。」 思事親,不可以不知人, 以不脩身,思脩身,不可 思知人,不可

以

不

事

以

爲 政在人,取人以身,故不可以不脩身。

10六

隆

師

《語 見事 故思脩 之義,則善惡不明,失事理之宜矣。」親親之殺,尊賢 脩身以下,繹其義之所以貫。 知天自禮所生也。 明,不知天理者也。《書》曰: 身、皆得其理矣。」〇三 定。一〇又曰:「知天是起頭處,能知天,則知人、事親、脩 學若不知天理,記得此又忘彼,得其一失其二。 身得力處却是知天,知天是知至物格,知得箇自然道 豈不爲親之累?」○三山陳氏曰:「事親之仁,不由尊賢 要知人,只是思欲事親,更要知人。若不好底人與他 録》曰:「知人只如『知人則哲』之知,不是思欲事親,先 仁之根實處,最初發得來分曉。」〇三山陳氏曰:「脩身 之等,皆天理也,故又當知天。《語録》曰: 親之仁,必由 而不本於事親 録》日 頭項多,既 身不 「根本在 ,則施之無序,失爲仁之本矣。」**欲** 知天了,這裏便都定,這 可 尊賢之義,故又當知 以上推其理之所由生,自君子不可不 以 脩身。」脩身以道,脩道 Щ 不 陳氏 事親。 「天秩有禮。」故於此 曰:「事親知人而 《語録 事也定,那 》曰:「事親是 人。 未知天。 以仁, 等殺 盡 又當 事 《語 理。 處 親 也

也,所以行之者一也。知,去聲。 下之達道也。知、仁、勇三者,天下之達德子也,夫婦也,昆弟也,朋友之交也,五者天,天下之達道五,所以行之者三: 曰君臣也,父

於誠。 乎!」知,所以 倫,理 .誠。 ○真氏曰: 則誠 謂 底是仁,着力去做底是勇。」〇潘氏曰:「體謂所存守處。」 勇,所以强此也。《語録》曰:「理會得底是知,行得 陳氏曰:「《書》言五典,孟子言五者人之大倫。 謂 達道者,天下古今所共由之路,即《 夫婦有別,長幼有序,朋友有信」是也。 之達德者,天下古今所同 五典,孟 達道雖人所共由,然無 也。 而已矣。蔡氏曰: 誠者,達道達德之本,而 出 「 者,誠 於天理,而 子所謂「父子有親、君臣 知 此 也。 也,仁,所 п∫ 三者皆 「達道本於達德,而達德又本 以 常行,其 貫乎達道 真實 是三德,則 得 圃 以 之 中 无妄,是之謂 庸 體 理 達德者 達道 典,常也 也。 此 《書》所 有 無 也 之謂 以

徳矣。」 知,實有是仁, 底事,誠是行此三者都要實。」○陳氏曰:「只是實有 不誠 常而敗人紀者多矣。」達德雖 誠。]程子曰: 仁流於姑息,勇過於彊暴,而德非其德矣,故行之必本於 其所以然。 則君之當仁,臣之當敬,子之當孝,父之當慈,未必不 行之。 真氏曰: 三者之外,更 德雖人所同得,然或勉强焉 ,則於當行之理,或奪於私欲 ,則人欲間之,而德非 知雖及之,而仁不能守,仁雖能守,而勇不能 實 「所謂 分别無 有 「道雖人所共由,然其知不足以及之, 是勇 誠。」《語録》曰: 誠者,止是誠 而已。 ,或矯飾馬 人 ,或蔽於利害,以 不誠)所同 其德矣。真氏曰: 實, ,則智出於數術 得,然 "「知仁勇是做 實此三者。 則 無 至蔑天 一有 者 之 是

而行之,及其成功一也。强,上聲。知之一也,或安而行之,或利而行之,或勉强或生而知之,或學而知之,或困而知之,及其

以其分而言:則所以知者知也,所以行者知之者之所知,行之者之所行,謂達道也。

既 則亞於生知 也。 昬 明清濁之異,故上知生知之資,是氣清明純粹,而 聞道有蚤莫,行道有難易,然能 其等 仁也 則其至一也。 道。」蓋人性雖無不善,而氣稟有 氣質昬懦之人,昬 行,以行處爲重,故知得須是行得也。 重,蓋先能知之,而後能行之也。 知仁勇等級而言之,生知安行爲知,知主於知,就知上 去力行,則所學而知得者,不爲徒知也。]○陳氏 行者,只是安而行之,不用着力,然須是 主。」〇又曰:「生知安行,主於知而言,不知如何 行,以知爲主,學知利行,以仁爲主, 者仁也,困知勉行者勇也。《語録》曰: 偏,又有所蔽,須是痛加工夫,人一己百,人十己千,然 濁,所以生知安行,不待學 學知利行,主於仁而言,雖是學而 而言: ,所以至於知之成功而一 ,必學而後知,必行而後至。 則生知安行者 《語録 不能 知,懦不 ě 而能,如 「就人之所稟而言,又有昬 能行,非 熞 知 知利行爲仁,仁主 堯 困 困知勉行爲勇,此 知得,然須是着意 也,學 一者勇 又其次者,資稟 、舜是也 知得,方能 知力行,以 勇 自强 不同 則 不 知 也 . 者,故 日 不 足 生知安 無 利 息, 其 以 行 勇 以 就 爲 次 進 放 安 得

安行 不可 困 之所以不明不行也。」《語録》曰:「今之學者,本是 氏 後方能及亞於生知者。❶ 此所以 [知勉行底資質,却要學他生知安行底功夫。 便是生 曰:「所人之塗雖異,而所至之域則 底資質,亦用下 幾 及,輕 爲中庸。 困 知勉 困 若乃企生知安行之資爲 知勉行功夫,況 及進而不已,則成功一也。」日 行謂 不能 是 有成,此道 困知勉行 同 底 知

勇。 子 i E 好 ,近乎知之知 好學近乎知,力行近乎仁,知恥近乎 ,並去聲

哉! 乎仁矣,以不若人爲恥,則亦近乎勇矣。 必上智,仁必至仁,勇必大勇,然後爲至,然豈易 此。」〇真氏曰: 則可以入德也。 學者無所從人,故又言其不遠者以示之,使 求以入德之事。《文集》曰:「上既言達德之名,恐 「子曰」二字衍文。○此言未及乎達德 苟 能好學不倦 「既言三達德,又教人以入德之路。 聖人之言,淺深遠近之序,不可差次 則 亦近乎知矣,力行不已,則 蓋好學所以 由是而求之 遽及 夫智 亦 而 明 近 如

> 也, 用其 勇。 生知安行好學又是知,學知利行力行又是仁,困知 理也,力行所以進道也,知恥所以立志也。能於是三者 行非仁,然足以忘私, 下 不求,自私 行者,勇之仁也。 之知也。安行者,仁之仁也,利行者,❷知之仁也, 知恥又是勇。」〇蔡氏曰:「三知主知,三行主仁,三近主 録》曰:「交互説,三知都是知,三行都是仁,三近都是 知,三行爲仁,則此三近者,勇之次也。《語 同得者爲達德,近此德者爲人德。 加 知恥者,勇之勇也。」吕氏曰:「愚者自是 生知者,知之知也,學知者,仁之知也, 功,則所謂三 不辭。 者徇 故好學非 達德者 好學者,知之勇也; 人欲 庶乎可漸 而忘反,懦 知 知,然足以 恥非 致矣。」〇愚謂: 通上文三知爲 勇,然足以起 力行者, 仁之勇 者 破 困知者, 甘爲 愚 勉 理之 角。 力 人 而 强 勇

0 0 及」、「者」,原誤作「又」、「而」,今據 朱子語類》改。 文淵 閣 四 庫全

利行」,原作「利仁」,據《四書管窺》卷七引蔡節齋説

儒。」三山陳氏曰:「所謂力行足以忘私者,蓋世之怠惰

不爲者,皆所以自便其所欲,故曰私。」

所以治人,知所以治人,則知所以治天下國知斯三者,則知所以脩身,知所以脩身,則知

家矣。」

九經 身而以治人治天下國家結之,德必有道 身之意,起下文九經之端 斯三者,指三近 天下國家,則盡乎人矣。 而以脩身起之,道必本德也。」 而言。 言此 人者,對己之稱。 也。 也。 以結上文脩 蔡氏曰: 言天下國家 一言 脩

親 凡 百 親 工 爲天下 也,柔遠人也,懷諸侯也 也 敬 國家有 大臣 也,體 九 經,曰: 群 臣 也 脩 了,子庶 身也, 民 尊 也 賢 也, 來

所 心 而 經,常也。三山陳 不變, 謂 也 無 ,故曰 子, 忘賓旅者 經。 如 父 體 母 氏曰:「施之治天下國家可 也。 謂 之愛其 設 陳氏曰: 以 身 了 處 遠 也。 其 人,非四夷之 地 柔 而 遠 以 察其 常 行

此視臣

視民之别

也

此 行道,必先從家起。」由 謂「能自得師」、《禮》所謂「當其 此又有尊賢之别者、蓋此所謂尊者、非臣之謂、正《書 道理明。」〇三山陳 本在身,故脩身爲九經之本。 謂 之所進,莫先其家,故親 「不與賢者相講磨,如 友,然後脩身之道進,故尊賢 經始於脩身,身既脩 列九經之目也。 如 商賈賓旅之人,皆是離其家鄉而 氏 則 日 何 家 足以爲萬事之本。」然 能脩身? 吕氏 「下文既 以 及 親次之。 爲師則不臣」者也。」道 티 : 朝 有大臣,又 惟 廷,故 、次之。 知尊敬賢者,則 「天下 三山 來,須寬 陳氏 陳氏曰:「九 敬 有 國家之 必 陳 柔 群 大 恤 氏日 親 臣, 臣、 乏。 》所 師 見 而

次之。 排有次序。」視群 以禮。」由 體群臣 侯次之。 由 次之。 朝 此 其 廷以 九 或 陳氏 臣 經之序 以 及其國,故子 猶 及天下,故 曰:「由家 吾 几 也。」陳 體 而推 視 氏日 柔遠人、懷諸 庶 之朝 白 1姓猶 民、來 廷 九 則 吾子, 經 君 百 使臣 亦 工

子庶 脩 不 怨 身 民 敬 則 則百 道 大 **沙** 臣 姓勸 一則不 尊 賢 來 眩 則 百 體 不 工則 惑 群 臣 親 財用 則 親 1 則 足,柔遠人 之報禮 諸 父昆 重 弟

則

四方歸之,懷諸侯則天下畏之。

方歸 乎? 所 臨 敬 爲 此 不 財 眩 \Box 句,方生得下面許多事。 -得,都 迷也 用 制 事 大 民 言九經之效 「是理 則 如 者 足。 表 臣 而 。。來 凝紅可 要用 天下之旅 廣 懷 不 則 ,所謂皇建其有極 義 矣 昭著,無所 諸 信 百 眩 語 以 若 八,故曰 録》 也 侯 I 任 足布帛,工 百 也。 Ē 則 專 T. 則 皆 陳 聚 通 疑也。」不眩 天下畏之。 既 德 氏 不惑,謂不疑 悦 而 道立,謂道 則 E: 功 之 有 小 而 匠 事 易 箇 事皆 「是 所 미 臣 願 事 以足器皿 或 是 施 信 不 出 家, 有,豈 農 也 任專,政 得 者 於 謂 則 成 博, 其 百工 末 以 不迷 於理。 不 愚謂: 之類。」柔 於己 足以 間 塗 相 事 而 所 舉, 於事 資 之, 足 爲 有 威 故 而 (),故 陳氏 財 皆 無所 此 故 之 四 遠 可 用 少 錦、

力錦二反。

稱、去聲。

朝

音

潮

禄,同 色,賤 聘 薄 反。 以 所 以 齊 柔遠 以 以時,厚往 斂 明 勸大臣 去,上聲。 盛 ,所以 勸 其 貨 白 人 服 (好惡 而 也; 也 工 勸 貴 遠 非 也; ŝ 圃 一, 所 、好、惡、斂 德 百 禮 忠信 繼 薄來,所以 送往迎 姓 不 絶 以 所 也 動 # 重禄,所以 勸 以 早 並 親 勸 所 日 來,嘉善 去 親 賢 以 廢 省 聲。 懷諸 也 也 月 脩 或 既,許 行,治 身 試 勸 官 尊其 侯 IIII 士也; 也 盛 也。 亂 既 矜 氣 反。 持 稟 任 位 不 去 齊, 使, 危 能 稱 時 重 讒 稟, 側 所 使 朝 所 其 遠 彼 皆

餼。 之, 忠信 蓋大臣 官員請受有 處。」官盛 此言九經之事 而知 餼 重禄,謂 不當 稟 其 任使, 生羊 稍稍 所 親 内。 食 待之 賴 也。 謂 細 也 乎 廩 事 官 即 誠 上 陳氏 《語 屬 廩 故 者 而 給 衆 録 日 養 所 如 》 日 盛 折 「九經之事 之 以 此 送錢之類 , 足 厚,蓋 優 也 餼 之者 任 牲 既 使 是 上, 餼 以 也。 也 如 **\$** 做 身 讀 如如 此。 也 T. 體 稱 曰 4

則豐其委積以迎之。《語録》曰: 下 事 其 如《 (食」是· 周 禮》 也 稟 往 人職,曰「考其弓弩,以上 則 爲之授節以 「問:「授節以送 送之, 來

如漢之出 其往?1曰:「遠人來至,去時有節以授之,過所在爲照, 一人關 者 用編 ,唐謂之給過所。」 朝 謂 諸 侯

制》「 比 年 小 聘,三年 一大 聘, 五 年

見

於

天子。

聘,

謂

諸

侯使

大夫

來

獻

 \sim

王

凡爲天下國家有九經,所以行之者一也。 朝」。 厚往 薄 來,謂 流賜厚 而納貢 薄。

文矣,此 者,誠 九經之實也。 也。 有 不 誠 潘氏曰: 则是 「三德行之者 九 者皆爲 虚

所以實其德。

九經行之者一,所以實其事。」

前 凡 定 事 則 豫 不 則 立 困,行前 不不 豫 定 則 則不 廢 疚,道前定 言 前 定 則 則 不 不 跲 窮。 事

跲 凡 躓 事 , 指達道達 也。 愚謂: 躓者 德 九經之屬。 ,礙不行也。 疚,病也。 豫,素定 也。 此

跆,其劫反。

行,去聲

承上文,言凡事皆欲先立乎誠, 如下 文 所

道 有道: 在 有道:不順乎親,不 下位不獲 推 反諸 是 不信 也 身不誠,不 乎 乎 上,民 朋 友,不 信乎朋 順 不可 獲 平 乎上 得 親 友矣; 矣 而 矣; 治矣; ; 誠 順 信

不明 乎善,不誠乎身矣。

身

有

道

乎

親有

乎

朋

友

獲

乎上

知 乎善,謂 外 是不曾實有此 不誠,謂反求諸身而 圃 此又以在下位者,推言素定之意。 面 至善之所 無 假爲孝之事, 、妄也。 未能 心 《語録》曰: 在 察於 裹 也。 如 面却 事 親以孝,須是實 人心天命之本 潘氏 無 「反諸身,是反求於心。 此心, 所存所發,未能 日 雖 便是不誠矣。」不明 無邪 有這孝之心,若 妄,苟不合乎 然,而 反諸 真 不 真 誠 實 身

誠者 不勉而中,不思而得,從容中道,聖人也。 '天之道也',誠之者,人之道也。 誠 誠

正理,亦未免乎有皆。要之,此亦是未知至善之所在。」

之者,擇善而固執之者也。中,並去聲。從,七

容反。

善 德 也。」未至於聖 不看路,自 路 謂 此 而 天之道也。 理,真實無妄,不待 然也。《語録》曰:「誠之者,是實其實理。」〇又曰 實無妄,而 了。」○又曰:「是自然底實,是自然無妄之謂。」○ 「恐有 「是天理之實然,更無纖豪作爲。」誠之者,未 ,須是照管,方行出 自得,此生知也,不待勉而自中,此安行也。 然無變動 不 ,天理之本 承上文誠 能 示 實 皆實。 可 ,然在路中間行,所謂從容無不中道,此天道 處, ,徹内外本末,皆真實無一 以 欲 陳氏曰:「聖人純是天理,合下無欠闕處 便思去 身 明善,未能 其 然也 則 故 而言。 真實無妄之謂,人事 路中,不然,則 不 實 未能 能 思 他。一聖人之德,渾 《語 無 勉 不 誠 録》曰: 人欲之私 而 不勉而中,則 思 者, 從容中道 蹉向 丽 豪之妄。不待 「誠者,都是實理 真 得, 邊 實 去。 則 且. 無 而 則 聖 如人行 又曰 妄之 然天 之當 必 必 能 其 一人如 爲 固 擇 真 亦 思

> 行也。 中。 擇,則 工夫。 氏曰: 乎人欲矣。」不思而得,生知也。 擇善是致知之功,固執是力行之功。 堅,而不爲物移。 真實無妄,所以 仁,後言知。 以下之事 能至於真實無妄,此人道也。」〇三山陳氏 有不實,必思而後得,未能安行,故行有不實,必 執,然後可 必 有誤認人欲爲天理者矣,執之不固 「自大賢以下,氣稟不能純乎 擇善是辨析衆理, 思而得 擇善, 擇善 也。 以誠 ,故須做擇善工夫,必勉 不能 一而固 學知以下之事。 未得善則精擇之, 蔡氏曰: 身,此 無人欲之私。 執之,先言知,後言仁, 而求其所謂 「不勉而 則 所謂 惟 清明 中,不思 既 善 須是二者並 其 不勉 人之道也 而 得 未能 道 中,故 則 固 固 善 日 天理 執是所守之 理未能 執,利行 則 生 而得,先言 丽 亦 須 「善而 固 知, 中 勉 可 守之。 行,乃 ·, 安 見 時 固 而 故 渾 然 陳

而爲知,學而知也。篤行,所以固執而爲此誠之之目也。學、問、思、辨,所以擇善博學之,審問之,慎思之,明辨之,篤行之。

人君子之德而不亂

是擇善 物事 去,只微有差耳,初無先後也。」 謹 後,有緩急。 五 謹思、明辨工夫,是儘用功多,固 思時 一,利 者 ·, 理 未暇 處 廢 而 會得後方去行。」○ 真 行也。 其 明辨,明 不 能 知之, • 叫 謂 非 **《語** 博學時 辨辨 則 學 時 到 録 未暇 行 也。」《語録 未暇)陳氏 Ĕ : 處 篤 功 審問 曰 執只有篤 前 行。 自 面 易 「擇善有博學、 審 也。」程 四 Ŧi. ¥ 問時 者從 項 行 「五者 未暇 一件 頭 子 做 選思, .工夫, 審 E 將 無 問 下 先

辨之弗明弗措也,有弗行,行之弗篤弗措 弗措 人一能之,己百之,人十能之,己千之。 有弗學,學之弗能弗措也 知之事。篤行,仁之事。 人十己千,此方正是説勇處。] 〇陳氏曰: 也 自 百 君子之學,不爲則已,爲則 己做百分。」此困 也 倍其功。 "有弗思,思之弗得弗措也 録》日 《語録》曰:「此是言下工夫,人做得一分, 「弗 措 而 却 知,勉 弗措,勇之事。」 . 是 **足勇事** * 而 有弗 ,到得後面説人一己百 必要其成,故常 行者也,勇之事 問,問之弗知 學、問 有弗 思 辨 也 辨

只是理會這 果能此道矣,雖愚 己。 氏曰: 明 進於强。 氣稟,而能變化,向 「雖愚必 者擇善之功,强 德勝氣質, 明,是致知之效; 「君子所以學者,爲能變化 陳氏 日 也愚而 必明, 則 「是雖 愚者可進 者 今則明,向 雖 氣稟十 雖 固 柔必 柔 執 之效。 强,是力行之效。」 必强。 分愚而 也柔而今則强矣。 於明,柔 柔 至此 語 氣

者

口

德勝

質

丽

曰

吕

已矣。 學所 則 其不美之質,及不能變,則 之。今以鹵 昬明强 故學問須是氣質變化,然後有以復其初。一不能勝之, 美之質,求變而 誠之者所以反其 雖有 」《語録》曰:「吕氏解得 能變。 蓋均善而無惡 志於學,亦 弱之稟不齊者,才也,人 莽滅裂之學,或 是果 美,非 同而變其異也。 於自 愚 不 者,性也,人所同 百 此段痛 能 棄, 倍其功,不足 明,柔不能立 日 快 其 作 天 爲不 或 讀之未嘗不悚 質 所異 輟 夫以 不 ·美,非 以以 以 也 也 甚 變 致 不 mi

然警厲奮發。 之,求之既得,則當優游玩味,使心理 着反覆看 下國家,近而一身,無不曉然見其施爲之次第矣。」 語意若不相 右第二十章。 ,越看越好。」○又曰:「此章語 人若有向學之志,須是如此做工夫方得。」 接,而 實倫理貫 黄氏曰:「此章當一部《大學》,須 通。 善讀者當 相 涵則 極宏博,其間 細心 大而 以

專說鬼神,是以天道言之。 篇首至十六章,始露出「誠之不可 問學之本原。」章内 以明群聖道統之相傳。」蓋 此引孔子之言,以繼大舜、文、武、周 箇誠字鎖 者,實此篇之樞紐 哀公之言,推廣中庸之道,包費隱,兼小大,以歸 以終十二章之意。 盡中庸之道,此説孔子能盡中庸之道。子思引此 公之緒,明其所傳之一致,舉而 亦猶是耳。 盡。」〇愚謂: 陳氏曰:「前説舜、文、武、周公能 語 《中庸》一篇,無非説誠 也。 誠 葉氏曰:「此章以孔子告 至此章説許多事,末乃 包費隱、兼小大, 始詳, 黄 氏 揜」一句,然不 日 而 一《中 所 措之, 謂 庸 誠 着

> 道 説誠身工夫,便是人道。 學之」以下,《家語》無 能問以政,而不能行其言,所謂從而不改,説而 有「公曰:子之言美矣! 章,而其文尤詳。 文,抑此或子思所補 所删有不盡者,今當爲 人實固,不足以成之也」。 二字,蓋子思删其繁文以附于篇,而 起答辭。 ,雖聖人未如之何也。」故其下復以「子曰 ,極爲詳悉。 今無此問 又案:《孔子家語》亦載此 「成功一也」之下, 詞,而 自此以下,分説天道人 也數? 之,意 衍 猶有「子曰 葉氏曰:「哀公 文也。 至矣! 彼有 闕 博 不

得而不從耳。」曰:「沈説固爲善矣,然之説乃與『地道敏樹』之云者相應,故不所考,且於上下文義亦不甚通,唯沈氏所考,且於上下文義亦不甚通,唯沈氏成。」曰:「蒲盧之説,何以廢舊説而或問:「二十章蒲盧之説,何以廢舊説而

賦質 也。 二物而 此 道達德,有三知三行之不同,而 所 必 或 也,何必 時之本文也。 鑿,不足據 曰:「此 爲變化之意,而 (傳》曰 夏小正》十月『玄雉 繋,又 反取 m 無 解 何也?」曰 純 於 爲 不 生 諸 粹,天理渾然,無所虧喪者 此 知 圃 果 一名,若以蒲 亦彼 詳 無 羸 無 也,安而行者,安於義理,不 知 此 考而 信,疑 明 者,蒲 者, 矣。 所 而 文 書之傳文耳,其他 . 且 附 咈 此 口 生 深辨之耶?」〇日 舊説 況 又以 合之,決非 彻 亦出於後 盧 證 而 此 氣質之異,而 也一, , 則 人 神靈,不 盧 等 此人之稟氣 蜄 未 于 爲 瑣 姑 爲 爲 則 淮 變化,則 闕 碎 蒲 世迁儒之筆 無 孔子 似 爲 既 之, 盧 待 所 蜄」, 亦 教 蓋 其 其 則 所 性 非 據 以 也。 清 致 多 而 則 又 也。 亦 大 不 見 蒲 而 明 待 不 同 則 達 應 夏 穿 於 可 義 其 盧 陳

般。 之者 困 矣。」 所 性,無有 則 此 慮 則學 者,其氣質之稟亦不同矣,然其 安,未知其利, 而 蔽,得粹之多, 而 加 氏 日 善 能亟 不待 知 則 ,而後知之者也; 而 行 或安行,或利行,或勉行,及其行之成 而已。 陳 也 知 唇 所 者,真知 以 此 不善,或生知,或學知,或困知,及已知 氏 知之, 蔽 者,生而 反之者也 勉也。 至, 謂 日 陳 聖人 駁 氏 無 故及其知之而 雜 凡 E: 雖非 其利 地 少 天 此 而 勉力强 此 位。 不 此 皆 異 未 明,學 得 生 丽 隨其氣稟之不同 理 學 陳氏 又次等人地位。」此三等 勉强 焉 能 清 知 必 幾亡 丽 無 行 日 之多,而 矯 丽 知 亦 二、此 而 而 雜,天理小失, 之,雖 脯 不 成 者 復 未 行者,不獲所 久而後 行之者 待 達,困 功 是大賢 其 有 木 心則 功 性之本, 有未安, ,然本 初 未 所 魺 也 能 地位。」 丽 能 心 不 然之 也 則 般 其 反 無 衡 利 知

序,而 則 爲 以 勉 其 勉 以 以 非 從 知 勇之次,則亦 미 而 侯 至 |此爲能復其本然之初矣。] |曰 智, 分 學 子 行何 又 行 其等而 而 以爲知矣,然學而知之,則知之次, 氏 知之大也。 知之,則 困 以 者主 知利 皆 路 不 而 學 也 篇首諸 知 息 言 明 以 |?」日:「安行 知 勉 於 言 知 行者爲足以當之乎? 勇,其語 生知 則 知之大,而非仁之屬 以 利 行 强 爲 則 三知 庶 章,以 至 爲 行 且上文三者之目 而 智, 安行 以 乎其曲 於 者主於 勇, 爲 生知安行者主於知 爲智,三行爲 知之成功之一爲勇, 知 勇。 舜明 其 爲 行 也不卑矣,夫豈 可 説善矣。 仁, -; -盡 行 爲 又 以 知, 也 圃 通 學知 張子、 爲仁矣,然 敷 爲 以 而 也 近 固 仁,所 П 故今以 利 子之不 ·吕、楊、 明 而 近 行爲 困 利 有 言 爲 專 知 而 以 次 丽 行 生

此, 中。 仁便是横擋 與《中 티 : 時 肅 脩 不 察 則 日 看 安行,所以謂 在 今反是,何 須 論語 這 知中; 是力行,方始至仁處,所以謂仁在知外。 其外,内外交相養 以 : 動 無 ·所以脩其身。1〇真氏曰 身之要 問: 則 禮 九 列則 庸 静 》說仁便是直 以 邊了, 無 而 興 》説知、仁、 制 諸 而 經 動 内 也?」日 以 知利行, 處,說 不 其 也。 是 仁在知中。 之説 又看 説皆以 外 勝 存, 外, 動 交養 智又是直 其 陳氏 那 而 脚 勇, 柰 便 則無 也。 生知安行爲仁,學知 E 處 私 不齊其 是仁在 意思自别。 應 何?」曰 論 E ~,說 邊 若是學知,便是知得 齊 語 接之時 而 以 智便 明 脚 齊 便 故 》説仁者安仁, 「齋戒明潔 動 盛 處。 知 立其 自 齊 外, 明 静 是 外。 服 見 動 以 明 且將 横 生知安行,便是仁 不 是 得 静 則 示不 本 擋 既 盛 違 交相 静 於内, 不 , 處、《中 諸説 是生 ,所以正 無 而 相 所 服 利 譬如卓子, 知 動 以 養 未 礙。」(其 淺 知,必 者 行 録 也。 盛服 應接之 以 非 養 此了, 而 庸 利仁 爲 出 其 内 知, 爲 禮 其 看 》説 不 4 如 以 能

八

我留 則賢 不脩 察,則 養其 故 蓋 之欲其貴,故必尊其 婚 故必去讒、遠色、 讒諂之人、貨色之欲奪之,則好賢之心衰而賢者去矣 勸 則 應物之際: 其 也 人内所 ,所以 賢 姻 去 持 好 言,回 中。 盛服 也。」 乎! 有以 之道 欲 讒 者隱微; 賢 衡之勢, IJ 三信讒 制 儼 親 此内外交致其功也。 其 遠 不 敬 爲 防人欲於將 静而存養,則有以全天理之本 然,所 其 之欲 也。 色, 篤。 無 而已矣。 外。 勸 賤 相 親 以正 邪, 賤 三山 此 容正則心亦 佞 貨 遠 其 賈 位; 親 貨 重 人 内外動 其容 萌。 則 捐 ,故尊位 貴,愛之欲 而惟德之爲貴 之道也。 陳 M 愛之欲其富、 用 則 任 之 氏 此 也。 事 日 彼 賢 動静兼 所 静無乎不敬,身安 静者未應物之時 正,故曰齊於外者 於貴 , 則 有 輕 不 心 謂 重 īΕ · 專 \equiv 後 諍 用 好賢之心,而爲 則 理 山東氏 一禄,同 ,然後賢者肯爲 其 德,所以 其 故 容 臣杜 富, 古 宫 力 必 徇 Œ 也 重其 然 盛 貨 E 動 故 其 兄 Ξ, 矣。 得 動 色, 色, 然蔽 丽 所 日 禄。 弟 親 好 爲 而 省 以 IE.

> 不給 誠,則 也。 趨 而 任使, 勸大臣之道 以 好 寧 臣得以 而又當重禄也。」〇愚謂: 人情莫不欲逸,亦莫不欲 士,則士有守死而不食其禄者,其所得 **7悪也。**」. 自 事 恤 不 ,則士不肯盡其力。 一十不 則大臣將親細務,而不暇於佐主矣。二盡 盡 其 功 來 總其凡於上,而以道佐人主。 Щ 故故 大臣 ,故官屬衆盛 私 微 陳氏 肯 我弗 盡其 忠 則 H 也。 不親 顧。 心。 :「七者, 信 士 三山 重 無 仕有 細 兄弟婚 此勸之之道,所以既先忠信 禄 仰 苟無忠信 事 陳氏 ,足任使令, 時 百官之總稱。 , 所 事 , 則 飒 而爲貧, 日 俯育之累, 無胥 以 以 富, 而謂 若官少不足以 「庶官無 爲 道 遠矣 使仰 不過 故 勸 事 爵 待之不 時 禄可 事俯育之 士 所 君 故 曠, 庸 之道 必 其 以 者 使 才耳 而 以騙 則 司 樂 誠 爲 得 薄 備 大 其

勞,則不信度作淫巧者無所容,惰者勉

民以時

而薄其税斂,而民有餘力餘財而樂於勸

功

矣。

日

省月

試

以

程

其

能

既

稟

稱

事

以

償

其

斂

所

以

爲

勸

百

姓之道也。

Ш

陳

氏

使

聘有 送其 能。 大 不 衛國。」●凡 之,如周武王立夏商之後。 王 其 使 也。無後者續之,已滅者封之。 任 無所容,而 其 加 語 、功,以下上其食 如如 臣 室 財。 出 能 上下相安",持其危,使大小 録 節 ₩ E 一、體 乎 往 桑人春 則天下之旅皆悦而 者 嘉其善;不 而 脩 則天下諸侯皆竭 , 勸 群 能 無倍畔之心矣。 而不勞其力; 因 此 待以 身、 」獻素、 者 矣。 臣 能 九經,其事 i 亦以 ,則自尊賢之等而推之也; 授任 尊賢、親 而誅賞之之類,則工之不信度者既 秋獻成,書其等以饗工,乘其 委 見 (積,以 Ш · 强 知 以 陳 而 其所不欲 嘉 氏 已滅者封之,如齊桓 勸 貢賜有度,而 其 親 日 不 迎 矣。」爲之授節 善 其 願 真氏曰: 三者 同, 其 一辨 (忠力) 謂 出 來 然總 願 其 於其塗矣。 ,以矜其不 相 而 害 留 治其 於其 以 良 틴 無 恤 因 其 ※後者 而 能 蕃 不 (事,考 國 實 公封 亂 制 敬 衛 貴 朝 授 以 續 者 其 0

> 賢 來。 親親 以 之,親之厚之,而 問 親 子 治之則 而 合來,其實歸 耳。」陳氏日 脩身之至,然後有以各當其理而 言任之以 賢 親親尊賢之本,又從脩身來。」曰 並 親愛而保全之也。 親 庶 子庶民、來百工、柔遠人、懷諸侯,其本從親親 民、來 之殺 否 行不悖之道也。 ,則又豈無 傷 而 恩,不 事者,何也?」曰 輕 而推 百 「其經常有 件。 屬 I 之也。 任 蓋敬大臣、體群 治 所 不 之, 柔 自 則 Ė 九,其 遠 不 荷 若親 廢 而推之哉? 任 至於 人、懷 幸 以 之以 法,是以 八實總 丽 親 而賢, . 所 臣,其 者 一此 或不 親 諸 事 親之故,不 有 以 了, 是 侯, 三件,三 親 本從 富 尊 則自 親 無 ·勝焉, 己貴 所悖 乃 賢 親 則 而 亦 真 I 當 來。 所 尊 不 自 \Box 而 件 賢

改,不再出校。 「桓」,原避宋欽宗趙桓諱改作「威」,今回改。以下

逕

然也。 信任 矣。 爲本 陽 使大 焉 免於 之而 謂 高 季 之,則亦 者,必不 義 置之大臣之位而尊之敬之矣,豈 不覺悟』者,亦安得而不慮耶?」曰: 妬 `、朱异、虞世基、李林甫之徒焉, `,則聖人之意,亦可見矣。」曰: 「子謂 相 而 所謂『偏 然耳 能以尊賢爲 臣 與 有 大 賢 則 彼其 夾輔王室,而 過 哉 臣 脯 雜 疾 亟求其人以易之而已,豈有 固 ,及其致辟之後,則惟 賢 丽 以 能 視 聽 使其 所 無以 也 御 如是之人矣。 觀 明 生姦,獨任 以 則 於管、蔡監 聽 明 至 下 先,則其所 間 可,其或不 聰 蔽 於 此,正坐不 之,故臨 五叔者有土而無官 上,以 此 而 義 不 成亂」,范 商 不幸 口 置 而 成 事 而 幸 欺 以 能 知 其 而 康 丽 以 九 加 爲 以 私 周 但 不 叔 經之 富 則 有 或 賢 脩 雎 公 大 而 示不 眩。 失 知 臣 捎 否 身 主 所 鄒 聃 不 貴

其序。 説以 勝,則 巧,而 然,吾恐上之所以猜防畏備者 也?」曰:「以其列於懷諸侯之上也。 禍 將不在於大臣 則 其爲眩 而 之聖君賢相,所 逸於得人,任則不疑, 小臣之察以 位 其 日 元,尤有 八必能 其禍 ,使之姑以 有 「子何以 以 爲蕃國之諸侯, 其爲 夫所謂 《書》言『柔遠能邇』,而又言 共 固 愈甚;下之所以欺罔蒙蔽者 爲 不 成 姦 有 害愈深。 可 正 防之哉? 不 以 奉行 言 勝 偏 加 可勝 大光明之業 以 敗 聽 言 柔 移 誠意交孚,兩 國, 者 獨 文 遠 於左右 言者,幸而 不幸 則 任 書 矣。 人之爲 顧 而疑則 以 御 夫 爲 猶 下蔽 遠 嗚 而臣之姦遂 勞 職 ,其爲國家之 置 也 先近, 呼 業 於求賢, 不 無 之大 任 上之姦, 愈密,而 危哉!! 盡 忘賓 主之威 如 而 此 其 M 其 臣 又 「鱸 道, 示 旅 之 非 舊 愈 古 m

意,而 迁 發之也 氏 則 直 下 反 知 法度 口 指意所出,若有 日 懷方氏之官掌之,●於經 也 夷 固 曉 他 П 雖 文所引明道先生之言,則又若主於誠 語 以先王之典章文物爲 誠意 (率服」,則 也。 「楊氏之説,有虚器之云者二,而 也。」案: 書 亦 以 況愚所 而 丽 與前段相應,其於本段上文之意 可 詰 首 難 無 是其前 丽 以宛 其後段 通 之 誠 尾 不 謂 所 也。 楊氏曰:「天下國家之大,不誠未有 也, 意, 衡 知治天下國家之道,則是 轉 授 謂 决,亦 段 豈 不同者焉,何也?」曰 則 主 而 節 柔遠,亦不正 此 主於誠意,故以 記者之誤 一於格 法 説合之,然終不免於 委 其 度 多 積者,比長、遺人、 不 爲 有類 物 虚器而不之講 有明文耶 同 虚器, ,故以爲 審 此 耶 矣。 謂 者 īE 服 但其 殊 爲 若 言 然 四 楊 不 佰 有 夷 以 其

> 得 晝夜,自不窮竭 矣",行終始如 物, 誠,平時 下,則 疚矣,道 此耳。」〇日: 又 不躓矣, 物 能 「有關雎、麟趾之意,然後可以行《周官》之法度」,正 先立乎 日 動者 其要。 致知, 烏足以知 而 出 先王之典章文物,皆 九 也,雖法度彰 則 常 經 常存 不 有 誠 事 案 行之者 跆 本 有 矣。」 也 在, 躓 游氏 「所謂 無破 其 實 矣; 而 無 孙明,無 諸 (道哉 日 先 而 不 病 少 做 説 處矣; 間 立 前定者, 窮 不 者 **灬誠心以** 事實有 惟 虚器也。 惟 斷, 0 矣。 何? 乎 木 至誠 游 乃 矣, 誠 若謂意誠 道 行之,皆虚器也。」〇 氏 前定之謂 箇 陳氏 誠 如源 爲能定 行 骨 何也?」曰 故明 則 圃 『誠定』之云 :子,則 르 泉 \Box Ħ 有 道 便足以 混混混 惟前定 常 有 先 然 此 不 言 生嘗 而 而 物 不舍 平天 心 木 據 非 不 而 敗 官 之 調 謂 格

箋》改。 [官」,原誤作「言」,據四庫全書本《中庸或問》、《中庸

0

0

十一改。十一改。

則立 親 則 也。 信。 親 苟 上 不 以 位 上 則 能 志,故民 義入神,然後立斯 言 無 應 合也。 諛説 外 不 信 不 圃 明 方 ,必有教以 是 則所 故以 見知。 見 其 然 乎 不 有 善善 誠 則 悦 道 欲 友 取 事 獲 定之效 言則必行,以 所謂 厚 不可治。 誠身之説 其道在 容 乎 親 在 順 者 則 先之。 然欲 然欲信乎友,又不 也 之禮 誠 上; 平 薄, 志 立 明善者也。」案: 如 乎 親 此。 動 行不孚, 則 悦 誠乎身,又不可 其道在 盡教之善,必精 面 , 而 身 斯和矣。」〇 , 奈何? 」 張 符則 然欲 又 乎 無 無 而 子 内 不 親 以 必 所 己, 以 無 獲 成 信 加 可 不 丽 安 已,蓋 乎上,又不 精 以 愛敬之實, 蓋 名譽不 乎 薄 其 以 日 日 張子 行 反 義 友 . 義 位 311 可 則 故 以 身不 而 無悔 以襲 日 意 不 而 夫 研之。 友 以 在 聞, 神 已 曲 悦 行 便 在 不 下 事 以 誠 故 佞 從 見 故 其 爲 取 平 蓋 口 下 獲 精 豫 道

信 善,固 乎 遡 善而 不明 矣。 物 强 所以敬親 疑之矣。 悦 雖 不 善也。」故夫子言此,而其下文,即 至於誠身之道 道 一、又非 君 而言之, ,必素行信 能 道、擇善、固 ,必信乎友而後 欲 致 爲 有 後身可 ,則不能 此 也。 勉 如 知 執 時 可 然悦親之道 也,反諸 必然之理也。 好 焉 則 而 `以苟合也、所厚者薄,於親 所 誠,必誠身 以真 其 於朋 完安其 人於不善矣,此誠身之道 君子之學,求爲有 以 好 非真 道 以 色, 誠 君信 身 友,則名實加於上下矣。 位以行其道。 知 誠 在 執 有見於此 其 丽 惡 至 ,又非止於奉養 明 身。 者繼之、蓋 而 之,必 無 身, 悪 善 後 乎 不 親 三山 誠 之 必 善 擇之之明, 而 得乎 則 可 用,本欲及 所 不 丽 偂 陳氏 身 而得君之道 順 好之必不篤 君 後 能 在 己, 不 必 擇善 有 無違 丽 ൬ 日 ,所以必始於明 順 如 可 愛敬之實 後 不 則 蓋 親 惡 以 順,朋 民 丽 人,然不 信 得 此言 好 所 而 不 則《 非 可 已, 惡 天 ,辨之必 於 後 善 能 圃 以 治 道 太友之 友 敬 友 必 臭 由 大 矣。 也 必 明 格 誠 得 身 亦 容 可 明

誠哉 耳。 楊 則反 矣,安得 好 善 誠 所 之於外, 次序,終則《中庸》之極功。」曰: 而 曰 (大學))所 者,物 以貫 身脩 求其理,今乃反欲離去事 色者,而 無 氏『反身』之説爲未安耳。 施 所 若知 「此章之説雖多,然亦無 不 m 謂 (之而 身者將 實, 不 則 物 況 直 格 而 謂 有未 利,而 順 格 知 萬 謂 有 格 其 意 無遺矣。」輔 至,而 親、信 物 物 但 如 所 無 而 誠 至, 之功 之 能 前 達道達德,九經 行 知至也; 而 理 豪之不實; 意誠 所 反 則 白 心正 友、獲上、治民,將 反之於身 下, 正 皆備 求 反 謂 無 氏曰: 立身脩 諸 如 之 内 在 諸 執之之固 身, 惡 於 m 外 即 物 「始則《大學 惡 我 7,則所 大得失, 也。 蓋反 説 不 隱 則 事 而 臭、 如 誠 顯 凡 即 專 丽 不 知 何 身 事 者 之 務 待 如 明 物 無 心 「,則 ? 至 好 殊 之 亦 求 不 求 名 ПÍ 唯 無 TE. mi

得誠 心爲 也。 則真 於 雖 實 隨 所 則 乎?」曰 也。」〇日: 地之間, 無妄之意耳。 得,反諸身而 曰:「反身者,反求 之於身,尤非《大學》之本意矣。」案: 謂 亦 實也。」愚謂: 亦 事 有 隨 至實 不 以 實無妄之云也。 不 誠 之名,若所 而 其 德言之,則 同 也, 勉 言 : 惟天 (所指之大小,而皆有取乎真 丽 而 ,然其義之所 르 「誠 則 「難言 中、不思而 無妄,故聖人得誠之名,若 行之實 反身而至於誠, 理 諸身也。 一念之 誠之一字,有以自然之理言者,有 蓋以自然之理言之,則天 之爲 謂 爲 也。 有 天之道、鬼神 至 義,其 實 蓋 實 姑 亦 生之類,惟聖人之 若事 萬物皆備 得 歸, 加 誠 亦 以 者是也。 也 誠 無妄,故 其 則 理之得此名 詳 則 利仁者不足 也 名義言之, 可 於我, 未 是 得 之 始 其 至於 非 言之) 德是 大 깸 天 楊 自 在 小 聞 理 實 道 氏

此天 其性 之物,洪 明,百千 無 始有物以 純。」〇又曰:「只一 該,無所不具,然其爲 天之所以 此常物之大情 曰:「一 理、聖人之所 實亦是誠,一言一行之實亦是誠。 誠字,聖人也只是一箇誠字, 然皆有取乎真實無妄之意。 以德言者,有以 天道流行,自古及今,無一豪之妄。 爲, 理之所以爲實 命之正 而一元之氣,春 一則純 纖 萬 雜之也。是以無聲無臭,無 爲天 巨 年,未嘗 以 事言者。 細 以若 生, 也 箇誠 也。 則 飛潛 丽 沖 ,若不 加 随 雜 是其 陳氏曰: 有一息之繆。 未 其所指之大小固 漠 純純 論其大者,天也只是 不妄者也。 動 體 論其小者,一物一事之 秋冬夏,晝 嘗有 誠 無 植,亦莫不各得 則 實者, 則 則二 朕 凡 日 八誠,雜 暑往則寒來,日 一豪之差。 而 物一色, 圃 雜之矣。」夫 何 已矣,未 萬 然 陳氏曰 有 則 也 天 夜 理 則 不同 謂之 妄。 ? 下 唇 思 兼 天 箇

義者 清純 往則 是以仁則表裏皆仁,而無一豪之不仁; 歸 其甚至於詐 勉於爲善,而内 當其羞惡之發,而 之,而私欲生焉。 相似,都 常短,無 物,洪纖高下,飛潛動植,青黄黑白,萬古皆常然不易 而忮害雜之,則所以爲仁者有不實矣; 氣質之偏, 生,性命之正 如以木葉觀之,缺者常缺,圓者常圓,脩者常脩, 貞 則則以 ,終始循 月 有不 來。 渾 是真 一豪差錯。 環 其二者雜之故也。 然天 實矣。 春 實道 萬古常如此,皆理之真實處。 生了 П 僞 理,初 。 固 鼻 理, 便夏長,秋殺了 欺 便待人力十分安排撰造來,終不 外 此常 耳 亦 自 罔, 而 隱 是 貪 目 無人欲 莫 然而 顯,常不免於二致, 昧 以 人之心,所以 四 非 雜之, 當其 然。」若夫人 卒 支 天理之實, 之私以病之。 之 墮於小人之 便冬藏。 惟聖人氣質 惻隱之發 好得 則 所 凡天下之 物之 元 以 雖 以 但 短者 亨 爲 蔽 欲 以 利 者

必

加

其

能

也,又 旋,莫不中禮也。」曰:「然則常人未 箇是仁 寒便是寒,暑便是暑,更不待使他恁地。 於天下之事,皆有 人固已言之,亦 舉天下之善 ,更不待脩爲 爲 則表 出 戒 以 不 欲 所以不勉不思,從容 「聖人之生,其 謹 爲,知其如 加 固 善去惡之心 ,義便真箇是義,無 極天下之實 而 裹皆義 無 恐 執 無 之 以 懼 所 實其 功,雖 而 加 施 稟受渾然,氣質清明純粹,全是此 無 與 不 日 面 於外,人 八天爲 是 、德者, 擇 敢 固 以 無 其不 爲 加 事 不實處。其爲 已篤 一。」〇又日 懈 知 善 惡 無 之或 豪之不 其 而 奈 中道 睹 而 而 ___ 則 矣。 如 固 何 不 豪之不 不 無 遺 凡 ? 是 執 而 聞之間 能不去 所藏於中 所 於是 之耳。 而 爲 「天無不 聖人仁便真 德也 日 謂 動容 善 其 滿 私 ൬ 而 免 爲 語 實 聖 於 録》 欲 亦 則 夫 周 此 善 固 又 不

私

其

理 曰 義

之德又 言 者也 説 哉 其 自 如 分善,實 虚 有惡不幾於妄乎!」曰 惡於中,便形見於外。 誠 誠 善 陽 若是者 了。 了,其下 耳。 ? 爲 也 善 將 何 也 亦既略言之矣。 ? 。 日 誠 o」《語録》曰 惡也何實 消 誠只是實,而善惡不同 但 適 而 有 何 虚 磨 了,自其 非 二分惡,便 以 章 日 所 :「然則《大學》論 矣 患 泯 天 誠 以 以 , 於不實哉 滅,不 於 理 周 虚 自 人道 天理之大 如之, 問 中 真 其 子 其 然誠 虚 「此便是 者目之, 得以 本 實 了二分善。」 人 言。 案 至矣,其上章 『誠於中,形於外,是實有 者 八欲之 然 無 而 寶有 真實無妄,安得 周子上章曰:「誠者聖 之善, 妄之本 體 爲吾之病, 安得 愚 惡底真實無妄,善便 是 觀之, 私 於 一分惡 何 小 則 日 分觀之, 不 也 而反 人之 所 通 然 ? 便 謂 則 以 謂 書》之 虚了 有 之 陰 諸 爲 天 則 其 誠 而 日 !惡?! 道 爲 惡 不 説 其 誠 則 吾

子曰: 則諸 E : 日 有所 是自然之誠,不欺是着力去做底。」其 妄是我無妄,故誠。 已括盡大意。 故曰「一日克已復禮,天下歸仁焉」。」〇愚案: 塞也,故誠則 利貞,誠之復。 之本,敬者用也,敬則誠。」〇又曰:「主一之謂敬,一 上章言太極陰陽五行,下章言太極之在人者,此 無而動 陽之謂 各正性命,誠斯立焉,純粹至善者也。 人之本,大哉乾元,萬物資始 聖,誠而 發 家之是非得失,不能出 「無妄之謂誠,不欺其次矣。」〇《語録》曰 學、問、思、辨,亦有 有,至正而明達也。 朔。 敬 ,繼之者善也,成之者性也。」元亨,誠之通 則 (無事矣,至易而行難,果而確, 已矣。 程子『無妄』之云至矣。 有意在。」讀 大哉易也! 程子曰:「誠者天之道,敬者人事 不欺者,對物而言,故次之。 誠,五常之本,百行之源 五常百行,非誠非也 者深 ,誠之源 性命之源乎!」〇下章 序乎?」曰: 玩而 乎此矣。」() 也。 故曰:「一 他説,亦 默 乾道變化 無難 識 案 朱子謂 也。 邪 無妄 陰 焉 兩 無 矣。 各 程 語 暗

則 不差。 故能 可思, 理 可 篤力而行之,則 心,實有所得,則可以辨別衆理,豪分縷析,自然精明 而失之放蕩, 問,乃能盡師友之情,而疑可釋,故曰審思。不可 之理,紛綸交錯,輕重淺深,看端的 實 得 以盡師友之情 曰:「學不止於博覽群書,凡天下事事物物道 伍之以得所疑 學之博,然後 ,方真知所謂至善所在 廢一,然亦有次序,須從博學起,又須經 而不爲空言矣。此五者之序也。」陳氏 凡所學問思辨 而 理會,故曰博問。 可以 自學、 無所疑 思之謹,則精而不雜,故能自有 施 問 須是謹思, 感感 其辨; 可以踐其 思、辨 ,故能反復之以發其端 有以備 丽 而 不可 而 口 有 ,至此見得道理真實分曉,然後 則 辨之明,則斷 實而不爲空言。 八能精 得之者,又皆必踐其 以 問 粗略,須是詳審。 知得端的確然不 * 見於行,行之篤 事物之 而不雜,然後實有 問之審,然後 可疑是何 理, 此五 而 四節 故 山 理 不差, 凡 能 皆 泛濫 目 事 所 有 道 物 須

其積累 於行。 疑,有 不 見,徒足以 故 則亦自棄之人耳。」曰: 後守之,方可 或 爲學之道,造約爲功,約即 聚不博,則 吕氏曰:「君子將以造其約,則不可不學。 之心,而 而 考之,則亦未免乎有病。 有所未安,則必尚辨析以精之,既精矣,然後可以從 下,必欲 善乎?」曰:「吕氏此章最爲詳實,然深 粗 能 一以貫之。 不可以 疑然後有 略 無 苟無志於學則已,志於學而不序進於此五 ൬ 丽 疑 飾 約不可 姑從 無 不學,而其學不可以不博。 貫 牢固。」○三山 不審 П 則 問,既問 耳 通 得。 事 理之不通,無一事之不能 不 非其博學之初,已有造約 斦 焉,然後有以深造乎約, 己 於博,以爲之地 則 口 博學而詳說之,將以反説約也。 「吕氏之説之詳,不亦 而反求諸己,然後有思 語誠 其 以 誠也。 陳 疑 不 則 氏日 不 問 未 蓋君子之於天 不能至是,則多聞多 能 也。」至 「學之博 盡 面 決,而 其 學以聚之, 也。 一於學 問問 脯 思 也 後 及 者 與 面 事 而 有

與進乎 非吾 獨爲 也或 非疑 也。 太深 故而進於新者也。 若 不 之善也。 然後心與理熟,而 篤,而守之不固矣。 反之心,以驗其實,則察之不精,信之不 學也,問 知所疑矣。 者不欲進則已,欲進則不可以有成心,有成心則 問 日 事 案 成 而 太 而 無 反之於身, 道矣。 也 問 多 以 吕氏 不 心 也,得於外者也,若專恃 小疑必小進,大疑必大進,蓋疑者不安於 故 問 故其思也,又必貴 亡 止 而 異矣,故 故成心存,則自 知所以爲性,知 日 而 不 而 則 如問之審 「不致吾思以 專 後 審之説 又過 知其 可 彼 則 其 進 故必思索以精之, 此爲一。 問 八爲 苦 亦 審而知 處以不疑,成心亡, 所以 也。 泛 則 之 而 何 反 爲 濫 是 不 有 諸 案 事 ,則達孰禦焉!」 身 命,反之於 於能謹 疑 口 傷 而 何 然使其 吕氏曰: 則 皆非 之説 無 以 物 此 學 益 不 問 而 而 非 我何 然後 不 聞 也 學 已 思 或 思 不 見. 口

于得 其 餘 有功也。J〇 故曰「思則得之,不思則不得也」。 也 而 則皆得之, 後已 知所以名仁,知 ,則學問 曰:「何以言誠爲此篇之樞 、聞見、皆非外鱳,是乃所謂誠 加 所以名義,反之於我何事 所 論變化氣質者, 慎其所以思,必 也。 也 尤 至

紐也?」曰:「誠者,實而已矣。《語録

¥

實體 其體用之實而品節之也。 理之實 所受,皆實理之本然,無不善之雜。」性 而 實理之原 「誠是 不 可 ,道其當然之實用,而教也者,又因 實理,自 揜 也 者 也。 然不假脩爲者也。『天命』云者 也。 隱 **《通** 之見,微之顯,實之存 戒謹 書解義》曰: 恐懼 不可 耐 「天之所賦,物之 謹 其在 離者,此 其獨 物之 焉 亡

實

理之適

可

而平常者

也,過與不及,不

此實理而已。一卒章『尚絅』之云,又本其

務

則

所

以

極

此

實

理之功

效

也

中

庸

云

者

極

功

也。

⑥通

書

解

義》曰:

「聖人之所

以

聖,不過

狀

此

實

理

之體

用

也。

天

地

位

萬

物育

所

以

實

乎

此

理之實也。

中

和

云者,所以

,「自天地以至人物,小者大者,皆是真實道理如此。」() 也。 欲其 之不 愚謂: 之用 本,參天 乎此,而 此,其誠之謂歟! 以下,至於大舜、文、武、周公之事,孔子 滿,夫豈 見實 之言,皆實 可揜,則 而 實者 必以 實 理 朱子言萬理皆實,又言實理者 廣 誠 而 ൬ 面 語 明』以下累章之意,皆所 又其 無實 地 至於 其 妄行 天 體 其所以。至於正 而 理 實 微 贊 發見之所 應用之當然。 也, 叫 聖人於此,固 者 而 如 也。 化 有是哉 也。 無一豪之僞 此之盛,其示人也,亦 必 育, 期 鳶 費 則亦真 飛 於實者 以 而 然 魚 隱者,言 『道不遠人』 大 以其 而鬼神之不 躍,流 也 合當 實 經 也。 決定 無 人 無 而 以 陳 妄之 氏日 蓋 面 動 文 反 實 是 復 自 豪 充 大 天 理

其樞紐不越乎誠之一言也 欲人之實此理而 處。」蓋此篇大指,專 故教之以 又極乎天命之性、實理之原 争,變也; 克之事,皆所以實乎此之序 功 實之初 「《中庸 不 愧 誠,到「衣錦 心 》前 屋 而 百辟刑之,化也。 面教人做工夫,中庸又怕人做得不實 漏者, 言 也。 尚 無 戒謹恐懼 |細|以 内 以發明實理之本然, 妄,故其言雖多,而 省者 後,又歸 mj 也。 謹 黄氏 而 無聲無 言 獨 天命之謂 無 日 也 時靡 克己之 己 道 黄氏 臭, 有 미 皆 性

矣,明則誠矣。自誠明,謂之性,自明誠,謂之教。誠則明

嗚呼深哉!

實理,人惟誠足以盡

道

,至此《中

-庸》|

篇之義盡矣。」

善,而 自,由 後能實其善者,賢人之學。 也。 所性 德 Mi 無 有者 不 實 也,天道 而 明無不照者, 也 先 由 明 聖人 教 平 而

> 及其成 誠而後至於明。 分而爲二。」〇三 曰:「以誠 則 得之實理,必 之道也。 之學習。」〇三山陳氏曰:「自誠明者,由其内全所得之實 明 學者先明乎善,無不精察,故 理,以照事物,如天開日明,自 體,無一 之謂性,脩道之謂教」二字義不同。]〇葉氏 此教字,是學知也。 人者也,人道 而誠也。 無 功一 不 不實 自明誠者,由窮理致知,去其私欲,以復全其所 明 īfij 也。 謂之性者,全於天之賦予,謂之教者,成於己 論明 由學而 矣, ,而明睿 Ш 自 也。 則誠明 明 陳氏 明 此一字却是轉 能,此教之所以立,人之道也。」誠 誠 則 所 者 照 語 合 可 二月 尚 録 一而爲 無 以 践履之際,始無不實 須 然無蔽,此性之所以名,天 日 誠 由 至 不 明 以 明 於誠 盡 者 此 轉 间 明 説 性, 後至於誠 此 誠 而 矣。 自 調是 與 即 論誠 日 (首章『天命 明 誠 ○ 語 也 脯 性之也。 則 聖人全 雖 明 非 此 誠 也 明 自

自此以下十二章,皆子思之言,以反覆道處,皆自然無節次,言人道處,皆有下功夫節次。 人道之意而立言也。《語録》曰:「《中庸》言天右第二十一章。子思承上章夫子天道、

推明 或 問 誠明之説。 此章之意。 曰:「程子諸説

者,自 明。 所傳 者,自明 也。」〇又曰:「孔子之道,發而爲行,如鄉 切。 自其内者得之而 案: 誠 録,其 而明 而 程子曰 誠也。 也。 以内 :「自其外者學之而得於内者 及其至焉一也。」唯『先明諸 由 鄉黨之所載而學之,以 外 兼於外者,謂之誠。 道 行爲誠 明, 皆學 至於孔 黨之所 誠 似 與 不 謂 明 心 親 者 載 之

乃顔 學之 以求至,所謂自 程子曰: 亦 反而 可 條,以知 以 子好學 兩 誠之, 「君子之學,必先明諸心,知所養,然後力行 見彼 塗 則 而 語 明而 聖 記 論 明,以 人 不 八也。」張 誠也。 録 中 以 者之不 語 論 ,而夫子之手筆 行 故學必盡其心,知其性 聖賢之品 子 語 蓋 能無 誠,爲 以 性 失矣。 一、教 第, 得 其 故 分 案 也。 訓 一,然 有 爲

然未

究其

立言本意之所以失也。

其日

於游、楊則遠矣。」案:游氏曰:「自誠

说明,由

中

由

誠

至

明

之

語

程

子之辨,

雖

已

一得之,

誠即 地,至簡至易,行其所無事,此之謂明 不 之説也。 之之事,而不易云者,亦非 易之地」爲言, 簡至易,行其所無事』爲説,則 吕氏性、教二字得之,而 以 問 至於理。 誠明者,先盡性以至于窮理也 窮天下之理,則天下之理皆得 然不易之地,理 反之者,自志學而言,聖人之所教也。 誠,反之者也。 本旨也。 至誠 處而知,不言 □理會,以推達于天性也。」○ 明也, ,此句却是言由誠 自 案: 明誠者,先窮理以 且於 恐亦不能 而喻,此之謂誠則明。 義皆此出也。 性之者,自成德 吕氏曰:「自誠明, 則至於云者,非 性、教,皆以『至 以 無誤。 至明 天下之理,如目 ,謂先自其)程子 卒亦 至 而言 於誠 於盡性 ,則不然 Ė ,聖人之所 剣 至 性之者也; 所 成德者,至于實 志學者,致知以 、誠。」 然 於實然不易之 也也 以 於 似 字,以『至 所 性理會來,以 誠即 張子 張子日 實 未得 申 以 謂 睹 先從學 明 言 言 性 然 實 耳 自 也。 由 也 一自 閳 调 然 性 其 明 明

如

+

事

盡

得五

一件而

五件不能盡,亦是

不

能

盡。

如

或問

巨

一細精

粗,

無豪髮之不盡

也。

《語

録》曰:「且

人欲之私。

而天命之在我者,察之由之,

之全德,無

之不實,而極其至之,謂舉天下無以

加,亘

古今莫能及者也。」盡

其性者,德無不實,故無

之不盡,惟聖人乃可當之。]〇葉氏曰:

「至誠者,蓋聖人

之道也,故謂之教。天人一道,而心之所至有差焉,其 誠 出 者因性 也 自 ,故可名於性。 誠而明,天之道也,故謂之性。 ,故無不 明。 自明 明 者致 誠,自外 曲 故能 人也 一,故可 有誠。」○楊氏 白明 丽 名於教。 誠,人

歸則

無

二致也,故曰誠則明矣,明則誠矣。」

之化育,則可 物之性,則可 人之性,能盡人之性,則能盡 唯天下至誠,爲能盡其性,能盡其性,則 之比。」〇陳氏曰: 也。《文集》曰:「至誠之至,乃極至之至,如至道 天下至誠,謂聖人之德之實,天下莫能 以與天地參矣。 以贊天地之化育; 「至誠兩字,乃是真實至 物之性 可以贊 極 而 無 天 能 能 至德 地 盡 盡 加 豪

> 贊,猶助也。 其道,凡所以養人教人之政,與 我之性,但以所賦形氣不同而有異耳。 行亦無不盡,朱子謂察之由之是也。」人物之性 而 事上,能 兩件事, 這一箇是無不得 二也。《語録》曰:「若只明得盡,如何得與天地參去 盡之者,謂知之 《語録》曰:「盡人物之性,非特是暁得 不能 盡於莫,亦是不能盡。」○陳氏曰: 盡其 杰 得 (初而 件 底,故與天地參而爲三。」此自 與天地 不能 而 無 件 盡其終,亦是不 不 不 多,謂 能 明 盡, 夫利萬物之政,皆是也。 而 亦是不 處之無 與 盡,亦是要處之盡 能 天地 「知無不盡,而 盡。 能 盡 不當 能 並 盡 只 立 誠 「, 亦 一於蚤 也 這 爲 能 而

明者之事也。

右第二十二章。

費力處,便是天道,纔着力,便是人道。」「何立定樣範? 只合逐章體認。如天道人道,纔不見迭出。永嘉陳氏曰:「道理縱橫,説之無盡,如是失出。永嘉陳氏曰:「道理縱橫,説之無盡,如言天道也。或疑二十二章以後,天道人道,問

後天而 性也。 故凡天下之事,雖若人之所爲,而其所 其 天地之心 殊,此自然之勢 也。」則亦 便是至於命,案: 信。 不 因 子 下之理,未嘗不 以序言之,不得不然, 天 得 其 以 極言之,則 地之氣, 贊 而 事 杰 奉天時之類 信者無僞而已,於天性有所損益,則 窮 程子曰 天地之化育, 録 IIII 己 若 理 以以 也。 之忠、盡 極言之,非 有 盡 盡己者,盡己之性 其 理 미 性 也。 「贊者、參贊之義、先 案:程子曰 也。 , 體 ,其實只 疑 而 程子曰:「如言窮理以至 以 非謂贊助只 者。 言 即 物 至於命,而 IIII 蓋人生天地之間 ,是豈有二 之信 天 正 M 語 是窮 「・「・ 蓋當 地之體 解 其 日 也; 理 分, 此 爲 有 不 便 己爲忠,盡 盡 竊 文之意 盡 可 天而 物者, 箇 日 則未嘗不 能 其 論之,天 其 四誠,何 物 以 只 盡 爲僞矣。」 天 性 性 贊 盡 哉 心 窮 弗 於 助之 至 物 物 即 命 違 助 理 蓋 命 之 爲

用人; 理 矣。 不偏,而 贊之義. 做得底,却有 固不同也。 揚之勢不得 明理一之意多,而及於分 理一之致,多或未察。故程子之言 代天而理物者,乃以天地之心 人純 人之所爲,又有天地之所 分言之,則天之所 之化,尤不見其 以爲之者,莫非 前 水能潤物 《語録》曰: 財 於義 天 非 成 謂費 讀者 **純相** 人 理,而 天做不得 所 助 而灌溉 但分殊之狀,人莫不知 ,須是人做 不 亦莫之省也。 「人在天地中間 爲,各自 此說非是。」 ·然,然 有 天地之所 無 必用 底。 爲,固 彼此之間也。 人欲之 非贊 人; 如天能 有分 亦不 唯 火能 非 (助而 ,雖只是 其 爲 生物 私 乃 殊者少,蓋 不及者,其 案 人之所及,而 無 熯物, 所 何? 也 則 程子曰 而 小 爲 謂 面 一理,然人 若以 失 耕種 全 程子言参 而 贊 其 止 又 薪 其 備 一:,自 是 天 所 況 必 平. 抑 發 其 丽 事 地 以 聖 丽 必 闸

説 學者須是窮理爲先,如此則方有學。 之性,既盡得人之性,須是并萬物之性一齊盡得,如 同,然 此,然後至於天道也。 理,便能盡得己之性,既盡得己之性,則推類又盡 是至於命,亦是失於太快。1 異 後,又不容於 以其事而言,則 命 只是一理,而天人所爲,各自有分。」至於窮理 至誠,更不須 化 人而言之,從盡其性至盡物之性,然後可以贊天地 儘 育,可以 皆 也。 致,固不容有漸次,當如程子之論, 、盡人盡物之说,則程、張之論 張子曰: 二程解窮理盡性以至於命,只窮理 有近 亦 二, 而 蓋以理言之,則精 遠 與天地參矣。 以 論所謂人者。 豈可 吕尤確實。 此 無别 推之,則 以 以其親 其間煞有事, 豈有當下理會了, 知便謂 言人盡性所造如是,若只是 當 天地之心及天聰明,止 疎、近遠、深淺、先 其 之至也。一吕、游、 此義儘有次序,須是 楊氏萬物皆備 如 説 張子之言 粗 今言知命與至於 初 本末,初 亦未 雖有 嘗 也。 楊 若 云 無 其 不 至 之 窮 便 謂 0

明 ; 順以養之而已,是所謂贊天地之化育者也。 昬明之質雖異,其心之所然者皆同。 物也,莫不盡其性,則天地之化幾矣。 正,無所不盡,則物之性未有不能盡 者,物有近人之性者,亦繫乎此。 故物之性與人異者幾希,惟塞而不開,故知不若人之 爲人物。 故能盡人之性。 吾性也。 矣。」案:吕氏曰:「至於實理之極,則吾生之所固 者,又前章格物誠身之意,然於此論之, 者,不越乎是。吾生所有,既一 則反求於身,又有所不足言也,胥失之 然,雖聖愚有所不異,盡己之性,則天下之性皆然 而爲昬明; ,欽若昊天,至於民之析、因、夷、隩,鳥獸之孳尾、希 偏 而不正,故才不若人之美。 稟有多寡,故爲强柔; 稟有偏 人受天地之中,其生也具有天地之德,柔强 稟有多寡,故分而爲强柔。 蔽有淺深,故爲昬明; 於理,則理之所有,皆 於人之性,開塞偏 然人有近物之性 也。 故行其所無事 特蔽有淺深,故 正,故爲人物 蔽有開塞,故 己也、人 至於理之所 如堯命義 也 有

同 别

快」,原誤作「決」,今據四庫本改。

和

ĮЧ

常,則 下至 故能 曰 : 耳。1〇又曰: 能盡其性,則能盡人之性。 反 之性斯盡矣,言有漸次也。 也 職 以贊天地之化育。 故人與天地 革、毛毯、氄毛,無不與 而求之於吾 1,非夫體天德者,其孰能盡之? 盡人之 而 「萬物皆備於我矣、反身而誠、樂莫大焉,故 誠,爲能 盡人之性也。 成位乎其中矣。」〇楊氏曰: 有所不及,必人贊之而 人之性,則 性 並 盡其 「孟子 1身可 立爲三才,此之謂與天地參。]〇 則 性。 能 能 夫如 也。 Ė 至於盡物之性 盡 盡物之性。 千萬人之性,一己之性是也 知 物 是 「萬物皆備於我。」則 故 之性, 則 E 萬物之性,一人之性是也 贊化育,參天地,皆其 則 後備, 所 盡己之性,則 八天覆 贊 以 同焉皆得者,各安其 り、則な 可 「性者,萬物之 能盡 己 地載,教化各 則天地非人不立、 知 與 和氣充塞 矣。 其 人 (性, 物 能 天地之化 数雖 性 則 盡 一、故可 無一 分内内 任其 惟天 游氏 人之 人物 多, 故 源

明 其 、次致 明 則 曲 動 曲 動 能 則 有 變, 誠 變則 誠 化, 則 形 唯天下 形 則 著, 至 誠 著 爲 則

故也。]

能

化。

充實而 物從 陳氏 同 録 明之意又别。 有 加 推致其理,如事父母 其 在,化則 陳氏曰: 忠,交朋 無欠闕者也。」①致,推致也。 曲不是全體,只是一偏之善。」形者, 光輝 ě E : 顯 次, 日 而 一一變。 矣。 有 氣 都 通 友便推致 「和順積中 發 動 輝光之明矣。」動 此説大賢以下,性之全體未至如聖人之渾然 消 是 語 大賢 則 越之盛 化 方感 彼明字 有 化,則 録 了, 異 以 其信。」曲 動 日 而英華發外,便是形見。」 無 便來這裏推 他 是 下 也 復痕 故 如如 有 胸 變 凡 惟 中 者, 不 迹 厠 見 陳 誠 通 聖 已改 矣。」 知其 氏 面 明, 有 誠 日 盎背 《語録 致 人 偏 未 (其舊 蓋 能 無 其 分所 能 八孝,事 所 是著。」 此 積 也 至 動 人 舉 俗 以 不照之謂、 明 Ĕ 者 物。 中 之 字 其 然者。 然尚 君 著 明, 凡 ,却與 面 面 語 性 性 便 變 録 言 發 事 有 推 之全 無 則 則 此乃 外。 皆 《語 誠 痕 致 也 日 不 又 又 其 洂 則 當

● 「至」,原誤作「知」,今據四庫本改

推至其 發見 極; 又曰: 之效言之至此,則人道極其至,亦如天之道也。」 不異於聖人矣。陳氏 不能已,積而至於能化, 無 所稟各 而 體 不 悉推 右第二十三章。 而 ●發見於彼,便就 盡之。 致 「是隨其善端發見處於此,便 (極; 處,推致之也 有偏善,或稟得剛强,或稟得 致之,以各造 則 推之,以至乎其極,則 從羞惡處 德 其次則必自其善端發見之偏, 無 不實, 發,便 彼上 如從此 曰:「自形著至變化,以 推致以 就 其 丽 惻隱處發,便從此 此 極 則其至誠之妙,亦 形 發 造其 能 也 見 著 就此上 貫 和柔,各有 處 通乎 極。 動 推 語録 變之功 至 非是 全體 推致以 其 》曰:「人 極。 一發見 止 矣。一〇 一偏之 造 致 就 自 曲 曲 其 處 其

言人道也。

或異。 聖人爲能 人之質悉已完具。 或問致曲之説。 自其性 舉其全體 而 日 言之,則人自孩 :「人性 以其氣 丽 無 所不盡,上章 而 雖 同,而. 言之,則 提, 氣 聖 所 唯 稟

> 案: 弟, 而 在,要用即用,不似以下人有先後間斷之意,❷須待擴 禮、智如 此 曲 是四端,安得謂之曲?」曰: 「四端先後互 偏,一一推之,以至乎其極 發,隨其所稟之厚薄,或仁或義,或孝 言至誠盡性是也。 其初,即此章 而異者同,則不能有以貫通 擴充其四端』者是也。 後 齊該了,而當用 程 曲 丽 充。1日:「然。」程子之言,大意 孟子云「知皆擴而充之」,則是可見。 子曰 ,則是夷、惠之偏 何 不 E 能 「人自孩提,聖人之質已完,只先於偏 來得。』問 同 時,亦只是發 所謂『致 矣。 如 自 雖 何得 若其次, 非 發 曲。 《語 沒該編? 各 端。 端, 使使 録 因 而 乎全體 然 如 日 其 則 孟 聖人具全體 其 其 用仁,則義 發, 豈不 善 若謂只有 餘 發 子所謂 薄 如此。 問 只 端 見 者 而 平 既 復 厚 之 或 所 鋪 是

便」, 原誤作「更」,今據四 庫 本改。

「意」,文淵閣四庫全書《朱子語類》作「異」。

0

脱甚可 形,誠後便有物,如立則見其參於前,在興則見其 化之説,則亦 **豈其記者之略而失之與?** 爲『參前 先於偏勝處發,似未安,如此則專主 悉 推 藝上可見,如養由基射之類是也。」故 也。 之誠、義之誠 弟,須件件致得到誠孝誠弟處,如仁義 去性 亦若以爲己之 之射爲 處 問 如 發 致其 有 曲能 L 「程子説從 有所立卓爾,皆若有物方見。 或仁或義,或孝或弟。 衆善之意。 疑, 有誠 氣質之所 説,案: 須 便 處。」但 於事上 是 就 倚 直養,然同 無 偏致?」曰: 衡』、『所 程 所 事中用志不分,亦能 以易矣。 論 《語録 以其所 f 偏 自 ,不當於人上 E] 見, 厚, ¥ 歸 論不詳, 去氣偏 立卓 典 于誠。」 而 ൬ 案 「須件件 問 偏 無 無 如無形,是見何 處 至於明 爾』之意,則 曲之謂 論。三又以 程 有疑於專 偏矣。」曰 與 隨 0 發, ,須件件致到仁 『程子説 子日 有誠 且 語 於 事 致 便是 以 去 用 且 録 非 動 由 「誠 致 致 力 (倚於 也 大 如 如 日 一此 曲 變 形 曲 基 物 則 技 道 老

則臨 案 得之, 也。 亦安得. 於内 自己 則德自通 文,則餘善兼照。 由 乎内者言之,失其指矣。 不貳,則德有 張子之説 更無舊迹。自然之謂 曰 明 也 變爲『通變』,化爲『無滯』,則皆以其進 : 텘 ? 中 游氏曰: 故曰 言而 「變與化何 動 形 而 ሰ 達外,乃理之自然,如 但 誠 則著,又著見 致曲,曲 變。 遺 必 如是之繁促哉? 人,自 能動 説 思,不敢 以以 其外也。 定 能 誠者不思不勉,直心 禮。 |别? 人也。 致 明爲 通 明 折 人而物,各有次序,不應專 曲 其變, 能 縱 體象誠定, 也。 圃 日 也。 反諸 言也 兼照,則必將徙義。 君子所過者化 『兼照』, 莊子言變大於化,非也。」若 字 則 且 「變如物方變 著則明,是 心也。 圓 夫 不 臨行 神 ,則文節著見。 進 可, 無 案: 擬議之間,鄙 丽 滯。 蓋進德之序, 乎内之節 E 動 而 必 有輝 張子 豈 非 徑 章之説,亦 爲『徙義』, 擇,不 而未化 非 游 行 本意 誠 光之 動乎? 也。 氏 能 敢 説 徙 時 詐 其 徑 曲 目 耳 致 化 義 也。 亦 或 不 行 次 致 曲 則

則 内 誠 萌 動。 外 則 īfii 形 洞 忠信 動 徹 則 形 清 立 於身,必 有 矣。 明 以易 在躬 故 俗 著於 故著 曲 故 能 (物,故 動 有 崱 則 誠 明 變。 形則 有 明 諸 變 萴 著。 中, 列革 有 必 以 誠 污 形 動 至 一於著 以 衆 諸 爲 外 故 清 明 則 故

此 ! Ę 引 革 -暴以 明 一楊 至於化 爲 則 良 氏 誠 則 既 矣」, ?神之所爲也,非天下之至誠 ※猶有 以 迹也 輝 則 光 似 ,化則其 發 以 外」爲 明 (迹泯 爲 矣,日 通 明 明之 矣, ,孰能 用 飲 明 而 與 食 又 於 而

故

至

誠

如

神。

見

音

現

於明 既 化之之化。 非 學、問、篤 動之間 鶴 鳴二子 此其上下 ,本文之外,别生 行所及』,則 和一爲 文意 動 似以 矣, 不 脯 相 化 無 又曰 承 爲 物 續 不 大 化 誠 H. 而

日 固 不 節 能 能 盡 盡 其 就 録, 性 至 者 然 誠 誠 亦 動 也 物之意,尤不 不 其 可 次 致 不 曲 辨 者, 也。 誠 可曉, 之 案: 也 楊 學、 今 Æ

問 誠 物 於中 思 故 辨 形 M 於外 著則 篤 行 輝 参前 之、致 光發於外 倚 曲 衡 也。 不 故 可 用 明 揜 志不 也 明 分,故 故 則 誠 形。 能 形 有 未 則 誠 有 有

> 乎? 至於化 誠 而 不 曲 動 則 能 非 有 動 學、 誠 而 不 誠 間 變 在 思 也 曲 辨 鳴 也 篤 鶴 明 行 在 則 之所 陰, 誠 其 及也 矣 子 無 和 物 故 之, 惟 誠 天下 非 動

至

一誠爲

能化。」

禍 或 至 家 福 誠 將 之道 將 至 可 必 善 以 有 必 前 妖 先知 知。 醛 , 國家 之 見乎 將 不善, ·蓍 興, 龜 必先 必 動 有 平 禎 知 四 祥

形見 得。 間,如 焉。 且 私 以 \bigcirc 理 禎 愚 如 一之先見 統 祥 僞 謂 一 但 如 《語 留 者 禎 執 人不能見耳。 天地 所告 祥 録 龜 於 玉高卑, 福 \forall 所 者 妖 心 萬物,不離 之吉凶 之兆。 彗 也 目 一在 以 與 之間 100 我 其 蓍 然 聖 其 無 明 龜 妖 人 唯 容 所 氣,興 者, 至 孽 但 四 豪 誠 告 誠 俯 非 者 私傷 體 之至 乃 無 四 亡之證, 至 仰 私 體 誠 禍 能 之 謂 僞 故 人, 所 之萌。 極 有 類 動 常 所 動 見於妖祥 却 虚 作 以 以 而 皆 不 明 自 是 察 凡 威 能 無 能見 見 此 自 其 此 儀 1 也。 能 理 得 幾 豪 皆 所 統 己 見

朕,無不形見。 召 動 作之間 ,理之當耳。 禍 福之來,亦逆 否則,已 惟誠之至者,無一豪之不實, 然之事且 知其善 否者,非 不覺 悟 異也,氣之感 尚 何 則 萬物 能 察其 兆

右第二十四章。

或問 之則以定命」者也。」游氏『心合於氣,氣 所謂莫見乎隱,莫顯乎微者也。 乎誠心之至,求乎蓍龜而蓍龜告,察乎四 其 而無間,故曰 之來,感於吾心,動於吾氣,如有萌焉, 同德,則 氣有物,若之何而反以是爲妙哉? 神』之云,非儒者之言也。 確實。案:吕氏曰:「至誠與天地同德。 論『動乎四體』,爲『威儀之則』者,尤 言天道 至誠 其氣化運行與天地 至 巾 如神之説。 誠 如 神, 動乎四 同 曰:「吕氏得之矣, 流矣。 體 此至誠所以達乎神明 如《傳》所 且 興亡之兆,禍 無不前 一心無 體 愐 謂 四 與天地 知。 合於 形 體 威 案 應 而 況 儀 福

游氏曰:「至誠之道,精一無間,心合於氣,氣合於神,

、子聞其名,謂其亦窮經之土,特往造焉。 意想測 不信 誠之前 無聲 兆之已形而 以 誠意,復同至其舍。 信息甚大,某特人城置少茶果將以奉待也。」程子以 日 出 徒,亦有能前 釋子謂又不是野狐精也。」如 知,不用則不知,知不如不知之愈,蓋 説,案:程子曰:「人固可以前知,然其理須是用 乎!」程子『用便近二』之論,蓋 物接,心静 念十年,便能: 其不用 ,是日不值,還 「君非程先生乎?」程子異之。 無臭,而天地之間,物莫得以遁其形 而 度之私也,亦何害其爲一哉! 常 知 m 也。 而 先 明 前 知。一〇又嵩前有董五 也。 得之,如所謂 不 |覺者,非 至中 知者,案:程子日 知者 至誠 語甚欵,亦無大過人者,但久不與 故就之而 途,遇一 前 爲 有 知 真 蜀 術 老人負 八乃因 可貴 Щ 不逆許、不億 數 論 曰:「先生欲來 人董 經 :「蜀山人不起 用便近二,所 推驗之煩 其 一而賢 茶果以歸,且 隱 因 其 矣,不既神 董平日未 優劣,非 五 事 異 者 也。 (教之 理朕 於至 經之 其 嘗 以 程 則 矣

誠 者 自 成 也,而 道 自 道 也 道 也之道

去行始 你自 足百 言 多根株枝葉條幹者,是自實 去做作安排 行 也 誠 骸,都 去 者 得。」〇又曰 做 **《語** 物 始 是 底物事。 得。」 之所 你自實 ₩ E 誠 以 (有底。 「誠者 道 以 誠者是箇自 自 却 心言,本 成 是 自 道 有 箇 [成,如 雖 底 丽 無 是自 如如 情 1然成 道 這 底 人 者 也。 然底道 箇 道 就 便 草 人 理 底 有 之所 却 ~ 樹 道 耳 語 理,然却 理,不是 所 目 須 銢 是 以 鼻 當 日 П 有 人 自 須 手 自 許

必 所 問 有是 存 主處不?』日 既説物之所 心,有是心 ,然後有 议 「誠 自成 以心言者 是事。」道以 ,又云誠以心言,莫是心者物 1,是就 理 物上説。 言 用 也 凡 物

無

不行矣。

誠 者 物 之終 始,不 誠 無 物。 是 故 君 子 誠之

既 皆是此 後有是物。 天下之物, 盡 萴 理 則 其 所 成 是 爲,未 也 皆實 物 必有 語 亦 有 録 所 盡 無 理之所 ¥ 始 此 面 理 其 「有 無 壞 m 有矣。 是理 爲,故必得是理,然 也必 有 此 則 有 物 有 所終 也。 《文集》曰: 是 物 所 而其 徹 得 頭 (所以 之 凡 徹 理 尾 始 有

> 也。」〇 者,實 能 不做一 方有 是脱 實 亦 今對人説話 無 也 介則 無 空誑 此 理之至而)陳氏曰 不實,乃 般。」 若無是 雖 箇 誕 不不 岩岩 有 物。 而 理 所 君子 説 句 向 「凡人做事,自 若此 則 爲 句 於 爲 實 亦無 説皆 有 話 亦 有 必 心 也,其 間 以 如 以 雖 是物矣。」故 自 斷 誠 有 自 心中 無 所 無 頭 兩 有 以 爲 成 誠 人 徹 流 終者, 貴 實 %語録》曰: 尾 相 出 丽 也 純 對 雖 人之心 ,這便是 ,實理之 道 話 做 是 之 此 蓄 其 箇 在 實 有 盡 人 件 真實 如 物。 且 侕 我 之 有 事, 無 如 向 小心, 者 1 不 如 若 物 於 Щ

也,故 仁 誠 也 者 非 時措之宜 成 自 物 成己而 知 也。 也 己 知,去聲 也 性 之 所 德 以 也, 成 物 合外 也。 内之道 成己,

物 者用之發, 己,然在我 誠 雖 而道 所以成 真 亦 實 行於 是 無 己, 皆 僞 彼 吾 然既 自 矣。 性 然 及 之 有 物。一仁 固 語 以 有 録 自 者 成 日 而 體 無 則 誠 之存 内 自 雖 所 然及 以 智 成

仁與 殊。 殊 皆得其宜也。 間。」既得於己,則見於事者,以時措之,而 ,但必先成己,然後能成物,此道之所以當自行也。」 右第二十五章。 、知皆非外物,乃性之所固有者,性之所有,無内外之 陳氏曰: 「仁之體 《語 録 在我者 「成己 也, 知之用見於外者 成 物, 固 無 内外 也 之

言人道也。

子之言爲至當,然其言太略,故讀 自成。 誠 根也。」○楊氏曰: 也。 高。 之耳。」游、楊皆 爲道非有道之者,月道而已。 程子説,乃與下文相應。案:程子曰 或問二十五章之説。 ○又曰:「學者不可以不誠,雖然,誠者在知道本而誠 者物之終始, 然於此 案:游氏曰: 如至誠事親,則成人子,至誠事君 爲 無 以 「誠自成,道自道,無所待而然也。」 「誠者非有成之者,自成 不 無 所 當,且 誠 待 無物 圃 曰:「自成自道 自成 然論之,其 又老莊之遺 之義,亦 自 道,猶言自本自 ,則成 而已。 人臣 者 説 唯 「誠者 或 程 意 雖 其 如

、不誠無物」者,以理言之,則天地之理至 流注到 蘂論 實而 終也。」以心言之,則聖人之心亦至實 則其 方其花萌蘖,此實理之初也,至到謝而 始徹終,亦只 觀之、自太始以至萬古、莫不皆然、若就物觀之、其徹 到今亦有是,非古有而今無,皆是實理之所爲。 萬物,自古及今,無一物之不實,散殊上下,自古有是 之所爲也。 之不實,而一物之中,自始至終,皆實 是也。 言者,如曰『誠 實而 不能 心之實而言者,如曰『反諸身不誠』之類 ,氣實行到 曉,請 義各得 已矣,然此篇之言,有以 無一息之妄,故自古至今,無 則萌蘖生花,春 讀者各隨其文意之所指而尋之, 是 此 得 陳氏曰:「以造化言之,如天地間 矣。 實理 則 而 不可揜」之類是也; 花便 推言之。 如 所 1氣盡 此。 開 謂 則 ,氣消則 姑以一 一誠 花亦盡。 者物之終始 蓋誠之爲言 花便謝 株 盡處,此實理之 花論來,春氣 理之實 又單一 亦 有以 而 盡了。 一物 就花 大而 生 無 理 而 hV.

前,凡 事 斷 未 也。 不能無間斷。」則自其 其本心之實者,猶未免於間 曰"「出於誠,則有始有終。」苟未至於聖人,而 如此。一此所謂 面。」此是祭之終始,徹首徹尾,皆一箇真實之心所爲 欲。退而立,如將受命。 立之也,敬以詘; 自始至終,皆此心真實之理所爲。如《祭義》云:「其 妄,從生至死,無一事之不實。又就聖人做一事論之。 而 自大賢以下,真實無妄未能如聖人,故本心之實處 一息之妄,故從生至死,無一事之不實, ,未做得 亦亦 有間 ,則自其間斷之後,以至未相接續 一事之中,自始至終,皆實心之所爲 陳氏曰"「自聖人論之、合下天理渾全、真實無 所 無 斷之前,所爲無不實者。 一半,便棄了,即一半便不成。」如曰『二 以異於無 云 爲,皆無實之可 誠者物之終始者然也。 其進之也,敬以愉,其薦之也,敬以 有矣。《語録》曰:「如人做 己徹而退,敬齋之色,不絶於 實有是心之初,以 斷。陳氏曰 及其 雖 有 潘氏 之 其 間 至

必有 心,故凡物之出於心者,必有是心之實, 者本無不實之理,故凡物之生於理者 所謂不誠無物者然也。 見,故以事言。 事之終始與物之終始何别? 日月之間,徹頭徹尾,亦門人爲仁之終始也。」〇或疑 則日月至焉之外,其間斷固多,只就日月至處觀之,其 故就三月不違言之,其三月乃顏子爲仁之終始,其餘 皆是一箇誠心,若三月之後,則未免有間斷而不實矣。 陳氏曰:「如顔子三月不違仁,在三月之内,徹頭徹尾 有不實之物者也。 無終,而其始已非其有矣。」以是言之,則 實;蓋至焉之終始,即 時,所爲皆實,而去 其事之終始也。 『日月至焉』,則至此 月之後,未免於無實,蓋不違之終始, 月不違」,則三月之間,所爲皆實,而 是理,方有是物,未有 至其境界,是實地,故以物言。 在人者 此 愚謂:心不違仁,就事 潘氏曰:「不誠則非惟 之後,未免於 其物之終始也 或 無 其理 有不實之 在 是則 而 天 徒 即

夫盡 德之殊 言主 己爲仁, 所 言之異,亦 訓 以 錯 者 厭 心 知 謂 語 其 乃有是物之實, 智也 撤頭 徹 重 其 以以 誠之在 了, 蓋 ,是以爲 物之實者 盡 性以成己,則仁之體 頭 於知, 徹尾,便是不少 徹尾,不誠更有甚物 如此。 亦 失 而 教 圃 教不倦,仁 誤 經文之本意。 不倦 有 而 一天爲 己 善 矣。 賓 子思之言主於行,故各 凡 説太高 也。 也。 案: 圃 所 言仁者,遂 主之分,亦不 實 以 猶 未有 吕 .也。]學不厭 程子曰:「誠者物之終始。 案: 吕氏曰: 理 間斷。」其餘 成 程 有未盡者。 氏 物 一,而 也,推 子所謂『徹 而 也! :無其 所 此 往 Œ 不 論 是以 則 」○葉氏 往 至 ,所以 知 成 猶 心 子 諸説 子 至於 物 但 成 於 其 之實 知 貢、子 爲 蓋 物, 成 貢 爲 無 在 愛之不 日 智。 頭 己 E ,大抵皆 交互 成 子 字 則 人爲 而 程 徹 智 何 此 就 ·貢 德 思 之 學 能 之事 猶 則 尾 也 子 其 之 所 口 足 差 實 有 不 成 所 俗

有? 矣。 形 親 輟而 山田 也。 哉?.」案:楊氏曰: 形」而『有物』,『不 説,假借依託,無 以 理,喻夫人有不實之心,其取譬也 誠之無物,亦不待其 多類此,最説經之大病也。 解 也 亦未安。 故 自 廣 切 蓋 有物,不 由 四 楊 吾愛,自人德而言也。 故以習則不察,以 矣, 成 後無之意。而又直 四 時之運已,則 本 德 氏 時 而 彼 於《易》『終則 説 之運 - 誠而 誠之有物, 言 四 物 也; 린 著手 時 之終始, 學不 則 「其爲物終始,天行 之運,夫豈 所 僞 行則不著 誠則 成 脈 發 , 則 物 成 輟 此子思、子貢之言所以 蓋 , 所以 之 有 明。 物 直 有 而 作輟 功 不 『輟』 以 之功 始,天行 以 致 後 廢 以進 待 楊 故 天 吾知,教 焉 有 天行二字 無 又謂 形 氏之言, ൬ 無 德 也。 廢」, 息 時 尚 也。 而 則不可 何 息 不 ௱ 無物」, 誠 亦亦 也一之 不 有 則 實 蓋 誠 已 其 則 倦 '', 不 始 無 者 之 不 爲 亦 則 F 物 異 所

以脩業則 不可 大,故君子 唯誠 之爲貴。」

故 至 誠 無 息。

既 無 虚 一假,自 無 間 斷。 陳氏曰: 凡 假 偽底 物, 久

則易間斷,真實則無間 断。

不息則久,久則徵

之類,乃是證驗處。」 然後有證驗,只一日兩日工夫,如何有證驗。」○陳氏曰 久,常於中也。 道理真,積力久,充實於內,自然昭著於外,如見面 徵,驗於外也。 《語録》曰 一盎背 「 久

徵則悠遠,悠遠則博厚,博厚 則 高 明

高明,皆是實德驗於外處。」鄭氏所謂「至誠之德 此皆以其驗於外者言之。

陳氏曰:「自徵以下至

業,日徵則悠遠,至博厚 著於四方」者是也。《語録》曰:「此是言聖人功 高明無疆,皆是功業著見 如此

故云德著于四方。」存諸中者既久,則驗於外者

益

悠遠

而

無

窮矣。《語

録》曰:

「久是就他骨子裏説

故其 鎮常如此 積也 之意,悠是自今觀後見其無終窮之意。」悠遠 廣博而深厚; 博厚,故其發也高

> 大而 發越于外者自然光明。」 方始上面 光 明。 可 以高大。 《語録 又如萬物精氣蓄於下者深厚,則其 ř 「譬如爲臺觀,須是大做 根基

博厚,所 以 載 物 也 , 高明,所 以覆 物 也

悠

久,所以成物也。

之後。 是兼上文内外而言。」本以悠遠 誠積於内"徵則悠遠,是誠積於外。下却變文爲悠久,則 方能至於高厚,今又由高厚以至於悠久也。」此言聖 梢不悠久,便是不悠久矣。」□○陳氏曰: 久在高明博厚之前; 又悠久也。《語録》曰: 是久於内,悠是久於外。」〇永嘉陳氏曰:「不息則 悠久,即悠遠,兼内外 如何?」曰:「此所以爲悠久也。 見諸用者而言,則悠久在 問: 而言之也。 『以存諸中者而言 致 高厚,而 「初頭本是悠遠 若始初悠久,末 潘 氏曰: 一博厚 高 川則 久,是 高 厚 明

與天地 同用

博厚配 此言聖人與天地同 地,高明配天,悠久 體 無 陳氏曰 疆

同

以

功言

同體以德言。

如此者,不見而章,不動而變,無爲而成。見,

久也。

百马

天地之道,可 見, 功用至於悠久,自不見其形迹 般 迹,至於不動 功用自然章著,此 不 八無爲 疆 動 猶 ௱ 而 而 示 變,以 言 成 也。 也。 則如天之變化萬物 有所 言 處與 陳氏曰 配 不 圃 爲 天 見 地 盡 愐 而言 成 而 也 般,不 不見而章,是不待 尚 章 ,此以悠久無疆言之也。」 有形 其爲: 也 以 無形 動 迹 而 配 無 物不貳, 變。 迹, 無所 地 爲 此 動 而 而 爲 處與天 則 有所 而 言 成 猶 則其 成,其 宗而 有 也 以 形

貮 物 故 以至于今,其生成萬物 物之多,有莫知其所以 地之道, 此以下,復以 ()所以 不息,蔡氏曰: 不測 可 誠 也 言 天地明至誠無 「不貳 陳氏 而 無 盡 E 有窮已,蓋莫知其 , 則 不過 、然者。 無間斷 不宜 者 日 息之功用。 ,所以不息。」而 陳氏曰: 誠 純 (所以 圃 一之意。」 르 。 開 生 誠 不 天 闢

生

天地之道

博也,厚也,高也,明也,悠也,

有下文生物之功。 言天地之道,誠一不貳,故能各極其盛,而

之, 焉。 多,及其不 焉。今夫山,一卷石之多,及其 繋焉,萬 廣厚,載華嶽 今夫天,斯昭昭之多,及其 禽獸居之, 夫,音扶。 物覆焉 測, 華、藏、並去聲。 圃 黿鼉 寶 不重,振河 藏 今夫地, 蛟 興 龍 焉 卷,平聲。 魚 海 無 今夫 鼈 而 撮 窮 生焉, 、廣大,草木 也 不洩,萬 土之多 勺,市若 水,一勺之 日 貨 月 財 物 及 星 殖 生 載 其 辰

昭昭, 也。 地聖人皆得此實理 盛 天,也是天,恁地大底,只是天。」振,收也。 意,蓋舉全體 大 及其 此 而 猶耿 四 能 條 生 無 耿, ,皆以發明由其不貳不息以 物之意。 窮,猶十二 而 無有駁雜,無有間斷,始 小明也 言 也。 三山 一章「及 語 此 陳氏 録 指其一處而 曰:「大意蓋 其 「管中所見 能 至 有 也」之 卷,區 此 功 言 致 用 天

耳。」然一 録 · 日 : 「舉此全體而 天地 Щ 川,實非 言,則 其 氣象功效 由 積 累 自 而 後大。 是如此 《語

者不以辭害意可也。

於,音烏。乎,音呼。
純!」蓋曰文王之所以爲文也,純亦不已。所以爲天也。「於乎不顯! 文王之德之所以爲天也。「於乎不顯! 文王之德之

不已。 後。」真氏曰: 已。」程子曰 不停,以其誠也。 而 穆,深遠也。 「不顯者,言甚顯也。」純,純 **純是至誠,無一** 夏,夏 愐 周 黄 純 秋 氏 頌 秋 則 日 「惟其純誠無雜,自然能 豪人僞之雜。」引此以明至 而冬; 「天道不已,文王純 無 不顯,猶言豈不 聖人之自壯而老,自始而終,無 誠 二無 維 便是維天之命,不息 晝 天之命》篇。 ᅦ 雜,不已 夜, 一不雜 夜 而 畫 顯 則 不已。如天之春 循 也。 也。 於天道 於, 無 環 便是 運 間 一誠無 真氏 陳氏 歎 於 斷 息之 亦亦 穆 辭 日 先 息 息 不

懈,亦以其誠也。既誠,自然能不已。」

右第二十六章。

言天道也。葉氏曰:「言聖人與天地合德,

爲天道。

楊氏曰: 何地 然。 也。 則 貳』之意,亦假借之類 爲學者用力事也。一游氏又以『得一』形容『不 不息者,君子之自强也,若顏子三月不違仁是也。」〇 爲 不息,若就聖人至誠言之,只是自然無息,不可以 至誠,不息所以體乎誠,非是。」○葉氏曰:「雖 ○《語録 無息,天行健也,若文王之德之純是也。 或問二十六章之説。 疎矣。 繁雜,如 若如其言 位然後爲無息耶? 案: 則不己,故覆載萬物 》曰:「不息只如言無息。 無息者,誠 游、楊無 游 氏 ,則『不 E 之體也,不 「其爲物 、雕刻衆形而莫知其端 息 也。 息則久。以 曰:「此章之説 不 字雖 游 息之辨,恐 息 不貳,天地之得 游氏曰: 所 楊氏 以 未能 密,而 分無 體 下, 誠 變文去 無 至 不字 息爲 也。 息 未 最 至 而

之德 以 乃其 其 亦待 至誠 聖人之所以不息,皆實理之自然,雖 其德」, 於無窮,譬夫人之充其『良心』以至 配天者,如此而已。」又以積「天之昭昭」以 爲天人德命則異,其所以不已則 不已其命而已。 天道之自然矣。 德,則是有意於不已,而 已之而不可得。今曰不已其命、不 故生物不測。」吕 `與天地合德」,意則甚善。 道 證 著 氣 無 之,夫豈積累漸次之謂哉? 積 而 於 象 天下 息以至於博厚高 而 意 功 四 後 雖 聖人之所以爲聖,不已其德而已。其 化成之事,其 方」者是已,非 效之謂,若鄭氏 成 無 氏 也。 爽 所 案: 吕氏曰: 「天之所以爲天, 而 謂 故章 語 『不已其命』、「不 亦 明,乃聖人 末引 一,故聖人之道可 非 有 所 謂 病 所 而 所謂『至 積 文王 以 在己之德 此章 丽 明 蓋 成 之 久於 ·已其 若 所 聖 天 者, 詩 如 誠 謂 於 欲 道 H 至 以

也。 事 録 思與天地合德 聖人之德』,『無 物也,而 息』之語甚善。 該了,豈復有許多節次。」楊氏『動 而求其生蛟龍殖貨財之功,是亦不思之甚也。」○《語 地合德,猶指撮土而求其載華岳振河海之力,指一勺 心,德盛仁熟而後爾也,故曰「過此以往,未之或知 不能與天地相似而至乎大。 良心也,莫非受天地之中,是爲可欲之善。 高明、博厚、神明不測者,積之之多而已。今夫人之有 之多而已。 吕氏曰:「雖天之大,昭昭之多而已。 吕氏之説 不已,然後純 $\stackrel{>}{\exists}$,而又曰 [天地之道可 窮神知化,德之盛也。 「諸家多將此章做進德次第説,只 其動以 山之一卷,水之一勺,亦猶是矣。 則 而 天,故無息。」其 於天道 至於聖。 是因 案:楊氏曰:「誠 致焉」,故 無息 也。 如指人之良心而責之與天 然所以至于聖 大而不化,則不能不勉 ,然後至於誠 言 日『天 失其旨矣。 方論 雖地之廣,撮 自成,非有 以 而 天,故 一箇至誠已 地之道 一者,充 不充之,則 盡 聖 其 人之 所以 假 其 無 由 於 良 土

者

示

可

不察也

未覺 厚高明 其 語之 則 覆 載成物之能事備矣,其 更端 耳。 案: 楊 氏 用 則 「積 示 Щ mi 得 至於 而

明 天地之道可一 道,聖人之德,其爲覆載成物之功則無二致焉,故又曰 見 也。 也,故配 精一而不二,故能生物不測,不誠則無物矣。」 天地 言而 無艦 盡 ,言之所以著明之也。 也。 所謂一言者 誠 而已,互 然天地 相 之

皆原 至 謂『天之所以爲天,文王之所以爲 於不已」,則亦猶 言,足以盡之不息之積也。若夫擇 吕氏之失也。案:

楊氏曰:「誠之一

乎? 善 於不已。一大抵聖賢之言,内外 而不能固執之,若存若亡而 故又繼之天之所以爲天、文王之所以爲文、皆原 欲與 八天地 精 粗,各有 合德,其 司

於其 乎此,而 粗 者皆欲推而致之於精。 於其 外者皆欲引而 納之於内, 若致曲

攸

公當

而無

非

極

致。

近世

諸

儒乃或不察

其繁 之明 碎 動 穿 變化,此章之博厚高 鑿,而 於其本指失之愈遠。 明, 蓋 不 學 勝

大哉聖人之道

包 下文兩節 而 言。 《語録》曰 只 章 首 便 分

兩

節來。」

洋洋乎 1 發育萬物,峻 極于天。

峻,高大也。 也。 陳氏曰:「此 此言道之極 節言道體之大處、流動 於 至 大 充 加 滿 乎 無 天 外 地

之間 而無所不在,蓋極於至大而無外也。」

文,

優優大哉! 禮儀 三百,威儀三千。

大哉冠於禮儀之上者,蓋言道體之大散於禮儀之末者 優優,充足有餘之意。《文集》曰: ψ₀

此。」曰:「得之。」一禮儀, 經 禮 也。 謂 如 冠 唇

喪、祭、 、朝覲、 會同之類。 威 儀, 曲 禮 也。 愚謂: 如

待其人而後行。 進退、 三百之儀 뻬 無 升降、俯仰、揖遜之類。 間 也。 而 無物 陳氏曰: 不有 ,蓋人於至小而 此一 此言道之人於至小 節言道體之小處,雖三千 無間 也。

pц Ł 問

以

優

總 而後 結 上 行。 兩 節 陳 氏 E : 0 道 之大 處 小 處 皆須 待其

故 日 苟 不至 一德,至道不凝 焉

聚他。」 有 《文集》曰 則至德之人也。」凝 至 這 德 箇 物 謂 事 大 其 自 抵 人。 家 發 要 育 聚 至 凝 峻 也, 一道,指 他, (極、三千三 須 成 有 也。 上 此 百, 德。 兩 黄 皆 氏 節 至道 凝 \Box 而 是 「天地 言 自 其 家 也 人 間 去

極 故 君子 高 明 尊德 mi 道 性 中 而 庸。 道 間 温 學,致 故 丽 廣 知 大 新 而 盡 敦 精 厚 微 以

以

室

崇禮。 知 心 尊 習之也。 温 於天之正 者 而 ,愚謂: 丽 1,恭敬 盡 極 乎 平 燖,火熟物也 敦, 道體之細 道 理。 奉 體 加 持之意。 之大也。 道, 厚 也。 由 也。 謂 也 尊 故 德 《語 道 學之矣, 德性,所 温 性 問 録 學,所 者, 猶 日 燖 吾 道 以 以 復 温 所 之爲 存 受 致 時 之

> 딘 : 欲自蔽。 學,既 存 所 矣,所以 意者萌動之始, 累於己,纔汨 豪 録 當理會。二一者脩德凝道之大端 黄氏日 體 此説脩德凝道工夫。」不以一 塞了。 移解 心 Ē 私 其 \exists 「言涵養 (大無外, 之屬 能 欲自 能尊德性以全其大,便 廣大。 若可 一謂 不可言自 「存心,則一念存 欲則不 陳氏 心胸 此已 也 以 累 於人欲,便卑汙矣。」〇 愚謂: ,其小 止可 移 E 開 止於意,而 知底道理,常在我也。」 累。 解 陳 無内, 語 闊 言蔽, 氏 高 雖總說尊德性,亦有 加 録 明 無 日 之篤厚 涵 無一 日 此 泳 不以 萬理 爲 爲意所蔽 疆 此 物之不 須道問 乎 「謂 物所爲 便守得 彼界之殊。」不 皆 豪私意自 具。 其 存 無 豪私欲 學以 心 所 或疑不以 在 致 以 豪人欲 也 無 焉。 有力。」 則 敦篤 已 知 極 所 廣大處已被 盡 自累 先後之序 平道 謂 知 則 其 陳 故 蔽 之私 小。」〇 高 以 逐 此 氏 君 乎 體 語 明 豪私 子之 物 日 其 録 以 語 皆

0 日, 原誤 作「 問」,今據四 庫本改。

禮」,此下一截便是詳密處。 道 細處,又難窮究。 性」至『敦厚』,此上、 尾 件件理會得到 事 大也。」析理 面 可以不致知。 也。」蓋非存心 録 п 得 日 曰 知之屬 「須 如此 是我渾淪 m ,則不使有過不及之謬,《語録》曰:「是事事 相應、語 ě: 知其所未知《語録 是從灑掃 「是講 所得 截 明日 /纔 而 也。 不同。」節 無上 究理 滅説 一 更不務致知,如 :讀這 則不 一箇恰好處,無些過與不及。」理義則 録 應 亩 義,豪分縷析,不 陳 若有上面一截,而無下 箇 對 無以 Ĭ: 氏 故 禮 使有豪氂之差、語 、進 截,只管要纖 文則 段,所得又如此,兩日之間 截便是渾淪處; 日 字,便 「此便是互 此五句,大小相資,首 退 致 「此皆致知 ¥ E 、問答色色留意。二〇 日謹其所未謹 有許多節文。」此皆 知,而存心者又不 此則 道體之大處,直是難守。 「如今日讀這一段,所 미 茫然無覺; 悉皆知,更不去行 相爲用 有 以 「道問學」至「崇 一髪之差。」處 面一 極 處。 道理之細 截,只管 録 若有下 『尊德 所 一,《語 **岁**日 陳 致 氏 讀 平聲。

如此則又空無所寄。一聖賢所示人德之方,莫

詳於此,學者宜盡心焉。

興,國 哲,以 是故居上不驕,爲下不倍,國有道其言足以 保其身。」其 無 道 其 默 足以 此之謂 容。 與! 詩 **>** 倍, 日 與 背 既 同 明 與 Ħ.

興,謂興起在位也。《語録》曰:「如興賢能之興。」

右第二十七章。

詩

· 大雅 · 烝民 》之篇

言人道也。

其實一 乎 圃 下,下學而上達,極高明而道中庸。二〇又曰:「極高 是一貫。」〇又曰:「德性者,言性之可貴,與言性善 \exists 或問二十七章之説。 《程子》曰:「自「大哉聖人之道」,至「至道不凝」焉,皆 高 道 明,不 中庸,非二事。 理則極高明 也。」〇又曰:「須是合內外之道,一天人,齊上 足以道 ,行之只是中庸也。」○張子曰:「天 中 中庸,天理也,天理固高明, 庸 中 庸 日: 乃高明 「程、張 之極 也。」〇 備矣。 不 又 極 明

止

之事 謂 性 輕。」故吕氏因之,案: 義。 子所 故 極 得 行 誠, 性 旦 二千 體 未至而 極極 及 精微者 而已,不先貴乎此 知 高 鹵 所 · 則 物 德性 不 而已。 崩 莽。 學,行得者。 、聞所知以參驗,恐行有錯。 而 (爾游 案: 無一物之非仁也。 問學從 高 論 極高明 今至之,緣舊所見聞 此 不 多 明 ,猶據於德,德性須尊之。 ,或偏或隘矣。 極 遺 張子曰 識 則儘 衍, 圃 高 道之全體者,廣大而已,不先充乎此 逐 前言 猶仁 道中 而 明 則 無一 句 遠大所處,則直是精約。」〇又曰 不 須 澤平 凝 往 體 爲 道 庸 「尊德性 道中 物之不體 行以 學問 則 事 皆逐 義」 中庸失時措之宜矣。」〇又曰 不致廣大,則精微 而 所謂問學者 昊天曰明,及爾出王,昊天 道之上達者,高明而 畜 庸之道。1〇又曰: 無不 也。 吕氏曰:「道之在我者, 德 句爲一 而 而察來,皆 也。」〇又日 道問 繹 在 條,甚爲 尊 致廣大,須盡精微,不 也。 舊業 德性,須是將 道,行也。 學,致 義,上言 ,不免乎口 禮 圃 L 其義 知 儀三百 廣大 一二不 新 切 無 「致 重 三,不 間 也。 益 所 於前言 而 於 耳 廣 ,思昔 則 下 問 文 尊 威 爲 盡 温 張 大 文 先 所 X 德 語 精 往 得 其 德 儀

問學而 無執 高明 無以 其德性之體 性而道問 之,問以辨之,則擇善不明矣,故繼之以 氏分别『至道』『至 節,下 也未離乎體,今則無體矣。 曰:「懲忿窒慾,閑邪 游 人德之序 氏以 : 中 乎 然後 「尊德性 乎? 極深 楊二 此 庸 也。 一節 逐 者, 後 能 則 能 也。」〇愚謂 IIII .學,然後能致廣大,尊其 旬 非 極 承下一節爲説 故繼之以道 所謂 高 説足之,則 研幾, 相 盡 道 ,使無不該備,此致 而後能致廣大,致 高 明之實 中 精 承 明。 中 微 接 庸 故 庸 爲 盡 始 則 繼之以 者 德 説 存 中 無踐 也未 精 一德 張子言逐句 也 誠,此尊德性也 同 微 其 庸。 楊 ,兼而讀之,其 離形去智,廓然大通。 汙合俗矣。| 履 離乎 而 其 氏 盡 爲得 義 廣大 後 實 高明者,中 可 精微。 以 廣大也。 始 能 據之地,不幾 方,今則 非 逐 八所聞 備 之, 擇 而 爲義 旬 兩 中 後 耳。 致 體 1 道 〈義 然 非 行其所知, 唯 庸 能 廣 也。」〇 ,吕氏 庸 無 問 始 極高 盡 而 大而 節 學。 非 須 優 之妙 方 案 備。 固 精 學 承 矣; 於 因之, 更 優 [明,道 執 微 楊 1 此 盡 尊 以 游 理 蕩 之 游 大 以 氏 則 充 而 極 始 精 德 聚 氏

微

峻

極

游

日 而

矣。」楊 則 也。 動容周 也。 道則「梏於儀章器數之末」而 今乃以禮 文,必其人之有德,然後乃能行之也。 之路,德者人之所得,故禮者,道體之節 他 誠 去智」, 德之至者,人也,故曰苟不至德,至道不凝焉。 于天,至道之功 『人德』、『地德』、『天德』爲德性『廣大』 尊其德性 高明』之分,則 是所謂 ,孰能從 極高明 洋洋乎,言上際於天,下蟠於地 而又 旋 氏 而已矣。二而 中禮也。 爲『極 Πij 容而 之説 道者,乃爲 日 m 爲 道問學,人德也。 道中 道非 盡中 也。 德, 亦 高 夫以三百三千之多儀,非天下至 庸, 其 哉 禮儀三 以 ൬ 禮 明」之意,見上注。 不 天德也。 失愈遠 無 欲 則 故曰 可 虚 以 「蕩 百,威儀三千,至道 方し 曉。 無恍惚元無準則 致廣大而盡精微]待其 凝 矣。 自人之天,則上 而 夫 也。 無 人 蓋 無 八道 案:游氏曰 體, 有所不行, 而後行。 道 優 止」,禮非 則 優大哉 者 至德非 既 自 又以 離 地德 之具 蓋 誤 然 形 達 成

禮 然後 具 承章 敦厚然後 可 敦厚崇禮諸説, 儀 甚矣 也、故也、厚也,道之大也。 不肖者之不及也,尚何至道之凝哉 也,故曰待其 所 德,至道不凝焉。 之物,所謂德者,又不足以 無禮以範圍之,則蕩而 所待於道也。 者常相資也 秩 三百 大小二意。 偏 也,後世 有 首 此 ! 廢 ,威儀三千,所以體道 則 以 大 道 案:楊氏 諸 有 知 體 人而後行。 或以爲忠信之薄,或以爲僞,皆不知天者 意 荷 新 説之所遺也。 以崇禮,而敦厚又不可不崇 大 非其 所謂至德者,禮其是乎! 固 其諸老氏之言乎? 如 小 日 而 然。 但以二句 人而 德 而 無止,而 温 「道之峻極于天,道 蓋道非禮不止,禮非道不行 言,故 性 故 格於儀章器數之末 然 而範圍之也,故曰苟不至 也、 又 細 天地之化或過矣。 不 分之, 相 廣 大抵 一温故知 凝 可不 問學 大 句 對 道 也、高 之 此 則 明其不 而 知 ,也、精 内,皆 五句, 夫禮,天 之至 温 誤 新 反 則 新 明 故 也 益 有 禮

尊之、道之、致之、盡之、極之、道之、温尊之、道之、致之、崇之,所以脩是德而凝之、知之、敦之、崇之,所以脩是德而凝是道也。《語録》曰:「問:「温故恐做不得大看。」是道也。《語録》曰:「問:「温故恐做不得大看。」曰:「就知新言之,便是新來方理會得那枝分節解底,舊來已見得大體,與他温尋去,亦有大小之意。」」〇黄氏曰:「至道大也有,小也有,至德大也盡,小也盡,君子所以貴脩德。尊德性,是脩大德,便凝得大道;道子所以貴脩德。尊德性,是脩大德,便凝得大道,道不宜。此又一章之通旨也。」

聲。栽,古灾字。 世,反古之道。如此者,裁及其身者也。」好,去世,反古之道。如此者,裁及其身者也。」好,去子曰:「愚而好自用,賤而好自專,生乎今之

生今之世而欲復古之道。」

は、上、孔子、之言、子思引之。 反、復也。《語以上孔子之言、子思引之。 反、復也。《語

非天子,不議禮,不制度,不考文。

體也。 齒,商 制。 大行人之屬巡行天下,考過這字是正與不正。」 ○又曰:「古者人不甚識字,字易得差,所以每歲一番,使 字唤做上字,下字唤做下字,此之謂書名,是那字底名。」 其一也。 文,書名。《語録》曰:「如大字唤做大字,上 此以下,子思之言。禮,親疏貴賤相接之 愚謂: 人貴爵而尚齒,周人貴親而 愚謂:如有虞氏貴 如《虞書》同律度量衡之類。下文車同軌 德而尚齒,夏后氏貴尊而 尚齒之類。 度,品 尚

今,子思自謂當時也。軌,轍迹之度。陳氏今,子思自謂當時也。軌,轍迹之度。陳氏今,子思自謂當時也。軌,轍迹之度。陳氏之下,古之造車,依在地之轍迹而爲之。」倫,次序之

者皆同、言天下一統也。

通天下共行之,故其次序之體,等威節文,皆如一也。」 []

德,苟無其位,亦不敢作禮樂焉。 雖有其位,苟無其德,不敢作禮樂焉,雖有其

有宋存焉,吾學周禮,今用之,吾從周。」子曰:「吾説夏禮,杞不足徵也,吾學即

殷禮

所用。孔子既不得位,則從周而已。 、以引孔子之言。杞,夏之後。徵,證也。 此又引孔子之言。杞,夏之後。徵,證也。 此又引孔子之言。杞,夏之後。徵,證也。 此又引孔子之言。杞,夏之後。徵,證也。

右第二十八章。

猶以 心、然方彼此争雄、不能 制 之未亡,猶未有能更姓改物,而定天下 何 或問:「子思之時,周室衰微,禮樂失官、 耶?」曰:「當是之時,周室雖衰,而 度不行於天下久矣,其曰同 承上章爲下不倍而言,亦人道 爲天下之共主。 諸侯 相 尚 雖 ,下及六 有 軌、同文, 不臣 也。 或 之 人

矣。 同。 言其法之同。 卼 司 乎方内而無不通,不合乎此,則 距之間,廣 輿,而制作之法,領於《冬官》,其『輿』之 傳者詳矣。 軌者, 車之轍迹也。 周 而 朔,易服 必同也?」曰:「古之有天下者,必改正 制。」曰:「周之車軌書文,何以能若是其 庸》,蓋周威烈王之十七年也。 哉?」三山陳 于一者也。則周之文軌,孰得 廣六尺六寸」,故其轍迹之在 臲 得 一其心志,若三代之異 古語 凡爲 以 而 討 跬 色,殊徽號,以 所 車者,必合乎此,然後 之, 步 狹如 調閉 氏 不前 而其 曰:「案魯穆公元年,子思作《中 而《春秋傳》所謂『同軌 門 亦亦 , 行於道 造車,出 無 不 是時列國 有遠邇,莫 - 待禁 新天下之耳目 路,自 尚 門合轍 ,其見於書 圃 一雖强 地者,相 可 而 自 將 不 猶 不 偏 惟 以 不 人尚 變之 有 爲 畢 倚 有 行 齊 周

之軌 陳氏曰 六尺 裂,而 始改爾,孰謂子思之時而 而 制度之詳如此, 大行人之法,則又每 無不來 至』者, 周 其 禮 ,損於周者六寸矣。 、號令法 又有《外史》『掌達書名於四 爲 猶 「秦吞 度,書以 則以言其四海之内政令所及者, 也。 不 司 得 併後,始用 徒》 制 文者, 變 有 教 是以 小篆隸 也 以 民『道藝』, 又 同 六爲紀,而輿六尺,是 書之點 九歲 命李斯 雖其 必 於天下 至於 書爲 遽然哉!!」三山 Mi 末 程 一喻 法,而 秦滅 畫 - ,然後 流,海内 邈更制小 而 形 方。 焉。 書 六 象 車 周 居 篆隸 改 也。 或 分 制 以 其 其 丽 車

王天下 吕 子得以行之,則國不異政,家不殊俗,而 氏 日 有 三重 一重焉,其 謂 、寡過 議 禮 矣乎 制 度、考文。 1 E 一、去聲 惟 人 天

耐

後書之文始不同

得

寡過矣。」

焉者雖善不尊,不尊不信,不信 上焉者雖善無徵,無徵不信,不信民弗從, 乎周 駭 子雖善於禮,而不在尊位 L 而 而不信矣。 一焉者 皆 [而爲夏、商,禮非不善,然既於今而 不 可考。 謂 下 時 ·而不獲用 E 下焉者 一以前 於周,如 謂 如 也。 夏、 聖 孔子者,德 民弗 人 商 三山陳氏 無 之禮 在 所 從 下, 非 證 不 E 則 雖 如 民 Ē. 下 孔 善 將

世以俟聖人而不惑。 世以俟聖人而不惑。 故君子之道:本諸身,徵諸庶民,考諸三王而

不得顯位以行之,則民亦

玩而不信矣。」

諸 而參於彼也。 上説,只做得那 制度、考文之事 此君子,指王天下者而言。 庶民,驗其 上章言雖 有其 般事看。」本諸 所信從也。 天地者,道也。《語録》曰: 德,荷 也。 無其 語 (位,不 録》 身,有 建,立也,立於此 E : 敢 其道,即 作禮 「君子 其 德 樂。 指 也 議 就 在 問問 上之 那 身

也。 吾建於此,而於道不相悖也。」」鬼 地之間 「以上下文例之、此天地似乎是形氣之天地。 百世以俟 · 而 其道 不悖於我也。」曰 聖人而 不惑,所謂聖人復 :「此天地 神者,造化之迹 只是道 蓋建諸天 耳 謂

不惑,知人也。 | 質諸鬼神而無疑,知天也,百世以俟聖人而 |

起,不易吾言者

也

人道之至,所以不惑。」也,聖人,人道之至也。惟知天理之至,所以無疑,惟知知天知人,知其理也。陳氏曰:「鬼神,天理之至

不厭。

法,言而世爲天下則。遠之則有望,近之則是故君子動而世爲天下道,行而世爲天下

動,兼 推行之。」 法。言只言其 度 也 言 則, 行 準 理,如此未有事迹之可言,必在人準 耐 則 言。 也 道,兼 潘 氏 E 法 則 「行有 而 言。 成 迹、故可 法,法 則 而 效

、詩》曰:「在彼無惡,在此無射,庶幾夙夜,

下者也。惡,去聲。射,音妬。詩,作斁。以永終譽!」君子未有不如此而蚤有譽於天

此者,指本諸身以下六事而言。《詩・周頌・振鷺》之篇。射,厭也。所謂

右第二十九章。

案 者以時言,下焉者以位言,宜不得爲一 無取信於民,是以民無所適從。」曰 言而近於荒唐。下焉者謂下達之事,如 上達之事,如性命道德之本,不驗之於民之行事,則 者,則吕氏亦失之,惜乎其不因 唯吕氏一説,爲得之耳。 末 推之,而 同,雖程子亦因鄭注,然於文義皆 或問二十九章之説。 ,隨時變易,無所稽考,則 承上章居上不驕而言,亦人道也。 程子曰:「三重,即三王之禮。」此即鄭注之説 爲 是矛盾也。」案: ()臆見 曰:「三重,諸説不 而出於穿鑿。 吕氏 :「然則 至 於上下焉 日 刑 名 上句 「上焉 一不通。 一者皆 度 上焉 數 以 之 謂 徒

之也。 之也。 不足 以 幽 拂 言者也,故曰 説 今,而無所不通。」動,舉 天下一理耳,無往不在,無時不然,是以 而不違悖。」鬼神 言與其已行 曰 多近似而若可 耶?」日 諸三王,驗其所已行之迹而不差繆。」天地,以 復 不 也 有以驗 「有。 且 惑,謂遠 稱也,亦何疑哉?」曰:「此章文義 上矣,以 又 陳 道 法謂法度,人之所當守也。 氏日 乎明 安知 者,人所 三王 以王天下者 者無所差也。 有以 「調 無 不悖,言與其自然者 霸者之事而言,則 也。 以 下焉者之不 以 形 立 相易者,其 迹言者也,故 共 驗乎 諸 後聖未至 丽 一身兼 天地之間,順其自 由, 難 ·近也。 知,故 丽 兼 陳氏曰: 言 法 行 有辨乎?」 爲 而 曰 與言 潘 與 達 則 幽明 難 無 日 霸 氏日 其 則 位 「謂考質 料,故 疑,謂 不謬 然之理 者 善善 無 則謂 而 而 不 貫 「通 言 道 事 所 又 口 古 水土。

仲尼祖述堯、舜、憲章文、武、上律天時、下襲 常,故久 廣 準 被,故 則,人之所 而安之也。」 企 而 取 慕之; īĒ 也。 近者習,其 遠 者悦, 行 其 之有 德之

之錯行,如日月之代明。 辟 如 小則採山釣水。 者,法道在其中。 人功夫。」〇永嘉 時,有自然之運,故聖人法之。 之。」律天時者,法其自然之運。襲水土者, 氏曰:「堯舜,人道之極,故宗之。 方,各有一定之理,故聖人因之。」皆兼 因其一定之理。 祖述者,遠宗其道。 而言也。《語 天 地 之無 録 細底道理,爲本爲内,麤底爲末爲外。」 陳氏 不 律天時者,大則 持 陳氏曰:「天時者,春夏秋冬之四 日 載 「兼本末内外精 祖 憲章者,近守其 無 辟,音響。 述 不 水土者, 者,道 顯 法度,至周 覆 晦 幬 屈 法 幬 粗 内 伸。 東 在 而言,是 ,徒報反 辟 外該 西 其 而 中。 南 如 水土 法。 北 四 本 之四 言 故守 憲 時 末 陳

錯,猶迭也。此言聖人之德。葉氏曰:「是述夫

子之德同乎天也。」

川流,大德敦化,此天地之所以爲大也。萬物並育而不相害,道並行而不相悖,小德

悖 廣大之體 行,萬物止其所而不相侵害。]〇潘氏曰:「無不覆載者 圃 1,猶背 不相害,陳氏曰:「天無不覆,地無不載,大化 地。四四 也。 時 天覆 日 月,錯行代 地載,萬物並 明 而 育於其間 不 相 悖。 流

通之用也。」所以不害不悖者,小德之川流,乎相反,而其實非相違悖。」〇潘氏曰:「錯行代明者,變

陳氏曰:

「四時錯行,日月代明,

一寒一暑,一晝一暮,似

忠便是做那 所以並 大德是敦那 育並行者,大德之敦化。《語録》曰 恕底,恕 化 底,小德是流出 便是流 出那忠來底。 那敦化底出 如 來。 中 和 這 中 便 便 to

本。黄氏曰:「大德是心之本體,無許多大底,亦做不得簡道理。」小德者,全體之分; 大德者,萬殊之

是大德敦化,和

便是

小

·徳川

流。

自古亘今,都只是這

小底出來。」川流者,如川之流,脉絡分明而往本。黄氏曰:「大德是心之本體,無許多大底,亦做不得

見上文取辟之意也。 盛大,其來無端,莫窺其自也。」此言天地之道,以 派,觸處彌滿,流行不已 出 不息也。敦化者,敦厚其化,根本盛大而 無 窮 也。 葉氏曰: 也。 Щ 《語 敦化者,言蘊蓄 流 者,言如 録》曰:「是言天地之大 川 之流,有 妙理、深厚 枝 有

右第三十章。

如此,言天地,則見聖人矣。」

言天道也。

川水之流,脉絡分明 是就造化中間 大本處敦厚,則根本盛大,其 矣。」陳氏曰:「大德是就造化渾淪大本處論,造化之 之敦化。以此推之,可見諸説之得失 付物者,小德之川流;純亦不已者,大德 者,大德之敦化。 則高下散殊者,小德之川 或問小德大德之説。 條貫 處 而 細碎 晝夜之流不息。 以 論 聖人言之,則物各 曰:「以天地言之, 出也 ,造化之生成,其 流 流,於穆不已 行 而 若以天地 不 窮。 小 理 言 如 德

以至 行 其書之有 烈必變也,以至於仕止久速之皆當其 所 以爲大,而 時 物有許多種類,各正其 之命,於穆不已者,大德之敦化。 則萬物之或高或下,或散或殊者,小德之川 也,而其所以「律天時」之意可見矣。 易》也,由其行之有不時不食也,迅雷 之迹言之,則由 面 日 襲水土」之意 日 不相悖,是小德之川 一:「是不可以一事言也,姑以夫子已行 之 謂 月 有 於 兼 其 居 用 内 道並 孔子之德所以 魯 序《禹貢》、述《職 外、該 舍 行,是大德之敦化。 行 而 可見矣。 逢 藏 其書之有得夏時、贊《周 流 分所而 本 掖 之所 末 取臂於斯。」曰: 也, 天地覆 不相害,四 而 若因 遇 居 言者,何也?」 若以本文言之, 載 耐 宋 此説天地之道 方》也,由 而萬物並 安 時 是 而 日月之運 以推 也, 章 流 一子之 甫 뻾 育 之, 維天 則 也 其 其 由 風 口 所 四 行

有

别

也。

知、去聲。

齊

,側皆反。

别,彼列反。

也; 唯天下至聖,爲 裕温柔,足以有容也 齊莊 民,而 皆「律天時」之事也。 家 者 方設居方,而 皆 也,則亦何 中正 其大至於禪授放伐, 『襲水土』之事 一,足以有 能 聰明 慊 廣至於 於是哉 9 敬 睿知,足以 發强 也 昆 也 其所 ; 蟲草 剛 文理 使 毅, 以 各以 夫子 木 有臨 體 密 足 各 察 國 其 以 而 遂 也 經 時 有 足 得 其 以 執 寬 性 邦

得。 知。 聞 曰:「寬是寬大,裕是優裕,温 天下方得。」其 下 人生知安行之資,蓋首出庶物者 聰 明 也。 明 聰 至於百 是目之所視 睿 明以 《語録 知 耳 人、千人、 ,生知之資。 自 下 青 日 四 無 ,睿知以心言。」臨 不見 者,乃仁義禮 萬 且 人,皆然。 如 容是 臨一人,須 和而柔順,此仁也。 陳氏 也。 無 日 若 所 聰 不 臨 、是强 是耳 知 謂 通 「聰明 天 下, 居 得 知 之所 睿 便 那 是 L 知者,聖 仁則 須 無 聽無不 而 人 所 陳 鰛 臨 度 Æ 方 得 不

則古先聖王之所以迎日推

. 筴,頒

朔授

嚴,莊是端莊 有 皆剛意 量 敬。 一寬洪廣大,故曰 文理 此 義 密 也。 中 察, 則無過不及,正則不偏,此言禮也 有 義 此知也, 容。 則 操 發是奮 執得 故曰 牢固 强發, 有别。」文,文章 故曰 强是 ~强而 有 執。 有 力,剛 齊 一,故 也。 是齊 日 毅

《語 章。」 録》曰: 理,條 「如物之文縷。」〇陳氏 理 也。 《語録 | | | 日 理 是 「是燦然而 有 條 辨 逐 有文 路

子。 以各有條,謂之理。」〇又曰: 「如竹木之文理相似,

直是一 般 理,横 是一般理。」密,詳細也。 《語 録 $\check{\exists}$

兩箇,又破作四片,若未恰好,又破作八片,只管詳密。」 明辨 也。 陳氏曰 「謂 足以分别事物。」

此是聖人於至纖至悉

處,無不詳審。

且如

物,初

破作

天。

施、去聲。

隊,音墜。

溥博淵泉, 而 時出之。

也。 溥 有箇發達不已底意。」出,發見 博, 《語録》曰: 周 徧 愐 溥 廣 周 闊 徧。 也 0 博,宏大。 淵泉,静深而 也。 言五者之德, 淵,深沈。 泉,便 有本

溥 民 博如 莫不信 天,淵泉 ,行而民莫不説。 如 淵。 見而民莫不敬,言 見,音現。 説,音悦 而

充

積

於中,而

以

時發見於外也

人力 霜露 是以 下章所謂不動而敬,不言而信是也。 其可,即合理 見當其 言其 所 聲名洋溢乎 所 、充積 隊; 通; 可 凡 天之所 之謂 也。 極其盛,陳氏 有 也。 中 陳氏曰:「此言下三句。」〇愚 血 國 覆, 見是 氣 者, 施 地 方出 及 之所 莫不尊親,故 鑾 而 「此言上二句。」而 未形於言行之間 下面方分言行 貊 載 舟車 日 月 所 所 日 照 至 發 配 如 當

E

舟 之所及,廣大如天 車 所 至以下,蓋 也 極言之。 配天,言其德

右第三十一章。

扶。 之大本,知天地之化育。 唯天下至誠,爲能經 焉,於虔反 承上章而言小德之川流,亦天道也。 綸 天下之大經,立天下 夫焉有所倚? 夫,音

之, 編者, 比其類而合之也。 經、綸,皆治絲之事。 經者, 《語 理其 録》日 緒 治 而分

常也。 變萬 無 然之實,皆可 子,兄是兄,弟是弟,夫是夫,婦是婦,各有條 綸之也。 然之實,而皆 惟聖人之德極 乃未發之中,就性論; 全體 也。」○陳氏曰: 者,先須逐條理 身已有箇標準,故人皆取法之。」其於所性之全 然相合,故曰 和,兄弟之相 不亂,故曰經。 臣、父子、兄弟、 而合之,如打條者,必取所分之緒 也。 化,皆由此出,所謂立之也。 豪人欲之僞 大經者, 陳氏曰: 陳氏曰: 以爲天下後世之標準,如使契教人倫 綸。 友 、夫婦、 睦 如君臣之相敬,父子之相親,夫婦之相 其頭 「一是分疏條理,一 惟聖人極 可 誠 朋友之相切磋琢 、朋友之大倫。」大本者,所 緒 五品之人倫。 「如君是君,臣是臣,父是父,子 以 即 以 無妄,故於人倫各 今所謂 而分之,所謂 爲天下後 是中者,天下之大本一 雜之,而天下之道,千 誠無妄,於人倫各盡其所 大本,以所性之全體論。」 比類 是 經也。 磨,牽比 世法, 而合 牽 陳 一聯相 氏 爲 然後 理,一 其 陳氏 合。一 所 盡 所 倫 般。 比 謂 性 類 其 即 其 定 E. 經 體 蓋 謂 當 經 之 中 吾 當 自 倡 是 君 類 而 綸

> 所謂 育,則亦其極 甚宏大,非誠極其至,不能立之。」其 物,千條萬緒,千變萬化,皆從大本中流出 流 生育變化萬物之功,與天地造化,脗合交契, 見之知論,只如肝膽相照 者,至誠無僞,有以默契也。」○陳氏曰: 日月寒暑, 見之知 有所倚著於物 聖人於所性之全體,初 出,夫焉有倚靠?」 知也。」此皆至誠無妄,自然之功用 而已。 無一 息之差。 誠無妄者,有默契焉,非 加 語録 後 無一 **\rightarrow** 知化者,真 能哉。 般。 豪人欲之雜,及發而 「天地 聖人之德,極誠無妄,其 《語録》曰: 知其 化 於天 育,如 「知字不 八必然。 其 渾 春 地 本 「堂堂 、夫豈 融 夏 所 應事 可 之 根 但 秋 謂 所 化 體 聞 聞 知 在 接

之

有根本而不竭,故以立本言。」浩浩,廣大貌 淵 肫 大經,須 施,懇 ,静深貌,以 加 懇 至 切詳 一貌 細之功,不可 以 立本 經 綸 m 言 而 也。 言 有 急 也。 迫 陳氏 操切之意。」 陳氏 日 E 「静 以 經經 深 知 淵 則

特如之而已。永嘉陳氏曰:「如天如淵,猶是二物,育變化,與天同其功,故以知化言。」其淵其天,則非化而言也。陳氏曰:「此誠之體,與天同其大,故其生

其天其淵,即聖人便是天淵。」

右第三十二章。

其德之發見乎外者,至誠,則是那裏面骨子至誠,能至誠之道,非至聖不能知,至聖之然至誠之道,非至聖不能知,至聖之然至誠之道,非至聖不能知,至聖之然至誠之道,非至聖不能知,至聖之。

德也。 聖無以顯至誠之全體,非至誠無以全至聖之妙用 致,至此 至處,必曰 之稱,人道之極功。 其實非二物也。」〇永嘉陳氏曰:「聖者,靈通變化 或曰: 經大本之實理而言,仍上文大德敦化之意。 發用神妙而言,仍上文小德川流之意。 也不相似,只是説得表裏。」」○葉氏曰 處,非聖人不自 經中凡説天德處,必曰至誠,凡論人倫之 『至誠至聖,亦可以體用言否?』曰: 圃 至聖。」此篇言聖人天道之極 無 知。 以 加矣。 誠者,真實無妄之謂,與天合 至聖,則 外人只見 至誠,指 得 「至聖,指 到 慢 這 非 處 至 大 用

智,人君之德也,故足以有臨, 生聰明時又」、《易》曰「知臨大君之宜吉」,則 仁義禮智之事也。 安行而首出庶物之姿也,容執 裕」以下則失之。 睿智」爲「君德」者,得之而未盡,其「寬 或問至聖至誠之説。 蓋聰明 案:楊氏曰:「《書》曰『惟天 曰:「楊氏以「聰明 寬裕温柔,仁之質也 睿智者,生知 敬 别, 聰 明 則

無方; 五品之民彝也。 是以見而民敬,言 或敬以爲禮,或别以爲智,惟其時而 齊莊中正,禮德也,文理密察,智德也。 智,聖德也;寬裕温柔,仁德也; 氏以 録》曰:「問理於義也。 直内,故有敬; 所倚者無 於命,且上於至誠者無所繫,下於焉 和,立本之爲致中,知化之爲 説,亦或得其文義,但 未得,又添一句 故足以有容; 至誠之道』者,得之。案:游氏曰:「聰明睿 夫然,故外有以正天下之觀,内有以通天下之志 ,莫不心悦而 上章 淵泉者,其深不測。 所屬 爲言『至聖之德』,下章爲 發强剛毅以 ,都不可曉。」經綸以 文理密察理於義也,故 凡爲天下之常道,皆可名於經,而民 誠服,此至聖之德也。 m 民信,行 則爲不得其 曰:「便是怕如此説這一句了 致果,故有執; 或容以爲仁,或執以爲義, 而民悦,自 不 發强剛毅,義德也 知 Ē, 經綸之爲 綱 此所謂時 下,諸家之 窮理 有别。」○《語 天下之大經, 西自東 溥博者,其大 領 齊莊 耳。 中 以 自 出之 Ė 言 致 游 有 至 以 矣。衣、去聲。

《詩》曰:「衣錦 知遠之近,知風 亡。君子之道 子之道,闇然 ·孰能知之』? 知 也。 德,非至誠不能爲。故其言之序,相因如此。」 志 游氏曰"「德者,其用也,有目者所共見,有心者所共 也。」其説自『德者其用』以下,皆善。」 如淵而已; 彝爲大經。 ,故凡有血氣者,莫不尊親。 ,莫窺其奧,故曰『苟不固聰明聖知達天德者,其 立天下之大本者,建中于民也。 圃 浩浩其天,非特如天而 經綸者,因 尚絅。」惡其文之著也。 蓋至誠之道,非至 日 之自,知微之顯,可與 淡 章,小人之道,的然 而 不厭,簡而文,温 性循理而 道者,其本也,非 治之,無汨 聖 不 已,此 淵淵其淵 能 知 至誠 其序之謂 丽 至聖 入德 故 而 之道 非 理 H 君

也。 誠之功用,中庸之道,至矣盡矣。 前章言聖人之德,極其盛 立心之始言之,而下文又推 葉氏曰:「上三章極言孔子體天之德,與夫至聖 子思又慮學者馳騖 矣。 之以 此 復 至 自 其 下 學 極 於

絅,口

迥反。

惡,去聲。

闇,於感反

厭而文且理,只緣有錦在裏面,若上着布衫,着布襖,便都 闍 此道理實得於己,不是欲求人知。 錦 絅故 此。 《丰》,皆作「衣錦 之地。」《 於外也,不厭 丽 而 織疏布爲之,不知是否。」●尚,加也 高遠,而忘下學之功夫,而或失其指歸,故此章總論,必 也。《語録》曰:「古註以爲禪衣所以襲錦衣者。 自下學務內至親至切言之,然後極於至精至微不可擬 「只暗暗地做工夫處,這理自掩蔽不得。」○陳氏曰:「衣 「禪與單字同異?」曰: 錦之文采自然著見於外也。」淡、簡、 者,美在其中; 加 網衣以蔽之。」古之學者爲己,故其立心如 S E 黄氏曰: 闇然,衣錦 雖 詩 日 「淡則必厭 闇 然, 「惡其文之著,此君子之立心如此。」尚 或 尚絅者,不求知於外。 面 而文且理焉,錦之美在中也。 風 道 故有日章之實。 簡 理自彰著而不可揜,猶衣錦尚絅 同。 褧衣」。 則不文,温則不理。 衛 沈括謂絅與榮同,是用榮麻 褧、絅同。 惟其不求人知,所以 碩 人》、《鄭》 古之學者,只欲 陳氏曰: 温,絅之襲 《語録》曰 而今却不 襌 「衣錦 問 之 衣 議

> 者甚顯,故自微而謹。 風化者自身始,❷故自身而謹;有諸内者甚微,而著於外 内也。《語録》曰:「是知其身之得失,由乎心之邪正。」 做時,已報得滿地人知,然實不曾做得。」遠之近,見於 内外黑淬淬地。」小人反是,則暴於外而 己而又能知道理之見於遠者自近始,故自近而 知所謹而可人德矣。陳氏曰:「君子立心,只是爲 心説,就裏來。」有爲己之心,而又知 微之顯,有諸内者形諸外也。 彼之是非,由在我之得失。風之自,著乎外者本乎 彼者由於此 繼之,是以的然而日亡也。 也。 《語録》曰:「是以己對物言之,知在 既知此三者而有 《語録》曰:「小人不曾 所謹 《語録》曰:「專指 此 ,則可與之人 謹,知見於 三者 無 實以 則

不疾,無惡於志。君子之所不可及者,其唯《詩》云:「潛雖伏矣,亦孔之昭。」故君子内省

德矣。」故下文引《詩》言謹獨之事。

^{● 「}否」,原誤作「也」,今據四庫本改。

❷ 「知」,原誤作「者」,今據四庫董要本改。

人之所不見乎。惡,去聲。

氏曰: 《詩・小雅・正月》之篇。承上文言「莫見 所以不可及者,只是能於人所不知而已獨知之地 子内省,此處須是無一豪疚 志 昭」,即首章莫見莫顯意。 乎隱,莫顯乎微」也。 耳。 ,猶言無愧 「《正月》詩「潛雖伏矣」,即首章隱微處, 於心,此君子謹獨之事 言隱伏之間,其理甚昭 病,如此則無愧於心。 疚,病 也。 無惡 「亦孔 巾 明。 , 致其 君 於 子 君 之 陳

不動而敬,不言而信。相,去聲。《詩》云:「相在爾室,尚不愧于屋漏。」故君子

隅,此 白」,孫炎曰:「當室,日光所漏入也。」」○《語録》曰 室西 人室在東南隅開門。 人纔進 是至深密 北隅 大雅 也。 ,便先見東北隅,却 之地。」承 抑》之篇。 《文集》曰:「《曾子問 東北隅爲突,西北隅爲屋 上文 到西 又言 相 北隅 視 君 》謂之「當室之 ,然後始到西 也。 子 漏 之 屋 西 戒 南 漏, 古古 謹 南 爲

恐懼

無

時不然,不待言

動

丽

後

敬

信,陳氏

戒謹恐 陳氏曰: 本來真實,無非信矣。」則其爲己之功益 已無非敬矣,不待見於發言而後信,實蓋於未發言之前 不待於動而應事接物方始敬, 無妄,常加戒謹恐懼,方能無愧怍。 屋 獨,是自密而疎,蓋從 日 隅,人迹所不到之地。 「《抑》詩即是首章戒謹其所不睹、恐懼其 懼 此 是 處一 自 疎 節 而 密 内 密 面 節,首章先説戒謹 此處蓋己之所不睹 蓋 發 從外面 出 蓋於未應接之前,無人處 來。 説 此處 君子爲己之功至此 人。」故 先說謹 恐 (所不 懼 加 須 下 密矣。 獨,後 後説 是真 文引 聞 意。

《詩》并言其效。

賞而民勸,不怒而民威於鈇鉞。假,格同。鈇,《詩》曰:「奏假無言,時靡有争。」是故君子不

音夫。

《詩 畏 極其 日 文而遂及其效,言進 也。 「所以不待賞 . 誠 商 敬, 鈇,莝斫 頌 • 無 烈祖》之篇。 圃 有 力也。 民 言 自 説 勸 圃 示 而 鉞,斧也 待 感 人 怒而民 自 格 奏,進也。 於神明 化 自畏之。」威 之 也 之際 承上 陳氏

子篤恭 詩》曰: 而天下平。 「不顯惟德 百辟 其刑之。」是故君

平 所 下便平,都不可 局了,他人孰不恭敬? 功 也 何?」曰:「是箇 詩中例是言豈不 之云,與章末無聲無臭皆有隱微深密之意,故知其當別 章者別無他義,故只用詩意。卒章所引,緣自章首 爲一義,與詩 愈深而 言天子有不顯 六章,此借引以爲幽深玄遠之意。 承上文 詩》,頭 (詩·周頌·烈文》之篇。不顯,説見二十 不見處 也。 ·,乃聖人至德淵微, 篤 節 《語録 第 恭,言不 效愈遠矣。《文集》曰:「不顯二字,二十六 説學者須爲己不求人知,第二節説 三節説不特人所不見,雖己所不聞不見處 不同也。」〇《語録》曰:「問:「不顯其德,案 測耳。」○陳氏曰:「文章至此,凡五引 |幽深玄遠意,是不顯中之顯。] | 篤 顯也,今借引此 之德,而諸侯法之,則 「此章到篤恭而天下平,已是極處結 顯 然却不 其 自然之應,中庸 敬 能平天下,聖人篤恭,天 也。 詩,真作不顯説,如 篤 恭 致謹 而 天 之 其 於人 厚 尚 下 德 極 絧 矣!輔,由、酉二音

《詩》云:「予懷 「聲色之於以 毛」,毛猶有倫。「上天之載,無 顯篤恭,聖人至德功效,有自然之應,乃中庸之極功 亦當致敬,第四 化民,末也。」《詩 節説不待言説 明 德,不大聲以 而人自化之,第五 、聲無 色。」子 日 德 臭」,至 節 輶 日 也。」 説 如 不

《語録》曰:「只是説至德自無聲色。」又引孔子之 《詩・大雅・皇矣》之篇。引之以明上文 此理之妙。」不若《烝 有聲色者存焉,特不大之耳。」〇蔡氏曰: 不顯之妙。三山陳氏曰:「是雖曰不大聲與色,然猶 之而已,則猶有 所謂不顯之德者,正以其不大聲與色也 毛」,●則庶乎可以形容矣,而又自以 言,以爲聲色乃化民之末務,今但言不大 ·聲色者存,是未足以形容 民》之詩 所言 「德 「是猶未足以 輶 謂 如 杰

0 輔」,原誤作「輕」,今據四庫本改。

至耳。 外,又别有三等級如此。」 别有是三等,然後爲至 聲無臭 形容,雖不大聲以色,德輶如毛,皆不足以形容。 妙。《語録》曰:「所謂 陳氏曰:「苟謂之如毛,是尚容比類也。」○蔡氏曰: 而 亦未足以 上天之事, 猶 ,到無迹之可尋,然後已。非此德之外, 則 無之,故 蓋聲臭 盡 猶 此理之妙。」不若《文王》之詩 有 無聲 可比 有 唯 無 氣 不顯其德者,幽深玄遠,無可得 此 者,是 無 臭」,然後乃爲 可以 也。 形,在物最 亦 形容不顯篤恭之 陳氏曰: 未 盡 其 爲 妙。 「非是德之 不 微妙, 直是 顯 所 \equiv 是 言 之 又 無 m 山

到 步退 録》日 而 又贊其妙,至於無 反求其本,復自 右第三十三章。子思因前章極致之言, 無聲 言之,以馴 似 : 《中庸 無 臭, 步,都用那般 則 》後面 至矣。 致 乎篤 愈說得向裏來,凡八引 下學爲 不言不動,不顯不大底字,直説 或曰: 聲 無臭而 恭 到 而 己 此 天 謹 裏還得本體?」 後已焉。 下平之盛 獨 之事 《詩 *,推 《語

> 之,其反復丁寧示人之意,至深切矣,學 無聲無臭,至矣! 者其可不盡 漸收斂到後面, 日 『然。』〇又曰 心乎 段 蓋舉 密 「此段 似 自衣錦尚 一篇 段,直到聖而不可 之要,而 絅 闍 然 H 知處 約 章 漸 E

之教 育者 子篤 篇而論之, 庸之極功也,故以 臭之可尋,此至誠 後可以謹獨誠身,而 故反於其至近 於高遠玄妙之域,輕自大 人之德而 方,欲學者先知用心於内,不求人知,然 或問卒章之説。曰:「承上三章,既言聖 於此可 ,與夫 恭 丽 極其盛矣,子思懼夫學者求之 天下 則天命之性,率性之道,脩道 天 見 地 ·平,而 者 其實德。 之所 而言之,以示入德之 是而終篇焉。 盛德,自然之效,而 馴致乎其極也。 以 其 位 所以平者, 萬 而反失之也, 以 此章論之, 物之所以 蓋 以 無 中 君

細, 爲 便是篤恭而天下平之道。」〇又曰: 出 四 惟 事。」〇又曰: 其成 漏 亦假 之,其旨深哉 者 之近、知 則 心,以至其 故首章已發其意,此章 諸 上下 事敬 奇 靈 1,則無 ,以此事天享帝。」〇又曰:「道,一本也,知不二本 則 所 「不愧屋漏,便是箇持敬氣象。」〇又曰:「不愧屋 何 説 於敬而已矣。 非 《心安而體舒。」○又曰:「尚不愧于屋漏 次功,皆 借 謂 有 敬也 如 雖之夷狄,不可棄也。」然則執 不至。 淡 於恭敬 而言,若《大學》敬止之例 他 風之自、 何?」曰:「程 而 ,要之無敢 八極耳, 「聖人脩己以安百姓,篤 非 焉,亦曰 不厭,簡 此體信達順之道 則 空言也。 簡細故以自崇,非敬也,飾 天 其 與《詩》之訓義不同, 地 知微之顯者,於此 慢 自 日 反 而 位 而文,温 身以 己。 不 ,萬物自 然其 子至矣。 顯, 文 ,聰明睿智,皆 語 「君子之遇事 謹獨 申 亦 所 事敬者 \mathbb{F} 育 恭 而 明 充 以 ,氣無不 理, 而 而 居居 案 而 尚 天下平。 ,問爲仁 私 是敬之 極 也 平 處 絅 口 知 程 智以 無巨 由 恭 和 蓋 言 之 此 見 子 遠 此

之德 成反本 之端 至 乎下 無臭, 夫淺深次第,則又失其條理 并言之,又以 成德疎密淺深之序也; 自 衣 則既失其章旨矣。 後 如 不 三百百 庸 H: 錦 》言道,只 無 E 此 得 一毛 「《中庸》之語 也, 、威儀三千。 此言聖人心要處。」吕氏 也。 聲 尚 也。 章 學之初 其 ,以盡中庸之道。」此 猶 推 無 絅 承上文聖誠 綱 有倫 是 、消道 今以『不 而 臭,凡三條,皆 領 心 以 以 、條 心 耐 「無聲無臭」四字,總括了多少。」〇 入豪氂 後三條 至不顯 自禮儀三百、威儀三千,復歸於 ,其本至於無聲無臭,其用至於禮 爲『皆言德成反本」之事 成之,則 `,遂 貫, 絲 顯 案: 吕氏曰:「此章皆言德 推言之, 而於文義尤多未 之極 忽終不盡。」〇又 惟 者, 惟 篤 章凡 德,凡 恭而天下平矣。」〇 德 既失其 致, 亦 所 八 不大聲色,以 通爲 以 通 以 矣。 而 引《詩 五 贊 前 至 反之以 條 章旨 案 進 夫 其 日 始 義 不 極 吕 無 《中 趣, 本 顯 自 IIII 又 又

敬,不言而信,不賞而勸,不怒而威,豈有他哉? 諸天下』爲『篤恭 本,不待言動而人敬信。」以『貨色』『親 言』而信爲『人敬信』之,案:吕氏曰:「其中有 懸日月,其知微之顯敷?」以「不動」而 爲知『心之精微』『明達暴著』,案"呂氏曰" 來,莫非心之所出,其知風之自歟!以知微之顯 出」。案: 吕氏曰 風之自爲知「見聞」、「動作」皆由「心 色,然後可以人乎無聲無臭而誠一於天。」至以知 人而忘乎言動矣,然猶有德之聲色存焉。 而不可見,猶曰無之,則上天之事可知矣。]○又曰: 非思,渾然不可得而名者也。 未至乎誠也。若至乎誠,則與天爲一,無意無我,非 而已!」〇又曰:「德輶如毛,謂之德者,猶 「不動而敬,不言而信,不賞而勸,不怒而威,則德孚於 「心之精微,至隱至妙,無聲無臭,然其理明達暴著,若 君子之善與人同,合內外之道則爲德,非特成己,將 「不顯惟 德、百 辟其刑之者,蓋要其所以 「以見聞之廣,動作之利,推所從 而天下平」,案: 吕氏曰: 聲臭之於形,微矣,有物 至于不大聲 誠之者 長『達 敬、「不 不 動 在 也 勉 德 而

言。 者、蓋習於佛氏『作用是性』之談、而不 風之自之説,而以爲非大程夫子不 者然也。 後已,豈非篤恭而天下平者哉!」以 以成物,故君子言貨色之欲,親長之始,必達於天下而 中,無交於物,泊然純 是性之德,於學無所統攝。」游氏所謂「無 察乎了翁序文之誤耳。 『誠一於天』,已見上註。 物之事,而非簡之謂也。案:游氏曰:「不失 獨與神明居,此淡也,然因性而已,故不厭。」〇又曰: 所謂『離人 至此,亦可憐也!《語録》曰:「吕氏却是作 事而『猶有聲色』,至於『無聲無臭』 然後 不失色於人,不失口於人」,則又審於接 無聲無臭,則離人而立於獨矣。」「不失足於人, 案:游氏曰: 然近世説者,乃 圃 立 「無藏於中,無交於物,泊然純 於 獨」者,皆非 素,獨 則又文義之未當 學之不講,其 有 與神 深 德爲誠之之 取 儒 乎 明居」, 者之 能言 其 藏 知 於 用

乎? 之不恭,知其自此,則君子不由也。」與 也 猶 舉矣,則必思 乎 案 淵 之說略同,案:呂氏曰:「墨子兼愛,楊子爲我,其 自』,案: 甚遠而 氏 其家,先脩其身,知風之自也。 己,故文。」其論三『知』,未免 始未有害也 見,聽之不聞 自火出」,而「君子以 足於人,不失色於人,不失口於人,此簡也,然循理 人親其親 有倫。 ·!」其論『德輶 ,故曰上天之載,無聲無臭矣。」楊氏『知 同。 游氏曰:「欲治其國,先齊其家,知遠之近也,人 伯夷之不屑 欲脩其身,先正其心,知微之顯也。 難至也,舉之則是,故曰德輔 若夫誠之至,則無思無爲,從容中道,是天道 ,長其長,而天下平,可不謂近矣乎! 楊氏曰 其 而得 游氏曰: 而常不離 (風之末,則 就 ,勉而中,是人道而 以 「世之流風 如 言 爲 「所謂 毛以 有物、 心 清 術 至 德者,非 於無君 日 柳 行有常」,可不謂 皆 《易》於《家人》曰: 下, 下 用之間 有所自 惠之不屑去,以 如 無父,而 有對 甚高 則 牽合之 毛。 可 吕 其 夫道視之不 清之隘 而難 也,故曰 不謂 氏 既 失 近 已有 風之 舊 與 知 於 欲 所 病 顯 「風 也 吕 本 爲 毛 矣 自 齊 所 而

> 化, 和。 爲 臭,至矣! 惟 天之載,無聲無臭,然後爲至。」侯氏説多 之説,已見上註。 氏改本,去其 歟 미 毛,未至於無倫,猶有德也,有而不化,非其至也,故上 而 之得失,動作 不慎也。 !而其取證 以 不可不謹 得之也。」案: 則又吕、游之失也。 其風之末,不免乎隘與不恭,君子不由,則其端 此章爲『再敘人德成德之序』者,獨 子思再敘人德成德之序也。」 故曰: ,則庶乎其 之是 所 ,又皆太遠。 差之豪釐, 繆以 以德輶 侯氏曰 謂見聞者, 非 ", 皆 「自衣錦尚絅,至無聲 如 可 案: 毛爲有 耳。 知 楊氏 千里,其 其 而益 要當 案 有 德 以言 |参取 吕氏見聞 所 知風之自 「徳輔 疎 從 丽 闊 占 未 來 語 無 ψŪ 不

中庸纂疏

後學 成德 校訂

書 疏

讀 《論孟集註》綱領

後 學趙順 孫纂録

些,如 看得 集註》如秤上 ·透,存養熟,甚生氣質。《朱子語録》○ 稱來無異,不高些,不低

又曰: 「某於《論》、《 孟 》逐字秤等,不教偏些子,❶學者將註

證者,此字義不可以常訓通也。」

處,宜子細看。」

〇又曰:「不多一箇字,不少一箇字。」 集註》添一字不得,減一字不得。《語録》

某下一字時,直是秤 有 録》〇又曰: 極 散緩者,有緩急之間者,有極 看《集註》時,不可遺了緊要字。 讀 集註 》只 是要看無一字閑、若意裏説做閑 輕等重,方敢寫 緊要者。 蓋解中 出 《語

> 着意看,字字思索到,莫要只作等閑看便了。 《集註》至于訓詁皆子細者,蓋要人字字

「語録》○又曰"「要人精粗本末字字爲咀嚼過。」

用『猶』字,或直言。 問 「《註》或用『者』字,或用『謂』字,或 其輕重之意如 何?」曰:

某猶某也,無正訓 釋、特發此以明其義也。 者,猶是如此。」《語録》○胡氏曰: ·者、謂,是恁地。直言者,直訓 ,借彼以明此也。 爲言,謂其説如此也。 某之爲言某也 「某"某也 如此。 引經傳文以 ìE. 前 猶云 訓 無訓 也

而後 用,而不没其 聖經正意,望如諸家之説有切當明白者, 程子,亦只 集註》於正文之下正解説字訓 姓名。 是 順正 如《學而》首章,先 文解下 來, 非 文義 有 尹 即 氏 高 引 與

- 0 改。 子」, 原誤作「小」,今據文淵閣 四庫 全 書《朱子 語 頻
- 中「正」字、文淵閣四庫全書《經義考》作「止」。

字,那箇正是緊要字。」

者先明本旨,而後及之也。」 旨意,然後通一章之旨意也。 通言之。 下者, ●是解此句文義。 外之意 大旨及反覆此章之餘意。] 〇胡氏曰: 朱在過庭所聞。 論一章之意,反覆其説 下去取也。章末 或因 章意義可以分斷者,逐節註之,一章之後又合諸節 [發聖人言外之意者,别爲一 欲學者先明逐字文義,然後明逐節旨意, m 於正文有 ○《語録》曰: 用圈 載前輩之説於章後者,是説一章之 所 而 發 ,切要而不可 每章只發本章之旨 「《集註 列諸家之説者,或文 明,不容略去,或 段,以 「字義難明者,各有 岁内 . 載前輩之説 附其後。 不知也 者, 明 亦欲 於句 附 逐 通 學 註 節 訓 而 之書。」

情後、是许多語言,可以是主义的言語? 一字是二《集註》乃《集義》之精髓。《語録》〇文曰:

較之。」

人向 又曰: 説話。 難曉, 玩 字,其間 「《精義》是許多語言,而 别 故 便見聖人意思出來。」〇陳氏曰:「《集註 處去。 只 如 有 《集註》 八把這 一字當 《集註 義》諸老先生説非不好,只是説得忒寬,易 窗熟看,自 》盡撮其要説出來,不須更於註脚外又添 百十字底。」〇又曰: 便要人只恁地思 《集註 然曉得,莫枉費心去外 》能有幾何言 量 「前輩 ,文義曉得了,只 語? 解 》初遍閱諸 (面思 説 恐 字 量。」〇 後學 是 一段 使 家

> 《集註》,爲一定標準,復熟饜飫,胸中已有定見,然後方可 説,或一 磨刮 註 集義》來參較,方識破諸家是非得失,了無遁情,益見得《集 》明 ,翦繁趨約 潔 兩段,或一 親 切, 辭 ,是幾百番過。」〇又曰: 「 約 兩句,或一兩字可取,皆抄掇 而 理當 義 精 而 味 長,信 學者先 爲 來,續 萬 世 專 從 旋 不 刊 將

程説之中。 或補其所未圓, 是發明 語録》○陳氏曰: 程先生經解 其辭 必 或 如 使 白其 是, 「《集註 入玩 丽 所未瑩, 理 後 》發明程子之説,或足其所未 皆 味 謂 有 經 在 或貫其 功 文,理皆 解 於 語 、所未一,其實不 程 内。 f 在 \wedge 未 集 經 可 註 以 文 》只 優 内 劣

面 文,其意如 安註脚。」《語 問 「《集註 何?」 録 日 》引前輩之説 其説有 前 病,不欲更就 增 損 改 易 本

問:「《集註》中有兩存者,何者爲長?」

●「句下」,原倒乙,據《朱子語類》卷四十乙正。

前 在 異者,亦要相資。 聖人之本意,但不可知耳。」復曰:「大率兩説 爲是二説皆 丽 日 三小異 前 一説勝。」《語録》〇又曰:「《集註》中有兩説相 有 固是旨意歸一,後人看得有未端的處,大率意義長者録 者 使某! 當知 ,彼此 而 見 通,故 相資而義足也。 未甚穩者録 得 有説 長 全别者,是未定也。」〇又曰: 並 底 存之。 在 時 後。」〇 豈 有自相牴牾者,未決而並存 復 胡 然必有 存 氏曰: 其 短 有兩説 底? 説合得 似而 聖人 相 只 似 少

賢之意哉!」 鼓,先生曰: 順 部《論語》直解至死。1〇又曰:「朱子於一字未安,一語 猶未了,不是草草看者。 而 遺小吏將板 天明矣。 ,覃思静慮,更易不置,或一二日 集註 用心之苦如此,而學者顧 『此心已孤,且休矣。』退 降改 》某自三十歲 數字以 見 示。 《語録》〇黄氏曰:「朱子一 便下 則 而未已。 是 丽 以易心讀之,安能得 工夫,到 就寢。 退 ൬ 猶 夜坐親見 未 目 寐也 未交睫,復 而 今改 至 未 幾 四 未

《集註》後來改定處多,遂與《或問》不相

《或問》,後來置之不脩,未得爲成書。 未可全案之以爲定論也。」○愚案: 問》之書大不同。 燥處、亦多有不穩處,亦多有失之太甚處,比之《大學中 以爲是也。《朱子文集》○《語録 註》,更自思索爲佳。 莫若只就 未定之書,今不敢用《大學》、《中 夫大段掉了。」〇陳氏曰: 五年前文字,與今説不類。 應,又無 集註 》同者,疏于各條之下。 功 Œ 夫 經 若姑借之以多訂《集註》之所未詳 脩 E 得《 元 「《論》、《孟 或 味, 當時欲脩 不可恃此未定之書 問 庸 有 \approx 朱子自以 **三**日: 未 》例附于章後 故 》須以《集註》爲 後 今細觀之時 通 不 來精 「《論孟 處, 曾 論 力衰 參考《 傳 孟 或問》是 惟取 出 或問 則可 覺 那 Ē, 其 庸 有 箇 **※**爲 集 便 與 如 或 T.

讀《論語》、《孟子》法

後學趙順孫纂疏

明矣。 以 所 六經之言固可以類推 於吾之心 不精耳。 同,通稱程子云。 本。 者、語録》曰:「今人讀書 以 至於聖人,而吾之所以未至者,所以未得 六經工夫多,得效少。」〇輔氏曰:「今之治二書,所 《論語》、《孟 作經之意,與聖人所以用 程伯子名顥,叔子名頭,河南人。《集註》以其學 果能熟讀精思,使其言皆出於吾之口,使其意皆出 脈絡調 ○《語録》曰:「《語》、《孟》工夫少,得 理始終洞 「學者當以《 而 子》既 無不明 然, ,只緣不曾求聖人之意,纔拈 治 也。」讀 而無纖介隱昧 論 則六經 語 書者當觀聖 心、聖人之所 》、《孟子》爲 可不 不明之處 治 人 而 得 則 效 患

可 平,易其氣,只是放教寬慢,闕其疑,只是莫去穿鑿。 聖人之意可見矣。」《語録》曰:「平其心,只是放教 些小,便把自意硬入放裹面,便胡亂說,故教他就聖人意上 害於經矣。」○陳氏曰:「平其心者,是虚其心,如衡之平,不 有躁急鹵莽之失; 輔氏曰:「不平其心,則必有蔽陷離窮之病,不易其氣、 討出來,枉費心力。 多要硬把捉教住,如何得? 聖人之地可漸造矣。」平其心,易其氣,關其疑 深夜反復研思,則智日益明,理日益得,而聖人之心可漸 勿使有一豪荷簡陵躐之意,口誦其言,心味其旨,而又能 味之,中夜而思之,輔 識聖人心體,方知他所以用 背戾而不合耳。」○陳氏曰:「到經明後,方知得作經之意。 吾之所以未至聖人之地,未得聖人之心者,亦惟用心與二書 曉人,其所以用心而至爲聖人者,則二書固無不具 求看如何。」○輔氏曰: 先立 星了,到秤物時, 一箇定説。 如何得銖兩之正? 纔先把 不闕其疑 少刻只説 「聖人作經之意,不過欲 一説爲主於中,便 處。」句句而求之,晝誦 氏曰:「學者苟能句句而求之 有箇難理會處,便要刻 ,則又必至於穿鑿附會而反 得 自底 ,那裏見聖人意!」〇 易其氣者,欲見得 如秤盤上先 發明 也。 畫百 此 則 今人 ",則 至於 理 識 而 聖 加 有 必 端 虚 於 以

二七四

默 人真意 時, 須 是 和平 其 氣, 雍 容 和 緩, 自 然 而 得 之, 乃 能

也 後 · 」《語 可 程子曰: 以 録》 求 其 日 意 凡 讀 書 看文字, 未有 須 從文義 不 須先 曉 F 尋, 文 今人却 曉其文義, 義 而 見 於文義 意 者 然 外

氏 日: 然有 意 處 孟 E : 必必 便 学中 若能 (將見於行,其 作自 「若能 程 深 子 如 求玩 ė E 到得後 雖 己 此 看 孔 間 進 味 則 孟 來涵養 ,聖人答處 學 於聖 將 不徒 復 者須 一賢 生,不 成 來 誦其言,必 也 就 將《 涵 不難 則 養 過 便 氣質變化 論 成甚生氣質!」輔 矣。」若能於《 海求其意,不 作 以 語 学 此 今 H 教 可使愚 諸 人。 耳 弟 聞 徒求 語語 子 必 輔 丽, 自 問 其 氏

録 説 味。 Ě 程子 須 「《論》、《孟》不可只道理會文義得了便了,須子 只 將 看 Ė 聖 得 人 此 言 凡 二書 語 看《語》、《孟 切己, 切己,終身 不 可 ₹, 只 儘 且. 作 多 須 也 熟 場 讀 細 話 玩 語 玩

柔必

强矣。」

티 : 否? 着 得聖賢言近而旨遠,故其意思 發吾之知識 右看,看得是了, 足。」《語録》曰: 足,學者須是玩 H 有力,讀 玩 味,以身體之,見前 「一書若便恁地讀 論》、《孟》須是切己, 味體 當有一日之功。 則 「學者須是將聖人 意便死,於言下自然局蹙蹇淺,而 旬 程子曰 察,一 句 書者能將聖人言語切己體察, 如此求之,則 日 Н 就 多看 高明 未可 讀 過,只 若欲只做 ~ 後 味。 且 書之法,先要熟讀 論 得 晦 語 便 有益矣。」○輔 如學而時習之,切己看時,曾 數 明 涵 説 × 言 養 生 段 熟 若以 道是,更 ^ 日 熟 吾之德性 (孟))只 自然厭 讀深思, 或 場 可了。 不 話説 語言 同 兩 須 飫 方是 段 剩 則 則 若要 畫 反覆 氏 有 飽 H 須是正 耳。」〇 夜玩 日 枵虚不足之意。」 是 定 解 讀 足。 就 切 將 無 \Box 玩 着 廣 着 味, 實。」〇 「切己之説甚 耳 枉 來做切 味。」 若以 大。 看 一之學耳 又曰 費工 意 則 背看 便 0 語 方 可 時 便 自 又 夫, 己 輔 言 始 以 左 習 日 事 不 意 開 讀 見 氏 與

力緊要底,便是揀别,此最不可。 何?」程子曰 語 録 或問: ¥ E 「莫云《論 月 》、《孟 將《語 固 是 》中有 好, × 緊要底,有 但 ^ 蓋道體至廣至大,聖人言 孟 終 》緊 是 不 汎説底,今且 要處 浹洽 看 耳。 如

知道 謂 『雖多,亦奚以 程子曰:「讀《論語》、《孟子》而 ,則是口耳之學,未嘗着心玩味,未嘗 爲」。」輔 氏 日 讀 至誠 《語》、《孟 不 涵泳, 知 未 道

而

不

體察也。

故讀雖多,何益於事!」

所謂固 語 速效,亦必至於偏枯蹇澀,豈復有優游厭飫貫通浹洽之意。」 面 處。]〇又曰: 得大底,有説得小 有説 依然乾燥,必浸之久,則透内皆濕。」〇輔 ,乃有所得。 得粗 是好者,蓋姑 緊要處看,便只是要求近功速效,與天理已不相似 底, 「浹洽二字宜子 有説 臂之浸物於水,水若未入,只是外 底。 取 得 皆着 細 其 底,有 向學求道之意耳。 理會透徹,若不盡見,必 説得難 細看,凡 底, 於聖 有 氏 説 正使其 賢 日 得 言 易 面稍濕 語 人 底 有 思 有 纔只 量 近 窒 有 , 裹 功 透 礙 説 切己 所

之别。」 委曲詳 語句 依文案本 出來,自是包含無限道理,無些 · 句是事實。」《語録》曰:「孔子言語 程子曰:「孔子言語 盡 説 據 事 盡 道理 實 (説 更走 無限言語, 他 底 三滲漏。 不得。 方説 句 `句是自然,孟子言 得 若孟子便用着氣力, 初不曾着氣力。自 出。 此 一似没要緊説 所以爲聖 是

重 長 尺 理, 度 短 義 何 輕 權 程子曰:「學者先讀《論 事 可 衡 重。」輔氏 以别 木 8相似, 可 處哉? 是 非。 日: 以 能 「尺度 此去量度事物, 知 道 可 則 何 以 量 書 語》、《孟子》, 長短 示 可 讀 權 便自 衡 何 可 理 以 見得 稱 不 如 可 輕

二七六

《論語》序説

朱子集註序說 後學趙順孫纂疏

蕃息。 爲不必盡行,行之反以多事,故欲絶滅之。」。既反,而弟 柱下史,故知禮節文,所以孔子問之。 子《語録》曰:「問: 及長,爲委吏,料量平;委吏,本作季氏史。《索隱 昌平鄉陬邑。爲兒嬉戲,常陳俎豆,設禮容。 十二年庚戌之歲,十一月庚子,生孔子於魯 其先宋人。父叔梁紇,母顔氏。 云「一本作委吏」,與《孟子》合,今從之。 職,見《周禮·牛人》,讀爲樴,義與杙同,蓋繫養犧 此官即《孟子》所謂乘 •世家》曰:「孔子名丘,字仲尼。 「何以問 .禮於老聃?」曰:「老子曾爲 田 聃 適周,問禮於老 雖 爲司職吏,畜 知禮 以魯襄公二 ,然其意以

略開霽雲,收務斂,見得青天白日,這些自是好。」定公以 來接聖人、聖人當時亦接他好意思,所以欲往。 仕,而退脩詩、書、禮、樂,弟子彌衆。 行,反乎魯。 在,所以終不可 終是不好底人,聖人待得重理會過一 子,孔子年五十一。公山不狃以費 否?1曰:「既仕其國,則須有采地,受之可也。」 孔子遂 子地,晏嬰、子西不可。 以尼谿之田,晏嬰不可,公惑之。 子益進。 録》曰:「聖人欲往之時,是當他召聖人之時,有 召,孔子欲往,而卒不行。有答子路東周語。○《語 語。 家臣,以通乎景公。有聞《韶》、問政二事。 公欲封 五 而季氏强僭,其臣陽虎作亂 ,而昭公奔齊,魯亂。 ○《語録》曰: 昭公二十五年甲申,孔子年三十 去。 定公元年壬辰,孔子年四十三, 「問:「齊景公欲封孔子田,楚昭王 如 陰 雨蔽翳 使無晏嬰、子西, 於是適齊,爲高 ,重結不解,忽然有一處略 專政。 番 他許 則夫子還受之 有季孟吾老之 故孔子不 多不好又只 這些 然他這箇人 **畔季氏** 九年庚 好 昭子 意思 封 孔

一是

時

日

六,攝 致膰,亦不是大段失禮 行。」〇問: 受女樂,孔子不安便行。 之,亦須别有箇道 圍之不克。 季氏宰,墮 孔子爲中都宰,一年,四 亦是季桓子聽孔子之所爲方始做得?」曰"『固是。』○又 家》以此以上皆爲十二年事。 之。郊,又不致 處置了便休?』曰:「不久夫子亦去魯矣。 谷,齊人歸魯侵地。十二年癸卯,使仲由爲 又爲大司寇。 魯國大治。 也須去,只是不若此之速,必 「當時若致膰俎,孔子去得更從容,惟其不致,故孔子便 政 行相 (在季氏,夫子攝行相事 「設若魯 三都,收其甲兵。 事,誅 《語録》曰: 齊 理。二十四年 十年辛丑,相定公會齊侯 人歸 1亦致 膰 處,聖 少正卯, 俎 孔子向來相定公,做得許多事業 膰 女樂 「問: 「成既不墮,夫子如何别無 於大夫。孔子行。《魯世 於大夫,則 人便因此 ○《語録》曰: 須别討 ·而已,非爲相 方則之,遂爲司空, 以沮之,季桓子受 乙巳,孔子 與 孟氏 且求 聞 夫子果止乎?」曰 箇事故去。 或 去。」〇胡 「問:「季桓子纔 若使聖人久爲 政。 也; 不肯 與 年五十 三月, 墮 (聞國 且 氏 于夾 如不 成 日 政 之語。 主蘧伯 趙氏家臣 歲 微服過宋事。 還 爲 濁 貞子時語 (論 衛 陽 加 鄒 語 家。 虎 丽

有爲可知也,故不容於不行。」適衛,主於子路妻兄 而已,非爲政也。定公素不能立,季孫既有所惑,其不足與 盒孟 拘之。 子》作 有顔淵後及文王既没之語 顔 讎 由 適 陳,過 王 匡 既 解 以 顔

謂其不能浼我而已。」將西見趙簡 必召孔子,其臣止之,康子乃召冉求。《史記 據《論語》則絶糧當在此時。 曰:「夫子於公山氏之召,却真箇要去做。 往,亦不果。有答子路堅白語及荷蕢過門事。 ,主蘧伯玉家,見南子。 》歸與之歎爲在此時。 反于衛,靈公不能 去適宋,司馬 玉家。 ,疑不然。 佛 又去,適陳,主司城貞子家。 肸 靈公問 蓋《語》、《孟》所記,本皆此 以 中 桓魋欲殺之。有天生 牟 又以《孟子》所記 季桓子卒,遺言謂 陳,不對 畔, 用。 召 有三年有 子,至河 有矢子路及未見 扎 而 子。 於佛肸之召,但 行, 歎 成之語 詞 復 時 而 ○《語 孔 爲主 語 如 反,又 德 子 康 居三 司 語 好 而 子 欲 晉 及 德 所

293

之不同。」問"「孔子豈不知時君必不能用己?」曰"「聖人豈 矣。有對哀公及康子語。 孔子。 「不知聖人有不可爲之時否?」曰: 「若時節變,聖人又自 爲否?」曰: 子亦不求仕、《語録》曰: 衛兄弟及答子貢夷齊、子路正名之語。 魯,實哀公之十一年丁巳,而孔子年六十八 將,與齊戰 衛,時靈公已卒,衛 家爲里 百里」,恐無此理,時則有接輿之歌。 語》,絶糧 臣服於楚,若楚王來聘孔子,陳蔡大夫安敢圍之。 絶糧於陳蔡之間。」有愠見及告子貢一貫之語。 人聘孔子。 記 有 沮 異 溺 同 ,里則各立社 耦 令尹子西不可,乃止。《史記》云「書社地七 當在去衛如陳之時。 耳。 耕 孔子將往拜禮,而陳蔡大夫發徒圍之。 「聖人無不可爲之事, 有功。 荷蓧丈人等事。 孔 子 如 書社者,書其人名於籍。 康子乃召孔子, 蔡及 君輒 「問:『孔子當周衰時,可 然魯終不能用孔子,孔 楚昭 《史記 葉。 欲得孔子爲政。 只恐權 〇愚謂:古者二十五 王將以 <u>\tilde{\</u> 有葉公問 而冉求爲季氏 柄不入手。」 「於是楚 而孔 書 案是時 答、子 又反乎 社 且據《論 故 子歸 昭 地 以有 有魯 問: 陳蔡 孔子 王使 路 封 不

子,而孟子受業子思之門人。 卒。 廬於 子之道。 之語。 城北泗上。弟子皆服心喪三年而去,唯子 年壬戌、四月己丑,孔子卒,年七十三,葬 聖人猶欲有爲也。」明年辛酉,子路死於衛。 恒事,亦在是年。 言》。 藝者七十二人。弟子顏回最賢,蚤死,後唯曾參得 有杞宋損益從周等語。 矣夫,聖人自知其不可爲矣。二乃敘《書傳》、《禮記 有逆料君 孔子作《春秋》。 伯魚生伋,字子思,作《中庸》。」子思學於曾 冢上,凡六年。 有假我數年之語。 序《易・彖》、《繫》、《象》、《説卦》、《文 能用 十四年庚申,魯 我與否? ◎《語 録》曰: 删《詩》正樂,有語 到得後來說不復夢見周公,與 有知我罪我等語、論 弟子蓋三千焉,身 孔子 西 據 狩 生鯉,字伯魚 陳恒 獲 事 麟 是 獲麟 有 太師及樂正 語 莫我知 年, 》請 通 先 那 傳 吾 討 ·貢 陳

别有《問王》、《知道》,凡二十二篇,其二十篇何氏曰:「《魯論語》二十篇。《齊論語》

張 中 中 然《唐·藝文志》已不載《齊》、《古》篇目,陸氏蓋於諸家説中 據《釋文》,則其文字亦或有不同者,如以必爲瓜之類。 同。」何氏名晏,魏南陽人。○或問:「今之《論語》,其《魯 亦若鄭註 章句, 》與?! ·,分《堯曰》下章子張問 ·》,凡二十一篇,篇次不與《齊》、《 H 頗多 就就 「以何晏所敘篇數考之,則信爲 《魯論 於《 》篇章而又雜以《齊》、《古》之文與? 魯 論 以 ^ 古 爲 一篇, 論》出孔氏 《魯論》矣。 有 魯 7兩《子 豈何 論 壁 但

得之耳。

子者,孔子之殁,諸弟子嘗以其似夫子而師之,後乃叱 子必以字,而曾子不然,蓋其弟子之號之云爾。 退 成其書者,曾子弟子樂正子、子思之徒也。 愐 最少,又老乃死,而是書記其將死之言,則去孔子之時甚遠, 之説出於柳宗元,而 之門人,故其書獨二子以子稱。」《或問》:「程子 當時弟子略無存者矣。 則 儒皆以《論語》孔子弟子所記,不然也。 固 程子曰 嘗 旨有師 之號矣。」凡此柳氏之言。 [:「《論語》之書,成於有子、曾子 不著柳説,何也?」曰: 吾意孔子弟子嘗雜記其 ,其論曾子者得之, 故是書之記諸弟 孔子弟子,曾参 「柳氏之言 而 有子 言, 避而 而 亦 曰 卒 稱

> 子》考之,當時 之言似夫子,又曾子傳之子思、子思傳之孟子,豈二子之獨 以子稱亦以是歟?」 曰子,故知其成於二子門人之手。 者,弟子稱其師之號。 説,此所以不著柳 之位而有其號哉? 而 有子叱 避 之説 既以曾子不可 則 説 故程子特因柳氏之言斷 史氏之鄙 而獨以程子爲據也。] 〇胡氏曰: 此書記有子、曾子之言 丽 寢其 陋 無 然夫子没,一時皆以 稽 議 而 ,有子曷 氏 m 惑 裁之,以 皆不曰 嘗輒據 以《 字 爲 有

如喫 得 所感發焉者也,如此 格言自是句句好。 處 不 者; 未有一字之得,而草率不精之故也。」有 知 旬 兩句喜者; 如此讀將去,將久自解踏 透,如 如此 線路子開明 物事相似,事事道好,若問那 輔氏曰:「不過是尋行數墨之徒耳。」○陳氏曰 程子曰:「讀《 此推 濟得甚事。」〇輔氏曰: 來推 是 《語録 須 去,方解 則 知 兩句之精 道 亦可以進矣。」〇陳氏曰:「是已人 》曰:「到這 論語 那 有得。 着他 句 也。一有讀 般較好,其 闚 有契於心,著實理 「是就其性之所進 有 今只恁地 捩子。 一二句喜處,便是人 讀 讀 了 了後知好之 好是 1 然悟 包 全 後其 罩 如 然 何 而 會 「是全 中 無 ,却又 道 , 聖 偶 得 得 頭 賢 事

者,輔氏曰:「好之則知其味矣。如食五穀者,既知其味, 曹之大義甚精也。」有讀了後直有不知手之舞之 是之蹈之者。」輔氏曰:「嗜之而飽曆充足,其樂有不可 足之蹈之者。」輔氏曰:「嗜之而飽曆充足,其樂有不可 形容者,是以見於手舞足蹈也。」○陳氏曰:「是深有悟夫趣 形容者,是以見於手舞足蹈也。」○陳氏曰:「是深有悟夫趣 味之無窮,而全書之已精也。然精亦豈容易可至哉? 是用 家少工夫積累而然。」

同 浹洽,然後有日新之功。 自知所以求益,不至虚費工夫也。 是不曾讀。」輔氏曰:「程子言雖近而意則切。 未讀時是此等人,讀了後又只是此等人, 也。」 程子曰:「今人不會讀書。 如是,則氣質變化,月異 須是熟讀 如讀《 涵泳, ,使之通 使讀 論語 (而歲不 書 便 貫 者

「所謂深長意味也,別無説,只是涵泳,久自見得。」曉文義,讀之愈久,但覺氣味深長。」《語録》曰:程子曰:「頤自十七八讀《論語》,當時已

論語卷第

子曰:「學而時習之,不亦説乎? 說、悅同

朱子集註

學

第

後學趙順孫纂疏

曰 : 後道可人而德可積矣。」凡十六章。 所從人之門,而德所積累之基,學者必先務此,然 所自得,必積而後成。凡此篇所論務本之事,乃道 那道理中去,漸漸相親,久之與己爲一。」○輔氏 此 務也。《語録》曰:「人道之門,是將自家身己人 意。乃入道之門、積德之基、學者之先 語 |爲書之首篇,故所記多務本之意, 録》曰:「此一 「道者,人之所共由 「此篇首取其切於學者記之,故以爲多務本之 篇都是先説一箇根本。」〇胡氏 ,必有所從人。 德雖我之

者。 作爲,而向之未能者始能矣。」人性皆善,而覺有 能無所偏 待求於外而知之能之也。 動作威儀之節,以至天地事物之所以然而當然者,皆不 德,無一不根於心,其君臣、父子、兄弟、夫婦、朋友之倫 萬理而無不善之雜也。 以其受天之命而有是性也。 後,後覺者必效先覺之所爲,乃可以明善 天下之事躬行實踐,而吾倀然未有所能也,於是日觀 也,於是日聽其議論 審問、謹思、明辨、篤行,皆學之事。」○黄氏曰:「《集註 能,皆學之事也。」〇《語録》曰:「效字所包甚廣,凡博學 效夫知者,以求其知,以己之未能,而效夫能者,以求其 者,有所效於彼而求其成於我之謂也。 學之爲言效也。或問:「學之爲效。」曰:「所謂學 而復其初也。 言學而 先覺之人於天下之理該治貫通,而吾懵然未有所知 《或問 ,物欲之私或不能 》以知與能並言,言人之效學於人,有此二 或問此一節。 ,而向之未知者始知矣,先覺之人於 是以人之有生,則仁義禮智之 然既有是形,則氣質之稟或不 無所蔽,是以於性之德有所 性之所以爲性者,以其具足 曰:「人之所以爲人者 以己之未知,而 先 其

也。 覺焉 晷 也。 爲善,今因先覺之所爲,然後能明其爲善而效之。 學 全其 以復之乎?」〇黄氏曰: 通 黄氏曰: 性皆善,人皆 中 復其本然之善也。」〇陳氏曰: 之人問 人之道。 清 不 則 雜 極 以 不變,故學可 ,學之端也; 自是兼知行工夫, 豈但 明 明 初明善 必曰明 故 有含 爲先覺,故 本性之善 而 줆 ൬ 然氣無定形,升降上下,往 難得 而講焉 觸 曰後覺必效先覺之所爲,乃 物欲不得以蔽之、是以 「人雖 若衆人者,既 而復其初矣。 意妄行, 清 善者,蓋不明乎善 乃 可學也。 明,故 而 ,以效其 勝氣, 由氣以 乃可以 曰覺有先後也。 兼 E ,或惶 知 人之受是氣也,亦通者少,蔽者多。 行 雖唇蔽之甚者,得 明 成 明善而復其初 一於夷狄禽獸 覺 所知 已昧 若本不失其 īmi 善 形 |明此 「學問之道固 有 言 先後,後覺者必效先覺 其性矣,而又求夫能 謂 而氣原於理,故曰 觀 非 則 理而已! 明 能盡 「所謂明善而復其初者,其 來消息 而法之,以效其所 理寓氣中,則未嘗變,惟 止 雖 天下之理。 之域。 知 (性,則 其性 欲 可 ,學之效也。」〇莆田 之便是 多端, 爲 以 」〇胡氏 ,交互錯糅,易於 先覺覺之 善 明 亦 而全其 惟 善 然其歸 而 何必效於 聖 復其 復其 不知 人性 一人則 而 日 復 所 盡 能 初 初 復其 之所 則 皆善 在於 其 其 以 其 氣 人 也。 孰 初 則 則 亦 人 性 爲 稟

> 數 學者,切矣! 以知其本然之善,則 善。 已者,學與習非 羽從白」、《月令》所謂「鷹乃學習」是 復,以能者言也。 覺者之所爲, 動之時,萬善具足之名 能爲人矣。]〇蔡氏曰: 理之所當爲也。 有以增我所無,亦復其初 氣稟之昬蔽而 初 只是這 飛也。 者 但 ,又明 人爲氣質所昬,物欲 此 樣飛,習只是飛了又飛。」○胡氏 或問: 習, ,乃可 善 不知,今始知 乃 理乃天所同命以爲人者,不如是, 事也。」説,喜意 朱子以 吾 以 鳥 「習爲鳥數飛。」 亦 有 明 數 無以 也。 性 生之 善 明 而已。」〇又曰:「先覺之所爲 飛 面 所 者,人心所稟之天理 善復其初, 施其存養之功,惟能效夫先 由是而之五常百行, 其 初 復 也。 汨,又不 善而爲之,非取彼先覺之 元 其 得 初。 ⊟ : 學之不已, 於天者 也。 也。」〇《語 能學 明, 以求知求能 「《説文》習字「從 以 既學 以 如 日 知 通之, 此 「學之不 者 寂 録》日 無 向 圃 如 Ħ 則不 既 開 非 然 也 又 鳥 也 示 至 不 爲

時反復而温繹之,如鳥之始學飛者,既已能之,而又婁習 「人既學而 自 時 不能已矣。 時習之,則 知 且 能 所學者熟,而中 矣,而 或問 於其 學 所 而 知之理 時 習 何 心喜説,其 所 以 能之事 説 也? .. 日 進

不期

悦

懌

而

進

進

自

不

能

止。」程

子曰:「習,重習

只

是

雖

而

也

時

復思

繹

,浹洽於中,則説也。」又曰:

0

説時已是進一 便住了,只是不曾習熟,不見得好。」〇又曰:「大抵學到 得於心,而知其 安,而所能者益熟 物欲之私而復其初,亦何自而 之,而危殆杌隉,無可即之安。 之之道; 謂之人矣。 功。是以雖曰知之,而 時時習之而無閒斷,則 芻豢之甘於口,亦不足以喻其美也。」○《語録》曰: 凡人之所以爲人,性之所以爲性者,莫不沛然有以自 婁習焉者,則 人既學矣,而於其所學,又必時時習之,如鳥之始學飛 其所以爲人之理,無以 其所學者熟,而 箇習,習熟後自然喜説不能自己。 習矣而不時,則工力間 然學矣而 步了,❶只説後便要住不得。」○陳氏 非 其心與 由外 ,蓋朝夕從容,俯 中 不習,則 鑠矣。 理相涵 枯燥生 所學者熟 心悦懌也。 能其所以 能得哉 此其中 ,而所知者益精,身與事相 澀,無可 表裹扞 如 斷, 是而 ,趣味源源 仰於道德仁義之中。 爲人之事,固 蓋 而 ·心油 格 人而 求 無 嗜之味; 是以聖人之教 圃 以 有以勝夫氣稟 然悦懌之味。 不 成 無以 今人學所以 而 學,則 其習之之 出 雖 致 不 ,中心 日 足 其 無以 日 學 學 能 以 有朋自遠方來,不亦樂乎? 行者,亦不是外於思,思與行,亦不可分説。」 時 而熟 而

而 使 知 焉

則

説習於思,天下事若不先思,如 邊,尋繹義理與居處,皆當習可 是如齊,此是習之事。」〇又曰 時,是知得坐如尸,立如齊。 時習也。」謝氏,名良佐。 之於身,内外交致其力也。」謝 也。」〇胡氏曰: 乎兩端矣。」曰: 知者言也。 我,故説。」或問: 「學者,將以行之也。 ,熟而説 不習。 所學在我者,以能者言也。 ,脉絡貫通 「時 坐如尸,坐時習也 「時習之所以説,諸説孰近?」曰: 復思繹,則習之於心,將以行之,則 「程子兩義。」曰: ,最爲親切。 上蔡人。 時習之,則所學者在 及做時,坐常是如尸,立 何 氏 也。」〇又曰: 「程子、謝氏各只説 會 曰:「時習者, 行得 程 ○《語 「重複思繹 子所謂浹洽者 學之爲道,不 立 謝 録》曰: 「程子 如 氏 齊, 说習於 「夫習 者,以 意是 得 立 無 越 常 習 是

朋 同 類 也。 自遠 方來, 則 近 者 叮 知。 程

樂,音洛

進 步」, 原誤 作「進 進」,據《朱子語類》卷二十改。

或問: 者衆」之云、纔九字爾, 者,又豈手舞足蹈之可言哉。 我之間 吾之所得而悦諸心者,彼 者既至,而遠者畢來,以學於吾之所學 外,則彼之聞 以 欲求而告之彼,亦且 推吾之所得以及之,則吾之善未充,而 同,而今之得於己者獨異,則亦豈吾之所欲哉 矣,彼則未嘗知學而梏亡猶 皆梏亡之。 性,固物之所同 矣。」嘗以是言觀之,而朋來之樂,其 成不獨成。 惟大人爲能盡其道,故立必俱立,知必周知,愛必兼愛 子 聞之張子曰 復其初 Ė 是其歡欣交通融怡 「『以善及人,而信從者衆』,若何 ,則夫所謂萬物之一 而 以善及人, 彼 今也吾獨幸知學以復之,而既有以悦諸 風 與之同 自敵 「性者,萬物之一原,非 得 而覿 也 塞 一掉頭 德者,自將敬信服從之不暇。 其樂邪? 向也以其拘於氣稟, 脯 m 和樂之意,所以盈於内而 不能 無 亦且將 而不之顧矣,況望其 而信從者衆,故 故也。 原者、信乎其俱立 順 字之虚設也,非見之明 且程子「以善及人, 惟 吾理者, 有以得 其 夫以昔之得於天者皆 有以 指可知。 無以 ,而求以復其初,凡 有我之所得私 而可 而悦之,而 則 充諸 汩 取信於彼 樂邪?」曰 亦末如之何 於物欲 而 能 身 蓋性之爲 可樂。」 達 而 不 m 因 然遽欲 信從 於外 獨 無 蓋 形 吾 1, 雖 也 丽 成 物 近 於 言 1 丽

辨。」日 曰: 爾。 之有得。 得未能及人,雖説未樂。」〇又曰:「信從者衆,足以驗己 是感於外而發於中 散 衆,實其自遠 是,安得不樂。1〇問: 小底人,或有所見,不肯告人,持以自多。 吾之意,至於信從者衆,則豈不可樂!!〇又曰:「大抵 己之有得,亦欲他人之皆得,然信從者但一一,亦未 氣象寬大。」〇又曰:「善不是自家 善,方可及人,無這善,如何及得人? 驗之實,其 人?」〇黄氏曰: 大,己有所得足以及人,今既信從者自 説 在 是自 説則 如有好 謂如傳師 外。」 知 然己既有得,何待人之信從始 「非以樂爲在 方得於内 (孰能 自 説 或 而 能 話 友些好説話,好文字,歸與朋友,亦唤 問 與 來 iffi 好 「以善及人,原其 於 也。」又 自説, 樂則充於中 而未能 説 文字, 此。」〇《語 外也,以爲積滿乎中,而 「初學將自謀不暇 樂皆 及夫樂。 日 緊緊 達 於外 出 : 録 藏 而溢乎外。」〇 於 則人皆 也。」〇《語 心 獨 説 所以遠來也,信從 在 Ě 有, 籠 在 圃 看聖人所言、 篋 遠 ,何以及得人?」 爲 人皆有之,我 程 知皆 心,樂 須 中, 前 ijŢ 君 子 是 録 至,其 樂? 子存 有内外 如 自 能 發 Ď 越手 何 家 īfij 氏日 主 做及 衆 1 多 及 能 須 始 有 發 至 之 得 如 廣 自 恢 知 這 私

心

説,今發散於外 ,非有他 也。

人不知而不愠,不亦君子乎?」愠, 紅問反 愠,含怒意。《語録》曰:「但心裹略有些不平意,便

處,便是。一君子,成德之名。《易本義》曰:「成德, 是愠了。」〇又曰:「愠非悖然而怒之謂,只有些小不快活

何愠之有。」尹氏,名焞。河南人。〇《文集》曰:「尹 已成之德也。」尹氏曰:「學在己,知不知在人,

其去道亦遠矣。」〇《語録》曰:「此等句極好,君子之心如 容人爲説,竊恐爲己之心不切,而又涉乎自廣狹人之病 氏最爲的當。 蓋如此而言,乃見爲己用心之約處,若以

人,『不見是而無悶』,乃所謂君子。」 黄氏曰:

泓清水,更不起些微波。」程子曰:「雖樂於及

如此說,方爲穩當。」愚謂及人而樂者順而易,不 「程子之説,是不愠 一然後君子也,以説樂兩句例之,則須

知而不愠者逆而難,故惟成德者能之。 或

不知而不能 問:「人不知 不愠者,有待於外也。 若聖門之學,則其本

正以爲己而已矣,初非爲是以求人之知也。 而不愠 ,何以 爲君子?」曰:「常人之情,人 人知之。

> 以馴致於聖人,亦不改塗而至矣。」○《語 子之名,苟自是日進而不已焉,則不怨不尤,下學上達 之固而居之安,其孰能之? 無纖芥含怒不平之意,非成德之士,信之篤而養之厚,守 未必果能真不動也。 有不篤,養之有不厚,守之有不固,則居之不安,而 人不知之,亦何加損於我哉? 今也人不見知,而處之泰然, 故必如是,然後可以得夫君 然人雖或 聞此矣, 録》曰:「問: 而信 且 臨 略 事

便愠。」〇輔氏曰: 不覺。若被人做箇全不足比數底人看待,心下便不甘 「不知而不愠者,逆而難。」曰:「人之待己,平平恁地過亦 「順謂理之順,逆謂理之逆,曰 順

逆者難,故不見是而無悶,非成德之士、安土樂天者,不 逆、皆理也。 但處其順者易,故及人而樂者猶可及, 處 其

能及也。」〇蔡氏曰:「程子謂「不愠然後君子也」,朱子謂

本句特統而論之耳,所以繼於尹氏、程子之後。」然德 「故惟成德者能之」,則是君子然後不愠。朱子非正解

而不已焉耳。 之所以成,亦曰學之正、習之熟、説之深, 黄氏曰:「言君子而復歸於學之正、習

之熟、説之深,何也? 其所自來者,亦不過是而已,非體之之實,孰能知之。」○ 學而至於成德,又豈有他道哉?

後方能進這一步,不樂,則何以爲君子。」○輔氏曰:「不後,如不待外求而得也。」○程子曰:「樂由説而致,初不待外求而得也。」○程子曰:「樂由説而正其始之所學,然後時習以熟之,則夫說之與樂,可以馴正其始之所學,然後時習以熟之,則夫說之與樂,可以馴離氏曰:「此章總言爲學始終,三者之序,有淺深而無二輔氏曰:「此章總言爲學始終,三者之序,有淺深而無二輔氏曰:「此章總言爲學始終,三者之序,有淺深而無二

好,皆去聲。鮮,上聲,下同。 矣,不好犯上,而好作亂者,未之有也。弟、()有子曰:「其爲人也孝弟,而好犯上者,鮮

極其至,則無以成其德,故又以此説終之。」

有子,孔子弟子,名若。魯人。《語録》曰:「少孝,善事、若善處兄弟尤難,須是思量同受遺體,方不至有母於道之爲貴。如舜處父母之變,卒致得底豫,方謂之母於道之爲貴。如舜處父母之變,卒致得底豫,方謂之母於道之爲貴。如舜處父母之變,卒致得底豫,方謂之母於道之爲貴。如舜處父母之變,卒致得底豫,方謂之一心。」犯上,謂干犯在上之人。《語録》曰:「少之爲貴,又須知父母有過,下氣恰色,柔聲以諫,必論父之爲貴,又須知人,以為,其。魯人。善事父母爲

之本與!」與,平聲。 君子務本,本立而道生。 心和順,少好犯上,必不好作亂也。 犯上意說,故更添箇争關字。」此言人能孝弟,則其 矣。輔氏曰:「悖逆,便是程子所謂逆理亂常之事,但 好處多,不好處少。」作亂,則爲悖逆争關之事 是罕見,到得麤惡太過,可保其決無。 雖未嘗學問,自是無世俗一等麤暴氣象。縱是有之,終 猶有犯上之意邪?」永嘉陳氏曰"「孝弟之人,資質粹美 了。」〇問:「朱子謂鮮是少,則未以爲絶無。 少,與「鮮矣仁」鮮字不同。 不似今人蹙迫,便説殺了。」〇《語 少也。《文集》曰:「鮮只是少。 有咈意,便是犯。」〇又曰 「干犯,便是那小底亂。」鮮 鮮 孝弟也者,其爲仁 矣仁,非只是少,直是無 聖賢之言,大概寬裕 録》曰:「此鮮字只訓 言孝弟之人,占得 孝弟之人

未發則具仁義禮智信之性,以爲之體,已發則有惻隱、羞以爲愛之理也?」曰:「人稟五行之秀以生,故其爲心也,根也。 仁者,愛之理,心之德也。或問:「仁何務,專力也。輔氏曰:「謂專用其力而爲之。」本,猶

情雖 理 是非、辭遜之内。 蓋 猶五常之仁。 不 相 妙也 之理 恶 非仁,心之德是仁。]〇又曰: 未嘗有二致也。」〇《語録 理 爲恭遜。 該 仁義禮智上分言之,義者宜之理,禮者遜之理 人之生也,莫不得 仁雖心德之一 可 離 智 常四端之妙,而其發生之理,温 ,專言之則曰 也 、恭敬 也,而 以 有 夫義禮智信之間 也。」曰:「其又爲心之德,何 ,故以仁爲愛,則不 夫元之包 丽 則 禮用之殊,然其血 一言 7别之理 其發 是 其發爲惻 而 神 非 爲 盡也。 偏言則一事,專言則包四 日 心之德,其實愛之理所以爲心之德,蓋 心忠信。 也 四 誠 體,而心之全德,不能外是,亦可 義 是以 德 實之情 前 隱。 也。 夫天地生物之心以爲心 則 程子論乾四德,而曰: 其 面 語 是皆天理 宜 (發爲是非。 ·可,以 **₩** = : 脈貫 其怵惕惻 故仁之爲 心之德, 之理 火神曰禮,則敬之理 爲之用。 「心之德是統言,愛之理 通 「愛非仁,愛之理是仁; 也,而 仁爲愛之理 之固 ,則相 然而 也?」曰:「仁之道大 m 隱之端 義,偏言之則 土神曰 可 其 然, 和粹者實爲之體 爲體用,而不能以 蓋 以一言以蔽之曰 、發爲 者。」推此 木神 人心之所以 亦 ,則可。 信,則實有之 「四德之元 羞 行乎 · 故 也 日 悪。 前 仁. 人雖具 智者知 日 羞惡 ,見矣。 而 一愛之 蓋 水 則 其 言 性 神 是 心 亦 有 爲 發 愛

則

 \mathbf{E}

以

Ŧī.

主而 仁。 理。 矣 之理 不若是不足以 德而貫四端,則凡吾心之全德,莫非仁也。 以爲心,故其所以爲仁者,愛是 已,生之外無他 生,天地之所以爲德,語其全體而 曰:「仁,性也,既曰 德聰,目之德明,心之德仁,且 來無不愛。」〇又曰"「理是根,愛是苗。」〇又曰"「耳之 用。」〇又曰:「理便是性,緣裏面 箇動物事,理是箇静物事。」○又曰:「愛是情,愛之理 之理而偏言之,則 曰:「以心之德而專言之,則 ·義禮智皆是心之德,只是仁却專是此心之德。」〇黄 固 心,有仁有義 而又曰心之德,何 .是愛之理即是心之德,不是心之德了,又别 仁者愛之理,愛者仁之事。仁者愛之體,愛者仁之 至切 偏言專言,亦不是兩箇仁,小處只在大裏面。」〇又 相似。」○問: 者 則 、盡其 日愛; 道 有 仁便 也。 「心之德以 義 禮 愛,又曰 也。 也 有智,其 論仁之所 天 是體 地 曰愛矣,而 愛白是情 ,惻隱是 以 未發是體,已發是用 心,何 專 所 是 將這意去體認。」〇又日 也。 兼 言 爲德 爲 極其大用,不過 有這愛之理,所以發 統 心,而 也? 愛之理 仁固主於愛,然人之 用。1〇又曰: 又曰 而 ,仁自是性 者 至 非 天地之大德 人得天地 愛之理 廣 以 一,然仁包 論仁之所 則 有箇愛之 言。」日 ,程子言 生 「愛是 日 之心 日 以 心 是 1 四 出 愛

之生也; 以爲心之德,何 愛之理、心之德,則釐 言之矣。 置截然不亂,又合而言之,使其倫理 理、心之德,又豈有二事哉? 足以包四德,及其動也,則一 生意之藏也 然其兼統而 所得之理 丽 之矣。愛非所以言仁也,曰 非愛也、蓋指 夏者,生意之長也; 言心,則合性知覺而言,曰心之德,則專指此 所 ,蓋無適而非生意也。 至廣者,亦豈離乎愛之理哉? 謂性 也? 也, 而爲二矣。」又曰:「其實愛之理 論其專主而至切 而凡所具之理,皆在其中矣。 生意 秋者,生意之斂也; 但 别 足以 而言 方其 脈絡渾然無間 者,固日 貫四 静 之,使其 也,則 故春者,生意 一端, 愛之理, 則 部 冬者, 愛之 也。」 分 生意 既 位 所 曰 4

乃所謂仁也。]〇又曰: 德, 也。 〇又曰"「人之一心 語)所言仁字,乃自此始,故於此發之。」爲仁,猶 亦不可。 指虚 所以於此言之者,直以仁道至大,孔門所常言。 靈洞 於 徹而謂之德,固 虚靈洞徹之中 ,虚靈洞 「有子是説仁之用,朱子是説仁之 徹 丽 不可,捨虚靈洞徹 有 而所具之理,乃 理存焉,此心之德也 所 愐 日 謂 謂 《論 行 德 之

逆理

亂常之事。

德

有本,本立

則

其

道

充

仁。

《語録》曰:「爲仁,只是推行仁愛以及物,不是就這

《集註》下一凡字。」根本既立,則其道自生。《語 但推行之本,自此始耳。」學者務此,則仁道 仁道之本。 子曰:「孝弟,順德也,故不好犯 孝弟也是仁,仁民愛物也是仁,只孝弟是初 而生也。 謂孝弟,乃是爲仁之本,《文集》曰 録》曰:「凡事若是務本時, 下文乃言孝弟也者,其爲仁之本與,方是應上 V 君子凡事專用力於根本,輔氏曰:「君子務 上求仁。」與者,疑 而道 生。 仁字則流通該貫,不專主於孝弟之一 《語録 此 兩句泛説凡事是如 。 日 詞,謙 「仁民愛物,都 道 退 便自然生。」若上文 不敢質言也 此,與 從親 F 上,豈 頭 「孝弟乃推 文自不 事。」 親 E 面 事也 自 復 生 説 相 本,本 程 去 此 所 干。 故 言 行

大。 性 親 本,論性則以仁爲孝弟之本。」曰:「仁之爲性,愛之理也 親 則 孝弟行於家,而 而 以仁爲孝弟之本。」或問: 仁民 也。 故爲仁 後仁愛及於物, 以 孝弟 「孝弟爲行仁之 爲 本。 所 謂 論

先是 便到

頭

本體 其周 根

是行仁之事。 是仁裹面事。」〇問: 惟孝弟則 旨則遠。」○《語 兄者,同 其見於用 論性則仁是孝弟之本,惟 尤切。 爲仁之道,生生 親而仁民,自仁民 性而以仁爲孝弟之本者然 ,孝弟是發出 (事君,以及於他,皆從這裏出 一發 一發動 遍 若君子以此爲 此孝弟所以爲行仁之本也。」〇《文集》曰:「孝弟行 而後仁愛及於物,乃着實指 出 及物者言之,以仁爲孝弟之本,這 流出 出而先我,故事親 皆 爲愛,愛莫切於愛親 處言之否?」日 人苟能之,則 則 是 事 。」〇黄氏曰: (順, 有 來底; 録》曰: 親從兄,仁 此性, 程子 耐 務而力行之,至於行成 不 而 「爲仁以孝弟爲本,這箇仁字,是指 仁是體,孝弟是用; 説 窮矣,又豈特不好犯上作亂 愛物,其愛有等差,其施有 心順氣和,必有不好犯上作亂 「如義主羞惡,羞惡則 故能愛其 順 其有這仁,所以能孝弟。 「有仁,有 是。 而孝,從兄而弟,乃愛之先見 民愛物,皆其爲之之事 德,直是 也。 ,其次便到弟其兄,又其次 道理都自仁裹發出 親,是仁爲孝弟之本。 事而 但親者,我之所 行仁。 如水相似,愛是箇 説 言, 得 箇仁字,是 好。」〇又 仁是性,孝弟 其言雖 而德立,則 仁是性,行仁 有違 逆處, 近,而 也,此 漸 自 指 仁是 而 日 首 次 出 自 之 其 已 義、禮 焉, 也; 謂 理 如 性 能 本

於家,

哉 而 親 效。

而

論

仁之本。」〇輔氏日 必自根榦而枝葉,其發動萌芽,必有其 弟長之實。」〇蔡氏曰: 以孝弟爲根,則其施無序,而無以極夫仁民愛物之效, 而其所以爲根則異。 本,仁爲孝弟之本,同 是仁之事,然必先能愛親 行仁之本 之貫通 是性 桃仁杏仁中具生理,凡其根榦枝葉,自 而不以仁爲孝弟之根,則其 :愛其親,是仁之事也,充此以仁民愛物,亦仁之事,均 ,此是由孝弟 ·此謂爲仁以孝弟爲本也。」或問:「 行仁自孝弟始,孝弟是仁之一 論 性以仁爲孝弟之根,以其發於内者言 此 智四者而 也,孝弟是用也,性中只 則 論性以仁爲孝弟之本也。 可。 可 行仁以孝弟爲根,以 乎? 既 已,曷嘗有孝弟來。 謂 「仁就性上説 以至仁否?]曰: 日 而後能 是仁之本則 否乎? 本 .猶 、發無 根 仁 所, 也 民愛物,故孝弟爲 日 ,孝弟就 初,以至於華而 而 然則孝弟爲仁之 孝弟爲仁之 然 1華而 本之爲根 無以充乎孝親 其施於外者言 生 事。 不 有 也。 事 理 實 「非也 可 Ŀ 箇仁、 貫 無非 行仁不 説 謂 通, 則 之 同 實 又 4: 論

在性 性便有仁 仁便是性否?」曰 裹,仁在那 彼而無此也。」〇《語録 愛惻隱之心。 其中,但 性 孝弟之目耳,非謂仁與孝弟自 弟?」曰: 爲仁之本與!」或問 主 於仁,必也聖乎 言,不是地位之言, 金土,言水而不曰 蓋天下無性外之物,豈 有孝弟來? 物,性中只 而生於外也。」○《文集 |於愛,愛莫大於愛親 中,則但見 未發出 義 「此亦以爲自性 裏,便由孝弟可以至仁,無此 禮智,却 皆 此 有 來, 1 所 仁 仁義禮智四 語亦要體會得是,若差了,即不 江河 0 包 而 , 地位 如如 未 也。 不 無孝弟也。 聖却 有孝弟之名耳。 所謂 淮濟,言木而不曰梧檟樲棘 性外 是 則 祀 猶 $\stackrel{>}{\exists}$ 而 是地位之言。」問: 「性中 可 [者而 天地 性 乾卦相似,卦 别 言 「仁不可言至仁者,義 以言至。 故故 便作仁 有 「性中只 爲别物,孝弟之理不 ,則始有四者之名 已,仁便包攝了孝 所包攝 一元之氣,只有水 物 有仁義禮智, 日 看。 名孝弟乎? 孝弟 有仁義禮智 非孝弟與仁 又不是孝弟 理。 不止孝弟, 便有乾坤之類 性 如 「仁是性也 其 也 所謂 (理,情 成 者 而 丽 道 弟 本於 理 非 火 但 何 在 凡 曷 未 無 理。 其 其 之 木 事 這 有 慈 是 在 方 嘗 有 老

惡知其 影,隨 問: 儒 著在事 親、長則知敬其兄、皆是心中流 枝葉爲根本,却顛倒了道 蓋仁是根本,孝弟是枝葉,若謂孝弟便是仁之本, 葉氏曰: 之理而已,未有所謂 者,孝弟即仁之屬。 發出來。]〇又曰: 出 嘗有箇孝弟來? 讀,蓋孝弟是仁裏面發出 本,則是頭上安頭,以脚 得。」〇又曰: 出 慮學者以仁從孝弟人,先有孝弟 來却有許多事,千條萬緒 來 「仁主乎愛,愛便是仁否?」曰: ,便做那慈愛底 [感而見,當其未發,止是愛之理 爲 非性中所有邪?」永嘉 上,乃是仁之用 須看性字透方得。 「仁便是本,仁更無本了。 他所以 「仁是理之在心者,孝弟是此心之發見 但方其未發,則 孝弟名件,故曰 事。 爲頭。 理也。」〇問: 恁地説時,緣是這四 來底,性中只有 如 所 性中只具四 皆只是從這四 燈 陳氏 以 伊川 有 出 止 光 日 前 略 可 此心所存,只 所 何曾有孝弟來。」〇 ,若把光做 「仁主乎愛者 無 謂 ,既發爲孝弟 後有仁、故特轉 「今人生則知愛其 以 若説孝弟是仁之 行仁. 此不待説 箇仁義禮 端之理 將爲字屬 豪勉 箇 自孝 者是本, 物 燈 强 無 則 事 是 弟 智, 意 方是 但 是以 形 有 裹 又 思 始 先 此 不 面 何 發

●「也」,原誤作「必」,今據四庫本改。

用,孝弟者,

性之用也,惻隱、羞惡、是非、辭遜,皆情也。」

弟是用,用便是情,情便是發出來底。」只是四者,其他衆善,皆四者之支分派別也。 仁是性,孝語以別之。 蓋孝弟乃是仁流出,不是仁從孝弟中人。 性

一万,子。 冷,春也。 子丰三,春末色,牧○子曰:「巧言令色,鮮矣仁!」

子細看巧言令色,心皆逐物於外,大體是不仁,縱有些簡 無處否?」曰:「人多解此尚有些箇仁,便粘滯咬不斷了。 仁者,猶有些在,則失聖人之意矣。」○問:「仁恐未至絶 德立矣。」聖人詞不迫切,專言鮮,則 是别更有仁。」○黄氏曰:「仁,性也,根於人心,惟用心於 己害人,然後爲不仁也。」○《語録》曰:「他自使出了此心 巧,好。令,善也。好其言,善其色,致飾 知、《語録》曰:「聖人詞不迫切,有含容之意。若云鮮 矣。心不存於内,皆私 於外,則心不存於内矣,務以悦人,則皆私心而非當理 内,無私而當理者,爲足以存之。致飾謂巧令也,於外謂 在外,如何得仁?」〇又曰::「只心在外,便是不仁也,不 言色也,務以悦人,指其所以巧言令色之本情也。 矣。《文集》曰:「求以悦人,則失其本心之德矣,不待利 於外,務以悦人,則人欲肆而本心之德亡 心而非當理,則人欲肆 絶 而 本心之 無 致飾 口 矣

> 理者即仁也。」〇愚謂:程子以知爲言,蓋不先知之,則未 仁,亦成甚麼仁!」學者所當深 仁而勉其仁,則庶幾矣。 有能行之者也。 於外、務以悦人者之非仁,則反而求之存乎内、而 意,直断其不仁以解害辭之惑也。]〇黄氏曰:「若知心馳 察,而謂巧言令色,未足以甚害夫仁,是以推本聖人之 所謂詞不迫切而意已獨至者也。程子則懼夫讀者之不 問:「夫子謂鮮仁,程子乃以非仁釋之。」曰:「夫子之言 日 「知巧言令色之非仁,則 人皆知何者爲仁,何者爲非仁,禁其 戒 也。 知 仁矣。」或 無私 程子 當

○曾子曰:「吾日三省吾身:爲人謀而不忠

自家伎倆與他思量,便盡己之心。如烏喙是殺人之藥,之謂忠。《語録》曰:「盡己,只是盡自家之心,不要有之謂忠。《語録》曰:「盡己,只是盡自家之心,不要有之謂忠。《語録》曰:「盡己,只是盡自家之心,不要有之謂忠。《語録》曰:「盡己,只是盡自家之心,不要有之,孔子弟子,名參,字子興。魯人。盡己

在於檢身,曾子之自省如此,是得爲學之本。」〇又曰: 以此三者省察其身,是其自治篤實而懇切也。 雖曰傳之,而未嘗實得於心也。」曾子以 傳,謂受之於師。 内面發出,無 而言。 者也。」〇陳氏曰: 驗乎外者而言也。 其出乎内者而 之謂忠,以實之謂信,日盡己之心而 這事,説這事,無這事,須説無,便是信。」○或問: 甲,乙謂之乙,信也。 得,方始是盡,若七分盡得,三分未盡,也是不忠。以 須向他道是殺人,不得説道有毒。」○又曰:「須是十分盡 如此,可謂得爲學之本矣。 省其身,有則改之,無則加 曾子此章,固足以見其嚴於自治,而所以自治者,又見 「既傳矣,必熟之,使之該通 以實,是就言上據此實說。 《語録》曰 一不盡,是忠,發出外來,皆以實,是信。」 言也。 「盡己,是盡自家心 然未有忠而不信,未有信而不出 以甲爲乙,則非信矣。」〇又曰:「有 以事之實 習,謂熟之於己。 「以,用也。」〇又曰: 而無豪髮之窒也。 行而無 忠信非判然二物 勉,其自治 黄氏曰: 違 無隱,所謂忠也,以 裏面 ,所謂 此三 ,以所存 「曾子 信 「如甲謂 黄氏曰 爲學之本 不習,則 也 者 誠 一於忠 盡己 日 主者 以 7,從 日 實 切 芝 其 H

則便與 其皆出於誠。 警策學者尤爲有功。 不 盡 之學,專用 質魯鈍,故其爲學不外騖,不泛求。 身。」《語録》曰 底!!〇尹氏 之序,則又以忠信爲傳習之本 之竊發,則其終自治工夫,可 豈足以盡人事之當然,而合天理之本然哉? 出於聖人,其後愈遠 上着工夫,檢察脩治。訓氏曰:「諸子之學,皆 曰:「人若不忠信 思、孟子可見矣。 「守約不是守那約,言所守者約耳。」〇輔氏曰: 「省者,思而有所檢察之謂。 盡 傳於世也。 心乎 (他理會了改之,無則又加勉厲以持守之,而 !」輔氏日 蓋不極乎誠 心於内,故傳 曰 : 「守約,是於朴實頭處用功。」〇又曰 其幸存而未泯者,學者其可 更 然其所謂用心於内者,亦非息心絶 無可 惜乎 曾子守 「所謂 ,則凡所作爲,無非苟 而 得 曾子以此三事日加省察,有 謂 ! 説, 愈 至誠懇切矣。」而三者 用 之無 ,約,故 失其真。 傳 其嘉言善行,不 心於内 凡事只向自己身心 箇 甚 弊,觀 也。 動 底! ,故其 」〇輔氏曰: 獨曾子 必 「曾子 傳無 習簡 於子 求諸 語 滅裂 不 録 其

念,屏棄外事之謂,但當常存是心,不可放失。」

人,使民以時。」道、乘,皆去聲。 〇子曰:「道千乘之國:敬事而信,節用而愛

法 出 道,治也。 主 不走作。」〇問: 録》曰:「主一,只是心 田 能容之。 賦,其地千成,居地方三百一十六里有畸,唯公侯之封 井,井十爲 政,乃所以爲政之本也。二千乘,諸侯之國,其 爲政者之心言。 非事也。」〇陳氏曰:「治其事也,以政言。道其理 以爲政者之心而言也。」曰:「然則曷爲不言治?」 周 治者,政教法令之爲治之事也。夫子之所言者,心也 ,方里爲井,井十爲乘。 禮 兵 六尺爲步,步百爲畝 無 [》,包依《王制》。] 敬 車千 適之謂。」日 包氏曰: 『千乘之國者, 百里之國也。』古者 通,通十 -乘者 或問: 一敬事 其目 也。 爲 「道之爲治。」曰: 成, 遇 而信,疑此敬是小心畏謹之謂 專一,不以他念亂之。 五者,則皆其心之所存 事, 輔氏曰:「古註 , 畝百爲夫, 夫三爲屋, 屋三爲 者,主一無適之謂。 成 百里之國,適千乘也。 臨 出革車一乘。」然則千 深履薄而爲之,不敢輕,不 「道者,治之理 馬 氏 無適,只 日 而未及爲 地 也,以 司司 乘 融 日 《語 也, 口 井 之 非 是 依 乃 馬

以治其國矣。聖人言雖 曰 : 氏曰:「信雖在己而驗於外,所行在己而 也。 之西,亦不之南,亦不之北。 主惟一,不二不三。 敢慢,乃是主一無適。」○陳氏曰:「主一,是心只在此,所 四 之要,在此五者,亦務本之意也。 日 者敬,則施於人者信 適,又當有始有終,而使人信之也。]○胡氏曰: 見《大學》疏。 解釋,要分明 曰:「但言所存而未及治具,故曰務本。」○輔氏曰:「前 『此便是爲政之本。 問:《學而》一 信 章,是爲學之本。 於民也。」 農隙,枉氏註 「此言至淺,然當時諸 輔氏曰:「一國之事多矣,爲其事者,固 ,非於主一之外,又别有無適之功 敬 時, 篇,多務本之意,獨此章言及爲政。」曰 事 謂 此五 若無此基本,如何做去?』」〇黄氏 無 ,故謂之敬其 謂 各隨 而信者,敬其 適, 農 者,是治國之本也。」〇程 是心只 時事之間」是 隙 然主一 之 至近,上下皆通 (事而 在此,亦不之東,亦 侯果 時 即是無適,只展轉 信於民 事 人見其可 輔 能 也。」言治國 而 《語録》曰 氏 此,亦足 日 也。」〇 當主一無 信 也。一〇 「發於 於民 $\overline{ }$ 子 故 相 左 黄 我 詳 不

得? 括得盡 又曰 内外 若常人之言近,則淺 此 티 : 颤 天下之道 大賢説話,也自是不及聖人。 慢 此,又須實見得雖堯舜之治,亦不過五者之意,方可 内外之符也,然學者亦不可徒歎聖人之言包 者,不知其又有 上下皆通。 「問:『聖人之言,兼 民。」蓋侈 也 楊氏曰:「上不敬則下慢,不信 一必可治 三言者,若推 M 兩全,本末具舉,則堯舜之治天下,誠不過此矣。」〇 此三語,平易明白 但 疑, 「聖人於天下事理,洞照無遺 ,故能小大高下皆宜,而前後左右之不相悖,所以 一説時,定是别 易 ,不必舍己而求人也。 ,實不外此。 常人之見,則明於小者,或蔽於大,得 事不 用 日 一説,故其言近時, 則 立矣。 通上下?」曰: 傷財、傷 其極,堯舜之治亦不過 有 節 當 ,無甚高難行之事,而聖人所以 關竅,決不及聖人也。」〇 時諸 以 近 敬 制 侯果能 而已矣。」《語 如 財 事 度, 又自此 這 『聖人説得自别 便則淺近而已矣。 必至於害民,故 丽 ,其發而爲言,自然包 Ŧi. 奮然用力行之,則 不 信 事, 而推之,而至 則 傷 衆人豈 以 下 括 財, 身先 得 疑 録 其 廣 不 不 此 便 大如 輔 爾。 \Box F 之 害 説 於 治 見 是 氏 此

爲治。 時。 也。 其澤矣。 愛民必先於節用。 者是要緊,古先聖王所以必如此者,蓋有是五 本者不獲自 以敬主於事而言,信主於民而言。 時,又似爲政。」曰:「孟子説「不違農時」,只言王道之始 之意接於下,下之情方始得親於上,上下相 主。 章萬目皆當開張,此條且論他存心處,乃爲政之本,其 備。」○問: 弊,故曰上不敬則下慢,不信則下疑。 末,大段是政事。]〇輔氏曰: 五者,方始得上下交接。]〇問: 要敬,若是敬時,方解信與愛人、節用、使民,若是不敬 未暇及。」胡 存,未及爲政。」永嘉陳氏 延平人。 荷 胡 若無此五者,則君抗然於上,而民不知所向, 氏、名寅。 無是心,則 「此章似皆就政事上説、《集註》謂此特論 然此 ◎語 氏 盡 日 特 一, 雖 建安人。 . 録》曰:「楊氏最説得 論 雖有政,不行 有愛人之心, 凡 然使之不以其 日 其 (所存而 此 ○《語録》曰: 「朱子正解此一句之義, 治國 數 「未及爲政,今觀 者, 楊氏則推言其 有 已,未 刑 兩 又 政 ?焉。」楊· 説 好。 皆以 關, 而 禮樂紀綱,文 相 「大事小 時 須 方 須 及 人 () 其 而 反此之 使 始 看 爲 不 氏,名 則 敬 事皆 民 此 有 可 其 政 被 力 爲 始 此 以 F. 五 所

節必苟,而 則其他都做不得。」〇陳氏曰:「敬者萬事之根本。 矣。」愚謂 免姑息矣; 偂 不敬 不以制度矣; 出令必苟,而 五者反復相因,各有次第,讀者宜 使民而不敬,則 不能確定矣,節用 愛人而不敬,則所愛必苟,而 所使必苟,而 不復計其勞逸 而不敬 爲信 則 不 所

細推之。《語録》曰:「五者相因,只消從上順説。

人

終不成自儉 又 既無愛民之心 桑,不奪其時。」 雖是信,又須著務節儉,雖會節儉,又須著有愛民之心 奢,便不是節用, 没十成,今日恁地,明日不恁地, 須是事事敬,方會信, 雖則是敬,又須著信於民 嗇 Щ ,如何自會使民 愛不及民 不會節用 纔信,便當定如此,若恁地慢忽,便 ,便急征重斂 雖則是愛民,又須著課農 以時? 到要節用,今日儉 ,只恁地守箇敬不得。 這是相因 ,如何得愛民 一之説。 明 H

氏曰:「謹、謂所行不放縱,不放縱則有常矣。信、謂所言謹者,行之有常也。信者,言之有實也。輔

本也。 不虚 不孝則不能弟,不孝而能弟,弟 衆、親仁乎? 之旨矣。凡説經者,要當如此。」尹氏 乎此,非世俗華藻之文也。」○程子曰:「爲弟子 可以人德矣。」《語録 爲己之學也。」輔氏曰:「程子順文解義,可謂得聖人 之職,力有餘則學文,不脩其 藝,是禮、樂、射、御、書、數。」〇黄氏曰:「古人言文,蓋指 書六藝之文。《語録》曰 行此數事之外有餘底工夫。」以,用也。文,謂 流於兼愛矣。」餘力,猶言暇日。 然無情得 發出來便是愛,才是交接之際,便須自有箇恩意,如何漠 自當親,其他自當汎愛。 人只是先去學文。 妄,不虚妄則有實矣。」汎,廣也。 親,近也。 文藝,末也。 聖人説 如 此了,方學文。 須是驗平日果能孝弟、恭謹、誠信、愛 仁,謂仁者。《語録》曰: 出 話 》曰:「此論本末、先本後末。 兩 蓋仁是箇生底物,便具生之理 窮其本末,知所先後, :「詩書,是大槩説詩書。 頭都平, 亦何用 此五 句又以孝弟爲 若不說親仁, 職 輔氏曰: 曰:「德行, 而先文,非 不孝不弟, 衆, 「此只是 謂 「仁者 則又 今 詩 衆 六

二九五

日: 去,如 文,任意自 識 謂 祖。 洪 可法者,都是人須是知得古人之法,方做不錯。 然今《詩》、《書》亦 成法?」曰:"如禮樂,須知所以 失之於野 有 言弟子之職,體面較小,故曰可人德。 後也。」〇又曰: 適足以養其心。 用以學詩書六藝之文,則其文也適足以 行謹、言信、愛衆、親仁,亦何用! 能近道也。」〇又曰:「尹氏推説其言外之意而得其旨。」 信、愛衆、親仁,所謂德行 徐力 氏 事 力行 「若不學文,則無以知事理之當否。 丹陽人。 何不可考成法。 理 ·曰:「未有餘力而學文,則文滅其質; 之 而 ൬ 做,安得 而已。 當 不學文, ○輔氏曰:「洪氏推説其反此之弊。」愚 不學文,則質勝而 B然,而 「《大學》所言體面闊,故曰近道; 此《大學》所以貴於能窮其本末 可考,或前言往行亦可考。 不 《語録》曰:「問:「六藝如何考究得 錯。 緣今人都無此學,所以無考究處 所 則 也。 只是不可先學文耳。」」〇 無 行 必先行此 或 以 爲禮樂者,從此上推將 」〇輔氏曰: 出 考聖賢之成法。 於私 必能入乎德,然後 野。」洪氏,名興 成其質,其 而 如爲孝爲弟,亦 有餘力, 意,非但 如前 「孝弟、謹 知 若 不學 此但 軰 博 然 所 又 有 先 也 後 學,吾必謂之學矣。」

講也。 之意。 有不當 字輕。 輕而不知其爲重,則將有廢學之弊,故不得不交致抑揚 當於理,說得文字極重。三者互相發明。 朱子以學文爲致知,與力行爲對,謂 也。」〇愚謂: 當然者,固以補洪氏之所未及,亦恐人因是而緩於爲學 了。」〇胡氏曰: 然德固不可以一日而不脩,而學亦不可一 洪氏以文對質,而言不可偏勝,說得文字差重 處,如孝於事親,然事父之敬,事母之愛, 尹氏以文對德行,有本末先後之分,説得文 「言學文,則能考聖賢之成法, 所知不明 蓋但知文之爲 ,則所行不 識事 日而 ·理之 便 别

〇子夏曰:「賢賢易色,事父母能竭其力,事

此說見敬賢無二心。致,猶委也。委致其身,謂好賢也。1○愚謂:舊說作變易其顏色,如此却是虚僞,故之心爲至。今能賢人之賢,而易其好色之心,是爲誠於了好賢與好色,皆人之本心也。但好賢之心終不若好色賢,而易其好色之心,好善有誠也。輔氏曰:子夏,孔子弟子,姓卜,名商。衛人。賢人之子

《學而》 言如 明 理會許多事。」〇游氏曰:「三代之學,皆所以 日: 學?」曰:「《集註 티 : 以 之必 之爲道 此,雖或以爲未學,我必以爲已學。]曰:「畢竟是曾學未 蓋賢賢亦朋友之倫也。 將來如何使。] 〇輔氏曰 不 事父、事君、交友三者爲人倫之目,而《集註 有其身而爲避就也。」四者皆人倫之大者,而 人,苟非生質之美,必其 人倫 有 爲未嘗爲學,我必 「是。」○又曰: 「問:「爲學之道,只要就人倫上做得是,當今既能 盡其誠,學求 其 此,則古人之所 〇輔氏曰: 身 也 一篇,大抵皆在於務本。」游氏,名 何 也。 以 能是 》所謂非其生質之美,必其務學之至。」 《語 加 「資質好底,也會恁地向學,也只是 「古人之學,明人倫而已。 此。 録》日 四者,則於人倫厚矣。 如是而已。 故子夏言有能 「死生勞逸,惟君所命,不敢 子夏以文學名,而 謂之已學也。 謂學者可知矣。 、務學之至。 如 送這身與 愚謂:經文只 》以 他 如 自舜命 語 四 便 是之 雖 者 1.酢。 看 故 録 或 其 學 行 司 如 自 他

> 抑 曰 : 徒以教民,則 理暗合,然質之美有限,而學之益無窮,故吴氏又慮其 曰:「以未學爲生質之美者,人固 子夏此兩句,被他説殺了,所以謂 見其偏。」〇又曰:「世間也有資稟高,會做許多事底, 之意,欲人務本,不可 正,險絕而不和易,狹隘而不廣大,故未免有弊。 有序,其言平正,無險絶之意。 棫。建安人。○《語録》曰:「聖人之言,由本及末,先 若上章夫子之言,然後爲 於人倫既明且篤矣。 四者,又行之必盡其誠, 揚 「子夏之言,其意 太過,其流之弊,將或 既 有 成 説 學之道 謂 矣,此 而無 之不 善矣。 ,豈有過於此者乎?」吴氏 是,但以 一豪勉强不得已之意,則 其爲學之本也。 子夏則其言傾側 有得氣之清 其言之有弊。」○胡 無 至 夫子之言比之,則 弊也。」吴氏,名 然詞 一於廢 氣之間 學。 而 所爲 然子 而 能 不 務 必 與 仴 夏 平 後 抑 其 氏 此

揚之有偏也。」

〇子曰:「君子不重則 重,厚重。 厚重以質言,威嚴以見於外者言,堅固 威,威 嚴。 不威,學則不固 固,堅 固 以 也 存諸 輔 中 者言。」 氏 日

能堅固 若不厚重 言行容貌之間 威 輕 嚴 乎 外者 ,而所學亦不 itii 不 ,則見於外者必 忘 必 ,常自警覺,不可稍有忽易。」 此 乃 不 氣志表裏,必然之符也。 能 堅 堅 無威嚴之可畏,存諸中者必 固 平 也。 内, 輔氏曰: 故 不 厚 「人之資 學者當 重 則 無 於 不 質

主忠信。

信 出 程子曰:「人道 裹,若無忠信 在是也。 信,是以忠信爲吾心之主,是心中常要忠信,蓋無 是外人,出人無常,主人是吾家之主,常存在 者反難也。」故學者必以是 難爲,然人不忠信 「主字最重,凡事靠他做主。」○陳氏曰:「主與賓相 人不忠信, , 豈復有物乎?」《語録》曰: 入無時,莫知 ,輔氏曰: 心中所主者忠信,則其中許多道理便都 則 「善所固有,本實而易,爲惡自外來,本 則事皆無實 ,則事皆無實,故於虚者反易, 切 唯 其 道 在忠信,不誠則 理 鄉者,人心也。 都 虚 J. 爲 爲 主 悪 「物只是眼前 主字下得 焉。 則 易, 《語 屋 無 若 極 裹。 爲 物, 録 有 m 實 時 無 事 對,資 善 力。」 主 於實 在 丽 虚 物 忠 且 則 忠 這 不 丽

只就行處說 信上着力,忠信無不 言、盡得忠與信 10 信與誠而並 故人道惟在忠信,不誠則 言忠信,不言誠,至子思、孟子始言誠。 妄,雖有人之形, 氏曰:「人有爲人之道,自天地儲精而爲人,則實理具 後意思懶散 惟誠時方有這物事。 讀書,自家心不在此,便是没這書。」〇又曰:「心無形影 皆當盡 事,自家心不在這上,這一 這只是不實 如 須是實見得是,實見得非,截定而 忽,口 都唤做物 欲爲善,又有箇爲惡意思,欲爲是,又有箇爲非意思 若做到九分,這一分無誠意,便是一分無物。」〇 裏説誠實 吾 誠 ,若誠 行到 言之。 ,謾做將去,便只是前半截 心以應之,方始是有這 ·如何會有物!」○又曰:「凡應于事物之來 前 ,即是誠。 實 盡處 肚裹自 蓋減 無人之實也。」〇真氏曰:「《 方 盡 有 今人做事,若初間 自然識得本原。」 則 這物。 指全體 狡偽 故孔子雖不言誠,但 誠 無物,言人不忠信, 事便不成,便是没了這 在 ,則所接 其 若 而言, 中 不可 矣。 裹 箇 忠信 有 事 説 易, 物事。 程子於此乃合 有誠 孔子教人,大抵 物還 物,到半截 莊 方有這 敬 指 意,到 則 似 欲 用 且幹 肚. 論 渾 無 功 人於 事。 物。 裹 語 是 處 * 後 自 焉 般 忠 而 虎 截 件 如 且 慢

無友不如己者。

便無敬畏之意,而生狎侮之心,如此則無益。」 益 己 無 ,若不如我者,豈能 則 毋 無 通 益 · 禁止 而 有 辭 有益? 損 也 《語 仍是朋 友 録》日 所 友,才不如 以 「交朋友須求 輔 仁,不 我時, 如 有

過則勿憚改。」

終焉。

要之,自始學至於成德,唯改過爲最急。」

如是 爲質,而 體 聖賢不能無,知其爲過而速改,則無矣。 此 只如過不改,是有心,便謂之惡。」〇愚謂: 謂之過,有心而爲,則謂之惡。 速字上着力,過愈深則善愈微,若從今日便改,則善可 苟安也。 則惡日長,故 勿 不善,則速改以從善而已。」《語録》曰:「 而 而 一夫,其事密矣。」游氏曰 ,亦禁止之辭。 積。 更爲之也。 也。」輔氏 今人只是憚難,過了日子。」○真氏曰:「過,雖 學以成之。 程子曰 日 〇程子曰:「君子自脩之道當 有 過 「此蓋舉 :「學問之道無他也,知 惲,畏難 則 學之道,必以忠信 當速改,不可 不待别爲不善方謂之惡, 一章言之,所以教學者 君子之道,以 也。 蓋 自治不勇, 改者,併其 無心 ,畏難 而誤,則 「最要 威 爲 重 其 做 丽 通 在 自

> 主,而 將舍我而去,而忠信之德亦 儻或畏難而苟安,則過益以大,志益以昬,不惟 終 言威者,便文耳。1〇又曰: 故以過勿憚改終焉。」輔氏曰:「威由重 無 以 以勝 人 德,而賢者亦未 己者 輔之。 「苟未至於聖 無以 然或 自 必 進矣,故以 各於 樂告以 一人,孰 改 而後 過 勝 能 過,則 勿 己之友 無 有,先 憚 過? 道 改

曾子曰:「慎終追遠,民德歸厚矣。」 考妣 無不舉焉 者之禘祫,必 親之禮,己所得爲者,舉無違 殯至葬,附於身與 自不易,只就喪祭上推,亦是多少事!」〇 謹終者, 統語 録 而上 Ě 及於曾高, 則可謂 「是專主喪祭而 喪盡 如 是 祭盡其誠矣。」民德歸 棺者,必 而後於心爲 其 自 禮。 廟 誠必信,勿之有 而 言。 焉,則可 追遠者,祭盡 無嫌。 上 若 至 把 於七廟 調喪 得 凡己之所得 喪祭 悔。 厚,謂下民 盡其禮矣。 推 輔 事 氏 以 而 日 重 其 至 極 祭者 時 於王 凡 誠 白自 自 喪 亦

才」,原作「纔」,據《朱子語類》卷二十一改。

0

得不化而趨於厚哉 常不足,親之遠也,人子恭敬之意勝,而思慕之情疎,故 〇黄氏曰: 追遠,自是人所當然,不爲化民而後爲之也。 追之,厚之道也。 也 俗醇美,莫不有孝愛之行。」蓋終者,人之所易 化之,其德亦歸於厚。 輕 輕忽遺忘,此薄俗之常情。於人所易忽易忘者,亦未嘗 又以其所不足者言之。 丽 曰:「問:「此章止爲化民,不見有自爲之意。」曰:「謹終 厚,下民化之,則其德亦歸於厚也。《文集 忽遺忘焉 民 ,而能謹之,遠者,人之所易忘也, 「德亦歸趨之,雖不明言,然味其間隱然有此意也。」 「親之終也,人子悲痛之情切,而於恭敬之意 ,則加於人一 謹 故以此自爲,則己之德 等矣。 謂謹 葉氏曰:「謂感化於下,風 加 是則厚德之人也,民安 不忽, 追 謂 念 故己德厚 而不 而 忘 能 忽

抑,反語辭。

下同。 其政,求之與? 〇子禽問於子貢曰:「夫子至於是邦 抑與之與?」之與之與,平聲 也, 必聞

敬

也。

真氏曰:

「莊主容貌而言

,敬主内

心而言。

自

中

子禽,姓陳,名亢。陳人。子貢,姓端木,名

賜。 在孔子弟子中,而《史記》七十二子傳却無,故兩存之。」 章問於伯魚,皆無請問於夫子之事故也。 子,此以《論語 弟子。」未知孰是。 衛人。 皆孔子弟子。 》中所載 三章推之。 輔氏曰: 或曰: 蓋兩章問於子貢,一 「或以陳亢爲子貢 《家語 「亢,子貢 》收陳亢

子貢曰:「夫子温、良、恭、儉、讓以得之。 子之求之也,其諸異乎人之求之與?」 之直,無姦詐險詖底心,如所 屈曲。」〇又曰:「易,乃坦易之易。 也。」良,易直也。 和氣之和,厚如坤 只厚一字,亦不足以盡温之義,必兼二字者。 温,和厚也。真氏曰:「只和一字,不足以盡 厚載物之厚,和不慘暴也,厚 《語録》曰: 調開 「易,平易和易。 П 直,如 見心是也。」恭,莊 世 人所 和 温之義 不刻 謂 如 直,無 春 白 夫 直 濉 風

制

敬 之善,遜謂 旨 是 即 求 言夫子未嘗求之, 接 言 口 底 何氣象,體之於義,則見得聖人有不求人 用 圃 渦 深 也。 不達。 意思。」聖 實 力裁制之意。」 之而 信 引 於人者 見 此 盛 謂 是也 不 前 禮 身所經歷,化謂人無不從,存 自 面 日 同 不發,味其 所 後 四四 存神過化,則不待見於容貌 觀 推善以及人。五者,夫子之盛德 以 者 謂立之斯立,道之斯行,綏之斯來,動之斯 節 則 學者所 得 也。 + 玩 禮 則 其 乃 $\dot{\overline{\pi}}$ 過 也 讓 味 自然之限 之所以 其 政 日 意 其諸 而 化 īfij ,則若 《語 德 就 謙 有 當 存 得 但其 盛 恭者,又未嘗無其 而 换,乃 潛 録 遜 語 節 神之妙, 焉 有所不足,於子貢之云者,其 $\stackrel{>}{\exists}$ 問 禮 也 心 且 則 辭 德 之耳 恭 天道 而 如 有 「最要看 真氏 也。 容 勉 而 以 謂 自 年 見聖人正大之情 而人服之。」又 學 未 心 如是,故時 不 日 非 然之界 有 人,他 所存主, 也 易 而 願 得 八 若 本也 人自 謙 節 此 平 窺 他 謂 限 五字是 四 黄 外、 測 人也 神 來就 氏 不 立 光 觀其 一种己 二分 謂 制 E E 君 輝 亦 然 必 和 問 意 如 乃

當如 夫子。 能 張 於親見聖人之威儀,親陶聖人之神化 雖有智愚,然理義之在 使人 人千 害之,是以終不 而 五者想見聖人之形容,則皆 威儀之間 善 威 「有是 意。 過 不 敬 觀 樂告之者,秉 委 儀 何 流 德,然後有是威 夫日 化存神、未易窺測之語,與 聖人 國 興 Ŧi. 之間 子貢 於卑 若張而大之,却與 哉?」〇永嘉陳氏 ,亦可以進己之德。]〇又曰: 起 百 而 人矣,亦 諂之私矣。」 :「夫子至是邦 特舉聖人可 年, 授之以 亦 而 以 可 況 以 可 彝 能 儀 此 於 政 人心,則 謝 謂 進 用 好 聖 内外之符也。 五 親 日 親 者。 興起 人不相. 德 氏 者想 善言德行矣。 之 德 耳。」張氏、名杖。 炙 此 矣。 之良 曰 無間 之 向慕,有 必 謝 節 蓋 最善 見其形容, 聞 似 者 氏三亦字,皆 見聖人 也。 若 學者 圃 則 也。 形容 心 其 乎 世 故學者觀於 未 子 其 不 也, 故學 政 及 能 0 處 成 雖 貢 觀 其 愚謂 徳達 自己 有先後,人 之 者 今去 而 如 亦 輔 於 面 廣漢 全 能 微 畫 氏 尚 儀 私 未 體 才,又 者, 可 聖 聖 以 寓 出 E 歟 能 欲 形 聖 有 況 謂 集 抑 是 人

圃

揚

註

政者也。」 ○輔氏曰:「好德之心固有而易發,私欲之害蔽深而難

○子曰:「父在,觀其志,父没,觀其行,三

後其行可見。故觀此足以知其人之善惡, 使子賢而父不肖,雖欲爲善事而父有所不從時,有勉强 猶以父在而不敢爲,然雖無甚不肖之行,而其志可知矣。 父在,子不得自專,而志則可知。父没,然 父在觀其父之志,父没觀其父之行,若如 惡可於此而見矣。 不害其爲賢矣。 而從父之爲者,此雖未見其善行,而要其志之所存, 主子説了,所以上面志與行,都就子邊說。」然又必 [三年無改於父之道,可謂孝矣]説不通。 父没時,子非無志也,所主在行。]〇永嘉陳氏曰:「舊説 語録》曰:「父在時,使父賢而子不肖,雖欲爲不肖之事, 至於父没,則己自得爲於是,其行之善 父在時,子非無行也,而其所主在志, 此説 蓋纔説孝,便 , 連 則亦 下 能 面

三年無改於父之道,乃見其孝,不然,則所

而可以未改,是多少含容精微意思。

若説大段

有

害於

必若游氏説,則説得聖人語意出。」○葉氏曰:

「須思當改

之心,未説得事,若如其説

,則孔子何必更説三年無改?

心有所不忍故也。」游氏曰:「三年無改,亦 制之耳。三年而改者,意其有爲而言也, 不忍有改爲之心。 二説相須,爲不可易矣。」曰:「必若尹、游之説,則夫子之 氏之説。」曰:「尹氏得其用心之本,游氏得其制事之宜 謂在所當改而可以未改者耳。」或問:「尹、游 道,何待三年。 雖可謂之善、就其心上言,則不 行雖善,亦不得爲孝矣。 但不忍之心,則不可無耳。○《語録》曰: 年而改,或甚不得已則不待三年而改, 亦不可預言矣。 身不改,固不待言。其不可以待三年者,則又非常之變 言得無有所不盡者乎?」曰: 日 :「如其道, 善讀者 至有所遇之不同,則隨其輕重而以 雖終身無 然則三年無改者,孝子之 推 類而求之,或終身不改,或三 「爲人子者,本以守父之道 輔氏曰: 改 得爲孝矣。」 口 顧 也。 ,其不可 其所遇之如何 「尹氏説得孝子 「就其 如 事 改,則終 其 尹 E 氏 言 非

當改處? 可也。」〇永嘉陳氏曰: 之類,不容不改。 物,不待三年,此是在上 但方哀戚之中,雖所當改,亦未暇改,蓋哀 若其他未至於大害,當常存不忍之心 「事變隨 位者關緊民物 宜,雖孝子繼父,豈能 如如 元祐欲 改 新 戚 法 無

○有子曰:「禮之用,和爲貴。先王之道斯爲

之心有以勝之耳。

此 形容其體也。 惡 訓 有等數,此是節。 制也。」〇又曰:「天理之節文,此是從裏説,人事之儀則 德,人事之儀則所以爲天理之節文,事之宜所以爲心之 理 義曰心之制,此皆即 裝裹得好,如升降揖遜。」○黄氏曰:「朱子於仁禮義之 曰:「節者,等級也。文,不直回互之貌。」〇又曰: 禮者,天理之節文,人事之儀則 而 是從外說。」○又曰:「且如天子十二章,上公九章,各 , 禮曰人事之儀則, 義曰事之宜 ,皆以本心未發之體而言,蓋已發則爲惻隱、 不謂之仁禮義矣。 雖若各有二義,其實愛之理所以爲 若山 心之體 「龍華蟲之類爲飾,此是文。如下 仁日 而形容其 心之德,禮曰 ,此皆因 理也。 其 也。 天理之節文 見於用者以 仁日愛之 恭敬、羞 《語 「文是 i) 録 之

向外; 儀則。 而言 故曰節文、就事上言、故曰 則,須兼此二者,意乃圓 文而後儀 箇骨子,所以存於中者,有確然不易底意,與節字 外者,有粲然可象底意,與文字相 根於中,天理其體,而人事其用 之理而具於心者也,天理在中而著見於事,人事 盛,是流於太過。 又曰: 如曰恰好。」〇陳氏曰: 何,嫡子則如何,衆子則如何,各有則樣,此 遜升降處,此是儀。 理自然處。 如此,更無太過,更無不及。1○又曰: 無不及。 不敢僭上,諸侯當用九章則安,用十二章則不安,此 節是品節,文是文理 則日天理之節文,以 「如做事太質無文彩,是失之不及,末節繁文太 人事之儀則,自外説向 節即則,文即儀,隨所寓 則,定法也,儀在外有可觀, 節 如冠如昬,此是人事。 而後則,必有天理之節文,而後 天理之節文,乃其恰好處,便是 若天子冠禮則當如 儀 「四字相對說,節 備。」〇胡氏曰:「以其本於性 是 以其見 儀 威儀 剿。 内 於日 而互言之也。二〇輔氏 也。 應。 則是法則。 天理之節文,是自内説 天理之節文,所以爲 若冠禮裏面 用 儀謂 則 而言 則謂 「天理只是 在 何 則無太過,文則 容儀 内 法則 是則。 諸侯 則曰 有人事之儀 有可守。」〇 就理上言 偂 有三加 準 形 在 人事 理 則 人事之 相 則 處 合當 當 見 外 是 應。 則 分 是 於 中 如 而 揖 天

一之儀

則

也。」

和

者

^

語録

¥

不

由之也

是其 不莊 迫,若 先王之道,此 爲禮,必從容 也 氏 出 面 之嚴,皆 黄氏曰: 理 從容也。 褊急局 爲從容不迫者,無勉强矯拂之態,而有安詳容與之意也 迫。 只是説行得 日 ,蓋亦本於自 於人爲 爲之,尚何恐懼拘 一, 故 定而 體 也。 那禮中自 離了禮説從容不迫,便是自恣。」〇胡氏 「天理之節文,人事之儀則 之嚴 促 其爲 本於自然,則 不可 「禮之體主於嚴者,以其天高地下、萬物散殊、分 蓋禮 而不敢不然者。是以 所以不和者,恐懼拘 ,則非和矣,禮中自有從容氣象,非禮之外又加 也 和 自然如 移 用,必 有箇從容不迫 之爲 緩 「然之理 也。 然其 其 ៣ 迫之有! 此 無 所 禮主於嚴,則 (所以然者 是 體 從容不迫之意。 從 而 急 ,莫教有牽强底意思 不容不敬,不容不莊 以 己。 迫 雖 容 爲美,而 勉 嚴,而 ,不是有禮後更 ,迫而 惟其 不能從容 而 强勞 惟不知其出於自然,故若 一丁 固 非 不 無從容之意耳 出 苦之意,乃 心不可 故 有截然而不可亂者。 迫,乃爲 皆出 於自 爲 小事大事 而 是 不 然之理, 不敬,貌 於自然之 ,便是從容不 以 迫 添簡從容 非 日 一可爲 强 也。」〇輔 可 世 有 以 不可 貴 故 然禮 所 貴 矯 無 强 其 俗 和 不

> 有 所 不 行, 知 和 而 和 不 以 禮 節之,亦不 可

行

也。

和,則 lų) 和,逐末忘本 以人情便於和 與恐懼拘迫者,均於不可 亦 則 徒 承 墮於私欲,必至於流 不能以禮之本然者約 不 亦 知 Ł 於和 禮 미 菲 和 文 固可 行 復 之 ൬ ,則心之敬者或怠矣,貌之莊者或慢矣,而 也。 丽 貴 爲 言, 理之本然矣,所 而 不 而 貴 憚於嚴。 可 知 黄氏曰:「知其從容 如 而 蕩 以 由 而歸 此 禮 矣。 闸 而 亦 行也。」〇輔氏 節 苟 於 於莊且 然 不可行也。」〇 止 復 徒 和 之, 如 知 有 此 一敬馬 則又失其 以 不 以 所 而 和 亦 流 復 不 爲貴 而不迫之爲貴矣 則 有 日 蕩 以 行 不 流 程 自 而 「體嚴 者, 忘 禮 可 蕩 然之 遂 子 行 放肆,其 反,而 節之, 以 者, 日 於 理 前 吾 其 又 而 用 用 蓋

所 以 行。」《語録》曰 禮勝 不 斯 行者, 爲 則 美, 離 知 而 故禮之用 和 問 小 而 大 既 和,不 由 云離 之。 和 以 與 爲貴。 流 樂 禮 則 勝 節 不特謂之勝 之, 則 先王之道 流 亦 不 故 有 口

抵 體

體

用

無

盡

時

只

管

恁

地

移

將

去。」

 $\overline{\bigcirc}$

輔

氏

程

子

論

爲

由

范

禮 所

知其 樂,然乃樂之所 氏,名祖 樂已亡矣。」曰 敬 限節 此 貼 者字,兩箇 子,方截得分明,只 輔 些子,禮 自可見。 貴。 生 氏 其 民 和 勝 大太嚴 禮 禮 也 和 字,非 则 日 而 之和 禹。 樂且是就性情 爲 敬 歸之中。 而 纔勝此 流 用 程子於本文只添了 「此章自 「凡禮之體主 者 處 若 成 蕩 不 謂 故 便 字, 由生。」〇《語 通 一,禮之 禮之外 都 忘 示 有 以 是 即 子 人。 返。 乎人情 而 敬 子 樂 舊以 ,,便 是禮樂之正,不可云禮樂已亡 必 议 對 上説 所以 别 〇《文集》曰 如 口 所 是離了 所 章之旨 禮 和 取 「有所不行」一句 此 而 謂 以 故 謂 勝 説。 有 然精粗 録 一於敬 言 物來 行 則 離 立 達 禮須 自 而 離 而 Ĕ 則 IE. 禮 也 簡以 樂之樂也。 然分明。J〇 難 纔 解 樂 敬 用 好 本末 合; 勝些 自 「和 樂之本 和 勝 而 就 爲 有 和者 字,一 也。」〇真 樂, 勝 體 則 其 心 亦 固 以 子 和和 承上 而言 字 流 角 有 不 其 初 「樂之 箇 Ŀ 兩 便 無一 故 可 太 永 爲 -矣。」范 則 樂 看, 而 句 文説,至 是 '便指 則 須 和 以 嘉 用 氏 以 字, 觀之, 也。」 流 理。」 樂字 只 用 陳 心 耐 日 了 所 和 大 爲 氏 争 爲 有 無

襯 日 箇 便 程 0

以

這

爲不可 發其 兼以 有勝 節 和 中 稍 復 非 則 而 輔 失 此 和 禮 不失其 氏 成 本 過 有 判 無 爲樂,又禮 樂之敝,范氏原禮樂之本。」〇 其 即樂中有禮 理之自 有 禮 中 然 處 E 所未發也。 」〇真 勝 而 中 物 自 行哉?」〇蔡氏 不 丽 之體爲 丽 流 而 (泰,和 矣。 一禮 庄 然之和。 離。 相 流 不 必 人。 於 可 之體 然,禮 中 此 言 如 其 行 加 而 之樂也。」愚 朱子 偏 是 其 和 矣。」〇陳 則 各 論 不失其節, 若謂 嚴 也 ,然後得 則 禮 嚴 倚 氏日 所 之 日 無 也 之用 其 其 以 不 於 知 無 全 不 因 用 「有子 和 節 不 氏 可 性 體 固 有 嚴 泰,而 , 而 不 則 面 情之正 日 謂 行 偏 以 子言禮之用 和, 倚 也 丽 和 均 胡 和 專 所 嚴 泰 於 矣。 氏 不以 禮 而 其 爲 謂 所 以 即 而 而 之 日 貴 禮 嚴 謂 豪 人之於 偏,不 不 豈 爲禮之全也。 禮 體 泰 禮 論 之用 者 和 氂 但 可 中 節之, 程 者 嚴 未 禮 和 有 而 爲言, 嘗 中 禮 行 有 一子、范 昧 和 而 之體 之流 以 樂, 失 Ė 於 用 均 差 則 而 禮 則 具, 全 和 之體 然後 豊 當嚴 氏以 朱 矣。 和 禮 則 節 體 則 若 復 豈 本 IIII 與 褿 子

禮 ,遠恥辱 有子 日 也 「信 ; 因 近 不 於 義 失 言 其 親 可 亦 復 可 也 宗 ; 也。」近 恭 近 於

遠 ,皆去聲。 信,約信 也。 黄氏 日 : 前 所 謂 以 實之謂信、

是誠信之信 非謹之於始之意也。」〇輔氏曰:「此信字本是約信,若只 故雖皆不出 見而以其實也。 於實, 則 信是 此 而其言不同,若亦以事之已見者言之, 所謂 實 理,豈 約 信, 有不近 與 人期 義者哉 約 面 求其實者也 ! 義者, 事之已

信,恭爲致敬,皆指人之行此而言,非信恭之本 理。」復,踐言也。 事之宜 也。 《語録 ¥ E 恭,致敬 「事之宜,是指那 也。 胡氏曰: 事 物當然之 「信爲約 體 也。

禮 曰:「人之約信,固欲其言之必踐 約 信而合其宜,則言必可 ,節文也。 因,猶依 也。 也。 踐矣。 宗,猶 然其始也,或 或問 主 也 此 不 節。 言 度

者無 不踐,則失其信; 其宜焉,則所言將有不可踐者矣。 可 也。 若約信之始而必求其近於義者焉, 以爲信之所在,而必踐焉,則害於義,二 以爲義有不可 ,則其言 而 遂

宜,只 無不可 「這却無可奈何、 是不妄發。」曰 踐 前 無二者之失矣。」〇《語録 却 是自家理 「萬 料事不過 不明耳。」致恭而 則如之何?」曰: 「約信而合其 中其

理。」此言人之言行交際,皆當謹之於始

而

節 人,固欲其遠於恥辱。 也 必矣。」○ 則 能 遠 《語録》 恥 惟致恭而必求其近於禮焉 ,如巧言令色鮮矣仁之意,然只得 辱 若是便合其宜 曰:「且如見尊 矣。 然不合於節 或問 恥可 人所恥 此 、中其節,更好。」所 文 辱者 長 則 節。 而拜 辱。 在我矣。」〇問: 或 過 티 : 禮也 有一 則 或 八其可 致 近 不 般 我 禮? 及,皆 人不 近 却 遠 敬 依 不 恥 於

録》日 失其親、若未甚害也、所宗而失其親 矣。 辱 求不失其親焉, 今日依之,則後日有時 歸,如孔子之於司城貞子、 癰疽與侍人瘠環,便是不可親之人。 諸葛亮之依劉表是 者不失其 當拜而拜之,便是諂諛,這則可 所以自取恥辱。 義、近於禮,亦好。 曰:「此亦大綱説 拜,被詰問則無以答,這便是爲 合其宜,便是義,中其節,便是禮,如何是近義 或問 "「如夫子之於衛,主 此 可親之人,則 節。 則 異日所宗,無失所親之患矣。」〇《 也。 티 : 而宗之,是以君子之有所因 「因之爲依,勢之敵而交之淺,若 宗之爲主,彼尊 速伯 一顔讎 E 亦可 由, 顔 是則可親之人,若 ,則其爲害大矣。 此是教人接人底 讎 以宗 由 我 是 賤 也 而主 峬 以之爲 所 也 依 必必 之 然 īfij

是辱; 將 好,初 謹始,不可 擇見得好,方可親他。」○永嘉陳氏曰:「三事皆欲慮終而 口 約,便用思量他日行得,方可諾之。 行。」二〇又曰:「此一章,皆是言謹始之意。 交際是依人。」曰:「大綱如此説 慮 復,便害信 其 有 去親時 不 所 合當堂下,却堂上,被人斥駡,亦是辱。 ·勝其 終、語 時 似不害,將 也。 (自失之悔者 荷且。」不然,則 録 如合當在堂上,却下堂,被 Ē 來主其 問 人,便錯了。 恐言 ,皆交際也 矣。 因 若輕諾之,他日言 《語 是 仍 一約信 荷 録 言可 只如 須是始 $\stackrel{>}{\exists}$ 行 且 人非 如 復, 之間 是 此 初 笑, 因 致 人不 便是 初 與 敬 仍 揀 固 不 人

௱ 子曰: 慎於言 與 荷且一 樣字,因仍猶因循 君子 就 有 食 道 無 丽 求 IE. 飽 ,苟且是且恁地做。」 焉 居無 可 謂 求安,敏 好 學 也 己。 於事

好,去聲

足。 不求 則 食欲飽 是志有 安飽者,志 謹 ,居欲安,人情之常也。 於言者,不敢盡其所有餘 在 而 不暇及此矣。」敏於事者, 有 在 而 不 今食無求飽,居無求安 暇 及 也。 也。 勉 其 輔 《語録 氏 所 **E**: 不

君

在他 之人而盡愛之,然不知或有 日 : 人皆如此 自知,故獨潔其身以自高, 於無父無君。 可 而 之學,能是 者也。《文集 謂 不取正於有道,未免有差,如 以其各有條理 言道者,皆謂 正其是非也不得,若無許多功 自 得多,便不敢盡, 也。 乎?」《語録》 差者也,其 好學矣。 是,而必就有道之人,以正其 人則當後救之,若君親 「行常苦於不足,言常苦於有餘。」〇 墨 氏見 潔身而自爲,則天下事 蓋楊氏以世人營營於名利, 而言, 世 《語録 四者,可 Ě 間 行底易得不足,故須敏。」然猶 流 事 E 人自 ·則謂之理。」() 「道即 至 物 》曰:「有許多功夫,不能 「楊、墨只是差些子,其 私 一於無 當 如 謂 理也,以人所共由,則謂之道 自利,不 與他人不分先後 然之理,人之所共由 荷 患難,在君 篤 費、接輿之徒 父無 夫,雖欲正,亦 教誰 志力行 能 尹 君,謂 及 理 楊、墨學仁 氏 人,故 親則 會? 又曰 埋 是非, 日 者矣。 是也 一没其 則是 當先救之 . 之好 徒然。」凡 末流 欲 此 就 「言 君 兼 身而 便 有 則 待君 天下 是 遂 然 道 底 義 伙 子 敢 口 無 使 不 至

之旨。 是四字而繼之以 爲不求安飽 親 猶他人也,此便是無父。」〇黄氏曰 蓋此章謂之好學,非篤志力行而不自是,亦無以 而言 《集註 也,所謂 》不敢自是之言,然後足以 力行,爲敏事慎言 「尹氏 而言也。 /所謂 盡此 篤 志 以 章

曰:「可也。未若貧而樂,富而好禮者也。」〇子貢曰:「貧而無諂,富而無驕,何如?」子

見其所以

八爲好

也。」

樂,音洛。好,去聲。

無驕 可者 也。 爲富所勝。 輔氏曰: 之中,而不知 諂,卑屈也。驕,矜肆也。常人溺於貧富 聖人只云可也 《語 僅 則 「爲貧所勝,則氣隨以歉而爲卑屈,故多求而諂 ,則氣隨以 可 知自守矣,而未 Ĭ 丽 一、蓋可 無 所以自守,故必有二者之病 有所 盈 諂 也時,便也得了,只是比他樂 而爲矜肆,故有恃而驕。」無 無騙 未 盡之辭 此 就 能 貧富 超乎貧富之外 也。 裏用 《語 7功。」凡 録 ¥ (與好 諂 日

> T. 道理更闊在。」 止於此。 此,煞是用工夫了。 所已能,而 此看來,子貢初年 産作業矣。]曰: 此、《語録》曰 於自守者,故以 好禮之實。」子貢貨殖,蓋先貧後富,而嘗用力 「心廣體胖者,指其樂之之象。 語 録 樂,自不知有貧, \mathbb{F} 然亦不止於就貧富上說,凡講學,皆如 「若爲貧而 勉其 問 「怕是如此。 -也是把: 聖人更進他上面一 所未 此 「先貧後富, 樂與 好禮,自 貧與 爲 至 富 問。 聖人既説貨殖須是有些,如 也。 富煞當事 面 安處善、樂 不知 好 則是 禮 《語録》曰: ௱ 有富。」〇 夫子答之如 亦嘗如後世之生 便是不 節,以 了。二蓋 八循 理 見義 能 輔 子 者 此 氏 超 許 (論其 貢 理 貧 日 其 於 不 富

其斯之謂與?」磋,七多反。與,平聲。 子貢曰:「《詩》云:「如切如磋,如琢如磨。」

琢磨之别。」曰:「古之工事,不可考也。以今言之,則治之;治之已精,而益求其精也。或問:「切磋切之而復磋之;治玉石者,既琢之而復磨《詩・衛風・淇澳》之篇。言治骨角者,既

好禮則安處善,樂循理,亦不

自知其富矣。

禮者,自分明争

一等。」樂則

心

廣

體

胖

imi

忘

其

貧,

子貢 方可 句 又知 骨角者 遽 便 言. 如 爾。二〇黄氏日 足 不 石 無窮者,不是説樂與好禮 相遠 追 説得 知 無諂無驕 磋 也。 也,故引是詩 磋 如 義 自 義 大抵切 來也無精采。 磨 磨。 耳。」○真氏 理 切以刀,磋以 理之 以 無 ,則下文告往 既 ,孔子但 窮 無 切 琢 人 無 諂 琢了,若不磋 「若謂無諂無驕爲如 成 日 須 窮,雖 形 無 一云僅 只此 (就學 以 鑢 知 驕爲至矣,聞夫子之言, 磋 「凡製物爲器,須 明之。 ,自是説切 來 磨 可而已,未若樂與好 治玉石者 小小文義間 問問 有得焉, 人 E 磨 句便説不得,切 細 做 , 如 《語録》日 L 以 ,琢以錐鑿,而 磋 何 切 夫,不可 理 要用 琢 得 如 而 觀之,古今當 磨處,精 他 切 琢 未可 琢 樂與 精 理 「所謂 細潤澤?」 成形質了 少 禮 會。 磋 有 磨以 琢 好 丽 遽自 得 子 子 磨 禮 益 義 貢 貢 爲 亦 沙 而 兩 精 玾

外,方曉得所已言所未言。前之問答,蓋言德之淺深,今氏曰:「此章須是見得切磋琢磨在無諂無驕、樂與好禮之往者,其所已言者。來者,其所未言者。黄

明矣。 之來 好禮 之極 措。 實病 案: 又未嘗切琢而專事磋磨,未免爲虚 第二步。」〇陳氏曰: 是 説,如何下一 之語,不過形容樂與 之引《詩》,乃言學之疎密。」〇葉氏曰: 節 所已言。 高 固 者所未言, 此 致 也 故學者 爲自 章問答 節, 然 9 《語 若切磋琢磨 往字 亦 不 畫 步 不 雖 切 録 子 然諂驕未去 阔 其 可 不 則 貢 來字? 好禮 「若安於無諂無驕,而 鶩 能 步,此却是夫子未及説 可安於小 磋 淺 ,是統形容學問 解 固是要進,然有第一步,方可 勝於諂驕 於虚 無 深 悟 往者是只就貧富二事告之。 所 高 · 而 所 遠 施 下 E 以 | 職矣。| 成,而 而 前 不不 吾 謂 固 E 欲 之知 「若淺看切 I. 不 琢 樂 不 夫,義理 既 不求進於樂 與 察切己 不 則 待 來。」 止 出 好 求 磨 辯 就 禮 ,所以 (磋琢 此二 造 無 説 無 則 窮 道 所 愚 丽 與 磨

〇子曰: 知 尹 . 爲 氏 患也。」輔氏 日 不知 「不患人之不己知 君子求在我者,故不患 日 則 是 「尹氏説已得其意。 非 邪 IE. 患不 或 不 知 能 蓋人不知己 人 人之不己 辨,故 也。」

阿、責難正救者反見惡,其所關豈不大哉!」病人之病,而病己之病耳。」○葉氏曰:「所謂求在我者,而取友,則便辟善柔便佞者反親之,直諒多聞者反疎之。而取友,則便辟善柔便佞者反親之,直諒多聞者反疎之。若爲君而擇臣,則巧言令色、逢君之惡者反見愛,守正不知人,其病在人。君子之學爲己,故不暇其病在人,已不知人,其病在己。君子之學爲己,故不暇其病在人,已不知人,其病在己。君子之學爲己,故不暇

爲政第二

凡二十四章。

子曰:「爲政以德,譬如北辰,居其所而衆星 共之。」共,音拱,亦作拱 曰 欲爲忠而 不失也。 政之實事而言之也。」德之爲言得也,得於心 政之爲言正也,所以正人之不正也。 曰:「此訓政字之義。若三章,政謂法制禁令云者 1 " 「凡人作好事,只做得一件兩件,亦只是勉强,非是有 得 其所以 《語録 》曰:「德是自家心下得這箇道 忠 如欲爲孝 而得 其 (所以 孝。」〇又 理,如 ,則指 輔 而 氏

裹面

心都

不動。」問:

極

星

動

否?」曰:

「極星

也

只

面動。這

之樞紐,如門簨子相似,又似箇輪藏心,藏在外

極,不可無箇記認,所以

就

其旁取

小

星謂之極星。

天

處,些子不動,是天之樞紐。

北辰

無星、緣人要取

此爲

無

星

軸處,水車動而軸未嘗動。」○又曰:「北辰是那中間

是他近那辰後,雖動而不覺。

今人以管去窺那極星,見

得。 之。」〇《語録》曰:「北辰乃天之北極,天如水車,北 星隨天左旋,日月五緯右轉,更迭隱見,皆若環繞而 在常見不隱七十二度之中,常居其所而不動,其旁則 地三十六度,故周回七十二度,常見不隱。 入地三十六度,故周回七十二度,常隱不見。 天南北之端焉,謂之極者,猶屋脊之謂極也。 地上,半繞乎地下,而左旋不息,其樞紐不動之處, 動,包乎地外,地方而静,處乎天中。 其所,不動也。 言心,心切於身也。 說德者行道而有得於身,今作得於心而不失,不言身 而歸向之也。 所謂得者,謂其行之熟而心安於此也。」○愚案: 或問: 共,向也,言衆星四 北辰,北極,天之樞也。 「北辰之爲天樞。」曰 故天之形,半 北 極之星, 北極 然南 面 「天圓 旋 辰乃 高 極 則 歸 居 繞 Œ 舊 向 經 出 低 在 而 而

之意,至於日 務者 又併舉其效而言之。」〇蔡氏曰: 至 不 德爲政 天下 法 曰 不爲,但以德 正,豈無所作爲? 然感化不在政事上,却在德上。 爲政,亦不是塊然全無所作爲,但德脩於己而人自感化 在 是 爲 而 北 北 制 簡 動 示不 政 禁令問 天下 辰 辰 至 歸之,其象如此。 而 而 則 邊 -能以 以 皆只説北 寡 頭 化、 能 歸之,如 非不爲 德 在. · 而 德爲政 而 化 御 ,則自然感化,不見其有爲之迹耳。]〇 其中 然 不言 極星 能 煩, 日 也。 極 但 信 後無爲。」《語録》曰: 衆 服 矣。」范氏 而 不動。 依舊動。」爲政 所 人所以歸往,乃以德耳。 而 星 遽欲無爲,則 衆。」輔氏日: 日 循天下之理 之共 處 成,及 信 至本朝人方去推 者 《語録》曰 北 無 日 御 至 極 「案《集註》凡三言無爲 蓋政者,所以正人之不 : 爲 煩 静 也。」 而 是怠惰地廢 以德 「爲 而 制 「范氏正 行其所 而 動 成。 「不是欲以德夫 能 政 則 服 「此不是全然 程 得 制 無 以 衆 所 故不待作 推演程子 子 而己; 是 事, 無 云 動 德 北 守 者 爲 曰 輔 所 極 則 所 者 則 而 謂 以 氏 只

> 非 迹 耳。 是 泊 然 無 爲 也, 蓋 爲 政 以 德, 人 自 示 ·見其 有 爲 之

其

動

來動去,只在

管裏面,不動

出去。

向

來人説

北

極

便

邪」。」○子曰:「《詩》三百,一言以蔽之,曰「思

無

之放。 發 時 出 此。」〇又日 便悚然戒懼,知得此心不可 辭。 《詩》三百十一篇,言三百者, 是閭巷小人作。 人知戒懼不敢做。 等詩,可以起人善 人得其情性之正 心,惡者可 蔽,猶蓋 於正 也,自 ,因詩之言惡 凡《詩》之言,善者 所以 ,便會無邪。 人不得。」 〇胡氏曰 也。 讀 「情性是貼思,正 以 而 詩 人讀好底詩 懲創 心, 逸 》者,便 大段好詩,是士大夫作, 思無 若果是正 志有 如 侕 變 人之逸志,其 己。《語録》曰: 邪」,《 所 思無 風 如此 懲 刺刺 固 因 ,自無虚僞 是貼無邪。 創 邪 是知 淫 可 詩之言善 ,其所以 也,此 等 非 魯 以 八勸,若可 詩 作 頌 感 詩 自 如此 極 舉大 《詩 若好善惡 而 如如 不 發 讀 用 善心 無邪。 学之 駠 不好 等刺 好 乃 歸 正 數 是 讀 功 可 有 風 之 篇之 於 詩, 底 詩者 也。 若 悪 用 知 以 雅 所 詩 善 使 只 有 如 ď. 頌

隱微 篇、皆無邪思 各 歎而已, 直 惡 好善惡惡,人之至情。 奔之詩,亦以 也 意,是全備得許多零碎底意。」〇黄氏曰: 之。二〇又曰: 則 之事,如暴虐之詩 自 而 而言其無邪 矣,全體則 1責而已,不直言孝之當如 截 而發於歌 有感發懲創之心也。」然其 未 因 説 婉謂 或以爲三百篇之詩,其詞旨皆出於思慮之正,雖 有若此之明 破, 不直言忠之當 事 委曲。 非 順 故 詠 而 爲 然但 常 「只是説 ,則遺 事 刺奔 有 日 發, 蓋詩 矣。 ,只刺暴虐之事。」 隱微 直指全體。」故 逐 臭 者 語 「思無 事 且 爲善而 直 人作詩,主於諷詠規諫,故其言不 委曲 益 如 而 録 指 無 遠。 盡 作, 何 故明, 邪 邪一 也。 之意。 何 E 者。 由 耳。 發於歌詠 言微婉 也。 所以讀詩 此 餘皆 夫子言《詩 全 如 語 章之義 唯 《北門 (語録 如《凱 求其 體 淫 直 可以 此 故 奔之詩 輔 截見得 ,則令聞益彰, Will Hard 者 直 盡 風 直 》言忠,但以 不 言, 類 因 氏曰: 明 就 》言孝,但 指則非 推。」 指 「《詩》三百 只 舉 詩 人心之思 詩教之本 故 三百 全 全 之善 刺 也。 且 微婉 微調 體 體 淫 或 惡 言 奔 自 以 爲 淫 蓋

> 聞上 則是 實理 亦無 Ę 得出 漸充拓開 要處做將去,是謂守約。 以 着此二字,不可不深思。 無 足以盡,蓋 意亦深切矣。 學者必務知要,知 言蔽之, 盡 邪』者, 在,在 心 世 脱去,此是 邪,斯可 博 無間 人固 [思無邪,誠也],是表裏皆無邪,徹 人則謂之實心 矣。 去,自 其 斷 有脩飭於外,而其中未必能純 誠 謂之誠。」〇輔氏曰: 義辭 從行 然能 也。」《 經禮 無虧 約 黄氏曰: 毋 E 盡 而 闕, 不敬』。」輔氏日 説去。 博。 \equiv ,即所謂 理 語 大凡看文字,這般 既 要則能 丽 録 盡 百 「三百篇之詩亦多矣、 此 從要處 可 也。 E : 先 與 謂 全 曲 博 博 〇程 之誠矣。」范 體 程 「誠者,天所賦於人之 禮 做去, 守 聞 聞 也。 之博 子非 然 約 後 子 惟 干, 則 守 正。 底無豪髮之不 「知要 所在 是不 能 異 無 日 所 知 博 知 亦 約 氏 惟至於思 會説 要守 思之邪 聞 所 則 須 丽 可 則 티 : 行 便 教 是 約 只 以 足 思 從 言 從 看 漸

№,道,音導,下同。 ○子曰:「道之以政,齊之以刑,民免而

無

能

知

要守約

然後能

盡博。」

篇

<u>m</u>

惟此

一言足以

盡蓋其義,其示人之

刑罰 道 不在。」 之心未嘗亡也。《語録》曰: 從者,有刑 者,皆爲政之具也。」齊,所以一之也。 互也。」政,謂法 導者,言以 合下有猜疑關防之意,故 门以 猶 而 道爲治者,指爲治者之意思 而 引導 畏 無 威, 政與德引導乎民爾。 所羞 ,謂先之也。 但 以一之也。 圖 愧。 制禁令也。 目 前 荷 民不從。 蓋 免於刑, 雖 輔氏 免而 不 音 「道之以法制禁令,是 而言 又却齊之以刑。 輔氏日 敢 1雖同 日 而 無 爲 也。 爲 而 「前章道 思,而 恥 義則 悪 道之而 :「法制禁令 此以 之心未 謂 異, 道 Ŧ 爲 荷 - 乘之 民 爲 不 惡 免 不 嘗 不 可 引

道之以德,齊之以禮,有恥且格。」 者 之秩。」〇胡氏曰: 所 勉强做底,便是不至。」言躬行 級之分。」格,至也。 觀 ,又有禮以 ,謂制度品節 感 而 起 「品者,尊卑高下之差。 之,則民 矣, 也。 《語録》曰:「至是真箇有到 丽 輔氏曰: 其 恥 以 淺 於不善,而 率之,則 深 「制度 厚 薄 節 品 (者,界 節 之 民 消 又有 不 固 一處,有 限等 五 有 禮

之辨,本末之分也。」此其相爲終始,雖不可 禮則所以出治之本,而德又禮之本也 不能無也。 必恥於不善而至於善矣。」一説,格,正 者俯而就,不肖者企而及。」〇又曰:「觀感得深而厚者 間資稟信向不齊,如此雖是感之以德,自有不肯信 以 蓋 德禮必以效言者,又當要之以久也,責其應於一日之間 刑德禮之用,雖有本末先後,而實相終始,不可 有以使民日遷善而 刑者,輔治之法。 好,若其淺而薄者,須是有禮以齊之。 亦有太過底,故齊一之以禮。 可徒恃其末,又當深 廢,然政刑能使民 曰:「禮即德之一端。 曰:「格其非心。」〇愚謂政者,爲治之具。 .有不如政刑齊其迹之速者矣。. 至於善也。 刑者輔治之法,刑以 《語録 然以制度品節言之,則與德有内外 胡氏曰:「政者爲治之具,治之所 遠 ĕ E 不自知。 探其 罪 須令他 「淺深厚薄之不一,本謂 而 助政之所不及也。」 本 已,德禮之效,則 也。 則 故治民者 齊 民將視吾之禮 輔氏曰: 也。 如此,所 偏廢。 《書》 以 輔 謂 「政 不 德 底 偏 丽

〇子曰:「吾十有五而志于學,

身、齊家、治國、平天下之道,其説具于《大學》之篇矣。」 也。 曰 心之正 人要向 至十五而後人大學。心之所之謂之志。 古者十五而入大學。陳氏曰:「古者八歲人小學, 「潛心在是而期於必至者,志也。」〇《語録》曰 或問大學之道。 面 箇 所在 全 向 那裏去。」此 處,便是志。」〇陳氏曰:「之,猶 브 格 所謂學,即 物、 致 知、誠意、正心、脩 大學之道 向也。 或問 如如 志。 謂

于學,則自住不得。如人當寒月,自然向有火處去,當暑日:「今學者誰不爲學? 只是不可謂之志于學,果能志曰:「今學者誰不爲學? 只是不可謂之志于學,果能志正乎此,則念念在此而爲之不厭矣。《語録》

三十而立,

去,直做教徹

月,自然向有風

處去。

事君便從敬上

去,事親便從孝上

曰:「志是要求箇道,猶是兩件物事。到立時,便是脚下曰:「立是心自定了,事物不能動揺,然猶是守住。」○又有以自立,則守之固而無所事志矣。《語録》

者。」曰 是也。 也。 在己,而無所事乎志矣。」 不爲事物摇 於斯道之中,已踐及實地 是不待守而自固者,守之極也。」〇陳氏曰: 捉得定守之事也。 此,則志盡矣,無用 已踏着了。」〇又曰: 於此則能進自不惑,至耳順,是知之極 至是,則物格知至 :「此有三節,自志學至於立,是知所向,而大綱把 奪,如富貴不 不惑,是就把 志了。」〇問 「志方是趨向恁去,求討未得。 能淫,貧賤不能 耐 而卓然無所 意誠 心正 捉 「恐未か 裹 一身脩 跛倚, 面 移 理 有 也。 會 不 蓋已實得 所 威 謂 守 得 惑 武 有以自 不踰 者 知 不 丽 一之事 能 固 能 之 文 屈 而 守 到

四十而不惑,

益明 於事 之實而 立當如齊,視當思明 守。」〇陳氏曰: 無 仁,臣當止敬,父當止慈,子當止孝之類 理合是如此。」〇又曰:「不惑則見得 所事守矣。《語録》曰:「不惑,是隨事 · 而 物之所當然,皆無所疑,則 無所事乎守矣。」 無 所 「凡於事事物物之所當然,大如 至此 ,聽當思聰 , 則 豁然如大明中 之類,皆洞 事 小小如 自 覩萬象,所 識 如 知之明 物上 其 此 坐 (綱條 當 君 更 見這 如尸 知 品 當 不 加 者 止 用 道

五十而知天命,

之性,且説是賦與萬物,乃是 惑又不足言矣。《語 所 天 以當然之故 命,即天道之流 也。 行 録》日 知 而 此 事物所以當然之故。 賦 則 「天命處、未消説在人 於 知 物 極 者, 其 精 乃 事 丽 如 不 物 父

知 所以然處,因 所以當然之故?1曰:"如孝親弟長,此當然之事,推 親,須知其所以親,只緣元是 他本原一線來處,便是天命。」○又曰:「問: 甚 如 此。二〇黄氏曰: 一箇人。 「天命者,天以其 凡事事 物物 如如 E 何 所 其 是 須 我者。」〇又曰:「知天命是知這道

理所以

然,如父子之

之慈,子之孝,須知父子只是一

箇人,慈孝是天之所以

與

天底道理如此,命與人亦如此。只是自人觀之,便且見做底道理而命與人。如雨露,天之仁,霜雪,天之義。

物者,蓋專以理言,而事物所以當然之故也。如君之所天所命一同。」○陳氏曰:「天命,即天道之流行而賦於得仁義是我所當然,久之純熟精到,方知得我所做底,與

以當仁,臣之所以當敬,父之所以當慈,子之所以

不惑又不足以言之矣。」知其根原所自來,無復遁情,至此則所知者又極其

丽

六十而耳順,

氏曰: 心便 也。」〇輔氏曰: 然中節,不待思索。」〇陳氏 也。 聲入心通 者又至熟而 之歌,即 内與外有相扞格違逆,而不得謂之順矣。 然,更不待少致思而 不能 通。 《語録 「耳之所聽,非用力之地, 隱 悟自侮自伐之義,是其順之證 遁,不待思 其貫通 絶 Ĭ 無 無人力矣,即 「所知至 神速之妙 耳 所 惟 後 違 順是不思 闸 得 逆, 極而精熟 T 其 ,不假思惟 然於胸次 理。 曰:「聲 命中 知之之至,不 而得,如臨事迎 庸 纔容 有 徹表徹裏,故聲纔 纔 所 聽聞 而 ,此知之至也。」 少 也。 入心即 謂 自 思 而是 得 示 如夫子聞 而 至此 之也。」〇 思 後 通 刃 非 思 得 面 則 是 丽 可 得 偂 所 滄 則 非 人 得 胡 處 知 浪 是 判 自

七十而從心所欲不踰矩。」從,如字。

之,不勉而中也。 隨其心之所欲,而 從,隨也。 矩,法度之器,所 《語録 自不過 「左來右去,盡是這 於 法 以 爲 度,安而 方 者 也 行 天

論語卷第一

之所以當思聰之類,皆天之命我而非人之所爲者。

坐之所以當如尸,立之所以當如齊,視之所以當思

明、曹孝、

吾皆

理。」〇 容周 此則 凡日 性 次階級之可 則 能 有 理 矩 性 也。不惑 至 心之所欲,而莫非準 命矣,即《中 不越乎法度之外,所 盡 性 之所以 無小分别。 是言耳。 ,大德之敦化 列則 也 ,所以勉 程子曰 心體 崩 理 性言之,何也?」曰: 旋,從容中禮)陳氏 間 Z 不勉 耳順 爲 渾 者,小德之川 隨 E 性 夫三者 淪,全是 庸 言 吾意欲之所之,皆莫非天 》所謂 則 而 進 「孔子 理 也 所 然其言之先後, 「至此則心體瑩徹,純是天理 理 中 之所 無 ,喜怒哀樂,自然中節,凡所動爲 後 以 固 故 調道 示 繩規矩之至,此則聖人之道終矣。」 義理,無 聞皆 矣。」 事 所 非 人 自窮 生 以 - 勉而 别 流 疑 也。 心常爲此身之主, 爲 「程子以 ,性以 而 [通也。 物,然隨 自 理 或問:「程子於知命,直 矣。 理 中」地位也。」○輔氏 查滓可化, 知之也,言亦 性 者 立,能 杰 人殊 理 也。 則 性 理 知天 者 其 亦 而 个,命 性命, 從心所 圃 Ė 所 理,大用 不 知 自立 ,無表 觀之, 在 天 則 能 天 命, 命 命 天道之全,而 而 初非二 無 丽 , 渾爲一 裏可 者 言 則 眇 窮 於 欲 人 雖 由 流 而 日 則 忽之間 心 非 天 行 理 斯 言 學 物, 不 觀 命云 以 有 亦 mi 之, 物。 至 盡 消 踰 ITT 隋 動 聽 m 窮 漸 不 白

便 或 其本心」一 義,聲爲律 得此 亦多 達者,足於此 後進 聖人未必然,但 也。」又曰: 刮 道 屏去私欲 説話,只是要人收拾得 至 則 心之所當爲,不 而 是度,不是以我身做箇權度去教人也。」○輔氏曰:「一 將自家心裹許 理,不待逐旋安排人 、平天下,至大至小 理。 其 進 一,成章 術 焉。 日用之間,本心瑩然,隨 心者,惟志乎聖人所示之學,循其 ,扶持 ,然其要使人不失其本 段極好 蓋 一而通 至於一疵 「孔子自 心 前 而 -要埋 此 多 即 後 身爲度矣。」《語録》曰:「胡氏「不失 於彼也。」胡 心 ,儘用 道 设了 出 體 達 ·,皆要 爲學 理 來。 來。 箇本心,不要失了。 子 耳。」輔 出 欲 言 他,可 細玩 不存、 來 此 者 聖人立許多節目 理是 其 即 而 心爲之。 味。 已。一〇黄氏 立法,使之盈 借。 氏 進 用, 此 氏 萬 日 德之序如 日 心之所 聖 只 體 人千言萬 理 . 所 如 「章謂文章著見 人心皆 心 即 脩 明 意 當 聖人之教 日 而 身 H 道 二, 欲 盡之後 知 用 己。 自 齊家、治 語 ,莫非 此 聖 要 有 事 間 科 用 人身 人剔 許 是 着 許 序 欲 而 即 客 此 力 冬

332

之, 用, 不 咋 探 氏 到 則 體 言 則 體 即 是 疪 示 示 能 力 日 惟 所 道 則 不存 此 心 日 天 使 學者當 學者當 、欲用 則 以以具 非 即 有 地 心 體 用 ,各得 \學者 非道 一查滓 者皆由等 「學者之病一,日 本然之用 其 所 腦 有 正大之體 謂 以 即 體 是 道 所 成 等而 矣。 化 是 德 其 知 其 放 義 而 也。 優 欲 義 性 H 由 盡 夫 本 有 進; 欲有 即 則 皆 體 純 聖 游 則 就 體 今聖 級不明 是 聲 則 Á 粹,萬 其 雖 也。 而 人之學, 體 即 涵 非義 用 及 月 用, 然可 所 有 也。 發於外 其 天 者,義是言所以 是 人 泳 私 將 亟 又 理 體 地 私 爲 怠 矣。 源 則 心 以 以 日 明 之明 意横 不 即 為度 中 也 猶 不 ,萬變不窮 其渾然 怠而已。 雖未嘗無用 丽 其 盡 故 : 和 心 且 則 可 可 非 道 學至於從心 之聲,自 出 即 謂 也。一〇 著 循 「聖人 又 其 躐 半 ,用即其義,乃言功 是 其 心 序 先 在 反 本然之體 體 體 次序 等 而 獲效 方其 途 隨 復相因 内)莆田 昭 如 進 事 則 然 欲 而 而 言此,一以 而非 融。 計 呕 有 可 即 所欲 而 日 而 黄 有 進 廢 當 以 也 用 所 功 是 氏 學至 又 此 非 始 其本然之 ; 半 於用者。 立 則 也 爲 用 不 日 以 本然之 道 有 所 律, 瑜 而 於 以 便 體 卒 身 途 務 一心 以 言 矩 夫 是 輔 終 强 身 加 處 ൬ 即 聖

此其 亦是 驗 心 以其不知夫學之味也。 之深、言之篤,而後好之切。 何待於十年十五 氏 也 爲 及知 也 固 不 泳 此,吾其 人,不啻如 人立法 一至此 日 自 於義理之中; _ 有以見 則 無 (所以 有這般意 知 《語 者。 是其 而 積 其 聖人生知安行之資,固 而自信耳。 可 録 人於聖賢之域矣。」 爲 累 自 其必 謙 飢食渴飲之急,則夫知 収 聖 故因 日用 之 平? 辭 日 勉 思 人也。 以 然 怠心亡,則 漸 年而後一 勉 聖 「聖人此 而 非 其 之間 吾 學 人 無 然 其 + 八自覺見 心 近 雖已至, 疑 則 聖 叮 年 實 似 , 必 其 語 聖人皆是架空 人生知安行,有見夫義理之在 進邪? 然 能 怠 十 常人之所以不切於好學者 以 自 愚 乎? 後 固 心 日就月將於緝 Ŧī. 有進 有 無待於學,而 斦 是爲學 有 自 年 謂 聖 未 不敢自信 獨 以 而 丽 名、欲 處, 亟 FI 聖 而 嘗 必 自 覺 後 天下之理 心 者 學,學 故 信 人 姑 自 其 Ė, 虚誕之辭 立 焉。 如 生 進 其爲學 爲 謂 法 學 必 進 熙之地 此 則 而 知 亦 是 説 其反覆 説。」〇 然當初 者 己 能 而 惟 必 安行 者 聖 優 至 退 好者 以 也,亦 人之 其 以 游 託 此 是 不 爲 知 黄 11/2 忽 涵

三七

三八

放此。 註》 心實自聖,謂己自不消 子以爲勉進後人,爲學者立法耳。 積累之漸? 其進爲説,亦可見矣。1○輔氏曰 人正大之心哉! 於章末詳言之。」後凡言 今乃云然,則知聖人之意必有爲也。 故 《 集 如 註 此,説姑爲學者設此言,故 雖 以 勉人爲 謙 「聖人生知安行 雖是如此,然却不是 詞之屬, 解, 而又以 意皆 豐 故 獨 (集 程 覺 有 樊

孟懿子問孝。 子曰:「無違。」

不背於理。 孟 懿子,魯大夫仲孫 輔氏曰: 「事物各有箇當然之道理,不可 氏,名何忌。 無 違 一,謂

樊遲御,子告之曰:「孟孫問孝於我,我對 無違」。」 E

也。 非善學通倫類,豈能知其爲不違於理也。 語 不能問,恐其失指 樊遲,孔子弟子,名須。御,爲孔子御 樊遲 孟孫,即 以發之。 仲孫 輔氏曰: ,而以 也。 夫子以懿子未達 「夫子但言無違而已,自 從親之令爲孝,故 懿子既不能 車 而

> 死,葬之以禮 遲曰:「何謂也?」子曰:「生,事之以禮 間 是從,既陷其親於不義,而又陷其身於不孝矣。 知學者,其必能問而辨之,故夫子特語之,以發其問 則 將 執此二字,不顧 ,祭之以禮。」 義理,唯親意之是徇, 唯 樊遲則 親令之

也。 背道理而已。 是不以君子之道待其親,便是違悖理義。」〇 故直言以禮也。」人之事親,自始至終,一於禮 文,使天下之人行之者也。 節文也。 而不苟,其尊親也至矣。 生事葬祭,事親之始終具矣。 禮則生 輔氏 事葬祭之禮, 後舉生事葬祭而言,則先 日 理 是先 則 初言無違,只 指 E 前所謂 黄氏曰:「若不合禮,便 據 事 物之理 不 王既 禮,即 違 是統言不可 陳氏日 於 有 理之理 品 定 節 理之 制 | | | | | | | | 以 矣

家發者,所以爲聖人之言也。 子以是警之,然語 意渾然,又若不專 或問:「三家曆 爲三

曲,多少事皆不可以不講也。」是時三家僭禮,故夫

之至矣。

然若何

而

爲

以

禮事

其

(親? 以禮

中

節

文

悉 敬

熟究以禮事其親之正意,始終一

事其 其

親

則

爲

親

不

得

爲

而

爲之,均

於不孝。

所

謂

以

禮

者

其

所

得

爲

者而已矣。」《語録》曰:

「爲其

所

得

心

雖

無

窮

而

分

則

有

得

爲

而

不

爲

與

疾了。」

歟? 者,何可 真聖人之言歟 親而違 孟氏,不可不 生事葬祭須 他人說得,只就一人面 所感發而能自改也。 夫子因其問 則反置其親於僭叛不臣之域,而自陷於莫大之不孝哉 爲是足以尊 不 前 ,雖不可考,然亦可想而知矣。 □◎語 . 得 脅之以 (有考乎?」曰: 祭而歌 禮者 勝 mj 數! 遁 1,有因 録》曰: 榮其親 知也。」〇蔡氏曰: 遷 焉 於禮 前 雍 善哉 爾。 知其 (),則其 儉 味 「聖人之言 此 事 而 「三家 嗚 雖 胡 無違 有愛親之心,故以此告之,庶其有 親 是人人皆當如 上做得,其餘人皆做 呼 爲莫大之孝。 然,聖人亦豈務爲險語以 亦循 氏 八祭 也 而 殯 曰 : 限。 違 語,渾然皆涵蓄於其 理 廥 而設撥,則 此 禮 ,皆是人所 而言, 「違禮亦多端,有 其 而 者 「人之欲 彼爲是者,其心豈不以 所 不 有以 以 夫豈 此 以 而 禮 其葬也 ,然其 爲 物情事變,自 (僭事 通行得底 矣。 知 聖人之 不得。 孝 間 一違於禮 親 其 儕 其 荷且 中 事 īmi 亦 而不以 八中,其 不 言 人之 生之 是 親 違 所 警 謂 比 禮 事 也 有 孟 義,不曾照管得 《語録

所 隱

禮

憂, 而 舊説: 武伯 孝乎? 守其身者,自 無所 簡,不能以禮事其親, 子當初就 爲,只是合得做底。 人子體此,而以父母之心爲心,則凡所 夫之禮事其親 初却未有 武伯問孝。子曰:「父母惟其疾之憂。」 影日 不至,惟恐 ,懿子之子,名彘。 獨 人子 胡 愚謂 家 以 氏 前 説 僭禮上説, 其 《集註 便是 説 能 底 佳。 不容於不謹矣,豈 疾 使父母 意思。 諸 合得 其 又有一般人牽於私意,却不合禮。 爲憂,乃 後説只説得 侯以 》下一凡字,蓋 有疾病,常 較 做 就今論之,有 精彩,在三家身上 底。 諸侯之禮事 不以 言父母愛子之心 然此 可 其陷 截, 謂 旬 不 其親,大夫以大 在 孝。 蓋 以爲憂也 獨謹疾 於 不 人看 般 只 不義 照 미 人 又切。 亦通 如 管 因 以 而 何,孔 得 陋 E 爲 以 不 就 當

去聲。 至於 〇子游 代大馬 别 問 "彼列反 孝。 ,皆能有養 子曰: 「今之孝者, 不敬,何以 别 是 乎?」養 謂 能

勝言者。 聖人直 則非 足矣。 而不敬 敬、私愛或勝 則必不至於不能 也 之罪,所以深警之也。 而敬 而不知敬乎? 言也,故特以其尊卑懸絕之甚者明之,所以深著夫能 至卑賤。 言人畜 飲食供奉 子游,孔子弟子,姓言,名偃。吴人。]。|輔 小 不至,則 者之罪也。」○胡氏曰: 氏日 《記》曰: 一恐其 聖人之言,豈若是之不倫乎?」曰: 失 狎恩恃 犬 也。 而 馬,皆能 也。 「胡 Œ 愛瑜 養也。 理失,禮法不足 與養犬馬者何異。 「仁人事親如事天」,則事親其可 氏發明至明切。 愛,而 子游聖門高弟,未必至 犬馬待人而食,亦若養然 於敬, 有 但 以 不 以 能養爲孝,則 或問:「父母至尊親,犬馬 知 養之,若能養其 故以 而瀆嫚生,其害 世 其漸 且 養則不必乎敬,敬 俗 是深警發之 流 事 甚言不敬 亦易流於不 於不 親 此設 養,謂 有 能 此 敬 戒之 徒 不 親 養 愛 Π 養

勞,有酒食先生饌,曾是以爲孝乎?」食,音嗣。 ○子夏問孝。子曰:「色難。有事弟子服其

者也。 爲難 之,故不同也。」輔氏曰:「告懿子,爲告衆人之言 潤之色。 游能 意味轉深長也。」〇 爲也,非其真有深愛存乎心 色難 本文之首,不若專以孝子之容色爲言,則 色爲難。 能使愉婉之狀貌見於面顔哉! 親之道非貴於聲音笑貌也,而以色爲難者,色非 有愉色者,必 深愛者,必有和氣; 饌,飲食之也。 以愛親之色爲難。」食,飯 「人子胸中纔有些子不愛於親之意,便 養而 耳,服勞奉養未足 ,謂事親之際,惟色爲 對武 各因其材之高下,與其 亦通。 或失於敬,子夏能直 伯者,以 有 程 曾, 胡氏曰: 婉 子曰:「告懿 容。 猶 有和氣者,必有愉色; 其 惟恐一豪怫其 也。 嘗 人多 一舊説 爲 「舊説添承順父母四字於 故事親之際,惟 也。 孝 難 先 也。 可憂之 承 有不 也。 生,父兄也 蓋孝子之有 義 子, 爲依文解義 順 親之意者,安 黄 所 順 而 氣象, 氏 告衆· 語 失 事。 或 父 E 録 可以 母之 少 而 此 事 日 温 告 子 色 而 强

説,則 講,可者與之,不可者拒之,及孟子論北 其於敬恐或有未至者。 其論子夏門人及喪致乎哀而 武,則非 家發者」是也 蓋以其所包者 能 直 有柔嘉之德者,亦可見 義 而少温潤之色,政恐其未免有之。 廣,正《集註 武 伯之事, 子夏之資近質直,觀其 於經傳)所謂「語意渾然,若不專爲三 止,皆 也。 雖 有簡略節文之意,則 子游之資近簡 無所見, 宫黝似子 然即 論 才之高 率,觀 夏之 友所 其 諡

其私,亦足以發。回也不愚。」 〇子曰:「吾與回言終日,不違如愚。退而省

下,以資稟言,其失則就所行上言也。」

口, 聞 庸 非 者,意不相背,有聽受而 子深潛淳 日 曰:「是顏子於孔子説話都曉得。」私 :「是聽得夫子説話,便能 之師 進見請問之時。 》謹 孔子弟子,姓顔,字子淵。 獨 之獨同。」發, 日 粹 ,輔氏日 李氏名 侗 謂 語 發 延平人,朱子之師 深潛,謂不淺露而德性淵 發明 録》曰: 明 無 於日 所 言之理。 問 謂 「私字儘闊 用躬行之間 難 魯人。 燕居 也。 也。 **《語** 獨 與 不 語 處, **冷**中 録》 宏。 録 違 顔 愚

然,自 氏曰: 日 具。 及退 間 肚 得 皆足以 庭中,蹊徑曲折,器用 惟 日 句,在肚 本至條目,一一 盡 處,顏子亦皆能 淳粹,謂 「融字 浪喪,如 分明,蓋與之言,顏子都無可否,似 也。」故終日 ; 處耳。」其 而 「然。」」〇莆 固 自 《語 如 省其 「默識,是不待言説 與之爲 是。 有條理。 無瑕 裹如何發得出來。 消 何能滋益體膚。」〇問:「心融恐是功深力到?」 發明 録 融 $\stackrel{>}{\exists}$ 亦是天資高,顏子自是鄰於生知者也。」〇 、聞夫子之言, 私 疵 相 -; 知能 理會得,所以與夫子意不相背。二〇又曰 似, 夫子之道 而氣質明淨也。」其於聖人體 則 田 言, 觸處洞 問: 黄氏 《語録》曰: 如 到也,而微,則 見其 但見 安頓,條理次序,曉 雪 日 「體段二字,只是言箇 在 然 而自 如 湯 月 其 日) 《語 自 人喫物事,若不 中。 [喻其 、體段 默 用 不 有條理 「顔子聞 比聖人猶有些 録 若不 識 動 違 意; ,只是聖人所 簡愚者。 $\check{\boxminus}$ 静 如 者 心 融, 心融,是 夫子之言,自原 然在 謂 語 愚 融 「《集註》已説 如 默 人 模様 消 句 及退 吾 觸 行自己家 之 而 只 不待 一
充
拓 知所 只生在 心目之 段已 處 否? 己。 是 間 而 洞 輔 未 到 觀 思

書 纂 疏

此 理,不復疑礙,所以 中了了,如冰之融釋,隨入隨化,此理洞然呈露,自成條 做 至 語 發得固明白, 無疑礙之意。一然後 進去,更無阻礙耳。]〇莆田 坦 曉底,及明日 以 其所行,皆夫子與之言者,一一做得出來不差,豈不是 箇便去做。」〇陳氏曰: 於聖人耳順地位雖未幾及,而已同是一 到見識明睿,其於夫子之言,耳纔聞得,口 所形見,他人聞之,只如平常,豈 發明得夫子之道? ,皆從大本中流出,雖一言半句,若常 然 器用,方與他說箇尺寸高低形製,他 由之而 亦須自體認 做 得來,却 無 雖終日 疑。 知其不愚也。」陳氏 其語勢只如此。 「只是見得此理明,甚坦 與 得灑落,方見趣味。 語 昨 言,而 黄氏 録 日所説底更無分毫不似。」 $\stackrel{>}{\mathbb{H}}$ 曰 意旨 曾 垣坦 「是他真箇見得,真 相契,不 識破顏子工 談 恰如今人説 然是 般趣味矣。」 聽之全然似 而莫非妙道 不待 直 日 蓋聖人言 相違背。 然,平 截 説 「延平 在 夫 而 與 前 足 心 精 步 不 人

「視其所以

底人?」〇黄氏曰: 《語録》曰:「大綱且看這 ,爲也。 爲 善者爲君子,爲惡者爲小人。 兼君子小人而視之。 箇人,是爲善底人? 是爲惡

> 觀 其所 由

看過,不如意之所從來,只就他心術上看。| 所爲者也。」《語録》曰:「行其所爲,只是就事 意之所從來。」或曰: 子也。」〇胡氏曰:「有名爲君子而意實不然者,故又觀 了。」○黄氏曰:「前之爲小人者,不復觀之矣,所觀者,君 若以爲可以求知於人而爲之,則是其所從來處,已不善 若是本意,以爲己事所當然,無所爲而爲之,是乃爲己。 矣。《語録》曰:「若是爲善底人,又須觀其意之所從來。 意之所從來者有未善焉,則亦不得爲君子 觀,比視爲詳矣。 「由,行 由、從也。 也。 事 謂 雖 所 爲善, 以 行其 丽 其

察其所安。

察,則又加詳矣。 須察其中心樂與不樂。 久而不變哉? 而心之所樂者不在於是,●則亦 《語録》曰: 安,所樂也。 安,是中心 「若是所從來 樂於爲善、 所由 僞 耳,豈 處既 自 雖 無 善、又 厭 能 倦

氏曰: 之意 欲知其安不 恭敬,一 不在此,次第依舊,又從熟處 他本心愛如此,雖所由偶然不如此,終是勉强,畢 ,未免於僞。」〇又曰: 則 「君子所由之未善者,亦不復察,察其所由之善,而 時亦能恭敬,次第依舊自踞傲 有 B 安也。」〇 進之益。 陳氏 若 「安,大率是他平日存主習熟處。 是中心所 EI: 去。 「意是 平日愛 樂不在是,便 了,心方安。]〇 發 郷傲 端 處, 勉 4 强教 竟所樂 或 是 作 黄 全 他 或

體處。」

人焉廋哉? 乎? 焉, 善否乎? 此 程子曰:「在己者能知言窮理,則能以 自考。 、如聖人也。」蔡氏曰:「此章不惟可以知人,亦當以 何也。 以其觀 如吾之所爲者雖 所由者雖善,而 人者反以自觀,以其察人者反以自察, 廋, 置 人焉廋哉?」焉,於虔反。 也。 心之所樂者,果有不在於是否 善,而意之所從 重言 以 深 來者,果 明之。 廋, 所 此 留)庶乎 有 反 察 未

温,尋繹也。故者,舊所聞。新者,今所○子曰:「温故而知新,可以爲師矣。」

矣。」

所見。 不能 學也 荷簡 上推 問。 新,謂 得。 不 易 倫類無不 不 然而甚明。 者,識之明。」言學能 而不昧。 理 覺滋味深長,自有新得。」〇又曰: 則 語録》曰: 容以 知 能 ,時習得熟 所學在我,而 只就此一 也。 盡 得 ,往往先得其粗 究出來 黄氏 昔所未知 若夫加 自己 也。 積之久,則 通 通 其曲 然人之生也,未免於氣稟之昏,物欲之雜 故學者必當盡 日 道 人心之靈 然天下事物之理,具於人心,其纖微 ,所以其應 思之精 折。 其 温 理 理只這 者,今則 習之功 温 知 上, 紅純熟 漸發得 小 故, 新 其 · 而 也 則 有 ,通乎事物者,其纖 流而易 人與説 無窮。 謂 所得 時習舊聞 應不窮,故可 用 不能 淵微無不照; 通 出 亦莫 箇道 而 昔 其 辨。 曉 來。 所 每 丽 心,實用 盡 也。 知 有 非 已知 理,理會得了, 遽止 能 究其纖微 且如 箇理 其 新 可 温 如 所 益 以 「新者只是 者,今復温 焉 故 此 其力。 以 焉 淺 體之實,則切 則 都 而 者 理,着 然 則 近求, 微 則 以 亦 , 先舉其 是 每 ,學之篤 曲 其 丽 非 自 不過於小 學之博,則 爲 有 然 温故 折 時 家 幾 故中 用功之深 亦 が也。」若 曲 時 人師 新 就 箇 也。 亦 非 也, 略, 其 折, 温 近 底 炯 可 此 人 知 於 蓋 有 mi 伙 理 來 道 而 以 知

339

也。 不出 記問之學正相反,記問雖多,是死底,知新是生底。」 永嘉陳氏曰: 不思者也。 事,只説得一 長之,則常活不死殺。」〇又曰:「且如記問之學,記 爲人師,只緣這箇死殺了。 萬卷,只有千卷萬卷,未有不窮。]〇又曰:「記問之學不足 窮已。若記問之學,雖是記得多,雖是讀得久,雖 相發也。 夫記問之學 學記》譏其 因其所聞 ,所以不足爲人師。」○黄氏曰: 學於人而 《語録》曰: 事,更推第二事不去,記得十事,便説十 「於温故中知識又長 見而 「不足以 則 有得 無得 不思,則 「若温習舊聞、 ,則所知有限而其應易窮也。」○ 若知新,則引而伸之,觸 爲 於心,而 人師 所學不在我,而 一格,乃不竭矣。 「記問之學,所謂學 工, 正 則 所知 義 理日 與此 有 無得 通 限 是千 意 此 於 得 類 無 故 互. 事 與 1 前 而 卷 有

E 故 可爲滕薛大夫之類是也。」成德之士,體無 器者,各適其 言,舟不可以爲車之類是也。 用 「所謂體無不具,人心元有這許多道理充足,若慣熟 無 不周,非特爲 用 而不能 一才一藝而已。《語 相通。 以人而論 黄氏曰:「以物 優於趙魏老、不 不 真, 録

〇子曰:「君子不器。」

○子貢問君子。 周氏曰:「先行其言者,行之於未言之前, 者,宜其無不周也,又豈可以器言哉!」 之理無不明,無不實,則心之全體無所不具,而措之於用 蔽,故偏暗而不通耳。 萬物之理,無一不具於此性之中,顧爲氣質所拘,物欲 皆備於我,反身而誠,樂莫大焉。 君子之不器; 夷清,惠和,亦只做得一件事。]〇黄氏曰 邦有道,出來也做 用,移去别處便用不得。 時,自然看 而後從之者,言之於既行之後。」周氏,名孚 要 如 體無不具,原君子之所以不器也 何, 子曰:「先行其言而後從之。 無不 事不得; 惟夫格物致知,誠意正心,使天下 周 如 徧。 原 邦無道 憲只是 子 人具是性以生 貢 也 瑚 璉, 箇 不 「用無不周,見 |喫菜 能 只 撥 在 亂 根 則 廟 蓋 反正 底人, 萬物 萬事 中 可 所

道理。 言,故告之如此。 之道也。」〇范氏曰:「子貢之患,非言之 力,言之於既行之後,則其言實而信。 先,毗陵人。○輔氏曰:「行之於未言之前,則其行 行之艱,故告之以此。」《語録》曰:「只爲子貢多 聖人只說敏於事而謹於言,敏於行而訥於言,言 若道只要自家行得,説 正君子進德脩 都不得,亦不是 艱 專 而 而

而

發。其實有德者必有言,若有此德,其言自足以發明之,顧行,行顧言,何嘗教人不言!」〇又曰:「此爲子貢而

無有説不出之理。」

氏曰:「比,必二反。此處偶失音,當添入。」 〇子曰:「君子周而不比,小人比而不周。」輔

如爲 是周 待,那 其治; 朋友信之,少者懷之」,亦是周徧。 背後都 不是周。 比。 便是周。 之義,比便小,所謂 周 而 善人於國,則 不 ,但周公而 ,普徧也。 徧。 知 臣 君子非是全 於一邑一 如此,心都一 有親。」〇又曰:「君子心公而大,所以周普。 則忠,爲子却不能 箇人又合如 周 小人之心,一切反是。」〇又曰: 但見同於己者與之,不同於己者惡之,這便是 是公底比,比是私底周,周 一國享其治,用一善人於天下,則天下享 鄉之中去 無惡人處,但好善惡惡,皆出於公。 此處偶失音,當添入。 比 比私耳。 兩兩相比。 何待,自家只 般,不偏滯在 ,偏黨也。 孝,便是偏比不周 一惡人,則 《語録》曰:「周者,大而 無 看 如這一 一箇。 人使之不得其所 皆與人親 理,無輕 一邑一鄉受其安,豈 是 箇人合當如何 如「老者安之 「周是徧,人前 無所不 徧 重厚 ,只知 厚之 比也。 薄,便 小人 有 這 用 徧

> 也。 《語録》曰: 周與比相去不遠,要須分別得大相遠處。」〇又曰:「君子 親時,便生計較,與我善底做一 小人皆是與人親厚,但君子意思自然廣大。 與人交際之始,於此審決之否?1日: 行異情,公即是理、私即是欲,其所差直豪氂而已。」故 與人相親,也有輕重厚薄,但意思自是公。」 〇君子小 心狹而常私,便親厚,也只親厚得一邊。」〇又曰:「君子 是,但事上亦須照管。 言之,欲學者察乎 聖人於周比、和同、驕泰之屬,常對 小人所爲善惡相反,真不啻如陰陽晝夜,然天理人欲,同 小人也是如此親愛,君子公,小人私。」○輔氏曰:「君子 究其所以分,則在公私之際,豪氂之差耳。 人所爲不同,如 《語録 「問。「豪氂之差。」曰:「君子也是如此親愛 ř :「問:「取舍之幾,當 陰陽畫 覺得思處失了,便着去事上看,便 兩間,而 一夜,每每相反。 般,不與我善底做一般 審其 在 「致察於思 思 取 慮 小人與 方萌之初 舍之幾 舉 加 慮, 互. 固

〇子曰:「學而不思則罔,思而不學則殆。」

舍彼取此。

須着如此方得。」

安。 也。 專求於心而未見於行事,則身與事不能帖泰,故危 習其事,則 也。 安。 心,未免於行之不著,習矣不察,故昬而無得。 章思與學對說,故學但 言矣,然專言之,則思在其中,程子以 之安,故危而不安。」〇胡氏曰:「學之一字,前既 外不協,外雖 然此之謂學, 於理不安。二〇輔氏曰: 得,危而不安,合心與理而言。 言,不安者,不安於理,而卒於殆也。]〇黄氏曰: 無自得之見。殆者,其心危迫,雖得其 之説,不已贅乎?」曰: 不求諸 而不安。 要必兼二者而後可也。」〇程子曰:「博學、審 分言之,則思自爲思,後章所謂思 昬以心言,無得者,無得於理,而卒於罔也, 此固兼夫内外始終而言,而後足以 心,故 理 或問: 事爲二,理雖 勉强而 則 指習 魯 既日 中無意 事 mj 爲習其事,然不能思 而言耳。 「學之義廣矣,雖不專謂習其 「罔者,其心昬昧,雖安於所安,而 無得。 骨 若 味,故昬 且 有所得,事 心昬而 危矣,而又繫以無得 徒學而 不習其 時習爲 而無得。 於理無得, (所得,而無可即 ,則扞格 不 不求 盡夫罔殆之義 - 如學是 時 事,故危 諸 則不 至於 徒思 復 唇 而 L. 危以 1 也 思 以 無 丽 思 效 明 繹 可 而 則 危 而 不 事, 此 不 者 於 是 爲 即 之 Ŧ 不 内 無 心 而 〇子曰:「攻乎異端,斯害也已!」

學也,纔效其所爲,便有行意。」○輔氏曰: 問 專主於習其事。」 也。 c」《語録》 謹 思、 ¥ 明 辨、 「凡學字便兼行字意思。 篤 行五 者, 廢 其 如 此學字,却不 講 , 明 非 義 理 學

之楊、墨,尤爲近理,所以其害爲尤甚。 地,便也 定止,去看他病痛,却得。 惟説不可專治之,便略去理會他也不得。 謂仁,此其所以爲異端也。」其率天下至 端謂非聖人之道 端,則 也。 端, 君,專治而欲精之,爲害甚矣。」《語録 義,而非聖人之所謂義,墨氏以兼愛爲仁,而非聖人之所 范氏曰:「攻,專治也,故治木石金玉之工 日 攻。 非 可以該其末矣,故常言 輔氏曰: 奈他不得。□○ 聖人之道, 輔氏曰: 「物必有端 一而别自爲一件道理也,楊氏以爲我爲 「此《周禮・冬官》所謂攻木之工。」異 程子曰:「佛氏之言,比 而 也是自眼目高,方得。 有末,端爲始,末爲 别 事一件,皆謂 爲 端, 若是自家學有 如 於無父 之 終。 楊 ¥ E 若只恁 端。 墨 單 學 無 是 異

「從他劈初頭便錯了,如天命之謂性,他把這箇便都做空做。佛氏最有精微動得人處。」問:「佛氏所以差。」曰:不勝言,佛氏如何又却甚焉?」曰:「楊、墨只是硬恁地不勝言,佛氏如何又却甚焉?」曰:「楊、墨只是硬恁地者當如淫聲美色以遠之,不爾,則駸駸然

佛而不言老子?」曰:「老便只是楊氏。」出來自有道理,從他說愈深,愈是害人。」○問:「何以言做來也淡,却不能惑人。 只爲釋氏最能惑人。初見他説

虚説了,吾儒見得都是實。」〇又曰:「楊、墨爲我

、兼愛,

不知爲不知,是知也。」女,音汝。
○子曰:「由! 誨女知之乎? 知之爲知之,

女以 路粗暴,見事便自説是曉會得。 盡 所不知者則以爲不 故和那箇 由 勇,蓋有彊其所不知以爲知者,《語録》曰:「子 知 ,孔子弟子,姓仲,字子路。 前 知之之道 知處也不知了。」故夫子告之曰: 無自欺之蔽,亦不害其爲知矣。 乎! 知。 知。 但 所知者則以 如正名一節,便以爲迂 如此則 魯人。 雖或不能 子路好 爲 我教 知, 輔

不失於自畫,而經意方備。」

不失於自畫,而經意方備。」

不失於自古,而經意方備。」

不失於自古,而經意方備。」

不失於自古,而經意方備。」

不失於自古,而經意方備。」

不失於自畫,而經意方備。」

〇子張學干禄。

求也。禄,仕者之奉也。子張,孔子弟子,姓顓孫,名師。陳人。干,

闕殆,慎行其餘,則寡悔。言寡尤,行寡悔,子曰:「多聞闕疑,慎言其餘,則寡尤,多見

禄在其中矣。」行寡之行,去聲 覺,故多悔。 行則無疑矣。 名大臨,藍田人。 吕氏曰:「疑者所未信,殆者所未安。」昌氏 語録》曰: 尤,罪自外至者也。 「出言或至傷人,故多尤, 然此亦以其多少言之耳。 而察之事理,於心或不安。」程子曰: 〇黄氏曰: 悔, 「言有未曉,故疑而未 理自内出者也。」 行有不至,己必先 言而多尤, 豈不 敢信

四 書 纂 疏

其中。 其中。 言在 然,則 詳 此 會直, 티 學始終之序。」〇蔡氏曰:「學之博,擇之精,守之約,三語 《語録》曰:「此章是三截事:若人少聞寡見,則不能參考 之博 以 或 E 言行其餘,則必有尤悔。」〇輔氏曰: 則 得是處,故聞 自 [悔。 好古敏求,多聞擇善,多見而識者,皆欲求其多也,不 、輕易讀過,殊不知此亦正是學者要緊用功處。 胡亂把不是底 極明切。 以 如如 擇不精 然直 聞見孤陋,亦且何所據以爲擇精守約之地邪?」凡 救 其 ·,闕疑殆者擇之精,謹言行者守之約 「學也禄在其中」,學何嘗要求禄? 行而多悔,亦必至於傷人。」愚謂多聞見者學 又如父子相隱,直在其中,本只是相 『耕也餒在其中』,耕何嘗要求餒? 子 中者, 却 但人皆知擇精守約之爲重,而於多聞多見者 張 則 亦 見 無以知要; 自在 須要多。 之失 也 皆不 將做是了。 其 而 中。 求 若聞見已多而不能闕其疑 進 守不約,則無以自得。 如此等 而 之也 既 自 能闕 類 至之 「學不博,則 ,皆當 其疑 語 録 辭。 殆 如此 爲隱,何 而 而自 Ĕ 自 而 《語 看。」言 7有禄 有 聖人所 此 無 不 孔 /曾理 又爲 餒 以 能 録 殆 字 在 在 致 謹

> 氏曰: 子蓋 字。二〇程子曰:「脩天爵則人爵至,君子言 善,亦惟其理所當爲者爲之而已矣。」 其或不然,則 章重處,只在言行。 則 行能謹 已矣。」《語録》曰 之以此,使定其心而不爲利禄動,若顔、閔 無此問矣。 「聖人之言,理而已矣。 曰 耕也餒 得 理之變也。 禄之道 或疑 在 若言行能 「脩天爵而人爵自至,説得重了。 其 也。 君子 中, 如 此亦有不得禄者,孔 處 謹言 謹 惟理可爲者爲之 子張學干禄,故 便 順 行 而 自帶 安,常 而得禄,理之常 得 不計利以 禄來。」〇 也 而 輔 此

○哀公問 舉直錯 諸枉 日 , 「何 則 民 爲 服 則 9 民 舉 服?」孔子 枉錯 諸 直 對 則 E 民

不服。」

理之所宜,而人心之所同得者也。 者,尊君也。 哀公,魯君, 日 舉錯得 名蔣。 義 錯,捨置 則 人 凡君問皆 心服 也。 合於義,則上當天 諸,衆 輔 稱 氏 曰 孔子 也

義者,天

程

子

對

日

不教

他干,

但云得禄之道在其中,正

是欲抹殺了

他干

其實。 矣。」〇 二者蓋 理? 之。」〇 在 以 而 日 居 則去,必然之理 下愜人心, 加 三發者 馬 敬 直 惡 「須是居敬 ,則視之而 不窮 而 爲 枉,天下之至情)輔氏 也,不 互 此二者, 陳氏曰: |相發。| 貴 枉 理, 民焉 一,以 窮 пŢ 聖學 不見,聽之而 無 窮 理 有 「居敬者, 如 好 辨。 枉 不服者哉!」() 理,自做工 也。」《語録》 何 深惡,情 之要缺,大有工 也。 :識 爲 謝 人? 直 氏居 ,窮理之本,窮理者,居敬之效, 也。 然 者 也 不聞 夫,方解 敬 爲 好直 或 多 》曰:「若不居敬,如何 窮 舉 以以 矣,是以 無 順 理 謝 直 愐 照得 夫 之則 之云,乃 悪 枉爲直,以 道 錯 氏 在,未可 枉 心以照 枉之本。」〇 人破。 日 , 則 服 : 君子 情 因 之, 以 若心 之由 而 直 逆之 好 易 及之 爲 大 則 直 視 枉 不 又 窮 性

能則勸。」
〇季康子問:「使民敬、忠以勸,如之何?」子

端 季 嚴 康子,魯大 也 臨 民 夫 以 季 莊 孫氏,名肥。 則 民 敬於己。 莊 謂 孝 容 於 貌

> 爲,非 之地虧矣。 當爲,不可 十寒,非 事,非因欲彼而後爲 之心於其先哉?」〇葉氏 者,所以皆勸。」〇張 於己。 意正心以治國平天下,亦不過 如是,則 之,罰之,則 是兩件事,孝是以躬率之,慈是以恩結之,如此,人方忠 能 親,慈於衆, 曰:「莊只是一箇字,上 聖人之言與事凡若此者,皆當以 者教之,則民 舉善 爲 感人動 有 其 欲 而教 民 責效於下之心也。 (應蓋 使民敬忠以 不解 物之誠 則 不 能,若 便 民忠 此。 有 有 敬 勸。 也。」〇愚謂: 能端莊 所 欲 不 日 夫 善者舉之,不善 於己。 惟 彼 勸 期 日 是舉 侕 如此 勸 ,則便尊敬。 而 張氏 而 三爲此 : 此説例之,雖《大學 樂於爲 然者 而 其 有 而 是數者 謂 此 善者舉之而 爲 善 已,豈 則 責效之心,則本 此 矣。」 皆 者, 之也 或作或輟,一 乃 者便 在 至於孝 善。 ,皆上之人所 有 在 而教其不 上 謀 我 輔 去之, 當 利 氏 然能 所 慈, 語 計 爲 日 》誠 暴 當 録 不 則 原 之 功 能 誅

)或謂孔子曰:「子奚不爲政?」

「不窮理」,原脱,據《朱子語類》卷二十四補。

0

也。 虎作亂,聖人退而脩 定公初年,孔子不仕,故或人疑其不 心也。 愚謂: 聖人未嘗不仕,惟定公初年,季氏彊 《詩》、《書》、《禮》、《樂》,故知其爲是 爲政 僧 陽

子曰:「《書》云:『孝乎惟孝、友于兄弟,施於 有政。』是亦爲政,奚其爲爲政?」

音月。

不爲獨善之私邪?」曰:「聖人未嘗不欲仕,而亦不求 是。或問:「聖人未嘗忘天下,今不爲政而其言如 人皆知弟,豈不行於一家。」蓋孔子之不仕,有難 不是國政。」又云:「在我者孝,則人皆知孝,在我者弟 爲政矣,何必居位乃爲爲政乎?《語録》曰: 以爲一家之政。孔子引之,言如此,則是亦 君陳能孝於親,友於兄弟,又能推廣此心, 《書》之言孝如 語或人者,故託此以告之,要之至理亦不 「推廣此心,以爲一家之政,緣下面有箇「是亦爲政」,故知 「書》、《周書・君陳》篇。「書云孝乎」者,言 此也。 善兄弟曰友。《書》言 此 外 以 將 則 仕

> 難以告或人者,故特告之以此。」 也,況定公之初,陽虎用 事,又非可 '仕之時 乎? 然此 意有

輗,小車無軏,其何以行之哉?」朝,五兮反。 〇子曰:「人 圃 無信,不 知 其 可 也。 大車 無

信,其何以行之哉!」 則不行,大事、小事,無信則不行也。 者,則不可以行,人而無信,亦猶是也。黄氏 軏,轅端上曲,鉤 大車,謂平地任 軛以駕牛者。 「車譬則事也、輗軏之譬則信也。 小車, 載之車。 衡以 謂 公駕馬 田 輗 車 者。 大車、 欺罔不實,人不吾 、兵 轅 端 車 、小車,無輗軏 車、乘 横 無 木, 此二 車。

○子張問:「十世可知也?」 年爲一 此章所舉是也。」子張問:自此以後,十世之事 陸氏曰:「也,一作乎。」陸氏,名元 可前知乎? 〇王者易姓受命爲 世者,必世後仁是也。 世。 有 以易姓受命爲一 胡 氏曰: 朗 世

有以三十

世者。

蘇州

如

善

世 子 於 殷 E 禮 殷 所 大 損 於夏禮 益 可 知 所 也 損 3 其 益 或 可 繼 知 周 也 者 ŝ 周 雖 百 因

禮

地

其

而

知

也

形質 丑 有文,忠則混然無質可言矣。」三統,謂夏正 此名字,後人見得 也。 然亦天下之勢自有此三者,非聖人之欲尚 耳。」〇又曰:「忠,只是樸實頭白 馬氏 質與文對。 常 緇 商 文質三統。」馬氏, 語 ,人生於寅。 統 謂 尚 録 ,謂君爲臣 夏不得不忠,商不得不質,周不得不文。 (制度,而未及于文采,文,則 ¥ ⊟ 質, 日 商 問問 周 Œ 質便自 義、禮、智、信。 所 建 尚文。 蓋天運至子始有天,故曰天正, 正之建不同。 如此 因, H. 綱,父爲子 有文了,但文未盛; 爲 名融,東漢扶風人。 謂 《語録》曰 ,故命此名。」〇又曰: 地 統 綱 周 曰:「天開於子,地闢 綱,夫爲 五 就 直 文質,謂 常。 正 一做將 制 「忠,只是渾然誠 度上 建子 比之文,則 去, 忠 所 事 妻綱。 愚案 ,尚質 爲 「質朴 質 夏 損 事加文采。 彼 至丑 建 天 尚 時 則 益 此 寅 一始有 尚 統 則 亦 漸 箇 忠 確 爲 謂 $\overline{\mathcal{H}}$ 於 未 無 文 有 質

暖,

此,但 悔憾 上損 盛了又衰,衰了又盛,其 蓋有餘必 至於變易之時 底,故隨時變更。」〇又曰: 因之禮,是天做 亦不 或有 綱常千萬年磨 ,要亦是 此 暖 其 所 之 故 處。 其有餘,益其不足。 甚生寒, 這綱常自 過 繼 日 已 損 大 非若後 地 三代以下做得 損,不及必益. 此 周 然之迹,今皆 益 體 損 正 , 豈但 而 不 益 3 與其 雖不可 一要壞 前 王者, 滅不得。 底, 至 世 過 人底。 寅始有 代 人雖 萬 識 滅 + 文章 知 世 相 不得。一聖人 勢 不恰好,定 緯 世 其 雖 雖 不 雖 聖 只 不 繼, 人,故曰 如 百 可 紨 是盛衰消長之勢,自不可 可 加 (勢必 百 是人謀 人做得 此。 可 制 知 世之遠 易。 綱五常 數 已 世之遠 皆 見。 度 如 而 之學 聖 乎 人正。」|二 因 有 小 此 所 來 其 ,要是大 人 所 悔 ΠĴ ! 一旦 自 可 損 出 勢 之 則 過 憾。 知 知 所 也 以 是恰好,不 必 益之禮 來,亦 古 而 也。 自 不 也。」〇又 語 變易 知 亘 勢 雖 録 今 今不 因 及 不 綱 一做得 〇胡 來 不 只 猶 可 得 是 是 日 所 以 之 能 π 寒 者 知 可 不 極 不 到 就 人 往 間 變。 Ē E 易 蓋 也 出 牛 做 所

四 書 纂 疏

義也。 所謂天地之常經,古今之通義,尤更發明得 天敘天秩者,蓋三綱 古今之異,而理 商 禮之本 往 而已矣。」輔氏曰: 之,與時宜之,而所因者不壞,是古今之通 不可一 或太過則當損,或 E ,所謂天地之常經 者以明之也。 「子張之問,蓋欲知來,而聖人言其既 日 因 也。 往 而 則 推 無 商 一而已矣。不言三綱五常而但言禮與 來 禮 不能 五 「胡氏説尤得聖人之意。 夫自脩身以至於爲天下, 常即天敘之典、天秩之禮 雖 不足則當益。益之損 天敘天秩,人所共由, 改 也。 百世之遠,不過 乎 夏,周不能 若乃制度文爲, 所 蓋時 因所損 也 改 如 雖 平 此 至 有 益

〇子曰:「非其鬼而祭之,諂也。

之義分曉。」

得以兼乎下, 子祭天地,諸侯祭 顺 非其鬼,謂 祭山 Ш 諸 侯而祭天地,皆所謂 下不得 非 其所當祭之鬼。《語録 Ш 以 Щ 兼乎上。 大夫祭五祀,士庶人祭其 士庶 非其鬼也。」〇 人 而 祭 $\stackrel{>}{\exists}$ 五 祀,大 問:「尋 先,上 如如 天

> 之類、皆係非鬼之數、若先聖 只得爲他祭。」〇永嘉陳氏曰: 遠族不當祭,若無後者,則如之何?」曰: 是。 也。1〇問:「士庶祭其旁親遠族,亦是非其鬼否?」曰 尚以爲僭,況士庶乎? 川之神,人家所在不當祭否?」曰: 常人家所當祭者,只是祖先否?」曰: 禮》云: 又如今人祭甚麽廟 『庶人立 祀,或立户,或立竈。]户 如 神,都是非其 土地之神,人家却可祭之。 一先師 「今世淫祀,若浮屠、老子 山 則所當祭而祭者。 然。」問: 鬼。」問: 川之神 「若是無人祭 竈 ,季氏祭之 「土地 「如旁親 亦 可祭 山

諂,求媚 也

見義不爲,無勇 不知則已; 知 而不爲,是無勇也。 既知之矣,猶不能爲 也。一

胡氏曰:

「義者,事之宜也

志不能勝氣也

,故以爲

論 語 卷第

無勇。」

後學 成 德 校 訂

朱子集註 後學趙順孫纂疏

八 佾 第 =

凡二十六章。 通前篇末二章,皆論禮

樂之事。

可忍也?」佾,音逸 孔子謂季氏:「八佾舞於庭,是可忍也,孰不

季氏,魯大夫季孫氏也。胡氏曰:「古者有姓有 也。」佾,舞列也,天子八,諸侯六,大夫四, 氏,三家爲桓公之後,皆姬姓,又自以仲叔季分爲三氏 八人。」未詳孰是。 士二。每佾人數,如其佾數。或曰:「每佾 或問:「有謂通以八人爲佾者。

自上 以豪髮僭差也。孔子爲政,先正禮樂,則 「君其忍之」是也。二義皆通,而敢忍之説爲長,故《集 之矣。」或曰:「忍,容忍也。」蓋深疾之之辭。 季氏之罪不容誅矣。」謝氏曰:「君子於其 註》以容忍之説居後。 大段尀耐忍不得處。』○

愚謂:忍之一字,有敢忍之忍。 露。」曰:「聖人亦自有大段尀耐人處,如孔子作《春秋》亦 尚忍爲之,則是已絶滅天理,雖悖逆作亂之事,亦必忍爲 不忍少萌一豪僭差之意。今季氏以陪臣而僭天子之佾 曰:「爲人臣子只有一箇尊君敬上之心,方能自安其分, 其此事尚忍爲之,則何事不可忍爲。《語録》 ^{說也。}。季氏以大夫而僭用天子之樂,孔子言 文,人如佾數,本杜預註文,每佾八人,《疏》所引服虔之 而人多如此哉。」〇胡氏曰:「每佾人數,本《春秋》左氏傳 曰:「是不可考矣。然以理意求之,舞位必方,豈有 《春秋傳》所謂「忍人」也。有容忍之忍,《春秋傳》所謂 《語録》曰:「問:「後説恐未安,聖人氣象似不如此暴 而下,降殺以兩而已,故兩之間,不可 ○范氏 曰:「樂舞之數, 佾 少

349

論語卷第二

-::-四

爲義、言其 之意,自有不容已者。」〇愚謂:范氏就制度上説,故以容 其忍心僭逆之害,使讀之者惕然有警於其心而 氏 所 忍爲義,言不可容忍之甚也。 意,而謝氏特爲「是可忍也」一句 「謝氏 謝氏先論人心之本然,以見季氏之忍心僭逆, (乎?」黄氏曰:「范氏説忍字、義似主後説、 忍 不當爲、不 日』説之前 此 矣,則 (心既敢於此, 敢 ,豈以范氏所言『降殺以 雖 弑 須 父 臾處,不 則雖極天下之大惡,亦敢 與 謝氏就心上説 君, 而發邪!」〇 忍故 亦 何 兩一乃 所 也。 ,故以敢忍 憚 輔 防微謹獨 次又推極 全 氏 而 而 而 一章之 反在 E 季 不 爲

○三家者以《雍》徹。子曰:「『相維辟公,天

長爲孟。詳見疏文,至杜預作公子譜則云,仲慶父弑君,不敢與莊公爲伯仲叔季,公孫不敢祖諸侯也,故自以庶曰。「三家皆魯桓公庶子,初以仲叔季爲氏,其後加以孫三家,魯大夫孟孫、叔孫、季孫之家也。胡氏三家,

尼譏之。」《語録》曰:「當初成王不賜,伯禽不受,則後

弊,遂使季氏僭八佾,三家僭《雍》徹,故仲

記•

明堂位》云:

『成王以周公有大勳勞於天下,命魯公

人雖欲僭,亦無樣子,他

也做不

成。」〇胡氏

E.

堂非 成王之賜,伯禽之受,皆非 此詩!!〇程子曰:「周公之功固大矣,皆臣 之助乎? 以祭,聖人但舉《雅》詩之辭以譏之曰:汝之祭,亦有諸 「天子宗廟之祭,歌舞《雍 譏其 也。 《雍》以徹,是時三家僭而用之。 故改爲孟、恐或然也。」《雅》、《周 子之分所當爲,魯安得獨用天子禮樂 辟公、諸侯也。 祭畢而 有 無知妄作,以 此《雍》詩之詞,孔子引之,言三家之 此 收 亦有天子穆穆深遠之容乎? 其 事,亦何 俎 也。 穆穆,深遠之意,天子之容 取僭 》詩 取 天子宗 於此 ,以徹其俎。今三家亦歌 竊之罪。 義而 也。 頌》篇名。 廟之祭,則歌 既無此事,奚用 相,助也 其 歌之乎? 《語録》 因 襲之 哉 徹 日 侯 此

此 身 之廟而倒行逆施 於僭天子。 意也。」○真氏 臣上下之分於豪氂間,如天地之不可易。 謂 褅 則 世 念周公之所以勳勞者,而欲尊魯,故賜之以重祭。 非禮 爵 列則 「成王之賜,伯禽之受,皆非也」。 世 郊社是也,内祭則大嘗禘是也。《禮運》又曰:「魯之郊 位 祀 事親 周 則 也,周公其衰矣。」魯用天子之制,三家僭魯,遂 、公以天子之禮樂。1《祭統》又云:「成王、康 事 自合盡 以是知非特三家之僭,魯亦僭矣。程子所 ,君自 曰 如此, 豈非周公之衰乎? 孝。 合 「無 盡 ※父母 無君 忠。 此 Ë 則 只是 無 則 此 無 盡 此 身,我因 周公立爲經制 爵位 其 本分當爲之事, 今也祀 ,我因 [父母 是亦程子之 君 于周 丽 而 辨 有 外 Ė 以 追 有 此 公 君 至 祭

〇子曰:「人而不仁,如禮何? 人而不仁,如

樂何

非

過外也。」

禮 也 吾 游 用 何 ·氏曰:「人而不仁,則人心亡矣,其 《語 哉?」言雖 是 心既不仁,便是都不 録》 好底事,心既不在,自 曰:「人既不仁,直是 欲 用之,而禮樂不 醒了,自 是呼唤 與 那 他不 與 禮 (禮樂不相干。) 來,他 樂不 爲 相 亦不爲 之 如 管 攝 用 禮

也。 〇 所不至也。二〇又曰: 理,則 箇仁字全。」〇輔氏曰:「仁、義、禮 序不和而已。 心亡矣」於仁字之義最親切,仁心亡 程子説於後。 有序,安得有和。1○黄氏曰: 有序而和。 心之全德,人若本然天理之良心存 理。」〇又曰:「程子説固好,但 謂之心亡可 ○輔氏日 鼓鏗鏘 不爲我使,我使他不得。 不相關了,安得爲之用!!○又曰: 禮樂,須是中和 〇又曰:「不仁之人,渾是 無序不和 ,不足以 程子 無序 「仁者心之德,不仁則 固 若此心一放,只是人欲私 也。 仁者心之德,心之全德即 程子「正理」之云,則 切 而 曰:「仁者天下之正 爲樂。 温厚底 於如 心亡則無以管攝 不 和。」《語録》曰:「仁只是正 「將『正理』字頓在人心裏面,方説得 禮樂何之義, 雖 人,便行得。 雖玉帛交錯 有禮 專 《集註 而 一少疎,不見得仁。 私 心 非 意,自不 衆 智 「禮樂不爲之用也,是 然人心亡 而 禮 於仁字 則 若不仁者,與禮樂自 無 ,不足以爲禮 理,故 置 雖 其 心做得出 不失,則 。 皆 無 仁也,故游氏了人 徳矣 適 游 Ē 有 之訓 奈那 氏説於 侕 理 無 理 可 則 也 所 如 無 而 爲 來,安 禮 不 作 1-又將 當底 禮 德 非 失 稍 前 樂 樂。」 此 但 爲 者 樂 則 雖 緩 何 正 得 獨 無 無 Á 本 道 何 雖 鐘

之體 則自 則在乎人也。」曰: 「得之。」」〇輔氏曰: 「此章之意,正指 《雍》徹之後,疑其爲僭禮樂者發也。」李氏: 資以行之義可見矣。」 之用在外者。三説備,然後體用全,内外備,仁與禮 鐘鼓玉帛而言,故以李氏説斷之。」〇又曰:「游氏兼 理,李氏謂待人而後行。 名郁,昭武人。 説乃圓,所以《集註》並言之。」李氏曰: 切,却見得仁與禮樂相關甚密處,然須更 以仁言者、蓋謂「專言之而包四者」之仁也。 而後行,苟非其人,則雖玉帛交錯,鐘鼓 ,亦將如之何哉?」然記者序此於 「仁者,此心天理之全體也。 用而言,程子專指禮樂之體 然無序而不和,無序則 ○《語録 ₩ ⊟ 蓋 心具是理,而 無禮,不和則無樂。」〇 「問:「游氏言心,程子主 程子正理之説雖寬 在内者,李氏專 所以存是心者。 「禮樂待 兼游氏 失其正 指 人心之 八佾 樂相 禮樂 禮 而 理, 鏗 入 氏 樂 實

林放問禮之本。

疑其本之不在是也,故以爲問 林放,魯人。見世之爲禮者,專 事 繁文,而

子曰:「大哉問

其問。 實, 有本根,則自然有枝葉華實,若無本根, 有文,有本則有末。 面只以質爲禮之本,如何又説文質皆備?」曰: 矣。《語録》曰: 子之心。」蓋得其本,則禮之全體無 不知有那實處,故放問而夫子大之。想是此問大段契夫 孔子以時方逐 隨即 萎落矣。」 《語録》曰: 「禮之全體,兼文質本末言之。」問: (末,而) 徒文而無質,如 「當時習於繁文,人但指此 放獨 有志於本,故 何行得? 則雖 不 在其 有 譬如 有 爲禮,更 枝葉 木必 :質則 後 中 大

禮,與 易,去聲。 其 奢也,寧 儉 ; 喪,與其易 也,寧 戚。」

田者,須是經犂經耙,治得無窒礙,方可言熟。若居 好了,如何更下得『與其』字? 不是慢易簡易之易。 若是慢易簡易之易,聖人便直 則一於哀,而文不足耳。 則節文習熟,而 易,治也。 孟子 無 曰:「易其田 哀 痛 慘怛之實者也 只此可見。」〇又曰:「治 《語録》曰:「易字訓 疇。」在喪

喪

圃

道

戚

日。 也; 者:一 所 者物之質,戚者心之誠 末故 禮失之奢,喪失之易,皆不 也。」〇范氏曰:「夫祭與其敬不足而 必 之謂禮 那惻怛 習熟於禮文,行得皆無窒礙 足而禮有 也,不若禮 日 戚則不及而質,二者皆未合禮。 易,只是習得 、謂「寧」字義相宜 先有質 「祭與喪,皆禮也。 「無其質,則文安所施? 喪易而文,不若戚而不文之愈也 也。 過一不及,皆未合乎理之中。」然凡 一、蓋自有箇得中恰好處。」看易則過於文 不忍底意思。」禮貴得中、語 禮 餘 而 來熟,似歡喜 不 後有文,則質乃禮之本 奢 也,不若 户 ,故引之爲説。禮失之奢,喪失之易, 丽 而 而「與其」、「不若」之言,正與夫子 備,不若 敬 去做 禮 有 ,則哀戚必不能盡。」〇又曰: 故 以是觀之,則質乃禮之本 餘 不 做做 也 能 足 爲禮之本。」輔 儉 得 ; 而 反 來手輕脚 而 録 喪與其哀不 (本,而 哀 ¥ 不 輔氏曰: 物之 有 : 「品節 也。 備 禮 快,都 餘 之 隨 有 理 (),儉 也。 輔 愈 餘 斯 儉 其 氏 氏 無

> 尊 本。」〇黄氏曰:「本之説有二: 哭踊之數,所 情而直行,則毁或至於滅性,此 簠、簋、籩、豆、 節之也,則其本 飾,所以文之也,則其 也,故爲禮之本。」楊氏 而 皆不能反本而流於末者,此 則性者禮之本也,故曰中者天下之大本。 食不可無器用,故汙尊而 全,故又取楊氏説以足之。 而告之以此。」輔氏 滅質,而林放獨 以徑情 儉 而抔飲、❶爲之簠、簋、籩、豆、罍、爵之 ,則是事之未有文飾 而直行,爲之衰 以 罍、爵之數,所 節之而 能 戚 른 日 問禮之本,故夫子大之, 曰:「范氏止以祭爲禮,其説 也 而 抔飲,此 人生之初 喪 己。 常情之弊也。 此 災 本 「禮始諸 行而戚 飾 其一 儉 喪之始 麻 之而 儉 與 禮之始 周 哭 日 戚 則 mi ,便資乎飲食, 踊 衰 1: 而戚也,爲之衰 른 所 是心之誠 己。 義禮智根於心 以 世方以文 而 之數,所 其一日禮之本 飲食,故 物, 喪之初 爲 儉也。 喪 事 禮 也。 寶自 不 ', 若 喪 爲之 而 以 口 汙 之 飲 禮

「抔」,原誤作「坏」,今據四庫本改。下同。

0

何 性 意則因『大哉』之言而發,以全體之具而見問之大,非指 本 實與華皆在其中。 本,而又引「禮始諸飲食」以證之矣。 諸 謂 曰『得其本』,則禮之全體無不在其中,似又指性而言,❶ 也? 而言也。」 ·則有末,末固具於本矣。 飲食者是也。 禮之初也,凡物有本末,初爲本,終爲末,所謂 禮之初 ,始於儉與戚,苟得儉戚之理 二説不同、《集註》乃 蓋文之與華,亦因質與 《集註 》之説 然『大哉問』之下有 取 蓋 後 誠 説 本 ,則質與 諸 而生也,有 以 此 夫禮始 儉 丽 戚 文 其 爲

)子曰: 之也。 尹氏似責在上者不能盡爲君之道?』曰: 「只是一 爾。」《語録》曰:「問: 是説上下僭亂,不能 之分也。」〇尹氏曰: 狄且有君長,不如諸夏之僭亂,反無 吴氏曰:「亡,古無字,通用。」程子曰:「夷 「夷狄之有君,不如諸夏之亡也。」 亡,非實亡也,雖有之,不能 盡 君臣之道,如 『程子似責在下者陷於無君之罪 「孔子傷 無君也。」 時 之亂 盡 意,皆 上 其 ൬ 下 道 歎

之祭?

蓋欲季氏知其

(無益

而自

止

又進林放

以

一件有

也。

聖人之言,廣大流通,遏惡

揚

善,

包

函

無

所

不属

如

與?」對 Ш 歎辭。 氏宰。 僭也。 之祭哉? 四望 則 自 屬我,則氣便不與之相感,如 也。」泰山,山名,在魯地。 旅,祭名。 ,不如林放乎?」女,音汝。 山川《語録》曰: 有是神,有是神則享是禮。 止,又進林放以 E 鄭云:「旅,陳也。 救,謂救其陷於僭竊 冉有,孔子弟子,名求,魯人。 言神不享非禮,欲 故夫子言林放猶 愚謂: 「不能。」子曰: 「只緣是他屬 祭山 厲 E 陳其 冉 能 旅。 何祭得他 神者,禮之主也,豈享 有 問 (事以祈焉,禮不如 禮之本、泰山 《周 與,平聲。 也。 我,故我祭得他。 季 禮,諸侯 鳴 氏 禮 之罪。 輔氏 呼 知 大宗 季 ŧ 其 日 氏 寧亨 時爲季 祭 無 鳴 伯 曾 「有是 祭之, 封 祀之備 ×: 益 謂 呼, 若不 非 非 内 而 泰 旅 禮 禮 理

此。」〇范氏曰:「冉有從季氏,夫子豈不知

季氏旅於泰山。

子謂冉有曰:「女弗能救

^{●「}似」,原誤作「以」,今據四庫薈要本改

能不能 既 是亦教誨之道 心,安知冉 其不可告也 八以爲 不能 不能 雖在彼,而教誨之道則未嘗不行乎其間 正,則 而 有 輕棄之、盡己之心、述事之宜 之不 美林 然 也。」輔氏曰"「聖人以人待人,不逆 而 能 聖 放 救、季氏之不 人不輕絶 以 明 泰 山之不 而 可 也。」 盡 順 口 諫 導 己之 誣 也 之。

升,下而飲,其争也君子。」飲,去聲。 〇子曰:「君子無所争,必也射乎! 揖讓而

勝 堂也。 如 西 揖 如之,所謂射畢揖降,以 日 下 升射。 面揖 楹 者,升,取觶 前 立 遜 「卒射,北 西 一卒觶 飲,謂 而升者,大射之禮,耦進三揖 ,勝者之弟子洗觶 胡氏曰: 及階,勝者先升堂,不勝者進坐,取 階 坐 面揖 北 奠于 射 面 畢 「大射之禮,司射作 揖,及階 立飲 豐 , 揖 揖 下 如升射 後衆耦皆降也。」勝者乃揖 ·, 興 降 ,酌奠于上。 也。 揖 揖 , , 適 以 胡氏 先 次反位。 俟 謂 降。 日 衆 三耦 勝 揖 所 耦 一司 者不勝 謂 而 = 皆降 射 勝 後 射命設豐 | 耦卒,射 居者乃 豐 升堂 三耦 而 E 後 出 之解 也。」 出 揖 胡 不 升 不 揖 干 亦 氏 次

> 氏曰: 此, 於射 異於小人之争 取勝,故不能無争。 此,是則所謂 遜之反也。 勝者,取 則其争也君子,而 「恭與遜,皆禮之發也。 加 觶 後 立 君子恭遜則自無所争,獨於射則皆欲 有争。 禮樂未嘗斯 飲 也 也。」言 然其争也 以是觀之,則信乎君 然其 君 須 子 去身者。 非若小人之争矣。 争 ,升降揖遜 恭主容,遜主事,争 恭 也 遜 雍 其 不 争 ~, 雍 容 與 子之真 也 揖 容和 人 君 遜 子 争 緩 中 乃 無 謂 則 乃 的 惟 如 其 如 以 恭

何謂也?」倩,七鍊反。盼,普莧反。絢,呼○子夏問曰:「『巧笑倩兮,美目盼兮,素以爲

争矣。」

縣反。

句而見 何哉? 齊 此 以爲絢兮」云者,夫子删而去之也。」曰: 合於義理者耳。 也 逸 詩也。 蓋 删,又不 且 不可知 《碩人》詩四 或問: 應因 其爲何 今此章之義,夫子方 删 「此詩 章, 此 .; 句 而章皆七 矣 而 蓋 并 《衛 倩,好 及 風 他 句,不應此 有 章 碩 取 「删詩者、去其 例 口 馬, 人》之篇。 損 輔 而 章獨 也 反 旬 (見删 以 多 愚 取

問之。 也。 名也。 案: 加采色 之美質,而 服 絢,采色,畫之飾也。 度云: 盼, 也。 目黑白分也。 「輔,上頷 又加以華采之飾,如有素 子夏疑 車也。」是牙外之皮膚,頰下之别 其反謂 素,粉地,畫之質 言人有此 以 素爲 飾 倩 地 故 盼 而

子曰:「繪事後素。」繪,胡對反。

文飾。 爲質,而後施五采,猶人有美質,然後可加爲質,而後施五采,猶人有美質,然後可加工記》曰:「繪畫之事後素功。」謂先以粉地繪事,繪畫之事也。後素,後於素也。《考

與言《詩》已矣。」曰"「禮後乎?」子曰"「起予者商也! 始可

起,猶 《語録》曰:「聖人胸中雖包藏許多道理,若無人叩擊,則 禮必以忠信 終是無以 發也。 發揮 於外。 爲質,猶繪 起予,言能 番説起, 事 則一 起發我之志 必 以 番精神。」 謝氏 粉素 爲 意 先。

> 固,如高叟之固。 予,則亦相長之義也。」輔氏曰:「楊氏說最明 之表,不然則局於章句訓詁 受采,忠信之人,可以學禮。 故皆可與言《詩》也。」○楊氏 子夏因論「素以爲絢」之詩,而知人之學禮當以質爲 丽 日 讀書者不可泥於章句之下,而學《詩 句之末,則其爲《詩》也固 商、賜可與言《詩》者以此。 繼其志矣。 『繪事後素』,而子夏曰『禮後乎』, 不虚行。」此「繪事後素」之説也。 「好禮與樂」之學,而知切磋琢磨之詩爲自治益 知學,故皆可 :「子貢因論學而知《詩》,子夏因 非得之言意之表者能 相長,則是斆學相長之義也。」 與言《詩 ,而《詩》之教益於人者鮮矣 曰 而 》者尤貴有得於言意 已矣。 若夫玩 苟無: 「甘受和 其質,禮 「子貢因 孔子 可謂 之 所 論《詩 心於章 精之意 乎? 謂 先 起 能 日

吾能言之,宋不足徵也。文獻不足故也,足○子曰:「夏禮吾能言之,杞不足徵也,殷禮

則吾能徵之矣。」

失也。」 日: 不足,則 耳。」文獻若足,則 國不足取以爲證,以其文獻不足故也。 氏曰: 「所謂文獻不足,非典籍與賢者全不可考也,特 無以 「典籍 考驗其事實,賢者不足,則無以質問其得 所以載是禮,而賢者又禮之所從出。 我 能取之,以證吾言 典籍 胡氏 矣。 :有闕

禘·大計反。 ○子曰:「禘自既灌而往者,吾不欲觀之矣。」

趙伯 始祖之廟,而 始祖之廟 循 日 又 「禘,王者之大祭也。 以始祖配之也。 推 始 祖 所自出之帝,祀之於 伯循、名匡、唐河 王者 既 V.

鬯灌 魄歸 臭。 티 : 王爲 始, 既奠,然後炳蕭合羶薌。 灌,然後迎牲 條鬯也。」○輔氏日 侯只有袷而無禘,此魯所以爲失禮也。」灌者,方祭之 勞,賜魯重祭。 其具於《春秋纂例》者詳矣。」成王以周公有大勳 不兼群廟之主,爲其尊遠不敢褻 説,禘則直祭其祖之所自出 趙伯循引《曾子問 毀廟之主。 以稀爲合祭於太廟,上及其祖之所自 東人。○或問:「禘禮之説獨取趙氏,何也?」曰: 語録》曰: 鬱合鬯,臭陰達於淵泉,灌以圭璋,用 地 于地 用 禮家以爲釀秬爲酒,煮鬱金香草和之,其氣芬芳而 所 求神於陰,既奠然後取其 鬱鬯之酒 出之帝, ,故祭求諸 「周禘帝嚳,以后稷配之。 給則各祭於太廟,而不及祖之所 ,致陰氣也。 》、《春秋傳 陰陽之義 《郊 灌 故得禘於周公之廟,以文 脯 地 周 特性 凡祭謹諸 蕭合黍 ,而以其祖配之,但設 公配 》以明給之爲合。 以 也。」蓋 》謂:「周 也。 降 血管合之黍稷 稷,臭陽達於牆屋 之,然非禮 此。 神 周 王者有禘有祫,諸 此説最爲得之,而 出 也。 · 面 之祭禮 魂氣歸于天,形 人尚臭,灌 玉 自 下 或問 及 器 如 出 , 先以 ,實於蕭 也 兩 諸 也 「先儒 矣。 鬱鬯 位 用 儒 故 而 之 惟 未 既 鬯

三四四

以

類次之也。」

蓋 今又如 周公其 傷之,吾舍魯 宋,而不足證 之杞,而 謝 可 諱。 觀 爲祭祀之事物矣。」蓋 意 而 也。 祭祀之事物,及其誠意一 以 而 一併前章通釋之,以見此二章或夫子 於人方起之病,常有拯救之心,此乃天地之心也。」() 不有以箴之。 燔之,以 氏 無 未散,猶有 至此 懈 輔 日 足觀矣。 怠之失雖 民 此,孔子 衰矣!!考之杞 日 求神於陽也。」魯之君臣,當此 而 不 夫子 足 失禮之中又 僭 蓋聖人於人既往之失,常有覆護之意! 小,然却是當時 也。』又曰:『我 可 證 《語 何 祭 所 嘗 觀 適 之罪 也 録 魯 日 以 ,自此以 矣。 $\stackrel{>}{\exists}$; 散,則雖 雖大,而 深 祭非禮,孔 我 「方灌 歎 魯之 宋 欲 失 我 `主祭者切己之實病,不 有升降威 也 禮 已 觀 欲 其 後 時 來已 如 郊 觀 商 焉 觀 誠 時之言,或記 輔 則浸以 意 彼, 褅 道 周 夏 久, 子 氏 故 儀 在 是 道, 道 非 之時 己 焉 日 且 發 本 考之當 幽幽 禮 即 非 國 故之 是故 此 不 懈 謝 也 恶 所 有 厲 歎 欲 怠 誠 其 者 氏 當 U

之於天下也,其如示諸 遠也。 哉?」〇 或 如祖考與吾之身心未相遼絶,祭祀之理固自易通。 有 之本,孝者仁之發,誠者敬之體 仁孝誠敬之至者莫能知 然,交於神明者愈遠 謂之誠,主一無適者謂之敬。 自然者謂之仁,形於人心之至愛者謂之孝,真 近之思也。 報本追遠而至於及其祖 其祖父亡矣,遠矣,不可復見矣,而 無有窮已。」〇黄氏曰: 敬之至,不足以與 先王報本追遠之意,莫深 語録》曰: 所未至,則豈 問禘之説。 子孫不敢忘其 蔡氏曰 「所禘者,無廟無主 然此豈私意常情之所可及哉! 足 「禘是報本中 以 子 則 分所 知 日 「祀先之禮,無非報本 自來 其 、莫能行也。」〇 之所自出 褅 此,非 心 斯 禮 愈篤。 示不 而祀以報之,是謂 爲 仁、孝、誠、 乎 又報本 便見 聖 ,敬者誠之用。 於稀。 ,是其用意甚深 知 或人之所 追以祀之,是 人 報本追遠之深,則 聖人追遠報 - ,追遠 也。 報 指其掌)輔氏日 本 敬、凡爲祭者 中 追 非仁孝誠 知 根 -又追 也 遠 (實無 於天 其 報 行謂追 及 「仁者孝 之 一孝誠 而 本之意 本。 遠者 説 極 ※ 妄者 八理之 至於 也 非 非 遠 致 皆 渗 思 非 追

氏曰:「禮:

不王不

禘。

而

魯僭爲之,是當爲之諱

也

傳

¥ ∃

「諱

國惡,禮也。」或以其

意之或怠而不欲觀

或或

其

《義之難知而不欲鑿,其大意則皆爲魯諱也。」一不,與

之法,又魯之所當

諱

者,故以

不知答之。

輔

○祭如

在,祭神如神在。

必推 事。」〇又曰:「 於世之近者 於祖 之至者能知我之精 褅 與 起哀敬之心而不敢忽,若世之遠者相去已久,精神之存 若非仁孝誠敬之極 本乎天,人本乎祖 祭祀之禮 É 年代悠遠 與於此哉 禮非 否 出 不 始祖之所自 ,祖又出 祖,已甚濶 пΓ 極其仁孝、極其誠敬者,不 得 ,遠及於始祖之所自 而 如自根 」〇真氏 耐 祀之,荷 ,則意其精 於始祖 知,人素不識 "惟仁孝之深者能知此身之所自來,惟誠 遠 出 而榦,自榦而枝,其本則 ,我之有此身,出於父母也,父母又 ,難盡 至,豈 神 而 曰 非 始 祭之, 即 神未散,或嘗逮 察理 祖又出於厥初得姓受氏之祖 祖考之精 其感格之道。 能 一稀 其 則報本反始之義 精 知 者,祭始 出 (聲容,則有易忽之意。 此禮而 微 無乃 III 神。一而不王不 能 仁 知其禮,不能 行之乎 祖 孝 太遠 事 今又推其始祖 一所自 而 誠敬之至 一而已矣。 記 乎? 出 其 1 無不盡 一之帝 聲容,必 蓋凡人 蓋 , 安 行 萬 也。 褅 矣。 故 雖 出 所 敬 其 故 物 能

難

則心盡 之誠,至於始祖所自出 既有以格之,則其他無有不可 死、晝 報本之理,至於始祖所自出之帝,則理無不明矣,推 處既有以明之,則其他 下之理,豈有外於此。」〇陳氏 格 而容易也。」蓋知禘之説 掌,言其明且易也。 視 通。 也 同。 ,亦猶「至誠感神、 而治天下不難矣。 夜、鬼神,只是一 由 而 無 是以治天下,何 指其掌,弟子記夫子言 一理之或蔽; 之帝 矧兹有苗」之意。」〇輔氏日 無有不可 理。 2難之有哉 誠 輔氏曰: 若明 ,則誠無不格矣。 無 《語 則 格者矣。 日 不格, '明者矣。 理 祭祀鬼神之理 録 此是 無 「言如視此 ,則性 Ě 聖人於此,豈 不 所以於治天下 此 最大節 一天地 存 最 明 而 **(疎遠** 而 理 が誠 無 掌之明 自 無不 一,則 陰 目 難 指 無 陽、 誠 追 格 難 治 明 之 不 其 遠 白 處 明 天

真有所不知 也哉?

不

祭先 程子曰:「祭,祭先祖 祭祖先之時,孝心純 主於孝,祭神主於敬 篤 雖 死者已遠, 也 いの」《語 祭神 因 録 時 祭外 追 Ĭ 思、若 孔子 神 聲 也

真 神 聖人但 之神能 口 弟子平時見孔子祭祖先及祭外神之時 〇又曰: 意二字發程子之所不及,其義精矣。」 如 也。」〇 接 人記 見其 得 盡 以 「祭神, 在馬 雲 黄氏曰:「祭先祭神, 孔子祭祀之誠 其 竭 誠 雨 盡 敬, 者 此足以 其 如 儼 此 孝 天地 然如 孔 心 見其 以 子 Ш 神明之來格 在 祀 川 盡 之 意。 官 社 孝敬之誠 也。 固主於孝敬, 時 稷 《語 也 Ŧī. 祭 祀 録》日 外 雖 之類。」 , 致其 得 也。 神, 神明 以與 然其祭之也 謂 孝 集註 此 若有若 誠 愚 之接也。」 山 是孔 以 林 謂 议 交鬼 陵 此 誠 子 谷

子曰 之事。 不得 嘗 又記 也 欠少了 使人代之,若其 如 有 「祭也。 在 故 致 此 一吾不 之誠 孔子之言以 不 其 心 ,故如不祭。」〇 得與,)既不克與,而時又不可 缺 如在之誠 然處 語 與祭 八人自 録 故 便 面 雖 是 故雖已祭 能 使 如 極 明 誠 輔 已祭, 他人攝 氏 其 聖人萬 不祭。」與,去聲 之。 有 (恭敬 未 E 慊 丽 失 丽 言己當祭之時 處也。」 有 固 此 之, 此 有 心缺 則必 無不 故 故 心 謂 則 而 使他人攝之,然 可 然,與未嘗祭等 缺 疾 不得 不得 范 然我 病 然, 或 氏 與 不 這 致 如 日: 祭 得 裹 未 其 或 雕 己 Á

先之所以感通者,吾身即所祭先之遺也。

祭神之所以

感

之意言 凡禮 實也。 已祭,如 在 如 神之理 可 、誠 無其 曰 有 於此心之誠與不誠 享,皆由 誠之至也。 如不祭,誠 洋洋然如在 君子之祭, 意則 見 : 這 此 以 皆 郊 却 裹祭,誠 爲 惟 誠 是私意了。 有 也 虚 幽 ,即是此心之理。」〇問 廟 未嘗 無便無。」曰 是 誠則 也 明 則 ,所以極 此 己 《便交,無誠意便都不相接。」〇又曰 雖 一,特指 祭。 意却 其 心 無 使 萬 爲實,禮 以 E 盡 七 其神, 是故 人攝 事 是誠 攝 不 如如 言乎外 致之也 其 這箇乃是自家欠了他底,蓋 日 ,不必求之恍惚之間 都 達 祭之禮 誠 祭, 在其左右』。 「若只據自家以爲有便 有 戒 於彼 爲 敬 郊 實 爲 可 而 無 神與 專 則 誠 不 不 而 虚 禮 便 則 得 言 (先祖 天 日 爲 如 也。」《語 謹 有 在 自 「恐是自 耳 凡 虚 齋, 不曾祭 神 其 於 然則 平 致 事 也。」〇 也。」〇 所 其 ? 格 誠 都 誠 必 也。」〇又日 神之有 祭之神 如 爲 無 相 心 録 則 見 實 廟 在 胡 又曰 吾不 裏以 ¥ 似。一〇 有 有 之誠 所 如 氏 則 則 是 無 無 祭 「神明 日 其 祭者 爲 便 指 自 與 人鬼 祀,有 誠 便 皆 非 家 見 則 如 輔 有 神 祭 鬼 雖 在 言 氏 空 便 在 得 不

意是説 意 通 (者,吾身即所祭神之主也。 則 自 有 l然感 此 し誠時 格 ,所謂 方始有此神,若無 有其 減則 因其遺,因其主,而 有其 神。」〇 此 誠 愚 即 調 并 聚其 此 范 神 氏 無 語 誠

司也?」
○王孫賈問曰:「與其媚於奧,寧媚於竈,何

了。

不特説神來格不來格也

祀竈。 或問: 尸 皆先設席於奧,而設主奠俎於其所祭之處。已,乃設 祭於奥,略如 陘 所 而 五. 爲 王 主於竈陘,祭畢 於奥。 今亡之也。」○《語録 奥。 ,然後迎 祀,皆先設 孫 **Z**型 「祀竈之禮何所 賈,衛大夫。 非 而 竈者, 可 面 鄭 F 註 做 孔 耐 好 疏 云 祭於奥?』曰 以 爾 安排 祭宗 主 五祀之一,夏 爲逸《禮 也。 而 而 據?」曰:「《月令》: 故又祭於奥以 蓋凡 媚,親 祭 廟 更設饌於奥 問 之 於 》中霤之文。 祭五祀、户、竈、門、行、 「譬 其 儀 五 順 所 如如 所 也。 祀皆設主而祭於其 祭 如 成 然 祭 竈, 蓋 禮。 以 祀 唐猶 後 也 室 「夏三月, 初 竈 迎尸也 凡 設 迎 西 有其 五. 主 則 凡 南 尸 祀 一於竈 饌 書, 霤 設 丽 祭 隅 皆 迎 其

欲孔子 卑賤 常尊, 〇又曰 權 常 如 然。」〇 聖,但其氣習卑陋 《語録》曰: 事 祭之,以盡其 尊之也。 類。」〇問:「竈可祭否?」曰:「人家飲食所繫, 之類,祀門之尸恐是閽人之類,又如祀 不祭於其所 Ŧi. 一祀,先設主 (墓祭則以冢人爲尸,以 0 臣 尊 而當 而非祭之主』。 胡 也 附)問: 氏 而 竈陘 只祭於其所而 ۲, 日 時用事』也。」喻 非 ,則恐奥非神所常棲之地,未必來享。 賈,庸俗 「祀竈以誰爲尸?」曰:「今亦無可考者。 賈, 「求神之道。 而祭於其所,親之也,再 故 「五祀皆於祭俎之後設饌于奥,故云『奥 祭之主 ,想見是竈門外平正可 有 ,自謂有權 媚 衛 奥與 人,見孔子在 竈不如奥,而夏祭主之,故云 之 不祭於奥,則 • 權 故時 此 媚 竈 推 自 竈 臣 可 之, 之言。 結 雖 以引援得孔子 俗之語 則 故 衛, 於 卑 祀 近於褻。 迎尸 將謂 以 賤, 頓 君 Щ 彼 竈 柴 川 此 之尸 須 、處。」〇 而 則 不 有求仕之意, 亦 而 因 諷 祭於堂奥 也。」 聞 如 恐 當 亦 以 祭於奥 是 孔 孔 可 虞衡之 是)愚謂 阳 奥 時 一竈 子之 子。 祭。」 故 膳 附 用 有 有 雖 而 但 兩 夫

子曰:「不然,獲罪於天,無所禱也。」

周。」郁,於六反。

免乎? 天,即 此 日 非 王孫賈,亦使之得聞天下有正理也。」|言日| 之甚,豈 理 對,惟天則無所不包 尊無對,非奥竈之可比 又曰:「天下只有一箇正當 天非有此道理,不能爲天,故蒼蒼者,即 意 特 則 若是違此道 心,不爲 不當媚 聖人之言,遜 理 媚時 獲 《語 也。《語録》曰:「天之所以爲天者,理而 罪 君 無益 録》曰:「天下之至尊至大者,莫如這箇 於 黿 與 以干進,乃是 媚 天 亦 權臣 帷 矣, 豈媚 , 使其 理則無所 不 而 所得 道理,循理而 可 不 媚於 得 也。 而 迫。 不 免乎 罪 於 不在,故尊 知, 於至尊至大者。 奥 輔氏曰: 奥也。 使王 亦 此道理之天。」〇 竈 行,便是天。」其 此是遜辭以 非 所 孫 而 | 當 「凡物必 無對。」 所 能 賈 順 謝 以 禱 而 пĴ 理, 르 取 知 氏 逆 而 拒 畏 道 有

> 知禮乎? 子入大廟,每 禮 備 監 始集其大成也。夫子美其文而從之,豈苟云乎哉!」 爲損益,固非一人一日之所能致也。 之。」輔氏曰:「先王之制,與 「三代之**禮** ,視也。二代,夏商也。 則以氣數至此極盛 而損益之,郁郁,文盛 入大廟,每 至 事問。 周 大 愐 事問。」子聞之曰:「是 備 或日 前 後 氣數相 夫子 相 貌 承、互 言其視二代之 三代之禮,至周 爲始終, 美 謂鄹人之子 爲損益 其 尹 而 文 氏 至此 前 而 後 從 大 相

邑名。 子自少以 稱鄹人之子者觀之,則 而 大廟,魯周 助祭也。 孔子父叔梁紇,曾 知 公廟。 或問: 禮 聞 ,故或人 其 何以 此蓋孔子始仕之時,人 爲 知其爲始 少 賤 之時 |爲其| 因 此 仕 無 時?」曰: 邑大夫。 疑 丽 矣。」鄹 譏之,孔 「以所 孔 魯

〇子曰:「周監於二代,郁郁乎文哉!

吾從

子言是禮者

敬謹之至,乃所以

爲禮

聖人之言。」

意,亦不至觸之以招禍。

其言渾然, 圭角不露, 此

此所以爲

咈理得罪

於天者已多,是乃

開

其

悔

悟

之機

也。

如

不

知

此

禍。」真氏曰:「使賈知此

意,則必惕然自省平日

所

爲

禮

也。」大,音泰。

鄹,側留反。

掌之有司者,聖人前 講 固 敬 者, 豈足以知 謹之至也 論討究,知禮 無所不知,然亦 謹之至處,玩聖人氣象。」〇 芛 氏 日 : 其 「禮者,敬而 之器物與夫登降拜跪之節,及今方見之。 孔 但知 爲 此 子哉?」陳氏日 敬 未之見,安得 其 莫大於此。 理 m 蔡氏曰: E 已矣。 若夫制 m 杰 「聖人聰明 謂之不 知之? 「此章須於聖人 雖 度器數之末 知 亦問, 若已經 知 睿 知 禮

也。」爲,去聲。 也。」爲方不同科,古之道

亦

須須復問

,然後爲審

也

其 革 子 蓋 古者射以觀 射 不全是裸股 射之本意 中,不 以 於 解 不主皮、《 禮 人之力 其 專 之 中 取 ,也是要得貫革。 肱 其 意 以 决 力爾。」〇黄 有 德 外御 如 鄉 爲 但 射》禮 强 此 的 底人。 弱,不 也。 主 所 一於中 E 文。 只是大射之禮 皮,革也,布 只要「内 謂 日 同 鵠 爲 「主於中 等 而 也。 志 力 也。 不 Ī 不同科, È 科, 主於觀 《語 外 前 一於貫 侯 體 不 等 録 主 直 脯 德,却 ¥ 一於貫 一,取 革 也 棲 孔

> 是也。 歎之。 商、散 論耳。 之射遂將習以 周 得 二者問各有 足以觀德, 步之外,亦豈不 射,其强有力者足以 乎?」曰 不主於皮,亦未嘗以貫 事焉者也。 男子之生桑弧 害其爲中 革,則古人射 與,則世之善射 衰, 此可見聖人之仁心。 若主於貫革,則 禮 軍 輔氏 也。」 丽 廢 郊 非 所 射於百步之外而力足以 但 亦 爲常, 也。 宜 蓬 射 日 能 求 列 可 一,然貫 矢以 者亦 貫革於數十步之内 其 以 時 射 而 或 此夫子所以 貫 中 禦 平則 者 如 射 《革爲 革之射 貫 兵 寡 惟 鵠 革,其力不足者雖不 侮 固 此 天 矣。 III 革之射 有力者可 争, 則 射以 也。」《記 地 所 非 周 己 以 H 四 也 不主於貫 衰 可 復尚 雖 儬 人 方 觀 嘆之。」 暫 取 德, (之射, 禮 德 矢 丽 息 與於射 則 不 其 至之,亦豈 **>** 廢 哉? 肚 中, 不 貫 射 mi 日 没 列 革, 可 者, 亂 亦 但 愐 革 : IE īdi 常 國兵争。貫革 則 所 楊 爲 墜 如 能 則 凡 圃 貫 此 射 以 於 故 文具 武 武 是 貫 人人皆 無 與 非 人之皆 氏 注直質 禦 地,亦 謂 革 則 力者不 E 不貫 力哉? 孔 王 日 侮 之事 也 於 而 不 子 克 也 惟 百 可 不 有 Ē 不

中

可

以

學而

能

力不

可

以

强

而

至。

聖人

言古之道,所以正今之失。」

〇子貢欲去告朔之餼羊。去,起吕反。告,古篤反。

餼,許氣反。

告朔之禮: 古者天子常以季冬,頒來歲十二月之朔于諸侯,諸侯受而藏之祖廟。月川以特羊告廟,請而行之。《語録》曰:「特持爲牛也。」○輔氏曰:「諸侯受天子所頒之朔而藏於指特爲牛也。」○輔氏曰:「諸侯受天子所頒之朔而藏於祖廟,所以敬天子也。月朔則以特羊告廟,請而行之。《語録》曰:「特祖廟,所以敬天子也。月朔則以特羊告廟,請而行之。《語録》曰:「特祖廟,所以敬天子也。月朔則以特羊告廟,請而行之。《語録》曰:「特別、一月之朔于諸侯,諸侯受而藏之祖廟。月二月之朔于諸侯,諸侯受而藏之祖廟。月二月之朔于諸侯,諸侯受而藏之祖廟。月

愛,猶惜也。子貢蓋惜其無實而妄費。然子曰:「賜也,爾愛其羊,我愛其禮。」

不當事,所惜者是禮。□○楊氏曰:「告朔,諸侯《語録》曰:「常人只是屑屑惜那小費,聖人心却將那小費, 去其羊,則此禮遂亡矣,孔子所以惜之。禮雖廢,羊存,猶得以識之而可復焉。若

矣,然羊存則告朔之名未泯,而其實因可所以稟命於君親,禮之大者。魯不視朔

舉。此夫子所以惜之也。」

〇子曰:「事君盡禮,人以爲諂也。」

禮,小人以爲諂。 山人。○愚謂:禮只是儀節,如拜下,禮也,今拜乎上,泰 孔子言之,以明禮之當然也。」黄氏,名祖舜,三 黄氏曰:「孔子於事君之禮,非有 當時以爲諂。 慢,反以爲諂爾。 盡。豈於禮之外又有加益哉!當時君弱臣 也,雖違衆,吾從下。 如是而後盡爾。 若他人言之,必曰我 〇程子曰:「聖人事君 如此等處,聖人必至禮而止,故曰 時人不能,反以爲諂。 而孔子之言止於如此 所加 强 事 事 君盡 F 故 也 簡

○定公,魯君,名宋。二者皆理之當然,各欲對曰:「君使臣以禮,臣事君以忠。」

聖人道大德宏,此亦可見。」

定公而 尹 説 臣 之,則下 之事君 臣 足。」尹氏 而言,則 而言之爾。 患 自 ,所以 氏以則字介乎其間 禮之不 以 杰 日日 禮 亦豈可 m 發 如 氏以 明 如 腹 一,則臣 恐亦有此 人不 君 此 若爲臣 心」,道理 日 主 君臣各盡其道而言,言之正也。 説。 臣 以 盡 當 不忠 事君以 心。 各盡 但 而言 昌 事 君 意,專以警爲君者也 道 也哉 是 ,似若舉 君 氏 如 其 理 臣 ,則曰,君之使臣雖不以禮 如此。」〇愚謂: 孟子所 日 不 分, 亦 □○《語録 忠。」或問:「吕、尹氏之説。」 以 是如 : 患 而 義合者 其 謂「君之視 不 使 而 此。 可 廢 無 臣 有 ¥ 禮 自 不 交相 也。 吕 是 然夫子之言 ,患忠之不 患 臣 一尹 氏患不忠之 人主不 尹 責之意 故君 其 如手 氏 、氏則 不忠, 就 足 爲 加 人 也。 使 因 則 遇 君 君 臣

音洛。 〇子曰:「《關雎》,樂而不淫,哀而不傷。」樂,

者 而 害 雎 於 和 渦 者 周 而 也。 南 失 其 輔氏 或 正 目 風 者 参詩 「失其正,以理言 也。 之首 傷 者,哀之 I篇 也 也。 调 淫 害

識其 感於性 之如 害於和 焉 樂,皆得其和且 則 也,心不宰焉,則 有那情性,方 〇問:「詩人之情性如此,抑 鼓,是不淫也。 側」,是不傷也。 識 得,則不能 雎》之詩,言后妃之德,宜 於 宜其有琴瑟鍾鼓之樂。 丽 濫溢 不 和 則 其性情之正 性 淫 以 ⋌詩之教猶爲不廢也。」○胡氏 此。 發 情之正 ,故淫 氣言 鬱 於 其樂 而 欲學者 情 有 也。」〇黄 無 不 鬱 那解 若 Œ 傷 流於傷與 若憂愁哭泣 後 而 寤寐 丽 焉, 沉 雖 深則 宰 世 也。 氣聲 湎 發於人欲之私 盛 故 音 於 玩 氏 淫泆,則淫 反側之憂; 學者能玩 哀怨 雖 心 音。」〇輔 而 《語 Ы (淫而 其 不傳,學 者 詩之辭意如 不 辭, ,故傷。 則 也。 録 「樂氣盈 不自知矣。 失 **₩** 蓋其憂 傷 配 矣。 其 E 其 氏 審 其 者 矣。 則 辭、 君 發於天理之公則 形 日 其 「憂止 IE 求 能 是得 淫 子。 觀 審 於 此?」曰 玩其 樂 音 一, 故 愐 「哀樂,情之發 氣鬱。 丽 詩 聲 《關 雖 其 止 傷 性 於「展 之法 音 詩 得之, 糴 雎 情 於 求之 而 夫 深 琴 則 而 播 之 盈 侕 有 子 也 原 瑟 諸 轉 有 可 E 而 以 稱 不 則 開 其 得 以 是 鍾 反 過

淫 傳, 筦弦,則聲音 也、琴瑟鍾 致其憂,思之深矣,然未至於悲怨,則不傷也。 作、蓋其欲得 情 也。 性, 惟 詞 玩 因 語 其 |其詞 鼓以 可 詞 1亦可 賢妃以配文王。 以 語 語即 宣 玩 味耳 審 以略見矣。」 其 可以 其 和,樂之至矣,然未至於沈湎 聲 知其情 《詩 音 丽 集傳 Ę 方其未得也,寤 性,至於播 巡 今情 嗣 性 雎 難 於長言 》爲 知 及其 寐 官 聲 反 中 被之 則 得 側 音 人 不 所 之 以 不

松,殷人以柏,周人以栗,曰使民戰栗。」○哀公問社於宰我。宰我對曰:「夏后氏以

社以木爲主,今以石爲主,非古 用其木以爲社主。 主 宰我,孔子弟子,名予。 云:「凡建邦立社 人説神樹之類。二〇輔氏 主?1日:「看古人意思,只以樹 同者,古者立社,各樹 「夏都安邑,宜 也。 語録》曰: 松。 ,各以其所宜之木。
 孔類達 而朱子又當取沙 商 問 都亳,宜 目 「不知以木造主,還 其 柏 也。」 此 爲社 魯人。三代之社 土之所宜 註 周 愚 隨程氏説云 主,使 疏 都 案 説 豐 岛鍋 也 以 神依焉 石易木,不 孔 便 木 宜栗。」謂 正 安 以 義 「古者 以 如如 國 樹 Z. 不 爲 註 今 爲

知其所從始,然地道敏樹

,則植木爲主宜

也。

想後世以

於社 言周 用命,則戮之於社也 右。 <u></u> 制,而知夏商之亦然也。」戰栗,恐懼 木有榮枯 「設其社稷 「弗用命, 左,陽 一故附 所 以 也,右,陰也 故 之壝,各以 易用 用 戮於社。」 會其 栗之意 石耳。J〇 説 其 一蓋古 陰主殺 與? 野之所宜 如 胡 者建國,宗 此 氏 行 輔 日 木」。 氏 軍 豈 || 周 則 \Box 廟 以古者 貌。 載 此章之解 「《書 禮 在 社 左, 主以 宰 大 社 戮 我 甘 司 稷 因 誓 徒 又 弗 周 在

子 聞之曰: 枌榆社,皆是以木名社也。 出 故夫子責之。」輔氏曰: 其社,非 不能已,諫之終無益也。」孔子以 遂 其後也。 社之本意,又啓時君 微子之不諫商紂、百里奚之不諫虞公近之,蓋知其勢之 ,不可復救,故歷言此以深責之,欲 事 謂 取義 事雖未成, 〇尹 成事不說,遂 於 氏 木 曰:「古者各以所宜 也。 丽 後既易之以石,則不復名之 「《莊子》書 殺伐之心, 勢不能已者 事不諫 宰我 宰我 不 有櫟社, 既往 知 所 而 m 對 其 輔 不 漢書》有 妄 言 木名 氏日 . 咎。 使 非 對 謹 己

况導人以殺戮之事哉! 此夫子所以深責之也。」以語人,不惟無益,而失己欺人之弊,有不可勝言者,又於鑿,流於妄者,或不能免。 大凡己所未曉之事而妄言矣。」○又曰:「宰我在言語之科,然觀此戰栗之對,則失

〇子曰:「管仲之器小哉!」

道。 以 0 則 可 卑 其 其 就他施 器小,言其不知聖賢大學之道 去、則富貴能淫之、貧賤能移之、威武能屈之矣。 淺,規模卑狹,不 管仲,齊大夫,名夷吾。相桓公霸諸 其局 知, 狹,一 (所爲。] 〇黄氏曰 卑狹者,又以其不知聖賢大學之道,局於資稟 輔氏曰: (規模必卑狹、未有不能正身脩德 (事之發見 《語録》曰 量 不 設處説。」〇又曰 體 編後、 能 一用,無非小也。 「其所以 河言。 致主於王道 規模卑 :「局量褊淺,是他容受不去了。 心者,器之體,事者,器之用。 :「局量 不能正 -狹故 能正身脩德以 ,則事之所就 「局量是言其資質,規模是言 也 身脩德以 指其心之蘊蓄而言,規模指 不能正身脩德,則心之所向 丽 而 其 能 (所以 致 可 致主於王道 主於王道者,蓋 知。 ,故局量 致主 局 量 局 褊 量褊淺。 牿 規 容受不 於 淺 也。 褊淺 模是 侯。 於 Ŧ 褊 物 規

> 作局。 處。 欲,而 此,學者豈可疎略 小之驗也。效之不至也,無是本則無是效矣。| 〇又曰 器小也。 模以器言、褊淺卑狹以小言。 之證亦略有先後,但不可分開 相桓公霸諸侯而已。 身脩德,好奢而犯禮, 量是就身上言: 初以局量爲度量,後因學者有問, 規模是就事業言: 不能 豈以 本之不立也,不能正 盡 局有器之義而識 此心之量、此性之體故也。」〇 局 而觀之哉。 是格局 二者蓋兼内外體用之説 規模卑狹,故不能 其所施設處局 其所有 爲 身脩德以致主於王道 不知聖賢大學之道,所以 了。」〇胡 疎 處, 邪? 而 欲更 量 量 氏 致主於王 褊淺,故 是 度爲識,今定 E 陳 字之精 度 ,以爲器 氏曰: 量 一局 其 不 道 量 能 所 局 器 , 僅 如 規 小 藴 IE.

不攝,焉得儉?」焉,於虔反。或曰:「管仲儉乎?」曰:「管氏有三歸,官事

其證 而備 築三歸之臺」,而韓非亦曰「桓公使管仲有三歸之家」,是 或人蓋疑器小之爲儉。 苑》。 九女,如諸 也。」曰: 或問三歸之爲臺 「舊説婦人謂嫁曰歸 侯之制 也。 且 名。 雖 三歸, 臺 E] 名,安知不以 一歸云者,一娶三 臺名。 説 苑 謂 處是人 事 一管 見 仲

於僭 圃 兼 名之乎?」日 數 也。」攝 今夫子但以爲 事 管仲不 兼 「若此 也。 不儉 然,皆言其侈 ^^; 則 則 家 爲 臣 亦 僭 但 不能 Ł 一爲 一失禮 極 具官, 臺 與 觀 寒門 之侈 反 人 而 坫 未 同 常 至 科

有反 亦樹 **站**,丁念反 然則 站。 塞 管仲 菛; 管氏 知禮乎?」曰 邦君 而 爲 知 兩君之好, 禮,孰 「邦君 不 知禮?」 有 反 樹 站 寒 ·,管氏 門, 好,去聲 管 亦 氏

禮:天 於其 者人君别 猶 禮 是禮之所存矣。 好 方尊管仲之功,而不敢議其失, 爲儉,則似矣,聞其不儉而 或 會。 蔽 人又疑不儉爲 而 不知 Ę 子外 也 坫 内 奢而過者之尤失禮也。」 ,屏,諸 愚謂 外, 設 在 於 屏 又方文勝,故 兩 門 侯 古 於 内屏, 楹 樹 1者諸 公門,以 知 之間 屏 禮。 以 侯與 遽以 大夫以簾, 敝 放以爲凡管仲之所 蔽 徒知 塞 爲知禮 或問: 、鄰國 獻 之, 内 屏謂 酬 儉 爲 蓋 外 上 「或 飲 ጢ 好 何 以 小 也 不及者之爲 會 人聞 畢 之 .哉? 牆 帷 樹 È 當 山米器 愚 則 君 門 好 曰 謂 獻 反 中 爲 塞 而 : 賓, 爵 謂 也。 世 古 非 頂 以

氏曰:「自脩

身正

家以

及於國,則

其

本

便已驚 禮也。 不足以 之小 儉,故 禮 爵 賓筵 此 復明言 禮,故又斥其 譏管仲之器小,其旨深矣。 矣。」此言當 È **阼階上答拜**。 該 奢者,其器之小 括盡管仲所爲,故言其旨深。」或 飲畢反爵於坫上也。 ,飲畢反此虚爵於坫上,主人阼階上 亦 一,而 前 天動 可 可 動 蓋 受爵,飲畢反此 斥 管仲僭之, 見矣。 其 奢 小器之所 知 而 心 地 其 犯 賓 奢 所 而唯 深 而盈也。 禮 蓋 (於站 僭, 以 故 以 味 器 便 吾 肆 程 明 也。 取 虚爵於站 以 以 不 是 義 然 大, 大夫則 爵, 理 子 他 犯禮者 犯 然, 其 明 知 之是 禮 裹 輔氏 洗 則 曰 非 其 禮 面 爵 : 而 無之。 Ė 無 自 着 行 儉。 日 : 也。 其 不 「奢 酌 所 其 不得 自 知 輔 於 、器之盈而 知 以 忌 所以 西 酢 氏 拜,賓答拜。 然不 而 器 禮 或 不 也 禮 此 見些 階 日 主 大則 0 [.8 犯 上皆諸 又 而 知 愚 E 至 小者 此 禮 拜, 溢 天下 無 疑 謂 胡 於 蓋 器 而 小 世。」蘇 一,其 È 奢 氏 小 主 此 其 雖 疑 侯 功 孔 ·之物 是賓 人 兩字 人 侕 日 器 子 失 於 知 其 不 受 於 犯

善

也

其器,所以

即

事而

名其實也。」〇又曰:

「才與

器

生

氣質

其

所

能

爲

者謂

之才,其

(所能

受者

謂

之器。

純

和

也

0

陳

氏

日

純

則

相

濟,

如

而

和

0

胡

氏

疑

《不儉之爲知禮。] 〇輔氏曰:

「大其功,所以從衆而

揚

其

時

八人但

見有箇管仲,更不敢擬議

他,故疑器小之爲

儉

义

矣。」《語録》曰

恐「混爲一途」之下,少些曲

折

蓋

當

遇

爲

功,

何

不

知

爲之範,

則

不

悟

其

小

以

不儉告之,則

又疑

漢 其 知

禮。

蓋

世

方

以

爲

一途。

故

聞

管仲之器

小,

則

疑

其

爲

儉

宗齊。」蘇氏,名軾,眉山人。 反站,桓公内 稱也。 九合諸侯、一 是謂 日 佐之才,雖能合諸 先 管仲死,桓公薨,天下不 自 大器 「夫子大管仲之功 道學不明,而王霸之略混 治 匡天下之功。 ·嬖六人,而霸天下 ൬ 後 ○《語録》曰:「只爲他 揚 治 雄 人者 所謂「大器 侯、正天下 三歸、反坫等用 是 而 也 小 復 其 其 管 猶 本 處,楊氏説 明 求其美也。 器小爲儉,退 就者,亦如此之卑也。 受局於器 仲之才,雖 ○陳氏日 亦將光明盛大,雖伊周 之道而從事焉 奪 得 足 如如 不能 於 以合諸 進 , 則 步以 楊 欲,是以 致 侯、

器。

蓋非王

處皆小。」楊氏

領淺,只

(做得

本

固

已淺矣。

仲

歸

使

仲

前

嘗

學

於聖人之門,知

大

Œ

天下,

而

其

器之小 免幸

木

能

大,

其

奢

而

犯

禮。

苟

濟

而

其

所

成

規

矩

進

繩

其及者

遠,

其器不足

宜 詭 翕 〇子語魯大師樂。 如 也 , 從 之, 純 如 曰 : 也 樂其 皦 如 可 也 知 繹 也 如 也 始 作,

也。 官名。 語 , 告也。 胡 氏 時 日 音 2 胡氏曰: 樂廢 樂 作 「不待其問而告之也。」大 愐 闕, 不 合, 故 孔子教之。 則 不 備。」從, 放 師

成。」 説通看,乃備其義。」 ,功利是驚,人已眩 語,去聲。 大,音泰。 氏説得不知 其器之小者可以大,而其才之能 退 主於 水其美也,以不儉爲知 惑於管 而 事業,可以立致矣。」〇又曰 從,音縱 八王道 終欲成仲之美。 仲 ,所以規 大學本 之功 圃 -領,所 模卑 不 蓋當 敢 禮 俠 以 議 處 進 局 時 其 翕,合 須 量 失 道 一:「以 矣。」 學 也 步 爲 褊 洛 以

故 也。 以 心 成。」輔氏曰: 音合矣,清濁 周 也 日 反 曰 不具,不足以爲 既 既 通默 而復始,故謂之一成。」〇謝 求樂之義哉 ௱ 皦 别 和 翕 ൬ 陳氏 胡 ൬ 如 純 會, 相 氏 合 不 不 連, 如。 日 何以及此? 明 日 則易至於 相 然豈宫自宫 連 則 「夫子之言樂,首尾具舉,節 如 「皦則節奏分明而 合 翕而純, 續 無别。」 高 貫 而 則 下,如 迫 樂。 珠 無 和 繹, 蹙,故 又得謝氏發明之詳 純 可也, 貫 矣、欲 而皦,皦 通 翕如,言其 相 五 愐 之妙。」成,樂 放之而 味之 續不 商自 氏 不相 故 其 而 曰:「五音六 日 絶 欲 繹。 陵奪。」○胡氏 無 相 商 其 繹 也。 乎? 相 濟 八合也。 目 其次第如 和。」皦, ,可不玩其説 如 奪 分明, 丽 之 胡 也,以 倫, 後 不 氏 非 和 日 日 此 相 故 五 律 終 明 其

患於喪乎? 天下之無道也久矣,天將以夫嘗不得見也。〕從者見之。出曰:「二三子,何○儀封人請見。曰:「君子之至於斯也,吾未

子 通也。 舌, 狹矣。 儀,衛 爲木鐸。」請見、見之之見,賢遍反。 「《明堂位》言:「振木鐸于朝。」」言亂極當治,天必 恙也,二三子又何 之説,而蘇氏因之,得其指矣。 而已,固未有以知其爲斯文之喪。 爲斯文之喪,子獨以爲失位之喪,何也?」 國,禮曰「喪欲速 之,自言其平日 下位者也。」君子,謂當時賢者。 從容,既出而語門人之語,亦深得其大致 溺之狷介自高矣。 於下位者也。 祭封人、蕭封人、皆典封疆、 周官名。 施 雖其見聖人而 政 邑。 見之,謂 掌爲畿,封 教 封人,掌封 時 :思於斯文之喪乎?」木鐸,金 所 胡氏曰: 自言其得見君子之多,則 m 不 通 振,以 請問之辭不傳,然意象 貧」 殖之。《左氏傳 見絶於賢者, 使 一是也。 「封人有請見之心,則非 得 在邊邑者也。」蓋 疆之官 警衆 見。 蓋封人亦 且 或問: 者 當是時,夫子問 喪, 從、喪, 》所 至此 胡 也。 日 日 ,則賢者而隱 氏日 謂 諸 謂 丽 何何 八所聞 和平,進 穎 「此劉侍讀 皆得 賢 失 求 胡 家皆以 患於 谷 氏日 一封 E 位 以 而 封 若 不 喪 木 人 去 自 見 隱 人 無 於 退 剪 淺 沮

見夫子而 使 夫子得位 《語 遽 録 以 × E 是稱之,其所得 設教,不 「儀封人與夫子 久失位 於觀 世。 説話皆不可考, 封 感之間 人一

將

驗所聞 觀之者固當知所敬愛矣。 之間必有所見,故爲此言。]○輔氏曰:「聖人德容之盛, 但此人辭氣最好,必是箇賢有德之人,一見夫子,其觀感 即 其已然 而得 其將然,不惟有以見聖人之當乎 然封人之贊夫子,則因所見以

可謂 天,而又有以知天之不能違乎聖人也。 深矣,豈 他 人所 能及哉 "...或 曰:「木鐸 其得於觀感之際 所 以

徇 其 于 (教,如 道 路,言天 木鐸、 之徇于道路 使 夫 子 , 失位, 1 也。」輔氏 周 流 四 日 方 本 以

○子謂《韶 盡 美矣, 又盡善也」。 謂《武 ×,

説意實而味長,後説意巧而

味短。」

盡美矣,未盡善也」。

相 好,善則其中有德行耳。 韶》,舜樂。《武》,武王樂。 `可謂美矣,善則是那美之實。」○又曰:「實是美之 善者,美之實也。 以樂論之,其聲音節奏與 《語録 日 美者,聲容之 「美 如 人生得 功 德

下,行一不義,殺一不辜,而得天下不爲」。 子不同。 武,也不得。 盡美處。 티 撞着好時節; 來,自是不同。 之德,反之也,又以征誅 舜紹 《集註》已分明。]〇胡氏曰:「美者善之著,善者美之實。」 王當舜時,必不及《韶樂》好。」〇又曰:「舜之德如此,又 有不同者。 舜之德,性之也,又以揖 美,蓋《韶 好。」○輔氏 所以然處,且 其樂皆盡美。 謂其聲容之所以美。]〇陳氏曰:「美以功言,善以德言 舜以揖遜 「德有淺深,有幸不幸。 堯致治,武王伐紂救民,其功一也,故 至謂 今若要强 》盡揖遜繼紹之美、《武》盡發揚蹈厲之美。」然 目 舜、武不同,正如 如 「得百里之地而君之、皆 ,武以征伐,征伐雖是應天順 武王德不及舜,又撞着不好時 《語録》曰:「性之、反之,也要尋他本身上 使舜當武王時,畢竟更强似《大武》,使武 織 「聲容言樂之聲、舞之容也。 胡氏 出 说舜 絹 與 日 武同道,也不得; 布,雖皆好,然布終不若絹 「盡美者、《韶》、《武》各 舜性之,武王反之, 孟 遜 而得天下,故其 子言伯 脯 I 能以 有天下; 夷、伊尹之於孔 必欲美舜 朝諸侯,有天 人, 自是 是則同 美之實,則 節。」〇 自 武 而 有 有 盡 會 Ŧ 眨 洛 又 其 之

陳氏曰"「揖遜征伐,乃所遇之時不同,非干性反之故。」 此以觀其心。二〇又曰:「舜之德性之,武王反之,是他身 舜、武同異 原其性之反之之異,亦何以觀其深?」○程子曰: 意思相合,便是德之影子,不可謂不相干也。」〇蔡氏曰 ○問:「性反與樂何相干?」曰:「樂雖由外作,却與本人 上事與揖遜征伐不相干,但舜處武王時,畢竟又别。」〇 亦不多争。 或疑性之反之之説頗遠於樂,殊不知樂觀其深矣,若不 正 《韶》、《武》之樂正是聖人一 如 此。 故武王之德 雖 比舜有淺深,而 箇影子,要得 治功 因

所欲,所遇之時然爾。」《語録》曰:「問:「使舜遇善。堯、舜、湯、武,其揆一也。征伐非其

成湯放桀,惟有慙德;武王亦然,故未

盡

是大段負,固不得已,也須征伐,如伐苗是也。」」〇輔氏湯武之時,不知如何?」曰:「只怕舜盛德,人自歸之。 若一人名 一人 计工工

心、順天應人之舉,則其揆一也。故成湯之德爲有慚,武曰:「舜、武王之樂雖其實有不同者,然聖人至公無我之

何以觀之哉?」〇子曰:「居上不寬,爲禮不敬,臨喪不哀,吾

王之樂未盡善,皆所遇之時然耳。

觀人之得 可就其本上看他得失厚薄。 曰:「觀字有辨明兩件底意。 須是有上 ○又曰:「如寬便有過不及,哀便有淺深,敬便有至不至。 而觀其所行之得失哉? 本,臨喪以哀爲本。 居上主於愛人,故以寬 面這箇物事,方始就這箇見得他得失。」〇陳氏 失。 若 無其本, 則 既 若無其本,更看箇 此三者是根本切要處,可以 其 爲本。 無其本, 《語録》曰:「有其本,方 他 末 處 爲 無 미 則 禮 以 以 以 甚 觀 何 |麽?| 敬 其 者 爲 得

里仁第四

凡二十六章。

子曰:「里仁爲美。擇不處仁,焉得知?」處,

上聲。焉、於虔反。知、去聲。

失其是非之本心,而不得爲知矣。或問:「孟人淳厚,便是那鄉村好。」擇里而不居於是焉,則里有仁厚之俗爲美。《語録》曰:「如今有箇鄉村

哉! 也。 E! 恐聖人本意止於如此 義考之,則擇云者,不復指言所擇,而 子嘗引以明擇術之意,今直以擇鄉言,何 「道無精粗,凡所當然,無非道也。 薫陶染習以 學者不 可 成其 以 擇里爲 德, · 而 孟子姑借此以明彼耳。」○黄氏 賙卹保愛以 粗, 而 必 欲以 全其生,此豈 特因上句以爲文, 居必擇鄉,居之道 也?」曰: 擇術之言 「以文 細 爲 故

樂。仁者安仁,知者利仁。」樂,音洛。知,去聲。〇子曰:「不仁者不可以久處約,不可以長處

精也。」

主 黄氏曰:「本心者,天理之公,失其本心,則人欲之私爲之 説道他不仁,則約便濫,樂便淫,也有不便恁地底。1.1○ 故?1曰"【也有時下未肯恁地做底,聖人説話穩。 失其本心,久約必濫,久樂必淫。《語録》曰: 小人能移爲惡之心以爲善,則何有哉?」不仁之人, 利,皆深喻篤好,故必欲得之。蓋天理人欲同行而異情, 必欲得之也。 約,窮困也。 「問:「既是「失其本心」,則便解濫淫,而必以久言之,何 徇人欲之私,豈能久處約、長處樂乎?」○輔氏 利,猶 輔 氏 曰:「知者之於仁,猶小人之貪 貪 也。 蓋 深 知 篤 好 而今 而

之安静 外物所能奪,然人之資稟亦自不同,有得仁之深者,有 安。 見。 故曰其。 於仁,亦未有不由於知也。]〇愚謂,安仁者心與仁爲一, 知之深者,加學問之功,則知者亦可以至於仁。 長處樂,皆確然不爲外物所奪。]〇蔡氏曰:「仁知雖皆 而不易所守,在富貴不能淫,在貧賤不能移,故久 殊不以約樂爲事,視外事若無有也。 不已。」〇陳氏曰: 於不旋踵之後。 守,則所謂知 所能奪矣。輔氏曰:「仁者安其仁而無適不然,如 不易所守,蓋 者則安其仁而 心,則以物爲我,逐物變遷,好惡生於瞬息之間 日 蓋仁者安其仁而無適不安,久處約亦安,長處樂 如舜飯糗茹草,若將終身,及被袗鼓琴,若固 濫謂 而 知者心與仁猶二也,故曰 無物不 濫 溢 而弗去者是也。 爲 日 體、無時不然。 非, 雖 「仁者智者之能處約樂,只於安利 濫 無適不然,知者則 深淺之不 淫謂 日 淫,蓋 淫佚自 有不 知者知而不去,仁者常 知者利 失。 同,然皆非 於。 期然而 知者貪仁如 不仁之人失其 ○謝 於仁 然者。」 利於仁 而 氏 然欲至 ,欣厭起 不 惟 作利 外 處 有 日 易 處 約 之 物 而 便 地 本 īffi 所

「仁者心無内外遠近精粗之間,非有所存

聖人之事乎?」曰: 外意思。 才, 有所 覆 画。 安處也。」〇陳氏曰: 就粗底做。」〇問:「安仁者非顔 也。」《語録 耳 仁,貪利爲之,未要做遠底,且就近底做,未要做精底,且 説,❷極通 爲不遠,不 利仁則二。安仁者非 可 而 處。 謂 聽,手持 自不亡,非有所理 遠 謂之見 理斯不亂,未能 精粗 近以所在言,近是目前處,遠是千里之外極天所 之有 吾心渾 透。 以 》曰:「問: :所得 事 加 謝 知此 道 然 言 足 氏此説 不 「是。 精 「内外以身分别,内 行 則 理,無内外遠 味也。 惑 是 「遠近精粗之間。」曰:「亦只是内 也。 未 到顔、閔地位知得此味,猶未到 ,他人所不到。二〇又曰 人 則 可。 而自不亂, 細 無 顔、閔以上,去聖 可, 諸 知者謂之有 底 意 、閔以上 事 然 也。 有所 子 近精粗,●這段分别 粗 未 雖 是 是喪 不 安仁則 存斯不 至粗 有 免 知 如 面 此 於 卓 所 目 鄙 味 ,外是外 ·越之 利 視 見 底 Ļ, 便 利 事。 之 人 則 而 是

> 如何流 當,如目視耳聽,手持足行,動者便自然相應。」 諸人也。」〇又曰:「安仁則純乎義理,仁即我也,我即仁 故二。」〇莆田黄氏曰:「仁者心存隨處者,仁如源清,看 也 然未免於利之也」。 仁之事,所謂「諸子雖有卓越之才,謂之見道不惑則 所經理,則其用斯不亂。 其體也, 夫仁,然未能得之於己也。 閔以上,去聖人不遠者,不知此味也。 於使,故如目視而耳聽,手持 精粗之異,我固有之,自然而然。 曉然矣。」○輔氏日 故 出皆清 非有所理而自不亂,言其用也。 利仁則心知欲仁,守而勿失,於仁猶 也,更不待計較安 諸子,蓋指孔門群弟子,由、 「仁體 此意少解,則不能不失之,此 事 有所操存,則其體斯不亡; 而足行,此安仁之事,非 丽 無不在 排 非有所存而自不亡,言 其 知者之知,足以 ,故心無内外 體常存 其動以天,不待 有 、賜以 其 間 用 遠 也 пJ 顏 下 有 知 近

○子曰:「惟仁者能好人,能惡人。」好、惡,皆

● 「說」字,原脱,據《朱子語類》卷二十六補。● 「無」,原誤作「吾」,據《朱子語類》卷二十六改。

貫,何有內外遠近精粗之間?

若見得仁分明,此等處自

仁者之心,日

用間渾

是天理流行,無

一處不該,無

物

不

不能皆當乎理,

īΕ

而不公,則切切然於事物之間求其是,

而

心

却不公。

所以

此兩字不可少一。」〇黄氏曰:

「謂之

惡當理 乎其間 意。 日 是不仁。 理 惟之爲言 ,輔氏曰: 「好其所是,惡其所非,人之至情 其心之所好,理之所當好,其心之所惡,理之所當惡 一,惟仁 則 不仁,則其好惡自然與 僧 獨 者 而 「仁者心之德,純是義 不 也。 能 知其善,愛而不知其惡 之。 蓋 仁者之心,渾然天理,無 無 私 八義理 心,然後好惡當於 理,才有纖豪私 也。 相 違 然有 者有矣。 悖矣。」〇 私 欲 豪 故 胡 意 便 私 好 雜 氏

JĻ, 心; 説。 心裹公,正是好 字,其實公自是公,正自是正,這 無私 兩字解這 體 「好惡當於理」解「正」字。 用 面 有人無私 **=** 意,正是箇 備矣。」○《語録》曰: 好惡又當於理。」〇又曰: 處, 「公者,心之平也。 怕 Ę, ?惡得 無所偏主處。1〇又曰: 人理 而好惡又未必當於理。 來 會不得,故以「無私心」解「公」字, 當 理。 「惟公然後能正。 有人好惡當於理, 正者,理之得也。 苟公而不正 兩箇字相少不得。 m 今人多連看 「程子只着箇公正 惟仁者既 ,則其 公是箇廣大 丽 一言之中, 未必 好惡必 公 公是 正二 無私 無私

> 故也。 之同 而有不惡者引之於中,所以卒至於倒行逆施,好 惡當於理 心,所以 者,心有所 心之謂。 公則所好 亦未得爲當理也。」○輔氏曰: 無私心,苟不合正理 曰:「二字固須兼 其公, 仁者皆天理, 邪 得其公正,則是一 好 ,所以爲能 情 善而 方其好善也,而 ,然人每 正者,即 所惡之事皆得其正。」〇胡氏曰: 用 能 惡惡,天下之同情 也。 好惡也。 繫 好 失其正 惡 有是 盡 丽 好 好惡當於理 ,乃私 所以 然亦 也。」輔氏曰:「好善惡惡,雖天下 不能自克也。 體 仁 惡皆 有不好者拒之於内,方其 者,不 , 則 者無私 見於好惡 也, 相 有以得天至公至正而 因 有是用 能 之謂。 雖或當理 「公以心言,正 致 非 欲 知 然 截 他。」〇 者,得其 ,所以見於好惡 誠 然 無私心, 意 惟 荷 人每 而 物。 「公者 未能 有 游 正。一〇 以事 所 者 失 體 更 氏 其 思 無私 即無 累 也。 須 非私 無 其 所 惡也 言,心 日 于心 陳 知 惡 私 TE 心 好 得 私 雖 氏 非

也。」

程子所謂「得其

公正」是也。

或問公正之

惡其所好,而無所不至矣。」

之理。西行人亦然。」○楊氏曰:「苟志於仁,未敬」之類是也。」志者,心之所之也。 其心誠在於仁,則必無爲惡之事矣。《語録》曰:「歲志仁時,便無惡,若間斷不志仁時,惡又生。」○黄氏曰:「人心不可兩用,志於此必遺於彼,所患者無其志耳。況仁者,此心之全德,誠志於仁,則必先存此心天理之公,而去其人欲之私,惡念何自而生乎?」○永嘉陳氏曰:「此是君子小人分路,猶向東行,人一心向東去,無復有回轉向西子小人分路,猶向東行,人一心向東去,無復有回轉向西子小人分路,猶向東行,人一心向東去,無復有回轉向西子小人分路,猶向東行,人一心向東去,無復有回轉向西子小人分路,猶向東行,人一心向東去,無復有回轉向西子小人分路,猶向東行,人一心向東去,無復有回轉向西子小人分路,猶向東行,人一心向東去,無復有回轉向西子小人分路,猶向東行,人一心向東去,無復有回轉向西

爲惡哉!」 三也。志在於仁,則思慮自不到於惡上矣,又安得志於一,思過當,或資質之偏,或氣壹之動志。無惡,則志爲之用意過當,或資質之偏,或氣壹之動志。無惡,則志爲之日。「惡是誠中形外,過是偶然過差。」○輔氏曰:「過舉謂或曰:「有心悖理謂之惡,無心失理謂之過。」○《語録》曰:

必

無過舉也,然而

爲惡則無矣。」《通書解義

得之,不去也。惡,去聲。○子曰:「富與貴是人之所惡也,不以其道得

問當得與不當得,但當安而受之,不求去也。」 不是。君子則於富貴之來,須是審而處之,於貧賤 得,亦瞑然受之,若有害,則必以爲不當得 賤,有汲汲求去之心。」〇又曰:「今人大率於利,雖不當 要安。我雖是不當得,不可於上面計較,云我不當得 貴,須是審。苟不以其道,決是不可受他底。 之審富貴而安貧賤 之。」然於富貴則不處,於貧賤則不去,君子 盗賊、陷於刑戮之類,以致貧賤,皆非以得貧賤之道而得 所以取貧賤之道。不以其道者,謂無此等事,而爲水火 得貧賤之道多矣,如不守繩檢、博奕鬪狠、奢侈縱肆者 行一不義,殺一不辜而得天下之類耳。」○黄氏曰:「世之 得之,非語其平日之素行也。 子而有非道以得富貴者,何也?」曰:「是亦一 不以其道得之,謂不當得而得之。 也 如 蓋如孔子主我,衛卿可得 此。《語録 ,而求去之,便 得貧賤,却 或問: 時不 得 期 君 丽

君子去仁,惡乎成名?惡,平聲。

名君子。」若貪富貴而厭貧賤,則是自離其子者,成德之名,而仁者,心之全德也,故惟仁然後可以言君子所以爲君子,以其仁也。輔氏曰:「君

名乎!」○胡氏曰:「仁者,君子之實,無其實,則何以成不然,則是自離其仁而無君子之實矣,尚何以成君子之安貧賤,則義理勝而物欲不行。必如是,然後可以爲仁。在,而無君子之實矣,何所成其名乎? 輔氏仁,而無君子之實矣,何所成其名乎? 輔氏

於是。」造,七到反。沛,音貝。君子無終食之間違仁,造次必於是,顛沛必

其名哉。」

用 言君子爲仁,自富貴、貧賤、取舍之間 此 持,要如此坐,也不能得。三蓋君子之不去乎仁如 莫是苟且時否?」曰: 只就人情上説否?」曰:「苟且是時暫處,苟可以坐,苟可 至 以立,令此心常存,非如大賓大祭時也。」問:「曾子易簣, 顛沛,傾覆流離之際。《語録》曰:「問: 「苟且奠 終食者,一飯之頃。 其 一於終食、造次、顛 一,不但富貴、貧賤、取舍之間而已也。 八力也。 《語録》曰:「聖人之意,不獨是教人於富 「此正是顛沛之時。 沛之頃,無 造次,急遽苟且之時 時 那時已不可扶 無 處 加 以以 不

> 處。 明矣。輔氏曰:「取舍之分在外,所謂審富貴而安貧賤 ○輔氏曰: 貴貧賤處做工夫,須是到終食、顛沛、造次都用功方可。」 立大根本處。 愈明白而無疑似之差。」〇蔡氏曰:「審富貴、安貧賤,是 次、顛沛之違是也,而實有益於外。 是也,而實有 養之功密; 無時無處 養之功愈精密而無違闕之處,存養之功密,則取舍之分 學者固不可不 而用其力哉?」然取舍之分明,然後 「道理無處不有,無時不然,君子爲仁,豈可不 助於内。 終食不違、造次顛沛必於是,是人細 存養之功密,則其取舍之分益 加存養之功,然若不先立此根本 存養之功在内,所謂 故取舍之分明 無 終 (,則 食、 存養 則 存 存 造

○子曰:「我未見好仁者,惡不仁者。好仁

亦無以爲存養之地也。」

必於好惡上分輕重,何也?」永嘉陳氏曰:「性各有偏重。者必惡不仁,惡不仁者必好仁,二者並行而不相悖,聖人夫子自言未見好仁者、惡不仁者。問:「好仁

惡不仁者天資剛毅勁直,真知不仁之可惡,惟恐不仁者 難 事 得 天資温和寬厚,惟知仁之可好,舉天下之物無以尚之。 行無不仁矣。故皆得爲成德之事。」○蔡氏曰:「好仁者 加,則所行皆仁矣。 且 如惡惡臭,唯恐惡臭之及吾身也,其真箇惡他如此,非是 미 須天下之物皆無以過之。。惡不仁者真知不仁之 又却好財好色,物皆有好,便是不曾好仁。若果好仁,便 録》曰:「既是好仁,便知得他無以加此。 真知仁之可好,故天下之物無 仁意思勝,如好仁。 顏子正是好仁之人, 豈不能惡不仁? 如惡不仁。 以加 如 一 得 惡,故其 此惡他後,又却不惡他也。」此皆成德之事 ៣ 其 不使少有及於其身。《語録》曰:「惡不仁 身。 見之也。 孟子正是惡不仁, 豈不能好仁? 若論資質,則惡不仁者不如好仁者之渾 所 以 惡不仁而使天下之惡不相及,則所 故各於偏重處成就。」蓋好仁者 爲仁者,必能絕去不仁之 胡氏曰: 「好仁而知天下之善無以 只緣好仁意思勝, 以 若是説我好仁。 加之。 只緣惡不 故 《語

有能一日用其力於仁矣乎? 我未見力不成德之事,本無優劣,此夫子所以嘆其未見也。」

足者。

奮發敢爲,這氣便生。 來恁地萎萎衰衰,恁地柔弱,亦只是 三軍皆隨。 只怕志不立, 若能立志, 氣自 能一日奮然用力於仁,則我又未見其力有 言好仁惡不仁者,雖不可見,然或有人果 雖難能,而至之亦易也。 也心蓋爲仁 氣必至焉。 不足者。 輔氏 在己,欲之則是,而 《語録》曰:「志如大將 日 「此以 志在這 理言,所 裏,氣 志不立。 便在這裏。」故仁 以 開 般,指 志之所 由 我使。 人進善之路 志立自是 揮 人出 出

蓋有之矣,我未之見也。」

蓋 蓋 録》曰:「問:『既曰用力,亦安有昏弱欲進而不能者?」 甚,欲進而不能者,但我偶 一, 疑 人之氣質不同,故疑 辭。 有之,謂 有 亦容 用 力 未之見 或 丽 有此 力不 耳。《語 昏弱之

若論工夫,則好仁者不如惡不仁者之有力。要之皆

仁矣。」 〇子曰:「人之過也,各於其黨。 也。 氏曰: 得,次言用力者之難得,末又言 其 不 雖 見,可見用力者之難得也。] 〇此 之好者固未之見,到資稟昏弱、欲進 能。 敢 嗟,言有盡而 輔氏曰:「此以事言,所以決人用力之機也。 也。《語 力不足者,但「我偶未見之」耳,其言抑揚磨厲,反復 日用其力於仁矣乎,我未之見」也,又曰「蓋有」用力 (人焉,此夫子所以 終以 難其人,然學者苟能實 「有這 夫子所謂「力不足者,中道而 至之理。 「此章三言未見,而意實相 意反復,無非欲學者因是以自警 録》曰:「聖人只是甚言用力者之難得。 爲易, 般人,其初用 意無窮,所以勉學者之爲仁至矣。」蓋不 П 但用力 又歎人之莫肯用力於仁 力非不切至,到中間 反覆 而 用 不 廢」,正説此等人。二〇 力而 承。 圃 用其力,則亦 至者 章言仁之成 而不能 歎惜之也。 初言成德者之難 而用其力焉耳。 力不足者亦 觀過 ,今亦未 自是欲進 记者,亦 既言「有 ~,斯 用 未之 難 德 知 見 無 得 胡 力 嘆 而 能 不

知。 氏曰: 得其用心之微也。」〇問:「不知合君子小人之過觀之則 以人雖有過,不可以其過而忽之,於此而觀其類,乃 因其所過之類而觀之,則其人之氣質心術可見,故 ○黄氏曰:「人之有過,必有其類者,氣質心術之不同 乎?!○又曰: 黄氏曰: 可以知仁,還是君子小人各自於其過處觀之?」永 若小人過於薄與忍,則與仁之血脉已是斷絕,謂之仁可 厚與愛,雖然是過,然亦是從那仁中來,血脉未至 類皆是。亦不止於四者而已。」○《語録》曰: 若君子過於廉,小人過於貪,君子過於介,小人過於通之 愛,小人過於忍。」《文集》曰:「程子止是舉一隅耳 君子常失於厚,小人常失於薄, ,而不害其爲仁也。 "類也。程子曰:「人之過也,各於其類。 曰:「於此觀之,則人之仁不仁可知矣。」 觀其人之過,可以知其仁不仁矣。中含不仁字。一尹 「過於厚處,即其仁可知, 「觀其所 「厚與愛,必竟是仁上發來,其苗脉可見。」 人是何黨類,而仁不仁可知。」〇輔氏 非謂 必欲伺 過 於薄處,即其 人之過 而觀其 君子過於 「君子過 不仁 一斷絶。 嘉陳 所 雖 也 以 有 於

黨

過

此章但謂仁者之過若不仁之過,又何觀哉?

故引

氏

備, 薄 人隱 矣。 尹 氏 此 受汙辱之名,所謂 漏,是雖因此可以知仁,而亦非謂 而 固 薄,或愛或忍 不仁言,蓋推程子之説也。 仁」之説耳。 也。」〇吴氏曰:「後漢吴祐謂:『掾以親 人而言,乃是通論人之所以有過,皆是隨其所偏,或厚 、氏之説以結之。]〇蔡氏曰 厚 叮 曰:「人情於人之過失多不致察,故夫子發此 非謂必俟 亦但言 但 [薄愛忍自無不包,但曰「觀過」,而觀人自觀,自 以知仁, 微 細 日 偏 玩 『斯知仁』,而仁與不仁皆在其中矣。 聖經,渾 過 處指以 却 而過於薄過於忍者亦可以因其不仁 ,就其發處之偏而觀之,則 人 非 雖 其 是説欲知人賢否,必 涵宏博,但曰「人之過也,各於其 示人,欲使求仁之功愈密 有過 有 過 觀過知仁」是也。」愚 詳 猶 而後賢 味程子之意,似 經只説知仁,尹氏乃以仁 可 必如此 即 否可 須俟其 此 過於厚過 而後 而 知 有過 可以 非 知 蓋聖人就 耐 「觀 也 一而知 愈 於愛者 專 其 案 知仁 無 黨」, 而 故 過 指 無 厚 輔 滲 不 或 後 知

○子曰:「朝聞道,夕死可矣。」

順

可

觀

也。

則夫婦 之間 也。 則雖死 果能朝 以夕死爲可,而今兼生順言之者,惟其 曾子易簣是也。 格,理 聞 曰: 不濟事,死也枉死。」〇又曰 認取,若見得 之理,只是尋箇是 順矣,豈復有不足之憾哉! 友順矣。 死安,無復遺 也。 順 『死亦是道理。』」〇黄 合事物當然之理而總言之,亦道 無不通之謂也。」〇 順矣。 矣。 物無不格而 可 有所聞,必不肯置身於 也。」朝 推 君 而至於應事接物之際各得其理 道理 長幼有 臣有義,則於君 不如是則不安矣。]〇胡氏曰: 恨矣。 處。 夕,所以甚言其時之近。 分曉,生固 理 一無不通,亦聞 序, 大者易曉,於細 輔氏曰:「父子有親,則 則 《語 氏 長幼 日 問 生盡其順,則 好,死亦不妨。 録》日 一豪不順之地,生既 臣 之間 順矣。 「雖死亦安,無有遺恨 事 也。 物當然之理 .順矣。 也。 生 此所 微 道只是事 順 朋友有信 曲 死得其 耳口 丽 ,則無適 謂聞 折 夫婦 不然, 後 人 誦 「夫子但 死 於父子 物無 須 物當 安也 安, 能 有 説 即 生 則 自 面 順 别 即 如 非 朋 不 道 也 辨

者也。 死,亦 深切矣。」○《語録》曰: 而卒無補於世教之萬分也。 法俟命而 夫死之將至,而欲倚是以敵之耳。 寂滅者 者,故朝聞之而夕死,亦可 謂道,則以此爲幻爲妄而絶滅之,以求其 者、君臣、父子、夫婦、昆弟 問:「朝聞夕死,得無近於釋氏之説?」曰:「吾之所謂 理 大矣,非誠 E 須 可謂 是知得多,有箇透徹處。 人事當然之實理,乃人之所以爲人而 皆實理也,人知而信者爲 則 不求知 初無所效於人生之日用,其 枉死了。J〇又曰 有 死 所 爲彼之説者,坐亡立脱,變見萬端, 得,豈以夕死爲可乎?」或 「知後須要得,得後方信得篤。」 以 朋友當然之實理 程子專以實理爲説,其旨 無所憾。 「所謂 至此 是以爲吾之説者,行 雖便 聞 急於聞之者 道,亦不 若彼之所謂 死,也 難 所謂 不 也。 不妨。」又 清 可 止知得 死 淨 以 彼之所 生 ,特懼 清淨 寂 不 亦 滅 聞 亦 道

與議 子曰: 也。」 「士志於道,而恥惡衣惡食者,未足

識 心 趣 欲求道,而 之卑 陃 甚 以口 矣, 體之奉不若人爲恥, 何 足 與 議 於道哉? 其 或

> 猶以 乎外,何足與 何足與議夫道哉?」〇程子曰:「志於道 所造日廣大,與之議道,則足以發其精微, 恋焉。 道而猶不免乎是焉,則其志亦何足言哉!」○輔 也,此則非以其不可衣且食也,特以 "士志於道,則舉天下之物不足以動其心,所知 「恥惡衣惡食者,其爲未免於求飽求安之累者乎?」 口體之奉不若人爲恥,則其識趣之卑陋可 此 蓋其識趣卑凡, ●又在求飽與安者之下矣。 固然也。 議 然求飽與安者,猶 也?」《語録 有以 其不美於觀 適乎口 盡 其 而 曲 知矣,尚 日 聽 體 折。 氏 心 高 志於 一之實 而 日 明 役 若 自

問

日

物。 陳氏曰:「志方求而未真有得,安保其無 添一 ○葉氏曰: 兩字,看着似平淡,若是子細去窮究,其味深 天理人欲 心心 ,消長之機,聖人之所深辨 而已,役於物則害於道 ,篤於道則 外 而學者之所當 役以 長。一〇 分之。」 忘於

義之與比。」適,丁歷反。比,必二反 〇子曰:「君子之於天下也,無適 也,無莫也

加察也。」

0 趣」,原誤作「致」,據《四 書或問》卷九改。

》 日 :

「程子只於本文

適

專主也。《春

秋傳》曰「

吾誰

適

〜從」是

又曰 於可 心果 可,但 得 也。」〇又曰:「君子之心果有所倚乎? 倚 以 我要道 不 也。 有 老之學所以自謂 無 聖人之學 適爲專主,莫爲不肯 適 い體言 道 可 罪 所 而 可 有 也,適與莫相反,既以適爲可,故以莫爲不可也。」〇 看義如 莫,不肯 實 之間 倚乎?」《語録》曰: 以 於聖人也。 不可 m 所倚乎? 道 無 也。 日 主之,不 是體 以 所 道; 便是不可 何 道 倚。 有 ,義是 耳。 莫,不 爲 又析言之,故以 只是把心去看是與不是。」〇輔氏曰: 主, 義 也 蓋 佛老則 角 道 幾於 Œ 只 存 而 聖人之學 1 也。 義 義 隨 比,從 由 可 焉。 無 變 事 是 在 皆不睹是,我要道可 也 猖 化就事 謝 所 應 「聖人不説道可,不説道 動 我說得。」〇又曰: 氏 然 變, 不 住 狂 用言而 以適爲可 也。 上言。 居, 則 無 有 自 不 而 未嘗 義 君 叮 然,於無 能 恣 日 存 此是活句,蓋欲 前且 子之心, 應變, 無 乎 義。」〇又曰 者, 焉, 謝 有 ? 不 總言之,故 所 則 謂 便是可 氏 「君子之 可 避若 倚 其 口 此 加 日 着 (專主 果 無 卒 佛 苟 故 有 不

> 學者 而義 類。 狂. 主之者必意之所可 〇胡氏 妄行; 則 然適 深思 相 日 無適 通。」 與 而 一適 自 莫 無莫義之與比 對 得之也。 既 以 釋 爲 則不 適 專主矣,與 大抵 爲 主 心之所專 者必所不可 ,則步 無 適 無 湖氏[可 北 着 莫 主 愐 則 矣。 不主 自然無倚 莫非所 也」之義 字訓 於義, 主矣。 雖 甚不 也。 則 殊 猖

子曰:「君子懷德,小人懷土;君子懷刑,

小人懷惠。」

得 此,亦 土,謂 惠 土,謂 間 懷 惠 日 「畏威 ,所以爲小人。」或問"「懷刑之爲惡 謂 謂 而 思念 樂 貪利 湯湖乎 可 如疾」、《禮記 己。 謂 貪 溺 善 善 此 利。 輔氏 其 也 身所 惡 有 所 īfij 違 曰:「懷德, 不 君子小人 處 懷 條 處 不 》所 善 之安。 復 礙 之 德 謂「畏法令」者 貫 知 安。 所 底 謂 有 懷 事 謂 所謂 以 存 刑 能 存乎 趣 懷 爲 其 不做,亦 義 謂 向 刑 是心固· 君 理者也。」〇 固 畏 皆 不同,公私 子 法, 謂 有 大段 是 如 畏 之 不善」。 也。 有之善。 苟 管 好 法 仲 安 尹 了。 能 所 日 務 氏 之 懷 懷 懷 如 謂

○輔氏 得之。 之謂耳。」○《語録 管仲所謂 樂善、惡不善,猶 若 日 畏 串 樂 以威如 説 善惡不 底,便添兩箇則字,惠字下又着添字。」 》曰:「此是君子小人相對説,尹氏之説 疾」,申公巫臣所謂 日 好仁、惡不仁也。 善,心之公也。 「慎罰」、「務去之」 必以刑 苟安務 爲言 得 欲 則 猶

〇子曰:「放於利而行,多怨。」放,上

流

也。」

氏,名安國,西漢人,孔子十一世孫。 孔 氏 曰:「放,依 也。 多怨, 謂 名 程 取 子 怨。」孔 日

欲利於己,必害於人,故多怨。」輔氏曰:

凡

事須要自家安利,則自然不恤它人,故必至於害人而

怨。

以禮讓)子曰:「能 爲國,如 以 禮 禮 何?」 讓爲國 乎? 何有? 不能

爲。 是禮之文,擎跽曲拳、升降俛仰,只是禮之文,皆可以 本心之誠然,故曰遜是禮之實?1曰:『是。 遜 者 惟 ,禮之實 是 解 遜 方是禮之實,這却僞不得。」二〇又曰: 也。 《語録 》 曰 「問:「辮 玉帛交錯,固 遜之端發於 逐 僞

> 也。 對。 以禮之實爲國,則 「《集註》言遜者禮之實,又言禮文雖具,蓋實字與文字 於繁文末節之間,亦僞 相與於繁文末節之間, 之實以爲國,則 以興起國人之心矣。」何 ○陳氏曰:「此一句最切,乃以心言。 少底意思,方是禮之實。」〇黄氏 者,譬如 雖具,亦且無 有而遜與人,此非虚文,乃實事也。 從事乎繁文末節 發於辭遜之心,見於辭尊居卑、 (凡事 寧就 如之何矣,輔氏曰:「若無其 自家身 一國興遜,其爲國 何難之有,不然,則 而形於跪拜俯伏者,特禮之文耳。 則 而已矣,其如禮 了有,言 È 亦無 抉 出 如 日 : 此 不難 禮 箇 辭多受少者,禮之實 也 一禮 何矣。」〇 實字只當如 真 辭 何 何 也 能 有 尊居 有! 哉?」而況於 如 實有文,以 卑、辭 此 言 若徒從事 蔡 其 八實而 則 此 氏 (禮文 有 自足 看。」 多 日 禮 相 徒 所 受

爲國乎?

知,求爲 〇子曰:「不患 可 知 也 無位,患所以立,不患莫己

所以 以見知之實。 立 謂 所 以 〇程子 立 乎其 百 位 : 一君 者。 子求其 可 知 謂 在 口

者而 無可知之實爲患。 子則以立乎其位者爲患。 足,祇足以自愧而已。二〇輔氏曰:「人情 而在人者有不得,在我無憾矣。 實,求諸己也。 已矣。」黄氏曰:「所以立乎位之道,有可 患無位、患莫己知,求諸 此正爲己之學也。」 人情惟患莫己知耳 求諸人,而 惟患 人也。 在已者有 -,君子 無位 求 耳 諸 知之 則 己, 以 君 不

「唯。」參,所金反。唯,上聲。 ○子曰:「參乎! 吾道一以貫之。」曾子曰:

也。 泛 出 貫,在天地則爲萬物各得其所也。」曾子於其用 者,酬酢萬變,無不合乎理: 忠,在夫子則爲一,在 起。」所以唯爲應之速。 而 蓋唯曾子爲能達此也。」貫,通也。 參乎者,呼曾子之名而告之。胡氏曰:「以「子 ,門人問」觀之,當時侍坐必非一人,獨呼曾子而 應曲 無 疑者也。愚謂"《禮》曰"「先生召,無諾 當,用各 理者,純亦不已,無豪髮之間斷: 不同。 天地則爲至誠 聖人之心,渾然 在學者則爲恕,在夫子 胡氏曰:「此 無 唯者,應之速 息也。 在學者則 章之大旨 泛 理 應 語 ,則爲 一,而 唯 處 曲 之 爲 而 當

> 件去理 妙。 行。 是粗? 粗? 又曰: 爾。 也 其精。1曰:「聖人所以發用 耳。」○又曰:「他只見得一事一理,❸不知只是 日用之常,禮文之細,莫不學來,惟未知其本出 得是一箇道理。」二〇又曰:「曾子先於孔子之所以 事只是 蓋 事只是一 是此水,海中也 一已隨事精察而力行之,但未知其體之一 不過但見得聖人之用不同,而 且 《語 政如水相似,田中也是此水,池中也 「問:「曾子未知體之一處,恐但能行其粗 如 會, 0及至體到 豈有此理! 件事,許多般樣,只一 事君忠是此理,事 録》曰: 事。百件事是百件 「問:『曾子未知其體之一。』曰:『他 是 此水。 緣它見聖人用處,皆能隨事精 人情委曲處 不成説 親孝也 流 事。 心流出。 扩 處,皆此 ,❷無不講究。 不 海中 是此理,交朋 得夫子一點 知實皆 水是精,它 曾子至此,方信 一理 是此水,溝 此 理 豈 理。二〇 於 其 而 友 流 教者 百 一貫 也 處 未造 有 初 行 水 中 件 見

0

及至體

原誤作

「問與禮

」,據四

庫薈要本改

改。

[「]他」,原誤作「它」,據文淵閣四庫全書《朱子語類》改

[「]他」,原誤作「它」,今據文淵閣四庫全書《朱子語類

此 直 能 日 知 理,以至精 積 力久,將有所得,是以呼而告之。 體 即 | 不可 體 粗 貫 見,非學之至者,不能知也。」夫子知其 即 小大之事,皆此 用 體隱 而用 顯。 理 故 貫通之。」○胡氏 用可見,學者之所 曾

問:「一 所問 然而 告之。 子果 工 其所以 日 唯 之殊,然其所以 矣。夫子於此,蓋得之眉睫之間也,故不俟其問 得夫衆理之所自來,然其下學之功亦至,而 各有條理 至是,則其積之久,行之熟,日用之間,所以應物處 其於聖人一 夫,而曾子之心思,亦未嘗 ,蓋不唯 辨 「曾子平日於聖人應事接物處 有以 若曰吾之所謂道 能默 未知體之一者,想見聖 而唯焉以對,何也?」曰:「曾子之學,主於誠身, 貫之指,夫子不俟曾子之問而呼以告之,曾子無 而無不盡矣。 得 無待 言 夫衆理之所自 契其指 於問 八爲道 行之際,蓋無不詳視審記而力行之也。 [辨,而 者 , 則 所未達者,特未知 者, 即 亦 來者,故無所復疑而直 雖 而 應之速 不容 到那上, 人只教他 有精粗 已矣。 有所 加 曾子之心,於是豁 精察而力行之,然 只是着 稱費 小大、内外、本末 去 無 事 反求其 將 也。」〇 疑 事 實 有以 物物物 也。 踐 而 本 事者, 應 輔 呼 L 履 E 或 丽 將 做 氏 日 以 達

才略提省他,他便自能默契其指也。」去。至此而真積力久,亦將融會貫通,自有所得,故夫子去。至此而真積力久,亦將融會貫通,自有所得,故夫子

子之道,忠恕而已矣。」子出。門人問曰:「何謂也?」曾子曰:「夫

外,固 者。 日: 意。 至誠 其所欲。」〇陳氏曰: 推己,皆是賢人之事,但以二者自相 夫子之一 氏曰: 人物而已。」而已矣者,竭盡 盡己之謂忠,推己之謂恕。 自 此之外,固 「忠者,盡己之心,無少僞妄。 恕是就待人接物處説,只是推己心之所真實者以 盡己是體上工夫,動推己是用上工夫。」○《語 「所以 無 無 息, 餘 理渾 ĬŁ. 無餘 法, 其妄意高遠之弊,非姑 耐 法,便 而 萬 然 「忠是就心説,是盡己之心無不真 物 而 亦 是那 泛 無 各 待 應 得 竭 於推 盡 曲 其 而 無餘 恕者,推己及物,各得 當 無餘之詞 所 《文集》 對 矣。 爲假託 之謂 也 待,便見 譬 則 《語録》曰 Ĕ: 自 之辭也 聖人只是 天 也。 體 杰 此 地之 用 録 之 胡 及 之

「盡」,原誤作「推」,今據四庫本改。

0

如此,只是箇至誠無息,萬物得所是也。|○問: 忠,只是箇恕,更 無餘 法。 學者則須推之,聖人則 「推只」 不 是 消

須是推,若不須推,便是仁了。一曰: 推己之推否? 聖人之忠恕自别,不可將做尋常忠恕字看。]問: 更無餘法是一理之外更無其他否?」曰 「聖人本不可說是 忽必必 忠

是一 恕,方正定是忠恕。|○陳氏曰: 個無爲底忠恕,學者是一箇着力底忠恕。 「詳《集註》所謂「自此之 學者之忠

恕,曾子假借來說。

要之,天地是一箇無心底忠恕,聖人

應「至誠無息」句,亦「無待於推」,是應「萬物各得其 而萬物各得其所」之下,則「更無餘法」是言已盡 之意。 無息 (所)

外,更無餘法,而

亦

無待於推矣」,繫之『天地

至

誠

意。」〇輔氏曰:「「一理渾然而泛應曲當」者,聖人之體用 「至誠無息而萬物各得其所」者,天地之體用 也。 聖

之致而致,故曰「亦無待於推矣」。」曾子有見於此 曰「自此之外,固 人之體用與天地爲一,則至矣、盡矣、不可以有加 無餘 法」。 皆自然而然,莫之爲而 爲 也 而 故 莫

之,欲人之易曉也。《語録》曰:「一貫臂是天然底 難言之,故借學者盡己、推己之目以著 明

弟

花,爲是天然底難説,故把忠恕來説,恰如把做底花形容

認。是萬殊處難認

如如

何就萬

殊上見得皆有恰好處。」〇

把做體用説,恐成兩截。」曰: 曰道之體,以其必由是而之焉,故曰道之用。」〇問: 形影,要除一箇不得。」〇又曰: 貫之之實可見矣。《語録》曰:「忠恕只是體用,猶 之所以一本也, 萬物各得其所者, 道之用 那天然底花。」蓋至 也,一本之所以萬殊也。 誠 無息者,道之體 「説體用,便只是 「以其必於此 以 此觀之,一以 也,萬 而本焉, 物。 殊 如 故

渾身又是 一 人渾身便是體,口裏説話便是用,不成説話底是箇物事, 簡物事。 萬殊便是這一 本, 本 · 便 是 那 萬

來。 殊。」〇又曰:「忠者, 雖萬殊,却只一理,所謂貫也。」〇又曰:「一 理也,恕便是條貫萬殊,皆自此 本是統 出

萬物,有日月星辰昆蟲草木之不同 會處,萬殊是流行處。 在天道言之,一本則是元氣之於 ,而只是 一氣之所 生

模樣。 萬殊則是日月星辰昆蟲草木之所得而生,一 在人事言之,則 一理之於萬事,有君臣、父子、兄 箇自是一 笛

萬殊則是君臣、父子、兄弟、朋友之所當於道 箇,道理其實只是一本。」〇又曰:「而今不是 、朋友、動息、洒掃、應對之不同,而只是此理之所貫 者 本處難 箇是

七〇

心

面

推以

及物乎?」曰:

違

道

不遠異者

動

以

天

忠

也

」,違道

不

遠

是

也。

程

子曰:「

以

己

也。

心存於中

則

自

無 如

不

盡

如

去。」〇輔氏

曰:「中心爲忠,謂

如

心爲恕,謂

我之心

「此語

見《周

禮疏》。」〇又曰

天道,恕者人道,忠者無妄,恕者所以行 此又獨舉天地之體用而釋之也,雖不言聖人之體用 也,忠者體、恕者用、大本達道也。 則「一以貫之」之實可見矣。」或曰 本之實散於萬殊也。 及物,仁也; 恕。」於義 萬殊之所以一本者 「此以天道著人事,取其理之屬 忠恕一 故直言道之體、 殊,不見其他。」〇 「如,比也。 爾。」或問: 而推之於外,無彼此之間 心 中 本之所以 心 而 亦 所有 推 以貫之: 推 指用之出 則 通 本, 自 己 比 「天亦 萬 道之用 然及物。」〇 《語 指用之出 無 自家心推 及物,恕 殊 輔 一豪之不 於體 者,指 録 盡己之 忠者 此 氏 丽 中 日 日 與 平 린 而 將 指 於 體 接於物 事應接,略假人爲,所以有天人之辯。]○又曰:「此天却 是争箇自然與不自然。」〇又曰:「天道是體,人道 地,而今不可不教他恁地,三反五折,便是推己及物,只 以己及物。 因我之饑寒,便見得天下之饑寒,自然恁地去及他,便是 與天一般。 乎人爲,又何以有天人之分邪?」曰: 是而 人。如未饑,未見得天下之饑,未寒,未見得天下之寒。 大賢以上聖人之事。 者安之,朋友信之,少者懷之」,是聖人心上 化,各正性命」,是太極自然流出來,不待安排布 無所疑矣。」〇《語 此以内外而分也。 者,則聖人之忠恕爲動以天,而賢人之忠恕爲動以人矣 有待乎推以及物邪? 乎是者而分之耳。 而又以忠爲天道, 「動以天」之天,只是自然。」〇又曰:「忠是自然,恕是隨 在物者,在人則謂之恕耳。」 也。 如賢人以下,知得我是要恁地, 推己,却要着力。」〇又曰:「「以己及物」,是 從横錯綜 、恕爲 録》日 若天之自 盡己雖涉乎 聖人是因我這裏有那意思,便去及 ,見其並行 人道, 亦曰其本體者,在人則謂之忠。 「以己,是 ,何邪? 1然而 人爲,然爲之在己 E : 而不 無外 自然流 且 推程子動以天之云 「彼以聖賢 相悖者焉,

心

爲

忠

如

心

爲

體之散於

用

之散於用,謂一

體

謂

萬殊之實

出

於

一本

也。

盡己推

己均有涉

一一分

也

亦不復明言天地

也。

聖人之體

用亦

在其中矣。

又曰:

到

這

裏只

見一本

萬

則

又何己之盡

由 而

一老

自然流出

來

想人亦

要恁

是

用

出

乾 置。

道

則於 而

此 有

非

較易。 又曰: 體 學者之忠,是人之天,學者之恕,是人之人。畢竟忠唤做 便是人道也。 恕。 爾」,何也? 是 恕,後獨言『動以天』者,蓋忠則全是天,恕字則有些子 是推出外去了, 去比學者: 聖人之忠,是天之天,聖人之恕,是天之人, 道不遠」之忠恕來看,便分曉聖人之忠恕,天道也, 恕,須自看教有許多等級分明。」〇黄氏曰:「今且把「違 道不遠」是也。曾子所説,却是移上一階,説聖人之忠 是人在。」〇又曰: 不遠」,則動以人爾。」問: 「一以貫之」之忠恕。 自「忠恕 聖人不消言恕,故《集註 (與人對之天,若言 『動以 ,便是近那未發處 「曾子忠恕與子思忠恕不同,曾子忠恕是天,子 到程子又移上一階,説天地之忠恕。 「《集註》中舉程子第一段甚好,非明道不能得到。 恕是逐一去做,便着力。」〇又曰: 以貫之」以後,至「違道不遠,動以天」住 蓋此數句乃動以 如何又說忠是天道、恕是人道? 雖 聖人亦 「論着忠恕名義,自合依子思「忠恕違 ,故雖學者亦有箇天; 其曰「此與違道不遠異者,動 》云,此借學者之事而言。」〇又 有箇人。 「如此則有學者之忠恕?」曰 天」也,天即是理之自然。」〇 天爾。 忠只是 如 「推己及物 「既以天人分忠 其實只一 盡 恕唤做用, 自家 以 心 一,乃説 學者 簡忠 違道 聖人 ,思尚 以 便 天 便

己,即人便在,不待以類而推 發也。」○永嘉陳氏曰:「仁者,己私銷盡,中無障礙,故説 就心之存主處、真實無妄處言,徹首徹尾,無間於已發未 【一貫」,所謂「動以天」也。」○陳氏曰:「程子説忠恕以 天爾」。 之忠恕皆天,所以言「動以天」。」〇輔氏曰: 者,以己及物,聖人之事, 恕字之本義,故先言仁 立道理,故以體用言。 思,但仁者見得快,恕者見得遲耳。」〇又曰: 而 者,方欲滌除己私,尚有障礙,因己而後及人,必 而自然及物也。 者,學者之忠恕也。 言人。天人之分,體用之謂也。」○愚謂: 蓋中之爲大本,是專指未發處言之,此忠之爲大本,則是 本達道爲言,只是借《中庸 人,所以言「忠,天道,恕,人道」。 貫之忠恕雖借學者之事而言,其所以異者,只是「動 推、所謂「推己及物」也。 所謂 「動以天爾」者,蓋於忠上已全盡了,不待推 如所謂「以己及物、仁也」,此則 「動以天」者、聖人之忠恕 其體無妄,故言天, 恕之别。 以貫之之恕也,即 仁恕用心,皆是與物公共 》四字言之耳,其意自不同 所謂「以 學者之忠恕皆人, 蓋仁是 己及物」也 恕之充 程子欲 其 「違道不遠 「忠恕 所謂 用 也。 推 待以 極 人識 夫子之 行, 曾子 聖人 是 而 也 故 恕 以 至 對 意 類

推己及物,學者之事,

違

道不遠之恕也,只可

謂

之恕。

天之忠恕也。」又曰:「聖人教人各因其才,吾

復元,萬古循環,無一息之停,只是一箇真實無妄道理。

須是推。」〇輔氏 性命」,此是不待推而恕也。」〇又曰:「「維天之命,於穆 之命,於穆不己』,此是不待盡而忠也,『乾道變化,各 於穆不已」,忠也,有少私意,便是己,便是有不盡也。 然,學者是勉强而然。 命」,各得其性命之正。」〇黄氏曰:「不已,便是盡 馬得之而爲馬,草木得之而爲草木。」〇又曰:「「各正性 不已」,亦只是以這實理流行,發生萬物,牛得之而爲牛, 道變化,各正性命」,恕也。」《語録》曰:「「維 又曰:「「維天之命,於穆不已」,忠也, 箇無妄,皆是恕底意。但它自然恁地流行不息,在學 ,便是推底意。 他是自然恁地箇箇恰好,不費力,在學者却 日 天下雷行,物與無妄,是 「只是一箇道理,但天地聖人是 若合天人而言之,則「維天之命」 一箇物與它 底意。 一、乾 自 正 道一 不領也。 其才而篤焉。 告之也。 也。

各正

者却須是

盡

賢之於人,雖有教無類,然其爲教也,不陵節而施, 遠,此乃略下教人之意,下學而上達也。]○輔氏曰: 之事,而非有等級之可言矣。」○《語録》曰:「忠恕違道不 者之下學乎忠恕,而上達乎道也。 義。」或問:「下學上達之義。」曰:「此謂中庸之言,欲學 所謂 『忠恕違道不遠』,斯乃下學上達之 而已矣。』亦猶夫子之告曾子也。《中庸 以貫之,唯曾子爲能 然曾子聞夫子之言則曰「唯」,門人聞曾子之言 是則夫子曾子之告則同,而曾子門人之聞 曾子告門人曰:『夫子之道,忠恕 故夫子之告曾子,與曾子之告門人,其 若此章之云,則聖人 達此,孔子 所以 必 平 則 則 意 因

〇子曰:「君子喻於義,小人喻於利。」 喻,猶 思惟而曉然於胸中也。人之一心,至虚至靈,萬物 幾微曲折,無不盡矣。」〇胡氏曰: 無所不通者,即其 曉 也。 本體 或問:「喻之義。」曰:「心解 也。 雖至昬至愚 「喻者,精微曲 ,蔽其本體 通 折,不待 皆備 "隨其 則 其

理都

般耳。

維天之命,元

而

亨,亨而

利,利而

貞,貞

而

不恕也。」〇陳氏曰:

「天豈能盡己、推己?

此只是言其

,便是

異也。」

『乾道變化,各正性命』,恕也,有少差錯,便是不正

而

萬物各具此以生

,洪纖高下,各正其所賦受之性命,此

七四

明切。 以其平日 之不可違而不知利之爲可欲故也。 也。 欲。 也。」 而取義哉? 利之爲利故也,小人反是。」輔氏曰:「楊氏説 舍生而 人之所欲無甚於 於利,亦是於曲折纖悉間都理會得,故亦深好之。」楊氏 録》曰:「君子之於義,見得委曲透徹,故自樂爲。 謂 輔氏曰:「天理之所宜,謂 曰:「君子有舍生而 小人之於利也。 意之所趨,亦有所通 人情之所欲得。」〇程子曰:「君子之於義 人情所欲者,只是不當然而然,有所爲而然也。!○ 義者,天 陳氏曰:「天理所宜者,只是當然而然,無所爲而 夫死生亦大矣,自人情之所欲言之,則孰肯 心只 取 彼君子之所以獨能 義 在義上,未嘗 哉 理之所 ? 曉焉。 唯其深喻,是以篤好。」《語 生,所惡無 其所 義理之所當然。 取義者,以 宜 到 此君子、小人所以皆有所 利上 喻 如 利者,人情之所 者 是以 是者,蓋 不知利之爲利者,則 義 甚 不知其 於死,孰肯 脯 利言之,則 人情之所欲 其 已,不 心 小人之 爲 唯 舍生 可 知 猶 知 欲 義 最 喻 然

○子曰: 「見賢思齊焉,見不賢而内自省也。」而並行,乃欲臨時而加決擇焉,則終亦必亡而已矣。」

省,悉並反。

而已。 不反諸身,以致其思齊内省之誠 責,則不復改其惡。 輔氏曰:「羨人而甘自棄,則不復勉於善。 此言君子當反求諸身如此。□曰:「然。」」○胡氏 徒羨人而甘自棄,不徒責 「見人之善惡不同,而 察,恐己亦有是惡潛伏於內,不自知覺,將爲小人之歸 見不賢者,則 不若於人? 可尊可貴,則必思我亦有是善,天之所賦 有是惡。《語録》曰: 思齊者,冀己亦有是善,内自省者,恐己亦 大抵人心之明賢否,固 必須勇猛精進,求其必至於可尊可貴之地 知 一被是 不勉其善,不改其惡,則終必爲 情 欲 「問:『見人之賢者,知其德行之 汩 没,所 無 百有所不 不反諸 ,則無益於我,非所謂 人而 以 能 至此,必 遁,然徒見之,而 忘自責 未嘗虧欠,何以 身者, 責人而 須 惕 則不 日 忘自 爲

│○子曰:「事父母幾諫。見志不從,又敬不

己之學、近思之方也。_

耳。

夫如是,然後能舍生以取義,不然,天理人欲方交戰

違,勞而不怨。」

悦 得 諫,遂至觸其怒,亦非也。」勞一而 若見父母之不從,恐觸其怒,遂止而不諫者非也, 之心,務欲置父母於無過之地。 者,上不違微諫之意,恐唐突以觸父母之怒,下不違欲諫 理以諫,不違去了那幾諫之意也。」○又曰:「又敬 若不人,起敬起孝,悦則 聲,皆深愛之形見者也。 也。 曰:「不違,是主那諫上説,敬已是順了,又須委曲 遂其己意也。」見志不 過,不容不諫,然必 暴, 硬要闌截。 | ○胡氏曰:「子之事親主於愛, 雖父母 諫,所謂 此章與《内則》之言相表裏。 罪 録》曰:「問:『《集註 而 於於 《語録》曰:「幾,微也。 撻之流 鄉、 「父母有過,下氣怡色,柔聲以 黨、州、間, 血,不 由愛心以發乃可。 從, 》舉《内則》,將來説 所以謂幾微而諫,不敢顯然直 敢疾怨,起敬 寧 又敬不違,所 只是漸 其心心念念,只在於此 孰 不 復 諫。 怨,所謂 諫 漸 幾,微也。 故下氣、怡色、 細密 父母 也。 起孝」也。 勞而不怨 谏,不恁峻 **《語** 謂 務欲必 怒不 與其 「作道 不違 諫 録 微 諫 柔 有

撻至於流血,可謂勞矣。 所謂父母喜之,愛而不忘,父母《禮記》説勞字,似作勞力説,如何?』曰:「諫了又諫,被

惡之,勞而不怨,勞只是一般勞。」

○子曰:「父母在,不遠遊。 忘也。 者、皆不敢爲矣、故范氏之説深得其旨。」 特事之至淺近者耳,惟能即 以父母之心爲心,則自不到如此矣。」○胡氏曰: 當有方。遠遊與無方,皆非父母之所欲於其子者,子 矣。」輔氏曰:「父母在,爲子者遠遊固不可,而 之。"范氏曰:「子能以父母之心爲 則必 更適 遠 不能盡其精微曲折之意如此。 疎,不惟己之思親 遊, 至 西 則去親遠而爲 遊必有方, 一、欲親 而 無失也。 必知己之所在 輔氏曰:「詳味其言,非身歷之 如己告云之東,即不 不置,亦恐親之念我 是而推之,則可以貽親之憂 日久,定省 事 遊必 親者宜 而 有 無憂, 深 曠 方。」 心 體 而 遠 丽 近 則 音 遊 力 遊 敢 問 孝 己 不 能 行 亦

胡氏曰:「已見首篇,此蓋復出而逸其半〇子曰:「三年無改於父之道,可謂孝矣。」

以究其義。 也。」愚謂:所謂逸其半者,必兼觀志觀行二語,而後可也。」愚謂:所謂逸其半者,必兼觀志觀行二語,而後可

喜,一則以懼。」
○子曰:「父母之年,不可不知也。一則以

這 常 兩事矣。」〇胡氏曰:「所謂愛日, 於愛日之誠,自有不能 知,猶記憶也。 事上既喜其壽,又懼其來日之無多。 知父母之年,則既 胡氏曰:「謂念念在此而不能忘也。」 喜其壽,又懼 已者。 正恐其日之不足,而 《語録 微差此,却是 ĕ 其衰,而 「只是

〇子曰:「古者言之不出,恥躬之不逮也。」 此故 言古者,以見今之不然。逮,及也。 親之道,欲無所不盡其至也。」 子之於言也,不得已 及言,可 底人,未曾做得一分,便説十分矣。] 〇 范氏 也。 恥之甚。 《語録》曰: 「此章緊要在恥字上。 古者所以 而後出之,非言之難, 不 出其言 曰:「君 若是無恥 行不 爲

而

行之難

也。

人唯

其不行也,是以輕言

易,故欲訥

,訥者言之難出

諸

口也。

行

懼其

難

故

欲

敏

敏者力行而不惰也。」曰:「然。」○胡氏曰:「自吾

及此。」 諸其 緣胡亂輕易說了,便把行不當事,非 之。言之如其所行,行之如其所言, 、口必不易矣。」《語録》曰: 踐 「范氏説最 履 到 底 鳥 好。 則 能 出 只 言

〇子曰:「以約失之者鮮矣。」鮮,上聲 ○子曰:「君子欲訥於言而敏於行。」行,去聲。 謝 敏。」《語録》曰: 約也。」《語録》曰: 者少。」尹氏 謝 自收斂。若是吝嗇,又當放開,這箇要人自稱量。」 「約與放正相反,約則守於規矩之中,放則逸乎規矩之 曰:「約有收斂近裹着實之意,非徒簡而已。」○輔氏曰 「恐失之吝嗇,如何?」曰:「這約字又不如此,只是凡事 氏 氏曰:「不侈然以自放之謂約。」《文集 且天理有 曰:「放言易,故欲 曰:「凡 則而 「問:『凡事言時易,行 不流,人欲横 「凡事要約,約底自是少失。」或曰 事 約 則 訥 流 鮮 而 失,非 無 力行 止 時 故以 難。 難 11: 故 言懼其 約失之 謂 儉 欲

同 也。」

輔氏曰:「曾子之學主於誠身,又以孝聞於聖門 道 一貫至此十章,疑皆曾子門人所記也。」 ,而此

章皆反身切已爲孝之道,是以疑其然也。」

〇子曰:「德不孤,必有鄰。」

德者,必有其類從之,如居之有 鄰,猶親 也。 德不 孤立,必以 類 鄰 應。 也。 故 《語 有

録》曰:「有如此之德,必有如此之類 深應。]

矣。」數,色角反。 〇子游曰:「事君數,斯辱矣,朋友數, 斯 疏

程子曰:「數,煩數也。」胡氏曰:「事君 煩瀆,則言者輕,聽者厭矣,是以求榮 不行,則當去,導友善不納,則當止。至於 而 反 諫

辱,求親而反疏也。」《文集》曰:「胡氏說盡人情。」

氏 數者,却是意善而事未善耳,聖人特言之以警學者。」范 是求媚之人,則索性是不好底事了,是不消説。 諂媚之類,亦是數,不止是諫。

]曰:「若説交際煩處數, ○《語録》曰:「問:「胡氏似專主諫而言,恐交際之間,如 曰:「君臣朋友,皆以義合,故其 以 諫 事 自 而

> 論 語卷第二

後學 成 德

校訂

論語卷第三

朱子集註 後學趙順孫纂疏

夫子

稱

其

可

妻,其必有以取之矣。

又言其

雖

嘗

陷

於縲

絏之中,

而非

其罪,

則

固

無

公冶長第五

凡二十七章。 明,則在己者 己之實然,借是以分辨形以、剖析豪氂。在人者既 此篇皆論古今人物賢否得失,蓋格物 窮理之一端也。 亦明 矣,所以 胡氏 愚謂: 以 爲 他人之是否,若非 爲 格 疑多子貢之 物窮理之一端。 切

爲榮! 害於可 以爲辱! 之竄、皆安之而無恧也。」 恥,若撻于市,不幸而遇無妄之災,則雖市朝之刑,裔夷 罪之事也。 者,謂在我無得罪之道也。 以自外至者爲榮辱哉? 故君子有隱微之過於暗室屋漏之中,則其 妻 在我有得罪之事,雖或幸免其罪於外,何 在我無得罪之道,而不幸罪 也。 夫有罪無罪,在我 所慮於 輔氏 有罪者, 曰:「所貴於無罪 有自外來, 謂 ௱ 在 己,豈 我 足以 心 何 有

愧

戮」。 子謂南容,「邦有道,不廢 以其兄之子妻之。 邦 無 道, 免於

;

刑

字子容,諡敬叔。 南容,孔子弟子,居南宫。 孟懿子之兄也。 名縚,又名括 不廢

罪

也。

以其子妻之。妻、去聲,下同。

縲,力追反。

子謂公冶長,「可妻也。

雖 在

縲

絏之中,非其

所記。

然無左驗,故止爲疑詞

而無決詞云。

徒所記云。愚謂:子貢方人,故疑此篇多其徒

絏,息列反

公冶長,孔子弟子。

魯人。

一云齊人。

之妻也。

縲,黑索也。

絏, 孿

也。

古者

獄

中以黑索拘攣罪人。長之爲人無所考,而

394

得 足

嫌

乎?」《語録》曰:

不

可。

避

嫌

幼、時之先後皆

不

當有所避也。

若孔子之事

一則其

年之

長

避

嫌之有?

況

嫁女必量其

才而求配,尤

廢棄。 治朝, 凡人避嫌者 言 耳 也。」程子曰:「此以 妻長,而以兄子妻容,蓋厚於兄而 日 行,必不陷於刑戮。]○愚謂: 圭 言必見用 便 :「公冶長之賢不及南容,故聖人以其子 ,亦謹行之大端也 而 是能 《集註 邦無道,是小人得 免禍於 謹 》稱 也。 其言行者。 ,皆内不足也,聖人自至公,何 其謹於言行。 亂 以 世 其 事又見第 也。 邦 志以陷害君子之時, **, 謹於言行, 故能** 有 己之私 南容三復白圭,其 道, 《語 蓋言行 是君子道 録》曰:「觀 十一篇。 心 相爲表裏,能 窺 長之時 聖 薄 能 其三復白 八所謹 見用於 人也。 謹其言 於己 ,必不 謹 者言 或 其

妻之。

未必當時如此。

大抵二人都是好人,可

託。

或先是見公

冶長,遂將女妻他,後來見南容亦是箇好人,又把兄之女

看來文勢,恐是孔子之女年長先嫁,兄之女少,在

後嫁,亦未可知。」○問:

「若是有一項合委曲

丽

不可

以

直

斯 〇子謂 焉 取 斯?」焉,於虔反 子 . 賤:「 君子哉若 人! 魯 無 君 子者,

以

配言矣。」

夫亦可以言配乎?

曰:配,合也;

妻,齊也,夫婦

固皆

可

獨不可以才言乎?」〇又曰:

「古謂妻爲夫配

者多矣,而

凡能有爲者,才也。

婦人亦有所當爲之事,苟

能爲之,豈 才生於氣

必量其才以求配,婦人亦當以才言乎?

티 :

者却是又怕人道如何

,這却是私意。]○輔

氏曰:「凡嫁女

如。

避

嫌

遂者,這不可以爲避嫌。]曰:「自是道理合如此

事,則 人, 所 以 斯 子賤,孔子弟子,姓宓,名不齊。 成 此 其 兄事者五 其德者。 人,下斯 (能尊 師 取 人,所友者十 斯 友以 輔 氏曰: 此德。 成其 「子賤爲單父宰,所父事者三 德者可 一人,皆 子賤 知矣。」故夫子既 蓋 教子賤 能 魯人。 尊 以治人之 賢 上斯 取 友

程子所謂年之長幼、時之先後,正 之事 「聖人正大,道理合做處便做,何用避 不 可 賢 知, 者 唯 且 以 不 爲 是解或人之説 爲, 澼 況 嫌 聖 則 人 大

三八〇

之至也。」愚謂"稱人之善,已可言厚,又推本其父兄蘇氏曰"「稱人之善,必本其父兄師友,厚取以成此德乎? 因以見魯之多賢也。○與其賢,而又言若魯無君子,則此人何所

助,音胡。璉,力展反。 也。」曰:「何器也?」曰:「瑚璉也。」女,音汝。○子貢問曰:「賜也何如?」子曰:「女器

○或曰:「雍也仁而

不佞。」

· 友之善,則是厚之又厚,故曰厚之至。

以 以 也。 耳。」夏日 器者,有用之成材。 貴者歟? 相通,此 重者也,而 黍稷之器而 此。 君子許子賤,故以己 輔氏日 以 然則子貢雖未至於不器,其亦器之 又飾以玉,是器之華美者也。」子貢見 爲 瑚,商曰 或問:「《集註》言器者有用之成材,又言未 有用之成材者,因 「一等是器,而瑚璉爲宗廟之器,是器之貴 飾 以 [璉,周 玉,器之貴重 胡氏曰: 爲問,而 日 下文瑚 簠簋 「器者各適其 璉 背宗 孔 加 愐 華 子告之 加 重 用 美 孔子 廟 其 而不 者 盛 調

> 偏了。」 是合下 器也。」○問:「子貢得爲器之貴者,而未至於不器,不 者,可以爲貴用,與賤者之器不同,然畢竟只是器, 誠與稱子賤者有等差耳。」〇《語録》曰: 也?」曰: 至於不器,然則夫子[女器]之言,抑揚之不同 無規模,抑是後 「當時答問,不稱其可用之實,今較其輕重 來欠工夫?」曰 「子貢是器之貴 「是合下 如 此 非不 則 何 知

才也。 雍,孔 實,故以佞爲賢。」故美其優於德,而 則決非務外而事口者,故以爲重厚簡默也。」而 行之科,而夫子稱其可使南 重厚簡默,輔氏 才也。《語録》曰"「佞只是捷給便口者。」仲弓爲人 佞爲賢,輔氏 子弟子,姓冉,字仲弓。魯人。 日 日 「人情: 「仲弓從事於敬恕以求仁,仁在 徇 面。 外 而 今或者又以不佞爲慊 不 事 内, 病 求 名 其 時人以 佞, 而 短 不 於

不知其仁,焉用佞?」焉,於虔反。子曰:「焉用佞? 禦人以口給,屢憎於人。

全道理 也。」我 處。 之禦 間 用 者,不足以當之。 氏曰: 辨 具此心,更無一物之雜。 仁,何也? 深曉之。 爲賢,不足以爲病也。再言焉用佞,所 然其情 用 曰 之。 他。 一,日「愛之理、 當當 佞 而 「是他説得大驚小怪 全 ,故云當 乎? 無 無 在 寶則 「佞人恃口以禦人,浮淺躁妄,發言成文雖若可 或 體似箇卓子,四脚,若三脚便是不全。 雖 也 (置之僻處,又被别人將 情 ,若只見得九分,亦不是全了。 未 豪私欲,方是不息。」〇黄氏 未 〇或疑仲弓之賢 也。」給 猶 佞 實,徒多爲 知 必如此,心 曰:「仁道至大,非全體 心之德」。 應 仲弓之仁,然其不佞乃 人所以應答人者,但以 辨 也。 《語録》曰: 不息, ,被他驚嚇者,豈不惡之!! O 也。 深 既 胡 人所憎惡 味 不 則未當休息,而置之無用 氏 0 六字, 相 去,便是息。 E 「所謂全體者,合下全 憎 副,自 而夫子不 則 禦如 悪 日 所 仁 然招 爾。 以 一之道 也 禦人於 「《集 不息,是 息, 此心 尤 而 是 無 而 許 言 所 註 不 語 具 餘 私 取 國 》言 聽 録 其 息 以 以 取 何 藴 欲 + 常 僧 輔 門 0

> 言其無時不然。 之理、心之德」,六字所以訓仁之義爲甚切。 之,乃可以當其名。 當之」,深味四 累千百言所莫能盡 然,無一 體而言,乃所以全體之也。]〇蔡氏曰: 氏曰:「仁惟此心純是天理之公,絶 物我横生,則體便有虧, 天理間 其所獨得歟?」○輔氏曰:「全體,言其無物不體。 息二二字,則又後章五字未盡之旨,蓋亦因其所已 此章「全體」二字,已足以 私心』,與此 然而可見矣。」或曰 後章據 一字,所以盡仁之道爲甚大。 至此言 所聞 豪之雜。 章所謂 盡仁之道 於師 字 此兩語足以盡仁之體 則 不 而 者 全 《集註 沙學而 息,是天 丽 「《集註 而 前 體 言 又曰 後聖賢所 求至於仁, 該後章五字之義,加之以「不 也 而不息』者,有 》所謂全體 》於他章引師 ,此章即 理流行, 非 只此 斷 全 ,則用便 論仁字,普博精 十字之約,不惟 無一豪人欲之私以 體 其所至之標的 無 己之所見 云者,非 用。 而 「全體,是天理 説日 以 不 有息也。」〇 念之間 蓋私 異乎?」曰 息者,不足 「全體不 「當理 指仁之全 意 而 聞 不息 一萌 言 又 m 而 息 也 愛 渾 發 昭 陳 無

章 辨」,原誤 -句集注》本改。 作「辦 下同 今據中 華 局 九八三年版 四四

四

後; EI : 間,無頃刻止息,所以生成萬物,無有已時。]〇又曰:「心 窒塞了。」如 碍,處處皆到。 之活,便能 然後謂之人也。不息者,如天地一元之氣運行於六合之 條 冰萬緒。 「仁者兼該萬善、無所不備、如人之頭目、手足皆具 況仲弓雖賢,未及顏子,聖人固不得 莫不總 運 顔子亞 轉 心死則便如鐵石、凡處人倫事物之間 不息,凡處人倫事物之間,此 會於此十字之中。 聖,猶不 能 吁妙矣哉!!○真 無違 於三月之 心周 流 皆 而 Æ 無

子説。說,音悦。 〇子使漆雕開仕。對曰:「吾斯之未能信。」

輕許之也。」

漆雕 開 信,謂真知其 之間。」〇蔡氏曰: 録》曰: 事,凡其日用之間,事君以忠,事父以孝,無非此理 而 自言未能如此、未可以治人、故夫子悦 開 言。 ,孔子弟子,字子若。 《語録》曰: 是於這 如 「此理字宏闊,恐不止是 適道 此, 「斯,只是這許多道理見於日 理 丽 L 無 見得透,全無些 豪髮之疑 魯人。 誠 斯,指: 子疑 也。 意 īĒ 心 處。」 也。」 《語 此 之 用

如此,則固非有以見乎其大不能矣。 出一人,而不自知其所至之深淺也。 不見其大者,故安於小,惟見之不明 信,而程子以爲已見大意,見道分明 ○胡氏曰:「得其大而不局於其小也。」又曰:「古人 學字,且要識得一箇模樣,那一 白盤中一 是見得這大體恁地了,便是有一二節目處未盡得。 難了,所以自謂未能信。」○黄氏曰:「大意即是大體,他 之。」《語録》曰: 又要真知到真實無妄之地。此夫子所以悦其篤志也。」 見道分明,故其 不得。」〇又曰:「規模小底易自以爲足,規模大則功夫卒 蓋『帝之降衷』便是。」○又曰:「是他見得大了,便小殺合 可。」〇又曰:「斯者,非大意而何? 何下手作工夫? 間已有所見。 〇程 其篤志。 子曰:「漆雕 點黑,黑盤中 《語 未能信者、未能真知其實、方欲進進不已 録 若已見得大意,而不下手作工夫,亦不 「大意便是本初處,若不見得大意,如 ě. 言 一點白,不是全盤 如 開 開 此。」或問 已見 能 指 點一畫未是,却有商量。 此 大意,故夫子説 理 也,故若存若亡, ,何也?」曰: 若推其極,只是性 今開之不安於小也 卒然之間,一言之 丽 言 「漆雕開 不是。 便 是 又如 J. 未 臂 能 目 如

未實乎?

言 是

而

謝

氏

不言

1理而 故但

言心者

一心即

理之所寓

也 ,心有

一豪不自

然謂之真

知

則

心理 知

相契,無復疑礙,安有所存所行之 謝氏之意在其中矣。二〇輔氏曰

而言,故但可以知爲言也

道而爲言,非指此心之志於道

未信之言非兼知行

而言邪?」曰:「

觀斯字之義,則

指斯 安知

註

》言真知如此而無豪髮之疑,則專指所知而

言。

裁同,古字借用

考。 大意 **氂之未信,皆自知之也。」謝氏** 知其見道之分明也。」〇胡氏曰:「謂之見道分明者,凡豪 含糊不決。 見其反身而誠也。」〇輔氏曰:「人惟見道不分明 切 了,若目· m ,則於其細微容或有所 不容自欺 然聖人使之仕,必其材可以 有所見 今開斷然以 也 而手有所指者,且其 , 則 其所見之明,又爲如何哉! 爲未能信,未可以仕而治 未盡 曰:「開之學無 曰見道分明 驗之於身,又 仕矣。 則 故所 然日 固 如 人,故 未必 此 至 口 見 言 其

説 信。 미 可 於心術之微,則一豪不自得,不害其爲 一豪不自得,不害爲未信,似指心之所存者而言。 量 以 乎? 仕,而其器不安於小成,他 此聖人所不能知,而 夫子所以説之也。」黄氏曰: 開自知之。 日所 就,其 其材 下謝氏 《集 未

> 又曰: 者? 聖人有所不能知,則其説精矣。」〇愚謂: 得,便是於理有所未信 曰:「謝氏以材器爲言 而不知之神不止 然不肯安於小成。 中者,有諸中必形於外。 但其未信之實,意味曲折,不若開 「器,言其志量也。 也,則 其進 ,似與程子小異,然所謂心術之微 也。」〇 他 所見者大,所知者明 日所就, 進不已之意不 聖人明 又日 果可量乎!一〇胡 睿 一材 所 自知之精 照 至於大而 見於用 材 ",亦 如木料 ,則其志 何有 者,心 耳。一〇 器是 化、化 不 Æ 量 知

自

諸

無所取材。」桴,音爭。從、好,並去聲。 與?」子路聞之喜。 〇子曰:「道不行,乘桴浮 子 曰:「由 于海。 也好勇過我 與,平聲。 從我者其 材,與 由

材之成就者。

其 路以 桴,筏也。 於義,故謂其能從己,皆假設之言 浮海之嘆,傷天下之無 勇 爲實 而譏 然 愚謂: 其不 ,而喜夫子之與己,故 桴,竹木所編小筏也。 能 裁度事 賢 君 理, 也。子 以 程子 適 夫 耳 於義 子 路 H 美 子 勇

於義也。」 己,可謂直情徑 思遠而形於言也。子路不知夫子之本心,而喜夫子之與 於義,不以流離困苦而二其心,故謂其能從我,是皆憂深 乘桴浮海雖假設之辭,然傷時之不我用也。如子路之勇 之本心。 之。」〇胡氏曰:「得時行道,使天下無不被其澤,此聖人 裁以適義,如率爾之對,迂也之言,皆是也,夫子所 必行而喜其與己,而其平日之所爲,多傷於剛果而 理以適於義,則子路有所未能。蓋不惟今日遂以 從之矣,故夫子以爲好勇過我,蓋深美之。 其勇於義耳。 然見於言意之表。」〇又曰:「夫子謂子路之能從我,正以 其憂時憫道之心蓋有不能自己者,故程子下一嘆字,又 也 。」輔氏曰:「聖人欲浮于海,豈有憤世長往之意哉 傷字,且斷以爲假設之辭,則聖人哀矜惻怛之仁,藹 世衰道 子路聞之喜,使夫子而果行,則子路 行而無所忖度,故稱其勇而譏其不能審 一否,至於無所容其身,豈聖人之得己? 至於裁度事 夫子爲 以 不能 必 能 教

不能必其有無,故以不知告之。輔氏曰:「諸子路之於仁,蓋日月至焉者。或在或亡,乙孟武伯問:「子路仁乎?」子曰:「不知也。」

有時 心亡而無其仁矣。將以爲有,則有時而 不懈,則是心存而有其仁。 月一至焉,能造其域而不能久耳。 子之於仁,蓋亦勉焉而未能有諸己也,故或日 而有。 既不能必其有無,則以不知告之。」 及私意横生,一 方其志氣清明,存養 無 有 將以爲 間 至 焉, 則 則 或 是

也,不知其仁也。」乘,去聲。 又問。子曰:「由也,千乘之國可使治其賦

之家,可使爲之宰也,不知其仁也。」《春秋傳》所謂「悉索敝賦」是也。言子路之才,可見者如此,仁則不能知也。輔氏曰:「才以其可以有爲者言,仁則心德之全而人道之備也。」」之家,可使爲之宰也,不知其仁也。」

使與賓客言也,不知其仁也。」朝,音潮。「赤也何如?」子曰:「赤也,束帶立於朝,可家臣之通號。

千室,大邑。百乘,卿大夫之家。宰,邑長

赤,孔子弟子,姓公西,字子華。魯人。

愈,勝也。

一,數之始。十,數之終。二者,一之對七間一以失二。

照,即 《語録》曰: 子火光,逐些子照去推尋。]〇問: 識 睿所臨,如箇明鏡 是資稟淳粹,亦得學力,所以見得理分明。」〇又曰 想象,恰似 見得優劣處。 二者,一之對,以其彼此之相形而 也。胡氏曰:「十者,數之終,以其究極之所至而言。 ,若孔子, 彼。 始而 「無所不説,告往知來」,是其驗矣。 將 則如何?」 「顏子明睿所照,子貢推測 顔子是真箇見得徹頭徹尾,子貢只是臆 見終; 物來比 在此,物來畢 曰:「孔子又在明睿上了,耳 並 子貢 相 似 照。 只 推 能 言。」顏子 測 聞 推 聞 而 測 而知,因 知一。 知十,是明 知兩句,當玩 脯 知者,如 明 顔 此 睿 順心 睿 子 將 而 所 所 明 雖 度 味

> 説。 知得 聞 若顏子無所不説,則不待告往而來無不知矣。 子貢所知反似多於顏子。 遺照矣。」〇或疑始終只是一事,彼此則是兩 兩事,但有生熟之異,始則思而 終無遺。 子貢須用 通,無所限 「顏子不假思惟,如 、「然。 知得通達, 通達,無所執 知十,不是知一件限定知得十 聞一知二,亦不是聞 思索,循 若不格物窮理,則 際。] 〇間: 無所執泥,故 泥。 房而 鑑照物,纖豪莫遁,故能 進 知 推測 得 以 愚謂子貢必待 周遍,始終無遺,故無 推測箇甚 告 類 加 往 而達 通,久則明 知,亦是格物 件限 知 ·件,只 來。 心,故 定 底!」〇 (是知 告 知 能 然思 睿 得 因 往 即 事, 生, 得 窮 此 始以見終。 而 與 輔氏曰: 以 後 周 理 如 而 睿 知 遍 否? 只 所 此 物 亦 始 彼 則 非 無 不

子曰:「弗如也! 吾與女弗如也。」

也。 之如 與,許也。 之才也。 語以不暇,又問 聞 何。 子貢平日以己方回,見其不可企 知二,中人以上之資,學 聞 〇胡 一知十,上知之資,生知 氏曰:「子貢方人,夫子既 其 與 口 孰 愈,以 觀 而 其 之亞 自 知之 知

亞 其所以 於已知; 而子貢亦得以終 知,自知之明,則不容於不自屈也。 方回,見其不可 於此者,其反身自省之誠,蓋不能 廣。 也 無淺深之異也。]〇又曰: 又不難 及,故喻之如此。 於顏子 若夫學而知之者,則須居敬窮 輔 氏日 不難於自屈 終 於自 聞 惟 企及而喻之如此。」〇又曰: 性 有 屈,故既然之, 所 是生知之聖人,則全體 與 聞也。 ,則不畫於已至。 (天道,不特聞一 夫子以其自知之明 「子貢雖好方人,然亦非 至於聞性與天道 無也。 理,漸 且自知之明,則不安 又重許之。 此夫子所以許 漸 故其平日 昭著,不 「自屈生 開 知二而 明, ,則其知亦 專 固 於 以 待 用 不 之、 此 已 而 己 能 自 推 心

與,平聲,下同。
牆不可杇也,於予與何誅。」朽,許久反。 杇,音污。
一等予晝寢。子曰:「朽木不可雕也,糞土之

也。 杇是塗之所用,因謂泥牆爲杇。 晝 寢, 杇, 謂 鏝 當 也。 晝 而 愚謂: 寢。 鏝, 朽, 言其志氣昬惰,教 名杇,塗工之作具 腐 也。 雕 刻 也 畫

> 意愈深則言愈緩如此。」 責,乃所以深責之。 必以立志爲先。」與, 將勇則士亦勇,將惰則 而不可 於怠惰。 聖人之教可 『志者,氣之帥也』,蓋志强則氣亦强,志惰則氣亦 志,氣謂 正以喻其志氣昬 而 無 帥 所 氣,則氣不惰。 得。 施 血 如將帥之統卒,有紀律,有號令,則士卒雖欲 也。 氣。 荀心志不立,則 得 而施 學者若能立志以自 輔氏日 惰 而 也。 志不昬,氣不惰, 教無所施耳。」○真氏曰: 語 士亦 朽木 辭。 玩理以養心, 輔氏曰: 未免爲氣 惰 不可雕,糞 也。 誅 强 學者欲去昬惰之病 「聖人之責人,大抵 責 血 , 則 則有受教之地, 則志不昬。 也。 所 (土之牆 氣 使。 亦從之,不 言不足 疝 「志謂 不可 惰。 子 以 如 mi 志

去聲。 於人也,聽其言而觀其行。於予與改是。」行, 子曰:「始吾於人也,聽其言而信其行,今吾

語稱於聖 而 宰予能言 改 此 門, 失,亦以重警之也。 而行不逮,故 뻾 孟子亦以爲善爲説辭。 孔子自言於予之事 輔氏曰: 然論 「宰予以言 喪則 欲 其

言觀 者,只要這箇 氣所使。 謹 杰 勵不 也。 居 恐其不及也。」胡 則 非 無不皆然,但 子責之。」輔氏曰:「「惟日孜孜」,古者自始學至成德 短 其不及也。 君子之於學,惟 於言 能言 其 語 疑學 然 仁則 行 息自彊,此孔子所以深 古之聖賢未嘗不以懈惰荒寧爲懼 耐 然,則 而 至此 古之聖賢 而 者。 聖 行 倦 病其愚 不逮 敏 道 |有勉强自然之異耳,故以爲『斃而後已」,惟 則又深責之,且自言於予之事而 人不待是 理 於行 是 宰予晝 特 非 可見矣。」胡 常 氏 對 必 因 在 宴安之氣 曰:「宰予不 社 以 此 非 H 日之言也。」〇 則 懈 是別 立 失其 寢,自棄孰 孜 惰 丽 (孜,斃 教, 荒 氏 有 、義、問 後 寧 所作 曰:「子曰」 勝,做 爲 以 能 責宰 懈 五帝 懼 警群 能 爲 而 亦 也 意 勤 甚 後 德則 以 戒 非 ,要之只在 子) 范氏 勵 弟子 馬,故 志 己, 生,便是 之志 緣 不 也 夫子以爲 改 帥 息 此 惟 疑 日 此 自 i',勤 氣 使 聽 惰 夫 失 恐 衍 而 收 彊 爲 :

> 後能 放心 日 體 物 「學者誠能立志以 教 而已。」〇又日 至誠與人。 人不倦, 不逆於詐,故非 故 因 明 自 此 彊 睿 立 ,則氣亦從之,不至於昬惰 教 所 照 以 緣此 不 警 ·假 群 ௱ 於外 弟 盡 子 疑學者。 也。」〇 故 不 待 仁以 蔡 是 何 氏 mi

有於晝寢!

故學莫先於立志。」

日 者少 慾,則 剛。」最 慾不 揜之 能勝 ·子曰:「吾未見剛者。」或 得剛慾兩字分曉。」謝 無 棖 剛 帳 第 剛 堅 謂慾,故常屈 物之謂剛,故 可 無 也慾,焉 人所 剛 不 子姓名。 强 知,其 得 志 則 不 者多 難能 不 爲 屈 剛 屈 爲 之意、語 得 矣。 魯人。 了,宜 於慾。」輔 者,故夫子 剛 人得非 氏 於 常 ?」焉,於虔反 夫子 日 〇程 萬物之下。 伸於萬物之上; 慾,多 録 悻 之未 ¥ 氏曰: 對日 子日 剛 悻 歎 嗜 :「壁立千仞, 與 自 :「人有 : 程 見 慾 其 慾 (未見。 好 也 自古 也。 申 子 E 者 棖 相 語 乎 爲 根之 多 学子 有 慾 反。 便是 斷 志 物 嗜 則 申 置

剛。 德 中不屈於慾,所以 爾 故 下 物大,隨其意之所貪 者,皆不足以 之未見 能 則 則物便大,己 人道好,便是欲了,安得爲剛 人觀人,直從 主,焉得剛 之欲色之類 有計較勝負之意,此便是慾。」〇又曰: 「若耳之欲聲,目 意,只此便是慾也。」〇又曰: -是也。 勝欲, 得 自然常屈於萬物之下。 則 °」《語録 或 頭低 然不 者 自 也。」〇胡 ,此謝 然常 知悻悻自 所以 了。 疑 ,皆是 \mathbb{F} 裏面 動之,所謂 氏所以數自古有志者少,無志者多,宜 伸於萬物之上。 便 以 或者以申 申 相 小。 氏 棖 爲 凡 對 慾。 看 爲 好只是客氣, 想只 日 出。 剛。 m 剛 己小, 俯 人纔要 相 纔 首下氣以求之, 根爲剛 伸於萬物之上是也。 悻悻 是悻悻自 剛 見得他中 反,有 有些 然 惟 則 則 貪這 剛則能全其天德,能全其天 不 便爲 「剛者外面 :者,外 己大物 是 被他牽引 此 必必 」〇輔氏曰: 如 知 則 則 物 此便 是外面悻悻自好。 好 無所主 件 面 此 無 無彼 所 底 小 欲 有 物 其 ,所謂 揜 有以 人, 故 去,此 事,便 崛 退然自守 ,凡天下之可 也。」〇 ,只是色莊 所 己 强之貌 能 意氣 故 「人苟逐慾, 屈 剛,]爲物 以 中 慾則己 當 於 被 ·便無 時 萬 有 加 這 又 爲 所 便 物之 夫子 以 日 志 而 人 物 揜 慾 要 小 故 聖 是 之 爲 事 欲 所 其

〇子貢曰:

我

不欲

人之加諸

我

也,

吾

亦

欲

無

之謂勝 不爲外 如 其所以爲慾也。」〇真氏 悻悻者則常有忿怒之意,至臨利害 爲是耳。 其類乎剛而知之。 能出也。」 慾,言陷溺於 《孟子集 孟子 物, 所 物所奪, 謂 剛者平居未必 註 非 「富貴不能淫 物欲之中 剛暴恃氣求以 「悻悻 凡榮辱得喪、禍福死生,皆不足以 然自好未必如孟子之意 ,怒意。 木 日 不 能 貧 退 自 勝 賤 然自 自 所 克 不能 人 好 調勝 (之謂 守, 如 自 ,則趨 移 爲 物 愛其 而 物 也。 威 者 利而 臨 武武不 遮 身 事 謂 爲 正謂 覆 也。」 文 則 避害矣,此 物 能 揜 志 不 揜 遏 其 謝 屈 動 堅 间 之謂 自以 氏 而 强 此 以

加諸 調「非 以 無加諸人」,無者,自然而然,此等 等不善底事,我欲 故夫子以爲非子貢所及。 子貢言我所不欲人加於我之事,我亦不欲 「恕」字,要充廣此心,漸 此 人。」子曰:「賜 爾所及」,蓋是子貢工夫未到 加之於人。 無以加於人,此 此仁者之事,不待 也,非 漸勉力做向前 爾 《語録》 地位是本體 意可 此田 所及也。」 去。 謂 地。 廣大。 如 學者只 明淨 今便 子 勉强 然夫子 ,貢謂 説 發 有

故夫子謂「非爾所及」,言不可以躐等。」○ 盡 無覩當底是仁,有計較、有覩當底是恕。」思 底是仁,生底是恕。 兩句所以分仁恕者,只是生熟難易之間耳。]〇又曰: 曰:「此是程子晚年看得如此分曉,説出得如此明白。 則子貢 也,施諸己而不願,亦勿 我不欲人之加諸我,吾亦欲無加諸人,仁 是不忍之心,不待勉强,乃仁者之事。 然,勿者禁止之謂,此所 (或能 勉之, 仁則 自然底是仁,勉强底是恕。 非 施 所及矣。」《語 於人,恕也。 以 子貢速 爲仁恕之 謂 程子曰 無 無計 作 此言, 者 「熟 録 自 較 恕 此

之言性與天道,不可得 〇子貢曰:「夫子之文章,可 者言也。」○蔡氏曰:「謂之德,則有本,謂之見乎外,則 文 自有不容掩, 氏曰:「威儀以德之見於容貌者言,文辭以德之見於言語 文章,德之見乎外者 、蔚然有章者,雖不外乎威儀文辭, 謂之威儀文辭 而 ,皆是也。 威儀文辭皆 聞 也。 得 而亦不專在乎威 而聞也; 則夫子之粲然有 是 也 夫子 儀 輔

别。

録》曰:

「異處在「無」字與「勿」字上。」

而

而學者 文也。 其實一理也。 有條也。 德蘊於中而輝光發於外,如威儀之中度,語言之當理,皆 爾。」〇真氏曰:「文章二字非止於言語詞章而已,聖人盛 文辭矣。 貢 者 此。」〇又曰:「 上面腦子。 人所受之天理,天道者,天 世始以筆墨著述爲文,與聖賢之所謂 白合而成章,文者燦然有文之謂,章者蔚然有章之謂 章」,皆此之謂也。 義禮智之性。上言夫子之文章,日 人得之者爲性。 至 所共聞,至於性與天道,則 是始! 孔子稱堯曰「焕乎其有文章」、子貢曰「夫子之文 蓋其 六經、《論語》之言文章,皆取其自然形見者,後 有 上 得 不 (動静 「譬如 面 聞 得聞者。 乾之元亨利貞,天道也,人得之則爲仁 有 《語 至於二字之義,則 語 之,而歎 一條 腦 默 録》曰:「性便是自家底,天道便是 子,下 長連 焕乎文章 蓋聖門教 面 底物 其美也。 便 事 有許 随 理 文者異矣。」性者 五色 Į, 寓 見乎外,固學 自 多物 夫子罕言之, [發著 流 不躐等,子 然之本體 錯 輔 行者是 事, 而成文,黑 氏 自 曰:「夫 徹 無隠 天道 底 · 意 平 如

子之德,著見於外,如所謂威儀文辭者。 固 群弟子所 共 聞

子 教人以文章,到後來地位高,方語以性天道爾。] () 將 所 曰:「文章固是性天道之發,然聖人教不躐等,平時只是 有所得,然後告之,豈有陵節躐等之教哉!!〇 共學也。 「此子貢聞夫子之至 至於性與天道 則所罕言,必學者真積力久, 論 圃 歎 ※ 美之 陳氏 程

○子路有聞,未之能行,唯恐有聞。

言

也。」

恐不聞 范氏 勇乎! 不給 子路之勇, 勇矣。」輔氏曰:「人之有勇 爲弗及也,故著之。 若喫不盡 譬如人之飲食,珍羞異 前 :所聞者既未及行,故恐復有所聞 E 也。 ,既聞得,寫在策子上便了,不解自去著工夫。」 (,也徒然。 乃 「子路聞善,勇於必行,門人自 《語録》曰: 獨 用 之於力行夫善,可不謂 子路不急於聞,而急於行。 「子路急於爲善,惟 饌羅列在前,須是 若子路,可謂 ,用於非所當用 喫得盡方好。 恐行之不徹 者多矣。 之能 能 IIII 今人惟 用 行之 用 其 以 其 而

〇子貢問

孔文子何以謂之文也?」子

好,去聲。 好,不恥下問,是以謂之文也。

問也。 謂之文。 〇又曰: 謂 得甚事! 其爲人如此而諡曰文,此子貢之所以疑 諡 學好問」爲文者,蓋 孔文子,衛大夫,名圉。 爲文矣,非經天緯 駕 太叔疾出其妻而妻之。 好學,位 『孔文子,孔姞之事如此不好,便敏而好學,不恥下問,濟 文子怒,將攻之。 善也。 「節以壹惠」,言只有一善亦取之。 而 爲文,以此而已。〇蘇氏曰:「孔文子使 行。 孔文子之文是其小者。」 「經天緯地,是有文理。 孔子不没其善,言能如此,亦足以 孔文子問 而聖人取之,何也?」曰: 高者多恥下問。 疾奔宋,文子使疾弟遺室孔姞。 是不 訪於仲尼,仲尼不對,命 地之文也。」《語録》 好,只敏 亦人 疾通於初妻之娣 一横 學下 凡人性敏者多 所 故 「古人諡法甚寬, 難 問 節者,節 諡 直 也。 亦 法 ,皆有文理,故 是 有以二 ĕ 孔 略 他 丽 南 問 取 勤 而 得 不 其

猶

有所未至也,子産有君子之道

四焉是

者三、不知者三是也。

數其

事而稱之者,

事而責之者,其所善者多也,『臧文仲不仁

恭,其事上也敬,其養民也惠,其使民也義 ○子謂子産,「有君子之道四 利 舍也,九夫爲井,使五家相保。○吴氏曰:「數其 曰:「『田有封洫」,謂封 各有規矩, 義字在子産上,不在民上。1〇又曰: 便見得子産之政不專在於寬。 有 於行己爲切; 句,故以謙遜釋恭字,謹恪釋敬字。 者、恭敬、謙遜、皆禮之端。緣此下有「其事上也 子産,鄭大夫公孫僑。恭,謙遜也。敬,謹 恪也。輔氏曰:「首篇已釋恭爲莊敬,而此又釋爲謙遜 也。 封洫、廬井有 其養民則惠 使民義,如都鄙有章、上下有服 有服,是衣冠服用皆有等級高卑。」〇輔 謹恪乃敬之實,而於事上爲宜也。」惠 伍之類。《語録》曰:「義字有剛 ,及使民,則義。 疆也 、洫溝也。 就「都鄙有章」處,看見得 蓋謙遜乃恭之實,而 活 「有章,是一都 惠字與義字相反 「廬井有伍 其行己 一,謂 敬」 鄙 田田 愛 也 廬 氏

> 唯聖人之心如明鏡,如止水,妍醜不相掩,而好惡適 非 也。 氣暴,則悦其是者,遂不知其非,惡其非者,遂不察其是。 事亦有做得是者,亦有做得 氣暴使然也。大凡人言,亦有説得是者,亦有説得非者 曰:「以一言蓋一人、一事蓋 君子之道四焉,猶有未至,即是不仁三、不知三。」〇又 也。」輔氏曰:「文仲、子産非有優劣,所善者多,即是 今或以一言蓋一人、一事 非者。 一時,此最學者之病,蓋心麤 儻或性情不治,心麤 蓋一 時, 其

〇子曰:「晏平仲善與人交,久而敬之。」 國際之初,誰獨無是恭敬之心哉?但久而褻狎, 常情,交際之初,誰獨無是恭敬之心哉?但久而褻狎, 常情,交際之初,誰獨無是恭敬之心哉?但久而褻狎, 常情,交際之初,誰獨無是恭敬之心哉?但久而褻狎,

也?」棁,章悦反。知,去聲。 ()子曰:「臧文仲居蔡,山節藻棁,何如其知

臧文仲,魯大夫臧孫氏,名辰。居,猶藏

平,所論孔文子與子產兩章皆當如此。」

草名。 宜 棁 知,便 是僭,則不止謂之不知,便是不仁了。 倒在卜筮 底去處。 事,聖人問 爲知,聖人便説道他既惑於鬼神,安得爲知! 藏龜」,禮 子只譏其不知,便未是僭,所謂「作虚器」而已。「大夫不 務 謂刻鏤柱頭爲斗拱形如山 而 柱爲藻文也。 也 爲 民 矣。」張子,名載,長安人。 刻 「山節藻棁、恐只 秋 是 蔡,大 藏 Ш 義, 人傳》所 只主 今文仲乃爲山 於節、畫藻於棁也。 棁, E 家乃因 欲使民信之。 面 而 之 不 梁 了,如 龜 當時以 諂 知 室, 謂 此立説。」〇又曰: 也。 而 E 瀆 作 何 言 祀 是華飾,不見得其 短 也。」〇 得 鬼 節藻棁以藏之,便是他箇心 虚 節, 文仲 爰居之義 柱 然從蓍龜之地,須 謂 也。畫藻於棁者,謂畫梁上短 器 神 之知。 也 柱 如 即 ○輔氏曰: 張子 爲知,孔子言其不 頭 此,安 蓋 古説多 此 愚謂: 斗 如如 同 爲 曰: 「山 聖人今只說他 拱 制 事 臧文仲,人皆以 度如 藏 也。 道 也。 得 「《傳》譏文仲 歸 刻山於節者, 自 龜 他 爲 有 蓋卜筮之 於 何。 是 之室 藻,水 箇 節 知 ? 不 語 僭 合當 今夫 録》 知 藻 若 向 不

令尹。 乎?」曰:「未知,焉得仁?」知,如字。 色, 三已之, 無愠色。 舊令尹之政, 必以告新 〇子張問 夫子但 破他有私處?」曰: 否?」○問: 中,是有無 上兩節。」然其所以三仕三已而告新令尹者, 令尹,官名,楚上卿 未知其皆出於天理 物我無間,釋舊政告新。 故子張疑其仁。 鬭,名穀於菟。 室,即是祀爰居之義,故同歸於不知也。」 「三仕三已所以不得爲仁,蓋不知其 無間,知有其國 「不知者三」,「祀爰居」居 何如?」子曰:「忠矣。」曰:「仁矣 許 曰:「令尹子文三仕爲 合 「三仕無喜,三已無愠,全無 其 當仕否? 忠, 「也不曾識破。 其爲 而不知有其身,其忠盛矣, 黄氏曰: 而 三已之中 未 知有其國 mi 其 人也,喜怒不形,物我 執 許 無 「喜怒不形,釋三仕三已。 政 其 人欲之私 今山 者也。 一而不知 又不 但 事是如 也。 是夫子 節 私欲。 知 令尹 藻 有 焉,於虔反。 何: 棁 有 子文,姓 也,是以 其身,通釋 語 既 無 爲 三仕 録 何以 不 合 藏 無 ₩ E 許 龜 喜 之 之

以仁,必是三仕三已之間,猶或有未善也。」

「未知。焉得仁?」乘,去聲。
「何如?」子曰:「清矣。」曰:「仁矣乎?」曰:一之一邦,則又曰:『猶吾大夫崔子也。』違之。至於他邦,則曰:『猶吾大夫崔子也。』違之。至於他邦,則曰:『猶吾大夫崔子也。』違之。

私心而 於理。」〇黄 矣。 雖 免於怨悔也。 所累乎? 然未知其心果見義理之當然,而能 也。違、去也。文子潔身去亂,可謂清矣, 陳文子,亦齊大夫,名須無。 崔子,齊大夫,名杼。齊君,莊公,名光。 《語録》曰: ○愚聞之師曰:「當理 好惡又未必當於理,惟仁者既 一豪私 氏日 抑不得已於利害之私 「有人好惡 意雜乎其 故孔子特許其清,而不 當 理 而 間 無 當理 私 則 Ė, 而 是 而 未 雖 合 無 必 十乘,四十匹 無 分 無 私 無私 私 作 心 私 J. 前 兩 而好惡又 心,則 心,有 而 脱 旬 非 許 猶 然 关 理 其 未 無 事 當 之

姑指 悦於苟 也。 仁須表裏心事一皆中理乃可。一子張未識仁體,而 陳文子潔身去亂,其事善矣,然未能保其心之無 者言之。 之所謂仁,則以此心純是天理之公,而 心之謂。 之也。」〇陳氏曰:「仁,一也,而言之不同 Ę 有以見其必當 子之事,雖其 當理而 公,而無一豪人欲之私者是也。 心德之全而天理之公也。 體用一源,内外無間,如天道流 曰:「子文之無喜愠,是其 當理以事言,無私心以心言。 以事言者、是於臨事變也、因以觀其心體之云爾、非 事皆當理,又無私心,則 其先言當理,而後言無私心者,蓋又指 事 無私心者言之。終以心言者,是以平日 若三仁、夷齊與子文、文子等章之所謂仁,則 難,遂以 而言其實,亦非 若顔子、仲弓、子路、冉有、公西華及 制行之高若 於 小 理 者信其大者,夫子之不 而 有二義也。」今以是而 心固 以心言,則此 可謂之仁人。」〇輔氏 真 事當於理而心 行而物生 無 以 無 私, 不 事 私 而 叮 言 無一 於 心 咸 1 及,然 則 事則 也。 遂,此 純 豪人欲 當 以 無或 憲問 是 統 理 其 未 理 《語 天 事 體言 而 所 皆未 私 觀 Ħ 盡 之 等 理 以 無 而 日 也 善 則 私 之 則 之 U 意 私 言 謂

之謂。 説。 識矣。 許也宜 三仁、夷齊之仁,是於大變中做事,見其當理而全無 之可至,而聖人不輕以絶人。 能,而聖人不輕以許人。以三仁、夷齊之事觀之,又見仁 有仁。子文、文子之忠清,只得唤做忠清。]〇輔 也。」〇又曰:「夷齊之忠清,是有本底忠清,忠清裏依舊 子,夫子當時只見此兩件事是清與忠,不知其如何得 事,亦已是仁人,蓋二子忠清元自仁中出。 二子之爲矣。 「以「不知其仁」、「仁則吾不知」之語觀之,則知仁之難 亦此意。」〇《語録》曰:「若比干、伯夷之忠清,是就心上 言,以求其心,則其中洞然無復一豪私欲之累,其亦異乎 齊之事觀之,則彼此交盡,而仁之爲義 仁」、後篇「仁則吾不知」之語并與三仁、 (而自怠,不輕絶人,則人不至以爲難而自絶。)○陳氏 「仁者,心德之全,其道至大,非可指 若論心時,比干、伯夷已是仁人,若無遜 若子張之問子文、文子,則又但以一事之小者 或問: 哉。」讀者於此,更以上章「不知 故程子以爲「比干之忠,見得時便是仁」, 「夷齊、三仁。」曰:「此五人者,考事 不輕許人,則人不敢以爲 一事 若子文、文 國、諫紂之 前 言。 氏 私 日 夷 其 若 口 而 察 心

> 見矣。 不數歲而復反於齊焉,則其不仁亦可 事。文子之仕齊,既失正 之,子文之相楚,所謀者無非僭王猾夏之 猶在焉,亦不得謂之仁。必其見於事者皆當於理, 於心者皆無所私,然後可以謂之仁也。一今以他書考 之正,而即乎人心之安也。 理渾然,自無克伐怨欲之累,不行不足以言之也。 全體不息者,不足以當之也。「仁則吾不知」,謂 者,無間斷也。 三仁」,謂三人同出於至誠惻怛之意,故不咈乎愛之理 欲信其大者,則不可也。」○胡氏曰:「『不知其仁』, 而有以全其心之德也。「夷齊之仁」,謂皆求以合乎天理 至於外若無虧欠間斷,而中之私意根 夫全體者,無虧欠也。 君討賊之義,又 一般有 不息 .則天 謂非 而 鞍

可矣。」三;去聲。 ○季文子三思而後行。子聞之,曰:「再,斯

事也。斯,語詞。程子曰:「爲惡之人,未後行,若使晉而求遭喪之禮以行,亦其一季文子,魯大夫,名行父。每事必三思而

又工 以決其疑,如 尚 是 得。 0 焉,豈非程子 篡立,文子乃 如 永 思至於再者,欲人之以義制事,而不汩於利害之私 問:「程子之説。」曰:「天下之事,以義理斷之,則是非 審 〇又曰: 否,再思而已審; 計 嘉陳氏曰 不 以 此 知 夫最 氏 厭 若更加之思焉,則 較起私意,反生將前 輔 君子 有 思,只 \Box 一則私 可 氏 「凡事初看尚未定,再察則 切處。」〇愚謂 思,有 EI : 謂 務窮 理之明 、爲應 是 「大凡應事, 意 不能 詳 而 所 起 以私意揣之,則利害得喪,萬變而無窮 不 思 展 事言之。二〇愚 審 理 轉 謂 丽 則 窮 能 則 圃 思 私 峭 是 理 私 討,反 反惑矣,故夫子譏之。」 爲 慮,則 貴 箇 窮 意起,而 則 非 宜 意 善矣。 理是 真 思底已是 無以 判 果斷,不徒多思之爲 無 起 底失了。 私 思時 審其 爲 斷之果 過 意起 ៣ 案 非義理之本然矣。」〇 之使 已審矣,便用 舉 反 然至於 事 是,不能 ,再思則親切,三思 而 矣。 惑之驗 若夫爲學之道 季文子 果 則 反 齊 斷 從違 感 是思後 也 果 而 面 再 決斷 決。 决 圖 與 納 宣 慮 則 則 也。 事 賂 公 已 此 無 始 當 或

其 子却 君,此 之愚,既能韜晦 兩全。 時,要正救者不能 子竭力其間,至誠 子 禍 文公有道之時,不得作爲,然他亦 子 仕 知 道失國,若智巧之士,必且 深避而不肯爲 力,不避艱險。 道,至於失國,而武 甯武子,衛大夫,名俞。 案《春秋傳》,武 患,不失於此 無 衛,當文公、成公之時。 文公有道, 可 日 似簡愚底 「富富 及 非 事 其愚之不可及也。 也,其 他 可 能 '見,此其知之可及也。 人, 沉 武 以免患,又自處不失其正 則失於 晦, 子 但 愚 免患, 骳 者,而 其 凡其 何 惻,不避艱險,却 不可及也。」知 邦 人愚得 以 要 彼。」〇又曰:「 有 致 避患者又却 去深僻 子周旋其 來 道 所處,皆智巧 此。 能 好。 則 卒 若 **《語** 處隱 知 無事可見。 比 若 保 録 使别 以 能 、去聲 偷安。 邦 其身 他 避 × E 智 擺 間 此 不肯 人於邦無 無 自 脱 人處之,縱 所以爲不 免之士, 禍患,卒 道 若甯 之士 以 盡 成 出 至成公 甯 則 武 濟 心 公 而 武 道 子 愚 其 所 竭 無 适

及。」〇又曰

「愚有兩般

有

般

愚

而

冒

昧

向

前

底,

少

得

武 無

三九六

道 猝 去始得。 人不同。 何?」曰:「武子九世公族 地做將 做壞了 ,武子却不明 去, 事。 若無干涉,要去也得, 到 那 然少 如甯武子,雖 艱 進退之義, 險 間 時 事 節 又 都 却 與 而乃周旋其間,不避艱 並他冒 不做 要 **八國**同 去、是甚 住也得。 昧向前, 壞了。」〇問 休 戚 却 不露 若要去時,須早 道理! 與尋常 主 「衛 角, 無干 程 ,只猝 之無 子 加 洲

也。 日 亦有 邦無 不當 道 能 愚 沉 者,比 晦 以 干 免 是 患, 也 故 ○」《語録 E 不 미 日 及

如 世 雷 了比干不容於不諫。 間 武子亦自可 事做一律 看不得。 爲 法。 諫而 然比干却是父族 聖人不是要人皆學甯武子,但 死,乃正人也。 當武子之時 微子既去之

曰 : 則爲武子,當比干之時,則爲比干,執一不得 當愚,只得 「若比干諫 如此 而死 處,又與武子不同。」 ,看來似不會愚底人。 然他於義却不 也。」〇又

狂簡 〇子在陳日 斐然成 一歸 章,不知所以 與 歸 與 裁之。」與,平聲。 吾黨之小子 斐、

欲

行

其

道

於天下,

至

是

൬

知

其

終

不

用

也。

音匪。

此

孔

子

周流四方,道不行而思歸之歎也。

0

事。 觀。 日做 不狷 可 丽 吾黨小 貢之辯,子路之勇,都真箇做得成了。 掉了。❷ 日 也,雖琴張、曾點,猶或墮於此失。」長,文貌。 觀者矣。 首有尾、有條理、有文章可觀者。 語 :「斐只是有文采。」成章,言其 觀者。 略 録 蓋他狂 大凡學者易 得 也。 於事 š 明 狷也 子,指門人之在 此 如孝真箇是做得孝成 日休也。」〇輔氏 「如物之不 《語録 也 也。 則指門 是他 是做得箇 得 ¥ 輔 做得這 人之性 有 氏 :「成章、是做得 狂 티 Œ 狂 簡之病。 箇狷 須 底人成,不是做得半上, E 行 唯 裁 丽 魯者。 割令正。 狂 「成章, 謂隨 、忠真箇是做得 成,不是今日 言 非篤 雖 故 也。 異端 簡 文理成就,有 不是半上落 成 志爲己者 一。」夫 裁 片段 唯志大。 狂 亦 簡, 有 其 子 割 狷 , 有 忠成。 成 所 **添語** ,明日 示 故 初 正 文理 習 章 志大 下,今 路於 能 小 也 而 而 子 放 免 又 有

⁰ 「掉」。原誤作「棹」,今據四庫薈要本改。 原誤 作「一」。今據四 庫薈要本改。

則又 志意 人,其 異端。 道 勁 不 不 遠 也。 其喪而歌,是不以生死芥蔕,便如釋氏。 入於異 遠 得 殺,便全不濟事了。」〇輔氏曰:「志意高遠,即所謂志 便是老氏所謂『不爲天下先』底意思。 正 《語録 於是始欲成 可不 幸 則 ,做事亦徹 中行 過中失 彼 《有脱略世故之敝,故過中失正,而或陷於異端,是以 而 高遠,然非聖人有以裁正之,則 加 猶 **(*)** 日: 勢利拘絆他不住 (流弊爲佛老。 狂懦 ·有以 儒者異懦怯弱 蓋這般人,只管是要他身高,都不理會事,所以 或 或 之士 如如 陷 與與 裁制之,而使歸於中正 正,即其 可 大率異 頭徹尾,文理成就可觀 於異 典進 (其懦也,寧狂。 狂 就 而 簡底人,不裁之則 後學,以 一端皆是遯世 且如孟之反不伐,是他自占便宜 思其 略於事者是 氣息 端耳,故欲歸 於道也。 ,故或可 奄 次, 奄 (傳道 蓋狂 與進於道。 高尚底人,素隱 以 也。 無 無所 但恐 七志意高遠 也。」〇蔡氏 爲 尚 於 子桑户死,琴張 事 大凡 狂 向 可 收 來 口 如此等人,雖 而 狂 裁 其 爲 然溺於高遠 檢,而 士 人之志 世 裁之也 去,更 亦亦 節,使 過過 志 日 資質粗 無下 行 流 中 意 又 歸 意 怪 無 岛處. 入於 士 失 高 不 丰 中 高 大 收 是 弔 之

> 脚裁截處。 學者其深戒之。

○子曰:「伯夷、叔齊不念舊惡,怨是 之。」〇程子曰:「 是惡之。 惡其惡耳。 中渾然以理爲主,略與不遷怒相似,蓋不是惡其人,只 伯夷、叔齊,孤竹君之二子。 《語録》曰:「伯夷之清,他却是箇介僻底人,宜其惡惡 爲惡,今日爲善,則好之而不惡矣,所以人亦怨之者 是夷齊胸中常有憤憾之意,而亦何足以爲夷齊哉? 人,苟非大不平者,自不應有所怨。 即止,故人亦不甚怨之也。 如此,宜若無所容矣,然其所惡之人,能 其冠不正,望望然去之,若將浼 立於惡人之朝,不與惡人言。 《集註 二子之心,非夫子孰能知之?」 聖賢之心,皆是 》以人怨爲是。」〇蔡氏曰:「夷齊不念舊惡,是以 然能 若其人昨日爲善,今日爲惡,則惡之,若昨 不念舊 如此,但 思,却 不念舊惡,此清者之量。」 伯夷平日以 是 他 清 黄氏曰:「君子之於 若以爲己怨用希 之好處。」又曰 孟子稱 清 與 溢聞 焉。」其 鄉 用希 故 其「不 改 故 直 則 明 H

也。

〇子曰:「孰謂微生高直? 或乞醯焉,乞諸

其鄰

而

與之。」鹽,呼西

反

不直 若有一豪計較作爲,則不得爲直。 所從得,是爲掠美市恩。 乃乞諸鄰以與之、是爲 恩,不得爲直也。 與之。 夫子言此, 也。人來乞時,其 微 生姓,高名,魯人素 則 知所以爲直也。」〇 曲 輔氏 譏 家 大凡平心 意徇物。 無 其 曰 程 有直名者。 有 曲 子曰:「微生高 「己所無有,不以實告 知乞醯以應人之求爲 順理 其與之也,不告以其 意 ,故乞諸鄰 徇 以應物則爲直 物, 掠 醯 家 美 所 市 醋 以

才枉其 委曲 曰 也。 便非自然,便 非公則私 尚委曲 枉 雖 計 故乞醯之事雖若微末,然迹其曲 「是日 小,害直爲大。」《語録》曰:「醯,至易得之物, 小,便害其大,此皆 如 ,非天理即人欲,非自 此,若臨大事,如何? 故 是 程 是、非日 私與 子 以 人欲,才出 爲 所 非、有謂有、 不誠 枉雖小 實 然即計較。 此,便入彼 當有便道有,無便 也。」〇 害直爲大」。」 意徇物,掠美市 輔 無謂 有 無間 氏 一豪計較 日 無, 可 范 「人心 道無 容 恩 日 Æ 息

> **尤明白** 『不是説如此予,必如 直。 微窒欲之意尤更精切 駟萬鍾,亦只是這模樣。□○輔氏曰:「范氏釋直字之義 印 可 鍾 知焉」,莫是説 不謹 從 可 聖人觀 ,而又發聖人觀人即 也。」《語録 知 焉 人於 以 故 非 此取。 義 $\stackrel{>}{\vdash}$ 以 其 而 微 予,必 「問:「范氏言 只 小 介之取予 事 以知大之説,所以 看 斷 他 有 之,所 小 非 事 義 尚 丽 如 Ŧ 而 取 以 此 否? 駟 教 千 教 到 萬 駟 處千 鍾 日 不 萬 從

○子曰:「巧言、令色、足恭,左丘明恥之,丘亦
亦恥之。 匿怨而友其人,左丘明恥之,丘亦

於《纂例》詳矣。 明 意。」〇 此則自是足了,乃不是足。 却以爲未足而 足,過也。《語録》曰: 程子曰: 、非傳《春 輔 氏 秋》者邪?」曰 「左丘 日 添足之,故謂之足。 鄧著作名世考之氏姓書 「既已滿足其分,而 明,古之聞 一未可知 「所謂足者 凡 制 字 人 也 恭本 猶 如 也。」或問:「左丘 謂 爲之不已,日 啖 此 當 本當只 日 類 趙 如 者, 此 「此人蓋 陸 如 皆 氏 丽 此 辨之 足。 有 但 兩 我 如

丘姓而 者之可 明名,傳《春秋》者乃左氏耳。」訓 恥,有甚於穿 夫子自言『丘亦恥之』,蓋 育也。 左丘明恥之, 氏曰: [二]

竊 其所養可 而立心以直也。」輔氏曰:「巧言、令色、足恭,以 比老彭之意。 知矣。 又以深戒學者,使察乎此

也。 或不知二者之可恥,不卓然立起此心,則無緣會得直。」 者也。」〇又曰:「學者於察字立字,不可不加功,不察則 意可知已。 類,然其心陰巧譎 人之悦,藏匿其心所怨,而外與之爲友,雖與穿窬之事不 左丘明以是二者爲恥,則其平日之所養廣大正直 夫子所謂德愈盛而心愈下,不自知其言之謙 詐,以取悦求媚,則有甚於穿窬之人 若此二 之

音合。)顏淵、季路侍。 子曰:「盍各言爾志?」盍

爲盜

而 H

間陽爲好人,中心不直者,何以異此。

者:

過諂以事人,匿怨而面交,其所包藏豈止於取貨財之

故可恥有甚於穿窬也。○○愚謂:穿窬之人,暮夜

○陳氏曰:「穿窬者之志,不過

陰取貨財

而

咋

謂

邪!

盍 一,何不也

> 子路曰:「願 車馬、衣輕裘,與朋友共,敝之而

無 衣,服之也。裘,皮服。敝,壞也。憾,恨也。 憾。」衣,去聲

顏淵曰:「願無伐善,無施勞。」

勞,謂有功,《易》曰「勞 伐,誇也。 善,謂有能。 M 施,亦張大之意。 不 伐 」是也。《語

取

言?』曰:『亦是。 録》曰:「問:『善自其平生之所能言,勞以其一時之功勞 勞是就事業上說。」」或曰:「勞,

人。」亦 勞事也。 通 勞事 愚謂: 非己所 如前 説,則於勞字爲順。 欲,故亦 不欲施之於 如後説

則於施字爲順

朋 子路曰:「願 友信之,少者懷之。」 聞子之志。」子曰:「老者安之,

以恩。一説:安之,安我也,信之,信我 老者養之以安,朋友與之以信,少者懷之 也,懷之,懷我也。 亦通。 黄氏曰:「前説是

用,後説是效驗。 後説固 説得 自然,前 説 亦 未嘗 不自 然

勞之有? 衆人公共,何伐之有? 之異爾。 志 即仁,仁即心矣。 二也。不違,則身已居仁而常使之不相去耳。 説 後 勢利拘之哉? 象。」又曰: 録》曰: 於求仁乎?」〇愚謂:仁本固 戀不肯舍,仲由 故曰求仁。』曰:「然。」」〇又曰:「他人於微小物事 之,故不違,便是克己復禮底事。 曰:「問:「孔子安仁,固無可言。 子路皆是就作 夫子安仁,顏淵不違仁,子路求仁。」《語録 |説與「綏斯來,動斯和」意思相類,自是聖人地位 却有仁心自 ,皆與物共 「子路、 子路只車馬衣裘之間,所志已狹。 却已是煞展 「子路勇於義者,觀其 顔 用 能如此,其心廣大而不私己矣,非其 淵、 者也,但有小大之差 上説,故前説 物各付物,有天地發生 又曰:「子路、顔淵、 亞於浴沂者也。 孔子言志,都是不私己,但 拓。 施諸己不願,亦勿施於人, 然不若聖人,分明是天地 有,而未免於求,猶與仁爲 爲勝。」〇 子路方有與物共之志 顔子不違仁,乃是已得 氣 (志, 豈 顔子不自 象。 程 顔子將 爾。」《語 孔子之 子 安仁則 況 有 可 類子、 一,但 日 何施 善與 小大 ,尚戀 意 以 氣 心 前 在

要識 氣象。 旦。」曰: 矣。」〇問: 面 資質高底人,要不做底事,便不做。 底皮去,然猶在軀 不干事。1.1〇又曰: 如子貢、子夏之細密,然其資質却自甚高。 高,子路只此一 先觀二子之言,後觀聖人之言,分明天 知羈靮之生由於馬,聖人之化,亦猶是也。 不以制牛,人皆知羈靮之作在乎人, 焉,此聖人之所爲也。 子,則如天地之化工,付與萬 志可謂大矣,然未免出於有意 私己,故無伐善,知同於人,故 ·羈勒以御 重麤皮子去。 得聖賢 「這只是天理自合如此。 凡 馬 看《論 聖人之化,猶天地之化 · 而 事,如 不以制牛」,這箇只是天理 氣象。」《語録》曰: 設子 顏淵却又高一等,便是又剥 「子路是不以外物累其 語 何便解亞得他?』曰: 裹。 *, 非 若聖人則 今夫羈 但 欲理會文字,須 如「老者安之」,是他 雖是做工 工 | 問: 超 付 物 靮 也。 無 與 然與 若見得 而 心,方剥 以 施 (萬物。 聖 「曾點 「子路是 夫處麤,不 天 己不 勞。 得 御 人 至於夫 (順 地 而 馬 透,便 之而 又曰 同 重 得 事 地 绺 其 不 而 簡 煞 體 細 外

未可 又曰: 所對 同。 子路之勇決而袪其吝嗇之心,則於求仁之方亦庶幾矣, 聖 灑落,非勢利所得 夫子則渾然天理者也。 氣象觀之,子路則發於意氣者也,顏子則循其性分者也 是對着箇有憾底在 知之事,子路是行之事。 氏 首 跡。 「少者懷之」,是他自帶得懷之理來。 自帶得安之理來; 日 ,都是天理 人固不可企及,顏子地位 以其 也 季路、顏淵便先有自身了,方做去。 然二子皆有願云者,則是各有所對 「子路從事上説,顏子從心上說,固自有淺深之不 「子路雖 ,理當然而已矣,此天地之事也。」○胡氏曰: (粗厲 如 而忽之也。」 此 有曾點氣象,而 而拘使,無所滯礙,即曾皙之所至矣。 ,恰以他生下便自帶 「朋友信之」,是他自帶得信之理 ,顏子是對着箇矜伐底在。 子路所以亞於浴沂者,以其胸次 浴沂之知崇 亦高 其實 誠 能先於貨利之間思。 亦 聖人爲之,初 共敝之行實。」〇 有 得 得 如穿牛鼻,絡馬 不同。 此 而言也,子路 理 孔子則 來。」〇輔 曾點是 無形 來; 以 無

訟者也。」 ○子曰:「已矣乎! 吾未見能見其過而内自

已矣乎者,恐其終不得見而嘆之也。內自

其不能改必矣。」夫子自恐終不得見而歎之,其 來,意思便消散了,況說與人,道我將改者乎? 改過之機,蓋悔悟深切,則 切 内自訟者爲尤鮮。 心自咎。」人有過 也。」〇輔氏曰: 於言,不若自責於心之爲深切也, 訟者,口不言而心自咎也。 而 能 改 必 矣。 「真有意於行者,口不言。 而能· 輔 氏 能内自訟 自知者鮮矣, 誠 日 意所蓄根深 不言而 非 黄氏曰:「自訟 謂 則 力固 諱 心自 真 其 知 過 知其 悔 過 丽 咎 若此者 纔 不 者,最 悟 而 非 而見 説 敢 者 深 能 出 言

警學者深矣。

如丘之好學也。」焉,如字,屬上句。好,去聲。 〇子曰:「十室之邑,必有忠信如丘者焉,不 而未嘗不好學,故言此以 [必有忠信如丘者]耳,非謂事事皆如己也。]夫子生知 信,非謂聖人之質全與衆人無異 也。 十室,小邑也。 輔氏曰: 「此言生質之美者 忠信如聖人,生質之美者 勉人。 也。 固 或有同乎聖人之忠 且夫子之言 言美質易 亦 \Box

得,至道

難

聞,學之至

一則可

以爲聖人,不學

四〇二

蓋夫子不以聖人自居,而勉人爲學之辭。 則不免爲鄉 「美質易得,所稟然也。 人而已。 至道難聞,非學則莫至此也。 可不勉哉? 輔 氏曰: 此

雍 也 第 六

其類,而卷袠之分特以竹簡之編,既 之事,亦與《爲政》篇末相接,大抵記聖人之言多以 也。 章,不害其爲相通也。 首二章雖相承,亦與「賜也何如」相似,若析爲二 必 曰:「此篇前有半與上篇大意同,而 内第十四章以前 今考之雖皆聖人用財之事,然恐記者以類相從,未 句自爲一章,今以二章合之,而仍其元數,失於改 凡二十九章。 時之言也。 又案下章子華使齊、原思爲宰,亦合爲一章, 前 胡氏曰:「凡二十八章,舊以首 篇此類頗多,不應爲一章。 ,大意與前 如此則當爲凡三十章。」篇 《八佾 篇同。 盡 而止 シ論 ,其篇 禮樂 胡氏 篇

子 日 故有人君之度而可以南 有容,故洪,簡則守要,故重。 其有寬洪之德。]〇輔氏曰: 之居敬,但可見其簡 重,有人君之度也。黄氏曰:「前篇之不佞,後 南 曰:「雍也 面者,人君聽治之位。 「謂仲弓可以居君位者,當時小國諸侯,皆君也。」 可 使南 重。 面 画。 觀前篇或 「惟寬故洪、惟簡故重。 度,以德量言也。]○胡 寬與簡,御衆臨下之道也 人稱其 言仲弓寬洪 爲仁,則

寬則 可

見

氏

簡

章

謂。 辭。 仲弓因以爲問也。」可者,僅 子桑户與孟子反、子琴張爲友者,蓋老氏之流。」仲弓 子桑户」者是也。或問子桑伯子。 子桑伯子,魯人,胡氏以 以夫子許己南面,故問伯子如何。 「仲弓簡默,務内不務外,其性行有與伯子略相似 輔氏曰: 語 録 ě 非 「煩是煩擾。」 是断然許之之辭。」簡者,不 可而 爲「疑即 有所 曰:「莊子所 莊 未 輔 周 煩 煩之 氏曰: 盡 者,故 所 之 稱 稱

仲弓曰:「居敬 而 行簡,以臨 其民,不亦可

目則聊舉其首二字,以爲之别耳。」

仲弓問子桑伯子,子曰:「可也簡。」

仲 欲同 乎? 言 矣。《家語》記伯子不衣冠 又 可。 太 自 不 行 簡 煩 弓 簡 處 簡 自 居簡 則 則 疑 輔 人 以 以 處 輔 率 豈不 無鑿出之事。 氏 道於 夫子之過許 氏日 簡 臨 以 易。 日 加 敬 民 行 則 半馬 中 失之太 無 ",則 中 育, 中 則 法 有 無主 度之可 無 事 主 中 無乃大簡乎?」大,音泰。 民不擾 主 與? 不 有 然則 則 簡 則 丽 煩 主 '守,則 0 則 自治踈矣, 而 伯 而 而 自 無不得 自 民 子 而 或 無 治 自 嚴,則 不 不 處,夫子譏 治嚴,如 蓋大簡者,而 法 治 免 所之民。」若 擾, 踈 度 於 收 則 之可 猖 而 斂 所 滲漏 狂 固 所 以 是 安行 其 多 守 行 先 爲 丽 事

平

?

子 Ė 「雍之言然。」

仲 未 蓋 理 盡 亦 三弓蓋 ,有默契焉者,故夫子然之。 善。 知要者,但 仲弓只 未喻夫子可字之意,而其 其 添 所 主守工夫則 敬 字, 説 内外 有 未至 本末,便 也 輔 氏 自 故 所 曰:「伯子 曲 雖 可 言之 盡 取 非 而

> 從行上 行自簡。 其平日踐履工 曰:「中主於敬,則内欲不萌,外物不入,故心中無 直;●内存乎簡 具 有心於簡 16矣。」輔氏曰:「要、直二字,要看要字從知上説,直 ĪĒ. 云 居敬 子桑伯子之簡 有合於夫子之意,故夫子以爲然也。」〇 此 可 意了,仲弓雖未喻 也。 説。 則 夫簡者,乃理之自然也。 心 踈 仲弓因言内 中 夫之熟,何能然邪? 而 略 多 無 則 物 謂 而 可 雖 故故 簡字矣,故 於 簡 是 可 事 僅 所 主 理 則 取 可 行 有 爲 於 而 而 所 自簡 若先 未盡之義 疎 敬 未 然夫子所 脱 略, 盡 日 而 遺 有 大簡 也。」又 善 簡 心於簡 居 可 程 ,然其 調可 謂 故 簡 則 子 物 夫 則 者,已 日 得 爲 (所言 日 則 輔 而 子 先 其 要 : 所 字

死矣! 有顔 ○哀公問 回者 今也則亡,未聞 好 學,不遷怒,不貳 弟 子孰 爲 好學?」 好 學者也。」好,去聲。 過 孔 子 不 幸 對 短 日 命

其心中先自多一箇字了,故曰

大簡

⁰ 則」 原誤作「見」,今據四庫本改。

亡,與無同。

事。 此《語 遷, 己工 得箇道理透,故 所 己之功也。二〇 深,省察之明,克治之力,持守之堅。 只 到 不貳過」,也 克己上 喙,纔覺了, 也 知之後 空衡平,既怒之後,冰消霧釋。 曰:「夫子説時,也只從他克己效驗上 乙,過於前者,不復於後。《語録》曰:「只 1時, 就 〈聽之邪?」○黄氏曰:「顔子不遷 一夫到 見得道理 故《集註》以爲,克己之功必其平日遇怒則克,不使 固 移也。貳,復 也須照管,不成道我工夫未到那田 ,根株悉拔。 非 後 是他 Ĕ 如「無伐善、無施勞」、是他到處、「不遷怒」 方如 自 日 透, 輔氏曰: |收其放心,便能 不 怒於甲 到處。」〇問:「不遷怒貳過,是顔 怒與過,皆自己上來。 復 則既知 此、却不是以此方爲克己工夫否?」 喫。」 此其所以爲好學,而 時, 也。 「顔子不遷不貳 顏子克己之功至 有過,自不復然。 雖欲遷於乙,亦不可 怒於甲者,不移 如此,亦非是學者克己之 方過之萌。 不貳,蓋其 故其未怒之初,鑑 説,但克己工 不遷不貳 地, 乃終身學 《集註 瑕 如 而遷怒貳過 類莫逃; 人錯 》以 存 得 於 皆 子克 一夫未 力 爲 養 喫 是 丽 於 如 既 之 自 鳥 見 克 遷

應之而已,何遷之有?」輔氏曰: 己何與 氣,則不遷。 「喜怒在事,則理之當喜怒者也。不 直是顏子天資好, 安得遷。」〇又曰: 也。」《語録》曰:「顏子自無怒,因物之可怒而怒之,又 不善未嘗不知,知之未嘗復行,不 之,又以見真 細看。」短命者, 久自然不貳。」可謂真好學矣。 爲之根。 之流蕩於外,以 曰:「顏子之怒,在物不在己,故不遷。 「今也則亡」,又言「未聞 馬。 怒不過物則久,久自然不遷過; 過於物; 如鑑之照 若舜之誅 好學者之難 如至清之水,纖芥必見。」又曰 顏子三十二 「有不善未嘗 遇過則 物, 四 克,不使之伏藏 好 凶 不知,知之未嘗 妍 輔氏曰:「真字須子 得 學 圃 也,可 媸 者」, 卒也。 也。 在 聖人遇事之當 蹙其 彼 怒在彼 蓋 根 於 ,貮 是 在 程 既 隨 復行。 深 則 内 血 渦 有 子 久 物 : 云 以 初

無喜怒也。故若舜之誅四凶,可怒在彼,己何與焉? 又喜者則喜,遇事之當怒者則怒,方其未與事接,則是心初

即

隨

手

消除

語

録

¥

察,纔有微微差失,便自知之。 「只是微有差失,便 「不遷怒,朱子謂「怒於甲者不移於乙」,程子謂「在 〇輔氏曰:「顏子存得天理分數全了,明 知之,便更不萌作。」《語録》曰: 怒已發、念已萌而横言之也。 然程子是就怒初發、念初 融了,豈復至於萌作哉? 不貳過,朱子謂 更不萌作者,是意誠心正之事。]〇蔡氏 怒也,乃 不在己,又云不在血氣則不遷,蓋不在己者 子日 「慊於己,只是略有些子不足於心便 不形於色也,發於義理而不 ,更不復萌作。」〇 有 顔 物 差 子 賦 因物之可 能 失。 形,何遷之有?」〇 地 慊於己者,不使 知之,纔知之,便更不萌作」,若 位 「過於前者不復於後」,程子謂 才差失,便能 一, 豈 怒而發也, 輔 既知之,自然存着不得 其 萌 便能知之者,是物 氏日 有 八理則 而直言之也,朱子是 不 「萌作只是萌動。」 善。 正 一,必兼之,方 不在 容)胡 - 發於 「所照,文理 萌 氏 説着顔子 知之,才 血 曰 所 血 於 氣者, 自知之, 氣 謂 再。」 也。 既 物 日 格 不 非 盡 地 不 非 不 知 굸 其形 目 獨稱 其本 드 : 此 物觸之而 真則指本體而言 儲,儲蓄。 復動 「本是本體 也真 而 也。」其中 動 動。 精,精氣。 動静 ,真是不雜人僞。」其

至之事。

在己」,

便

自消

敷?」程子曰:「學以至乎聖人之道 位若聖人分上,則又使不 「學之道柰何?」曰:「天地 書》、六藝,七十子 顏子爲好學。 着使 非不習而 顔子之所 文字也。」 儲 或 通 精《語録》曰 好, 曰 : 也 果 <而 也。 何學 夫 子

怒在

而

其

(怒不

如

鑑之照

物

四,

又曰

如

善,只是微

謂

怒於心

而

者,蓋做這人須是五 行之秀者爲人、語 「天地儲蓄得二氣之精聚,故能 而静。《文集》 ,静則但言其初 行 方做 精氣流過 録 得 E : 成 未感物 「只説 「真、静 然陰 生 陽 時耳。」〇〇 五 出 兩字亦自 便 行 人物。」得 在 圃 攔定。」〇 不言 五 五 行 ~ 語 性 不 中。 陰 同 録 五 具 陽

若

生

物

時

Ż

真,未發便是静時,只是疊説。」形 焉,曰仁、義、禮、智、信。 於中矣。 動 者 而 闔 輔 七情出 闢之機。 氏曰:「緣人是箇活物 《語録 焉,曰喜、怒、哀 既 F. 既 生矣,外 ₩ El 言其 五五 本静,故 性 物 故 便 觸 於 是

未

發

也

同矣。

其

〈義。」

張

就

事 至,踐 孝弟,如 學,有下 做?」〇又曰: 緊要處只在先明諸心上。 所 靈 正其心、養其性,方是大綱説。1○輔氏曰: 人不循此理,任意妄作,去傷了他耳。 之之意,欲則貪意直 欲三字有淺深,喜方見於顏色,愛則心中好之,然未有取 相 樂、愛、惡 懼 而 「鑿」一般。」故覺者約 ·也。」若顔子之非禮勿視、聽、言、 一、故能 似 其 往 、愛、 益 履之事 而不及於懼 性 蕩 然 何 手 約 悪、欲 其 而 以其情 而 欲 處, 後 已。 也。 爲忠信 也 性 力行以求至 「明諸 方就 而使之合乎中。」然 鑿 《語 窮 也。 今 程 理 輔 推此 矣。 注於彼,必 這 心 記録 》 日 氏日 非 裹 其 子 其情使合於中 是 以 知所往, 窮理之事 做 蓋先明諸 義精矣。」〇陳氏曰: 《語録》曰: 類通之,求處至當, 懼 專 I 焉。 '要明 「古所謂 「覺者約其情」 字易樂字,蓋 夫。 欲拏將來矣。」情 在 必 《語録》曰 心了,方知得 若 外 先 七情: 「性固不可 不 鑿,與 之理 就 明 ', 正 也。 嫌喜 動,不 「覺是 此 諸 使合於中。 喜、 即 孟 如 這 喜、 其 力 如 心 聖 樂 子 窮 何 怒、 既 ,鑿,但 理 行 心 何 之可 丽 所 心 遷 愛 哀 熾 知 求 般 乏 者 之 爲 地 謂

> 間 學 年,則不日而化也必矣。」今人乃謂 此大而化之之事也。 惟至於聖,則氣質消盡,渾是義理,無 所理,斯 聖人者 顔子 假之以 然其 此所謂「守之、非化之也」。」〇又曰: 人所謂願得不如此,是固嘗如此,而今且得其不 不貳,猶有意存馬 怒,何待於不遷? 怒貳過 其 미 `則疑於遷貳與不遷貳之間。」○輔氏 至, 未至 雖見 亦異乎顔子之學矣。」 不亂。 年,則 2者,則: 而 道明、 於聖人者,守之也, 所 持守之功一 以 不日而 其好之篤 與一頭 用心剛, 聖人無過,何有於不貳? 爲學者,不過記 顏子未達聖人一 無 化矣。 伐善,無施 息或 然必有所存,斯不亡, 而學之得 《語 「聖人則 則 處不有,無 聖本 勞之意同。 間 其 録 日 非 耳,故假之以 理 誦 Ē 一便間 化 其 生知,非 都 「學未至於 文辭之 所 如此 時不 之 無 道 以 聖 斷 這 猶 必 不 也 矣。 人 也 與 然 也 箇 有 今 遷 無

秉。使、爲,並去聲。 之釜。」請益。曰:「與之庾。」冉子與之粟五之釜。」請益。曰:「與之庾。」冉子與之粟五

六斗。 冉有 日 也。」又案:《聘禮記》云:「十斗曰斛,十六斗曰籔,十籔 註 四 子 私交,若 未必爲大夫時 或使於他邑,或使於外國,不可 量 ź 秉。」鄭註 華、公西 ,皆使之類 四四 豆、區 此類 秉,十 豆爲區 、釜、鍾。 則 事。 一赤也。 也。 「秉十六斛。」今江 無害也。」釜、六斗四升。 ,區斗六升, 又孔子將之楚,先之以子路 又如蘧伯玉使人於孔子,大夫雖 斛。 四升爲豆,各自其四以登於釜。」杜 使,爲 愚案:《左傳》晏子云:「齊舊 四 孔子使也 知 區爲釜,釜六斗四 淮 也。 之間 大夫無私交,此 量 名有爲 輔氏 庾,十 ,申之以 升 E 是 無 藪

子曰 之也,君子 「赤之適 周 急不繼 齊 也 乘 富。」衣,去聲 肥 馬 衣 輕 裘。 吾聞

今文「籔」爲「逾」,是庾、逾、籔,其

(數同

也

里鄉黨有貧乏者,於義

固

當相周

也。」

程子

日

乘肥 周者,補不足。繼者 馬、衣 輕裘,言其富 ,續有餘 也。 急,窮迫也。

原 思爲之宰,與之粟九 百

寇 原思 時 以 -, 孔 思 子 爲 弟 宰。 子,名憲。 愚謂: 魯司 魯人。 寇,大夫也,必有 孔子 爲 魯 司

子曰 鄉、黨 言其 當辭,有餘 法,使鄉田同井,出 二千五百家爲鄉,五百家爲黨。 毋,禁止辭。 斗、斛也。 邑,故以思爲采邑之宰。 一毋 量,不可考。 有 但此言九百而已,不可考知其爲斗爲斛也。」 相 周之 自可推之以周貧乏、蓋鄰、里、 以 五家 與 人相友,守望相助,疾病相扶持, 義 爾 輔氏曰:「量謂五量: 爲 鄰 粟,宰 鄰,二十五家爲 輔 里鄉黨乎 氏 E 之禄 「先王 也。 言常禄 制 爲井 九 、里,萬 百 田

不

則 則 多 故與之少,所以示不 亦少,所以示不當益也。 而冉子乃爲之請,聖人寬容,不欲直 「夫子之使子華,子華之爲夫子使,義 有常 ,則已過 夫子必 禄。 自周之,不待請矣。 矣,故夫子非之。 思辭 其多,故又教 當與 求未達而自與之 也。 蓋 以分諸鄰 請 原 赤 益 思 荷 丽 爲宰, 至乏, 拒 與之 也。 里

則

之,皆善行也。 粟,不害其爲惠。 子自當知之而自有以處之矣,又何待求之請哉!」張子 然亦不行吾之義,而不察人之情。 之貧者,蓋亦莫非義也。」輔氏曰: 録 下之志,而於物無遺 曰 以貫之處,聖人做事都着地 ₩ E 於斯二者,可 「這是見得聖人於小處也區處得恁地盡,這便 聖人處 原 照 思之辭粟,不害其爲廉。 事, 故雖不徇人之情,以 見聖人之用 如化工生物 頭。」〇黄氏曰:「冉子之與 使赤誠有所乏,則夫 洪纖高下,各適 財 「聖人能 咈 矣。」《語 自常人觀 吾之理, 通 是 天

上聲。 (一)子謂仲弓曰:「犂牛之子騂且角,雖欲勿

其宜,又豈但可見其用財

而已哉

也。 之牛,角尺。」用,用以祭也。 程度也。 犂,雜文。騂,赤色。 角,角周正 言人雖不用,神必不舍也。 祭天地之牛,角繭栗。 中 犧 牲 也。 周人尚赤,牲 永嘉陳氏曰: 宗廟之牛,角 Ш 川,山 輔氏曰:「犂 以][[握 用 其 之神 社 (角中 騂。 稷

> 禹。 然此 氏 曰"「如子謂顏淵 「未見其止」,亦非與顏淵言也。」○花 語》亦言其生於不肖之父也。二言父之惡,不能 諸」,理之所不容廢也。」仲弓父賤 其子之騂 則正,則 4 曰:「范氏之説,可以勉人爲子,故有取 改父之過,變惡以爲美,則 子之善,如仲弓之賢,自當見用於 子以此譬之。 雜文,雖不堪作犧牲,然其所生之子,其色則騂, 日 古之聖賢,不係於 論 必將取以爲犧 「以瞽叟爲父而有舜,以 仲弓云爾,非 也。 二雖 胡氏曰:「父賤而行惡,本疏 欲勿用」,人之私意 性用 矣。 與仲 世 固 不可 類, 可 弓言也。 而 為馬。」 謂孝矣。」胡 以其 也。 尚 鯀 行惡,故夫 爲父而 山山 母之犂 《文集 世 文。《家 Ш 子能 廢其 其 其 也 而 日 有 舍 角 廢

三月後必違也。」○愚謂:三月,姑借以言其久,日月,亦三一月,言其久。《語録》曰:「三月,只是言久爾,非謂

E]

「詳《集註》之意,謂自顏子之外,其

(餘門弟子,❶有

能

己也。

其日

一過

此幾非在我者」,則

登以

爲用功

至

此

月一

次

至

言

其

疎

也

閑

時

都

思

量

别

處。一〇

真

Œ

久也。《語録》曰:「日

至,是一日一次至此,月至,是

日

全不違仁,有

一月全不違仁者。

《語

録

议

爲

或

日

中

次不違仁,一月中

次不違仁。

二説

不同

當以

《集

成一 心,則 私欲 便違去,却爲二物。若私欲既 之矣。」○《語録》曰:「仁與心本是一物。 也。 借以言其暫。 日 遂不明。 有 萌 德,此衆人之心,所以每至於違仁也。 「孟子之言,非以仁訓心也,蓋以仁爲心之德也,人有 兩物 至 則即是心 物。 故所謂違仁者,非有兩物而相去也, 有是德矣。 而 而 丽 若塵 焉,或月一至焉,能造其域 心猶鏡,仁猶鏡之明。 相依也。 [又曰「心不違仁」,則心之與仁又若二物。] 曰 有其德也。或問"「仁,人心也,則心與仁 而是德存焉,此顏子之心,所以不違於仁 垢 仁者,心之德。 然私欲亂之,則或有是心,而不能 去,則 深體而默識於言意之表,則庶乎其得 、鏡明矣。」 日月至焉 無,則心與仁便不相違,合 鏡本來明,被塵垢一 心不違仁者,無 克己復禮,私欲 被私欲一隔,仁 所謂不違者,非 ௱ 者, 不 有 赦, 能 或 不 是 是 宜

安於客而求爲主於内必矣,故曰『使心 主也; 心意 也。 也 EI : 無 言其久也,過此 者。」或問: 月不違』與『日月至焉』内外賓主之辨。 者,正以此耳。」張子曰:「始學之要,當知!三 生至死,滿腔子都是仁,無少間斷。 節。」尹氏曰:「此顔子於聖人,未達一間 註》爲正。」○程子曰:「三月,天道小變之節, 「顔子不遠復,才有間斷處,依舊又接續了。 若聖人則 纖 ,若聖人則渾然無間 三月之後,少有違仁處 「二氣分爲四時,三月而一變,故三月爲天道小變之 勉勉循 豪 日月至者,仁在外而我爲客也。 私 「内外賓主。」曰:「不違仁者,仁在内 欲 循 少 丽 則聖人矣。不違仁,只是 有 不能 私欲,便是不仁。」輔氏 ,便間隙也。」〇永嘉陳 已,過此 斷矣。」輔氏日 顏子所以未達 誠 意勉 知 幾 此辨 勉 非 循 則 循 而我爲 間 在 氏 其 而 日 我 使 者 間 不 不 自

0 「其」,原誤作「自」,據四庫本改。

行,更 以 以 而 前 似。 能 己,纔能 多在外,故謂之客。」〇又曰: 入於内, 有 賓。1〇又曰: 時 内 或 主, 能 丽 有出 已 仁爲屋 屋 已。」〇黄氏日 内 面之分寸,我也不知前 「輪車相似,纔推得轉了,他便滔滔自去。」○又曰: 時 與 極矣,過此以 所以 出 然終是在 三爲喻 賓主之辨常要 過 而 也。」〇《語 (無着力處。] () 又曰 是爲了又爲,爲得好 人不常則 此, 出於外。 時,然終 如此 爲 而不能久也。」〇又曰"「那客亦是主人,只以 則 主。 而以心之出入爲賓主; 而 内不 在 自家着 ,便後面雖不用大段著力,也自做去。 「「不違仁」者,仁在内而爲主,然其未熟,亦 往 内者爲 日日 爲客也。 録 是 [日月至焉]者,仁在外而 安,纔 **∀** ∃: 在外 ,則必德盛仁熟而 「内外 分 月至焉」者,心 力不得,待他自長進去, 曉 主 不 入即 賓主之語 使心 『三月不違』者,心常在 面之淺深,只理 在 ·穩便, 前 後,只管 - 猶屋 外者爲賓。 「學者只要勉勉循循而 便 意勉 頭 出 纔 事 其 1 勉循 常 《語 1爲,如 出 蓋 皆 猶我, 自 一以軀殼爲屋 在 即 不 心安於外 至, 録》有數條,大略 循 然有 外, 便 會這裏工夫,使 由 常常 不已。 「欲罷不 而 人, 我 爲賓,雖 雌間 非吾力之所 在 説 我 如 蓋 屋 所 内 水 只 或 也 心 中 能」相 雖 如 漲 其 如 有 安 间 不 不能 以 有 則 示不 以 此 知 船 推 其 時 爲 人 於 間 爲

> 學者所未到之處, 全不 其進 味 説勝。 出 守 力,而力自不能輟矣, 在内而爲主,人欲 天理人欲相爲勝負之幾, 言心在便爲仁,不 「先儒 而足目 觀之。」〇陳氏曰: 心即仁也,仁即心 仁之存亡爲賓主。 mi 也。」〇 則爲無家之人,將來必大可 甪 進自不能 不變也。 提出此旨, 力,前 以文義言 俱 胡 到 氏日 者,不 頭 二者,學 止。 限 Œ 非 則心自是 量 能 也。 決然不隨之追逐 在 勉勉 「如内外賓主之辨,初學便 過 以文義言 欲學者 可 不 便 到 此即日 此, 以 由 者睎 爲 前 此 我,非 者 方如 臆 最未易判 不仁 説因 田 度 捫心 地。 心,仁自 顔之方也。二〇 用 進無 則前説勝; 想 哀。」 車 孔子所言而 力而 吾 其 像, 猛省, 則 輪 力 旨 疆 È 也。 於外 運 不已也。 所 而 是仁; 尤切 地 一勢日 轉 識 能 若是爲客乍入 若到 位 不停, 料, 耐 須 以 也。 當。 永嘉 伸 爲 爲 臨 義理 以 雖 當 天 省 文,後 循 境 賓 義 然此 非 理 欲 兩 陳 知 循 (勢日 言 理 非 此。 氏 而 輟 是 決 存 者, 言 等 放 説 然 後 不 真 m 則 日 屈 復 知 皆 用 常 謹 知 然 並 則 則 後

「由也果, 從政也與?」曰:「賜也達,於從政乎何有?」 季 康子問 於從政 一仲 乎何 由 可 有?」日 使 從 政 也 . 與?」子 賜 也 可 使

曰:「求也,可使從政也與?」曰:「求也藝,

於從

政

乎

何

有

??.」與

、平聲

子有政 政,則 長。 子答 各有所長,意則大矣。 從政 棄才,無遺善,聖人不作,天下人才有多少用不盡處。」 冉 路資稟剛 決斷 若爲家臣, 豈至此 日 求 恐亦非凡人所可能也。」○輔氏曰:「聖人於天下 能 以 消謂 進 (與事之辨參之,知 季 達,通 取 道 勇,故能 各 康 爲 不 其長,皆可 有 子問三子之才可 大夫。 力 然 所 事 有 方問 決斷。 長。 **在政** 理。 其可 然如三子之果、達、藝 胡 事之科 其 用 氏 非 藝,多才能。 子貢知識 不 謂 日 惟 也。」黄氏曰:「程子言人 爲 可 邪? ,故多才能。」 〇 「由、求仕於季氏 大夫也 三子,人各有所 以從政乎? 高明,故通 以 必矣。」果, 冉子退朝 輔氏曰: 而 達 пſ 程 久矣, 事 以 丽 理 子 夫 有 子 從 夫

我 解 季氏 焉。 使閔 如 有 子騫爲 復 我者 費宰。 川則 吾 閔子 必 在 騫曰:「善爲 汶上矣。」費

· 閔子騫,孔子弟子,名損。魯人。費,季氏音祕。爲,去聲。汶,音問。

蓋 其 子豈 又從 依歸 以 其與 也。 則閔子其賢乎?」《語 聖人以下 門,能不仕大夫之家者,閔子、曾子數 邑。 然者,蓋居亂邦、見惡人,在聖人 已。」謝氏曰:「學者能少知内外之分,皆 m 我,則當去之齊。 欲臣季氏,令使者善爲 不遽形於言,姑令使者善爲己辭焉, 樂 既 死 人處己,兩盡其道如此。」○ 又言若再來召我,則當去之齊,以 無先 求 道 不能早 ,彼其視季氏 汶,水名,在 而臣之,豈其心哉? 在聖人則有 加 也爲季氏 (見之知,又無克亂之才故 忘人之勢。 剛 見 則 而 必 豫 齊 輔氏曰: 附 不義之富貴,不啻犬彘 取 待 南魯北 録》日 禍, 益,夫豈其 之乎? 況 己 「閔子心雖不欲臣季氏 程子 閔 柔 一解。 「謝氏説得麤 子得聖人爲之 則 竟 上。 示其必不從之意。 此 曰:「仲尼之 必 言若 如 與 本 取 由 則 人爲善之意 閔 也。 心 辱。 也 再 可; 亦 子 不 來 可 然 得 関 自 不 不 口 而 召 以

賢 事。 轇 之才,蓋兼有之,故於天下無不可爲之時,亦無不可 謂 哉」,却説 底却多。」〇輔 警那懦底人。 他。」 轉纷沓之際,未 冉 求。 若未至於聖人,而 聖人道全德備 得好。 若常常記得這樣在心,不至倒了。 氏 日 剛 有 者必取 謝 不失 欲早見 氏説 應用 人其 禍」,謂子路,「柔者必取辱」, 由 無窮, 本心 豫 ,求之事,日[是豈 待以 者。 其於先見之知 擬 方來之變 此 閔子所 今倒 其 以 則 爲 克 本 爲 於 之 亂 心 7

之,命矣夫! 뻬 ○伯牛有疾,子問之,自牖 有斯疾也!」夫,音扶 斯人也 而 有斯 執 疾 其 也! 手, EI : 斯 人也 亡

先儒 牖。 君得 子》而言耳,其信 伯牛,孔子弟子,姓冉,名耕。 喪 大記 當攷。」〇翁氏曰: 以 北 以爲癩 谫 南 牖 云北 面視己。 下。 也。 否 牖 不可 君 西 或問: 南 視之, 「此説見《郷黨》疏文。 知。 隅」。 黄氏曰: 「伯牛之癩。」 牖 既 則 謂之奥,則 「北牖見《儀 南 遷 牖 於 魯人。 也。 南 E. 北 牖 禮記 「以 案: 面 禮 下, 有 不 淮 疾, 寢 當 使 病 廟 有 若 南

> 者出於 或問 自 4 之名,恐北牖指 制 生、禍福、 是天理本然之命否?]曰: 者,孟子所謂「莫之致而至者」也。」〇《語 永訣之意,仁也。 曰:「不人其室,以避過奉之禮義也。 其室,而 盡其 無北 家以 命。 道 牖, 理,命之變者出於氣質,要之皆天所付予。 貴賤,皆稟之氣而不可移易者。二言此人不 此 曰:「有生之初,氣質之稟,蓋有 則所值 然北方有少牖 自牖執其手,蓋與之永 禮尊孔 此 之命皆正命也。]〇又曰: 也 此聖人從容中禮處。」命 室西 子, ,謂之扉 南隅 「此只是氣稟之命。 孔 子不 日 奥 因 奥 天光漏 自牖執 敢當,故 録 南 訣 有 定而 白:「命之正 人 牖。 問: 謂 其手, 也 而 富貴、死 天 不 得 一此 時 不 以 輔 但 命 屋 可 伯 當 易 致 氏 漏 命

矣。 應有 夫」。 然則 理 矣,伯牛非其不能謹 蓋 亦不得其常者矣。」○胡氏曰:「夫子於顏、冉之死 然天既與之以 輔氏曰: 此 非 疾,而 其 不 「伯牛非 能 今乃有之,是乃天之所命也。 是德, 謹 疾 有 丽 疾 致疾之道有以致疾,則 而 有 而 以 復使之有是疾 有 致之,故夫子嘆其 以 致之,亦 則 於栽培之 非 可 一命 ĪĒ. 見 矣 命

命 皆以命言,然則 顔 也 関。 | 敷! 故其 侯 雖 將 氏 斯 死 人不 日 一一一一 也,孔子尤痛惜之。」侯氏 應 有斯 4 疾,其 以 德 死 行 也 亦謂 稱 亞 之考 於 終

口 哂 ○子曰:「賢哉 巷。 也 」食,音嗣。 人不堪其 回回 樂,音洛 憂, 也 回 也 不 簞食,一 ·改其 樂。 瓢 賢 飲 在

切於傳道之心,其至誠惻怛,有不能自已者。」

名仲良,河

東人。

○輔

氏曰:

「侯氏深見聖人愛惜人才而

言「賢 味 簞 陋 不是將那 曰:「顏子胸中自 其心而 如 顔子之樂,非 竹器。 巷 此,而處之泰然,不以害其樂,故 自 非 哉 有 言不 改其 可 深 回 以 樂 意。」《語録 食,飯也。 也 貧 /所樂 有樂,故雖貧窶之中,而亦不以累其 変累 蓋 樂館 以 也 自 其 深 一, 故 心」底做樂。」又 瓢 有 嘆美之。 瓢, 瓠 其 陋巷也,不 夫子稱 「其字是元有此樂。」又 樂 爾。 也。 其賢。」《語 \bigcirc 其 以 程 顔子之貧 字 夫子 貧 子 當 簞 窶 日 録 瓢 ì 累 再 玩

樂底道 行互 自成 處 求之至於才力竭 禮之事。 矣。 説,學者但當從事 欲學者深思而自得之。 差異了去做。」愚案:程子之言 到那意思不好處,這便是樂底意 處,只是自去尋,尋到 之間,久久自會純熟,充達 且就聖賢着實用 師,所謂友者,非二程之友,所以 處,蓋他自有其樂,然求之亦甚難。」曰:『先賢到樂處, 於欲罷不能 曰 所 相 就向上去了,非初學所能求。 「昔受學於周茂 輔氏曰:「博文者,致知格物之事。 理。 發,所造日深 樂 聖人教人,唯 何事?」《語録》曰: 加 今做工夫,只是平常 盡 T 而 處求。 則 竭 其 那 流庶乎 八味日 此二者。 其 ,於博文約禮之誨,以 極苦 如 叔,每令尋仲 (才,則 向上去。」〇又曰:「要尋 有以得之矣。 永, 克己復禮 澀 處,這 今亦不敢妄爲 來,却 雖欲已之,自 誠 説 問: 況今之師 能從 恁地 此 庶 。 引 便 事 無 致 乎有 理 是 却似 事於此 不做 約禮者,克己 「尋孔 此指 (謹於 丽 會 好 尼 不 消 莽 不 示 工夫,自 以 視聽 示學 顔 能 廣, 息 發 使 顔 要 濂 得 已, 來, 子 所 者自 把 言動 不 溪 知 之 之 至 蓋 復 之 尋 如 E 與 做 然 樂 丽

得之路 不 則自然見得。 矣。」〇又曰: 下手處,特說出博文約禮四字,令學者從此用力,真積 也。 巷,不知其爲貧,萬鍾 進 博文者,言以天下之理無不窮究,而 似若有所隱而不以告人者。 末却令學者於博文約禮上用 久,自然有得 者,言以禮檢束其身,而用功之要也。 「《集註 一則此 由乎禮則 程子全然不露,只使人自思而得之。 》 所引程子三説 身皆與爲 而使之循序以進,皆有可據之實也。」①真 危。 ,至於欲罷不能之地,則顏子之樂可 「欲罷不能者,言人之於學,若能實用其工, 循理 不待父兄師 則 樂、不 九鼎,不知其爲富,此乃顔子 從容游泳於天理之中,雖 ,皆不説出顏子之樂是如 循 其實無所隱而告人之深 功。 友之檢約,自然欲止 理則 博文約 不樂。 用功之廣 内外精 禮,亦有何樂? 朱子又恐 由乎禮 也。 粗 何樂 簞 以 氏 則 庶幾 之樂 而 者 人 瓢 約 日 安 也。 工,其 不 力 無 禮 陃 並

曰:「力不足者,中道而廢。 冉 求曰:「非不 説子之道,力不足也。」子 今女畫。」說,音悦

,此方是真有所得也。」

女,音汝 力不足者,欲進而不能。 畫者,能進而 不

> 之。 哉 ? 進,此所以日退而局於藝焉耳矣。」 使其説聖人之道 所以 耳,非力有所不能踰也。]○愚謂: 欲。 芻豢,則 有是言。 如 如 能進而 日 畫 書 : 仁與道,豈遠乎哉? 地 「夫子 輔氏曰: 地以 局於藝 畫而 自 不欲者,力能進 限 必將 然使求悦夫子之道,誠 自限 稱 非 不進,則 「欲進而不能者,心欲進而力有」 有 也 顔 ,誠如口 盡 險阻 也。 П 力以求之,何患 輔氏曰: 而心有所不肯也。」謂 不改其樂, 不 輔氏 之説芻豢,則 日退 可進, 固不患力之不足也 日 而已矣,此 [: 「畫 「道若大路,人病 丽 畫則先有不敢當之意 不 前 冉 地 將 以自 也。 求 盡 力之不 如 心竭 之畫 聞之,故 限,自不踰 所不及 内井求之 口 畫 力以求 胡 之 不求 丽 足 説 氏 也 不

女,音汝。 〇子謂子夏曰: 「女爲君子儒,無爲小人儒。」

學,亦可謂之儒,故但以儒爲學者之稱,此所以有君子小 若《周官》[儒以道得 儒,學者之稱。 輔氏日 民」, 則學之已成者 「此所謂學,亦專言之學也 也。 然凡有意於

鄉飲酒 焉,則 讀法而 皆行讀法禮。 之吉,黨正於四 州 者,亦公事也。]○胡氏 武 夫賓賢能,飲國中賢 或問:「公事者何事?」曰: 之小而 也。」澹臺,姓。 長春 城,魯下邑。 凡 秋以 禮。 群 捷 至乎有司者,公事 邑之間 禮會 射 者。 以是知爲邑宰者亦然也 ,謂鄉 時 民 孟月 利 公事, 射。 者 滅 皆 胡 病休 E 氏 吉 明,名。 行 能 《周禮》: 日 鄉 者 「飲,謂 戚之所 射禮 「以士民之分言之,則 族 如 也。 州 言 飲 師 長習射 魯下 以邑宰之知 鄉大夫以五物詢 以射、 於月吉 鄉 同 字子 讀 飲。 法 其 邑,非大夫之采邑 而 黨 則 當 讀 羽。 他 問胥於既比 周 Œ 州 以 則 法之類 蜡祭,皆 禮 Æ 告 ᆸ 凡涉乎公 *****: 徑,路 於 兑 于 而 衆 Œ 鄉 有 訪 飲 庶 月 大 問 酒 司

明大,因 則非 Ξ. 以 欲速之意可 自守, 「言其 但 不 兩端以見其全體也。」○楊氏 私謁 介動 丽 必 面 议 無 知 린 Œ 枉 0 別非 故又以 己徇 非 公 但 一於行 可 人之 事 知可 不 路 私 見。 而已、言其有以 見 邑 미 曰:「爲政以 總言之,因 見矣。 宰, 則 其 自守 小以 胡 有 氏

嘗至 日: 〇子游爲 「有 於偃之室也。」女,音汝。 澹臺 武 城宰。 滅 明 者,行 子曰:「女得 不 由 澹,徒甘反 徑 人焉 非 公事,未 爾 平 ?

此

矣。」

其中1之説,「聖人」之道「有始有卒」之説,

則

必

不

至

是告之。

然此必子夏始見時事,至其言『切問

近思,仁在

家者皆是也。」不

由

徑

則

動

必

以

正

而

無

見

小

但欠遠大之見,而有近小之蔽,恐或溺於私與

於檢身之際自不至於滲漏矣。]〇又曰:

「子夏資質純固

利

也

故

以

微。

蓋凡人日用之間發心措

慮,未嘗不

察在

利上,

如

所

謂

以

私滅公,適

己自

便者皆

是。

學者

能

謹

圃

明

辨

之,則

此。

輔

氏曰:

「謝氏極言爲利之害,可以警學者用心之

然意

其

遠

者大者或

昧

焉,

故夫子

語之以

口

以

害天

理者皆利也。

子

夏文學雖

有餘,

必

殖貨

財之謂

?

以

私

滅公,適己

自

便,凡

之分,義

與

利之間

而

己。

然

所

謂

利

者,豈

以此欺人,便是小人儒。」()

謝

氏

曰:「君子小人

人之辨。」程

子曰:「

君子

儒

爲己,小人儒

爲

去

人。」《語

[録》曰:「若不就爲己分上做工夫,只要説得

爲 賤爲羞 以 得人講論,此亦爲政之助。二〇問:「觀其二事之小,而 宰,縱得人,將焉用之?」曰:『古者士人爲吏,更爲政 之。」《語録》曰:「問:「爲政以人才爲先,如子游爲武 般人。」曰: 獨見滅明如此,亦見得子游胸懷也 大之情可見。」曰:「看這氣象,便不恁地 後世有不由徑者,人必以爲迂,,不至其 者,觀其二事之小,而其正大之情可見矣。 人必以爲簡。 人才爲先,故孔子以得人爲問。 法,則 ,則賢否短長,皆不復能有所辨矣。」 滅 明爲 , 則 捨己徇欲,無所 無邪 「子游意思高遠,識得大體。」思謂 法,則無苟賤之羞,取 媚之惑。 非孔氏之徒,其孰能知 不 至。 輔氏曰:「持身者,不以苟 取 恁地 人 者,苟爲邪媚 開 猥碎。」問 廣,故取 人以子 如 : 持 滅 圃 得 室 非 游 身 取 明 所 這 Œ 而 城

周所稱孟子反者是也。」或問:「孟之反。」曰: 孟之反,魯大夫,名側。胡氏曰:「反即莊其馬,曰:『非敢後也,馬不進也。』」殿,去聲。 〇子曰:「孟之反不伐,奔而殿。將入門,策

是自承 法 要去得私欲。 無足道矣。然不知學者欲上人之心無時 殿爲功。 殿,故以此言自揜其 策,鞭也。 而忘也,若孟之反,可以爲法矣。」《語 日消、天理日明 也。」伐,誇 ○謝氏曰:「人能操無欲上人之心,則: 欲上人之心,便是私欲。 莊子所謂孟 也。 當 殿於後,則人皆屬目 了這 功 子反,蓋聞老氏儒弱謙 孟之反其 戰 箇 也。 殿 敗 後之功。」 而還,以 而凡 奔, 敗 ,他事不可知,只此一事,便可 聖人四方八面提 功 可以矜己誇人者 事 1其歸。 也。 走 後 在 也 《語録》曰: 爲 他若不恁地 哀公十一 下之風 功。 軍 起 後 向 而 反 軍軍 人說,只 録》曰: 日 悦 人欲 説,便 奔 年。 之者 敗 殿。 而

免於今之世矣!」鮀,徒河反。
○子曰:「不有祝鮀之佞而有宋朝之美,難五

才。朝,宋公子,有美色。言衰世好諛悦祝,宗廟之官。鮀,衛大夫,字子魚,有口

色,非此難免,蓋傷之也。

〇子曰: 之辭 道 道無遠人之理,人有遠道之私。」 日 而數之,而人亦可以自反矣。」〇又曰:「前章是傷 出必由户,行必由道,宜也。 怪 言人不 遠 : 而歎之之辭。 道即在人,行之則是,但人自 ,此章是怪 「人知出必 人,人自遠 「誰能 能 出 不 而數之之辭,以類記之也。] 〇洪 出 由 不由户? 由户,而 爾。」輔 輔氏曰: 户 何故 面 氏 不知行必 「道者,人所共由之路也。 日 然一 何莫由斯道也?」 乃 遠之而 「此説尤可 不 否何哉? 由 不肯踐行耳。 由 此 道 道 以警悟學 夫子怪 而歎之 邪 非 氏 ?

彬,然後君子。」○子曰:「質勝文則野,文勝質則史。文質彬

聞也。 事 小史之屬。 事 野 所 一面 , 野 謂習事也。 大史、小史皆掌喪祭、賓客、 誠 人,言鄙 或不足也 太史掌邦之六典,小史掌邦國之志 先王盛時,雖多聞習事, 略 也。 輔氏日 史,掌文書, 「史,如《周 會同 而誠 朝 覲 寶固 多 官 所 以大史、 軍 聞 無 謂 旅 習 多 不 之

餘,補 足以明二者之輕重 使無素地,則 之本也。 彼勝於此之辭 質,則其本亡矣。 不期 史,則文有餘而質不足。 輔氏曰:「質勝文則野 班 足者。 而 有餘者損之,至於成德,則文質班班 或 則與其史也,寧野 可以受和,白可以受采也。 文質不可 定之理也。 有 史徇末故也。」○愚謂 物物 然而然者,夫然後 誠實不足者。 世衰道微、習於外者多遺其内、故多聞習事之史、 不足,至於成 相 文勝 雜 Ŧī. 文質彬彬,盡善之道 也。 耐 以 采 而 至於 相 何 凡物 適 下 所 滅 勝。 均 一或字,其 施 可 ,則質有餘而文不足。文勝 質 雖有文,將安施乎? 必先有質,而 。」輔氏曰: 學者能於其不足者補之,於其 之貌。 乎? 以謂 《德,則 楊 則其本亡矣。 然質之勝文,猶之甘 氏 之説雖非本 之君子。」 與其史也 (義備矣。」 彬彬 也。 不 然相 言學 文勝而 「文質不可 期 後 與 有 〇楊 雜 寧 然 其史也,寧野 者 如 章之正義,亦 文,則質乃文 而 野 圃 續畫之事 適 當 至 氏 以 相 然 野 於 損 猶 稱,有 相 日 近 質 勝 滅 有 班 本 則

〇子曰:「人之生也直,罔之生也幸而 然如此。J〇陳氏曰: 如木方生,被人折了,便不直,多應是死。 不直則是枉天理,宜自夭折也,而亦得生,是 死。若不死時,便是幸而免。」〇又曰:「天地生生之理, 仁而不仁,當義 惕之心,只便是直。 曰:「人之生,元來都是直理。 玩味生理本直四字,便自 曰:「如父子,便本有親,君臣,便本有義。」〇又曰:「只 不合得生,特幸而免於死耳。」問: 又曰:「生理本直,順理而行,便是合得生,若不直,便是 之直,亦氣之本然,不待人以直養之而後得此名也。」〇 是,而猶能保其生焉,是其免特幸而已爾。」○《語録 蓋曰天之生是人也,實理自然,初無委曲,彼乃不 始生之生,下生字爲生存之生,雖若不同,而義實 者,幸而免爾。」或問:「程子之説。」曰:「上生字爲 程子曰:「生理本直。罔,不直也,而亦生 上理本直,不待人去循之而後得名,若至大至剛,以 而 不義,皆是背了直 纔有內交要譽之意,便曲了。」〇 「只是秉彝中許多道理,本甚坦直, 「有味。 罔,便是都背了直理。 如見孺子入井,便 「如何是生理本直?」 理。 既 到得不死,幸 幸而 如此,合是 免。」 免耳。 相 有 能 $\stackrel{>}{=}$ 足。 當 叉 直 怵 順

○子曰:「知之者不如好之者,好之者不如樂何曾有一豪迁折。」

學者苟未至於樂,則當益鞭其後,自强不息以求之,必期 切 也。 丽 可以語人者矣。 猶有嗜好之意焉。 説,即張氏之説也。 者,所以自强而不息者與?」輔氏曰:「尹氏之 也。知而不能好,則是知之未至也 尹氏曰:「知之者,知者此道也。 也,好者食而嗜之者也,樂者嗜之而 好而未得也。 而未及於樂,則是好之未至也。 ○張敬夫曰:「譬之五穀,知者知其可 未能樂,未能 ,故具載之。 然其未至於樂者,則雖嗜之,而未能得飽 然則知而 與之爲 張氏以人之食五穀爲喻,其曉人尤更明 樂之者,有所得 至於樂,則飽滿饜足,自得於心,有 食而知其味,故嗜之,嗜即 不能好,未能 也。 纔 到 樂 處 知其 而樂之也。」 則 此古之學 八味也。 好之者, 滿饜足,蓋 息 所 好之 飽者 食者 好之 謂 不 好

至於自得而樂之之地,則自不能已耳。」

下,不可以 : 語 中 上也。」以上之上,上 人 以 上, 可 以 語 L 也 語,去聲 3 中 以

已矣。 質,驟 夫曰: 也 序 事 像臆度? 以 能 對之屬,事 説 切 之,則其言易入而 意躐等, Or. 盡其 親 下之資質,若驟然告之以 至精密。 m 問問 门則 事 用 近 事親事長之道 又 力,不 也。 丽 「聖人之道,精 必 思,而 日 故就 洒 反所以害道。 ·之粗 因 語之大高,非 道德性命者,理之精 而有不切於身之弊,亦終於下 掃 應對 期 言教人 L 其材 切 也。 其所 丽 問 漸 之屬 至於高遠 然道 謂 進 則 及而 圃 以 ,皆人所易 於 無躐等之弊 者、當隨其 不 道德 德 篤 切己之事 ·若且 道 性 高 之地 語之,是乃 惟不能以入,且將 粗 焉 性命不外乎此矣。 德性 命 遠也。」真氏 雖 從分明 也。 只 此 知 命 在 問 蓋 無二致,但 也。 事親事長, 彼 事 於 聖門教人之要法 中人以 易 高 也。 親 人也。 路何 如 知處告之,如 事 下 所 此 長之中,荷 E 所從 則 ○張 而 以 近 但中人 洒掃 回 下 張 使之 告 思 其 以 人想 謂 之 而 妄 施 敬 語 循 應 E 獲,可謂仁矣。」知、遠,皆去聲。

不馳 之功,不比 思於心,皆先其切近者,則 心高遠 汎然馳騖於外 ~,就 其 切 近 者 m m 語 思之也。 初 無補於身心 有一 語之益,一事有 外 馬 也。 問 於人, 内 馬 事

之,可謂知矣。」問仁。曰:「仁者先 樊遲問知。 子曰:「務民之義,敬鬼神 難 而 而 後 谏

事 若果能專用力於人道之宜, 真箇是知。」〇又曰 知,只知 録 者,而不昧不惑於鬼神之難測 慢 鬼神之理 非達於事 事也。或問此一節。曰:「人道之所宜 之所宜,而 民,亦人也。 之所 Ĕ. ,惑者必至於瀆 「常人之所謂 其所當知 難 理, 幽 則 面 不 圃 難 必 後其效之所得,仁者之心也 矣。 獲,謂 惑於鬼神之不可 丽 測 忽 :「人道之宜 릲 也,非 知,多求知人所不 而 誠 不 能 務, 自常人觀之,若不足以 得也。 專 達 丽 於事 者 用 耐 不惑於鬼神之不可 ,如孝與弟之類。」先其 其 反 ,則是所謂 理 力於人道 務 專 則 其 知 用 所 其 知 , 近 不 力 知也。」〇《語 昧 聖人之所 所 當 而易 者必 於 知 宜 務 Mi 者之 爲知。 知,却 知 人 者 至 也 道 於 謂 知

録》曰: 説。 也。 此。 不計其效,知循天理之自然,而無欲利之私心也。」〇《語 私 뻾 者,皆其知不足以知其理,故惑於其所不知而信之耳。 能敬能遠,可謂 「人多信鬼神、惑也。而不信者又不能敬, 外。」此必因樊遲之失 者以事言,仁者以 似,説心底是那房裏,説 問 不信者,又直以爲無是理而不之信: ,敬鬼神而遠之,這 ,雖有成功,亦利仁之事而已。 事也是心裹做出來,但心是較近裹說。 先難後 然或先計 此 知人與鬼神二 「事,便是就事上説,心,便是就裹面説。 節。 獲、是就 其 Е 八效,而 心言。 「爲是事者,必有效,是亦天理之自 是事。 知矣。」輔氏曰:「凡人之信鬼神 心 一而一之不可斁; 後爲其事,則其事雖公, 上 事底是那廳上。」〇 蓋務民義、敬鬼神、是就 説。 而告之。 先 難後獲,這是仁者 仁字較 若仁者,則先爲其 故慢易之心 能遠,則知人與鬼 〇程子 近裏,知 蔡氏日 如一 字 而 間 處 務民之 生 日: 較 事 屋 心 意 焉。 近 F. 知 前 然 相 如 則

> 〇子曰:「知者樂水,仁者樂山 故别下語。 下歸仁矣。 焉,能於此而致其先難之力,不計其獲,則 中,又特舉其甚者言之。 私,然安敢自謂己無私乎?」〇輔氏曰: 不謀其利,明其道不計其功,語意正如此。 爲。」《文集》曰:「本欲只用 仁云者,必先難後獲,乃可謂之仁。」曰:「仁人者 克己耶? 務爲急,不求所難. 知者樂,仁者壽。」知,去聲。樂,上二字並 恐仁者 又惜其語非他説所及,故存之於後。」 非 顏子之剛明疇克爾哉 字非指仁人而 知 蓋克己最 ; 吕説,後見其後獲意 力行所知,不憚 難, 言,其 而求仁之功 「此其於所 語 知者 日 氏 仁者雖 脉 日 I 克己 猶 動 Ë 日 所 未 英先 難之 而 己 其 所 難 當 謂

者静; 教反,下一字音洛。 樂,喜好也。 有似於水,故 樂 知 水, 者 達於事 輔氏 日 理 知者 面 周 通 流 無 故 周 滯

難

,克己也

以

所

難

爲先,而

不

計

所

獲,仁

氣,皆與水相

似,故心所喜好者水。」仁者

安於

理

而二之不可

褻。

是可不謂

之知乎!」又曰:「先

委曲,隨事而應,各當其理,未嘗或滯

於

隅。

其

理

與

也

|。」《語録》曰:

問問

【既曰仁者,則安得有己私而更須

面

厚重不遷,有似於山

一、故樂

Щ

輔氏曰:

티: 日: 時 者安仁,故渾厚 壽 容仁知之體段,非 安於理 日 山 其 | 效謂 知知 相 輔 體 似 ,無所歆羨,故其體段常静。」○愚謂 者隨 體言,是 只 氏 故 日 功 自 事 心 静 「此所以言其功效也。 處宜,無所 所 端重,外物不足以遷移之,其 《就那人身上説。| ○又曰:「仁者雖 體用之體 智 喜 動 [者雖 好 而 者山 不 有 凝 静時 括战樂, 滯 樂壽以 動 故 其 静 其體段常動。 體 括 以 效言也。 只 静 ,結礙也 體 自 而 動。」 言 此體字乃 理 有 與 動 常 (氣,皆 語 輔氏 者心 輔 有 而 録 故 形 Æ 動 無

〇子曰:「齊一變,至於魯; 遺 餘習。 其 則 孔子之時,齊俗急功利,喜夸詐,乃霸政之 (變而 先 風 焉 王之道也。 魯則 之道有 ,但人亡政息 重禮 難 言一 易。 教,崇信義,猶 不 國之政 輔 氏 能 魯一變,至於道。」 日 無 「廢其法而 俗 廢 墜 有美惡 有 爾。 先王之 衰替 故故 道, 者

此形容之。」《語録》曰

:「此語極好看,儘可玩味。」

壽。1〇程子

Ė:

「非體

仁

知之深者,不能

如

所結礙,故其效樂。

常,悠久也,静

而悠久不變,

故其

效

若以賦 問。 美惡 則 制。 孰 易,復更其法而富强 當變,便是 竟先世之遺 却全然變易了, 是與周 也。」《語録》曰: 復加矣。」〇程子曰:「夫子之時 之序,亦略可見矣。 不得試。 去不顧。」愚謂 公之遺法變易盡矣,故一變乃能 如齊功利之習若不速革 脩 不 若桓 ,故俗 舉 齊 以 公别 爲 公、管仲,却 由 是,更何 廢 爲 急 有 意尚存,如 然因其言以考之,則 , 到 醇 齊勝 處。 桓 墜 疵。 桓公、管仲出 公之霸,爲 圃 向 「齊、魯初來氣象已自不同,看太公自 魯紀 暇 國之俗,唯夫子 己, 魯也,然魯猶存周公之法 至 盡 者難,變俗以 問? 無這 哀公用 於變而之道 綱 在 ', 而 《語録 功 所 意 惟 利 變 當 便 思,自 來,又不 其 H L 欲 振 從簡 知 則 賦 》日: 行王化,魯之不振若不 政,革政以 便是 得 魯却 道 猶 則 至於先王之道 前 能 尚 如如 他 使 急 ",齊彊 盡 人底是,所以 其 爲 只是 遵守 底 人來問 功之治,太 善 處。」〇 齊功利之習所 是了,一 至魯。 施 能 盡 放倒了, 道 齊之初 變之 美 爲 孔子, ,協政 又日 而 緩 向 無 政 而 有 做 以 來

○子曰:「觚不觚,觚哉! 觚哉!」觚,音孤。 與之整頓,而却理會甚功利之習,便是失其緩急之序。」

也。 哉,言不得 觚 人倫之首而言之,范氏又推之以及人與國,則其義益廣, 然後成是物,天下之物皆然也。 人,國而不治則不國矣。」輔氏曰:「實必稱其 職 而失其君之道,則 觚也。1〇程子曰:「觚而 其器,下觚字語其 觚者、蓋 今花瓶中間 稜者也。 「操觚之士」者也。 其意益切矣。 則 稜 舉一器,而 爲 也, 當時 虚 《語録》曰:「古人之器多有觚 有 或 爲 位。」范氏曰:「人而不仁 角者。 失其制而不 制也,不觚,謂失其觚之制,而 觚 古人所以恁地方時,緣是頓得穩。」不 酒 天下之物莫不皆然。 也 器,或曰 爲不君; 木 輔氏 簡 似 失其 E 界 程子以君臣言,蓋舉夫 爲稜也。 木簡 方 觚 臣 (形制, m 六 而 不 如酒器 觚 面 失其 皆器之有 則 即 L 觚 漢 不得 臣 觚 哉 非 則 故 便 字 所 名, 非 之 君 觚 觚 爲 指 譄 如

〇宰我問曰:「仁者,雖告之曰: 『井有仁

焉。]其從之也?」子曰:「何爲其然也? 子可逝也,不可陷也, 矣。 之所 往救。 《文集》曰:「謂赴井以救人爲仁耳,以下文「可逝不可陷 氏,名勉之,建安人。從,謂隨之於井而救之也。 劉 者, 揜人之所能知而愚之也。」蓋身在井上, 到夫子方說出來,所以時下都討頭不着。」逝,謂使之 故有此問。 觀之可見。」宰我信道不篤,而憂爲仁之陷 曰:「好仁而不好學,其蔽也愚,此固有所不免,然宰我之 人而 救井中之人,若從之於井, 言,却尚有這般疑,是怎生地? 欺、罔之别。」日 『聘君曰、「有仁之仁當作人」、今從之。劉 不私 此理甚 有 陷,謂 其 罔,謂 《語録》曰:「宰我見聖人之行,聞聖人之 身,然 明,人所易 陷之於井。 「欺者,乘人之所不知而詐之也。 昧 不 之以 可欺也,不可 應 曉,仁 如 理之 緣自前無人説箇 欺, 此 則 之愚 所 者 謂 不 無。 誑 雖 復 ア 罔也 也。 之以 切 能 乃 或問 於救 物事 救 可 輔 之 以 理 君 罔

一,表裹瑩徹,略無間斷,豈容以非理罔之哉。」物爲一體,雖切於救人而不私其身,然以人體公,我與理問則又甚矣。 夫子語之,則正理也。 夫仁者,以天地萬

〇子曰:「君子博學於文,約之以禮,亦可以

無歸宿處。」

弗畔矣夫!」夫,音扶。

道? 理。 也。 之,以極其要,則於文義庶乎得之。 約 亦 時,却只是 於道矣。 其要,故 要,則不過存此 故嘗思博約之義,博謂泛而取之,以極其廣,約謂反而束 言,皆不可不講,是博學於文也,及其反而束之,以求其 謂約之,以訓要不順,若顏子所謂約我則要我,尤非文 或不能不畔於道也。」〇程子曰:「博學於文而 要也。 或以約爲束 徒知要約而 君子學欲 《語録 其 理。 黄氏曰:「以博對約,則約當爲要。然約 動 心而已,能存此心,即所謂禮 ,則於文義順矣,而又非博約相對之意 不博學,則所謂 必以 **≫** □ 若博學 其博,故 「考究時,自 禮。 而 不 於文無 如 約 之以 約者,未知是與不是, 此 且如 是 禮, 則可以 頭項多, 不考; 仁字,凡洙泗 安知 也。」畔,背 到得 不 守欲 不 畔 背 行 於 而 所

録》曰:「博文而不約禮,只是徒看得許多,徒記得許多,守禮而由於規矩,則亦可以不畔道矣。」《語不約之以禮,必至於汗漫。博學矣,又能

否者,天厭之! 天厭之!」説,音悦。否,方九反 〇子見南子,子路不説。 夫子矢之曰:「予所 誓也。 謂矢言,亦憤激之言,而近於誓者也。」所,誓辭 必見寡小君。 如云「所不與崔、慶者」之類。《語録》曰:「問: 録》曰:「子路性直,只是心中以爲不當見,便不説。」矢, 路以夫子見此淫亂之人爲辱,故不悦。《語 蓋古者仕於其國,有見其小君之禮。而子 使人謂孔子曰:「四方之君子,不辱欲與寡君爲兄弟者 問:「孔子之見南子。」曰:「案《史記》: 南子請見,孔子辭謝,不得已而見之。或 南子,衛靈公之夫人,有淫行。 或問矢之爲誓。 寡小君願見。」孔子辭謝,不得已而見之。」 曰:「矢、誓聲相近、《盤庚》所 孔子至衛,南子 孔子至衛 也

口 也。 也。 不足以知聖人,又以其平日剛 重言 孔子於南子則見之,於陽貨亦見之,而公山不 之能汙我哉!!○真氏 彼 磨涅而 身不住,蓋以此也。」然此豈子路 人則遠之。蓋就之未必能有所濟,而或以自污,顏 召 何與焉。 人,固謂在我 否,謂不合於禮,不由 古人誓言,如左氏言「所不與舅氏」之説,故有誓氣象。」」 「若作誓説,何師生不相信如此?」曰: ,皆欲往焉。 一人雖惡,然在我或當見之,則亦行吾之義而已,豈懼彼 蓋聖人道大德宏,可 輔氏曰: 聖人道 以誓之,欲其 不能使之磷緇也 輔氏曰:「道大則善惡無所不容,德全則 「聖人之行,非常情 若大賢以下,則危邦不人,亂邦不居,小 大德 有可見之禮,則彼之不善,我 日 全,無 ,故無可無不可 以 姑 轉亂而爲治,化惡 居 信 勇率 其 亂邦,見惡人,惟聖 此 미 所能 道 然之態 而 所 不 也。 「只爲下三句有 能 深 可。 測 ,義之與比而 識。 觀 思 測哉? 厭, 之, 莥 而爲善,故 其 以 子路學 、佛肸 想 得 見 棄 関終 一人爲 其 己。 悪 故 絶 之 於 識 之 雖 似

所不悦,必有過甚之辭,故夫子重言以誓之曰,我之所

爲

《語録

 $\overset{>}{\exists}$

「問:「正道定理,恐道是揔括之名,理是道

可

易。一中者天下之正

道,庸者天下之定

理。

之意也。」不易之謂庸。

陳氏曰:「謂

萬古常然而

不

謂

(中、《文集》曰:「不偏者,明道體之自然,即無所倚着

〇子曰:「中庸之爲德也,其至矣乎 致其思,而使之自有所得於心耳。」 誠惻怛之意,所以感切子路者至矣。 若不合於禮、 由於道,則天必 厭 之而 棄絶 蓋欲啓子路之信以 我 矣。 是 民 其 鮮 至

久矣。」鮮,上聲

乎? 民 至極,過此則爲過,不及此則爲不及。」鮮,少也。 依本分,不爲怪異之事。」至,極也。 名而含二義之説。若孔子之教,只是即事 樂未發謂之中,至子思而始著於書,而 註》直以無過 本併不偏不倚言中,後去之而專言無 中者,無過無 少此德,今已久矣。 宜其去之也。」庸,平常也。《語録》曰: 不及言中,又況已有 不及之名 〇程子曰:「不偏之 也。 程子不偏之説 輔氏 過不及者,喜怒哀 輔 程子因以 氏曰: E 小以明 理 「惟中 集 發中 一,故《集 庸 註 於 言 爲 初

4.47

易底,故更着 面 定字上。 人道有仁義禮智 有許多條目。 中只是箇恰好道理,爲見不得是亘古今不可變 簡 庸字。三自世教衰,民不興於行, 如天道有 、君臣父子之條理。」曰 日月星 辰、陰陽 「緊要在正字與 寒 暑之條 理,

少有此德久矣。」

堯 口)子貢 謂 舜 其猶病 仁乎?」子 諸! 如如 有 曰:「何事 `_施、去聲。 博施於民 於仁,必 而 能 濟衆, 也 聖乎 何 如 ţ

是這 理 博 聖以地位言,自是不同。 言 博 言,也不是離了仁 「仁以理言,是 人便横看,有衆人,有賢人,有聖人,便有節次。」〇又曰: 小小者亦謂之仁。 ,仁即天理之全也。 施濟衆,是 理 則造其 廣 聖 也 便 做到 是 仁以 箇 極之名 充 徹 極 ௱ 仁是直看,直上 這 處 頭 爲聖,聖只是行仁到 理 理言, 自上聖至下愚,皆所固 徹 功 到 也。 尾物 如博 角 極 如此。」〇輔氏 處,不是仁上 事, 《語録》曰:「仁以道 通 施濟衆爲仁,而利物愛人 乎上 如一元之氣。 直下只一箇 下。 那 一面更 日 極處。 有,有 聖 道 有 「理謂 聖 理。 簡聖。 以 理 仁便 以 事 地 聖 天 地

> 無窮, 聖人能之乎! 造之地位 於此。」以是求仁,愈難 施濟衆,是無 止於仁,必是行仁極致之人,亦有不能盡。]〇又曰: ○《語録》曰: 下文堯舜病諸之意 所不足於此 病,心有所不足也。言此 矣、盡矣,不可以有加矣。」乎者,疑 而合乎仁,則 博施 「不然,此正謂雖聖人亦有所不能爾。 濟衆,乃仁者之極致,故雖聖 而仁者之事則有限,自是無可了之理。]○輔氏 也,聖 、盡底 亦 「聖是行仁極致之地,言博施濟衆之事,何 也。 則 可 地 謂之仁,故曰 其 猶 頭,堯舜也做不了。 所 或問: 則 必 造 雖 也射乎。 地 堯 「必聖人而後能之乎?」曰 位極 丽 舜 通 愈 致 而 乎上下。 何 之聖,其心猶 遠 人 之稱 後言射之有争 其 止於仁,必也 矣。 必也聖乎,蓋以 而 心猶 蓋仁者之心 未定之辭。 至於聖 《語録》曰 地謂 有 學者 所不足 也。 則 日 「博 有 雖 起 至 所

「若必待博施而後爲仁,則有終身不得仁者矣。」

以己及人,仁者之心也。於此觀之,可以

及物處爲然也,但不可偏靠此爲言爾。」 見天理之周 「仁者之心廓然大公,無所不愛,其體自 無人己之間。」狀仁之體,莫切於此。 流 而 無間 矣。 輔氏曰: 如 此,非 「天理 陳 姑 氏 周 指 日 流 其

能近取譬,可謂仁之方也已。」

以 地,便推出去人也合恁地,方始有以及之。 達,便達人。 己及人,仁之體也。 乎?」〇《語録》曰: 此 彼而後施之者,仁也。 問:「仁恕之别。」曰: ○又曰:「以己及物,是自然及物,己欲立,便立人,己欲 矣, 豈必博 然其實皆不出乎常人一念之間。學者亦反求諸己 所欲以及於人,則恕之事 譬之他人,知其 譬,喻也。 己及物底,便是我要喫,自是教别人也喫,不待思量。 而後施之者,恕也。 施 推己及物 濟 方,術也。 : 衆,務爲聖人之所不 「己欲立而立人、己欲達而達人、是以 能近取譬,是推己及人,仁之方 所欲亦猶是也。 「凡己之欲,即以及人,不待推以譬 以己之欲,譬之於人,知其亦必欲 此其從容勉强固有淺深之不同 ,則是要逐一去推 近取諸身,以己 而仁之術也。 能 者,然後 出,如我 如喫飯 然後 推 所 相 也。 欲 得 ៣ 似, 其 欲 恁 或 之 已

否?』曰:

「不特喻萬物,只是頃刻不相應,便是不仁,如

體

。」《語録》曰:

問:

「痿痺不仁,莫是把四

肢

萬

仁之方也已。一欲令如是觀仁,可以得仁之

立而立人,己欲達而達人,能近

取譬,

可

謂

乃聖人之功用。 不仁,氣已不貫,皆不屬己。 至,若不屬己,自與己不相干。 物爲一體,莫非己也。 痺爲不仁,此言最善名狀。 公已得而體之矣。○程子曰:「 力也。若能勉力於此,則人欲之私自無所容,而天理之 强恕求仁之事,蓋恕則當勉强,而行仁則自 人欲之私,而全其天理之公矣。 「可謂仁之方」結之也。」於此勉焉,則 説。」〇又曰:「若以爲衮説 者」,下面説「可謂仁之方也已」,却相反,方分作 喫。」〇又曰: 推己及物底便是我喫飯,思量别人也合當喫,方始 「當 初只 仁至難言,故止 做一統看 ,則既曰「夫仁者」矣,不當 認得爲己,何 ,後來看 醫書 仁者以 故 博 日 如手足之 有以 上 輔氏曰:「此 以 然無 施 面説「夫仁 手 天 『己欲 濟衆, 所 所 足 勝 地 兩段 用 與 萬 痿 其 其 以 人

不 則 也 般 説

仁,可 方。 貫乎手足耳。 即仁之體也。 皆是此 也在 病風 他從初生時,只今便是一 驗之,均受天地之氣 未至,不可 貫」 小裏斟 、覺者爲仁,仁可以覺言乎?]。] 〇黄氏 什 待 寶見 者以萬 某説如在大屋之下分别 麽? 尋 這裏 「夫仁者」與「可謂仁之方」正 以得仁之體 來,那 水。 註 問所從來。」〇又曰 句之上求之。 此 》作三 夫仁者,己欲立, ,若來時 理 得而 物 肢 E 如以兩椀盛得水來,不成教去尋 手足之譬 固 爲 不仁,兩肢 能 段 椀是那裏酌來。 「或以 體 近取 能 说说,如 置者如. 這 ,便以 體 以 如如 處極好看仁。」〇問: 臂,則是推己之恕,故曰 天地萬物爲 而 爲 手足之所 何?」曰:「只是不在這裏,然 生 則 何?」曰: 此處之。」〇問: 痿 事 體。 不仁,爲 :「認得爲己,何所不至。 人人物 庫 , 所以 至 便立人,己欲達,便達人,此 物 者,不識 廳、堂、房、 猶之水然,江 日 來,皆 也 既都是水,便是同 同 议 一體否?」曰: 其不省悟 所謂仁者,當於『氣 相對説。 體 痿 程子之説,如大屋 痿痺則 痛 痺 有 一者,以 室 ",惟 即即 以 痒之謂 「程子作 河池 處之,如 仁 也。」〇 欲令如是 討 人物 吾之心不屬 般, 「可謂仁之 者 吾之氣 這 也,如 沼溝 示 初無 其 初 體, 認 椀 須問 4 生 此 事 問 渠 不 Ė 此 異 觀 得 更 是 公 理 統 時 物 ·淺 心 不 不 養 所 欲 猶

箇 何 那

衆也。 與濟衆異,今言五十衣帛,少者不衣 乎彼,彼雖 治已足,則便不是聖人。」黄氏曰: 求,脩己以 聖人非不欲 者,豈非聖 人之心,非 論仁者當觀諸其心。」又曰:「《論 無痿痺之處。 者固 如十 ·知。」〇輔氏日 最 有所不 不及 ? 病 切 不足以 - 定,方 諸』者二。 然必 博施當如減 此是聖人不 爾, 有 為博 贍爾,此病 **「疾痛** 知 此 安百 不 五 人之 此 四 心無 其 欲 + 施。 「『堯舜其猶病諸」,此 田租之半,不若 病 海 頑然而莫之知 、味深者又必墮 能 夫博 不達 15 乃 姓)所欲? 其 之外 此雖文義之至 爲天地之所 者 衣 濟 則 ,則天下無 其 施 亦 帛,七十乃 亦 之 爲 施之不博 者,豈 衣 兼 不 也。 病 然治不 盡除 帛 一於虚 爲 帛 濟 衆 口 語 疾痛莫覺之人。 細 處 食 也 則 H 也 非 知 者 無滉漾之域 》言『堯 無不貫,則 然 句説得 肉 租 依 「博 0 聖人之 食 顧 也。 在常 然 舊 過 賜 也 荷 推 亦 是 施 其 肉 帛 九 聖 不 所 以 此 治 濟 顧 舜 上, 觀 人之 州 可 濟 語 吾 以 有 其 聖 所 其 惟 之 以 未 當 故 身

以得仁之體矣。」 程子能推其實,如說自己事。自非深有得於聖人之心, 是於吾心,務其大,則雖堯舜猶以爲病,若反諸心,則可 之教子貢意思皆切,蓋子貢徒知仁道之大,而不知其具 之教子可意思皆切,蓋子貢徒知仁道之大,而不知其具 之教子可意思皆切,蓋子貢徒知仁道之大,而不知其具 之教子可意思皆切,蓋子貢徒知仁道之大,而不知其具 之教子可意思皆切,蓋子貢徒知仁道之大,而不知其具 之教子可意思皆切,蓋子貢徒知仁道之大,而不知其具 之教子可意思皆切,蓋子貢徒知仁道之大,而不知其具 之教子可意思皆切,蓋子貢徒知仁道之大,而不知其具 之教子可意思皆切,蓋子貢徒知仁道之大,而不知其具 以得仁之體矣。」

論語卷第三

後學 成德 校訂

我

之之辭。

老彭、商賢大夫、見《大戴

論語卷第四

朱子集註 後學趙順孫纂疏

述而第七

貌行事之實。凡三十七章。此篇多記聖人謙己誨人之辭及其容

彭。」好,去聲。 子曰:「述而不作,信而好古,竊比於我老

莫測 傳,明者能之,故賢者可 述,傳舊 人不能,而 而變通不窮, 加 述 已。作,則 有 則 所不 賢 及。 者可 能 也。」竊 自我創始,則非聖人之神明 創始 及。 也。 比 輔 ,尊之之辭。 氏 故 E 作非 因 舊 聖 而

也。 《春秋》,皆傳先王之舊,而 之所以賢於堯舜者在是。」 之大成而折衷之。 者之聖,而 大夫。《大戴禮· 其成而折衷之,参互發 然群聖之所作,因事 於六藝可見,集群聖之大成 作矣,此又不可不 蓋其德愈 是寫出魯史,只是中間略有改更。一蓋不惟不敢當作 雖云孔子作,如曰『其 故其自言如此。《語 禮》,蓋信古而傳述者也。 禮》、《樂》,皆述他見在 詩》、《書》, 然當是時,作 盛 亦不 而 定《禮》、《 虞 制 心 敢 戴德》篇有 事則齊桓、晉文,其文則史」,亦只 明 宜 知 愈下,不自知其 底,不是别自創意做出。 者略 顯然自附於古之賢 其 以 録》曰:「如删 以 也。 事 成一代之制 而折衷之,亦於六藝見之。 垂 樂》,贊《周 備,夫子 商 萬世之法者也。 雖 輔氏曰:「作者,略備觀 老彭之語。」孔 胡氏曰:「包氏謂 未嘗 述,而 《詩》、《書》,定 者也。 有所作 蓋 功 辭之謙 易》,脩 則 集 《春 夫子集 此夫子 倍 群 人, 子 商賢 秋 删 於 聖

○子曰:「默而識之,學而不厭,誨人不倦,何

有於我哉?」識,音志,又如字。

子之燕

居

申

申

如

也,

夭

夭

如

也

子 之所不居也。」何有於我,言何 話 此,聖人謙辭承之,後來記者却 而 前 二義。」曰: 也,不言 曰:「謂 識 存諸 記了。」〇輔氏曰:「「猶不敢當」四字 Ė 者 又 謙 己 心者,拳拳 П 也 「德之不脩,學之不講,聞 之 非 雖 「不言 而 辭 聖人之極 不 心 默 言 也。 而 解 服 識 而 得 膺而 歷 也 其 謂 語 歷 理 弗失也。 至, 記 不言 録 者,不待問 前 在 日 説 失上 心 而 丽 也。一説 山此 近 猶 者 面 存 是。 辨而 義 不 能 必 ,寫出聖人心 諸 皆 節 因 敢 有 義 無疑 心 通 或 ,只做聖人自 人 當 於 不 一蓋皆 問 也。 稱 也 識 能 我 聖 則 聖人 來。 人有 陳氏 徙 也 不 默 謙 知 言 識

字。 悦之意 亦須稍嚴厲 於收束 學者於熊居私處之際,有心於舒 曰: 太字。 着此 厲。 暇 容舒 燕居 胡氏曰 聖人處 顏色得以全其愉怡 愉 居容色自然之符也。」〇胡 悦 無事之時 中 ,故知以色言。」〇程子曰:「此弟子 嚴 今人 也。 四字不得 蓋嚴厲亦不可 ,惟一身可以言舒布,故知以容言, ,則易人於矜持。 申、夭夭,此聖人得於天,自然中 閒 厲 也,爲申申字説 程子 暇 方可,不然則無下手 燕 時 夭夭,其 故 以怠 無 其容儀得 着 居之時,不 事 ",唯聖人便 此 惰放肆 而 之 無, 無勃如之變。 四 八色愉 時。 將若 若太嚴 字不 以 氏曰:「申 對嚴 遂 何 其 也。」 楊 怠 厲 不 得 泰 處 而 厲 分舒 自 而 氏 ,則易入於放肆; 惰 盡 用 矣。 緩 則 言 有展布之意,夭有 申 怠 I 有 輔 故故 曰 放 而 不可 邪? 申 於嚴 和之氣象 氏 蓋 中 惰 無 肆 惟顔貌 收 日 夭夭,聖人 迫 更 和 放 属之上: 耳。」〇 斂 聞 申 遽之意,其 必 着 善 之 肆 身心 之師 燕居 申 也 可 太 夭 氣 時 形 蔡氏 有心 以 굸 嚴 夭 容 亦 其 則 若 言 燕 加 和 閒

不

善善

示

能

改,是吾

憂

也

尹

氏

日

-

德

必

脩

而後

成,學

必

講

而

後

明

荷

未

能

之,

聖人

猶

夏,況

學

者

平

?: 」輔

氏

日

能

如

是

則一

日有

日之功

,故尹氏以爲日新之要。」

見

善

能

徙,

改過

不吝,此

四

者

日

新

之

要

也

自然和樂,然亦非別有一箇和樂也。能整肅,則自然

和樂。

公。」復,扶又反。 ○子曰:「甚矣吾衰也! 久矣吾不復夢見周

其正,何害。 夢 於心動否?」目 也。」《語録》曰:「問:「孔子寤寐常存行周公之道,恐涉 其老也,則志 分明。」故因此而 心 如或見之。 孔子盛時,志欲行周公之道,而夢寐之間 道者心,無老少之異,而行道者身,老則衰 曰:「孔子盛時,寤寐常存行周公之道,及 ,猶畫之思 而亦無復是夢矣,輔氏曰:「此一句斷置得 心存這事,便夢這事 也。 至其老而不能行 :「心是箇動物,怎生交他不動得? 心慮衰 思 自嘆其衰之甚也。〇程子 亦 是 而不可以有爲矣。蓋 心 動 處,但 ,常人便胡亂夢。」 無 也,則無 邪 思 可 矣。 復是 夢得 夜之 存 極

〇子曰:「志於道,

志者,心之所之之謂。道,則人倫日用之

思索也在是。]〇胡氏曰: 生路, 這去便善, 那去便惡。 焉,則所適者 謂"道者,古今人物所共由之路也,日用二字已足以該之 間所當行者是也。《語録》曰:「道是君臣、父子、夫 志未必不差也。1〇又曰: 去,念念不忘。 曰:「這須知是箇生死路頭 矣,又曰人倫者,舉其重而先之也。 婦、兄弟之道。二〇又曰: 處己也 Ē, 圃 在是,接人也在 「道是 「道,猶路也,故適字岐字,皆 「謂之知此者,不先知之,則 無 這 他 知得此路是了,只管向此 一邊是死路,那一 日 岐之惑矣。《語録 用 常行合做底。」〇愚 知此而心必之 是,講 論 也 邊去是 在 是 所 路

據於德,

路言。」

失」,是統釋德字。 以爲孝。」○愚謂:德字之訓、《爲政 箇道理,如欲爲忠而得其所以爲忠,如 而謹守不失者,據也。」德者 據者,執守之意。 而不失之謂 也。 此云「得其道於心而不失」,是從志道 《語録 或問: 》曰:「德,是自家 「據之説。」曰: 得 也,得 》篇 欲爲 云「得 其 孝 「既已得 於心 前 心下得這 道 得 於心 丽 其 不 所 之

乎義 上來。 然既得之,守不定,亦會失了。 怠,不或作而或輟,執而據之,無少間斷,則將隨其 輔氏曰:「若爲父子而得乎仁,則謹守乎仁,爲君臣而得 而 丽 . 篇實,輝光日進於又新之域矣。」〇胡氏曰: 有日新之功矣。《語録》曰: 則 得之於心而守之不失,則終始惟 謹守乎義。 得寸守寸、得尺守尺,不始鋭 須當照管,不要失了。」〇 「德者,得之於身。 「言得, (所得 而 復 終

依於仁,

言不失,所以見其得之固。」

理。 之流行矣。 無終食之違,則存養之熟, 則私欲盡去而心德之全也。輔氏曰:「仁者,本 依而不捨之意。」〇黄氏曰:「依者,隨之而不離。」仁, 依者,不違之謂。 少有走作。」〇又曰:「依於仁,則無 心之全德,非有一豪人欲之私以雜之。」功夫至 道 至 此亦活,德至此亦活。」 《語録》曰: 《語録》曰: 「依於仁,則是此心常在,不今 「如依乎中庸之依,相 無 物欲之累而純 適 而 非 一此而 天 光乎天 理

游於藝,

是也。

蓋學莫先於立志,志道,則心存於

矣。 也。 具舉而 其義理之趣, 準則,移易不得,即是至理之所寓。 全體之累。」○愚謂:凡登降上下,聲音節奏,皆有自然之 不可無者,乃是理之妙,散於日用,苟有未通,亦可 焉,又皆人所日用而不可無者。」〇胡氏曰:「藝亦日用之 輸、方程、贏不足、旁要也。 假借、諧聲也。 君表、舞交衢、逐禽左也。 矢、參連、剡注、襄尺、井儀也。 數之法,皆至理 之,非喪志之物也。」藝,則 玩之意。] 〇胡氏曰: 游者,玩物適情之謂。 《語録》 或問六藝之目。 雲門、大咸、大韶、大夏、大濩、大武也。 内外交相養矣。」○此章言人之爲學當 ¥ 九數:方田、粟米、差分、少廣、 「游乎此 則 「玩物本非美辭,然以六藝爲物而 應務 所 曰:「五禮:吉、凶、軍、賓 寓, 六書: 象形、會意、指事、 ,則心無所放 有餘 是其名物度數,皆 禮樂之文,射、御 《語録》曰: 而 五馭:鳴和鸞、逐水曲 日用之不 朝夕游焉,以博 ௱ 前 心亦無 日用之間本末 游 者 有 可 五射: 商 至 從容 闕 所 功 轉 以爲 理 放 注 也 者 如 均 過 白 存 玩 潛

序。 聖賢 依 而 四 氏 間 本 學 H 在 無 倫 行」者,天理人欲 不 īF. 所當 論 用 車 通 日 我之倫 則 少間 息有養」者,不外物以求理,而 遺 則 焉 者於此 m 之,道 之間 内謂道 輕 (之域 將 重者 不 達 而 重之倫,謂 初 優游 則 德 隙, 如如 雖 他 學須 動 穿穴玲 性 本 也 德 有 矣。 K 是用功,無少間隙, 德、仁,末與外 3 息 常 有 重 而 末 循 仁 游 飫 據 有 不兩 輕, 四 職 志據 用 可 涵 兼 以 所 輔 德 偂 養 者之序 以 當先者 方 mj 而 忽 氏 泳 該 不 勝,一 依 少 有更 未 日 從 物 則 不 失 輔 輕 游之倫。 嘗 知 内 而 欲 道 焉。 謂藝。 盛 也 容,忽不自 其 氏 相 「先後之序,謂 偏 其 不 外交養,日 不 日 則 得 廢 先後 ,藝可 爲 人於 可 涵 常 務 用 行; 於心 亂 泳從 「德性 本 所 先 玩物之理以 衰 在 處。」〇 以 聖 丽 謂 者 彼之序 到 也。 之序、輕 少 賢之域 游 容於義理 兼 不 成 重 而 後 常用 藝, - 廢其 小 該 德 丽 胡 知 道 八馬。 不 後, 用之間 雖 而 後 氏 其 く矣。」〇 德仁藝之 養性 物不 失 而 則小 (末,事 有先 者輕 交 E 志 日 事 入於 物 養 重 ; 用 物 也。 遺 欲 據 也 後 也 之 物 依 内 總 之 間 陳 而 不

> 序,輕 問: 德之游適於意,生熟滋味迥别。」 小學之初事,游於藝,成德之餘 於此章末言之,而朱子復以 以 뻾 其 不 「古者八歲即教以六藝之事 本末 忽乎外。 「重之倫,似以藝爲可後。」永嘉陳氏 兼 該 以 内 其 外 輕 交養 重 先後之倫序 而 爲學 言 功。 則 ,明爲學之所當先也。 者 又 於此 小學之初習其文,成 未 而 嘗 言 日 當 不 「教之六藝 固 求其先後之 相 不 資 無 也。」〇 差别

於善。 子曰: 生,同 矣。 夫》: 脩, 之肉不行 日 脩爲贊,惟 賤之事貴,少之事長,當 以 0 爲禮 「其以乘壺酒 脯也。 然比羔、鴈、 凡祭祝之致 具 「自行束脩以上,吾未嘗 但 竟中。」 此 念記 束 不 理,故 十脡 檀弓》 脩 知 雉 則 束脩一犬。』《春秋。 福者,受而 其 來 是 鷄 爲束。 至 聖 學,則 亦 爲 Ĕ 有以奉之也。 薄, 薄 有 人之於人,無 以 「束脩之問 者。 故 膳 此 古者 無 云至薄也。」蓋 之。 爲 往 禮,不 胡 氏 以 穀梁傳》曰: 然在 相 教之禮,故苟 | 贄見 不 日 無 但 出 見, 不 婦 誨 禮 者, 境。」《少 人用 欲 周 人 必 焉 亦 八之有 無以 官 其 執 「東 如 棗 之。 儀 暬 脩 脩 東 膳

取,故未嘗不教之也 之何,故 之累而趨於惡,然皆可反而之善。 以 嘗不欲啓其爲善之塗 甚 聖人之心,其愛人也終無窮已, 教,雖不輕棄人,亦不苟受人,仁義並 「爾。」○胡氏曰:「人以之有生。 禮 來,則 有不往教之禮。 無不有以教之也。 哉 執 惟 贄 自暴自棄,在 而 而其責人也,終不至於 同 來, 聖人仁天下之心 具 禮 行 此 輔氏 圃 雖至 理 不 型人亦 ,雖氣稟物 日 相 海, 悖 意 聖人之 也 則 無 曷 可 欲 太 如 但

又反。 隅 子 反,則 E 不憤不啓,不悱 不 復 也。」憤,房粉反。 不 發, 悱 芳匪 舉 反。 隅 復 不 , 扶 以

未能言、 悱 隅 啓 憤 未得通 者, 者 者,心求 謂 則 鬼 \Box 開 則 | 欲言| 以其意憤 其貌 其 通 意。 可 作 而 而 知 悱 然 然而 未能 未得 而不能自己。 發, 其 不 謂 之貌。 之意。 能 達 自 反者 其 伸。 憤 輔氏 輔氏日 辭。 『, 還 者, 悱 者 日 有 以 物 屈 鬱懣 \Box 心心 相 之 抑之貌。」 欲言 之 有 求 證 意。」 通 之 四 而 而

義

或問:

還以相證。」曰:

「如《易》所謂「原

始反終」

子於是日哭,則不歌

之意。」

決而 矣。 事,施教於人而親收其效者,不能 則 政使其有所知,亦 到。 其 色辭 沛然矣。」輔氏 發,則知之不能堅固 教之地也。 者也。」復,再告也。 之意,因并記此,欲學者勉於用力,以 如 八自得, 此「沛 不憤 進,彼謂學者因 水之流壅闕於此,有以決之,則沛然而往 者 作, 也。 .然」與孟子「躍如」二字相 乃復告 便是誠不到。」 待 〇程子曰:「憤悱,誠意之見 必 日 其誠 有 不 爾。」《 「不待 所覺而 能 上章已言聖人誨 深切 至 又曰: 其憤悱 語 待其 躍。 圃 而 録 言此 堅 後告之。 非 Ĕ: 似 固 憤 前 受教 也 發, 悱 此 「憤悱 不 待 於 謂 而 則 其 待 人 學 憤 是 後 ,莫之能 而 者 憤 便 又 人 彊 發, 悱 身履 是誠 因 必 不 聒 悱 爲 面 有 之。 發 待 於 受 則 倦 而 其 所 意

○子食於有喪者之側,未嘗飽也

有

食

不

下

咽

450

哭, 以 人 也 知其所以然,此 歌 ,故識之者可以學道。」○愚謂: 也。 學道。」輔氏曰: 情 性 中哭。 之正 ○謝 所以爲情性之正。 也。 氏曰:「學者於此二者,可 一日之内,餘哀未忘,自 二一者在聖人分上,皆自然而 能識聖人之情性 情之正者,發於本然之 聖人之情性,莫非 然 然,不 後 見 不 能 聖 口 道

與爾有是夫!」舍,上聲。夫,音扶。

性。

情之不正者

,發於氣質之性。

看 我 尹 已,不柰何。 願,舍之則藏,非所欲。 人,用舍亦不由 命 (語録 不 義理 (便藏,無不柰何底 氏 不足道 · 得 》曰:「用舍是由在别人,不由 日 ,也只不做。 如 何 用用 也。 都 聖人無 不 得 舍無與於己,行藏安於所遇, 問 我。」〇又曰:「常人用之則 顔子幾於聖人,故亦能之。」 所 意思,何 不 那 謂 得 命 舍之則藏,是自家命恁地,不 「殺 了。 已底意思。 消更得言命。」〇又曰 雖 不辜,行 使 得我,行藏是由在那 前 聖 面 做 人用我便行, 不義,而 得 去,若 行, 乃 義 得 一只 舍 所 天 上 得

> 處命; 顔子龍 舍在時 意 只看義 己。 在我者未嘗不自得也。 無與於己」,在人者,不必過 不合則去,樂則行之,憂則違之,在我而已,不 如顏子之安於陋巷,他那曾計較命如何。」○輔氏 冒無恥者矣,然實未 下,有所不爲」。 義 所謂「不得已而 處命,則義 中人以下,以 ,何與 如 德而隱,幾於聖人,故亦能之。」〇胡氏曰: 何。 於己? 貧 若中人之情 富 所可爲,然後爲之。」 命處義。 貴 能無求之之心也。 安之若命」者 行藏無 賤 「命不足道者」,中 ,惟義所 丽 必, 命處義者,未免有不得已之 則 問 見前 也。 安於所 在 也 所 「行藏安於所遇 面做得 此 謂 聖人更不 遇。 固 一人以 安於 賢 道 必言命也。 ,他定不 於 上,以 所 合 日 「用 世之貪 則 問 遇 「用 從 命 也 肯 舍

子路曰:「子行三軍,則誰與?」

有才能 勇不能自 見,便有 必 子 萬二千五百人爲軍,大國三軍。 與己 '獨 美顔淵,自 較量 而學問 遏 同 ,故有是問。 人己,矜眩 輔氏曰:「此便是子路學未到處。 之功 未 負 到 所侵之意。」〇 其勇,意夫子若行三軍 是舍之而不知藏者 義 理之趣 未 胡 深, 氏 日 則 子路見孔 也 遇 子 大凡 事 路 必 有 發 人

必 子 也 Ė 臨 暴 而 虎 爠 馮 ··, 好 河 謀 死 而 而 成 無 者 悔 也 一。」馮,皮冰反。 者, 吾 不 與 也

也。 則 謂 暴 爲,所謂大勇 此 此 而 氣之勇,而教之義理之勇。 勇,然子路之勇 定之謀。 恐懼也。 (無忽心,無惰氣,如此 固 子路 敬 虎 皆以抑 若夫子云我戰必克,亦不過敬其事而成其謀耳。」〇 好好 徒 其 沙",然 徒 謀 事 面 搏。 蓋 既成 成其謀,則不妄動,不亟取,如 其 也 所 能必要其成 不知 ,故爲行師 ,猶未離平 勇而 謂 成 而 馮 暴 不愆于素,自無僥倖速 也。 與 河 謂 教之,然行 馮 則凡事必 成 其 者, 之要。 徒 ,血氣 輔氏曰: 子路初年,於此 其 深沉厚重之意 皆 涉 (謀。 也。 有 0 能 夫子言此,以 慢 黄 「行三軍 有 若夫 侮 輔 師 氏 所 氏 欺 E 之要實 戒 臨 成之弊也。」言 陵 此 日 懼 則 蓋 蓋 事 固 之意。」 暴 「敬 抑子 凡 非 有 義 而 不 固 可 事 謂 所 理 能 不 其 徒 以無 未知 之所 路 懼 必 怯 有 事 搏 外 有 弱 IM. 所

行

非

貪

位

一、其藏

非

獨

善

也。

若

有

欲

心,

則

볢

氏

曰

聖人於行藏之間

無

意

無

必

其

子路 卑矣。 微處。 則藏; 處,今遽及此。 者,固 才違 之與比,而天與命有不能違 位、義所當 心者言之,則 氏引無意無必者得之,惜乎其文之不具 謀 能 爲 不 覺發出行三軍之問。 退藏,子路之病,正如此也 軍乎?」黄氏曰:「「用之」、「舍之」存乎人,「則行」、 「則藏」應乎己,則無意無我可見矣。 無 無 用 可 雖非 於義 無之矣,至 固 以 成,不懼必敗,小事 而 子路資稟之高,又已受教於夫子,則 舍之藏矣,至用之,則行 夫子之言,蓋因其失而救之。 與 有欲心,然未能 必也,至 求 ,則便以人咈天; 行也。 於此。 《非所以言孔顏也。」○輔氏曰: 行,舍之而 故以 於 藏非 爲其論益卑,然却不是聖人不屑 細 以行三軍 夫學者於行軍之外,有多少合進 微 子 獨善、義 處 無 路 不用則 固 也。 則 不 故 雖 必,便 猶 惟 所當止 則 藏 尚然, 非 有 顔子 必欲求 有 無 爲 矣, 有 所 是 欲心 用之行矣,至舍之, 必 問, 不 也。 欲 而後可以與於此 欲 也 無固 是 丽 能 行,舍之則不肯 。 固 ,則便違於義 心 免,故 無適 以 則 「聖人行 況於行三 其 必 又以 可 者 於 其 見 惟 是 無莫,義 欲 非 夫不 不 欲之大 論 然 顔 爲行 之細 非 有 知 益 未 子 謝 欲

聖人固 軍之事,觀其所謂 其 能必 濟也,故不惟有以抑之,又以是教之。」 非不屑爲 也。 「臨事而 但子路之勇、 懼,好謀而成」,則行軍之事, 雖使之行 三軍 未保

〇子曰: 如不可求,從吾所好。」好,去聲 「富 m 可 求 也 雖 執鞭之士,吾亦 爲

天,無 不辭。 者。 楊氏 哉? 執 言富若 官》:條狼氏,以下士爲之,王出 分明,楊氏又説得聖賢 義理而已矣,何必徒取辱哉? ○蘇氏 太史公謂「假令晏子尚在,願爲之執鞭」者,本此也。」設 聖人未嘗有意於求富也,豈 其 鞭,賤者之事。 自王公以下至子男,皆有職是者焉,所以謂之賤役。 (義始備。) 曰:「君 爲 可求之道也。」輔氏曰:「蘇氏發得此章語 然 可 此 有 求 語 則 命焉,非 子 者,特以 非惡富貴而 雖 所以 胡 身爲 氏曰:「執鞭之士、《周禮 求 不求富貴之理確 明其 之可 賤役 人則 決 趨 得 以 不求,以 走而辟去道 間 不可 也,則安於 求之,亦 其可不 實,二 求 其 爾 日 一説相 路 在 口 所 脉 秋

○子之所慎:齊,戰,疾。齊,側皆

不齊矣。 者,以交於神 齊之爲言齊也,將祭 不至而神亦不之響矣。 又謹,故弟子記之,以垂教後世。」 存固,豈容有不謹之時,不謹之事哉 子記其大者耳。」輔氏曰: 故皆不可以不謹。一尹氏 皆危殆之事,雖有小大親疏之殊,然其爲利害 存亡者。 生、國之存亡繫焉。 與不響,皆決於此。 ,則有其神,無其 思慮一,則誠之至而神響之。 皆不可以不謹也。 明 誠 也,誠 則 故鬼神之德, 曰:「夫子無 輔氏曰:「齊,謂一也,二三則 疾又吾身之所 無其 之至 而 神 「聖人之心,不待操 齊 也。」 與不至 其 輔氏曰:「茻 誠 思 戰 特於此 思慮二三, 面 所 慮之不 則 己。 一,神之 不謹 衆 以 三事 則 故 之 死 與 同 有 . 謹之 則 丽 弟 齊 也 生 死 其

誠

爲樂之至於斯也!」 ·子在齊聞《韶》,三月不知肉味。 曰:「不 圖

《史記》「三月」上有「學之」二字。不知肉

之。 歎 無 能測也。」〇范氏曰:「《韶》盡美又盡 於歎息者如 **幬載之德** 以 備,而不覺 作樂至於如此之美,則有以 誠 味,蓋心一於是 人至誠做 及此。 ,則心一於是而口不知味,亦宜也。」曰:不意舜之 美之如此。 以 》樂,非 不翅如身有其 加 此 、當時 但 此。 事 輔氏曰: 也。 有以極其聲容節奏而已,併當與大舜 不,猶 其歎息之深也,蓋 雅熙平 誠非聖人,不足以及是,固非常情之所 有耳 誠之至,感之深也。」 (事,親歷其時也,則其誠感之深,而見 故學之三月,不知 而 「聲謂文也,情謂 成之治 無所聞。 不及乎他也。 、所謂 目 無所見 盡 善盡 實也。 極 非聖人不足 其情文之 輔氏曰: 美之實 肉 善,樂之 夫子之學 況聖人之 以味,而 無不 而得 「凡

吾將問之。」爲·去聲。 ○冉有曰:「夫子爲衛君乎?」子貢曰:「諾。

世子蒯聵。公薨,而國人立蒯聵之子輒。爲,猶助也。衛君,出公輒也。靈公逐其

於是 可以擅有其國乎? 固在所當立矣,然上不稟於天王,下不受命於君父,又貴 得罪於父矣,而以 有疑 人以 世俗之說未可遽以爲信也。」諾,應辭也 其一節之或得,而於其大義之乖,則不之察也 晉納 蒯 而 問之。 聵 蒯 得 罪 聵 輒言之,則子獨可以 輔氏曰:「世俗知其一,不知其二,見 而 於 是故爲國家者,不可無君子之論 輒 父, 拒之。 而 輒 嫡 時孔 拒父乎? 孫 當 子 立 居 衛 蒯 輒 故 聵 嫡 冉 衛 而 固 孫

怨。」出,曰:「夫子不爲也。」也。」曰:「怨乎?」曰:「求仁而得仁,又何人曰:「伯夷、叔齊何人也?」曰:「古之賢人

首陽山 伯夷、叔齊,孤竹君之二子。 國人立其中子。 而諫。武王滅 「父命也。」遂逃去。 命立叔齊。 遂 餓 父卒,叔齊遜伯 M 商,夷 死。 其後武 叔 怨,猶 齊 恥 齊 E 食周 亦不立而 一伐紂,夷齊 悔也。 夷。 其父將死,遺 栗, 伯 去 君子居 夷 逃之, 和馬 隱 于

之安。 尊,叔 不利便處,退一步便是,伯夷、叔齊得之矣。」上其逐 父子爲輕否?」曰:「以天下之公義裁之,則天倫重 父子繫於己而天倫繫於公,以二者權之,則 公, ●以二者權之,則父命爲尊而兄弟爲卑,在叔 不知有父命? 以只知有父命而不知有天倫? 斥衛 也,皆求所以合乎天理之正,而即乎人心 命輕,以人子之分言之,則又不可分輕重,但 則其不爲衛 是邦,不非其大夫,況其君乎? 君,而 齊以天倫 既而各得其 以 恐在 君可知矣。 夷齊爲問。 伯 爲 夷則 重。《文集》曰 (志焉,則視棄 其兄弟係於己而父命 蓋伯夷以父命爲 叔齊何以只知有天倫 夫子告之如此 一:「問:「伯夷 故子貢不 其 天倫爲 各認取 齊 猶 「則其 係於 一而父 自 重 國 敝 何 家 而 丽 晚反。食,音嗣。枕,去聲。樂,音洛

弟遜 爲賢,故知其不與輒 齊遜 國,此是則彼非 或 而 逃 諫 可知。〇程子曰:「伯夷、叔 伐 而 也。」胡氏曰:「程子兼諫伐 餓 終無 怨悔,夫子 以

其中矣。不義而富且貴,於我如浮雲。」飯,符 〇子 E : 「飯疏食飲水,曲肱 而枕之,樂亦 在

而言,所以驗其不悔之實。」

然天 是一 然。」又曰:「須知所樂者何事。」《語録》曰 能 子曰:「非樂 浮雲之無有,漠然無 録》曰:「聖人表裏精粗無不昭徹,其形骸雖是人,其 飯,食之也。 改其樂也。 團天理,如 理,雖處 何不快活。」其視不義之富貴, 疏 疏食,麤飯也。 木 不義之富貴,視之輕 食飲 極 而樂 水 所 也 動 一,雖疏。 亦 於其中也。 無 聖人之心, 不在焉。 食飲水,不 如浮雲 八實只 程 如 渾

蹤爾,

何怨之有?

輔氏曰:「必合乎天理之正

然

威

衛

輒之

據國

拒

父

圃

唯恐失之,其不

可

同

年

安,則外物之去來何與於我

豈

復

有所怨悔

哉

一上若

後可以得吾心之安,此即伯夷之所求所得

也。

理得

而

心

而

語

明

《語録》曰:「一箇是父子争國,一

箇是

兄

0 兄」,原誤作「凡」,今據四庫本改

四三九

無人不自得處,方庶幾其有以得之矣。」 味,須到萬理明徹 陋 不曾動。 雖 意全别。 中」與『不改其樂』誠有間 來,「在其中」,是從那頭說出來。」」〇陳氏曰: 邪?」曰: 「孔顏之樂亦不必分,「不改」,是從 問 ·疏食飲水,亦不能改聖人之樂,便見本然渾然之樂,元 .巷所改,語意輕重自不同矣。」○又曰:「若欲知樂之實 「程子之説 其添 比之顔子不改,繫之回也之下,是回 一「能」字而又繫之「疏食飲水」之下者,是 似 私欲淨盡後,胸中洒然無纖豪窒礙 無甚異 ,但程子於此却用「不改」字,主 於論顔子者、《集註 這頭説 》載之, 不爲節 「「樂在 斦 瓢 其 何 人

言嘗 字相似 記》作「假我 劉聘君見元城劉忠定公,名安世,大名人。 卒。 讀 加正作 蓋 他《論 而 誤 加、假聲相近 分也。 數年,若是我 假, 》,「加」作「假」,「五十」 而無 愚案:此章之言 Ŧi. 加 十字。 誤讀,卒與 於《易》則 蓋 是 彬 時 五 孔 彬 史 + 自 作

則 故可 《易》,故發此語。 不潛,當見而不見 退,當存而存,當亡而亡。 暑,此天道所不能已也 虚,長則 道言,則 道,朝氏曰:「進退存亡,以人事言。」○真氏曰:「以天 而六陽盡消。 消,自五月爲遇,一 中則凶。」〇又曰: 陽得中則吉,不中則凶。 陽爲善爲吉,陰爲惡爲凶。 也。」學《易》,則 曰: 『作《彖》、《象》、《文言》以爲《十翼》,不是方讀《易 曰:「問:「《集註》舉《史記》云「孔子年已及七十」,欲贊 子年已幾七十矣,五十字誤 「吉凶消長,以卦體言。」〇真氏曰: 陰消,至四月成六陽,爲乾,則六陰盡消, 以 盈,如日中 爲消息盈虚; 無 大 過。 消一長,天之道也。」進 當 少年不學《易》,到老方學《易 陰生而 「陽長則陰消,自 明乎吉凶消長之理,胡 則昃,月盈則 **《語** 飛而不飛,皆是過。」蓋聖 以人事言,則爲存亡進 人能 陰亦有吉有凶, 録 如此 獨言陽, ₩ E 陽消,至十 體此,則當 ,則人道 虧, 「以陰陽對而言之,則 所 則陽亦有吉 無 暑極則 謂 月成六陰 得而與天合矣。 月爲 疑 大 進 陰得中則吉,不 過 退存亡之 而 也 退。 寒, 復,一 進 如 陰長 有凶 當 當 寒 蓋 一人深 氏 爲 語 極 陽 潛 則 退 消 日 坤 録 陽 丽 而 則 則 生

易而學者,欲人知聖人雖老而猶欲卒學也。」 易學也。 道 可 「教人以不可不學者,欲人知聖人至老而猶學也。 欲假之以數年,則又見其不可以輕易而學耳。]○胡氏曰 又不可以不學《易》,故抑揚其辭 見易道之無 一者之間,則知《易》固不可不學,且以夫子之德與年,而 無窮,皆自然而然,非年高德邵,心與理叶 不學,而又不 不然者,必失之鑿。 窮, 可以易 而 言此 而人之處世,履于憂患之塗, 圃 以 ,以垂教如 學 教 也 人,使 0 此。 輔 ,默識神會,未 氏曰: 知 學者察乎 不 其 可 「易 不 以 尚

〇子所雅言、《詩》、《書》、 者 者 故 以 雅 殊,然皆切 政 미 可 '以理 事 可 U 常言之。 道 以 常也。 大節 以 道 政 情性 政事 謹節文, 謹 人所 文,在外 事 於 道 理 禮, 日用之實,故 執守而言, 執,守也。 輔氏曰:「《詩》所以吟咏情性,故誦之者 猶 猶 者。 以 治 述 謂 也。 謹節 也。 豪 政 事、 整有 《書》所以 禮所以著天理之節文,故執之 文,皆切 夫子常言之。」 節 非徒 ^ 所必計 執禮,皆雅言也 文雖在外 詩 以以 誦 紀 也。 載 説 於日 理 政 情性 而又有 面 情 禮 事 已 用之實 性 ,故誦之者 獨言 一, 也 ·, 廣狭 内 0 書 者。 執 輔 之

> 味。 始雖 氏 在默而 禮則全在人執守而 而遺事,言雖近而 不可得而 雅素之言,止 行之,然始亦 聖人教人,莫非日用常行之事。 E : 其於性與天道未數數 一假於誦讀,然終亦必須見於所行。 「《詩》、《書》須假 識之者,謂不言 聞者, 不 可 於 不 指則遠,務使學者力加 行之,故禮 講 要在 如 讀 丽 誦 此。 之也。」〇程 自得之也。」 讀, 然也,故學者有 默 然後 獨 而 若 言 每 識 性 能 即 執 之也。」輔氏 知其 與 也 謝 事以明 子 禮 天 踐 固 氏 日 所 義 履以 在於執守 道 不得 理,不 而 日 《詩 達 自 則 孔 聞 諸 得 泥 \Box 書 用。 有 此 其 理 m

因學《易》之語而類記之。」

)葉公問孔子於子路,子路不對。 抑亦 孔 也。 者 氏 葉公,楚葉 或 \Box 子 (有乖謬,故子路不答; 《以聖人之德,實有未易名言者與? ٠, 輔氏曰: 「此是兩說: 必 有 一楚 非 縣 君僭 # 所 一以葉公之智不足以知夫子,其 間 沈 稱王, 諸梁,字子 而 以夫子之德實有未易名言 間 縣尹僭稱公。」葉公不知 者,故子路 高 葉,舒涉 僭 不對。 稱 反 所 公 問 輔

忘憂,不知老之將至云爾。」子曰:「女奚不曰,其爲人也,發憤忘食,樂以子曰:「女奚不曰,其爲人也,發憤忘食,樂以

孳,然更無少息時,亦不計年數之短長,但 將去。」〇輔氏曰: 之將至而爲聖人之謙辭,若作終身説,則憤短樂長,不可 憂。 志不容少懈,直 并連下句 非謂終身只此一憤 何?」曰:「忘食忘憂,是逐事上説,一 之時,樂以忘憂,是後 同,而氣象亦自不相並,《集註 之不足,《文集》曰:「問:「發憤忘食,是始者着力去求 未得,則發憤 聖人未必有未得之事,且如此說,設有未得 以是二者俛焉 ,而亦不見聖人自貶之意矣。」○《語録》曰 至斃 加 「俛焉,謂 一樂也。 而 忘食; 來 後已,豈復計夫老之將至 有得而安之時,二者先 日有孳孳,而 刺着頭 逐事上説,故可遂言不知老 》意是二者齊着力到老,如 已得, 了做 憤一樂,循環代至 則 向 前 樂之 一息尚 不 去。 ,便發憤做 知 哉 逐 後 存,此 年 而 日孳 自 數 忘 聖

> 憂,是 其所以然,而詳玩其義理之實也。」 愈深愈長。 謙抑之辭也。 曰:「凡聖人之自言,非是嫌其不遜,慮其或過 凡夫子之自言類 是聖人之心純乎天理 故曰全體至極,兩者循環不已,所以不知老之將至。 憤與樂相反,如陰陽寒暑然。 不息也。 輔氏曰: 至 極,純亦不已之妙,有非聖 兩邊各盡 「全體至極,言始終無虧 此其所以爲妙,而非聖人不能及也。」○愚謂 故凡夫子之自言,類如此。 德盛仁熟,肆 其極,如寒到寒之極 如 别無他嗜好,故曰純 此 口而言,愈近愈下,而 ,學者宜 聖人發憤至忘食,樂至忘 也。 處 純亦不已,言至誠 人不能 而學 致 暑 思 到 亦不已。 者所當深思 暑之極 焉。 · 加 及 固 其 爲是 輔氏 意 蓋 處 此 味

○子曰:「我非生而知之者,好古敏以求之者

故謂之生知也。」敏,速也,謂汲汲 粹,故能全得 丽 生而知之者,氣質清明,義理昭著,不待學 知 也。 輔氏 天地 日 五 行之理 聖人稟得天地 自然昭 著 五 也。 不待 行之氣清 學而 尹氏 明 知 純

言其好學之篤耳。

然深味之,則見其全體

猶如此,況學者乎?

息間斷

則

便成自棄也。」但

自

也 義 驗其實也。」〇又曰:「好古敏求,非生知者不能。 之義理耳、若夫禮樂名物、古今事變、亦必待學而 以 學。」〇輔氏曰:「孔子以生知之聖,每云好學者,諸 這道理不是只就一件事上 實也。」《語録》日 名物,古今事變,亦必 勉人也,蓋 日 理,則自然敏於學,以驗其實也。 爲勉人之辭,故尹氏辨之,以爲生而 好古敏求者,事實也。理與事一貫,知與行相資。」 「孔子以生知之聖,每云好學者,非 生 而 :「聖人雖是生知,然也 可 知 連 者義 會見得便了,學時要 待學 理 故生而知之者,義理 加 爾, 可知者,自 後 事事 若夫 有 以 - 理會過 1然昭 既 後 無 驗 禮 家多 所不 知 有 其 樂 惟 以 著 其

語

神。

〇子不語怪,力,亂,神。

自 也 治 窮理之至,有未易明者,故亦不 所不語。鬼神,造化之迹,雖非不正,然非 怪異、勇力、悖亂之事,非理之正,固 然不 也。 輔氏曰: 三者皆非正理,而聖人之心廣大光明,隱惡揚善, 語 及此。 怪 至於 一異,非 鬼神 常也。 ,雖非不正,然乃造化之迹,二 勇力,非 :德也。 輕 以 悖 語 聖人 亂 , 非 人

> 其感 德 鬼神矣。」〇謝氏 氣之良能 而 ,故亦不輕 不 其 語力,語 理 以語 幽 深,非 曰:「聖人語常而 人。 治 格 然能 ௱ 物 知 不 知 至 所以 語 者 而 亂, 爲 驟以 人,則 語 不 語 語 人而 之, 知 怪 所 則 以 反 不 語 爲 滋

從之,其不善者而改之。」 〇子曰:「三人行,必有我師焉。 擇其善者而

〇子曰:「天生德於予,桓魋其如予何?」魋 我師 則善惡皆我之師,進善其有 師,不善者這裏便恐懼脩省,恐落在裏面去,是皆 物,凡有感乎前者,無非足以發吾義 惡,則我從其善而 三人同行,其一我也。彼二人者,一善 尹 氏 也。 日 《語 「見賢 録 **∀** 思齊,見不 「人若以自脩爲心,則 改其 惡焉,是二人者 第乎 理之正。 賢 ? 而 内 善 舉天下 自 丽 者 固 也。 皆 可

桓魋,宋司馬向魋也。出於桓公,故又稱徙雷反。

『馬向魋也。出於桓公,故又

是之 則 事勢不可害己,還以理度其不能害邪?」曰:「若以勢論 矣,豈其不自知哉!」〇《語録》曰:「天生德於聖人,桓魋 天害己。 如何害得! 桓 天之生我而使之氣質清明,義理昭著 《害聖人甚易,唯聖人自知其理,有終不能害者。』 氏。 德, 魋欲 則 或問:「孔子何以知天之生德於己?」曰 故知其不能違天害己也。」○問:「聖人見其 桓 害孔子,孔子言天既 魋其 奈我 《何? ,則是天生德於 言 必 賦 不 我 能 以 違 如 我

爾。 深易遠 子曰:「二三子以我爲隱 諸 之以高深。 程 也 測,言遠則恐人求之於遠 有隱,輔氏曰: 子曰: 吾無 ,故夫子以 弟 也。」而 子以夫子之道高深不可幾及,故 行而 「聖人之道猶天然,門弟 高 不 不與二三子者,是丘 「程子以夫子之道爲高遠,而《集 則 此言 知聖人作、止、語、 見 其 曉 不可企及,言深則 一而不切於人倫日用之實,故 之。 與, 乎? 猶 吾無 也。 默 子 示 見 其 無 親 也 不 隱 非 註 疑 炙 可 》易 而 教 其 平 以 窺

冀及之,然後知其高且遠也。 使誠以

爲不

易得陵躐而進。

懈怠而止者,固無可望矣,

陵躐而進者

之道 自然體 可及, 下者多失之不及,易得懈 則懈怠之意乘之,而趨向之心息矣。 耳。」〇又曰: 但聖人由之,則從容 謂道,亦非 彌高,窮之益遠,既以爲不可及,故疑其 親炙而冀及之、盡其力竭其才以求焉、然後有知夫仰之 聖,我自我,道自道,判然不相連。」〇又曰: 物自爾生耳,固非勉力用意者之可到也。」○又曰:「聖人 可及言之乎?」曰: 進 者勉思企及, 之教,常俯 如天之不可 人之才品不同 也。」輔氏曰: 固 如天矣,然自 用 則 虚 趨 及,而 源,顯微無間,如天之不言 無冥 「使學者求之而 圃 向之心不幾於怠乎? 固 而才氣高邁者 就之如 其 漠之謂,不過 「聖人之道如天然者,止以其高遠 自有高下,然以爲學論之,則資質 「非但以其高遠也,蓋言其至誠無息 教 而中, 不知學者而觀之,則 人,則 怠而 無適 此 力盡 止 每 非 每 不然, 人倫日 才氣高邁者多失之過 一才竭, 俯 亦不 獨使資 而 故聖人之道,雖曰 丽 就之。」〇 有隱也。 用 自 真 所 天自天, ·敢躐 以 「惟夫二三子 時 有如天之實 當 爲 自 質 故 不可 行 爾行,百 然其所 又 聖人 庸 者耳 易 而 而 下 自

思企及之志, 才高氣邁者, 不敢忽其易, 而必有以致其謹 與二三子,則資質庸下者,不至病其難,而必有以 者,病在忽其易。 亦惡保其能終乎? 今夫子自以爲無隱,且曰 懈怠而止者,病在苦其難, 吾 無 陵 一發其 行 躐 而 而 勉 不 進

非 理之一,所以夫子無行而不與二三子,作、止、語、默,無 原於深隱高遠之處。 遠之理,實流行乎淺近卑顯之中, 有益焉,此又聖道如天之一證也。」○陳氏曰:「如性與天 道,是深隱高遠處; 重密察之功。 也, 由其分之殊,故學者當循序而漸進,不可躐等 在我者一施之,在彼者各以其資質高下而 日用人事,是淺近卑顯處。 其分不同,而其 而淺近卑顯之事,實根 八理則 一而已。 然深隱 由其 而 高

氏曰:「天有四時,春秋冬夏、風雨霜露,無非教也, 地載然,莫非至教。常以示人,而人自不察。」輔頓造也。」吕氏曰:「聖人體道無隱,與天象昭

體道無隱,作、止、語、默,亦無非教也,但人自不察耳。」神氣,神氣風霆,風霆流形,庶物露生,無非教也。聖人

忠信,本也。」《語録》曰:「文便是窮理,豈可不見於程子曰:「教人以學文脩行而存忠信也。

子以

四教:文、行、忠、信。行、去聲

存忠信又所以萃是理於心者也。」
陳氏曰:「須知學文所以窮理,脩行所以體是理於身,而所以程子言以忠信爲本,蓋非忠信,則所行不成耳。」〇

者,斯可矣。」
○子曰:「聖人,吾不得而見之矣,得見君子

聖人,神明不測之號。陳氏曰:「聖與神無甚分別,合而言之,只一套事,分而言之,神只是聖之不可知, 非於聖人之上又別有一等神人也。所謂神明不測者,自 其底藴言之,則淵而不可測,自其施爲言之,則妙而不可 其底藴言之,則淵而不可測,自其施爲言之,則妙而不可 以,不可以偏看也。」君子,才德出衆之名。《語 以,不可以偏看也。」君子,才德出衆之名。《語 以,不可以偏看也。」君子,才德出衆之名。《語 以,不可以偏看也。」君子,才德出衆之名。《語 以,不可以偏看也。」君子,才德出衆之名。《語 以,不可以偏看也。」君子,才德出衆之名。《語 以,不可以偏看也。」君子,才德出衆之名。《語 以,不可以偏看也。」君子,

者,斯可矣。恒,胡登反。子曰:「善人,吾不得而見之矣,得見有恒

氏曰:「訓恒爲常爲久,皆未盡,蓋兼有常久之意也。」張出「子曰」字,故疑其爲衍文也。」恒,常久之名。輔「子曰」字疑衍文。輔氏曰:「此只是一章,不應重

了多百,是了多点,可可多是,是这百里的人,只要做好事而自然無惡者也。」 善人者,志於仁而無惡。」《語録》曰:「善人是資善人者,志於仁而無惡。」《語録》曰:「善人是資善人者,不武其心。輔氏曰:「人之所子曰:「有常者,不武其心。輔氏曰:「人之所

矣。」亡,讀爲無。 亡而爲有,虚而爲盈,約而爲泰,難乎有恒

○子釣而不綱,弋不射宿。射,食亦反

但 志於善而不志於惡。 爲學亦已成矣。 復加矣。 者以質言。 張敬夫曰:「聖人、君子以學言,善人、有恒 故能有常。今其人不實如此,又豈敢望其有常哉?」〇 者夸大欺妄之意,不實之謂也。 於無常之前。」〇黄氏曰:「亡爲有,虚爲實,約爲泰,三 以不能常 常也。《語録》曰:「正 三者皆虚夸之事,凡若此者,必不能守其 亦 純固 君子雖未及乎聖人,然其才德超 而 非謂 不 務處夸,守其一端則終身不易者也。」思 |輔氏曰: 此便是無常也。」〇又曰:「此三病 善 人雖 至於有恒 未必知學,然其資質之美 謂此皆虚夸之事,不可以久,是 「學至於聖人,則造乎極 者,則資質又不及善人, 人惟實也,則始終如 出於衆, 而 ,皆受 自然 則其 無以

> 言有恒之義,輔氏日 其示人人德之門,可謂深切 故夫子於章末申言無恒者之虚夸,以見 聖人等級高下爲懸絕,然未有不自有恒而 有不自有恒 謂有恒者之與聖人,高下固 而 能至於聖者也。 「有恒者無二心,有特操 而著明矣。 懸絶矣, 有恒者之篤 故章 能至於聖者 末 然未 申

仁人之本心者,據此 爲也 人,亦不能加豪末於此矣。」 此,則可見其從心不踰矩之一端矣。 必有求多之意,弋者必有幸中之心,然聖人之事 綱,以大繩 待人可知; 獵較是也。然盡物取之,出其不意,亦不 子少貧賤,爲養與祭,或不得已而釣弋,如 絲繫矢而射也。 洪氏之説於事實義理備盡無餘矣。 此可 屬 '見仁人之本心矣。 小者如 網,絶 事只 宿,宿鳥。 可 流 此,大者可 謂 而 之仁,然日 漁 者也。 弋,以 〇洪氏曰:「孔 不曰聖人之心 但 常人之情,漁者 知。」輔 待物 本 心 如此, 則 止 氏 雖 而 日 聖 曰 如

也 聞 一。」識,音志 子曰:「 擇 其 善者 蓋 有不知而作之者,我 而 從之,多 見而 識 之, 無是也。 知之次 多

知之者 考。 從不 爲也。 然於無所 見其無 也。」孔子自言未嘗妄作、蓋 不 知 可不 如 而 作,不 巾 此 所 事 不通之聖,自有不可掩者。」識,記 者 必 擇,記則善惡 不 有 雖 知 知 未 也。 理,爲 其 能實知其理,亦可以次於 理 輔 其 而 氏曰:「夫子言此 事 妄作 皆當存之,以備 而 不循 亦 也 謙 其 辭, 理,則 輔 氏曰: 雖 也。 然 是 是 亦 謙 妄作 作, 解 參 所 可

互 惑者,疑夫子不當見之也 互. 鄉 鄉 難與言,童子見,門人惑。 鄉名。其人習於不善,難 見,賢遍反。 與言善。

曰

潔 子曰:「與其進也,不與其退也,唯 己 疑 以 此章有錯簡。「人潔」至「往也」十四字, 進,與 (其潔 也,不保其往 也 何 甚 人

> 往,又逆其 未可知,今日向善後日又爲不善,亦未可 又疑上下必有闕文。」○愚謂: 也; 其能 許也 當在 末乃以「不爲已甚」結之。 往前之事,然後見聖 文,大抵亦不爲已甚之意。 不 是心至,斯受之耳。 :「聖人待物之洪 善 但 也 自潔耳,固 與其進也」之前。 往,前 許 方來, 其 蓋 進 不 則已 日也。言 . 追 而 人不追 不能保其前日 來 甚 其 矣,故夫子云然。 見耳,非 然「唯何甚」一 如此。」 既 唯字上下,疑 其既 往,不 人前 [人潔 潔,修 往,不 日 輔氏曰:「以往、爲 許 不善 逆 己 · 逆 句 其 所 其 而 知。 治 其 加 亦 爲之善惡 既 來, 將 將 也。 今 不 又有 若 退 明 來 日 來, 追 但 之意 白,故 ൬ 向 其 與, 闕 以 爲 許 旣

子曰:「仁遠乎哉? 遠哉? 輔氏曰:「仁者,心之德,我固有之,非在外也 以爲遠者,反 仁者,心之德,非 而求之,則即 在 外 我欲仁,斯 也。 放 此 加 而 不求 在 至 矣,夫豈 ,故有

之有?」輔氏曰: 在。二〇程子曰: 此論也。J〇蔡氏曰: 至,何遠之有? 如手之執,足之履, IIII 人不知反求而病其遠 目之視,耳之聽,不假外求, 「爲仁由己,欲之則至, 「程子最得其文意之曲折,讀之者自 「仁者,心之德,纔一收斂,則此 ,此夫子所以 欲之則 何 心便 遠 發

「知禮。」 ○陳司敗問:「昭公知禮乎?」孔子曰:

當有所發。」

知之。」

稠。 陳, 敗以爲問 《左氏傳》註: 國名。 習於威儀之節,當時 ,而孔子答之如此 陳 司 敗,官名, 、楚名司寇爲司敗。」昭公,魯君,名 即 以 司 爲 寇 知 也。 禮。 胡氏 故 日 司

孟子。 黨,君子亦黨乎? 孔子退,揖 君而知禮 巫 馬 期 ,孰不知禮?」取,七柱反 而進之,曰: 君取 於吳爲同 吾 姓,謂之吴 聞 君 子不

揖而進之也。相助匿非曰黨。禮不娶同巫馬姓,期字,孔子弟子,名施。魯人。司敗

而不受。

惟聖人之盛德,無所不可,故受以爲

過

而

不

解

巫馬期以告。子曰:「丘也幸,苟有過,人必女日姬,宋女日子,齊女日姜,楚女日芈是也。」之使若宋女子姓者然。輔氏曰:「婦人稱姓,周姓,而魯與吴皆姬姓。謂之吴孟子者,諱姓,而魯與吴皆姬姓。謂之吴孟子者,諱

事,而 爲知禮,故受以 孔子不可自謂諱 狹量者雖 子之盛德,無所不可 及司敗以爲有黨,而夫子受以爲過,蓋 昭公,魯之先 於義理也。]〇吴氏曰:「魯蓋夫子父母之國 君之惡,又不可以娶同姓爲知禮,則 事者,可 也,亦不正言 遽 以爲 以 身無非過惡,然人一以過歸之, 知 萬世之法矣。」輔氏曰: 其所 君 禮 爲過 也。 爲問,其對之宜 君之惡,又不可 以過, 而 也。 司 不 敗 初若 解。 然其受以 又顛倒是非, 又未嘗 輔氏曰: 示 · 知孟 以 則 如 「世之編心 顯言其 娶 拂 此 「自言諱 然 而 子之 爲 同 固 也。 有 過 夫 姓 害 拒

道 法矣。」 應,自然從容中節而 過而人知爲幸,又以垂教以警夫護疾 若正言之,則卒成彰君之惡矣,故只曰「丘也幸,苟 人必知之」,初若不知孟子之事者。 也。」〇又曰:「聖人本無過 ,盡己而不責人之心,真可以爲萬世之法矣。 「吴氏之説甚精甚密,最發得聖人盛德之言,隨 不失乎人情事理之宜,真可 也,而其 所以過者 其誠意懇惻,從 而忌醫者。」〇 ,爲君 且 爲 有過, 諱 容中 陳氏 以 觸 萬 也。 有 世 丽

〇子與人歌而善,必使反之,而後和之。和,

然若不俟其 於人而後足,而 審密,不掩人善。」曰: 其 時之意。」 之善也。 也。 善 反,復也。 謙 也。 輔氏曰: 遜審 與其善者,與人爲善也。 此 偂 八曲終 密,不掩 見 後 必使復歌者,欲得 「詳,謂首尾節奏之備也。 必 聖人氣 而 和之者,喜 欲 遽和之,則亦幾於伐己之能,以 得其詳如此,其謙遜 「聖人天縱多能,其於小藝,不待取 人善又如 象從 得 容 此 其 此。 兩句已説 誠 詳 其 取其善者,取人 意 或問: 審密可知 詳 而 懇 丽 盡孔 與 至 取其 其 掩彼 子當 謙 也。 善 而 遜

> 實 掩其 不輕聽易悦也。不掩人善者,不矜己而忽人也。」蓋 取之不厭也。 曰: 誠意懇至,則臨事審密而 外之意也。 掩善。」〇輔氏曰: 今人見人説得一話好,未待人了,便將話 録》曰:「他歌既善,使他復歌,聖人未遽和以攙雜之,如 之也,抑又見其從容不迫,不輕信 使人復歌 之善矣。 「氣象從容、誠意懇至者,歌 審密者,知之用; 〈善也。 故必俟其曲 而始和之,則既不失其 然此 氣象從容,則在我謙遜而無攙言勦人之事, 謙遜者,一藝之長領會不 亦聖人動容周旋自 「自「氣象從容」以下,乃《集註 不掩人善,又仁者之心也。」〇胡氏 終 以以 無苟簡率略之爲;謙遜者,禮之 盡見 而反、反而 與 其 而 人爲 首尾 然中禮,非 易悦之意。」〇《語 暇 善之意 節奏之善,然後 來 也。 八攙他 和,好善 有意於爲 審密 底,則是 》推 丽 又不 言事 篤 者 rfri

之情。 只一歌詩耳,而意思綢繆容與若此 讀者宜詳味之。 嘉陳氏曰: 事之微,而 IIII 後和之者,示我樂善之無倦。 「必使復歌者,既欲彰其善之實,又欲暢其歌 衆善之集,有 不 , 豈非衆善之集乎! 可 詠 勝 | 数而 既 淫泆之也 者焉,永

〇子曰:「文,莫吾猶人也。躬行君子,則吾

未之有得。」

莫,疑辭。《語録》曰: 得,則全未 行 其 實 實,當勉而求之,不可有半塗而廢之失。 工之意。 能過人,而尚可及人,則見文之在人不難爲,而不必 之謙下,而教亦自行於中,此所以爲不可及也。 人,言不能 出 日 4 雖不遜其 行之難 而 君子,斯 「教人者務盡其辭,多不謙下,惟聖人則不然,雖 見, :亦不廢其文,但有先後緩急之序。 文雖 曲 躬行君子全未有得,則見行之在人有難爲之 能,而 折 易緩 聖人 淵 過人, 미 有得,皆自謙之 永, 以 亦不失其謙,一言之中,指意反覆 急、欲 無不與人同,故 非 入聖,故不居。 而 聖 「猶今人云「莫是如此否」。」猶 人而 尚 人之勉 口 能 以 若是哉! 及人。 詞。 其 合而觀之,又見 不遜; 且勉人以 猶言 實 而 也 未之有 足 文雖不 謝 以 君子 能 輔 爲其 於求 其言 見 躬 氏 更 氏

厭

誨

人不倦,則可謂

云爾已矣。」公西華曰:

〇子曰:

一若

聖

與

則吾

豊

敢?

抑

爲

之不

道

者三,我

無

能

馬

0

「正唯弟子不能學也。」

對聖而 之道。 此 備。」○胡氏曰:「心德,内也, 之一字,偏言之則一事,專言之則包義禮智 極其大而滓查渾化,泯然無復可見之迹,斯 仁,則心德之全而 有之則不能,輔氏曰: 道,「誨人」是以仁聖之道 竟是以甚麽物事誨人? 至之謂也,兼内外限量而極言之。」爲之,謂爲 將使聖與仁爲虛器,而人終莫能至矣。故 而 稱夫子聖且仁者,以 所以弟子不能學也。 人不倦者,仁聖之施。 他也不曾説是仁聖,但爲之,畢竟是箇甚麼? 已焉 亦 夫子之謙 言,則是專言之也。 誨人,亦謂以此教人也。 則無 以進天下之材,率天下之善, 辭 非在己有仁聖之德,豈能 人道之備 也。 這便知得是「爲之」是爲仁聖之 酶人。」然不厭不倦,非 「爲之不厭 故夫子辭之。 故以爲心德之全,人道 人道 聖者, 晁 外也。 氏 也 者,仁聖之實。 曰 : 大 全與備 輔 《 語 信 Mi 謂之聖。 「當 氏 荷辭 四 化 誨 録》日 如是?」 日 [者。 時 人, 畢 ,皆極 之。 一德 聖 有 之 仁. 此 誨

仰而嘆曰「正唯弟子不能學也」,蓋即其「爲之不厭 孔子 然則華之學識,蓋亦亞於子夏矣。」 不倦」二事而見夫子實全仁聖之德 者,極言其 之不厭, 誨人不倦」之説繼其後哉? 慮其所終而 爲 辭意尤更 之辭也。公西華仰而嘆之,其亦深知夫子 之意矣。」晁氏,名説之,清豐人。○輔氏曰:「晁氏於 不倦」自 而自爲 雖不 謙 (明備,若非當時有稱夫子聖且仁者,則夫子何 無復他説 處也。 爲 辭 居仁 勉 如此哉? 進後 聖,而必以「爲之不厭 可可 前 世學者之計 使學者致其思也。 既爲謙辭 謂 云爾已矣』者, ,非學者所能企及也。 則 而 「則可謂云爾已矣 又何爲而復以「爲 不居仁聖矣,若非 公西華 無 誨 ,誨人 中便能 他 人

祇 對 〇子疾病,子路請 :'。」」子曰:「丘之禱久矣。」誄,力軌反 日 禱,謂 死者,憂其或不可 誄》者,哀死 「有之。 禱於鬼 救 而述其行之詞 神。 誄》 也。 禱。 述其行者,恐其行有未至也。」 日 子曰:「有諸?」子 有諸,問 『禱 也 爾 有 于 胡氏 此 上 理 日 下 否。 「哀 神 路

遷。 子豈爲是哉!!」曰:「然則聖人直 聞乎禱,則是不安其死,而諂於鬼神,以苟須臾之生,君 問:「行禱五祀、著於《禮經》、今子路請之、而夫子不從 也?」日 禱者臣子至情迫切之所爲,非病者之所與聞 何也?」曰:「以理言之,則聖人之言盡矣,以事言之,則 路,不直拒之,而但告以無所事禱之意。或 直截擔當無所推遜時節。」又《士喪禮》,疾病行禱 禱久矣。」《文集》曰: 遷善之詞,以解謝鬼神之譴怒也。」無其 初不請於病者而 五祀,蓋臣子迫切之至情,有不能自已者 禱,既曰 也。」禱者,悔 上下,謂天地。 「只是引此 節。 其素行固 曰:「禱雖臣子之禮,而其 「是蓋有難言者,然以 古語 有之,則 過遷善,以祈神之佑 以 明有禱 已合於神 天 後禱也。 聖人未 「聖人固有不居其聖時節,又有 日 之理,非 神, 地 明,故 理 嘗 河則固 故孔子之於子 曰 謂 言 以 有 欲禱 祇。 爲 則 過 [述其 日 無事於禱,何 既 理 也 于皇天后 也。 《文集》曰 兼 君 無 則 「丘之 舉之矣。 病而 父悔 或問 不 可 必 與 過 此

天地鬼神之心也。」 子則不可。領子路之至情. 公猶爲之然。於周公則可,武王則不可。 意。」〇輔氏曰:「疾病而行禱,乃臣子迫切之至情, 淫祀,但不當請耳,故孔子不以爲 父各禱於其所當祭,士則五祀是也。子路所欲禱,必 功,於是爲備。」〇《文集》曰: 決諸理,而不屑於冥漠不可知之間,其所以建立人極之 蓋祈禱卜筮之屬,皆聖人之所作,至於夫子 ,明在己之正理,夫子之心,即 「疾病行禱者,臣子之於 非, 而但言不必 子路則可, ,而後教 ,在周 禱之 人 夫 非 君

寧固。」孫,去聲。 〇子曰:「奢則不孫,儉則固。與其不孫也,

理之中。 已 害,其流無窮, 孫,順也。 固,陋也。 奢儉俱失中,而奢之害 一而救 輔氏曰:「奢則不孫以犯上, 夫子此言出於不得已,以救時奢靡之失耳。」 時之敝也。」輔氏曰:「道以中爲至,奢儉皆 固之害,止此而已。○晁氏曰: 儉則固 陋 而已。 示不 不孫之 得 非

坦,平也。蕩蕩,寬廣貌。程子曰:「君子○子曰:「君子坦蕩蕩,小人長戚戚。」

日: 「 也、。 體胖,所以指言坦蕩蕩之氣象。」 名,求利者役於利,凡意之所發不與理合者,皆役於物 此所以舒泰也。 上下四旁不相侵越,故坦然而平。 之所由生也。 險。」〇胡氏曰:「程子以循理、役於物分言,乃蕩蕩、戚 輔氏曰:「惟平故寬廣,惟險故多憂。 循理,故常舒泰; 行險僥倖, 君子坦蕩蕩,心廣 理者本乎自然,人能循其自然而行之,則 患得患失,此所以 役於物者,爲物 小人役於物,故 體胖。」輔氏曰: 所役也。 平則仰不愧, 憂 天理常平,人欲常 戚 也。 多憂 求名者役於 俯不作 「心廣 程 戚 戚

〇子温而厲,威而不猛,恭而安。

所賦 氣而言。 見於容貌之間者如 聖人全體渾然,陰陽合德,故其 言也,氣之在人,則有厚薄昬明之異,故鮮 也,理之在人,固無所不備矣。 厲、嚴肅 鮮 中者、性也。 有 也 不 偏,輔氏曰: 人之德性本 和者,氣 此。 也。 氣質,指陰陽五 「德性 輔氏 無 而曰 曰:「陰陽合德,指 指無 不 中 備, 有不偏者。」 和之氣者,併 中和之氣 極 之真 行之氣 而 氣 而 惟 質 而

下讓,民無得而稱焉。」

性與氣而言之。」○陳氏曰:「自陽根陰而言,則濕者陽之

,厲者陰之嚴,威者陽之震,不猛者陰之順,恭者陽之

之健。

蓋渾然無適

|而非中和之極,不可得而偏指也。| 〇

之剛,威者陰之慘,不猛者陽之舒,恭者陰之肅,安者陽

主,安者陰之定。

自陰根陽而言,則温者陰之柔,厲者陽

和

稱,其 大。 焉,則其遜也,非有爲名之累矣,此其德所以爲至極而 不反而已,不知其遜者,見其遜國而已,而不知所以 中也?」曰:「泰伯之遜 其事以實之,則亦無所據矣。」曰: 辭,三辭爲終辭。古註但言三遜,而不解其目也,今必 無以復加者也。 商之志,而 次季歷。 可以有加也。」蓋大王三子:長泰伯,次仲雍 天下遜,則其所遜大矣; 德何也?」曰:「遜之爲德既美,至於三,則其遜誠矣", 武有天下者,實由於此,則是以 固遜。」曰:「古人辭遜,以三爲節,一辭爲禮 泰伯,周大王之長子。 季歷 逐隱微,無迹可見也。 又生子昌,有聖德。 大王之時,商道寖 泰伯不從、語録 三讓,謂 ,無揖遜授受之跡,人但見其 而又隱晦其 至 天下遜也。」曰 固 德 「何以言其遜於隱微之 **8** E 謂 遜 及衰,而 或問: 迹,使民 大王 「問:「大王有翦 也。 德之至極 解,再 「三讓之爲 周 因 無 無 「其爲 解爲 得 有 日 得 (使文 逃 而 翦 彊 偂 求 不 以 至 去 固 稱

泰伯第八

以

其厲,見其威而不見其不猛,見其恭而不見其安。」抑非

知足以知聖人而善言德行不能記,故程

子

爲曾子之言,學者所宜反復而玩味也。

陽合德之上。

門人熟察而詳記之,亦可

'見其

用

心之密矣。

輔氏曰:「用心不密,則見其温

而

不見

言。

陰陽合德,應上文氣質而言。

乎二氣,乃得中也。」○愚謂:

全體渾然,應上文德性

而

陰陽合德者,兼

所以言全體渾然於陰

胡氏曰:「全體渾然者,非一氣之偏也。

凡二十一章。

子曰:「泰伯,其可謂至德也已矣! 三以天

四五三

商之志,果如此否?」曰:「《詩》裏分明説「實始翦商」。」

性 五 王 問: 何 乃 也。 蠻。 德,當商周之際,固足以朝諸侯有天下矣 遂克商而有天下,是爲武王。 夫以泰伯之 天下有其二,是爲文王。 矣。」於是大王乃 二者各行其心之所安,聖人未嘗説一邊不是,亦可 子之情何?」曰: 他意,便掉了去。」〇問:「泰伯固足以 歷 不從,不知不從是不從甚麽事。」大王 不應下「實始翦商」。」」〇又曰: 王見商政日衰,知其不久,是以有翦商之意,亦至公之心 恁麽說,若無此事,他豈肯自誣其祖? 棄 如 以 忍 至於泰伯,則惟君臣之義截然不可犯,是以不從。 《語録》曰 不取 哉 及昌。 暫師而言; 一 《詩》是推本得天下之由如此。」曰: 而又泯其 《文集》曰: "「泰伯只見大王有翦商之志,自是不合 泰伯 「到此却顧卹不得。 爲泰伯 立 知之, 季 「至德有兩處: 迹焉,則其 歷,傳國 而發,對大王翦商而言。 即與 「大王翦商,自 文王崩,子發立 父子、君臣一也,大 遂其所志,其如父 至昌,而三分 仲 一遂欲 左氏分明説泰 德之至極 爲文王 雍 「若推 逃 是他 傳 之 位 一而發 本説, 周 爲 荆 若 見 季 伯 人

> 泰伯不從,事見《春秋 返,疑此時去也。」宜夫子之歎 迹,只得不分不明且去。 齊處君臣間,道不合則去,泰伯處父子之際,又不可 若論其事,則泰伯、王季、文王 論其 馬之心,而事之難處 而泰伯爲獨全其心,表裏無憾也。」蓋其心即夷 志 ,則文王固高於武王, 某書謂大王有疾,泰伯採藥不 有甚焉者、語録 傳 而泰伯 、武王皆處聖人之不得已 息 所處,又高 而 贊美之也。 ĕ ⊟ 於文王。 露 「夷 扣 形

面 〇子曰: 無 、禮則 「恭而 亂, 直 無禮 丽 無禮則絞。 則 勞,慎 而 恵,絲 無 禮 里 則 反。 葸 絞,古 勇

卯反。

過而 故勞而不安, 勇、直,剛德也。 理之節文,所以 則 兩頭絞得緊,都不寬舒。 恵,畏懼貌。 無節文,故 爲 四者之弊。 謹而無禮以節文之,則臨事懾怯,故葸而多 四 防 有 絞,急切也。 故 者 其 四 恭 雖 過 而 皆美德,然無禮 者之弊。 則有證父攘羊之事矣。」 而 無 使之中 禮 以節 《語録》曰 也。 文之, 輔氏 恭、 以爲之節 日 則 慎, 巽 柔 禮 絞,如 在 文,則 無 牀 者,天 德 下 也 禮 繙

而下文五章,亦皆曾子事,或者以 類相從也。」

懼; 而 無禮以 勇 而無禮以節文之,則尚氣任力,而必至於作亂", 節 文之,則率情 徑行,而 必至於 一級許。 惟有 禮 直

君子篤於親 則民 興於仁; 故舊不遺, 則民

不偷

以

爲之節文,則中焉止矣,寧有弊哉?」

手

氏疑 然析 字,其效也。 絞 興 上 者 意相類 下,當自爲一章,乃曾子之言也。」愚案: 所先後, 君子,謂 而 四 ,以六句皆以「則」爲轉語。 於民化 已,後一節 一起 章與上文不相蒙,而與首篇謹 爲兩章,又疑爲曾子之言者,固與謹終追遠之意同 而觀 句以有禮爲先也; 也 之,前 ,吴説近 而 在上之人也。 則 弊亦效之不善者 則其效下及於民,故知君子在上之人也。 德厚矣。]〇吴氏 偷 恭 四 句反説 不 薄 是。 勞、謹不葸、 也。 下二句以篤親不遺故舊爲先也 ,後二句 胡氏曰: C 愚謂: 上四則字,其弊也,下二則 也。 張子 Œ 謂 説 「張子通解 前 人道 勇不 ,各爲 曰:「君子 Ē 一節言在己之德 知 終追遠 「人道 亂、 所 類。 先後 爲一 直 故吴 者 此 之 以 不 知 章

冰。」而今而後,吾知免夫! ○曾子有疾,召門弟子曰:「啓予足! 謹。 《詩 1 爲 恐。」小子,門人也。 語畢 其所保之全示門人,而言其 復丁寧之意,其警之也深矣。〇程子曰 足之時,方得自免。」〇又曰:「君子未死之前,此 如此,至於將死,而 啓,開也。 語 不敢毁傷,故於此使弟子開 君子曰終,小人曰死。 終其 録 《詩》云: 小旻》之篇。 » ⊟ 臨淵、恐隊。 事 「曾子奉持遺 也,故曾子以 曾子平日以爲 「戦戦兢兢, 體,無時不戒謹恐懼,直至啓手 履 後知其得免於毀傷也 戰 冰 戦, 全歸 君子保其身以 而又呼之,以致反 如臨深淵 恐 小子!」夫,音扶 身體受於父母, 恐 陷 所以保之之難 其 爲 懼 也 衾 免矣。」輔氏 兢 加 如如 曾子 視之。 兢 啓予 履 心 薄 以 戒 常

. 日

「君子曰終,小人曰死,此《檀弓》所載子張將死之言

也。 故能始終不息如此,非謂一旦有得於道,便能超脱生死 可謂非苟知之,亦允蹈之矣。 全而歸之、此《祭義》所載曾子述孔子之言也。 者是也。」尹氏曰:「父母全而生之,子全而 平日以保身爲事,故於將殁而以爲終也,如曾子所謂 免之意,故又特以不虧其行申言之,所以厲中人也。 可 而不怛不怖,如釋氏之說也。」范氏曰:「身體猶不 得於道,能如是乎?」輔氏曰:「父母全而生之,子 范氏警切學者於德性上做工夫,尤爲切至。」〇胡氏曰: 范氏正恐學者但以曾子不虧其身而已,則 終者所以成其始之辭,而死則澌盡無餘之義。 曾子臨終而啓手足,爲是故也。 也,況 虧 其 行 以 辱 曾子平日見道明,信道 其親 乎?」輔 將有 今若此 非有 僥 氏曰: 君子 倖 篤 歸 荷 免

)曾子有疾,孟敬子問之。 孟敬子,魯大夫仲孫氏,名捷。 問之者, 問

死,其言也善 曾子言曰:「鳥 之將死,其鳴也哀,人之將

考之,可見非謂正顏色即是近信也,若非持養有素,則

Œ

其

〈疾也。

言,自言也。 言之善而識之也 善,乃理之宜。」此曾子之謙辭,欲敬子知其所 非其本性然也。至於將死,氣消矣,欲息矣,則 曰:「人性本善,凡爲惡者,役於氣,動於欲,而陷溺 鳥畏死,故鳴哀。人窮反本,故言善。 胡氏曰:「禮: 自言曰言,答述曰 反本而言

焉耳

輔氏

語。

正 君子所貴乎道者三: 豆之事,則有司存。」遠、近,並去聲。 顔色,斯近信矣; 出辭 動容貌,斯 氣 斯遠 鄙 遠 倍矣。 暴 慢 籩

貴,猶 非色莊· 暴。 色,即 「粗,不精細也。」信,實 也。 容貌,舉一身而言。 如人倨肆,固 《語録》曰: 近於信,蓋表裏如 重 也。 也。 《文集》曰 如如 陳氏曰: 是慢; 人狠 也。 稍或怠緩,亦是慢。」〇又曰: ,非但色莊 戾,固是暴; 暴, 「此言持養久熟之功 「此章主意,最重在貴字上。」 E 粗 顔 厲 而已。 色而 也。 稍 不 以 近信,則 慢,放肆 温 上下 恭,亦是 Œ 兩 其 旬 顔

省

則 亦 力耳。」〇 只是就

黄氏曰:

此

外 察

不過 反

致

涵 日

一養,亦

非動容貌

省察,而不可有造次顛沛之違者也。 (皆脩身之要、爲政之本,學者所當 「脩身之要、爲政之本二句 是逆理。」籩,竹 内在」者,「色莊」者,「色取仁 持守着力,至其 用力於其内。 信者多矣。」〇《語 謹於言動之間 ,此是倍。」〇又曰 須 子所 Ē 不到 「容貌 乎?」問: 只 背 是 氣 一颜色、 、是淺 裹 理 豆。 未有不正其 近 面 積 、顔色、 重者, 聲 近 實 也 出 Œ 久純熟,乃能 者 處, 0 氣 而已。 録》日 豆,木豆 後 辭氣之外,别 最宜 正是着 《語 辭 此 正其 也 顔 在此 「鄙便是 氣,見於外者也 是鄙 録》 内 色 : 玩 今《集註 顔 而行違」者。 妹,但 自 而 力之辭 信 Ĕ. 鄙, 色, 能 恁 是 有此 説 又 有 信 正 地 言道 但見 「今人議 有説 莊 事 凡 其外 一以以 正 實。 否?」日 效 敬 様 段 《文集 而 陋 卑底 荷不 爲 而 得 方 作 操 者 I 誠 色, 雖 欲 操 不 已 甚 也 是 僞 夫 實 也 存 論 無 存 曹 近 近 有 īΕ 説 髙 而 身而 也。 便 那 則 事 外以養其中,則 日 句 刻之違,其所謂操 内,又從目今臨 自 在三言之外起意,其工夫全在 次 身之驗,非莊敬誠 要,孰有急於此者乎! 其 況 得。 籩 爾。 大暴 顛 ,本末不 内,安能使其 有 豆等小事, 沛之違,則 司之守, 若全不 慢 也 偏 信 曉 終 便 事 臨 心 也 事持守之説

是

所

不

在

外然

君

話 脯 有

倍

實背於理者, 見得雖無甚

差錯

今本以爲脩身之要,學者所當操存 外之無不 實 可 鄙 正 涵 0 倍 養 理 也 Ė 有素者不)陳氏 口 乎? 皆 明 也。 心 E 敬 術 有 可 能 「《集 之 諸 存 所 中 則 省察 註 誠 以 形 Ψ. 見 》舊 形 可 時 M 者 固 諸 涵 本 不 脩 外 也 可 養 以 之説 爲 有 身 制 不 之 浩 於 Œ

信。」

辭,

言

語

已。」〇又曰:

這

亦著力不

得。 裹

若

能

表

如

倍,與背同

謂

「色厲

而

顔

色

而

不近

器數之末,道之 不若今本工夫鎮 始 以 存,則 兼 至於 貫 在 密 全 將 其 Ŀ 親 死 體 義 三句 切 爲 固 息未 既 長。」若 所 無 可 謂 絶 以 不 省 之前 該 包 察 夫 Ψ. 5,然其 籩 皆 則 日 涵 在 無 豆 下 養 有 分 之 在

目

前

뻾

目

下

則

疎

任 然

其

舊

説

雖

有

根

原 闊

却

物 事 [已。]〇又曰:「人於身己上事都不照管,却只去理 **遵**豆之事雖亦道 豆 裹盛乾底物 不得。 如 而 事 何 非 自 之所寓 解 只這 君 任 是不 那 子之 ,然自 有 得。 箇 司 自 ? 有 有 所 也 有 人管 須着曉始 若 重 司 遵 矣。 了, 裹 但 盛 君 責之有 得 有 子 語 · 只 但 汁 録 脩 所 底 司

細 蓋 之事 斯遠 色則 身而 得於平日涵養之原。」 意旨深遠。」尹氏曰:「養於中則見於外,曾子 重 | 者是上面三事耳。| ○程子曰: 則 以脩己爲爲政之本。 鄙 則 不妄,斯近信矣。 言 有司 有司 倍。 也。 ·存焉。」《語録》曰 存。」《語録》曰: 周旋中禮 三者正身而 暴 出 不外求 若乃器 「明道之言,簡約明白 辭 慢 「尹氏温淳易直 「動 斯遠矣。 氣,正由 故 容貌 用事 日 中 物之 遵 E 舉 ,故有 出 豆 顔

斯矣。」
〇曾子曰:「以能問於不能,以多問於寡,有

也 如 唯 曰:「今從之者, 校,計校也。友,馬氏以爲顔淵是也。 故 知義 此 S 雖能 胡氏 理之 而常若不能、雖多而常若寡、雖有且實而常若 日 無 非顏子不足以當之也。」顏子之心 、窮,不 唯 知 義 理之無窮者, 見 物 我之 自脩之念不已 有 間 故能 胡氏

> 知有餘 至「實若虚」四句 我相對在,聖人便和 也,所以釋「犯而 餘在己,不足在人,以理言也,所以釋「以 全是無我,顏子却但是不以我去壓人,却尚是有 爲在人,非幾於無我者不能也。」《語 侵犯於我, 無若虚焉。 問:「顏子已是無我、《集註》如何下幾字?」曰: 在我,不足在人,不必 ·在我不起計校之心焉。」() 不見物我之有間者,視人猶己也,故 不校』一 也。 人我都無了。」〇輔氏曰: 不必得爲在己,失爲在人,以事言 句 也。」 得 謝 能 爲 氏 問 在 日 於不 示不 録》日 三,失 箇 人雖有 「聖人 能 知 人 有 與

命,臨大節而不可奪也。君子人與? 君子〇曾子曰:「可以託六尺之孤,可以寄百里之

人

也。」與,平聲

日 之際 其 而不可奪,則非有德者不能也。」〇又曰:「如霍光 六尺之孤 才 「託六尺之孤,寄百里之命,才者能之。 而 口 謂 不 以 可 輔 輔幼主。 奪,可 幼 君、 寄百里之命,謂 謂 攝 君子矣。 或 政,其 《語 節 攝 至 或 至 録 政。」〇 於死 於 ₩ El 臨 擁 大 「托 生 昭 又

不 不 偏 守; 不濟 是事 家雖 也 其 里」,故知爲國政也 也。 事 却 「六尺,年十五」,故知爲幼君 受人之寄矣。 是自家不了事,不能受人之託矣。 如受人託孤之責,自家雖無欺之之心,却被别人欺 兼全,方謂之君子。 節 立 免爲他人所 免爲他人所 、廢,有其節,無其才,雖無欺人之心,而未必 (能也,故云[才]。 在節操上。」曰:「不然。 不 宣 ,故云「節」。 圃 所謂 得 事 無竊之之心,却被别人竊了,也是自家不了事,不 可 **能死** 可 君子 事 理 奪。」〇又曰 謂 君子者,豈是斂手 耳。二〇輔氏 會得方可 也,只是 有 則 才, 竊 欺 自家徒能臨大節 才者,德之用,節者,德之守。 成 也。 也。 偂 德之名 ,若但 簡 『臨大事』,言其『不可奪』者,論其 其 若無其 問: 「輔幼 雖 爲人欺竊而 枉 麦 日 無竊之之心,而未必足以 毒 死 有 也。」〇胡 許后 君 三句 「此本是 節 並脚底村人? 才,是徒有其 「才者,德之用 濟 也。 ,攝國政」,言其 圃 得甚 而 下,事 無才, 都 《孟子》曰「公侯皆方 不可 徒 氏 事? 如受人百里之寄, 不能 是 兼 死, 日 也唤做好 才節 奪,却不能了得 無 般 節 制 如 益 既曰君子,須 説 説 雖 晉 便 周 也,荀 足以託,恐 節者,德 「可」者 二者不 然緊 之荀息 死何 須 不 禮 人,只 是 是 寄, 疏 7 息 ~ 臨大 益 要 才 * 之 恐 П 操 度 百 之 是 是 自 處 他 能 也 節

> 節 註

也

子曰 詞。 可以」,下一句 子之愛是也。 守 徒是也。 如 談既 此 「節 以 設爲問答,所 才 始決然可 有其 與 、節並 二者 操 オ '乃所以承上文也。 無 如 言 謂 雖若並言, 其 是, 節 而 之君子。」 以 復引程子節操之説,蓋 則 可 深著 大者不足觀 謂 而 與, 君子矣。」愚 節 其 謂 爲之本,上 必 疑 既 然 矣, 能 詞 爲 也 霍 彼 光 謂 也 其 旬 而 奪 重 又 於 皆 程 決 集 在 所 妻 云

是弘底 是外面 此弘字 得。 看 窄了,便是不弘。」○又曰:「若容民蓄衆底事,也 只把做度量寬容看了,便 弘 面 不 曾子曰 無用 文字相似 得 寬 那 道 事。 ",謂 理也 人,便包容衆説。 T. 廣 箇 夫處。」〇又曰:「弘字只對隘字看 . 如 也。 ,只執 着得 士 而今人説弘字,多做容字説 ,便不是弘。」 〇 人有許多道 《語 多,人物 不 説 口 録》 ,見衆説皆不復取,便是不弘。 以 日 又非是於中無所可 理。 不得。 也 不 又曰 着得 弘 弘毅 及 且如 多。 是寬 至 「弘雖 學 ~,任 若着得 來,下 廣 一執 7 是寬 耐 重 德不 ,便見 事 則 梢 否。 而 事, 廣 這 這弘 弘, 却 道 是弘 九得。 包容 却 做 事 遠 箇 字 便 得 被 都 便 之 若 如 裹 狹 是 着 X 着

忍。」〇 能容受,能容受,然後能勝其重。 毅,雖 弘 脚 則 中 決,然後能致其遠。」〇胡氏曰: 守,着力去做。」〇又 「處堅 善 一、「弘乃 ·,又爲判别 承載之闊 不 而自足也。 勝得 能)胡氏曰 勝 能 重 厲 也。一毅,彊 在,却 勝得 ,此便是弘。]〇胡氏曰: 其 擔負 惟毅然後能道遠,不以半塗而自 重 彊 箇 恐去前 , 則 得 重 非 任 執 去底 持 毅 「毅却是發處 忍 面 毅 之堅 意。」○ 也。 倒了。」〇輔氏曰:「 便 無 是能 以 惟弘然後能任 忍 《語 彊忍,故能堅決, 又 致 則 擔得遠 「寬則容受之多,廣 日 録》曰:「毅,是 負荷之久也。」非 其 勇 猛, 「毅 遠。 去。 行得 是 重 寬 l 廢 也 弘 忍 語 不 廣、故 來 能堅 耐 面 録 以 立 不 彊 持

身體 之,可謂 任 可 仁者,人心之全德,而 · 可 謂遠矣。 一而力行之」,則異乎説仁而但欲知之者矣。 ·謂「重」矣,非寬洪容受,何以 重矣。 輔氏 E 息尚 二仁 包四者 必欲 存, 勝 此 其任? ,無物不體 以 志不容 身 體 且 耐 日 以以 少 與生 力行 一必 八爲己 懈 頂 欲

遠乎?」

以

爲己任,不

亦

重

乎?

死

而

後已,不亦

弘而 是隘 生,無 能 易其介,是弘而能毅也。 底人,其流失之不恭,則 腸拄肚,少間都没頓著處。」○陳氏曰: 與世之常人無以 之。」《語録 規 造次顛沛之違矣。二〇程子曰: 致其遠? 毅 近。」〇胡氏曰: 之義也。 而不倚,而 而 勝 矩 後可 能毅 陋 然有間 重 而 而無以 譬如 任 難 以 則 且曰『此志不容少懈』,則信乎求仁者 断 有以居之矣。」又曰:「 任 » ⊟ <u>立</u> 而 和 死而後已,可謂 重 重 居之,然夷却不念舊惡, 偂 「程子 遠到。」輔氏曰: 而道 、異。 擔子必先擔 弘 不流 毅 遠 毅 而不毅,如 而 初言弘 丽 無規矩而難立,然惠却不以三公 也 丽 伯 不 有 不 夷是毅底人,其 得 規 弘 弘,如 「遠」矣 毅 起 矩 近世 不 矣。 則 弘 然 可 「此又釋先弘 胡 弘大剛 後 隘 以 楊氏之學者 毅而 氏 非强忍堅決, 而 可 「如柳下惠,是弘 是 偏 炳 門 論 不毅 廢 人,都 毅 能 流失之隘 而 其 毅、然 而能 弘 再 所 無 言必 不可 則 而 恁 行 則 弘 以 其 其 之遠 後 中 地 何 則 也 後 居 無 弘 毅 流 有 立 撑 以

〇子曰:「興於《詩》,

興,起也。《詩》本性情,有邪有正,胡氏曰.

初 咏,謂 感發其善心,《詩》之邪 間 揚者,聲音高下也。 詠,歌之不一而足。」〇胡氏曰: 易 已者,必於此 ,所以 知 抑 詠歌其詩。 南之正 胡胡 揚 氏日 興 反 一始爲 復,其 起 「《詩》之詞 抑 而得 其 正,鄭 揚 反復者,前後重復也。」故學者之 好 謂 感人又易人。 ,可以懲創其逸志,所以興也。」 之。 衛 善惡惡之心,而 詠嘆之聲。或高或下,反復 之淫 明 朝氏曰:「《詩》之正 刀白洞 一奔爲 「吟詠者、歌永言也 達 邪 也。」而 也。」其爲言 輔氏 不 吟詠 日 能 · 可 吟吟 之 自 既 抑 以 謂

禮以 然自立 所東,至此又愈堅 周 文章也 氏曰:「恭主一身而言,敬主一心而言,處己之道 筋骸之束。 者,解使去己; 旋曲 恭敬辭遜爲本,而有節文度數之詳 「折,又能 度數 而不爲 制 遜者,推以與人,接物之方也。節文,品 胡氏曰:「人之肌膚本有所會,筋骸本 纖 度數目 固 悉如此。」可 也。」故學者之中,所 事物之所摇奪者,必 也。 既有以爲處己接物之本, 以 固 人肌 膚之會 以 也。 於 能 此 卓 有 而 節 辭 胡

立於禮

然自立,而外物不足以揺奪之。」 心逸志。 節目明備,外足以 而得之。 學者之中,於此固執 輔氏曰: 固 人之肌 禮 雖 本於恭敬 膚 而 筋 允蹈 骸 而 焉 辭 内 遜,然規 則 足以 足踏實地 禁人之非 矩

成於樂。」

宫聲 半數,謂 射爲宫,便是黄鍾爲商,太簇爲角,中吕爲徵,林 則是太簇爲商,姑洗爲角、 樂有五 故有所謂四清聲,夾鍾、大吕、 八寸,林鍾長六寸,則宫聲槩下 然而無射之律只長四寸六七分,而黄鍾長 聲,中又各有高下,每聲又分十二等。 五聲之別,以括人聲之高下。 其次爲商,羽聲輕清,其次爲徵,清濁洪纖之中爲 聲」,蓋人聲自有高下,聖人制 和,恐是迭爲賓主否?」曰: 音之節、《語録》曰: 可 以 如黄 、概之, 聲十二律, 鍾九 其聲和 寸只用四寸半,餘 矣。 問問 更 林鍾 看來十二律皆 唱迭和, 『樂有五聲十二律 《書》所 黄 爲徵, 五聲以括 聖人又制十二律 面 鍾、太簇 商、 南吕爲 謂如以黄鍾爲宫 角、 謂 律 以 之。 聲 亦然。 是 羽三聲不過 有 九寸、太簇 爲 也。 羽。 依 宫聲 清聲 歌 永,律 鍾 更更 還至 以 蓋用 如 舞 角,此 洪 只 節 唱 此 羽 八 則 其 迭

是先有 歌此 皆相 有許 氏曰: 於自 不同。」 律 日 如 也 也。」故學者之終,所以 見,然今之歌曲, 四 融 是無樂了。 和 何 者,意其取數之甚多者言之。二〇又曰:「人以 順 其 更 圃 應 多 能 爲樂之末,若不是五聲十二律 唱 於道德者,必於此 査滓。 可 却 般。 興 已,舞者舞此而 [渾成一片,有自然底和氣,不是各自爲節奏,歌 語録》曰: 和 邪穢,隱惡之未去者 而不安於爲之之意,聞樂則 决 〈《詩》、 順 以 打成一 始 和 如 Ŧī. 道德?」日 養 於 m 彈琴亦然。 聲十二律,皆有自然之和 詩 立 以 語 亦 人之性 問 片。 爲 歌 禮 録 有 歌 工夫,然後 所 而 已,所以聽之可以 清 『五聲十二律,作者非一人,不 日 舞 謂 聖人依之以 「如金石 濁高下,長短小大,更唱 八 只他 情 查 Ŧi. 音之節,所 至 聲十二律, 也 淬 而得之,是學之成 底是邪,古樂是 於義精仁熟,而 而 用 絲竹,匏土革木, 查 是 蕩 樂 如 可 滓, ŦĹ 他 以 何 滌 以 聲, , 方做 以合天人之和。 勉 和 病 成之。」〇 見 氣。 融 其 强 順 得 和之以 根之未 化了。こ〇 邪 道 得 用 這 古樂不 德 力,不 正,所 樂? 曲 穢 tî. 迭 者 + = 輔 雖 除 亦 聲 和 自 消 氏 須 者 是 知 者 胡 H 以 可 便 1-似

甚闊。 融其 次,乃大學終 戾之意也。 義精仁熟之地 以養人之耳 内 丽 (查滓 則》,十 後學禮。 學者於 丽 使之盡: 自 興 歲 此 則 , 説人之情性, 蕩滌 ,而於道德各極其 起, 學 真 业化 化 身所得 積 幼 則 立 而 則 學者於此 儀; 此三者, 力 不 久焉 反 之難 成 和 涵 其 則 則 學樂誦《 非 順, 易、 邪 泳 自當 渾 穢而 而 小學 全,此 順 先 優 無一 知之。」〇 使之不 游 後、 一節 傳 馬 詩 豪 彊 則 淺 授 存 其 勉 能 之 按 深 間 拂 消 至

學。 子在這 幼儀 曲 禮有節 以 也。 時亦學了,到「成於樂」時 之禮,乃禮之大者。 事長之節,乃禮之小者。 戒。 好 底 ,十三學誦《詩》,從小時 《語 詩》却是初間便得 文可 禮只捉住 裏,到後來方得他力。 凡 録》曰: 有 守。 聞者,人人皆道 樂是 在 「這處是大學終身之所得。 這 到「立於禮」時,始得禮之力。 他 裏 力,說善說惡却易曉, 人作, ,樂便 年到二十,所學乃 ,始得樂之力,不是大時 好。 皆恁地學一 禮,小 與 難 精。 樂雖 我 有 時所學,則是 《詩 甚 作 相 番了,做 於 》有 關 彼 是 可 言 朝 如十 而 以 語 學事 如 廷 聽 樂,小 回 勸 方 宗 人 箇 歲 讀 自 唱 去 可 廟 親 骨

然竦

動

感

發,

故

能義

精

仁

熟

而

和

順

道

德。」

0

輔

氏

日

曲 上得 須以 賱 其 所 後樂、《内則》先樂而後禮 也,是亦所以 之後,亦終之以舞《大夏》。《大夏》,禹樂,樂之文武 此 也 先後之序如此 於禮,禮易於樂,興者淺,立者深,成則又其深者也,故其 三百之大全也,故成 樂之器 天下之英才不爲 先善 學 少 得之先 章所記,乃 得 力, 雖 漸習之, 儀 一詩 有 二十而後學禮 鍾 L 間 反在 》謂: 至 後也。 今 興起,是於詩 所 里 鼓管磬之屬,樂之一物耳。 末梢 雖 幼少 其後 終 大學終身所得 m 成 童 此 於樂也。」〇永嘉 未可 德性純 老 學之序 稚 就 奉 (者,凡 師 事長上之禮,禮 者之序 而 以一 皆習聞之而 後學焉。 此則禮之大者,如六禮之屬,三千 宿 熟 E 夫古人之詩,如 少矣,特以 當 樂之器 此 得 儒 旦 如 ,所以 是於樂上得 之難易先 力, 章非爲學之序,乃論其終身 盡 《内 尚 不同 此蓋小學傳授之次。 能 皆 其 則 陳氏 不 也,故先 I 所以 次操守植立,是於禮 之小 也。 日 後 先禮 能 至其將來 知其説,故能 道 力。程子日 淺 節 者 曉 學 面 「此章先 深焉、詩 夫詩之音 學 而 也 ,不明, 小學於學禮 其 後 樂 今之歌 得 樂, 義 樂,亦宜 ൬ 力處 備 則 禮 後 況 故 律 》易 而 耐 者 誦 六

之矣; 胡氏曰 之制 日: 者則 身,和樂養其心,則於禮樂之本得之矣,是 者,禮之本也 治身, 樂之制雖亡 之聲而 可考尋。 也。 所以 色所 於禮也。 廢壞 學者乎? 應對,以至冠、昬、喪、祭,莫不有禮 自 當因 致樂以 m 是以 養其 以養 ,是以人倫不明,治家 中 已,適足以 周衰,禮 樂尤甚焉。 樂書 「程子以爲今皆無此,蓋因 心 其 斯 尚 而 血 古人之樂: 治 古之成 其目,歌詠所以 是不 則 和樂者 須 存 心。 禮 脉。 盡 樂崩壞 者而 不 樂之理 蕩 闕不存,後之爲 和 今世所用,大抵 外 人 得 今皆 深考之,不可 材 樂之本也 不 心 貌 ,然禮書猶有存 興於詩也。 樂, 斯 則 也 壞風 須 在 聲 則 易,今之成 無之,是不 不 鄙 俗 故 音 學者 莊 詐 養 不敬, 樂 禮 所 無 何 鄭 之心 以 世 者,既 記 衛 其 能 以 誠 自 變 法,是不 古人 者, 之音 有 (性情) 能 人 丽 畫 亦足以 又 面 養 補 得 也。」〇日 材 之矣。 不能 制 以 嫚易之心 謂 傷 乎? 其 雜以 莊 度 嘆 成 自 也 耳,采 立 文爲 合 敬 致 焉。 舞 今皆 難 於 得 洒 一身而 然禮 先 治 莊 禮 真 夷 樂 蹈 立 掃 其 敬 以 狄 尚 Æ EH. \pm

成 「興於詩」者,亦未嘗不存也。」 然可 德也。 知, 三百篇之詩 如 能 反復 涵 雖 泳 云難曉,今諸 直可 以 感發其性 老先 生發明 情 則 其 所 謂

子日 使之知 民 以然乃根原 多事件之類,皆日用常行當然底。 使之知也。」〇陳氏曰:「理之當然,如父慈子孝之類,亦 者有未易得聞者,而況於庶民乎? 以使民由之也。 謂民之秉彝、百姓所日用者也,聖人之爲禮樂刑政,皆所 民、莊子以智籠愚之説。 之心乎?」輔氏 是大綱,説其纖悉曲折,乃是中間慈孝節目,如《内則 其所以然也。 民可使之由於是理之當然,而不能使之知 知 、設教,非 了,則是 :「民可使由之,不可使知之。」 但 來歷,是性命之本處。」○程子曰:「 後 能 不 其所以然,則莫不原於天命之性,雖學 世 使之由之爾。 欲 或問此 日 朝 人家 「所謂聖人不使民知者,乃老氏愚 四暮三之術也,豈 朝三暮 一節。 喻 而 曰:「理之所當然者,所 四,朝 非謂其 户 蓋不能使之知,非不 若曰聖人 曉 四暮三,詭 也,然 所以然者,所 聖 不 不 譎 · 使 人 能 聖 淤 不

> 卒以此亡,可不戒哉!! 者,專用愚黔首之術,不知民可欺以暫,不可欺以久。 不能開明下民之心,如申、韓、 易誑,亦如愚民不知義理,輕爲喜怒也。 四」,衆狙皆怒,曰『朝四暮二』,衆狙皆喜。 心,不能使之知之,但 誠,聖人而肯爲是哉?)真氏曰: 「朝四暮三,出《列子》: [能使之由之者,聖人之不得 使民家喻而户曉者,聖人 斯 、鞅之徒,所以 狙公賦芳曰『朝二暮 聖人之教 狙 治 也。」 之本 其 惟 知 故 或 恐 而

已甚,亂也。」好,去聲。 〇子曰:「好勇疾貧,亂也。 人而不仁,疾之

義者之所爲。 疾之已甚 勇疾貧,則其心固惡矣。 心,善惡 窮勢迫,則必有不肖之心應之,此其亂在人。二一者之 作亂之理,此其亂在我。 傷道、争闘、悖逆之事。 使之無所容,則必 好勇而不安分,則必作亂。 則 雖 亦流於不仁矣。 疾不仁已甚之亂,乃不依仁者之所致,使 殊 然其 好勇則有作亂之資,不安分則 致 若其惡不仁之心,則本善也 生亂 惡不仁之人而使之無所容,事 亂。 故 則 好 輔氏 勇 惡不仁之人而 也。 疾貧之亂,乃 曰:「亂,謂 輔 氏曰: 「 好 但 有

其心終於善,則亦何由致亂哉!」

〇子曰:「如有周公之才之美,使驕且吝,其

餘不足觀也已。」

盛,則 也,其 事。 又曰: 蓋 觀 皆才也,然有美有惡。 於 而 技藝之美,必不能 於理,才出於氣。 也 者也、《 才美,謂智能技藝之美。 吝之所有 小實者 其 不驕,無 有周 作《 才亦無不足。 智 丽 金縢》之書,周公自言其多才多藝,勝於武王, 所 周 能 驕吝 公之德,則 程 以必盈於虚 所 乃 禮》一 技藝之美可 子 用其吝。 驕之所恃也,故 驕,氣 焉, 日 世 書,天下 居 : 若但有其 廣居,立 固 亦 也。」〇 此盈於虚者 有 若周公之智能 盈。 自 此 見。」 不 優於 細微之事, 甚言 足 無 正位,行大道,爲 驕,)愚謂 以騙而 吝,氣歉。」《文集》 才 德 **、驕吝**; 觀 輔氏曰: 前 而 矜夸。 矣。」輔氏 不吝,無以 驕吝之不可 ,所以必 短於才者, 無 矜夸鄙嗇,所以 其 蓋無 技藝,則又才之美 若但有周公 德 「凡能 歉於實 則 不 吝, 保其 知,無 日 向 然 雖 前有爲 有 德 バ騙; F 、「德 鄙 $\stackrel{>}{\exists}$ 也。 不 釋 而 智 極 者 嗇 着 吝 又 歉 能 其 能

相爲貫 閉藏 藏者 藥之。 上自 説道理,這自是世上公共底物事,合當大家説出 所以矜夸者 有 了,别人却 事,合使便着使。 了,却没差異,所以吝惜 驕 義。 迹若相背 王, 吝其收縮也。 下之人,未有 者吝之枝葉,吝者驕之本 語録》曰"「驕却是枝葉發露處,吝却是根本藏蓄處。 ,别人無,自家便做大,便欺得他。」○胡氏 ,自家便驕得他 吝 有一般人,自 氣 難 ,惟恐人知,及其驕 雖 知。 盈 驕之證 通 有 也。 而 氣 有,無 學者欲翦其枝葉,又當先拔其本根也。」〇 馳 歉 盈 即 《集註 者 發於外, 前 歉 則又推 可 ,然其所以閉藏者,乃 姑以驕吝於財者觀之,方其吝也 若只恁地吝惜,合使不使,只怕自 恁地吝惜,不肯説與人,他只怕 驕 日 便 之殊,然其 强 閉 》特 欺 得 加 原 藏者爲之地 發此 得 也,張王矜夸,惟恐人不知。 在 吝之證 人,所以吝惜 不吝, 吝而 矜夸鄙嗇 他。 此。 義以 如 獨有自家會, ,藏於内。 曉 貨財,也只是公共 根。 勢常 之所 也。 人,欲 欲資以矜夸也 在 由 譬之枝葉本 故嘗驗之天 相 不驕 此。 人知其 生 發者易見, 日 因 也。 獨 别 者也。 人都 病 驕 是 人都 來。 蓋 愚 收 底 根 其 自 家 其 驕 謂 永 其 縮 張 家 無 世 如 不 識 而

吝爲本根 着得下兩句 「未有驕而不吝、吝 若主吝説 嘉 派在内, 陳氏曰: 、騙則 ,驕爲枝葉,到下兩句方見得相爲用。」 則 「朱子是主驕説,故以吝爲本根,驕爲枝 發見在 「驕亦吝之本根, 吝亦驕之枝葉。 外,有夸滿 盈溢之意。 而不驕」。 但吝是氣,斂 立解 如 此 只 看 可 方方 葉。 以

○子曰:「三年學,不至於穀,不易得也。」易,

得也。 以 不然則不學矣。」〇楊氏 例之,則前後相應。 所以勉人也。 在人所向,特反覆間 誤也。」爲學之久,而不求禄,如此之人,不易 穀,禄也。 一,舊説皆訓 干 禄 輔氏曰:「後世之土,求禄之志皆在爲學之先, 爲 善。 間 惟 至,疑當作志。 況 邦 不易得 有 以至爲志,則其義益精 耳,何至於三年之久而 其下 道 無道,穀之穀,正指爲禄。 謂 曰 - 者乎 善之難 : ? 雖 胡氏曰: 成 子張之賢,猶 也。 然則三 無成? ,或聲同 然善之與 「穀之訓 年 而 以 亦 (惡, 學 字 此 非 不

好學; 死者,篤信之效; 信或非其正,不善道, 徒死而 篤,厚 用,而不可一 能 信,而未能至死不變,則其信亦不篤矣,雖曰 守死者,篤信之效, 學,徒守死而不足以善道,則又君子之所不取 則不能好學,非 學之功。或問:「四者更相爲用,何也?」曰:「非篤信 以善其道,然守死 好學,則所 走作也。 推以 不守死,則不能 善道,則 而力也。 己。 不篤信,則不 有闕焉者也。」〇胡氏曰: 信 其 守 蓋守死 善道者,好學之功,互而 或 學亦無用 死則無以 面 愚謂: 非 則所死或失其所 善道, 能善道者,好學之力。 其 m 者篤信之效,善道者 篤信者,言信得深厚牢 能好學; 順 不 Ē 矣。 善 而言之也。 道。 足 此四 以 不守 然徒 善 者 · 逆 「不篤信 然篤 之所 求之也。」 篤 其 死 而推之也。 不好學 信 道 好學,而 以 然 也。 丽 則 信 則 更 雖 不 ", 則 則 不 而 ·固,不 不 相 蓋 能 好 能 亦 不 守 所 爲 不 篤 能 好

| 則隱。見,賢遍反。 | 危邦不入,亂邦不居。 天下有道則見,無道

君子見危授命,則仕危邦者無可去之義,

〇子曰:「篤信好學,守死善道。

好,去聲。

愐

不

至於穀,宜不易得也。

邦

有道

一,貧

且

賤

焉,恥也;

邦無道,富且貴焉

道

隱

綱 恥 也。

在

外則不入可

也。

亂邦

未危,

而

刑

政

紀

亂

曰

則

藏 氏 碌

世

際,宜 見道 夫好學以善道 先務,必如此,然後其本立。 言。 入,但 知其後來必不可支持,亦須見幾而作可也。」〇胡 當及其方亂未危之時,去之可也。」天下, 是未仕在外,則不入。亂邦不居,是已仕在内,見其紀 紊矣,故潔其身而去之。《語録》曰 以 「天下無道,譬如天之將 者能 ,不能從吾之諫,則當去之。」○問:「危邦 明,信 國言 乎其優爲之矣。」 或 此 有 · 到 之。 去就之大義也。」此惟篤信好學、守 道 道 猶 見 此 漁篤 無可 居其 則隱 可 ,則見道明矣; 輔 視時 雖 氏 國, 去之理 生死 E 而 其身 則當與之同 出 夜,雖未甚 猶 「篤信好學,守死善道,此士 矣。 人。 不能使之變,況出 去就 而不見也。《語録 篤 然其 通天下言 信以守 出處,乃其末節 暗 人失則 患 1,然自 難,豈 死 在於不能早 當與斯 則 此只 舉一 「危邦不人, 信 復 固 處去就之 (向暗 道 可 [是不 爾。 道 氏曰: 世 に篤矣。 死 .去?! 相 日 去。 去 善 而 且 之 爲 綱 可

有爲, 以有道而貧賤, 死者,有守也。 之全德也。」輔氏曰: 如是,然後知與 退,苟居富貴,是無能守之節也。 見用,荷猶貧賤 實,豈不可恥之甚哉!」○胡氏曰: 是 日 ,則有能守之節 治 去 碌 碌碌庸人,而不足以 世 庸人,不足以爲士矣, 就之義潔,出 「所貴於士者,謂其 而 示 一亂必 無 在 能 可行之道,世亂 (行相應,始與終 無道 不人不居,則見則隱者,去就之義 有守。」〇 ,是無可 其位,不謀其 ,故退不失己,進 則富貴爲恥 行 「好學善道者,有學也。 處之分明, 爲有亡矣。 之道 進 晁氏 而用 無虧,可謂 也。 者,出 以是 目 政 則 而 可 邦 不失義。 冒士之名而 邦有道 有 爲恥 , 恥之甚 無道 無 處之分明 有 然 可行之道 君子之全德。」 能 後 則 ,則賢 學 一,則 若 守之節 爲 世 咸 也 有 也。 篤信守 治 (者當 無 賢者必 君子 潔 無 退 士之 守 必 也。 焉 必 知 輔 圃

而

〇子日 大夫問 程 子 日 .而告者則有矣。」輔氏日 不, 在 其 位 則不 任 其 「不在其 事 也 一,若 (位而

四六七

可爲也。」

可爲也。

君大夫問而不以告,不仁而不

其政,不義而不可爲也。
君大夫問而不以告,不仁而不

盈耳哉。」擊,音至。睢,七余反。 ○子曰:「師摯之始,《關雎》之亂,洋洋乎!

復有總結之意 指篇末。 氏曰【《國語》云「以那爲首,其輯之亂,曰自古在昔」,正 樂正又次之,適齊最後。 適師摯在官之初,故樂之美盛 亂。」洋洋,美盛 皆是亂。 爲風始。」《語録》曰: 師摯,魯樂師名摯也。亂,樂之卒章也。 曰:「《論語》論正樂者四: 古賦「亂曰」、皆卒章也。 想 其初必是已作樂,只無此 意。 史記》曰: 「自「關關 蓋此章與樂正章意一也。」 孔子自 語魯太師當在先,此章次之, 雎鳩」至「鐘鼓樂之」, 《樂記》又「亂以武」。 衛 關 反 辭, 雎》之亂以 魯 如 到 此。 而 此 正 處 胡氏 樂, 便是 胡

吾不知之矣。」侗、音通。 控、音空。
○子曰:「狂而不直、侗而不愿、控控而不信、

人。」愿,謹厚也。 悾悾,無能貌。《語録》曰:侗,無知貌。《語録》曰:「侗,是愚模樣,不解一事底

馴。 也。」〇蘇氏 然天地無棄物,聖人無棄人,故又知其爲不屑之教 也。 以 夫有是病而無是德,則又下之下者,是天下之棄才也 必 病,此固善也。 輔氏曰: 是德,故馬之蹄齧者必善走,其不善者 中材以下,有是德則有是病。 直,無知者多謹厚,無能者不解作僞,今乃不然,非 之之辭,亦不屑之教誨也。 · 控控,是拙模樣,無能爲底人。」吾不 是三者品量天下之才 有是德,此 事出非常,則非聖人之所知。 有是病而 「天之生物,氣質不齊。中才已上 猶 日 中才以下,則有是德必有是病,有是病 可 取 無是德,則天下之棄才也。」 「天之生物,氣質不 也。 ,則無餘蘊矣。」 智以 照之,道以御之可 此雖是甚絕之之辭 輔氏曰: 知之者, 有是 則 「狂者多率 · 齊。 有 病 也。 必 甚 常理 丽 其 必 有 絶 海 亦

氏曰:「爲學之勤,若有所追逐,然惟恐不及。其用心如竦然,惟恐其或失之,警學者當如是也。黄言人之爲學,既如有所不及矣,而其心猶一分曰:「學如不及,猶恐失之。」

説 此,猶 日 姑待明日,便不 學 恐果不可 如 不 及而 及,猶恐失之,不得放過。 竟失之,況可緩乎?」〇 可 也。」陳氏曰:「此章大意, 程 才 子

説爲學 義,纔放過待 用 I 如 明日 此之急。 便緩 ,便失了。 」〇 程子不得 放 過,又發 愚謂: 纔 明 放過時 恐失之

即是間斷。

義。言天下自是天下,我事自是我事,不被那天下來不以位爲樂也。《語録》曰:「不與,只是不相干之魏巍,高大之貌。不與,猶言不相關,言其

移着。」

天爲大,唯 〇子曰:「大哉堯之爲君也 唯 稱 之一,所以準平高下也,故以準訓則。」蕩蕩,廣遠之 了,猶獨 也。 言物之高大,莫有過於天者,而 堯則之。 也 則 猶 蕩蕩 準 也。 乎 1 輔 氏曰: 民 巍巍乎 無 「準者,五則 能名 1 焉 猫 唯

之也,與天同德,而自不能不則之也。」之不可以言語形容也。輔氏曰:「堯非有意於則堯之德能與之準。故其德之廣遠,亦如天

巍巍乎 焉。 《語 成。 樂法度而已。」〇尹氏 是大裏面 己。」陳氏曰: 法度也。 成功,事 録 所可名者,其功業文章巍然 唯 》曰:「堯與天爲一 事,準則之以治天下,亦是德裏面事。」 堯則之以治天下,故 業也。 其有成 堯之德不 「尹氏説當與前合作 "功也; 焕,光明之貌。 曰:「天道之大, 處,民無能名,所能名者事 可名,其可見者此 焕乎,其有文章! 意看。 民 文章,禮樂 無 無爲 焕 得 無 然 子業、禮 而 爲 而 成 而 名 而

○舜有臣五人而天下治。治,去聲。

五人,禹、稷、契、皋陶、伯益。

武王曰:「予有亂臣十人。」

氏曰:「《荀卿子》曰:「治亂謂之亂,猶治污謂之污也。」《書‧泰誓》之辭。 馬氏曰:「亂,治也。」輔

姜治内。或曰:「亂本作乿,古治字也。」子無臣母之義,蓋邑姜也。九人治外,邑生、南宫适,其一人謂文母。劉侍讀以爲夷、太公望、畢公、榮公、太顛、閎夭、散宜夷之訓治,其來久矣。」十人,謂周公旦、召公則亂之訓治,其來久矣。」十人,謂周公旦、召公則亂之訓治,其來久矣。」十人,謂周公旦、召公則亂之訓治,其來久矣。」十人,謂周公旦、召公則亂之訓治,其來久矣。」

孔子曰:「才難,不其然乎?

唐虞之際,於斯

爲盛。

有婦人焉,九人而已。

多於前 可將上一句存在這裏。 舜有天下之號。際,交會之間。言周室人 用 「問:『《集註》此句恐將「舜有五人」 | 句閑了。」曰:『寧 才之多,惟唐虞之際,乃盛於此。 氣,以爲二之則不是,則以才爲德之用宜也。」唐虞,堯 夫子之言,便使人有敬重愛惜人才之意。」才者,德之 才難,蓋古語,而孔子然之也。 稱孔子者,上係武王君臣之際,記者謹之。 也。 於今爲盛,却是舜臣五人,不得如後來盛。」」降 輔氏曰: 「德出於性,才出於氣。 若從元註説,則是「亂臣十人」却 輔氏曰:「詳味 程子論性 《語録》曰: 即

> 才之難得也。 自夏商,皆不能及,然猶但有此數人爾,是

謂至德也已矣。」三分天下有其二,以服事殷。周之德,其可

匪。黻,音弗。洫,呼域反。 乎鬼神; 盡力乎溝洫 〇子曰:「禹,吾無間然矣。 下,别以孔子曰起之,而自爲一章。」 揚也。 《春秋傳》曰:「文王率商之畔國以事紂。」 只二人,皆可爲而不爲者也。」或曰:「宜斷三分以 乃不取而服事焉,所以爲至德也。孔子因 武王之言而及文王之德,且與泰伯,皆以 「文王之德,足以代商。天與之,人歸之, 蓋天下歸文王者六州,荆、梁、雍、豫、徐、 至德稱之,其指微矣。」《語録》曰:「孔子稱至 惡衣 惟青、兖、冀,尚屬紂耳。 禹,吾無間然矣。」間,去聲。 服,而致美乎黻冕; 菲 飲食,而 卑宫室,而 范氏 菲,音 致孝

論 語 卷第

薄也。

致孝鬼神,

謂

享祀

豐

潔。

衣服,常

間

罅

隙也,

謂指其罅

隙而

非議之也。

菲,

皮也。

有虞氏以革,夏后氏以山,殷火,周龍章。

祭服

謂

之黻,朝服謂之韠。

左氏:「帶裘舞舄。」是,冠也

一,胡

氏 日

「冕冠上版前低後高,因俛而得名。」皆祭服

也。

服。

黻,蔽膝也,以韋爲之。《語録》曰:「韋,熟

四

後學 成 德 校訂

矣。 或問: 朝廷之禮,所謂有天下而不與也,夫何間 於自奉,而 非 瀦水,潦則泄水 尺,溝半之。」夏制當不甚異 廟朝廷之禮,百姓衣食之源,則未嘗不盡心,所以不容於 無罅隙之可議也,輔氏曰:「言禹之自奉常薄,而宗 夫爲井,井間 謂 溝 議也。」故再言以深美之。 潛畎澮距川是也。」○胡氏曰:「《周禮》匠人職云:「九 洫 蓋禹既平水患,又治田間之水道,使無水旱之災,所 「溝洫之制。」曰:「見於《周禮》遂人、匠人之職詳 田 間 有溝。 水道, 所勤者民之事,所致 小也。」或 十里爲成,成間 以 豐或儉,各適其宜 正疆 也。 既用以定經界,又旱 界、 ○楊氏 有 備旱潦者 油。 飾 洫深 曰 者宗 一,所 、廣皆八 也 廟 薄 以 崱

四七一

説仁,人便自不把當事。」○輔氏曰:「義者,天理之公也。

數言之,不惟

使人躐等,亦使人有玩之之心。

蓋舉

口

便

論語卷第五

朱子集註 後學趙順孫纂 疏

子 罕 第 九

凡三十章。

子罕言利與命與仁。 罕,少也。程子曰:「計利則害義,命之理

所以壽天窮通者,是氣也。 理言者,有以氣言者。天之所以賦與人者,是理也,人之 微,仁之道大,皆夫子所罕言也。」《文集》曰: 流於貪欲之私耳。」」〇《語録》曰:「命只是 「有自然之利,如云「利者,義之和」是也。 「問: 「計利則害義,害義則勿道可矣,罕言何也?」曰: 理精微而難言,氣數又不可 但專言之,則 一箇命,有以

所以罕言。」 强語之,則反起其妄,且或使之忽庸行而不謹。 使之棄人事而不脩。 之微,則人有所難識,知未及而驟語之,則反滋其惑,且 性之首,所以見乎四德而無物不體,是其道爲甚大。 臭俱無,以氣言之,則雜糅難辨,是其理爲甚微。 仁乃五 矣。」〇又曰:「命乃天之所賦予萬物者,以理言之,則聲 利者,人欲之私也。天理人欲不兩立,計於彼則害於此 道之大,則人有所難 盡,德未至 此夫子

理

丽

○達巷黨人曰:「大哉孔子! 博學而無

成名。」 達巷,黨名。 其人姓名不傳。 博學 ,無所 成 所

名,蓋

美其學之博而惜其不成一藝之

名也。

執射乎? 吾執御矣。」

子聞之,謂門弟子曰:「吾何執?

執御乎?

盡委之而至於廢人事,故聖人罕言之也。仁之理至大, 執,專執也。 射御皆一藝,而御爲人僕,所

得如 分弱 貨志》:「周布幅廣二尺二寸。」程子言,古尺當今五 注:「八十縷爲升,升字當爲登,登,成也。」《前漢書 於今尺,若盡一千二百縷, 布,似如今極細 升,四十杪也。 成,不如 儉 冠者,首服之總名。 + 則 謂 此。| 〇胡氏 縷, 省約。 五分有 用 則 絲之省約。 其 :奇,爲 古尺一 絹 緇 日 : 經二千 般 布 冕者,冠 經 幅只闊二尺二寸,如深衣十 禮: 冠, 這處升數又曉未得。 須 百 『朝服十五升,冠倍之。』 是 四 以三十升布爲之,升 《語 中之别號。」純,絲 十縷,故細密 一幅闊不止二尺二寸, 白 録》 縷矣。 曰 八八 難 + 細 古尺又 成, 縷 密 而 寸 五 爲 也 難 鄭 方 短 食 謂 五 升

之也。」〇

尹氏

曰

「聖人道

全

而

德

備,不

可

則

從容閱肆如此,非

若常人之暫見而

旋隱,勉繼而力充

輔氏日

:「承之以謙者、

庸

行

也。

禮之發也

,唯聖人之發

則

吾

將

執

御

矣。

聞

人

譽己,承之以

謙

也

執

尤卑。

言欲使

我

何所

執以成名乎?

然

蓋

聖

人而

不知者也。

故孔子曰,欲使我

何

所

執

mi

得

爲名乎?

然則吾將執御矣。」

其

所

學

者

」博,而

惜

其不

以

一善得

名於

世

以

偏

長目之也。

達

巷

黨人

見孔

子之大,意

拜下,禮也;今拜乎上,泰也。雖違衆,吾

成拜。 . 臣 取大夫所酳 臣 解 與 賓,升 君 輔氏 行禮,當 成拜。 觶 日 興 鄭註 以 案燕禮 酬 拜於堂下。 賓 『升成拜 降西階 君 燕卿大夫之禮也。 下 復 再拜 再 君 拜稽首也。」又觀 辭 稽首 之, 公命 乃 分 升

)子曰:「麻冕,禮 冠 麻冕,緇 上 版 也。 布 謂之緇 冠 也 布冠 也 胡 者,染布爲赤黑色,因以爲名也 氏日 今也 純,儉。 麻 績 麻 爲 吾從衆。 布 也。 冕

丽

成名

則

·吾當執御矣,何不以是見名乎!

故孔子不欲以

黨人之所

稱者自居

, m

日

必

欲

使

我

有

所

執

從下。

愚夫愚婦

可

以

與

知,

൬

其

、所以然者,聖人

有

所 以

不

也名。

邇言者觀之,則於此便見聖人道

德純

備

不

可

知善

用絲爲功省也。」

無所成名,謂不以

善得名

也。

此言至爲淺

近

然自

察

文集》曰

達

巷黨人本不知孔子,但嘆美其博學而

惜其

慢也。 릲 氏曰: 節文之細 禮,天子 而 義者 不容易也 以 1,從俗 是而 「君子之於世俗,或從或 賜侯氏以 〇程子日 猶 違俗 山 可也; 以 隨 則 車 時。 人 服 亦 害於義 「君子處世 侯 至於繫乎三 不得以 氏 拜賜,禮 違, 爲 則 異 無 也。」〇愚謂: 適 綱 不 亦如之。」泰,驕 ,事之無害於 無莫,一 \overline{h} 可 常者 從 也 於義 歷]° |輔 萬 制 世 度 mi

〇子絶四: 問: 絶, 言、蓋好 無之甚 不是絶 爲禁止之辭 語 非 屏絶之絶,蓋 「聖人從容中道 無之盡者。 一班,而 也。」意,私 而 養惡 氏 不復萌 毋意 E 《史記 ,則當以 惡 日 「理本於天,意出於己。 猶曰 有不實, 》作 無 毋 意 《史記 **灬之盡** 毋 無。 而 無 心,毋 也。 有所絶、有所毋,何也?」曰: 《史記》作 爾,然必言絕而不言無者,見其 云爾。 》爲 則 然經傳多以 《語 所謂意者爲 正。」〇《文集 固 毋、無古 録 毋 Ĕ: 無爲有無之稱 無 我 《大學》以 「意,是私 私 蓋 意。 通 是 用 也 意 此 誠 故 不可 意 絶字 意 絶 始 爲 毋 論 或

以孤行,必

根

於

理

圃

後可。

此獨以

意言,

即

私

心之發

是一節 我 爲 也。 執 也。」必,期 也。《語録》曰:「意是始,我是終,必、固 終 滯 《語録 重似一 始,起於意,遂於必 也 ¥ 《語 必 節也。」〇又曰: 也。 録 我,是但知 日 語 固 録 有我,不知有人。」四 是 日 「意是絲豪,我是 滯 留留 「必是 而 不 於)期要 化。 固 我 必行。」固 在中 m 成 私己 成 者 Ш

引,循 後, 元、亨、利、貞,元了亨,亨了又利。 出 就 即管固執是我做得是。」○胡氏曰: 日 事 作爲之先,故曰常在 又曰:「必,是事之未來處。」○胡氏曰: 德,貞是好底成就處,我是惡 也。」〇又曰: 得 :「固,是事之已過處。」〇又曰: 故 前 我生意, 一箇我。 ∞ 語 環不 常在事後。」至於我 録》日 意又生必,必 「意是爲惡先鋒。 及至我之根源愈大,少 窮矣。 :「凡起意作 事前。」 《語録》曰: 固 又生固 底 我 事 成就 又 我 ,利了又貞,循環不已。」 常 是爲惡成 生 「如做一件事不是了 「意、必 「二者在已有作爲之 處。」 又歸 便 間三者 在 意 有 事 蓋意 「二者在 宿 , 則 必期之望。」〇 、固三者,只 後。 於 就。 又從 我。 物 必 《語 方有 Œ. 這 欲 常 -間,亦 īΕ 裹生 如 牽 在 於 相 如 成 所 四 嶽

○愚謂 四 者分之,則 各爲一事; 合之,則 相 爲 終始。

程 子 「此毋字,非 禁 止之辭。 聖 人 絶

此 四者 何 用 禁 止 一篇八篇 日 :「絶四,是聖人事,不

地不 思不勉者 ·相似。」《語録》曰:「人之爲事,亦有其 也。」張 子 日 -四 L 者有 一焉。 則 初未必出 與天

於私 意,而 後 來不 能 化 去者。 若日 絶 私 意 則 四 者 皆 無

去聲。

則曰「子絶一」便得,何用更言「絶 四 ? 以 此 知 四 者又

各 鑿。」楊氏 有 一病也。」〇輔氏曰: 日 手非 知 足以 「天理 知聖人,詳視 貫,無意、必、固 而 、我之 默

識之,不足以記此。」

子畏於匡

畏者,有戒心之謂。 輔氏曰: 「聖人非若常人,妄

名。 史記 陽 虎 曾暴於匡,夫子貌 無。」匡 似 地

有畏懼,但臨

危涉

險

則

戒

備之心

自

不可

陽虎,故匡人圍之。」

曰:「文王既没,文不在兹乎?

道之顯者謂之文,蓋禮樂制 度之謂。 不曰

> 謂。 道 丽 輔氏曰:「文即道也,但夫子自謙,故曰文耳。 日 文,亦 謙 辭 也。 兹, 此 也,孔 子自 其實

文王既没 則 道在夫子也。」

天之未 天之將 喪斯 喪斯文也,匡人其如予何?」喪、 文 也,後死者不得與於斯 文 與,皆 也

《語録 難,也 人其 天未 馬 以德言,而 能害,道理 氏曰:「此夫子以道自任,而與天爲一也。 類,此孔子自謂也。二言天若欲喪此 盡其理之當然。 我 得 氏 不説 **当** 奈 欲喪此文也。 天既未欲喪此文,則 與於此文,今我既 曰:「文王 我 必不如 到這 此以道言也。」 「後死者是對上文文王言之,如曰未亡人之 何 Ë ? 其詳 此。 天既 既没,故孔子自謂後 言必不能 已見第七篇「其如 至於微服過宋,戒畏於匡,則 以 斯文付夫子,則 得 違 與於此文,則 天害己也 文,則必 子 何』章。 不因 決 非 死者。 匡 庸 不]° |輔 又以 人之 但 人所 是 使 匡 彼

〇大宰問於子貢曰:「夫子聖者與? 何其多

能也?」大,音泰。與,平聲。

官。 聖人,則 輔氏曰:「大宰與黨人其論聖人雖不同,而其智不足以知 孔 能爲聖者,待聖人之淺也。」 據耳。」與者,疑 大宰見孔子,曰:丘聖者與?」宋,商後,又都商丘是也。」 息,吴子使大宰嚭請尋盟,公使子貢辭焉。」子貢又嘗適 也。」或問:「何以言或吴或宋?」曰:「當時惟 一説未知孰是,故兩存之。 氏曰:「大宰,官名。 此鄭氏所據也。」洪氏曰:「宋大宰也。 鄭氏以爲吴,而邢疏曰:『《左傳》:「魯哀公會于橐 也。 惜其無所成名者,望聖人之全也,疑以多 辭。 大宰蓋以 但《列子》多寓言,恐或不足 或吴或宋,未可 多能 《列子》稱「商 爲聖也。 國 有是 知

縱,猶肆也,言不爲限量也。《語録》曰:「天放子貢曰:「固天縱之將聖,又多能也。」

卒無以人於聖賢之域矣。」

曰:「以多能率人,則人將徇末而忘本,尚

才

而不

務德

> 子聞之,曰:「大宰知我乎! 能鄙事。 事,巨 也。 率人,故又言君子不必多能 聖,而聖人之實,則有不可揜者矣。」且多能 聖而無不通也。 言由少賤故多能,而所能者鄙 餘事,故子貢言「又」以兼之。」 質清明 而所能者又鄙事,則謙而又謙之辭也。 細精粗,始終本末,蓋無 義理本自昭著,而又加以學問之功,其於天下之 君子多乎哉? 輔氏 H 不多也 「以少賤故多 而 不洞 吾少也賤,故多 以曉之。 曉也。 事 爾, 能 雖不 非 多能 固 所以 非以 輔 居 謙 誠 氏 其 辭 爲

來,不復有小小技藝之可見矣。」○吴氏曰:「弟子人。試,用也。言由不爲世用,故得以習於人。試,用也。言由不爲世用,故得以習於藝而通之。《語録》曰:「想見聖人事事會,但不見用,故得以習於字,孔子弟子,姓琴,字子開,一字子張。衞牢曰:「子云,『吾不試,故藝』。」

此者。 記 夫子此言之時,子牢 其意相近,故并記之。」 因言昔之所聞 有 如

子曰: 「吾有知乎哉? 無 知 也。 有鄙 夫問

於我, 空 一空如 也, 我 吅 其 兩 端 而 竭 馬。」 пþ,

音口。

是一言 티: 孔子 頭 理言,必言如是, 但只聖人之言,上下本末,始終小大,無不兼舉。1○ 端 叩,故有發動之意。 言 盡 不 本末、上下、精粗, 而 而 者。 猶言 派所措 敢 「終始以事言,本末以物言,上下以 盡告之耳。」〇 謙 不 而 推 如 手 頭 言 樊 盡這道 盡 尾也。 足」。 而遠之,亦無不盡。 《遲問仁,曰「愛人」,問 己 耳 無 而後該括得盡夫子之告人,必發動 理否?」曰: 如 竭兩端,言徹 吅 知 子 兩 程子曰:「聖人之教 貢 識 端 發 問 無 猶 政 但 動 所 「有 其告人, 哀公問 如子路正名之論 頭 不 也 言 知,日 徹尾 盡。《語 言而 兩 愚謂 道器言,精 政、皆累言 都 頭。 知 盡 盡 雖 人。 者,有數 也。」 叩 録》 言終 於至 乃 問 日 直 加 此 粗 前 其兩 輔氏 言 始、 撃之 説 愚, 以 雖 兩 一此 俯 盡 到 事 愐

進。 子言: 夫語 樊 則 下 廣,是勢不得不如此。」尹氏 而 大,庶幾竦動著力去做。 必以爲淺近不足爲。 其高大,人自難企及,若更不俯就,則 觀於孔子、孟 賢人之言, 聖人之道,必 就之若此,猶 已可也。」又言:『吾其爲東周乎!」只作平常閒 遲 雖 兼 賢人有未熟處,人未甚信服,若不引 L 之問 聖 盡 「如欲平治天下,當今之世,捨我其誰 面 人 亦 極其近,衆人皆可與知; 遺 則 下,語 日 無 智 子 降 引 恐衆 以 「聖人之言,非 則 而 圃 該,表裏如 兩 不是要人尊己,蓋 加 可 自 自 人以 理 端 孔子嘗言 焉,是之 原,不 見矣。」《語 高 竭 而 曰 -一, 遺 盡 爲 一,言之所發 物, 無 高 如 有意於上下兼 如 如如 謂 聖人之言,上 遠 人愈畏 此 此 則 餘 録 有用 兩 ıltı 使 圃 則 則 **∀** 贵 藴 自 端 人知 極 !]便 不 人 我 道 高 憚 聖人之 矣。 自 者 「聖人極 其至 親 不 不 斯 説 則 而 如 能 説 期 道 尊。 人將 不 親 也 也 若 答 孟 不 得 月 之 敢

盡也。 蓋其所得之道本末兼 言哉?'」輔氏 又以聖人所以告樊遲者 ,明之程子所謂 此是 徹 F

曰言焉無不周遍,實則外於倫理者,是語理而遺物也。」如管闚天,只見上去,不見四旁者,是語上而遺下也。 又如管闚天,語理而遺物者,異端之教也。 程子論佛氏之學徹下語,聖人元無二語者,皆所謂竭兩端之教也。語上

○子曰:「鳳鳥不至,河不出圖,吾已矣夫!」

行,故知其文章已矣。」 以其文采,圖以其 於外,禮樂制度之類也。 章,知其已矣。」輔氏曰:「聖人之道行,則文章著見 祥。伏羲、舜、文之瑞不至,則夫子之文 下,龍馬出河,遂則其文以畫八卦。」皆聖王之瑞也。 圖 已,止也。〇張子曰:「鳳至圖出,文明之 曰:「來儀者,來舞而有容儀也。」河圖 鳳,靈鳥,舜時來儀,文王時鳴於岐山。 「伏羲時 出《易啓蒙》曰: 卦 畫。 故鳳至圖出,以兆文明之祥,鳳 文明之祥不至,則夫子之道不 「河圖者,伏羲氏王天 河河中 龍馬負 蔡氏

必作,過之,必趨。齊,音咨。衰,七雷反。少,去聲。○子見齊衰者、冕衣裳者與瞽者,見之,雖少

者。 服。 自然而然,不知其所以然也。」 哀喪心感也。敬愛之心感於内,而作趨之容見於外,皆 感也,如止水,如明鏡,一有所感,則 二一説互相發。 於中而自加敬也。」或曰:「少,當作坐。」○范氏 趨,固是敬,然敬心之所由發,則不同。 齊衰,喪服。冕,冠也。衣,上服。 曰:「此聖人之誠心,内外一者也。」輔 曰:「聖人之心,哀有喪,尊有 心生焉,而因用其敬。見齊衰者與瞽者,則哀矜之心 其作與趨、蓋有不期然而然者。」尹氏 作,起也。 冕而衣裳,貴者之盛服 聖人之心,寂感自然,内外如一。 趨,疾行也。 隨感而應。 《語 也。 見冕衣裳者,敬 爵,矜不 録 瞽,無 E 哀有 裳,下 方其未 氏日 作 成 與

八。在前在後,恍惚不可爲象。此顔淵深喟,嘆聲。仰彌高,不可及。鑽彌堅,不可之在前,忽焉在後。喟,苦位切。鑽,祖官反。○顔淵喟然嘆曰:「仰之彌高,鑽之彌堅,瞻

無遺

至

於約我以

禮

,又要逼

向己身上來,●

無

豪之不

盡。」〇又曰

問

「格物致

知

,是教顔

子

就事

物上

理會,

之用 之則又忽焉 蓋 可 之,則苦其爛 氏 知 人。 日 : 顔 夫子之道 子 神 「無窮盡 竭 惟其用 妙 誠 而 盡 而 不 高 力 在 之神妙 測 一言道 而 無 而 後,無影象之可 也 不 窮 水 可 之體 聖人之道 不 及 惟其 盡 測 高 盡 體 無 故 廣 力以研之,則苦其爛堅 之高 瞻 方體 而 丽 求 之則 無 廣 反苦其 無處 量 前 無 若恍 也。 量 所之可 嘆 未甚端 然 無 故 之也 、

方體 耐 竭 在 執。 誠 的 前 言 而 以 故 此 就 慕 道 輔 不

喟

然以

嘆

其體用之高妙如

此也。」

夫子循循然善 也 以 也 循 己之進,此古人所 可 教之序也。 人矣,故此 。」《語録》曰: 文, 循 輔氏曰:「上既言夫子之道 一有次 致 知 復言 序貌。 格 言夫子道 誘 「博 物 以 夫子之教 貴親 我以 也 誘,引 博我以 炙之也。」 文,是要四 約 人 雖 則 我 高 進 文,約 循 高妙而己之不可及、不 以 侯 妙, 循 也 方八 然有 禮 氏 而 我 面 博 克己 日 次序、善 教 都 以 文約 見 人有序 禮 得 復 博 於 周 禮 禮 我 雨 誘

> 當處,聖人教人,唯 説 與復禮之禮同 博 而比之物則尤精。二〇又曰: 行也。」〇蔡氏曰:「 己復禮,行之事也。 便 克己復禮,却是顏子有諸己。」曰 所 理 文。 是 謂 ,便泛了。」程子 會有諸己。」〇輔氏 二事 蓋「文」字上該乎理,而 ,亦不過知與 此 禮 顔子不 所 字 Ė 行 行 便 即 而已。」 日 此二 有 説窮理,又不説格物,只 山此 是 「顏子不說理,只 檢束 比之理則 所 致 顔子 知 事 知格 「格那 便 非 而 有 物 八尤顯; 於 物, 己。 稱 規 知之外 知之事 矩 聖 致吾之知 進 、説禮 下 輔 繩 該乎 别 氏 也 最 岩 便 説 日 有 切 只 是 箇 所 克

欲罷 從之,末由 不能, 也 既 己。 竭 吾 才, 如 有 所 立 卓 爾。 雖 欲

也。 所 卓,立貌。 加 至 又 力之盡 無 也。 所 既 用 蓋 末, 竭 其 悦 吾 力 之 無 才 也。 也 深 也 而 所見: 輔 此 力 氏 益 日 之 顔 親 盡 子自言其學之 悦 如 有 之深,欲罷 所 所 見 立 卓 益 爾 不能 也

❶ 「己身」,原誤作「身己」,據四庫薈要本改。

虚 於爲言者,反借佛老之説以議聖人, 不可 者。」黄氏日 亦 乎其間耳, 動容以 文約禮之間 見其堅 變之宜 此、或未能無纖豪之私、或未能達義理之正 事施設之間,無非道之寓。 父子、兄弟、夫婦之常,出 過 最 而 教 情性之間 爲切實。 無不可 又 在 人無所用 窺測 誘以後之所 乎 至政 或或 ,或未能及從容之妙。 地位 測 也,故言之者往往 日 前 初 事 夫聖人之道 論之域。 其 而竭其力、則見益精、 動容之際,飲 或 非 用 施設 力 後 有 顏子之見, 問非 造所得 行 雖 深遠 之類 而 夫 事 欲 惟吴氏以 無定所 池。」吴 從之,末 之間 不 一,固 皆 處、去就 難, 可 食起居 流 其 高 有 窮詰之事 也。 於恍 故仰之但見其高 (所謂 以 明廣大不可幾及,然亦不 爲亦 直 氏 由 -後學 非 見其 顏子用 行益熟,而 、辭受、取 交際應酬之務 也 惚無 是 日 高堅 在 所 其不敢者,則委之於 所 己 : 事也。」程 當然之則 峻 H 也。 所 可 謂 一前後者。 用 力,亦不 絶, 據依之 窺 所 窈 ,或未 行事之間者 此 於聖人 舍以至 測。 謂 冥 顔 子 ,鑽之但 卓 子 卓 他 然以 過 能 地。 君 智 大 日 一於政 受聖 然 情 於 人於 通 爾 段 臣 默 . 敢 其 文 性 博 權

著力不得。」《語

録》日

所

以

著力不得,緣聖人「不

到

此

功

尤

又

子所以 勿助 積 則 但 其所能爲之才也。 所容其力。」○輔氏曰: 他寫,今日 生 勉 勉 勉 日 不勉」,介乎二者之境,所未達者一 可 才所能及矣,此其所以著力不得也。」○陳氏曰 識之所能 爾」之地位也。 顏子到這裏也不是大段著力,只他 亦將 當據其所已然,從容 以 mi mi 了,此所以説「大段著力不得」。 而 0 也 至熟, 用 長 中, 至於不勉,今日思之,明日思之,思而至於不 力 自 忽不期 ,則不日 不 未達一間也。」輔氏曰: 知,疾趨大步之所 大 ,到此,其自大而 正如 ·思而》 寫 可 加 明日寫, 欲之謂 而 寫字 而化矣。 到此地位 得了。 化之,則 自 既已盡其所能爲之才,則其工 到 一般。 自 涵 「地位、指「既竭 善充 賢 侕 夫能爲之謂才,竭其 ,則其 生 養, 者若著力要不 趨於化。 非 而至熟,自 會 能 非 ,勿忘 今日 寫底問是 八理爲 至 力 而 也。 之所 勿 今日勉之,明日 間,非人力所能 行 至 自[思 至精 自覺得要著力,自 助, 「力行之積、是才之 惟 然寫得。」〇又 所及矣, 於大,力 吾才,如 預 會, 至 寬 至微 勉不 勉」而之「不思 知 於 以 初寫 也。 非淺 思 才 日 居 有 之, 深 則 前 底 便 思。 夫 所 此 行 楊 爲矣。 勉之, 月 勿 須學 立 此 蓋 是 智 是 日 氏 熟 顔 自 思 猶 忘 浮 卓 無 非 盡

知夫子 然」。 要 録 從,必欲至乎卓立之地也。 禮』,使我 高 其先難之故、後得之由,而 所 在 盡 家,食者之求飽,是以『欲罷 文』,使我 也。」輔氏曰:「嘆其道之高妙,言其教之有序,所謂 能 堅前 也 請 力,不少休廢。 Ē E 爲 一欲從之,末由也已,所謂善學夫子也。」胡 事 也。 也。 此 『雖欲從之、末由也已」,是蓋 事 問 後,語 斯 惟 顔 博文約 而 非 語之後,三月不違 尊 知古今,達事變,然後『約 夫 『程子言「到此大段着力不得」,胡氏又 喟 子 力行所及 子 所聞,行所知。 所 然嘆,此 道 禮 「循 以 體 欲 爲 然後 則 也。 罷 循 深 不 非才之所 顔子學 善 能 知 見 仰 ,既竭 誘」,先『博 孔 夫子 鑽 歸 子 抑 能 之時 而 瞻 既 吾 如 功於聖人也。 爲也。二〇 而善學之者 不 こ所 才,如有所 斯 忽 行者 有得,故述 能 乎?」《語 未 嘆 不怠所 立 氏 也 之 之 我 我 盡 領 程 日 丁,其 立 卓 赴 以 以 其 子 心 E 卓

> 得,是 發嘆,故 之也。」〇愚謂: 顏子言此,非是於可 從,必欲至乎卓立之地,是釋「雖 所立之卓然,是釋「既竭吾 知,非「約禮」則不能。 也。」〇又曰:「古今事變,非「博文」則不 句者,顏子雖無歸功之言,然其所以言,則 末,而嘆其未能遽至聖人之地耳。 功聖人一句未安。 多粗氣力。二〇輔氏曰: 不是到此便休了不用力,但工 「欲罷不能」之意出 不怠所從必欲至乎卓立之地 指如 日 有 無 所立 上事。 此嘆之上,初無某事,非若夫子因 卓 蓋 爾。 從而不從,蓋於其不可 先難之故,是 盡 此 行者之赴家,食者之求飽 心盡力,不少休 非 由字是指夫子循 一才,如 或問 有 所 夫用得 」,何也?」日 歸 》謂 有 欲從之末 然《集 功,但 指 所立 胡 細,不 仰、 説 知 卓爾」。 廢,然後見 註 最 述 鑽、膽、忽。 尊 亦有歸 由 似 爲 》卒不 其 從而 一末 也 所聞 初 所學之本] 旦」。 形 間 由 曾 不怠所 去此 功之意 必 也 夫子 容得 欲 但 用 點 行 從 許 而 所

)子疾病,子路使門 人爲臣

氏曰: 其 夫子時已去位,無 喪 ,其意實尊聖人,而 「子路之意,以夫子之聖,其喪不 家臣。 未 子路欲以家臣 知 所 미 以俯同衆人,必 以 尊 也 治

臣 當 爲 治 有 其喪以尊異之也。 以 輕 重 尊異之。 也 哉! 而夫子當爲大夫,有家臣矣,故 然不 知聖人之喪,豈以家 臣 欲 之有 以 家

病 有 臣。 間 日 吾誰 「久矣哉 欺 ? 欺天乎? 由之行詐 間,如 也 字。 無 臣 而 爲

之病 得 輔 病間 氏日 其 介實 而 ,少差也。 也。」故言我之不當 不以告也。 「病時不 知,非謂 既 病 差,則必 時 其 不 病 知,既差乃 有 有 而懵 可見之迹,因 家 也 臣 蓋侍 ,人皆知之, 御 知 mi 者 其 詢之以 見 夫子 事

不可 深 而 欺天, 矣。 欺 輔 也。 氏曰: 莫大之罪。 而 「既斥 爲 有臣, 子 路以 引 則是欺 以 行 詐 自 歸 耐 天而 又 自 其責子 謂其 己。 欺 天 路 人

蓋以見義理之不可

犯也如

此。

手 且予與 乎? 又 葬 無 謂 (曉之以不必然之故。○范氏 寧 "寧 其死於臣之手也, 君 且. 臣 也 予縱不得大葬 禮 輔氏日 葬。 死於道 猶 7,予死 《詩傳》不 無寧死 路, 於道 謂 顯之爲顯也。」大 於二三子之 棄 曰:「曾子 路乎?」 丽 不 · 葬。

> 謂 陷於 之於 爲有 誠 路,所以 將 已矣。]子路欲尊夫子, 乎? 則用 死, 行詐 言動, 臣, 起而易簣。 智 警學者也。」楊氏 是 欺 自 以 雖 天 私,不知行 陷 微 脯 於 不 曰 : 莫之 行 可 詐 不 『吾得 而 其 知 謹。 日 罪 不 所無事 也 . 至 知 非 ΙĖ 夫子 欺 無 加 其 天。 知 臣之不 子,往 斃焉, 子 深 至 路 往 懲 君 mi 之 自 子 子 意 口 斯

善賈 〇子貢 我待賈者也。」韞、紆粉反。 子有道 哉」之辭,則見其理固 韞 不當求之,所以釋「我 \exists 固當賣之,但當 藏 而沽諸?」子曰 固當賣之,所以 曰 : 也。 不仕,故設 「有美玉 賣 貴 B 待 賈 釋兩言[沽之哉. 待賈者也 當沽,而 也 於 此 斯, 「沽之哉 二端 丽 清 賣 意則不亟也。 不當 鰛 徒木反。 賣 以 詳 賣 味「沽之哉 問 也 也。 求之耳。 圃 也 賈,音嫁 藏諸? 但 子 沽之哉 「我待 當 孔 貢 待 以 子 賈,]買者 沽 輔 孔 求 而 氏

欲仕也,又惡不由其道。士之待禮,猶玉尚以孔子出處爲疑也。」○范氏曰:「君子未嘗不此亦子貢始時事,觀後來答叔孫武叔、陳子禽之問,必不也」,又言其實以教子貢,所以長其善而救其失者至矣。也」,又言其實以教子貢,所以長其善而救其失者至矣。

已,必不枉道以從人,衒玉而求售也。」之居於海濱,世無成湯、文王,則終焉而之待賈也。若伊尹之耕於野,伯夷、太公

〇子欲居九夷。

東方之夷有九種。欲居之者,亦乘桴浮海

之意。

或曰:「陋,如之何!」子曰:「君子居之,何

陋之有?」

君子所居則化,何陋之有? 輔氏曰:「聖人能

切矣。」

○子曰:「吾自衛反魯,然後樂正,《雅》、《頌》必居夷之化,而不能使其道行於中國,則天也。」

各得其所。」

魯哀公十一年冬,孔子自衛反魯。是時周

也。」晚知道終不行,故歸 考而後詳,必驗而後信。 訂而知其説。1〇胡氏曰 子既以斯文爲己任,則其周流四方也,必當有以參互 周流四方,參互考訂,以知其說。 禮在魯,然《詩》、樂 在齊聞 「聖人雖生知,然於聲音節奏必 亦 頗 而正之。 《韶》,學之三月,亦其事 殘 闕失 次。 輔氏口:「夫 孔子 考

敢不勉,不爲酒困,何有於我哉?」○子曰:「出則事公卿,入則事父兄,喪事不

愈卑而 自察於 輔氏曰:「與《述而》篇第二章之旨同。」然此則 説見第七篇。 踐 意 履 愈切 之間,不忽於卑 黄氏日: 矣。 輔氏曰: 「指發憤忘食之註 近, 不 「此章所以警學者 違 於微小之意益 而言。」〇 其事 深

夜。」夫,音扶。舍,上聲。 〇子在川上,曰:「逝者如斯夫! 不舍晝

乃道體之本然也。《語録》曰"「道體只是道之骨天地之化,往者過,來者續,無一息之停,

子。二〇 爲 得 那 息。 書 流 天 則當自彊 間斷。」〇 可 窮 幾乎不虧 於人心者,不若形於川 被些障塞,不得 語 體。」〇 道 無聲無臭 本 ,未是道 運 ,欲學者時 夜,未嘗已 而 録》日 體 及其至 不息,物 뻬 加 黄 ,此四 因)又曰: (氏曰: 不已, 於體察, 其 輔氏日 易見者 有此 「天理 本 者 然無這 便 體 是道 恁滔滔 四 非 也, 言言 「日往月來 流 時 矣。」 生 日 致力於謹 者,方見 道之體也,但因 也。 一天 I道之體 行之妙 道 省察, 往 莫 純 而 理流行,無處不然,無 地 但 流 則 便 如 不 亦 是 尋 流去。」〇又曰 者易 程 得 無這 窮 月 獨,使之無 ,若少有私 ,寒往暑來,水流不息 不 111 以 段 從 那 圃 子 皆 來, 見。 往 那 無聲 流 已焉。」《語 窗了, 君子法之,自 無 來 日 無 此則可 不 與 聲 寒 人能 豪 無臭底,所 故 窮 有這 無臭 一欲以 道 髪 往 如 於 即 以 息之間 此 之間 「才不省 爲 則 此 道 處 見 此 間之,便 時 此 録》 體 道 也。」 暑 去 或已 道之體 而 , 方始 以 發 斷 物生 體 有 來 斷 如 説 强 運 然 一,但 以 發 察 則庶 有 脚 何見 如 也 忧 「道 馬 耳。 便 不 T. 水 其 示 道 隱 水 這 不

爲體 是這 於純 道器、 無説 故言 四 也。 彊 體 道 事 其實這許 切底骨子。 箇。 子之説舉 之事矣。」〇胡氏曰: 命,而於知與行 者,道之形體」否?」曰: 也便在 仁,學 也 者,大而造化之流 爲形體 上,只是水上較親切易見。」〇又曰: 前,謂 也。 物事 了。 亦不 學者須是自彊 與 既 兼 道 有 者之事 裏 體用而言之也。二〇輔氏日 物之可 這 盛、載那 四 已之地。 多 須 爲 這 這 画。 物 體 者而言, 體 恐人説 箇 看 體 也。 事 字較粗 其 不加 後 就 見 也。 字 凑合 所 道出 者皆爲 却 面 上 议 若説 不息,不息則久,久則 不然, 物自物,道自道 天道體可 行 功 粗 面 純 「夫子因所見之一物而言,程 如 一來,便 與 如此 焉 來, 便 亦不 此 近而口 只 天只 道 「然。」〇黄氏 口 或 道之體 則 故可見。 者 是形體 爲體」之體,又說 都 ,則與本然之體微不 見 没 作 ė 如 如 見 何。 鼻之呼吸,莫不皆然。」 是 得 者 世窮年,終不足 或輟,若有若 此 道 固 質 高 道 之體。」問 所 也。 一之體 Ō 不專 自 與道 謂 所以 問 地 是 日 「與 安仁, 夫子 彊 只 與 天,然後 於水,亦 便 爲 此 推 道 不息者 如 道 道 在 出 體」,言 Ė, 所 物 爲 無形 此 做 聖 言體 以 那 這 同。」日 猶 厚, 굸 體 以 簡 許 道 坐 口 人 不 窺 子 見 骨 云 體 質之 之親 與之 專 之 因 談 蓋 便 聖 以 所 與 多 子, 又 道 性 却 也 事 物 於 夫 人 性 至 謂 合 那

好

色,

斯

誠

好

德

矣,然民鮮

能

之。」輔氏

日

也。 獨。」《文集》 人之心,純 日 白自 有天 謹 漢 Ĕ. 德, 以 亦 來,儒 川 不 便 爲不已,學者之事也。」〇《語 己 流 可 不息, 也。 者皆 語 ,天運 王道,其 純 不 識 亦 也。 此 不 純 義。 Ė, 要 亦不已,聖人 只 乃 此 録 在 天 見 》 日 謹 德 聖

於獨處間断。1○又曰:「纔不谨獨,便去隱散處間斷了。」是計較。人多無天德,所以做王道不成。」○又曰:「人多「有天德,則便是天理,便做得王道。無天德,則是私意,一之心也。謹獨所以爲不已,學者之事也。〕○《語録》曰:

〇又曰 有欲 於獨處間斷。」〇又曰:「纔不謹獨,便去隱微處間斷了。」 來參人裏面 能謹獨 則無間 便 間 斷 了,如 断 而其 何却 理不窮。 會 如 痈 若不謹獨,便 流 底 意。」〇

也。 輔氏 純 亦 即 不已,非天德 日 是而 「人心即 推 之,便 天德 丽 何? 是 ,所寓天地之道 王 道。 聖人之心,則全具得此天德者 人心、天德、王道 ,常久而不已也 ,只是 一,則

理。」愚

案

自

此

至

篇終,皆勉

人進學不已

〇子曰:「 謝 氏 曰 吾未 好 見 好 好 色,惡惡 德 如 好 臭,誠 色者也。」好,去聲。 也。 好 德 如

> 説,而又言「民鮮能之」。 則誠實好之惡之,至於好德,則多虛僞不實 ·好色、惡臭與好德皆出於性,然人之常情,於好色、惡臭 , **①** 而 心 志容 色皆應, 有不 大凡至誠 可 揜 者。□○《史記 而好,則内外表裏如 故謝 氏 *****: 有此

乘, 孔 招 子居 摇 衛,靈 市 過 之。」孔 公與 夫 子 人 醜 同 車, 之,故有是言 使孔子爲次

《語録》曰:「招摇,如翺翔。」

覆,芳服反。 管如平地,雖覆一簣,進,吾往也。」篑,求位反。
○子曰:「譬如爲山,未成一簣,止,吾止也,

簣 則 簣,其進者,吾自 簣。」夫子之言,蓋出 止 簣,其止者,吾自 其 積 ,土籠也。《書》曰 往 少成多; 一,皆在 我 中 而 道 往 不 而 耳。 止耳; 於此。 : 在 止 「爲 人也 蓋學者 則 Ш 平 言 前 九 地 Ш 輔 功 仞, 自 而 氏曰:「其止 盡 成 彊 方 棄。 ൬ 功 不 覆 但 虧 息, 其 15

●「如一」,原倒乙,今據四庫本乙正、

意不萌,而爲學之始終,蓋不待外求而得之矣。」 也,乃吾自 **气**,非 ;有尼之者也,乃吾自 往耳。 反觀 内 省 止 而 耳。 自 彊 其 不息 進者,非有 , 則 畏與忽之妄 趣 之者

子曰:「語之而不惰者,其回 也與!」語,去

萬 不知其所以然,豈復有懈怠之意哉! 十事也。 子 得 而 惰 冰釋之意。 而 有所不能違 未嘗違之者,知得透徹,行得至到, 與,平聲 物 顔 解 所 時 心 子所獨到 Œ 不 雨 解力行,造次顛 要雨 怠也。 之潤 及也。」輔氏日 力行,謂 也。 時 惟其心解, ,故夫子稱之。」○愚謂: 却 ,發榮滋 故譬如 行得 范氏 裑 此 所以力行。 至到,①既竭吾才事也。 雨 萬物得時雨 曰:「顏子聞夫子之言, 來滋潤 長, 沛未嘗違之。 心 解 何有於惰,此群 自 則 時 謂 然發榮滋長 之潤,發榮滋長 雨,謂 非有意於不違 知得透 解者 此群弟子所不及 及時 散 徹,聞 如萬 造次顛沛 之雨 也 涣 而 也。 弟 物 伙 自 知 自

之焉,於虔反。

其 正 子 也。 謂 顔 淵 日 惜 平 吾見其 進 也 一、未見

> 之,言其方進 進止二字,説 而 見 上章。 未已也 顔 子 既 死 而 孔 子 惜

有矣夫!'」夫,音扶 ○子曰:「苗而不秀者有矣夫! 秀而不 ·實者

勉也 學而 穀之始生日 不 至於成,有 苗, 吐 如 華 此 日 者, 秀, 是 成 以 穀 君 日 子貴自 實。

蓋

四 ○子曰:「後生可畏,焉知來者之不如今也? 十、五十而 無 、聞焉,斯亦不足畏也已。」 馬知

然或不 矣。 其勢可畏,安知 孔子言後生年富力疆,足以積學而 年 富則進學有餘日 言 此 能自勉,至 以警 人, 使及 ,力溫則 其將來 於 老 進學有餘 不如我之今日 時 愐 勉 無 學 功 聞 也。 故 則 足以 不 輔 有待, 積學而 氏 足畏 乎? 日

⁰ 至」, 原誤作「王」,今據四庫本改。

名銷 有待。 以 矣」,蓋述此 盡之矣。]曾子曰: 聞 爲 ,則不足畏 年少而德進業脩,而 《名聞於世,故引曾子之言以證之。』 〇 尹 意。 而可 五 哀。《集註 胡氏 + 日 未易量 而 「舊説以聞爲聞 》謂 不 而可畏,已老而 以 「警人使及 善聞 則 時 道 勉學」、 不聞 ,此説 實隕 氏

尹 巾 少 、氏先釋後兩句,却轉來釋前 。」愚謂: 圃 進者,安知 此 章 前 兩句是勉厲之,後兩句是警戒之。 其 不 至 兩句,見勉厲之意重也。 於 極 乎? 是 口 畏

日

一少

而不勉,

老

面

無

聞

則

亦已矣。

自

懌,從而不改,吾末如之何也已矣。」 巽與之言,能無説乎? 繹之爲貴。説而不 以子曰:「法語之言,能無從乎? 改之爲貴。

繹,尋其緒也。法言人所敬憚,故必從;然法語者,正言之也。巽言者,婉而導之也。

人亦莫如之何也已。」

欲 之直,深所敬 不改,則 而 外 施 仁義,豈非面從。」異言無所乖忤,故必 面從 憚,至帳中 而 已。 可 其 《語録 (奏,可 $\stackrel{>}{\exists}$ 謂從矣。 「如漢武帝見汲 然武帝 内多 贈

> 説; 曠夫; 知繹 也。 性也。 其 也。 有裹糧。□○楊氏曰:「法言,若孟子論 脩,家之不齊,國之不治 繹者,志氣昬惰 矣,而不改繹 之類是也。異言,若其論 人其如之何哉?」輔氏曰: 或 《語録》曰: 則 《喻焉》 然不繹,則又不足以知其微意之所在 語之而未達,拒之而 徒知古人所謂好貨,不知其能使居者 從而不改者,物欲堅彊 徒知古人所謂好色,不 則 而不能 「如孟子論好色好貨,齊王豈不悦,若 焉 尚 庶 則是終不改繹 反 幾其 ,皆由是基之。 求 諸 而 能 -知其 心 不能 「從法語説巽言,秉彝之 耳。 不受,猶之可也 好貨好色之類是 改繹矣。 能 屈 學之不進,德之不 使内無怨女,外 就 若此之人,雖 也 於 有積倉,行 理。]已,雖 從且 行 説 王 圃 聖 説 政 苯 者 無 不

「主忠信,毋友不如己者,過則勿

重出而逸其半。

子 奪,則豈足以爲志哉!」 意不同,意是發動處,志是有主處,夫子所謂『志士仁人, 若可奪也,然其不可奪者,志非 可奪也,然其可奪者,勇非在我也。 謂之志 故 侯氏 有殺身以成仁,無求生以害人」,其可得而 帥 日 可 曰:「三軍之勇在人,匹夫之志在己。 「三軍可奪帥也,匹夫不可奪志也。」 矣。」輔氏曰:「以三軍之勇而 奪 圃 志不可奪,如可 在外也。」〇又曰: 以匹夫而守其志,宜 奪,則亦不足 衛一人,宜若 奪乎? 「志與 如可

者,其由 平聲 子曰: 也與? 「衣敝 緼 衣,去聲。 袍,與 衣狐 緼 ,紆粉反。 貉者 立,而 貉,胡各反。 不 恥

之皮爲 也。 能不以貧富動其心,而可以進於道矣,故 〇愚謂: 蓋衣之賤者。 敝,壞也。 云枲著者,雜用枲麻 纊爲繭, 裘,衣之貴者。 **緼**,枲 謂今之新 《語録》曰:「袍是夾衣,有綿作胎 著 以 也。 綿。 著 子路之· 袍 也也。 緼爲袍, 袍,衣 狐 志 有 貉 謂今纊及舊絮 著 如 以狐 此 者 底。」 也, 則 貉

夫子稱之。

『不忮不求,何用不臧?』」忮,之豉反。 路也。 忮,害也。求,貪也。 者必求。」 此《衛風 所累者也。 欲害之也,求者,恥己之無而欲取之也。 不求,則何爲不善乎? 吕氏曰:「貧與富交,彊者必忮,弱 能於外 雄雉》之篇,孔子引之,以美子 物 一無所累焉,則 臧,善也。 愚謂: 忮者, 嫉人之有 何 是皆爲外物之 往 言能不忮 丽 不 善哉

以臧?」子路終身誦之。子曰:「是道也,何足

進於道。 辭。 終身誦之,則自喜其能,而不復求進於道 之言而深得其味,故終身誦之。 之,要常如此,便别無長進矣。」〇輔氏曰:「子路 身誦之,亦不是他矜我,只是將這箇做 矣,故夫子復言此以警之。《語録 義理 無窮 蓋喜心生於自足,而怠心生於自喜,故夫子又 此特 事之善,若遽自以爲喜,則 此 一句,乃後 好底 $\stackrel{>}{\exists}$ 事,終 人 「所 追 因 書之 夫子 身誦 謂

如子 非不善也。 以 有 之。」輔氏曰:「夫子嘗言:「士志於道 如 之大病。善心不存,蓋由於此。子路之志 言此以警之。」〇謝氏曰:「恥惡衣惡食,學 故 者,未足與 身誦之, 口 進。 此自足焉,則未盡善也。 謝氏以爲學者之大病。 以 此,其過人遠矣。 `路之剛決, 彊於進道 爲善矣;子路之賢,宜 夫「不忮不求,何用不臧」,詩人賦之,夫子取之, 議 則非所以進 但衆人能此,則足以爲善。若向上一等人, 也。」正 以其 人善心 當日 學者須先去得此病,然後可 又激而進之。 然以 於日 不 日 存, 衆 新,又日 新 不 而 也 人 止 以 M 而恥惡衣惡 外 新 故激 此 能此, 物 可 地 爲 丽 而 重 而 則 者 也 進 終 以 澽 食

〇子日 也 惟 范氏 事 畏 癴 威]。」輔氏曰:「小人之在治世,或被化而 臨 加 則 利 日 覬 强於爲善者 「歲寒,然後知 其 害、 :「小人之在治世 免罪 遇 ,故其 事變,然後君子之所守 或 迹 汩 或與 於欲 松柏之後彫 君 而忘其勉强之心 子 一,或 無異 與君子無 也 彊 也 臨 於爲善 利 則 미 害 惟 異 見 利 遇 或

> 得而 其位 僻邪 之趨; 以利害言, 世。」〇愚謂 故能不彫於歲寒。 變。」〇謝 之來,小 之交,萬物青葱 見。」〇胡氏曰: 欲學者必周于德。」輔氏曰:「物之受於天者獨正 移。 侈,故 丽 觀於免罪者,或乘其變而以爲罪之未必及己,則 行, 人則 亦 其真 氏 雖 世亂識忠臣,以事變言 猶重陰 隨時變遷 造 臨利害、遇事變,此是 日 情 ,雖有堅脆之不齊,然未可 「小人在 次 . 發 顛 冱寒, 人之得於天者必周,故能 土 露 沛, ,君子則所守不易 而 治世 一窮見 未嘗 不 生意 可 或與 違 揜。 節 憔 也, 悴, 義 君 唯 不事。 故 世 成 m 子無異 其 德 松 非死 辨也。 亂 所守, 之君 柏 士 者 識 窮見節義 不 獨 生 子 然後 變於邪 忠 蒼然不 禍 及事 猶 則 福 春 臣 Π 可 夏 素 放

○子曰:「知者不惑,仁者不憂,勇者不懼 明足以 爲勝負,公理 曉,故不惑。」理足 仁者至公無私,與 應者各得其度,何憂之有?」〇胡氏曰: 「仁者通體是理,無一點私 燭 理,故不惑 而不 能 理 以勝私,故 勝私 爲 欲 心,事之來者雖 理所當然 ;《語録》曰: ,則憂患多端 不 . 憂; 則 「理公而欲 貧 亦 「直是見得分 無 《語 賤 或未免。 窮, 夷狄、 録》 偂 私、迭 此 E 患 帷

發 足以 序,不憂則自然不惑,不惑則自然不懼。」 勇猶未免此,故夫子常抑之。 故皆在後言之。 智者,仁之根柢 仁、勇,學之序也。 此學之序也。 懼者,非悍然不顧 粗 有助之意,如陰配陽也。 足也。|〇 與道,無是餒也」,今有見得道 也。 厲 皆 惟配乎 素其 配 蓋學之序,不惑而後不憂,不憂而後不)胡氏曰: 道義,故不懼。 位 道義 一而行 ,故論學則以智爲首。 未能 也,主乎義理而言,故以配道義明之。」 無 「勇而 輔氏曰:「仁、智、勇,德之序也; 仁者,智之統體,故論德則以仁爲 則爲道 往 1-斦 智 謂「氣足以 有義理之勇,有血氣之勇,氣本 不自 而 義之助 勇 《語録 若曾子之勇,是乃仁智之 理分曉 得,兹其所以不憂也。」氣 則 而 配道義」者,配 M **∀** п∫ 氣之爲耳,子 而反懾怯者,氣 勇 以 則仁智之發也, 言勇。 子説 懼。 所 則 一配 德之 路之 謂 合 智 先。 不 前 不

道,未可與立; 子曰:「可 可與者,言其可 可與共學,知所以求之也。 與共學,未可與適道 可與立,未可 與共 爲 此 與 事 〈權。」 也 可 與適道 ; 程 미 子 與 日 知 適 :

之後 措之宜 後可 矣。 踏實 權。 與權 而不失乎時措之宜,然後爲可與權也。」○楊 篤 權 所 好學以前 之尾,故 生衡,而 深、行得到、立得定,自然而然也。」〇又曰: 那裏,在上面 求,然後有所往。 知爲己, 志固 稱 往 地, ,却言篤信 至於遇變事,則又須審 不然,則所謂 消調 與適道 也。 執而不變者,亦非是彊勉著意者之所爲, ,而物欲 錘 能知其輕重也。」〇又曰: 銖兩斤鈞皆着於衡,物加於衡之首 然後 事,既篤信 能權 也, 則 <u>\frac{1}{1/2}</u> 可 利 口 地了,事物不足以 何 所 與 輕 可 害不足以 權者,是乃無忌憚者之所爲耳。 知所往,然後有所立。 也? 信 與共學矣。 立 以 與 重,使合義也。 然 道 者, 稱物 後 權。」《文集》曰: 恐信字徹首徹尾,不可 篤 能 度輕重以處之、雖千變萬化 篤 轉移之,其 然 好 뻬 學 志 知 後 也。 「學至於可與立, 學足以明 摇奪之,然後 固 輕 可 °」輔氏 執 應經 今此於既 與 重 7. 而 問 立 「權與 而 者 事 則 權移 固 Ħ 氏 也。 「篤 分先後 善 學適 乃 物 可 無 家 知 日 信 所 留 則 於 鈞 知 以 Ē 知 也 然 舑 미 足 得 謂 用 到 所 而

常 與

然以

孟

子

嫂

溺

援之以

手之義推之、

也

故

桂 氏 至

П

]1]

夫用 權 誠有 程子前說意 經 驟 一於可 用 爲事物所 、共學矣。 篤 能 此 有 凡 者,聖人之大用。 洪 未盡 底 古 語 權 者,是真知而信之,所信意 信 章所引篤字,又應立字爲切否?』曰: 自 二十七 立而 權 也。」程 之難, 物 是 與 駆 mi 氏 立, 事 兩 漢 變 善者。二〇 後好學者,方只信 ~ 易 日 學而 遷惑,故 欲行 以 如 未 節 丽 權 然論 子 有人之病 下 道 欲 能 見 「《易》九 紨 能 得 理 權 Ħ 語 V. ,鮮不仆矣。」輔氏曰: 明乎 權而 輔 可與 之 以 那 無 而欲行之喻,雖 最末梢 見 氏 應 正 「漢 論 善 人 權 日 全離 立。 變,未有 當 熱病 者 識 。 皆 未能 卦 則 底 得箇大概,既 儒 聖人之終 「學本爲己、故知爲 乎 至於能立,然後可 者當服涼 權 道 미 味自 語,方以權終之,見得 以 非 終於《異》以 經,則 理 與 字。』《 能 立 反經 適道。 分 不同。 也。 免者 若 明 而 不 事。 寬 樂 了,信得 言 是。 語 合道 也。」〇 丽 「信道 學之後 權 信道篤 《易》之 其言各 冷病者當服 録 實 權 「洪氏甚 蓋權 只 切 ₩ El 篤三字 爲 行 永 與 而 篤 是 猶 有主 陳 八之用 即 是 嘉 權 又信 苟 實 則 權 「權 經 人 不 陳 不 九 未 而 用 मा 是矣。

未

與

道 知

而

權」,須 包得那 却説得 爲 得。」愚案: 亦經 了箇 則劇 者,亦 變詐,則 亦如此,但説經字太重,若偏了。 煖 者,乃是到 既是合用 然須是下得是方可。 熱藥,此是常理。 權 説 則 一章,故 也。 經說。 然,若用得是,便是少他不得 便 只是經之變。 亦須使扇當風 有冷病却用冷藥發他冷病者,此皆是不可 經權 箇 是還他 用 非矣。二〇又曰: 權。 兹權 且 廢 這 兩字分曉。 如 伊川説 了那 田 先 是 此説本好,只是據聖人 有 冬月便 也 地 兩箇 儒 然有 權 頭 反 ıE 權 須是曉 此 誤 字 所 若有豪氂之差,便至於殺 字。 道 經 便 合著綿向 始 時 以 便是 他説 以 理 合道 「程子將經做箇 道 得。 爲經 有 經 合 此 得孔子説,又曉得伊川 權只在 熱病 權。 權, 恁 自 章 只 也。 之説。 是 地做 是 而 火 遂謂 連下 漢 伊 經 經裏面。」〇又日 却 雖 大抵 ,便是 儒「反經合道」之説 ĬII 此 故故 説 用熱藥去發他 權 是 反 謂 是 文偏 可可 了 雖異 漢儒 合用 權 自 大底物事, 程 「權 經。 是權,若 與 依 只 子 立, 乎經, 説 這 其 舊 是 忽 非之, 權 常 箇 向 不 未 然 經一,意 説 物 用 不是 離 人於 是 如 可 經 而 者 m 事 方 那 伊 與 却 日 離 實

也, 權,但 説然也。 辨」,是各有所發明 湯武事,伊周 力,至是而始備矣。 之義始明,有程子之説 則 不 隨 黄氏曰:「 如迅雷烈風,若無迅雷烈風,則都旱了,不可以爲常。]〇 則 亦只是經。 得不小有移易以就夫權。 時之宜。 權 當權 經 與 有不可行處 而權 然天下之理,惟 經 程子言「權只是經」、《集 遇事之常,則 事,嫂 亦 ,亦當然也。 此程子之説然也。 當 也。 有 而 辨。 援 ,則經權之義始正。 權,變也。 至於用權 但當守一 其當然而 事。 則權雖異於經, 此權經不可 語 常 録 有 如風 ,此權所以合經 定之理,遇事之變,則 常者一定之理,變者 × E 《集註 己, 註》云「權 和日 當 無辨、集註 》之説 經 經 暖 而以其當然 先儒明道之 而 自 經亦 固 則 經 經 也 好。 當 當 經 權 芝 權 伙 有 變 如 自

音。 是兩物。 唐 唐 人棣。 棣,郁李也。 《爾 《小雅》作常 雅》又云: 而 夫子 ,所引, 唐 , 棣。 《文集》曰 棟, 非《小 無作棠者,而《小 棣。 雅》之常棣矣。」偏 常 「《論語 棣, 核。 淡 雅 則 《詩 》常字 唐 棣 召 亦 常 · 南 棣 無 晉 作 唐 自

> 也。 也。 書》作 義,但以起下兩句之辭耳。 爲偏字也。」然則 所謂「偏何姗姗其來遲」,說者以姗姗爲行貌,則 也、《角弓》之詩,固 此逸詩也、於六義屬 《語録 翩。 》曰:「言其花有翩反飛動之意。」而 或問 反 有「翩其反矣」之句矣,而 「偏之爲 介亦當 與 翩 一日 翻 興。 同 其所謂 非獨《 E 言 兩句 華之 漢武之賦 晉 爾, 史 亦以 摇 無 語 》爲 亦 意 助 動 伙

子 進。 之意。 意。 曰:「未之思也,夫何遠之有?」夫,音扶 極有 其與「仁遠乎哉」之意同也。」 〇程子曰:「聖人未 嘗言易以驕人之志,亦未嘗言難以 勉人進學之意必矣。 夫子借其言而反之,蓋前篇「仁遠乎哉」之 不知其何所指 但 輔氏曰:「此篇自『子在川上』章以後,皆勉人進 涵蓄,意思深遠。」輔氏曰:「是理之在人,以 此章借詩人之言而反之,雖不 日『未之思也 也。 而聖門論學,大率以仁爲本,故 ,夫何遠之有?』此言 明 に言其 所 阻 謂 人之 是 知 亦

道着 非 意思深遠者,令人涵 極 惰之意。 不肯下堅苦之功。 則 爲易知乎? 聖人之言「疇克爾」哉「 其天然之理 有 二, 涵 図蓄者 但 豪助 曰「未之思也,夫何遠之有?」則只是平 該 則 道 長 精 自 體 益生之意 深微妙 若言其難,則阻人之進, 之微 泳之,但 不 隱 也。 顯 *,未易可 ,所以 覺 進 若言其易,則 學者 意 味 極 知 之工 有 也。 淵 涵 永 夫 蓄 以 無 騙 為難 而遂生其 皆 意 有 人之志 寓 思 窮 知 深 其 盡 乎? 鋪 中。 遠 也 怠 地 丽

鄉黨第十

得 用 楊 力久,然後能 小而見於一身者是也。 者,大本大原是也。 有體有用,體常隱而不見 静 7,門人 氏曰: 之間 得 位 而 也。 皆 後 默識 聖人之所謂道者,不 審 可 故 見 視 而 ,惟容色言動凡見於一身者,乃 所謂 夫子之平日,一 心 而詳記之。」胡氏 解 然大本大原,在學者真 ,用常見而不隱。 至於治 用者,大而治國平天下 國平天下,又 離 日 所 動 平 謂 H 道 體

無行 深體 其中 内以 録之詳 以 全體 夫實 粗,無本末,大至於平天下、 心 禮作樂; 人,宜於此求 旋,自中 而 如 曰 日 中 八之容 用之常,可 聖人之在目 爲之者哉? 貽 應乎 也。 流 也。 則 而 而 後 出 甚矣孔門諸子之嗜學也 不與二三子』者,學者能於用 所以爲善學飲 徒起料想臆度之意,終無所 全 小 及其 外 色言 楊氏所謂 世。 體 乎 至於容貌辭 但 也。 可 以 成 愈 禮 以 詳視 心細則 今讀 學 動 功 焉。」 由 耳。 者 也。 『道不離日用』也,夫子所 是 審 愈密, 蓋 無 也。 因 其 而 記 色 用以全其 輔 盛 聖人自體 得。 不 而 學 雖 書 此夫子 氏 愈近則 治國 爲 德之至, 謹 然 者 H 動 苟 入道之端 即 ,聖人豈 書 家、立 欲 未識 静 體 愈實 而 聖人之道 其 而 潛 益也。」尹氏 處致 動 達 制 ,皆自此 其 事 備 經陳紀、 諸 心 動 乎 故 用 也。 ', 宛 謹 静 用 録 m 外 《鄉黨 於 容 拘 於 謂 則 所 之, 此記 無 妄 以 由 廣 然 聖 吾 聖 周 拘 大 制 精 意 養 功 當 平.

學,豈聖人之道哉!」舊説凡一章,今分爲百身之言動、事物之倫理懵不加察焉,則是異端之下,語理而遺物,窮高極遠,馳心於無爲之際,而於下,語理而遺物,窮高極遠,馳心於無爲之際,而於不聖學之正傳,以垂教於後世也。若夫語上而遺一篇,記聖人之容貌辭色如是之詳且悉者,正所以一篇,記聖人之容貌辭色如是之詳且悉者,正所以

,於鄉黨,怕十七節。

倫反。孔子於鄉黨,恂恂如也,似不能言者。恂,相

《書》訓 言者,謙卑遜順,不以賢知先人也。 恂 先人,即温恭之意也。」鄉黨,父兄宗族之所在 自簡默,況聖人之表裏如一者乎! 似不能言者,所以形容信實之意。 恂,信實之貌。 話考之,宜爲信實,然亦有温恭之意。」似 或問:「恂恂。」曰:「以 議卑遜順,不以 大凡人才信實。 輔 氏曰: 不 《詩》、 賢智 則言 能

故孔子居之,其容貌詞氣如此。

同。便,旁連反。 其在宗廟朝廷,便便言,唯謹爾。朝,直遥反,下

便便,辯也。輔氏曰:「便便,其言明正之意,故以爲

記孔子在鄉黨、宗廟、朝廷言貌之不同 氏曰:「聖人雖不容不言,亦未嘗輕言也。」〇此一節, 悖於理,下之所受者不被其害。]但 之,胡氏曰:「在宗廟 微,升降揖遜之委折。 所出,言不可以不明 宗廟之中, 辯。」宗廟,禮法之所 而典籍亦藏於是焉故也。」朝廷,政 在朝 而 明 在 辯。 廷 辯 , 則可 而 輔氏 明 故必詳問 謹 辯 E 以 而 則 識 「古人行 不 上之所布 制 度文物 放 丽 爾。 禮多 事 極言 之精 之 胡 不 在

誾誾如也。侃,善□反。誾,魚巾反。○朝,與下大夫言,侃侃如也,與上大夫言,

也。 子初仕,爲中都 此 五人。』今合此二節,以爲上大夫、下大夫之别也。 知爲君未視朝時也。既視朝,則不當與大夫言矣。」《王 「《禮記·王制》:「上大夫卿。」又云: 制》,諸侯上大夫卿,下大夫五人。胡 君未視朝時 則上大夫其同列也,下大夫在己下者。二許氏《説 幸 由宰爲司空,又爲大可寇,皆上大夫 也。 胡氏曰:「以下文君在互觀之, 「大國三卿,下大夫 氏 案夫 H

,驅若反

氏曰: 所回 悦終不成 不失事上之恭,静則又不失在我義理之正。」〇又曰: 屈 「先言和悦,後言静。 侃 誾 一向放倒了 誾 侃 ;和? 剛 直 悦 ', 到 也 而 一合辨 諍 和悦者,事長順也,静則不 輔 别 也 氏 B°」《語 處 日 須辨別始 謂能 録 ₩ E 守 理 得。」〇 和 義 悦 而 「和 陳 詭 無 則

反。與,平聲。或如字。 君在,踧踖如也,與與如也。踧,子六反。踖,子亦

隨矣。」

君召使擯,色勃如 敬不寧如此,而意又不忘向君,亦非聖人不能也。」○此 離。」〇胡氏曰"「中者不至於過,適者當其可。」張子 中適之貌。 君在,視 威儀中適,此所以 曰:「二字皆從足,蓋 日 節,記孔子在朝 「與與,不忘向 朝 也。 輔氏 爲聖人也。 日 踧踖,恭敬不寧之貌。 心懼而立不安也。與 也,足躩如也。擯,必刃反。 廷事上接下之不同 君 脚 也。」亦 踖 若作去聲讀,則禮易失於 [雖是恭敬不寧,與 通。 輔 與,威儀 氏 也。 日 (與又 輔氏 却

> 故也。 《儀禮》。 擯,主 心敬於中,則容變於外,自然之符也。 禮也。」勃,變色貌。 但君命之臨 國之君 輔氏曰: 所以接賓者,盡 ,則敬心愈至耳。」〇陳氏 所 「勃如 使 ,顏色之變。 出 躩,盤辟 人主之禮 接 資 者。 意, 貌。 躩 曰:「盤 聖人固未嘗不 而 如 輔 欲賓之無 ,容止之變也 皆敬 氏 日 : 辟,乃盤 一此 君 違 命

所與立,左右手。衣前後,襜如也。襜,赤

占反。

揖

曲折之意。

也。」〇 手。 所 禮》。」揖左人,則左其手,揖 介,直至賓之上介,方聞之賓。]〇輔氏曰: 人說一句,主人之擯傳許多擯者訖,又交過末介 是九人。賓主相見,自擯以下列兩行,行末相 曰:「古者擯介之儀甚煩,如九命,擯五人,介則 如 上公九命, 與 《語録》曰: 立)輔氏 ,謂 日 同 如賓 「揖 爲 則 右 用 擯 自 人,傳 者也。 南 五. 而 人,以次 北 命 出 則 擯 居 也。 右人,則 東 用 傳 揖 者 命數之半, 左人,傳 .「此亦 命。 在賓之右 近。 如 右 見 傳 語 命 命 如 録 其 數 中 主

貌。輔氏曰:「言其衣之前後,襜如其齊整也。」其右,故用右手以揖賓。如此,然後兩相向也。」襜,整資在其左,故用左手以揖賓。居西者在賓之左,而賓在

趨進,翼如也。

如鳥舒翼,所謂造次不違是也。」人疾走,則手易散,臂易掉。今疾趨而進,而張拱端好,疾趨而進,張拱端好,如鳥舒翼。輔氏曰:「凡

賓退,必復命曰:「賓不顧矣。」

矩也。」 此 之左右,衣之前後,手之翼如,皆禮文之至末者 賓退,禮畢之後也。 兩拜賓,更不顧而去。 紓君敬也。 色勃足躩,被命之初也。 〇此一節,記孔子爲君擯相之容。 2動容 周 旋, 無 《語録》曰:「古者賓退,主人送出門外,設 ...不中 皆天理之節文,所當然也。 禮。 國君於列國之卿大夫,亦如 揖 盛德之至,從心所 也, 趨進也,行禮 黄氏 之際也。 欲 聖 至 不 一人於 一於揖 此。」 E. 踰

〇人公門,鞠躬如也,如不容。

鞠躬,曲身也。公門高大而若不容,敬之 | ●

立不中門,行不履閾。 氏日: 門,右扉之中也。 處也。 至也。 氏 門左扉立于其中』是也。」〇《語録》曰: 中乃君出入之所。 中 似。 兩門中。 由闑右,不踐閾。 君多出在門外見人,當闡棖之間爲君位。」〇胡氏曰: 棖,中門,謂棖闑之中,然則門之左右扉各有中,所 中門,中於門也。 人之而如不容焉,則心小而敬謹可知矣。」 也。」閾,門限 日 闖 . 「當尊、不恪,皆非敬之事也。」 ,當中礙門者,今城門有之。 或問:「中門之説。」曰:「疏:門中有闑,兩旁有 「立中門則當 輔氏曰: 臣傍闑右邊 君出 闡如一 「高大則宜無所不容矣,今以眇然之身 也。 出 《語録》曰:「只是自外入右邊門 人則由右扉帳闑之中,故 禮 謂當帳闡之間,君 木拄門, 1如今人多用石墩當 閾,于逼反。 尊, : 此右字,自内出 行 士大夫出 履 古人常揜左扉。 閾 「根,如今衮頭 則不恪。」 而言。」謝 君 亦 出入 謂 門, 7謂之 中 闔 輔 人 相

■ 「拄」,原誤作「柱」,據《朱子語類》卷三十八改。

過位,色勃如也,足躩如也,其言似不足者。

禮》所謂外朝也。」〇又曰:「屏者,乃門間蕭牆也,今殿門 之間、《語録》曰: 之虚位矣。」〇胡氏 位,君之虚 位 「如今人廳門之内,屏門之内,似 日 輔氏曰: 「言過,則 「不言君,但言位 虚可 知 矣。」謂 ,則知爲 門 《周 屏 君

不息者耳。」

不敢以虚位而慢之也。言似不足,不敢曰:「古者朝會,君臣皆立。」君雖不在,過之必敬,亦設之。」人君宁立之處,所謂宁也。《語録》

肆也。

攝 或問: 齊 愚 於是攝 攝 曰 而已,不執之以爲儀也。 五 手摳衣,使去地尺,恐躡之而 謂 玉三帛二生一死,皆以爲贄 八升堂 摳 「攝齊者,是畏謹恐上階時 古者諸侯之堂七尺,尺一級,使裳之齊去地尺,則 「升堂攝齊 齊鞠躬之禮廢,升堂而蹴齊者多矣。]〇《語 也 一,鞠 躬 齊,衣下縫 如 ,則手無所執與?」曰: 也,屏氣似不息者。 宇文周復古,乃不脩贄而 也。 而已。 踏着裳,有顛仆之患。」〇 禮 : 笏則搢之用 傾跌 「古者君 將 失容 升堂,兩 齊,音咨。 臣所 以 執笏 記 也 録 事 執

> 升階不 能無也,但心敬則 近至尊, 躡 也。 氣 容 屏, 氣 肅 藏 肅 也。 也。 其 息 輔 微 氏日 息,鼻息出 細,自 「鼻息出 不覺其 入者 出 入, 壹似 也

如也。復其位,踧踖如也。出,降一等,逞顏色,恰恰如也。没階趨,翼

未忘 敬愈加也。 則身如不容,次則言似不足,又次則氣似不 乃聖人之庸德,豈以事之訖而遽忘哉!」○胡氏 則始乎敬,終乎敬,故到末梢又整頓。」〇輔 敬之餘 階 肅,降 放 也 陸氏 而 也。 退矣,不得復有進字也。」○等,階之級]。」或問 ,下盡階 則聖 ... 曰:「趨下本無 舒, 也。 漸 人之所以存心也可知矣。」()此一節 至於舒氣解顏,若少放矣,而踧踖 氣之有 遠 「何以知無進字?」曰 也。 《語録》曰: 所 尊,舒氣 張 趨,走就 弛 也。」恰 「若衆人到末梢便撒了,聖人 進 解 字,俗 位 怡, 顔。 也 「降而 和 輔 本 復 氏曰 氏 説 盡 有之, 餘敬, 位 也。 階 曰 也 日 !,則 踧 愈 「升則 敬 近 爲 誤 没 初

堂也 既見而下階也,則且喜且 在矣。 若有過焉,則又不容於不盡其敬也。」 躬,不中門,不履閾,卑巽之至也。 己之位,則爲之脩容焉。 人門,事之始也。 孔子在朝之容。 」,則其卑異如人門升而見君也,則其恭敬甚於過位。 色勃足躩,言似不足,恭敬之至也。 門,君之門也,望其門如 黄氏曰: 其復位也,追思其見君也 幸, 而氣少舒矣。 「此記在朝之容,有五 位,君之位,則真若 升堂,則 没階而 見 君 焉。 ,慊然 將 君 節。 復 之 鞠 君

授。 執執 勃如 圭, 鞠 戰 躬如 色,足蹜 也, 如 蹜 不勝。 如 有 循 上 如 勝 平聲。 揖,下 躃, 如

通信。 輕 受玉于中堂,此聘必執圭也。」 只是捧至君前。」〇胡 以圭,以爲瑞節。」〇《語録》曰:「「圭自是贊見通信之物 主,諸侯命圭。 如不 或問: 克,敬謹之至也。 「命圭。」曰: 氏 聘 日 問 鄰 「古者諸侯受封,天子授之 , 聘禮之賓,襲執圭公側,襲 如 或 輔氏曰: 不勝,執主器 則 使大夫 「一圭之重 執 執執 以 能

> 此。 則 地 授。」曰: 齊,高不過揖,卑不過 耳。」上如揖,下如授,謂 升堂有不必摳衣,但防其不及攝齊否?]曰 如有循 促狹也。 用平衡之説。」戰色,戰 至過揖,下不至過授否?1日: 下,莫是心與手齊,如步趨之間,其手微有上下,但 於義爲安也。」〇《文集》曰:「問:「既曰平衡,而又有上 玉高卑容有俛仰。 有執國君之器則平衡之説,而左氏記子貢譏哀公邾子執 舊説謂上階之上,下階之下,但此方説升 足蹜 ,如緣物 既升堂,納圭於君前,則不復執之以下堂矣,所以 蹜,如有 「《儀禮》有授如争承,●下如送之意與此同。 《記記 輔氏曰: 也。 循 ,自不至攝齊矣。 二〇又曰: 故以此但爲奉之平衡不高不卑之意 所 《語録》曰: 一色 謂 懼 而 舉 授 而足 色懼也。 前 也。 執圭 問: 「得之」。」〇《語 曳 狹,亦容 踵。 「若有贄及執 或問「上如揖 平衡,手與 儀之相應也。 蹜 言 堂時 「執圭 蹜 「緣手中有 行 録》曰: 其 舉足 不 ൬ 主,則 下 容 升 心 離 禮 加 如

●「授」,原作「受」,今據《儀禮・聘禮》改。

有幾何?

豈有不勝之理,但敬謹之至,容儀壹似不勝

者

圭,不得攝齊,亦防顛仆也。」

享禮,有容色。

璧以 享,獻 色, 曰 録》曰: 通 和 一聘 信, 是初 「聘 也。 也 有 但 見時,故其 庭實以將 既 以 儀 圭 聘 禮 至享, 而 意 意 享,用 日 比 極 則 : 調時時 於 更 恭 發 圭璧,有庭 漸紓 用 肅 圭 氣 璧 也 既 滿 聘 庭 容。」《語 而 實。 享 實。 則 有 用 録》 容 語 圭

私覿,偷偷如也。

禮 不時 其 臣。 禮 日 足,各有其則。 私 君之信。 則 間 也 覿 偷偷, 稍 也。」〇此 絶 以 孔子,定公九年 輕 黄氏曰 私 私覿 無 私 朝 則 覿 禮 亨 ,則聘使 則 聘 又 此 則 見 節,記 又輕矣, 往 和 既 也。 言 來之事 亦 和, 矣。 出 有 故 使 丽 私禮 孔 仕 語 輔氏 有三 其 私 子 魯 録 容節 覿 物與 爲 了, 至 十 節 日 又 日 疑使擯 和 不 執執 君 所 焉 聘之國君及其 同 聘 執 聘 圭禮之正 如 主,則 聖人之動 有享 於 此。」晁 執 年 鄰 禮 適 八身容手 圭 或 也 乃 齊 亨 無無 氏 之 兩 大 其

> 相 條, 數之半,是以 問 ,擯自是擯。 但 「夾谷之會 孔子嘗言 次傳説 相 7,孔子 是相 其 相 其 紺,古 禮 恐 禮 當 儀 即 暗 擯 如 擯 相之相 反。 是傳 此 緅 爾 道 側 言 日 由 語 語 録 擯 相 用 自 日 是 命

○君子不以 緅,絳 絳,三年之喪既 以 君子,謂 問 語 便是不可 飾 録》日 『練服是 練 色。 服 曉。 孔子。 也。 紺 紺 《語 小样 此箇制 春 即 緅 録》曰: 而 今深底鵶青色。」〇又曰: 飾。 飾,領緣 後 練 紺, 喪 度差異。」」 其 服 服 「絳是淺紅色。」三年之喪 深青 如 以 也。 何 縬 用 揚 爲 《文集》曰: 絳 赤 飾。」○《語 色 色, 以 爲飾?」 揚 齊 齊 録 服 浮 服 也。 Ē 也 用

紅紫不以爲褻服。

克木 此五 水克火,則黑赤合而成 白黑,五方之正色也。 紅 紫,間色不正 方 ,則白青合而 之間 色 也。且 成碧, 紫 以木克 或問 近 以火克金,則 於 以土克水 「色有 土 婦 則 人 青黄 正閒。」日 女子之 則 赤白合 黄 合 (黑合 而 偂 成 1 成 緑 服 而 青 紅 成 赤 也 以 騮 以 黄 金

服也。言此則不以爲朝祭之服可知。輔氏曰"『此亦不可知,但據先儒如此説耳。』、褻服,私居《語録》曰:「問:『古人婦人女子多以紅紫爲服否?』

曰:「朝祭之服,禮服也。」

當暑,袗絺綌,必表而出之。

爲裹服表之,使出於外,不欲見其體膚。 欲其不見體也。 如此,與直情徑行、惟欲是徇者,豈 而出之,謂先著裏衣,表絲 **袗**,單也。 葛之精者曰絺,麤者曰 詩》所謂「蒙彼縐絺」是 輔氏曰: 也。 「袗絺綌,爲暑也。 綌 直天淵之不同 《詩傳》曰: 而出之於外, 聖人處事大抵 給。 哉!」 乃又 表

緇衣羔裘,素衣麑裘,黄衣狐裘。魔,研奚反。

也。

緣絲,絲之蹙蹙者。」

謂 白。 其色之相稱。 曰:「古者衣裘不欲其文之著,必加單 緇 、黑色。 裘之上,必加衣爲裼。 狐,色黄。 《玉藻》所謂羔裘元衣以裼之是也。」❶○愚 羔裘,用黑羊皮。 衣以裼裘,欲其相稱。 緇衣羔裘,是諸侯君臣日 ·衣以 麑,鹿子,色 覆之,然 胡氏 視朝 亦欲

亦然。黄衣狐裘,則大蜡之祭服也。之服。素衣麑裘,視朔之服,卿大夫士亦然,受外國

褻裘長,短右袂。

私家所著之裘。長之者,主温也。袂是裘之袖,短右袂長,欲其温。短右袂,所以便作事。愚謂:此

必有寢衣,長一身有半。

長,去聲

從;而褻裘狐貉,亦得以類相從矣。 謂 而 齊主於敬,不可 曰:「此錯簡 如 寢,故别有寢 此 ",則此 當 條 與 在 衣,其半蓋 解衣而寢,又不可著 明 齊必有明衣 衣變食 以 既 覆 布之下 得 足。 以 ·。」 愚 類 程 明 相 子 衣

狐貉之厚以居。

家接賓客之裘,居家主温,故厚爲之。 狐貉,毛深温厚,私居取其適體。愚謂:此在

●「元」、《禮記·玉藻》作「緇」。胡氏原文似當作「玄」、

去喪,無所不佩。去、上聲。

母,左 君子必佩 也。 君 恐不同子事父母之時耳。」 皆所以備尊者使令也。 **管**遰、大鑴、木燧。J鐫, 焉。 否。 喪 礪之屬 曰 『無所不佩』,則又不止於玉耳。 ,則無所不佩也。」○蔡氏 子 佩 孔 輔氏曰: 右佩用。 無故,玉不去身。 子 玉 ,亦所當有 有 佩象環五 E 衝牙,君子無故,玉不去身,君子於玉 右 「凡佩玉,所以比 微角 左佩紛帨、 事 寸而綦組綬。」此是明去喪則 丽 左宫羽。 不可 貌如錐。 此 是明 、刀礪 日 闕 者,故唯 無 觿 德 以象骨爲之。 、小觽、 凡 「案:《玉 所不佩。 又案《内則》:「子事父 固 帶 礪 必 不可舍。 之屬, 居 金燧、右佩玦捍 有佩 喪則 藻》云。 但 玉, 去喪之時 亦皆 礪 其他 可 唯 轉也。 佩。 去。 古 比 如 喪 佩 去 但 則 之 觽 德

非帷裳,必殺之。殺,去聲。

也。 無 朝祭之服,裳用 是摺處爾。」○輔氏曰: 殺縫。《文集》曰 裳用 Œ 幅而 人身之要爲小 Œ 「帷裳,如今之裙是也。 禮服取其 幅 如 帷,要有襞積 ,故於要之兩旁爲襞積 方正 ,故裳用 IE 襞 幅 積 M 如 旁 帷 即

> 殺縫如 齊也。 則 即今之衣褶也。」其餘若深衣,要半下, 要者有殺縫邪! 如今之裙是也。 殺,從其小,以就半下之法,所以旁有殺縫 若今裙製近要有殺 半下」是一句 愐 曰:「裳之如帷者,上衣之裳皆然,惟深衣則 束身,故不必作摺。 衣 句,取《玉藻》縫齊倍要之語 易置之,下齊倍於要三之一,不爲襞積。」〇 ,則他可知矣。 無 襞 何? 齊倍要,謂 積 而 恐是深衣之制, 取 有殺縫矣。《文集》曰: 」(輔氏曰: 襞積即是摺處耳。 《深衣篇》要縫半下之語。 衣半下,齊倍要, 向下者闊,倍於上面 也。 下齊倍要,則當有殺 要半下,謂 裳下面 「其餘則舉其 衣半當 近要者狹 其 是裁 (幅自全,安得謂 要也。 布爲之,近 也。」曰: 縫也。」〇胡 問 要而 以 最 「齊倍要」是 半 齊 布 重者,如 恩謂 不 窄 「襞積恐 幅斜 倍要, 放 知 「帷 小, 一要者 旁 下 要 裁 裳 Æ 則 深 近 無 面

一羔裘玄冠不以弔。

吉月,必朝服 氏曰: 服 喪主素,吉主玄。 ,故色之黑者不以弔。」 「誠於哀死,故内外 而 朝 弔 如 必 變服 也。」〇胡氏曰: 所 以 哀 「吉凶 死。 異

五〇一

節 事 미 有 裘長短 暑服,亦必 不以爲飾 吉月,月 \Box 廢 也。」 所 ,記孔子衣服之制。 「若未致仕之時,此乃常禮 也。 殺 一此 循 W. 衣,身之章也, 一、惡其 其 貉温厚,取 有裹衣,懼 朔 孔 舊 也。 氏 雜 也。 、遺書, 也。 吉 孔子 其褻 其 間 M (適也。 細微必謹、聖人之常也。」蘇 異 色, 也。 雜記 在魯致 服 雖 胡氏曰: 喪除而佩,復其 ,有不必記焉。」○ 衣裘同色, 欲 常 曲禮,非特孔 服 其 別 仕 不 「齊服、練服之色, 甪 也。 肼 、欲其 ,惡其 如 事 此。 君之禮 常常 稱 (不正 也。 也 此 輔 子 也。 氏 裳 褻 不 氏

齊,必有 身有半,欲以蔽足耳。」此下脱前章寢衣 也,以布爲之。 齊,必沐浴,浴 明 衣,布。 竟, 《語録》曰: 即 齊,側皆 著明衣,所 「明衣,即 反。 以 是箇布衫 明 簡。 潔 長 其 體

至矣。」

齊,必變食,居必遷坐。

五辛。」〇又曰:「今致齊有酒、非也,但禮中亦有飲不至變食、謂不飲酒,不茹葷。《語録》曰:「葷是不食

子謹、 已哉! 常,君子致 醉之説。」 潔變常以 齊之事 遷坐,易常 敬, 盡 無 敬。」 所 楊氏 不用 輔氏曰: 其 日 處 至 也。 也 「變食以致 齊所以 贵 簡 此 細 交神 故、 潔 節 遷 ·,故致 坐 思 記 以易 慮 孔 而

○食不厭精,膾不厭細。食,音嗣。

爲 則能 也。 着。」牛羊 食,飯也。 善,非謂必 必欲如 養人,膾 與 是,欲也。 精, 魚 欲如是也。 麤 之 、鑿也。 則 腥 循理 弄聶 能 害 《語録》曰: 者 而 無 人。 輔氏曰:「以是爲善 切 過 之爲 求, 不 一是 徇 厭 欲則 膾 插 言 教 無 那 以 食 所 米 理 是 精 不 白

食饐 食,音嗣。 臭惡,不食。 而餲,魚 饐,於冀反。 失飪,不食。不時,不食。 餒而 餲 肉敗,不食。 ,烏邁 反。 飪 **前** 甚反。 色惡,不食。 食鐘之

肉 饐 飯 腐 日 傷 敗。 熱 濕 色惡· 也。 臭惡,未敗而 餲 味 變 也 色臭 魚 爛 變 曰 也 餒

者,皆不可 所未至也。 食。 是人力有 實 飪 (未熟 一烹調 輔氏曰:「言此以例其餘也。 所未至也。 之類。 食可知矣。 生熟之節 失烹調生熟之節而不食,則凡人力有所 此 Ŧī. 五穀未成,果實未熟而不食 數者皆 穀不 也。 成,果實未熟,則是 不 足 時, 失烹調生熟之節,則 以 五 傷 穀 人,故 不 成, 天 未至 則 時 不 果 兑 有

割不正,不食。不得其醬,不食。

天時有所未至者

,皆不可

食可知矣。」

所宜 荷 蓋 亦 使害於身也。 傷人也。」此二者,無害於 陸 割 如魚鱠不得芥醬,麋腥不得醢醬, 食焉,則 食耳。 其 肉 績之母,切肉未嘗不方,斷葱以寸爲 一,不得 質美,與此暗合也。 不方正者不食,造次不離於正 是嗜味而苟 輔氏曰: 此二者不食,不使慊於心也。 則不食,惡其不 「食饐 食也。」 而 協し以 人,但不 食肉用醬,各有 則不食。 備 下數者之不食,不 也。 以 不止不備 謂其不備 《文集》曰 嗜 也 味 度, 丽 漢 或 而

肉雖多,不使勝食氣。惟酒無量,不及亂。

食,音嗣。量,去聲。

氣交亂 秩,志亂也。 「志壹則動氣,氣壹則動 氣亦 程子 之飲量各不同,故不預爲之量, 爲 彊 常失之。 以穀爲主,肉爲輔,不使肉氣勝 節,而又不及於亂 食以穀爲主 而然也。」酒以爲人合懽 節 不可 曰:「不及亂者,非 也。」 而 聖人肉雖多,而不使勝食氣,安於禮 不及 使亂,但 屢 舞 亂 ,故不使肉勝食氣。 躚 ,此亦 耳。 躚 氣 志, 浹 聖人從心所欲 輔氏 亂 洽 故二者皆不可 也。 E : ,故不爲量, 而 而 唯 穀,理之宜 至於沈湎 已可 以 「酒以爲人合懽 不 醉 使 爲節 不 也。」 亂 . 踰 使 也, 淫 輔氏 亂。 矩 志 佚 節,不待勉 之 雖 但 輔 而 日 則 不 以 徇 氏 雖 以 而 端。」 醉 志 知 欲 日 m. 醉 其 爲 食 者

沽酒市脯不食。

沽 嚴也。」 不嘗康 市 ,皆買也。 子之藥 同 恐不精潔 意。 輔 氏 \exists 或 傷 聖 人衛 也。 生 與 之

不撤薑食。

薑 通 神 崩 去 穢惡 故 不撤 輔氏日 : 聖 人養

不多食。

生之周也。」

適可而 食者不多,惟理是從,所欲不存也。」 止, 無 貪 心也。 輔氏 日 當當 食者不去,可

祭於公,不宿 不食之矣。 肉。 祭肉不出三日。 出 日,

胙, 以 心,但於其中又自 不食之,是 日 助祭於公,所得胙肉,歸即 宿 不慮其壞 而厭棄之非所以敬神惠也。] 〇輔氏曰: 宿者,不留 (致敗。) ,皆以分 可少 緩耳。《文集》曰:「若出三日 耐 神惠 賜。 褻 然 也 「有隆殺耳。 鬼 蓋過三日,則 也。 神 家 之餘 之祭肉 家之祭肉,則不 公胙宜 也。 雖 可 頒賜。 速均於人,故 少 肉 但 緩,亦不敢 「此皆敬 必敗,而 比 則 君 人將 不 鬼神 俟 所 過 不食 不 賜 人 經 敢 之 留

食不語,寢不

答述曰語。 自言 日 言。 或問: 「言語有別乎?」

「聖人飲食如

此,非

極

口

腹

之欲,

蓋養

氣

念之微,莫非

天理,學者

不

可

以

不

戒也。」

謝

氏

日

日: 焉,寢食則氣 語 聖人存心不 非其 「食對人,寢獨居 時也。」楊 他,當 窒 而 放即 氏 不通, 티 : 食 其 事 而 而言之也。」范 食。當 語言恐傷之也。 肺 爲 氣 寢 主 而 而 氏 寢 聲出 曰

亦 通。

食,音嗣

雖 節。 陸氏 疏食菜羹,瓜祭,必齊如也。 惡其敗,至於失節違理,縱 明無不敬之祭也。」 則不辭矣。 問:「瓜之爲必。」曰:「既曰疏食菜羹矣,而又以瓜繼之, 爲飲食之人,不忘本也。 子雖薄物必祭,其祭必敬,聖人之誠 種各出少許,置之豆間之地,以祭先代 黄氏曰: 딛 曰必 「《魯論》瓜作必。」〇古人飲食,每 「飲食以養生, 祭,則明無不祭之食也。 此 欲敗 故欲其精 節, 德,無不致其 齊, 記 孔 嚴 ,然亦能 子 日 敬 謹 必 飲 貌。 焉。 齊 傷生,故 也 食 如 聖人 則 始 之 孔 或

輔氏曰: 窮 體 一不以 口腹者或反食之,欲心勝 「養氣體不以傷生,聖人飲食之正也。 傷生,當 如 此。 然聖人之所不食, 丽 不暇擇 窮口腹以 也。

快其欲,常人飲食之流也。」

)席不正,不坐。

者,雖小不處。」輔氏曰:「形於外者,雖小不正,不 謝 氏 曰:「聖人心安於正,故於位之不正

處,則存於中者密矣。」

鄉人飲酒,杖者出,斯出矣。

既出不敢後。 杖者,老人也。 輔氏曰:「鄉黨尚齒而敬老,故其出。 六十杖於鄉,未出不敢先,

視老者以爲節。」

鄉人儺,朝服 而立於阼階。 儺,乃多反。

臨之者,無所不用其 東階也。 儺,所以 逐疫、周 儺雖古禮 禮》方相氏掌之。 而 誠 近於戲 ,亦必朝服 作階, 而

疫,雖近於戲,然我以爲有 則 有矣,故必 盡 其誠 敬 以 臨

敬

也。

輔氏

日

「儺以

之。」或曰: 多星辰,地下許多山川,如何不變怪。」.○此一節,記 是多少大, ●如何有些子差忒得! 有天下,則天下鬼神屬焉。 夕之所出處,則鬼神亦必依己而 精神,故祖考之精神依於己。 己而安也。」《語録》曰:「問:「子孫之精神,即祖考之 家之鬼神屬焉, 恐 諸侯守 其 驚先祖 國 看 若門庭户竈之屬,吾身朝 來爲天子者,這 則 五 存。」曰:「一家之主,則 一國鬼神屬焉, 祀之神, 若縱欲無度,天上許 欲 箇 其依 天子 一神明

孔子居鄉之事

○問人於他邦,再拜而送之。

拜。」〇輔氏曰:「使者所以將我之命往見其人,拜而 之,則如親見其人矣,不以遠而廢敬也。」 拜送使者,如親見之,敬也。《語録》曰:「古人 重此禮 ,遺使者問人於他邦,則主人拜 而 送之,從背脊

康子饋藥,拜而受之。 范氏曰:「凡賜食,必嘗以拜。 曰:「丘未達,不敢嘗。」 藥未達則不

0 「多少」,原誤作「大小」,據《朱子語類》卷三十八改。

敢嘗也,受之以禮,而 其中 此。 療之病,皆不知也。 受於其家」,此必拜其賜之禮也。 告之,<u>直也。」</u>朝氏曰:「孟子謂「大夫有賜於士,不得 飲而不飲,皆在其中矣。」楊氏曰:「大夫有賜 以拜,賜之衣服 而受之,禮也。 今未達,故不敢嘗 敢 ·矣。」或問: 然則 受而 可 飲 ,則服以拜; 不 而拜耳。 「范氏之説。」曰 飲 而 未達不敢嘗,謹疾也。 告之以實。」此一節,記孔子 有不宜,則 飲, 則 已而 不 虚 賜之飲食,則嘗而拜之。 可 人之賜 達 未達者,所用之品 疾生焉。 馬 飲 古者賜之車 ,則可飲而飲 耐 故 不 聖人謹疾不 飲, 告之 皆 不可 拜 則 必 所 在 如 蓋 乘

廏 蓋 非 貴 焚。 不愛馬,然恐傷人之意多,故未暇問 人賤畜 子退朝,曰:「傷人乎?」不問 理當 如 此 馬

與

人交之誠

意

君 君賜生,必畜之。 賜 食 必必 正 席先嘗之; 君賜 腥 必必 熟 丽 薦

之卑,因以

自見,此侍君食之禮也。」

亦食,自處以客,將

八爲

敵。 侍

膳夫嘗食,先食如之,爲臣

君臣之分甚嚴,食

行而使 與

,其恩厚矣。

君

祭

亦

君食

胡

氏

日

曰:「不

先

飯。

食,王

中 既殊, 所 生肉。 食恐 者,仁君之惠,無故不敢殺 敬謹之至耳。」言先嘗,則餘 又跪正席。」夫豈先爲不正之席,至此然後正之哉? 之邪?」曰"「席 君 《曲禮》:「主人既迎賓 也。 也。 或 或問: 處 熟 餕 亦異, 餘 而薦 故 固 聖人席不正不坐矣,豈必 如 Œ 之祖考, 鑑 不 ,則請 矣,將坐而又正焉,所以 照 以 形, 薦。 人爲席矣,賓既升堂,主人則 豪氂不差, 當 築 也。 正 以 君 席 頒 賜 輔氏 先 賜矣。 君賜 此 也。 嘗 聖 日 食 爲 人之時 所賜 畜之 愐 禮 如 後 也 對

侍食於君,君祭,先飯。 《周禮》:「王日一 祭,不敢行私 若爲君嘗食然,不敢當客禮 乃食。」故侍食者,君祭,則己不 敬 也。 先飯,不敢當客禮也。」〇 舉,膳夫授祭,品嘗 飯,扶晚反。 也。 祭而 輔氏

疾、君視之、東首、加朝服、拖紳。首、去聲。拖、

徒我反。

東首。 何趾?」這見得有隨意 東首,亦有隨意卧時 矣,平時亦欲受生氣,恐不獨於疾時爲然。」曰:「常時多 東首,以受生氣 云「居常當户,寢常東首」也。 常時首當在那邊? 節。 也。 向 如 時 《語録》曰: 節。 《記》云: 《禮記》自云「寢常當東首 常寢於北牖下,●君問 然多是東首,故《玉 「請 問: 席何向? 「君視之,方 請袵 **火疾**, 藻》

也。輔氏曰:「一息尚存,不敢廢禮,況有疾而君視之褻服見君,故加朝服於身,又引大帶於上

則移南牖下。二病卧不能著衣束帶,又不可

以

乎! 朝服拖紳,蓋禮之變,亦禮之宜也。 然亦必疾病不

能支吾,然後可以如此。」

君命召,不俟駕行矣。

急趨君命,行出而駕車隨之。〇此一節,

記孔子事君之禮。

〇人太廟,每事問。

重出。輔氏曰:「全章見《八佾》,故《集註》不以入分節

之數。」

○朋友死,無所歸。曰"「於我殯。」

己,故曰「於我殯」。 人莫知所處,而夫子有是言也。 之,是無所歸也。 以義合、而其死也、無父族、無母族、無妻族、 朋友以義合,死無所歸,不得不殯。 調 『於義有不得不然者。」○胡氏曰:「朋友,人倫之一,既 但曰殯而不曰葬,則其親者在遠,必补告之,葬未及 爲之朋友者,不任其貴,則轉於溝 此節獨記一『曰」字者,必嘗有是事 古者三日 而殯,三月 無旁親主 輔氏 日 而 愐

言也。」

意迫,開之以受者之不當拜者,其意深。」祭肉則拜曰:「朋友雖有通財之義,故雖車馬之重不拜。輔氏朋友之饋,雖車馬,非祭肉,不拜。

畢,祝以祭之酒肉嘏于主人,曰致福,謂祖考以是福其子

者,敬其祖考,同

於己

親也。

胡

氏

禮

祭

●「北」,原誤作「此」,今據四庫本改

五〇八

之福矣,故必拜。」(孫 也。 朋友不敢專 有其福。 此 一節,記孔子交朋 而 以爲饋焉,是與受其 祖 友 考

狎,

謂

素親

狎。

褻,

謂

燕

見。

貌,

謂

禮

寢不尸,居不容。

義耳。 申夭夭是也。」輔氏曰: 非 其四體,然亦未嘗偃卧而肆,有類夫尸也。」居不容, 惰慢之氣不設於身體,雖舒布 儀。范氏曰:「寢不尸,非惡 尸,謂偃卧 熟,雖寢與居,亦有常則也。」 也,但不若奉祭祀、見賓客之極乎莊敬耳。 容貌威儀也。然居家亦自有居家之容,所謂申申夭夭是 無乎不敬,故惰慢之氣自然不設於身體,雖是寢 亦未嘗肆耳。 惰也。 寢之所以不尸,則非是惡其類於死也。 但不若奉祭祀、見賓客而已,申 似 輔氏日: 死 人也。 「偃卧似死人,所以釋尸 「容儀 居,居家。 ,謂奉祭祀、見賓客之 其 (類於死 其 聖人德盛仁 四體,而 聖人之心 容, 心而舒 字之 也。 容 布

見齊衰者, 褻,必以貌。 雖 狎, 必變。 見冕者與瞽者, 雖

> 凶服者式之。 餘見前 式負版者。

況其下者,敢不敬乎? 也,故《周 版,持邦國圖籍者。 式,車前横 民數也。 禮 人 木。 惟 $\stackrel{\sim}{\sim}$ 萬 獻 有所敬,則俯 物 民 之靈, 數 式此二者,哀有喪,重 於 王, 丽 王者之所敬 王拜受之」。 而憑之。 負

有盛饌,必變色 而作。

若因主人之禮,則是行吾敬。 作,謂改容而起,以致敬 吾敬,因饌則動於欲矣。」 見矣。」〇胡氏曰: 敬主人之禮,非 「變色而作 以 也。 其 饌 若 天理 以禮 因 也。 饌 人欲,同 非以 之盛,則 輔 饌 氏 行異情,此 日 因 是 禮 動 變色 所以 於 欲 口

迅雷風烈,必變。

怒。 迅, 疾也。 《記》曰: 烈,猛也。 「若有疾風、迅雷、 必變者,所 甚 以 雨 敬 則必 天 之

如此。 只得應。二〇此一節,記孔子容貌之變。 不消如此。」問:「當應接之際,無相妨否?」曰:「有事 「有終日之雷、終夜大雨 雖 但亦主於疾風 夜 必 興,衣服 、迅雷 ,如何得常 冠 甚 而 雨。 坐。」《語 如此?」曰: 若平平底雷 録》日 固 風 一問 雨 當常 也 也

〇升車,必正立執綏。

不正 車,則見其如此耳。」 在 綏,挽以上車之索也。 本,然君子全此心 綏,則心體無不正,而 逾人高,故升車則挽索以登。 正立則身不偏倚 ,升車則見於此 而 誠意肅恭」者得之。」蓋君子莊 ,故其 ,執綏則不忘有事。 莊 也。」輔氏曰:「莊敬 敬無所不 誠 愚案:車輪高六尺六寸,車 范氏 意肅恭矣。 在 范氏所謂 ,無時不 曰: 「正 敬 然。 無 乃心體 輔氏曰 心 立 所 但 體 不 執 之 升 無

車中,不内顧,不疾言,不親指。

内

顧

口

視

也。

《禮》曰:

「顧

不

過

穀。」《語

車輪高六尺,圍三徑,一則闊丈八,五轉則正爲九丈矣。録》曰:「「立視五雋,式視馬尾。」蓋雋是車輪一轉之地,

不感人也。」〇此一節,記孔子升車之容。 則失己,惑人則亂人,君子成己所以成物,故不失容,則 語言,指該動作。 立視雖遠,亦不過此。]〇輔氏曰 三者皆失容,且惑人。 言此三者, 則 輔氏曰 於人身亦略 一蓋車 「顧謂目視,言謂 中視物之則 備 失 也。 容

〇色斯舉矣,翔而後集。

言鳥 矣。 當 發,故以爲有闕文也。」 後從之,皆 漢穆生以楚王戊不設醴而去,諸葛武侯必待先主三顧 而後幡然以起,太公、伯夷聞文王善養老而後出 女樂而孔子去。 曰:「色斯舉矣,去之速也。 而 如此。輔氏曰:「退當見幾,進當審義也。」〇真 後下止。人之見幾而 胡氏 見人之顔色不善,則飛去,回 曰:「上不知爲 有得乎此者 翔而後集者,就之遲也。 也。」然此上下,必 何人之言,下不知爲何 衛靈公問陳而 作, 審擇所 伊尹俟湯 孔子行,魯受 有 翔 後世 闕 審 事 文 亦 視 如 聘 氏 而 而

三嗅而作。共,九用反,又居勇反。嗅,許又反。曰:「山梁雌雉,時哉! 時哉!」子路共之,

論 其時。 説。 邢氏 語 聘君云: 子不食,三嗅其氣而起。」那氏名景,濟陰人。 拱執之義。 見《爾雅》。」愚案: 晁氏曰:「《石經》「嗅」作戛,謂 卷第五 姑記所聞,以俟知者。 日 : 子路不達,以爲時物而共具之。 「嗅,當作臭,古閒反。 深,橋 然此必有闕文,不可彊爲之 也。 如後兩説,則共字當爲 時哉,言雉之飲啄 雉鳴也。」劉 張兩翅也。 孔 得

後學 成德 校訂

《儒藏》精華編惠蒙善助,共襄斯文,謹列如 左,用伸謝忱。

黄培瑩女士 ME·TIGER 時裝有限公司董事長 張貞書女士 楊貞書女士

張志峰先生

拾 伍 壹 壹 壹 萬 佰 佰 萬 萬 元 元 元 元 元

北京大學《儒藏》編纂與研究中心

本册責任編委 甘祥滿本 册審稿 人 劉尚榮

